


Moocaani iiji



New Testament in Muinane (CO:bmr:Muinane)

Moocaani iijí

New Testament in Muinane (CO:bmr:Muinane)

copyright © 2009 Wycliffe Bible Translators, Inc.

Language: Muinane

Translation by: Wycliffe Bible Translators, Inc.

Muinane [bmr], Colombia

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Muinane

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022
ee143c59-0697-5cd3-8fac-4f9da98f0b30

Contents

SAN MATEO	1
SAN MARCOS	60
SAN LUCAS	95
SAN JUAN	154
HECHOS	196
ROMANOS	247
1 CORINTIOS	271
2 CORINTIOS	294
GALATAS	310
EFESIOS	319
FILIPENSES	327
COLOSENSES	333
1 TESALONICENSES	339
2 TESALONICENSES	344
1 TIMOTEO	347
2 TIMOTEO	354
TITO	359
FILEMON	362
HEBREOS	364
SANTIAGO	382
1 SAN PEDRO AAME	388
2 SAN PEDRO AAME	395
1 SAN JUAN AAME	399
2 SAN JUAN AAME	405
3 SAN JUAN AAME	406
SAN JUDAS AAME	407
APOCALIPSIS	409

SAN MATEO

*Jesucristo Siicijeminaa.
(Lc 3.23-38)*

¹ Jinoodimou Jesucristo eedeetemihaiu iicaumo. Jaabo Jesucristo David, Abraham, icamisi iyaachi iicaubo.

² Jaabo Abraham Isaac onooboco seemevauhi. Jaabo Isaac seemevauhi Jacob onooboco. Jaabo Jacob seemeneu Juda onoobo bu saatoho inahabomi. ³ Jaabo Juda seemevauhi Fares, Zara, onoomisico. Jaamisi seejiu Tama onoogo. Jaabo Fares seemevauhi Esrom onooboco. Jaabo Esrom seemevauhi Aram onooboco. ⁴ Jaabo Aram seemevauhi Aminadaco. Jaabo seemevauhi Naaso onooboco. Jaabo seemevauhi Salmon onooboco. ⁵ Jaabo seemevauhi Boos onooboco. Jaabo seejiu Rahab onoogo. Jaabo Boos seemevauhi Obed onooboco. Jaabo seejiu Rut onoogo. Jaabo Obed seemevauhi Isai onooboco. ⁶ Jaabo Isai seemevauhi aivojiboo Davidco. Jaabo aivojiboo David taabau Betsabe onoogo. Jaago Urias onoobo taabaco udumitiiciugo Salomon onooboco seemevauhi.

⁷ Jaabo Salomon Roboan onooboco seemevauhi. Jaabo seemevauhi Abia onooboco. Jaabo Abia seemevauhi Asa onooboco. ⁸ Jaabo Asa seemevauhi Josafat onooboco. Jaabo seemevauhi Joram onooboco. Jaabo seemevauhi Uzias onooboco. ⁹ Jaabo Uzias seemevauhi Jotan onooboco. Jaabo seemevauhi Acaz onooboco. Jaabo Acaz seemevauhi Ezequias onooboco. ¹⁰ Jaabo Ezequias seemevauhi Manase onooboco. Jaabo seemevauhi Amon onooboco. Jaabo seemevauhi Josia onooboco. ¹¹ Jaabo seemevauhi Jeconia onoobo, bu inahabomi icamoco Israel cuumiminaaco Babilonia jiinjеви asatyuuдiхivi.

¹² Jaanobuunati Jeconia seemevauhi Salatiel onooboco. Jaabo seemevauhi Zorobabelco. ¹³ Jaabo Zorobabel seemevauhi Abiud onooboco. Jaabo seemevauhi Eliaquim onooboco. Jaabo seemevauhi Azor onooboco. ¹⁴ Jaabo seemevauhi Sadoc onooboco. Jaabo seemevauhi Aquin onooboco. Jaabo seemevauhi Eliud onooboco. ¹⁵ Jaabo Eliud seemevauhi Eleazar onooboco. Jaabo seemevauhi Matan onooboco. Jaabo seemevauhi Jacob onooboco. ¹⁶ Jaabo Jacob seemevauhi Joseque Maria taje iicauboco. Jaago Maria Jesuco seemevauhi Cristo imomo iicaaboco.

¹⁷ Jaamaño Abraham iicaunoti David ifivuunovi icamo fahuseeci siino igueenemeheje idimobacajeva. Jaanoti bu siino tonoodibacajevaro, bu israelmico babiloniam iguiinoniumoro aamocasiunovi. Jaamo nani vaminaaco iicanicibadi. Babilonia jiinjеви satyuumo. Jaanoti bu siino tonoodibacajeva nigaciti jari Cristo fiivuhi.

*Jesucristo Ifiivuuno.
(Lc 2.1-7)*

¹⁸ Jilli Jesucristo fiivuhi seeji Maria Joseque itajevaqui icacuuhi. Jaarugo diibomahi iicautinaacaro seemene ijeebiifaño icacuuhi Moocaani Gaija mitya noojiri. ¹⁹ Jaanaa Jose aiji ijeebii imino iicahicaumaño imuguutiboo miyaminaaco diigo tolli iicaunoco uguubusunoco. Jilli lliivi diigoti gaajaciratino idugaavequi omooniжiruno, ²⁰ esamaajeri icahicaubovi fucu тigafañodi Moocaani

toomominaafi diibovi ajafeveuboro diiboco nuuhi: Jose David iyaachi, igototiiboro Mariaco diitaabati gaayici oono diigofaño seemene ifiivosee Moocaani Gaija seemene. ²¹ Jaasee ifiivoseeqe Jesutí momoni. Jilli diibo momo icaji diibo cuumiminaaco iimititi ataajasujiibo iicamaño, nooboro.

²² Jilli icauno johono Moocaani ihiiamaminaafi Isaia onoobofeedi unuuno imiyacafetequi:

²³ Bagocaja ohoovagoro seemevajigo. Jaabo momoji, Emanuel, nooboro.

Jaano jino momo Emanuel onoono: Moocaani miihaiví gasecuhi, eneejiruno.

²⁴ Jaabo Jose aaicuudi, Moocaani toomominaafi diiboco unuubadi mooniubo Mariaco mogaiti gaayiciubo. ²⁵ Jaarugoma icautiibo iseemeneque iiciugoro Jesutí omomoniutinohachuta.

2

Jiinjeo Maaimomi Jesuco Emeecivauno.

¹ Jaabo Jesu fiivuhi Belen onoocuumiví Judea jiinjevi. Jaasumi Herode onoobo toojiinije aivojíbou.* Jaanaa Jerusale cuumiví gaseumo oriente aamijiti asaaumo maaimomi gaseuhi. ² Jaamo dilluuhi: ¿Cuuca iicaabo judiomí aivojíbo ifiivoobo? Miíro miihai orienteti imeecirigaico maatyimemere jino masaahi diiboco mihimovamo, noomoro.

³ Diito jilli unuunoco ihaivojíbo Herode uguubuuboro niji niji minifutuhi, bu paryi Jerusale cuumi miyaminaa icano. ⁴ Jaaboro ihaivojíbo paryicino sacerdotemí aivojitoco ucuuhuvauboro, bu Moise tajíbaco miyaminaaco ijibeguefimoco icano ucuuhuvauboro diitoco dilluubo: ¿Naa, conoovi fiivejíbo Cristo? nooboro.

⁵ Jaanegui numo: Belen de Judeavi fiivejíbo tolli nooboro Moocaani iimaaminaafi caatiníuhi:

⁶ Ijoho Belen Juda jiinje cuumi, aivo obocigotirucuumi, bu toojiinjeo aivojoguinnovi diicarahi. Jaarunaa Moocaani bocigusuhi. Miíro difañoti aivojíbo fiiveji taacuumiminaa israelminaaco eteemejíbo, noono, noomoro.

⁷ Jaanoma iicaubo Herode diito maaimomico toovono ucuuhuvauboro imino dilluuhi diitoco imeecirigaico cofucu aatyimeunoco.

⁸ Jaaboro diitoco Belen cuumijaa agalluuboro nuubo: Tahi mofoo. Jaamoro imino midillu toosee iicamañoco. Jaamo mahatyimedi uco mijibogo uujoho bu tolliro imetequi, nooboro.

⁹ Jilli nooboro diitoco maaimomico ihaivojíbo ijibeguuneru fuumo. Jaanaaca diibo imeecirigaico aamijiti aatyimeubo diito imega feehicauhi. Jaanofeenevi jari imeecirigai samañoviro minifutuhi toosee iicauno-hallívi. ¹⁰ Jaagai imeecirigaico imaaaimomi aatyimeumoro sihidí imo imo minifutuumo. ¹¹ Jaadi toojafaño ajaaheweumo tooseeqe atyimeuhi, bu seeji Mariaco icano. Jaamoro tooseeguiino ememuiuumoroo tooseeqe imuumo. Jaadi isatyotaaco afaayumoro tooseeqe aciumo oro, insienso, mirra icanoco. ¹² Jaadi tigafañodí diitoco: Herode iicahigodi muhuumidino, noonoro afaguunegui, siijiriro uumiumo ijiinjejaago.

Jesuma Caanimisi Egipo Jiinjeaago Agaauno.

* **2:1** Jaabo Herode Imityaaboo onoobo.

13 Jaamo diito maaimomi ufuunobuunati tigafaño Moocaani toomminaafi Josevi ajafeveuboro diiboco nuuhi: Gañivo jaaboro seemeneque seejima diicíbo Egipto jiinijevi digaa. Jaaboro tahí diica jari ico onoonohachuta Herode amisi seemeneque guiinejiibo igaicaauqui, nooboro.

14 Jaanegui Jose agañivuuboro tooseema seejico iiciuboro fucufeneviro fuuhi Egipto jiinijevi. 15 Tahí icaumo Herode iguijeveutinohachuta. Jilli icauno Moocaani ihiimaaminaafifeenedi unuuno imiyacafetequi:

Egipto jiinijeti Taseemeneque cuuhuvaji, unuuno.

Herode Seemeque Gaisiraicisuhi.

16 Jaanaaca Herode maaimomi diibo ijico agañiunoco agaajaciuboro sihidi sifiratuubo. Jaaboro seemeque paryicino gaisiraicisuubo mificabaciti guinovi iicaumoco paryi Belen cuumiri icaumo seemeque, bu paryi ihallidi iicaucuumije miyaminaa seemeque icano, maaimomi diiboco unuusumi paryi ifiivuusehejeque. 17 Jilli miyaavuuno, Moocaani iimaaminaafi Jeremia acaatinuuno:

18 *Guubuvusuno ico Rama onoohigovi ataacasino sihidi ijivoonino;*
Jaago Raquel iseemeque ataago. Jaago imogotih diigoco aja-cusunoco ochoomocinicuuneguiha, nooboro.

19 Jaanobuunati Herode iguijeveunobuunati siino Moocaani toomminaafi Josevi siino jafeveuhi tigafañodi Egipto jiinijevi. Jaabo diiboco nuuhi: 20 Goova gañivoobo seemeneque seejima diicíbo dojicuviro duhumi Israel jiinijevi guijkevecuumo seemeneque agaicaauguehicaumo, nooboro.

21 Jaanegui Jose agañivuuboro tooseeqe seejima satyuhi Israel jiinijeaago. 22 Jaarunaa Arquelao onoobo caanibuuna Judeavi aivojiboti iicaunoco Jose agaajauboro tahí ufuunoco iguiubo. Jaaboco tigafañodi ijibuguunoma iicaubo Galilea jiinijeaagoviro fuubo. 23 Jahigo iifutuudi Nazare cuumivi icatuubo. Jilli icauno Moocaani iimaaminaa unuuno imiyaavequi: Jesu Nazareoobo, noociniji, unuuno.

3

Jua Nitiminaafi Sicaihigovi Jibeguehi.

(Mr 1.1-8; Lc 3.1-9, 15-17; Jn 1.19-28)

1 Tusumi Jua Nitiminaafi saauhi Judeatí iicanosicaihigovi jibogooboro jilli neehicauhi: 2 Amiíhai imitico mejeevesucu, jino Moocaani aivojí iicajino fiftivucuuhi, nooboro.

3 Jaabo jaani Jua, johono diiboti Moocaani iimaaminaafi Isaia jilli nooboro acaatinuubo:

Saatoho ico guubuvusuhisicaihigotí ocoovadiicinino: Moocaani jiihaico mihimibachu; sano ticovoro jiihaico meheetavo, onoono.

4 Jaabo Jua gaachehuu camellomi ijeene eetavotau. Jaabo machutahicau chahacamí, bajio iimi icanoro. 5 Jaaboco uguubunicivamo saahicauhi Jerusale cuumiti. Paryi Judeao jiinijeminaa, bu Jorda teehi fiftino iicano jiinijeminaa icamo diiboco uguubunicivamo. 6 Jaamo iimitico ijibogonobuunati Jua diitoco Jorda onoohifaño nitihicauhi.

7 Jaanaaca bu diibogaago ajashutimo fariseomioto, saduceomioto icamo diibojaa initiquimaaivamo asaahicaunoco aatyimeuboro diitoco nuuhi: Jiinimomibadi mihicano miyaminaa! ¿Miijoho

amiihaico ijibogonot i mataajaji nihicuno Moocaani omoonijino ifiitivonoti? ⁸ Jaanegui imino mihica miyaano amiihai eedeehifiico mejeevesuno foovono ihifuvusuqui. ⁹ Jaamoro miihai Abraham iyaachimihai, noomoro mihiimaadino. Miiro jino amiihaico neehi: Jiba guisiba icarubati Abraham iyaachimihaiti Moocaani fiivusujirahi. ¹⁰ Miiro jigaaje imibaicinikuhi imohonoco iquitiqui. Jaabadi paryi imohono iiminoco onoovatihelhejeque miquitimoro cijigainaño mijegasutahi. ¹¹ Miyaano na ha uujoho nifaihuri nitihicahi amiihai imitico mejeevesucuuno jibogobadi iican. Jaanoti na ha taabuunati asaabo amiihaico nitiji Moocaani Gaijari, cijigairi icano. Diibo tajanaanicivi mityahi. Jaamaño uujoho aivo ifototih diibo tihaipaajeque asatyeyirunovi. ¹² Jaabo usefaño ipala icacuhi. Jaaneri itrigoco iimbachuuboro ibeevaco aicujiibo. Jaaboro itrigo noovataco igranerofaño ficujiibo. Jaaboro ibeevanoco jigasujjiibo ufucuro ajabaavejitino cijigainaño.

Jesuco Initiuno.

(Mr 1.9-11; Lc 3.21-22)

¹³ Jaanaaca Jesu saauhi Galileati Jorda onoohijaago Jua iicauhigo diiboco Jua initiqui. ¹⁴ Jaarunaaca Jua iticoni imuguutihu. Jaaboro Jesuco nuubo: ¿Uco na ha ijohohi nitijirahi milliti bu ico uujoho nitijirahi? nooboro.

¹⁵ Jaarunaa Jesu diiboco nuuhi: Jaafa jisumihiica tolli icano, tolli Moocaani atajibanco imino momooniqui, nooboro.

¹⁶ Jaadi Jesuco initiubo iteehifañoti iinovaubacaro niqueje faayacafantuhi. Jaanofañoti Jesu atyimeuhi Moocaani Gaija nimiihubadi jeevaabo diibohallivi iniitovaunoco. ¹⁷ Jaanaaca guubuvusuuno niquejefañoti unuuno: Jaani Taseemene aivo agaijjiibo diiberi sihidu uujoho imo imo iicaabo, unuuno.

4

Jesuco Iji Inisuuno.

(Mr 1.12-13; Lc 4.1-13)

¹ Jaanaacaro Moocaani Gaija Jesuco satyuuh sihi sicaihigovi, iji diiboco inisuqui.

² Jaabo tahigo icaubo cuarentadi cuujeva, bu cuarentadi fucuva icano machutuhi. Jaanobuunati jari diibo ajeba aivuhi. ³ Jaaneguiha ihiji Jesujaas asaauboro diiboco nisuvauhi jilli nooboro: Miyaano Moocaani Seemene idiicahachijiji jiba guisibaco tajibaji maahunot iminifetequi, nooboro.

⁴ Jaarunaa Jesu diiboco iimusuuhi: Miiro Caatinhaame neehi: Idiinoro maahu sefari miyaminaafi icajitihu, tolliro bu Moocaani iiji sefari icajibo, noono, nooboro.

⁵ Jaadi ihiji Jesuco satyuuh iimino Jerusale cuumihallivi. Jaaboro diiboco caamovono ficuubo Moocaani iija niibahucu nijequevi. ⁶ Jaaboro diiboco nuubo: Miyaano aivo Moocaani Seemene idiicahachijiji juugati baavivi casiniivo. Miiro Caatinhaamefaño noono:

Moocaani itoomominaaco tajibaji ico iteemequi ihusenehallivi ico gaayicinjimo. Jaabo guisiba sefavititihaiño aivovotino iicaqui, noono, nooboro.

⁷ Jaanegui Jesu diiboco iimusuuhi: Miiro tolliro noono Caatinihamefaño: Moocaanico nisudino, noono, nooboro.

⁸ Jaanaaca bu siino ihiji diiboco satyuuhি caamovobai nijequevi. Jaaboro paryi diiboco ifusuubo fanoojiinijeneque paryi ihaivojinoma.

⁹ Jaaboro diiboco nuubo: Meeci, paryi jinooco ico uujoho aciji, taaguiino ememuvooboro uco idiomohachiji, nooboro.

¹⁰ Jaanoma iicaabo Jesu diiboco nuuhi: Satanas fuucu, miiro Caatinihame neehi: Moocaani Dioscoro diimo. Jaaboro diibocoro deecivo, noono, nooboro.

¹¹ Jaadi jari ihiji Jesuditи buhigovi minifutuuhi. Jaadi Moocaani toomominaa asaaumoro diiboco jeeчивovauhi.

Jesu Ticonihi Ijibogooobo Galileavi.

(Mr 1.14-15; Lc 4.14-15)

¹² Jaanaa Jesu guubuuhi Jua civojafaño iicaunoco uguubuuboro fuuhi Galilea jiiniјevi. ¹³ Jaaruubo Nazare cuumivи icautiboro ufuubo icatuuhি Capernau cuumivи, Zabulon, Neftali icamisi jiinije onoohigo muuajiniri iicaucuumivi. ¹⁴ Tollı icauno, Moocaani iimaaminaafi Isaia acaatiniuno imiyaacafetequí:

¹⁵ Zabulon jiinije, Neftali jiinije icano muuajinidi iicano jihairi, Jordanti aamijiijaagovi, Galilea iicahigo judiomи iicatimo iicahigo. ¹⁶ Cívono jiiniјeguiino iicaumoco achiciuno seseene. Jaabadiro bu guijkeve civo jiiniјeguiino iicaumoco seseach achicihi, nooboro.

¹⁷ Jaadi jari Jesu ticonihi miyaminaaco ijibogooobo: Amihai imitico mejevesucu jino Moocaani aivoji fiitivucuuhi, nooboro.

Jesu Coovahi Igueenemehejedimo Fiiciminaaco.

(Mr 1.16-20; Lc 5.1-11)

¹⁸ Jaanaaca Jesu feehicauhi Galilea muuajinidi. Jaabo atyimeuhi miimisiici inahaboma icamisico. Saafi momou Simon onoobo bu samomou Pedro. Jaanoti saafi momou Andre onoobo. Jaamisi fiiciminaatisi iicaumaño isinicuuhuneri muuifaño fiicihicaumisi. ¹⁹ Jaamisico Jesu nuuhi: Tadyojicuti masaa amisico miyaminaa fiiciminaatisiti eetavequi, nooboro.

²⁰ Jaasumiyo isinicuuhunoco ejeevesuumisiro diibo dojicuti fuumisi.

²¹ Bu jaano janaanici Jesu siino sitisico atyimeuhi: Jacoobo onoobo, bu Jua icano iicamisi Zebedeo achimisico, imeenegafaño caanima iicaumisi isinicuuhunoco amaahuniумisico. ²² Jaamisico Jesu ucuuhuvaunegui caanico imeenegafaño ejeevesuumisiro diiboma fuumisi.

Jesu Sihidi Miyaminaaco Jibeguehi.

(Lc 6.17-19)

²³ Jaabo Jesu fahigovadi Galilea jiinjeri feehicauhi faacuumiva sinagogajanofaño jibogooro. Moocaani aivoji jibogo iimino jibogoco jibogooro, bu fanova guihuvareri iguihuvamoco buheesuboro.

²⁴ Jaanoco Jesuditи guubucuumo paryicino Siria jiinjeri. Jaamoro diibojaa sivaumo paryicino fanova guihuvareri iicaumehejeque fanova aivoneri, bu emeimivatomehejeque, epilepsia guihuvari iicaumoco, bu idiino isifaњimehejeque icano. Jaamoco Jesu buheesuhicauhi.

²⁵ Jaaboco bucasihicaumo sihidи miyaminaa Galileaoto, bu Decapoli jiinije cuuminooto Jerusale cuumiotheheje, bu Judea jiinijeoteheje, bu Jordan aamijiijaagoteheje icamo.

5

Ifabaihallivi Jesu Ijibuguuno.
(Lc 6.20-23)

¹ Jaanaa Jesu sihidi miyaminaa iicaumoco aatyimeuboro caamo ifabai niujequevi ufuboro casivutuubo. Jaabo cojiv ijjibogominaa igaivuhi.

² Jaadi Jesu ticovauhi diitoco ijjibogoobo jilli nooboro:

³ Imicani icamo Moocaanico iimogomo ijeebiino iidaasumaño. Jaamaño niquejefaño mihicaji.

⁴ Imicani icamo iidaasuno iicamo. Diitoco Moocaani jacusiji.

⁵ Imicani icamo, ijeebiino ishcumo. Diito jiinjeque Moocaani aaciguujeque gaayiciji.

⁶ Imicani icamo iiminoco omoonijirunoco aivo iimogomo. Diito imo imo minifeteji.

⁷ Imicani icamo sitaaco iidaasugomo. Diitoco Moocaani idaasugueji.

⁸ Imicani icamo ijeebii imihinivatimo. Diito Moocaanico atyimeji.

⁹ Imicani icamo sajeebii icaco omoonimo. Diitoco Moocaani: Taseeme, eneejimo.

¹⁰ Imicani icamo Moocaani iimogonoco omooninohalliti diitoco ijihheveme. Diitononeji niqueje aivoji.

¹¹ Imicani amiihai tahalliti amiihaico miyaminaa aivonoono onoomoro idaasuno omoonimo, amiihaihallivi sicamañhehejeque ijibocasimo. ¹² Jaasumi sihidi imo imo mihica, toono jaada ufucu niquejefaño sihidi jeevano ijaadaco magaayiciji. Miiro tolliro amiihai imegavi iicaumo Moocaani iimaaminaaco idaasuno mooniumo.

Jiinije Imuhu Ohoovicino.
(Mr 9.50; Lc 14.34-35)

¹³ Amiihai jiinije imuhu. Jaano imuhu ijeevetecuuruva, jinejeri bu mihiimuhunijirahi; jinejebaguiha imicuujitiruno? Jaanoco buhi magañinoco miyaminaa quicujirahi.

Jiinije Aachicinita Ohoovicino.

¹⁴ Amiihai jiinije aachiciniminaa. Miiro ifabaihalliri iicacuumi toovono icatatihhi. ¹⁵ Bu jaabadiro cuugahuco miniiimoro siinerihallivi mafabaacutatihhi. Jilliro ofoo vomoñovi caamo mificutahi paryi jaahe iicamoco ihachiciniqui. ¹⁶ Jaabadi amiihai momooni amiihai foovo miyaminaa imefeenevvi foovono ihifuvusuqui. Jaamoro amiihai imino momooninoco aatyimemere, Moocaani niquejefaño iicaaboco iimequi.

Jesu Tajibaco Ijibogono.

¹⁷ Uco mehesicinidino, Moise tajibaco, bu Moocaani iimaaminaa jibogoco icano finisuyaabo, noomoro. Jilli toono unuuno imiyacafetequi saahi. ¹⁸ Miiro miyanotiro amiihaico neehi: Niqueje, jiinije icano iicanohachuta tajibahaame naavutusuti sanooba gañicafetejitihi, ufucu iicajino iicanohachuta. ¹⁹ Jaamaño tajibati sanoogayi ajashurunoco miyaano nootiibo tolli omooniibo, bu jaaboro sitaaco tolliro imitino imooniqui agaajasuuboco ufucu niquejefaño tolliro jilli imihifooboti noocafetejibo. Jaanoti imityagooboro imino omooniiboro sitaaco tolliro imooniqui ijjibogoobo ufucu niquejefaño aivo miyaaboti noocafeteji. ²⁰ Miiro jino amiihaico neehi: Amiihai caatiniminaa,

fariseomí icamo iicabadiro mihicamoro Moocaani iimogonoco momoonitihachiiji bu niquejefaño mefeejitihí.

Icajíisuditi Jesu Ijíibogono.

(Lc 12.57-59)

²¹ Amíihai mugubuhicacuhi, amíihai eedeetemíhaico jilli unuunoco: Gaicaaudino; cajaaníhacho sitaaco agaicaaubo castigacafeteji, noomoro. ²² Miíro jino uujoho amíihaiico neehi: Cajaatyohacho inahabojaago isifiratomo castigacafeteji. Cajaatyohacho inahaboco imitino onoomoco aivo isefa aivojito castigaji. Jaanotí bu inahaboco: Miyaaboívidi, onoomo infierno cíijigai ñihicuguino guinovi minifeteji.

²³ Jaanegui Moocaanico imequi ofooboro dinahaboma imitino idiicanoco edeesafotooboro, ²⁴ siino uduumiiboro iticoní dinahabojagovíhi difoo. Jaaboro diibo dimijívotoobo sajeebíi minifototo. Jaadi jari duhuumiiboo Moocaanico dimoto.

²⁵ Jaanotí bu cajaatyohacho dihalliví ijíibogomoro ico isisisuqui asatyohachiji, dinahaboma jíihavíro dimijíivo. Ico dugaacuminaafico acitotíbo iicaqui. Jaabo diibo sisiminaaco ico acijiruubo. Jaamo ico civojafaño jíhacujirahi. ²⁶ Miyanotiro ico neehi: Tahigotí dihiinejtirahi niinojegayico adaadutinohachuta.

Jesu Jíibeguehi Sifigoma Mihicajirunohalliví.

²⁷ Amíihairyo mugubuhicacuhi siicije unuucuunoco: Sifigoma dicadino. ²⁸ Miíro jino uujoho amíihaiico neehi: Cajaatyohacho gaigooco imogomoro emeecímo ijeebíifañodi diigoma icacuhi.

²⁹ Jaanegui dimiyanaagohaallí ico imitifaño agañíisuhachiji, toolliico diicíiboo tehesino gañíi; imijirunaa difiti samañogayiro iiti agañíicafotonoo. Jaanotí imijitiruno faabohoro difi cíijigaifaño agañíicafotonoo. ³⁰ Jaanotí bu dihuse dimiyahuse ico imitifaño agañíisuhachiji quiticíiboo tehesino gañíi; imijiruno samañogayiro iiti agañíicafotonoo. Jaanotí aivo imijitiruno faabohoro cíijigaifaño agañíicafotonoo.*

Jesu Jíibeguehi Gaigooco Ejeevesufinohalliví.

(Mt 19.9; Mr 10.11-12; Lc 16.18)

³¹ Tolliro bu siicije nuumo: Cajaaníhacho mogaico ejeevesumo, diigoco ejeevesucuunohaameque ihaciqui, noono. ³² Jaarunofaño uujoho neehi: Cajaaníhacho mogaico ajevahalliti icatino ejeevesuhachiji diigoco ajeva imitico icisuubo. Jaamaño sifi ejeevesucuugoco iicíiboo diigofañodi ajeva imitico icíhi.

Jesu Moocaani Momofañodi Monoonicinohalliví Ijíibogono.

³³ Tolliro bu mugubuhicacuhi, siicijeminaaco unuunoco: Moocaani momofañodi unuucuunoco bañidino diibo imfeenevi, noono.

³⁴ Jaarunaaca uujoho amíihaiico neehi: Moocaani momofañodi mohoovicidino, niquejefañodi oovicimoro meneedino, toono Moocaani aivoji icaga iicahigo. ³⁵ Tolliro bu jiiniyefañodi mohoovicidino, toojehalliví Moocaani itihaiico ificuunicije iicamaño; bu Jerusale cuumfañodi mohoovicidino, tuucuumi Aivojíiboo Jesu cuumi iicamaño.

³⁶ Tolliro bu oovicíiboro: Tañigai seseeteji, needino. Tollí eneeneri sajebaco diinigaijeque seseetesujirahi, nacu bu civutusujirahi

* **5:30** Jino jilli iiminocoro mooní, imitico deetavedino, enejiruno.

jaanucuhu.³⁷ Jilli ticovonoro: Jiihi, Chahano, monoo. Jaanoti janaanicivi mejeenesucuuno, toono ijiti asaacuuno.

Miino Minaafico Magaijino.

(Lc 6.29-30)

³⁸ Amiihairyo muguubuhicacuuhi, siicije jilli unuunoco: Saafi aallisco ifinicaruhachiji, bu diibo aallisco finicarujirumo. Tolliro iigaico igañisuruva, bu diibo iigaico gañijirumo.³⁹ Jaarunofaño uujoho amiihaico neehi: Iimitiboma mihibacasidino. Ivinaaca jilliro saatoho amiihai imeti agabacuhachiji, saanaagohimeque bu mahaci tolliro bu igabacuqui.⁴⁰ Tolliro bu cajaatyohacho ico ahaamimoro dicaamoojaco udumiticigohachiji, tolliro bu disacoco daaci.⁴¹ Jaanoti bu tolliro saatoho, fiisetaco minooci kilometro ticovovi satyequi atajibahachiji igueeneme kilometro ticovovi satyo.⁴² Jaanoti bu cajaatyohacho ico siinoco idillumoco daaci, bu duvuduvedino sita ico: Uco tooneguiha presta, noomoro idillumediti.

Diminaaco Gaiji

(Lc 6.27-28, 32-36)

⁴³ Tolliro bu siicije unuunoco muguubucuuhi: Digataavominaafico gaiji. Jaaboro diminaafico diihegue, unuunoco.⁴⁴ Jaarunofaño uujoho amiihaico neehi: Amiihai minaafico magaiji, Moocaanima mihiimaa amiihaico aivonoono onoomoro idasuno omooniṁohallivi.[†]⁴⁵ Jaachiji amiihai Caani niquejefano iicaabo seemeti mihicaji. Miiro diibo inihibaco iinusuhicahi iimitimohallivi, bu iimimohallivi icano, bu tolliro niijabaco galluhicaabo iimihijiṁohallivi, bu iimiti iijiminaahallivi icano.⁴⁶ Jaanoti bu amiihaico agaijimocoro magaijhachiji, ¿milli bu ijaadaco magaayicijirahi? Miiro bu impuesto jaadusuminaa imitimo iicarumo tolliro mooninicihi.⁴⁷ Jaabadiro bu dinahabocoro idilluhachiji, ¿minoodi imico toono edeetavono? Miiro bu tolliro Moocaanico agaajatiheje tolliro moonififi.⁴⁸ Jaanegui amiihaico neehi: Imimo mihica oono amiihai Caani niquejefano iicaabo aivo imiibo iicabadi.

6

Jesu Jibeguehi Imihuſene Mihicanohallivi.

¹ Amiihai imino momooninoco miyaminaa imega momoonidino; jilli amiihaico imityaguequiguiharo. Jaanoti tollo momoonihachiji amiihai Caani niquejefano iicaabo ijaadaco amiihaico acijithi.² Jaaneguiha siinoti ucuujivaachumoco siineri adaamususumi faacuumiminaacoro gaajasudino: Oono bañisuminaa sinagogajanofaño, callenefeenevi icano omooniṁibadi. Jaamo jilli mooninicimo miyaminaa diitoti imino ihiimaaqui. Jaarunofaño uujoho miyanotiro amiihaico neehi: Jaamaño miyaminaa ico iimono toonorucu dijaada.³ Jaanoti naha iijoho iidaasumoco siinoco adaacihachiji, toovono daaci, dimiyahuse omooniṁoco dinanihuse gaajacitino iicaqui.⁴ Jilli toovonoro deetavo, jaachiji diicaani niquejefano iicaabo toovono edeetavonoco atayimeebere ico ijaadaco ihaciqui.

† 5:44 Sahaamefaño janaanicji jilli ficuumo: imino monoo amiihaico imitino onoomoco, imino momooni amiihaico ijiheguemeque.

Jesu Jibeguehi Moocaanima Imaaco.

(Lc 11.2-4)

⁵ Jaamo bu amiihai Moocaanima mihiimaasumi bañisuminaafi iicabadi mihicadino. Diibo imeguefihi julleeciniboro sinagoga janofaño ihiimaabo, bu callenejininovi jilli miyaminaa diiboco ihatyimequiguiharo. Miyanotiro amiihaioco neehi: Toono miyaminaafi obocigoneriro jaaducafutucuuno. ⁶ Jaanoti naha ijoho Moocaanima idiimaajisumi, dimecufaño idicafotooboro cuhufono diguhugaco fabaacubo diimaa Moocaanima iro idiicahigo. Jaachiji diicaani niquejefaño iicaabo toovono omooninoco aatyimeebere ico ijaadaco acijiiboo.

⁷ Jaabo Moocaanima idiimaasumi jilli mihiifoneheje sicamañeheje samañocoro unuucumañocoro siino needino: Oono Moocaanico agajatimo iicanicibadi: Fine jilli: sihidí ihiimaaneri Moocaani uco guubuhi, noomoro eesicinifimo. ⁸ Jaamobadi mejeevadino. Miirō Moocaani imegaviro amiihai midillutinaacaro gaajacuuhi amiihai mu cuujivaachunoco. ⁹ Jaaneguiha amiihai jilli noomoro Moocaanima mihiimaa:

Moocaani niquejefaño idiicaabo, jaafa dimomo imino ijeevadi ficu cafetehi. ¹⁰ Jaafa dihaivoji saahi. Jaafa dijeebih onoobadi etavocafetehi jiinjehallivi, oono niquejefaño iicabadi. ¹¹ Mihaico daaci machutaati fafucuvaaciviro. ¹² Jaaboro mihaico mohimitico buusu, oono bu mihi, mihaico imitino omoonimoco toonoco mihimibachubadi. ¹³ Jaaboro mihaico inisunofaño gañisudino. Mihaico imiti ijí useti taajasu.* Fine.

¹⁴ Miirō amiihaioco sita imitino omoonimoma toonoco mihibachuhachijiji, bu tolliro amiihai Caani niquejefaño iicaabo amiihai imitico imibachuji. ¹⁵ Jaanoti amiihai sitaama mihimibachucatis hachijiji, bu amiihai Caani niquejefaño iicaabo amiihai imitico imibachujitihu.

Jesu Jibeguehi Aigahallivi.

¹⁶ Jaabadiro bu amiihai safucuco mahaigasumi amiihai imequidaasuno miminiyyudino, oono bañisuminaa omooninicibadi. Diito tolli moonifihi amachutinoco miyaminaa ihatyimequi. Jaanegui amiihaico neehi: Toono ijaadaco mihicicuuhi miyaminaa obocigoneriro. ¹⁷ Jaanoti ijoho machutibbo adaigasumi dihimeque nitibbo imino feedamaje, ¹⁸ miyaminaa machutibbo adaigainoco gaajacitimo iicaqui, idiboro niquejefaño iicaabo Moocaani ijeevadi samisi diiboma mihicaabo igaa jaqui. Jaabo ico toono jaadaco aciji.

Niquejefaño Mubusumijema Mihicano.

(Lc 12.33-34)

¹⁹ Jijehallivi sihidí busumijeeneque mititibaanidino, deeira ifinisufijehallivi, bu tolliro paryi busumijeene unucufijehallivi, bu tolliro nanivaminaa ananinicincinehejehallivi icano. ²⁰ Ivi idihigoro niquejefaño sihidí busumijeeneque mititibaani, deeira ifinisutihigo, fanova unucutatihigo, bu nanivaminaa ananifitihigo icano. ²¹ Miirō amiihai busumijeene iicahigovi, bu amiihai jeebib icajirahi.

* **6:13** Sahaamefaño janaanicí jilli ficuumo: Miirō paryicinoro diino aivoji, mitya dihovosii ufucuro ifinijitino icano, onoonoco.

*Mofi Imitino, Bu Imino Icano.**(Lc 11.34-36)*

²²⁻²³ Miiro saafi ihaallii iimitiiboo imino icajitirahi. Jaabadiro saafi ijeebii iimitiiboo imihusetihi. Jaabo iimitinoguiino icaji. Jaanoti Moocaani ijeebiico iimilbachuhachiiji imihusetejiibo. Moocaani iimogobadi icacujibo. Jaanoti miino imitico iminobadi mehesicinihachiiji, janaanicivivi aivo imitino.

*Moocaani, Bu Nihibami Icano.**(Lc 16.13)*

²⁴ Miihaiñooba miimisiici ihaivojitsima icajitirahi. Miiro saafico ijihegueebere saaficoro gaijijiruubo. Jaabadiro bu sano nihibamico, Moocaanico icano magaijijitirahi.

*Moocaani Iseemeque Teemefihu.**(Lc 12.22-31)*

²⁵ Amiihaico neehi: Niji niji amiihai jeebiiñoco momoonidino toono seafari mihicaqui, mamachujirunehejeri, bu mahadujirunehejeri icano, bu tolliro mijicinijino gaachehuri icano. ¿Nacu mofi gaachehu janaanicivi jaaducafototih? ²⁶ Eneecau oono joomi caamodi agahafomoco mihifinici, basutirumo, bu abasuno noovaco icitirumo icano. Jaarumoco amiihai Caani niquejefaño iicaabo† diitoco machuco acifihii. Jaamo diito joomi janaanicivi amiihai majaaducafetehi. ²⁷ ¿Nacu amiihaiti cajaani siino janaanicivi amiihai majaaducafetehi?

²⁸ ¿Jaamo collihi amiihai gaachehuri niji niji mihicahicahi? Eneecau oono deecanoco mihifinici, dudicamaaitiruno gaachehunoco eetavotiruno icano. ²⁹ Jaarunaa amiihaico neehi: Salomon aivo sihidi jeevano iminoonoma icauruubo toono deecanobadi jeevautihi. ³⁰ Jaabo Moocaani, buhicaga toono ñaavahu jaachiiji bajifaño icano, civohogo iquiticafotonoro ciijigaifaño jigasucafotonu icarunoco Moocaani imino gaachehuco mijiihacubadi moonihi. Jaanegui amiihaico gaachehunoco jicujiibo, ajashucani amiihai miyaavogo mihicano miyaminaaco.

³¹ Jaanegui niji niji mihicadino jilli noomoro: ¿Jinejeque jana mamachuji? ¿Jinejeque jana mahaduji? ¿Jinejeque jana mijicafetehi? noomoro. ³² Miiro jihomonehejequere imiyaavogotimo guinehicahi. Jaanoti naaha amiihai, amiihai Caani niquejefaño iicaaboma mihicahi. Jaabo gaajacuuhi amiihai paryi tonehejeri mucuujivaachunoco. ³³ Jaaneguiha Moocaani aivojijaagoviro dijeebiico ficu, jaaboro diibo iimogonocoro deetavo icano. Jaadi jari paryi tonehejeque bu gaayiciji. ³⁴ Jaaneguiha civohogo iicajinehejeri amiihai jeebiiico niji niji momoonidino. Toono amiihaiti civohogoro finijitihi. Fafucuvaaciviro iima ajashutino icahicacuuno toono niji niji idiicano.

7

*Sifi Imitico Needino.**(Lc 6.37-38, 41-42)*

¹ Sitaaco iimiti meneedino, jaachiiji amiihaico bu Moocaani amiihai imiti needino. ² Toono amiihai sitaaco meneehicabadiro bu amiihaico moonijiibo, bu oono amiihai sitaaco mohoovicihicaneriro amiihaico oovicijiibo. ³ Jaabo milli bu dinahabo aallifaño iicano beevagayico

daatyimejirahi, dihaallifaño bu iicatuucí cutuucico atyimetiboro? ⁴ Jaabo iijoho dihaallifaño cutuucima idiicaabo, ¿milli bu dinahaboco neejirahi: Juugavi disaa oono dihaallifaño iicanoo bee vagayico ico iciqui, nooboro? ⁵ ¡Bañisuminaafi idiicaabo! Iticoni toono dihaallifaño iicatuucico diici. Jaadi jari imino adaatyimeebere dinahabo aallifaño iicanoo bee vagayico diici.

⁶ Iiminoco imiyaavogotimo jicubadí iicamoco mahacidino, amiihaijaagovi emecafotomoro amiihaico dedaahenidimo. Bu amiihai iimogonoco diito iimitimo faafaimibadí iicamoco mahacidino, toono iiminoco quicudimo.

Midillu, Miguiino Icano.

(Lc 11.9-13)

⁷ Midillu amiihaico Moocaani ihaci qui. Miguiino, jaamo mahatyimehi. Tolliro bu guhugati mocoova amiihaidi ifaayiciqui. ⁸ Miíro idillubo gaayicifili, bu iguiinoobo atyimefili; bu guhugati ocoovaaboco faayicifimo.

⁹ ¿Nacu icamo saatohoba amiihaiti amiihai seemeneque maahuco idilusumi guisibaco mahacijirumo? ¹⁰ ¿Nacu bu taavaaboco idillusumi jiinimocoro mahacijirumo? ¹¹ Miíro amiihai mihimifitirumo iiminocoro amiihai seemeque mahacinoco magaajahi. ¡Jaanegui imi amiihai Caani niquejefaño iicaabo iiminoco aciji midillumoco!

¹² Jaaneguiha amiihai sitaama imino mihica oono amiihaima diito imino iicanoco mihimogobadi; Miíro tolli Moise tajiba neehi, bu Moocaani iimaaminaa aamene neehi icano.

Ijene Jíhai Aamiji.

(Lc 13.24)

¹³ Ijene jíhai aamijiriro mijicamaaje. Jaanoti oono guivefaño asatyono jíhai aamiji guiraahi, jíhai guiraahi icano. Jaano carecunoono jahigoviro sihidí miyaminaa feehicahi. ¹⁴ Jaanoti na ha fiivojaa asatyono jíhai aamiji, bu fiivojaa asatyono jíhai icano ijene, ajashuno icano. Jaamaño miidimoro atyimehicahi.

Imohoco Inoovatatiro Magaajatahi.

(Lc 6.43-44)

¹⁵ Amiihai ifico magaihuini oono abañififimo uujojo Moocaani jaagodi iimaahi eneehicamoti. Diito amiihaijaago saaji ovejamibadi iminfotomoro. Jaarumo fañooto jicumí sifirafimo. ¹⁶ Jaamoco magaajaci omooniñehejeti; miíro miijoho baacuco jaanoti icitatihí, bu añaajeque jariimohotí icitatihí icano. ¹⁷ Miíro paryí iimino imohono iiminocoro noovafili. Jaabadiro bu iimitino imohono iimitinocoro noovafili. ¹⁸ Imiho imoho iimitinoco noovajitirahi, bu iimitiho iiminocoro noovajitirahi icano. ¹⁹ Jaano paryícino iiminoco onoovatino imohonoco mihillumoro ciijigaifaño mijegasutahi. ²⁰ Jaaneguiha diitoco magaajaci omooniñotiro.

Famoovaro Niquejefaño Feejitihí.

(Lc 13.25-27)

²¹ Famoovaro oono uco: Aivojíbo, Aivojíbo, eneehicamo niquejefaño feejitihí. Idíimoro Taacaani niquejefaño iicaabo iimogonoco omooniñicamo feeji. ²² Tufucu agasedi ajashutimo uco neeji: Aivojíbo, Aivojíbo, miíhai dimemeri mihiimaahicahi, dimomofañodí miíhai

iimitino ijimico buhi magañihicahi, bu dimomofañodi miñhai guiraano sihidí ejeevanehejeque meheetavehicahi icano, noomoro.²³ Jaarumoco uujojo neeji: Amiñhaico uujojo gaajathi. Uuti buhigovi miminifoto amiñhai iimitinoco momoonihicamo, nooboro.

Ucuhufono, Acahajino Icano.

(Lc 6.47-49; Mr 1.22)

²⁴ Jaamaño uujojo onoonoco uguubuuboro uujojo onoobadi omooniiboo, oono saafi agaajaabo guiisibanolalliivi iijaco eheetavuubobadi jeevahi. ²⁵ Jaajahallivi aiguuruno, sihidí teehino machituarahi, bu sefano guibuhuba toojahallivi saaurahi icano. Jaarunofaño tooja acutuutahi, tano cuhufono guiisibanolalliivi cuhufono tano inicucinumaño. ²⁶ Jaanotí uco guubucuuruubo uujojo onoonoco omoonitiiboo agaajatibobadí jiinigaibaahohallivi iijaco eheetavuubobadi jeevahi. ²⁷ Toojahallivi aiguuno, teehino machituuhi, sefano quijeba saauhi icano. Jaaneri tooja sano acutuuh. ¡Jaano sihidaasu! nooboro.

²⁸ Jesu ijibuguunoco iimivuudi sihidí miyaminaa jabafitehicauchi, ²⁹ fariseomibadi icatiiboo, aivojiboo mityama iicaabo iicanicibadi ijibeguehicauneri.

8

Jesu Foojohoma Iicaaboco Buheesuhi.

(Mr 1.40-45; Lc 5.12-16)

¹ Jaabo Jesu tobai nijequeti iniituboco sihidí miyaminaa bucasiuhi. ² Jaanaaca diibogaago saaubo saafi foojohoma iicaubo. Jaaboro Jesuguiino ememuivuuboro diiboco nuuhi: Aivojiboo idiomogohachiiji uco dimibachu taguihuвати, nooboro.

³ Jaanegui Jesu diiboco ihuseri duduiciuhi: Imeguehi, buheetecu, nooboro.

Jaasumiro diibo toono ifoojohoti buheetecuuhi. ⁴ Jaaboro Jesu diiboco nuuhi: Jeedicahi miñhaiñobaco diibeguedino, jilliro foobo sacerdoteque difico dihifusuto. Jaaboro asigayiti satyoobo Moocaanico decevoto Moise atajibaubadi, toonoti famooro igaajaqui toono diguihuвати idimitucuunoco.

Jesu Buheesuhi Romanomi Amocasiminaa Aivojiboo Cojiminaafico.

(Lc 7.1-10)

⁵ Jaabo Jesu Capernaum cuumifaño jicafutuubaaca romanomi amocasiminaa aivojiboo diibogaago asaauboro diiboco noovauhi: ⁶ Aivojiboo, tacojiminaafi jaahe idasuno icahi aiveneri isifañiboo acahi, nooboro.

⁷ Jaanegui Jesu diiboco nuuhi: Uujoho ofooboro buheesuteji, nooboro.

⁸ Jaarunaa ihaivojiboo iimusuuhi: Aivojiboo, sihidí jeevahi jaabo ijajaagou efiejiruno. Jilliro tajiba dihijico jaaneri tacojiminaafi ibuheetequi. ⁹ Miñro bu uujoho icaruubo aivojito ijiguiino icahi, bu jaaruboo amocasiminaa aivojibotí icahi. Jaamoti saafico: Difo, unuusumi fooniciiboo. Jaanoti bu sifico: Disaa, unuusumi bu saaniciboo. Tolliro bu tacojiminaafico: Toonoco deetavo, unuusumi bu eetavoniciboo.

¹⁰ Jilli diibo unuunoco, Jesu uguubuuboro sihidí jabafituuhi. Jaaboro diibo dojicuti ufuumoco nuubo: Miyanotiro amiñhaico neehi. Paryi Israel cuumiminaafeenenevi aivo jaani miyaavogobadi iicamoco atyimetahi. ¹¹ Amiñhaico neehi, ajashutimo saaji nijequjaagoti, aamijiñaagoti icano. Jaamoro niqueje aivojifaño Abraham, Isaac, Jacob,

icamoma acasiigomoro machujimo. ¹² Jaanotinaa niqueje aivojifaño efeejirumo jilliro jahisi icivohigoviro gañiicafeteji tahigo ataacasimoro igaiñoooco oojisujihigovi.

¹³ Jaaboro Jesu ihaivojiiiboco nuuhi: Fuucu diijajaagovi jaafa dicojiminaafi buheecuji ijoho imiyaavogobadi, nooboro.

Jasumiro tolli diibo unuuno ticovovi diibo buheetecuuhi.

Jesu Buheesuhi Pedro Baaboco.

(*Mr 1.29-31; Lc 4.38-39*)

¹⁴ Jaadí Jesu Pedro ijajaago ufuubo atyimeuhi Pedro baabo sinateri iguihuvaugo acaugoco. ¹⁵ Jaagoco ihuseti ududiiciuneriro iguihuva diigoco buuhi. Jasumiro diigo agañiivuugoro ticovaugo diitoco ejeeccivuugo.

Jesu Buheesuhi Ajashutimo Iguihuvalmoco.

(*Mr 1.32-34; Lc 4.40-41*)

¹⁶ Jaanaa mihiijicuudi diibojaa sivaumo sihidí iimitino meimi jieebiñaño iicaumehejeque. Jaamoco safooro unuuneriro pary famoocoro buhi gavaracuubo, bu tolliro iguihuvaumoco pary buheesuubo. ¹⁷ Jaano jilli icauno Moocaani iimaaminaafi Isaia unuuno imiyacafetequi. Jilli unuuno: Diibo iichi moniinovahañoco, bu moguihuvalahañoco icano.

Jesuma Ufuujirumo.

(*Lc 9.57-62*)

¹⁸ Jaanaa Jesu atyimeuhi diibohallidi sihidí miyaminaa emecuvuunoco. Jaanegui tajibaubo onogoomuuaví ifatyequi. ¹⁹ Jaanaa Moise tajiba gaajaminaafi Jesujaago asaauboro diiboco noovauhi: Jibogominaafi, imma uujooho feejirahi ijoho ofoohigovi, nooboro.

²⁰ Jaanegui Jesu diiboco nuuhi: Bajihimi ihojinoma icahi, bu joomi ihiicunoma icahi icano. Jaanoti uujooho Miyaminaafibadi Ifiivuubo iinigaico conoovi isicarujirumaño chahahi, nooboro.

²¹ Jaadí bu saafi ijibogominaaototí diiboco nuuhi: Aivojibó, jaafahiica iticoni guihirubi iguijivedihivi icidihiiica, nooboro.

²² Jaanegui Jesu diiboco nuuhi: Ijoho tadyojoicuti disaa. Jaanoti jaafa tahi diito ifiniitino fiivoma iicatimo iguijевemeque ciji, nuuruubo.

Jesu Siicutusuhi Guibuhuba, Tyuucai Icanoco.

(*Mr 4.35-41; Lc 8.22-25*)

²³ Jaaboro Jesu imeenegafaño jicafutuuhí ijibogominaama.

²⁴ Jaanaaca sefano guibuhuba saauhi imuuaikhalliví. Jaano ityuucari imeenega niituarahi. Jaanaa Jesu imeenegafaño cigahicauhi.

²⁵ Jaanegui ijibogominaa diiboco aaicusuumoro nuuhi: ¡Aivojibó, miihaico taajasu! Jino miniitucuuhi, noomoro.

²⁶ Jaanegui iimusubo: ¿Colíhi mihiquetehi? ¡Ajashucani amiihai miyaavogo! nooboro.

Jaadí agañiivuuboro iguibuhubaco iibaubo, bu imuuaico iibaubo icano. Jasumiro sano pary siicutuno. ²⁷ Jaaneri diito sihidí ajabafituumoro nuumo: ¿Coyomo miyaminaafi fine jaani jino guibuhuba, bu muuai icanomaryo diiboco imityagoobo? noomoro.

Gadara Miyamina Emeimivatuumo.

(*Mr 5.1-20; Lc 8.26-39*)

²⁸ Jaabo onogoomuuivaivi Gadara jiinjеви iifutuubaaca miimisiici gaifiimisi cihhojinojaa iicahicauhigotи diibogaagovi saauhi, iimitino ijima ijeebihaño iicaumisi. Jaamisi sihidi jeevano sifiramisi. Jaamaño miihaiñooba toojiri feehicautihi. ²⁹ Jaamisi asaaumisiro ticovauhi ocoovadiivomisi: ¿Collahi mojaago saahi, iijoho Jesu Moocaani achi idiicaabo? ¿Jaabo juu saahi miihaico imegaviro idaasunisiici gaifiimisi cihhojinojaa iicahicauhigotи diibogaagovi saauhi, iimitino ijima ijeee mooniqui? noomisiro.

³⁰ Jaamañoti fuitino icaumo sihidi faafaimi machumoro iiguumo; ³¹ Jaamoro diito iimitino ijimi Jesuco dilluhi: Mihaico buhigovi agañiijhachiiji, jaatyo faafaimifañoro miihaico gallu, noomoro.

³² Jaanegui Jesu: Jii tahi diitofaño mofoo, nooboro iimusuuhi.

Jaanegui diito iimitino ijimi diitisifañoti ihinuumoro ifaafaimifaño fuuhi. Jaasumiro diito paryi ifaafaimi ifagajiti muuaifaño aaifuumoro paryi macaniuhi imuuaifaño.

³³ Jaamo diito ifaafaimi tomominaa diito tolli iicaunoco aatyimeumoro jinoomoro cuumijaago ufuumoro jibugutuuhi tolli ifaafaimi iicaunoco, bu diitisi ijimima iicaumisi tolli iicaunoco icano. ³⁴ Jaanegui tuucuumioto paryi Jesujaagovi asaaumoro diiboco galluumo, ijiinijeti buhigovi ifeequi.

9

Jesu Buheesuhi Idiino Isifañiboco.

(Mr 2.1-12; Lc 5.17-26)

¹ Jaanegui Jesu meenegafaño ijicafutuuboro ufuubo ifutuuhi onogoomuuivaivi iicacuumi iicauhigo. ² Jahi diibogaago sivaumo saafiico idiino isifañiboco icigaijefajo siuciniuboco. Jaamo miyaavogoco Jesu aatyimeuboro iguihuvauboco nuuhi: Guihi, quehecuto, dihimiti ico imibachucafutucuuhi, nooboro.

³ Jaanoco tajiba caatiniminaati saatoho uguubuumoro ijeebihañodi nuuhi: ¿Milli jaani Moocaanico imitino moonihi ihiimaari? noomoro.

⁴ Jaanoco Jesu agaajaciuboro nuuhi: ¿Collahiica imitican mehesamaaihi?

⁵ ¿Tihican jana amiihaidi, dihimiti imibachucafutucuuhi onoono, gañiivoobo diigo onoono? ⁶ Eneecau bu amiihaico iifusuqui uu-joho Miyaminaafibadi Ifiivuubo jiinjehallivi imiti imibachu mityama iicanoco, nooboro, idiino isifañiboco nuubo: Gañiivoobo dicigaijeque diiciboo dijajaago fuucu, nooboro.

⁷ Jaasumiro idiino isifañiboco icigaijeque iiciuboro iijajaago fuucuuhi.

⁸ Jaanoco miyaminaa aatyimeumoro sihidi iguiumo. Jaamoro Moocaanico imuumo miyaminaafico tometryaco aaciunohallivi.

Jesu Mateoco Cuuhuvahi.

(Mr 2.13-17; Lc 5.27-32)

⁹ Jaamañoti Jesu ufuubo, atyimeuhi Mateo onooboco, impuestoco ajaadusuhicaumañeri giciniuboco. Jaaboro diiboco nuubo: Tadyojicuti disaa, nooboro.

Jaanegui Mateo agañiivuuboro diibo dojicuti fuuhi.

¹⁰ Jaanaaca bu Jesu jaahe amachuubo giciniubo cojiri, bu sihidi saatoho impuesto jaadusuminaa, bu saatoho imitiminnaa icamo asaaumoro Jesu ijibogominaama icaubo cojivi casiicamaaivauhi. ¹¹ Jaanoco fariseomi aatyimeumoro ijibogominaaco dilluhi: ¿Milli jaabo oono

amiihai jii**bogominaafi** machuhi impuesto jaadusuminaama, bu saatoho imitiminaama icano? noomoro.

¹² Jaanoco Jesu uguubuuboro nuuhi: Iimimo iguihuvatimo, taabuminaafico imogotatihi, iguihuvamoro taabuminaafico imeguefihi, nooboro. ¹³ Eneecau mofoomoro jino Caatinihaaamefaño jilli onoonoco magaajato: Uujoho imeguehi sitaaco mihidaasugonoco. Jaanoti imogotih ijecivo asimico magaicaumoro mejeecivonoco. Miiro: Uujoho imino icahi, onoomoco cuuhuvaqui saatih. Iimitimeguiha saahi iimiti ifico ijeevesuqui, nooboro.

Jesuco Dilluumo Machutimo Aigafinohallivi.

(*Mr 2.18-22; Lc 5.33-39*)

¹⁴ Jaanaaca Jua Nitiminaafi jii**bogominaa** Jesujaago asaaumoro diiboco dilluvauhi: ¿Jana milliti miihai, bu fariseomi jii**bogominaa** icamo machutimo mahaiganicinaaca dita aigahicatihi? noomoro.

¹⁵ Jaanegui Jesu diitoco ooviciuboro iimusuuhi: ¿Nacuuhu taabava jii**baimojaago** ucuuhuvamo idaasuri machutimo icanicijirahi; diitofeeneri aiji iicanohachuta? Jaanoti naha icajinehiica uujoohudumitii*cicacafotodihivi* idaasuno iicaneri aigajimo, nooboro.

¹⁶ Miiro miihaiñooba bobaryuri eedeechehu gaachehuco maahunitatihi bobaryu fañoviro iguiyacafeteneri eedeene agallivejiruneguiha. Jaaneri toopaaje janaaniciviro guiraatejirahi.

¹⁷ Jaabadiro bu miijoho bofaihu aivofaihuco eedeejutafaño ficutatihi. Jaanoti tolli momooniruva tujutaje jerucamaajirahi. Jaaneri tujutaje, bu ihaivofaihu icano gañii*cafetejirahi*. Jaanegui bofaihuco bujutafaño mificutahi. Jaaneri fanoociro icafihu, nooboro. Jilli Jesu nuuhi eedeejii**bogonoco** mejeevesumoro bohono jii**bogoco** meheetavequi.

*Jairo Aicigai, Bu Jesu Gaachehuco Ududi*ciumo* Icano.*

(*Mr 5.21-43; Lc 8.40-56*)

¹⁸ Jilli Jesu nuunaaca judiom iavoji**bo** agaseuboro diiboo imegavi ajavuvuuboro diiboco nuuhi: Aicigai jaachijiro guijkevecuuhi. Jaarunaaca ii**joho** ofooboro diigohallivi dihuseque ificuuner siino dojicuviro buheetejirugo, nooboro.

¹⁹ Jaanegui Jesu agañiivuuboro diiboma fuubo ijii**bogominaama**.

²⁰ Jaanaa saafigo gaigo fahuseeci motihaiti mifocabaci idii**nohachuta** tiijeheri ii**caugo** ibujinaagoti asaaugoro Jesu gaachehujinibaco dudi*civauhi*. ²¹ Jilli igaachehujinibaco ududi*cineriro*: Buheeji, noogoro eesamaaihicaumaño. ²² Jaarunaaca Jesu acajebeweuboro diigoco aatyimeuboro nuuhi: Quehecuto gaha; imiyaavogomaño buheesucafetehi, nooboro.

Jaasumiro diigo buheetecuuhi.

²³ Jaanaa Jesu ihaivoji**bo** ii**jafaño** ii**futuubo** atyimeuhi masiminaaco diigoco ici*qui* ii*gaiyiciumoco*, bu miyaminaa ataacasimo ocoovadiicinonoco icano aatyimeuboro ²⁴ diitoco nuuhi: Jahisivi mihiino miiro guijevetigo bagocaja jilliro cigago, nooboro.

Jaaneri diibediti miyaminaa jejebacasiuhi. ²⁵ Jaarunaac Jesu diitoco jahisivi ihiinusuboro fañoojaví ufuuboro diigoco ihuseti agaayiciuboro gañiiyiciuhi. Jaasumiro diigo gañiivuuh. ²⁶ Jaano paryi toojinijeri gaajacafutuuhi diiboo tolli omooniuno.

*Jesu Buheesuhi Aatyime*misico*.*

²⁷ Jaabo toojatí ihiinuuboro Jesu ufuuboco miimisiici aatyimeutimisi bucasiuhi coovadiicinimisiro: Misico didaasugo David Iyaachi, noomisiro.

²⁸ Jaanaa Jesu jaahevi jicafutuubojaago fuumisi. Jaamisico dilluubo: ¿Nacuhu amíssi mimiyaavegueuehi toonoco omoonijirunoco? nooboro.

Jaanegui diitisi: Jíhi Aivojíbo, noomisiro iimusuuhi.

²⁹ Jaanegui Jesu diitisi aallinoco ududiiciuboro nuuhi: Jaafa amíssi miyaavogobadi icano, nooboro.

³⁰ Jaasumiro diitisico ihaallíno iminutuuhi. Jaaboro Jesu diitisico faguuhi: Jeedicahi míihaiñoobaco muguubusudino, nooboro.

³¹ Jaarunofaño ufuumisiro jíbuguumisi paryí toojiinijeri Jesu omooníunoco.

Jesu Buheesuhi Iimaatiiboco.

³² Jaamo iinumaacaro saatoho sivauhi Jesujaago ihiimaatiibó iimitino jíma iicauboco. ³³ Jaaboco Jesu buhi agañíudi jari diibo ihiimaahicautibó jari iimaauhi. Jaaneri miyaminaa sihidí ajabafituumoro nuuhi: Aivo Israelfaño atyimeratatinó jilli iicano, noomoro.

³⁴ Jaarunofaño fariseomi neehicauhi: Jaani iimitino jímicco buhi gañíhicahi, diito aivojíbo mityariro, noomoro.

Jesu Miyaminaaco Idasuguehi.

³⁵ Jaanaa Jesu fahigovadi feehicauhi faacuumivariro, bu imidi cuumineri icano igooboro sinagogajanovaño jíbogooboro. Moocaani aivojí ijicco jíbogooboro, bu fanoova guihuwanoco buheesuuboro, bu fanoohaivoco buheesuuboro icano. ³⁶ Jaabo miyaminaaco aatyimeuboro diitoco idasuguubo, idasuno iicaunoti, niinovano iicaunoti, bu oono ovejamí itoomominaafima achahamo icanicibadi iicaumaño icano. ³⁷ Jaaboro itoomominaaco nuubo: Miyanotiro, imiyaavogotimo ajashutihí. Jaarunofaño idudicamaajeminaa miidihi diitoco iicijirumo. ³⁸ Jaaneguiha ihabajaabo Moocaanico midillu dudicamaajeminaati igalluuqui ihicivaqui, nooboro.

10

Jesu Ichi Minisuminaati Fahuseeci Motihaiti Miimisiici Idíino.

(Mr 3.13-19; Lc 6.12-16)

¹ Jaaboro Jesu fahuseeci motihaiti miimisiici icamo ijibogomináaco ucuuhuvauboro imityaco aciubo, iimitino jímicco buhi igañíhicaqui, bu fanoova guihuwanoco, bu fanoo aivonoco icano ibuusuhicaqui.

² Jaamo ijibogomináaco momono jino. Iticoni Simon icaruuboco Pedroti omomoníubo. Jaabo nahabo Andre, bu Jacoobo onoobo, inahabo Jua icano Zebedeo seemenetisi. ³ Felipe, Bartolome, Tomas, Mateo impuesto jaadusuminaafi, bu Jacoobo onoobo Alfeo achi, bu Lebeo icaruuboco Tadeoti omomoníubo, ⁴ bu Simon onoobo cananistamíobo, bu Juda Iscariote onoobo Jesuco aaciujíubo icano.

Jesu Iminisuminaaco Jíbogovi Galluuhi.

(Mr 6.7-13; Lc 9.1-6)

⁵ Jesu iminisuminaaco jilli nooboro galluuhi: Judiomí iicatímo jiinijejaago mefeedino, bu tolliro samaritanomí cuumico majaahevedino. ⁶ Israel cuumi miyaminaa ovejamíbadí imitaumojaagoviro mofoo. ⁷ Jahigo jíbogomoro mofoo; Moocaani aivojí fiitivucuuhí,

noomoro. ⁸ Iguihuvamoco buheesumoro mofoo, bu uchuumucuumoco buheetesumoro mofoo, foojohoma iicamoco imibachumoro mofoo, bu iimitino ijimico buhi gañiimoro mofoo. Amiihai jilli ticovono jino mityaco magaayichi; jaaneri momooninoco majaadusudino.

⁹ Jaamo oroco, bu nihibamico, bu cobrebaco icano masatyedino, ¹⁰ bu lleegucubaco jihaiguinha masatyedino icano ivi idijacoro masatyo sajacoro caamoojaco. Bu tihaiipaajebaco, queseibaco icano masatyedino. Miiro dudicamaajeminaafi imachutaama icaifihi.

¹¹ Jaamo amiihai cuumivi mihibutusumi, bu allio cuumivi mihibutusumi icano, miguiino iimihuene miyaminaafico. Jaabo ijafaañoro mihica tuucuumiti mofootinohachuta. ¹² Jaajafaño mijicafotomoro sajeebii icaco imogomoro midillu. ¹³ Jaano toojaminaadi iimihachiji diitedi mejeevesu toono sajeebii ica dilluco. Jaanoti iimogotihachiji toono sajeebii ica dilluco dojicuviro mihiici. ¹⁴ Jaanoti bu amiihaico agaayicigotihachiji, bu uguubugothachiji icano, toojati mihiinomoro tuucuumiti mihiinomoro amiihai tihaiñoguino jiinico diitojaagovi matatacu iibabadi iican. ¹⁵ Miyanotiro amiihaico neehi. Jaadufucu iicadi aivo tuucuumi sihidi jeevano aamicafeteji Sodoma, Gomorra icaucuumije miyaminaa janaanicivi.

Ijiihevejineheje.

¹⁶ Memeeći, uujojo jino amiihaico galluuhi oono ovejamí jicumifeeneri iicanicibadi. Jaanegui mihimibaicinicu oono jiinimo iicanicibadi. Jaarumo imimoro mihica nimihumi iicanicibadi.

¹⁷ Esicinino mihica, amiihaico miyaminaa aciji aivojito usenefaño. Jaamoro amiihaico aamijimo sinagogajanofañoovi. ¹⁸ Jaamoro amiihaico satyejimo tajibaminaa imegavi, bu imiya aivojito imegavi icano tahalliti. Jaamo uuditii mihiimaahi diito judiomii imefeenevi, bu judiomii iicatimo imefeenevi icano. ¹⁹ Jaamo amiihaico aivojito imegavi aacisumi: ¿Milli neeji? noomoro gaihuiba mihicadino. Mihiimaacuujino iicacuujidi Moocaani amiihai jeebiifaño mihiimaajinoco ficuji. ²⁰ Jaamo amiihai mihiimaajino icatino jilli amiihai jeebiifañoti amiihai Caani niqejefaño iicaabo Gaija iimaaji, nooboro. Jaadi nuubo mohimegavi iicajinehejediti

²¹ Miyaminaa inahabomicoro moonisiji, bu caanimi iseemequere moonisiji. Jaabadiro bu iseeme caanimijaagovi isifiratomoro chumusujimo. ²² Jaasumi faaboho miyaminaafi amiihaico jiheveji tahalliti: Jaaruno tolli icarunofaño ejenauboro allibavi afatyotoobo taajaji. ²³ Jaamo saacuumifaño amiihaico ubucasisumi siicuumijaagovi magaa. Jino miyanotiro amiihaico neehi: Uujoho Miyaminaafibadi Ifivuubo saaji amiihai paryi Israel jiinije cuumineri mofoomo tuucuumijeque mihimivotinaacaro.

²⁴ Miiro cajaani ijibogominaafi allinohocivi jeevatatihi, bu cojecivominaafi ihaivojibo janaanicivi jeevatatihi. ²⁵ Jaanegui ejeevamaaisuubo ijibogominaafi ticovovi iicacuuneriro imo imo iicaqui, bu ijecivominaafi ihaivojibobadi iicacuunerri icano. Miiro iijaminaa aivojibo icaruuboco ijimi aivojibo neehicamo, imi fi jaana, ¿milli iyotoco?

Miico Fine Mihiguijirahi.
(Lc 12.2-9)

²⁶ Jaanegui miyaminaaco mihiguidino miiro chahano aivo otoovono agaajaciratino, bu chahano afatanicinino gaajaciratino iicano. ²⁷ Jino civohigo uujoho amiihaico onoonoco amiihai cuuje eseseehigovi monoo. Jaanoti bu toovono onoonoco amiihai foovono mocoovadiivo iija niibahucuví mofoomoro. ²⁸ Mihiguijirahana oono miyaminaa ifi-ico agaicaaufimoco. Jaarumo ijeebiico gaicaaujiturumo. Jaanoti naha idibocoro mihogui allio ifico agaicauboro, bu tolliro ijeebíco ciijigaifaño iguijenijiruuboco.

²⁹ Miíro miimisiici jooimisico sajehegayiriro manaajenicihi. Jaarumisiti saafiba guijevetatíhi amiihai Caani niquejefaño iicaabo onootimañohiica. ³⁰ Miíro paryi amiihai nigai ijenee paryi oovocinicuuhi sajehesari. ³¹ Jaanegui mihiguijirahana. Miíro amiihai janaanicí majaaducafetehi ajashutirumo joomi allinohocivi.

Jesucristoco Miyaminaafeenevi Miyaabo Onoomo.

(Lc 12.8-9)

³² Paryi famooro miyaminaa imefeenevi uudití imino ihimaamoditi, bu uujoho ufucu imino iimaaji niquejefaño iicaabo Guihirubi imefeenevi. ³³ Jaanoti miyaminaa imefeenevi uco utunamaaimoditi, bu ufucu uujoho tuunamaaiji Guihirubi niquejefaño iicaabo imefeenevi.

Jesu Dugaacusuminaafi.

(Lc 12.51-53; 14.26-27)

³⁴ Uco jiinijehalliví sajeebí icaco sivaabo, noomoro mehesicinidino. Uujoho sajeebí icaco sivatihi moonicasicoro sivahi. ³⁵ Miíro gaifí-ico caanima moonicasisuvahi, bu gaigooco seejima moonicasisuvahi, bu iiyaajaco ibaaboma moonicasisuvahi. ³⁶ Jaaneguiha cuuhuva famoovaro iyotomaryo minaa taavacasiji.

³⁷ Jaanoti bu tajanaanicivi caanico, seejico icano agaijíbo tatyahé iicajitihí, bu illico, illeque icano tajanaanicivi agaijímo tatyahé icajitino. ³⁸ Jaanoti bu ifico sefano eesiciníbo tadyojicuti ofootiíbo tatyahé icajitihí. ³⁹ Jillí ificoró ataajasugoobo ifico mitasúji. Jaanoti tahallítí ifico imitasuubo ifico taajasúji.

Ijaadaco Magaayicijino.

(Mr 9.41)

⁴⁰ Moocaani iiji jíibogominaaco agaayicimo, bu uco gaayiciji. Jaamo uco agaayicimo, bu uco agalluuboco gaayiciji. ⁴¹ Jaanoti bu Moocaani iimaaminaafico Moocaani galluminaafi iicaaboco imino agaayicíbo, Moocaani iimaaminaafico ajaadufiyomonoco gaayiciji. Jaabadiro bu imihuseebe asaaboco diibo iimihuñeneque agaajamaño imino agaayicíbo, diibo imihuñeebeque ajaadufiyomonoco gaayiciji. ⁴² Jaanoti bu cajaatyohacho tatyati obocigotiruubo tadyojicuti ofooboco siicufaihuti iisumo miyanotiro ijaadama icaji.

11

Jua Nitiminaafi Agalluumo.

(Lc 7.18-35)

¹ Jaabo Jesu motihaití miimisiicidímo iicaumo iminisuminaaco jíibeguehicaudi toonoti fuubo toojiinijeo cuuminovi jíibogooboro ifeequi.

² Jaanaaca Jua civojafaño iicaumañoti guubuuhi Cristo imino mooniiboro efeehicaunoco. Jaaboro saatohotí ijibogominaati galluubo Jesuco imeecitequi. ³ Diiboco idillutequi: ¿Naa ijoho oono Cristo asaajiibo? ¿Naacu sifisquehiica meteemeji? noomoro.

⁴ Jaanegui Jesu diitoco iimusuhi: Mofoomoro Juaco mijibogoto mahatyimeneque, mugubunoco icano. ⁵ Mijibogo milli aatyimetimo aatyimeneque, iigotimo iguehi, ifoojohoma iicamo iguihuвати imibachucafetehi, bu inohojino uguubutimo guubucuuhi, iguijeveme siino buheesucafetehi. Jaanoti iidaasumo jibogocafetehi taajasujibogoco. ⁶ Imican iacajibo uuvi ejeevevetiibo.

⁷ Jaamo ufuunobuunati miyaminaaco Jesu Juaditi neehicauhi: ¿Jinejeque nacu amiihai memeecituuhı sicaihigo iicahigo? ¿Saafi noofajicuco guibuhuba iguibuhucinibadi iicaaboco? ⁸ ¿Nacu, miyaminaafi imoonoco jiciniboco? Miiro amiihairyo magaajahi iminoono ijicinimo aivojito iijanofaño icafihı. ⁹ Jii, ¿jinejeque nacu memeecijeuhı? ¿Nacu Moocaani iimaaminaafico? Jiihi, miyaano, Moocaani iimaaminaafı janaanicivi iicaaboco. ¹⁰ Diibo Juaditi Caatinhaame jilli onoobo: Uuoho tajibogominaafico tahimegavi galluuhı, dihimega jihaiço iimbachuqui.

¹¹ Miyanotiro neehi, paryicino miyaminaa iicaumoti, bu iicamo Jua Nitiminaafi janaanicivi aivo iicamo chahahi. Jaarunofaño jisumiti sihidi ejeevatiboo niqueje aivojifaño Jua janaanicı sihidi jeevahi.

¹² Jua Nitiminaafi asaaunobuunati jisumihachuta niqueje aivojı iminooteheje icahi, bu imityariro gaayiciguehicamo icano. ¹³ Miiro paryicino Moocaani iimaaminaa, bu Moise tajiba icano aivojiti iimaauhi Jua agaseunohachuta. ¹⁴ Jaanoco mimiyavogohachiji, miiro diibo Jua, jaadi Moocaani iimaaminaafı Elia saajibo unuubo. ¹⁵ Amiihai nohojima mihicamo uco mugubu.

¹⁶ ¿Jinejevi fine jisumio miyaminaaco ooviciji? Jii, jilli fine oovicihı oono seeme anaajenicihasifaño acasicamaaimoro abañamaaimo igataavominaaco ocoovadiicinibadi: ¹⁷ Amiihaidi siruuco miguisicuurahi. Jaarunaa mijibaiminitihi, bu idaasu masinoco amiihaidi mamasivacuurahi. Jaarunofaño mataatihi, noomoro iicanicibadi jeevamo. ¹⁸ Miiro Jua asaaubo aaigafiboro machuutirahi, bu aivofaihuco adutirahi icano. Jaaruuboco amiihai iimitino ijima iicaabo meneehicauhi. ¹⁹ Jaanobuunati bu uuoho Miyaminaafibadi Ifiivuubo asaaboco machuubo, aduubo icano. Jaaboco amiihai uco: Machufifiibo, adufifiibo imitiminaa, bu impuesto jaadusuminaa gataavominaafı icano, meneehicahi. Jaarunofaño Moocaani gaaja ifusucafetehi omooninofañodi.

Aivo Uguubutino Cuumiminaa.

(Lc 10.13-15)

²⁰ Jilli nooboro Jesu ticovauhi ihibaabo tuucuumijevi aivo sihidi ejeevano aatyimerafitino mityaco omoonihicau cuuminoco, tuucuumije miyaminaa iimitico ejeevesuutinoma iicaubo. ²¹ jidaasucaniji ijoho Corazin cuumi! jidaasucaniji ijoho Betsaida cuumi! Miiro Tiro, Sidon icauno cuuminovi, amiihaifeenevi eheetavocafetehinino mitya iheetavocafuturuva, siçije iimitico jeevesucuujirumo. Jaamoro ifusucuujirumo idaasu gaachehunoco ijicamaaimoro, bu baiguijinoco ejemere icano iimitico ejeevesucunoco ifusumo. ²² Jaarunofaño amiihaico neehi:

Ufucu jaadusufucu iicadi amiihai aivo Tiro, Sidon icano miyaminaa janaanicivi mahaamicafeteji. ²³ Jaanoti ijohoh Capernau cuumi; ¿fine uuoho niquejefaño gañiiyicicafeteji, noonoro deesicinihi? Jaarunofaño guinoviro niitusucafeteji guijeveminaa iicahigovi. Miir Sodoma cuumivi ivi eheetavocafutuuno aatyimerafitino mitya iheetavocafutruva, tuucuumi jisumihachutahiica icajirahi. ²⁴ Jino amiihaico neehi: Jaadusufucusumi aivo amiihai Sodoma jiinjeo miyaminaa janaanicimoomonicafeteji.

Jesu Neehi: Tajaa Masaa. Jaamoro Majaguisi.

(Lc 10.21-22)

²⁵ Tusumi Jesu Moocaanico nuuhi: Ico imehi, Moocaani niqueje Aivojiibo, bu jiinjeo Aivojiibo icano idicaaboco. Jaanaa jjiegajaminaaditi, bu jijeohesicinima iicamedit icano afataninoco, jilli ticovo jeebiiba iicamocoro dihifusuhi. ²⁶ Jiihi, Guihi, ijohoh tolli idiimogobadi.

²⁷ Guihirubi uco paryi fanoovaco tahusefaño ficuuhi. Miyanotiro aivo miihaiñooba Illico gaajatihi. Idiboro Caani gaajahi. Jaabadiro Caanico miihaiñooba aivo gaajatihi. Idiboro Illi gaajahi, bu jaanoco jaatyoco Illi imeguehi agaajasunoco. ²⁸ Tajaa masaa oono paryicino amiihai amiihai dudicamaajeneri, amiihai fisetsaneri icano minniinovatomo, amiihaico uuoho jaguisisuqui. ²⁹ Magaayici amiihaico uuoho atajibanco. Jaamoro uuti magaaja, ajaabicipinoco, bu tajeebii isicunoco icano. Jaamo amiihai jeebiico majaguisisujinoco mahatyimehi. ³⁰ Uuoho amiihaico atajibano, sihidi jeevatihisatyo, bu amiihaihallivi ificuuno aivo ijeevesutihicano.

12

Ijibogominaa Jaguisifucusumi Arrozbadi Ejeevano Trigo Noovataco Icihi.

(Mr 2.23-28; Lc 6.1-5)

¹ Toodihivi Jesu jaguisifucu basutafeenedi igooboro feehicauhi. Jaanaaca ijibogominaa ajeba aivuunegui ticovaumo trigo noovataco iicimoro ifayinoco amachumo. ² Jaanoco fariseomi aatyimeumoro Jesuco nuuhi: Meeci, dijibogominaa jaguisifucu eheetavusutatinoco dudicamaajeque eetavehi, noomoro.

³ Jaanegui diitoco nuubo: ¿Nacu amiihai aamefaño memeecihi catihi safoonoo David inahaboniminaama aajebavausumi omooniunoco?

⁴ Miir Moocaani ijafaño ufububoro machuubo jecivo imimaahunoco, mijoho amachutatirunoco diibo, bu igataavominaa icamo amachujitirunoco idimoro sacerdotemi amachufinoco. ⁵ ¿Nacu bu Moise tajiba aamefaño onoonoco memeecihi catihi, sacerdotemi Moocaani ijafaño jaguisifucu icarunaaca jaguisitimo iicanicinoco? Jaaruno imiti iicatinoco. ⁶ Miir amiihaico neehi: Jineeri icano aivo toono Moocaani iija janaanicivi ejeevano. ⁷ Miir amiihai magaajatihi Caatininhaame jino jilli eneejirunoco: Uuoho imeguehi mihidaasugonoco. Jaanoti asimico magaisiraicimoro mejeevionoco imogotihu, onoonoco. Miir toonoco magaajaruva oono milli imitico omoonitirumoco imiti meneejitirahi.

⁸ Miir uuoho Miyaminaafibadi Ifiivuubo bu tolliro jaguisifucuhallivi mityama icahi.

Ihuse Ifiigatyuubo.

(*Mr 3.1-6; Lc 6.6-11*)

⁹ Jaadi Jesu toonoti ufuubo sinagogajafaño jícafutuuhi. ¹⁰ Jahigo icaubo saafi miyaminaafi ihuse ifiigatyuubo. Jaanaa Jesuco siibadi iicanoco omooninoco aatyimemere iifurumo toonohalliti diiboco imooniqui iimuguumoro diiboco dillumo: ¿Naa, jaguisifucusumi iguihuvaabo buheesu meheetavejirahi? noomoro.

¹¹ Jaanegui Jesu diitoco iimusuuhi: ¿Nacu cajaatyo amiihaiti saatoho amiihai jooi oveja jaguisifucusumi jacobojifaño ihacuturuva mofoomoro mihicitejirahi? ¹² Jaanotí miiro miyaminaafi oveja janaanic jaaducafeteahi! Jaamaño jaguisifucusumi imino momooninoco meheetavejirahi, ¹³ nooboro ihuse ifiigatyuuboco: Dihuseque fallirihicaru, nuubo. Jaanegui diibo ihuseque afalliricaruuneri tusumiro imituuhuse saanaagohuse iicabadi. ¹⁴ Jaasumiro ifariseomi ufuumor iimaacasiuhi Jesuco iguijeniqui.

Jesuditi Onono.

¹⁵ Jaanoco Jesu agaajaciuboro toonoti sihigovi fuubo. Jaabo sihidi miyaminaa bucasiuhi. Jaamo paryi iguihuvamoco Jesu buheesuuboro feehicauhi. ¹⁶ Jaaboro diitoco: Uujoho diibo iicanoco miiço mijibeguedino, nooboro diitoco faguehicauhi. ¹⁷ Jillí icauno Moocaani iimaaminaafi Isaia jillí unuuno imiyacafetequi:

¹⁸ Jaani tajecivominaafi uujoho iicibo. Jaaboco uujoho agaijiiboro diiberi imo imo iicaabo. Diibohalliví tagajaco ficuji. Jaabo uujojo miyaaneri udugaacunoco cuumino miyaminaaco jiibegueji.

¹⁹ Jaaruubo ñaaijitiibo, coovadiinamaajititabo icano. Mihiainoooba ihiimaaco guubujitihí cuumino jiihaiñovi. ²⁰ Aivo gañiicafetejítino buiga miiví quisivuruno, bu jaabadiro jabacarurajítino cuugahuba jari inifuturuno. Jarihiica iimi aivojico eheetavusuno-hachuta. ²¹ Jaadi naha jari paryi jiinije miyaminaa diibocoro esicinicuuji, unuuno.

Jesuco Iji Mityama Icaabo Noomo.

(*Mr 3.19-30; Lc 11.14-23; 12.10*)

²² Jaanaaca Jesujaago sivaumo ihaallíno aatyimetíbo, ihiimaatiíbo icano, iimitino ijima iicauboco. Jaaboco Jesu buheesuuhi. Jaaneri atyimecuubo, bu iimaacuubo icano. ²³ Jaaneri paryi miyaminaa ajabafituumoro nuuhi: ¿Nacu fine jaani David Iyaachi fine? noomoro.

²⁴ Jaanoco fariseomi uguubuumoro nuuhi: Jillí jaani iimitino ijimico buhi gañihiicaabo, diito aivojíbo Beelzebu mityariro, noomoro.

²⁵ Tollí noomoro eesamaaiunoco Jesu agaajaciuboro nuuhi: Sahaivojí minooci udugaavonoro sanomiro imoonicasiruva gueenene icatinoro goovano finijirumo. Jaabadiro bu cuucuumihacho, bu sajaminaaro icano fahigovaví idugaavuruva gueenene icajitirahi. ²⁶ Jaabadi ¿millí bu Satanas ificoro buhigovi gañijirahi? Jaanotí jillí imooniruva, ¿millí bu imitya gueenene icajirahi? ²⁷ Miiro amiihai uco meneehicahi uujoho iimitino ijimico Beelzebu mityari buhi agañíno meneehicahi; ¿Jaano bu tollí iicahachiiji, miijoho nacu oono amiihai jii:bogominaaco mityaco acihicahi diitoco buhi igañihiacaqui? Jaamaño bu diito tolliro omoonimaño imino gaajaveechuno amiihai guiraano aivo mimitanoco. ²⁸ Jaanotí naha uujoho imitino ijimico buhi gañihiicahi Moocaani Gaija

mityafeenedi. Jaamaño toono gaajasuhı Moocaani aivojı mitya amiihaivi agasecuunoco.

²⁹ ¿Milli bu sifi esefaabo ijiafaño ofooboro inehejeque dumitiicijirahi iticoni diiboco sisitiiboro? Jarihiica naha diiboco isisiboro inehejeque dumitiicijiruubo.

³⁰ Jaamaño tajaagodi iicatimo taminaa. Jaabadiro bu tajaagovi misivatimo buhigoviro magavaracusuhi.

³¹ Jaanegui amiihaico neehi: Miyaminaaco paryı fanoova imitico unuuruno buusucafetejirahi. Jaanotı Moocaani Gajaditı imitimo ihimaano toono naha aivono ufucuro buusurajitihı. ³² Jaabadiro bu ca-jaatyohacho uujoho Miyaminaafibadı Ifiivuubeditı imitino ihimaaruno buusucafeteji. Jaanotı Moocaani Gajaditı imitino ihimaamoco toono aivo buusurajitihı jjiehallıvi, bu ufucu sijjehallıvi icano.

Imohoco Inoovatatiro Magaaajatahi.

(Lc 6.43-45)

³³ Miıro iimino imoho, iiminocoro noovanıchi. Jaabadiro bu iimitıho iimitinocoro noovahı. Jaamaño imohoco inoovatiro magaaajatahi.

³⁴ JJiinimomi cuumi mihicamo! ¿Milli bu iiminoco mihiimaajirahi, imitiminaa mihicamo? Miıro iiji iimaanicıhi ijeebiıfaño agahaficinotı.

³⁵ Miıro iimino miyaminaafi iiminocoro iimaanicıhi iimino ijeebiıfaño iicanoti. Jaanotı bu iimitino miyaminaafi imitino iimaanicıhi ijeebiıfaño iimitino iicamaño. ³⁶ Jaanegui amiihaico neehi: Ufucu jaadusufucu iicadi, famooro magaaajaji oono iminootino mihiimaahicanehejeque.

³⁷ Miıro dihiimaariro daaducafeteji, bu dihiimaariro imiibo, bu imitıbo noocafeteji.

Imitino Miyamina Aatyimerafitino Mityaco Dilluhi.

(Mr 8.12; Lc 11.29-32)

³⁸ Jaanegui Jesuco nuumo saatoho fariseomıoto, bu Moise tajıiba gaa-jaminaaoto icamo: Gaajaminaafi, miıhai mihimeguehi aatyimerafitino mityaco gaajabadi iicanoco edeetavonoco, noomoro.

³⁹ Jaanegui Jesu diitoco iimusuuhi: Jeedi fine iimitino miyaminaa saaficoro imiyaavogotatimo dilluhi aatyimerafitino mityaco gaajatabadı iicanoco; Jaaruno gaajata acirajitihı, idıinoro Moocaani iimaaminaafi Jonas gaajata acicafeteji. ⁴⁰ Miıro oono Jonas iguiraano taavaabo jeebiıfaño mifucuci, safucu cuujeo fucuva, bu mifucuci, safucu fucuo fucuva icano iicaubadiro, bu tolliro uujoho Miyaminaafibadı Ifiivuubo jjinije ciidiıfaño icaji mifucuci, safucu icano cuujeo fucuva, bu mifucuci, safucu icano fucuo fucuva icano. ⁴¹ Jaadi Ninive cuumiri iicaumo jaadusufucusumi gañiiveji, Jino jisumio miyaminaaco udugaacudi. Jaamoro diito idaasuno iicajihı diitoco oovicijimo; Miıro Ninive miyaminaa iimitico ejeevesuumoro imino icauhı Moocaani jiıbogoco agalluunoco diitoco Jonas ijiıbuguusumi. Miıro Jonas janaanici uujoho iicaabo jino jimañeri icahi. ⁴² Tolliro bu ufucu tehesino jjinije aivojıgo gañiiveji jaadusufucusumi jino jisumio miyaminaa iimitico emeecidi. Jaagoro diitoco idaasuno iicajihıgo oovicijigo; Miıro diigo aivo tehesino jjinijeti sauhi, Salomon gaajaco uguubuvaugo. Miıro Salomon janaanicıvi uujoho iicaabo jino jimañeri icahi.

Imitino Iji Siino Uhuuminicino.

(Lc 11.24-26)

⁴³ Miiro iimitino ijí miyaminaafiti ihiinooboro fooniciiboo ifihigaimañehejedi ijaguisiqui guiinooboro. Jaarunoco aatyimetiboro siino esamaaifiboo: ⁴⁴ Siino dojicuviro tahigoti asaahinihigo taajajaagoviuumiji, nooboro. Jaabo dojicuviro agaseebe miyaminaafi jeebiico atyimefihi, ijia sicaija, imibachucinija, iguijaacinijabadi iicaaboco. ⁴⁵ Jaanegui ofooboro siino icitefiboo sahuse juugahuseti miimisiici idíino aivo diibo janaaniciví iimitino ijimico. Jaamoro paryí sahi diibofaño ofoomoro icatonicimo. Jaaneri diibo iticoni iicauno janaanicí aivo imitino minifetefihi. Jaabadi icajimo jito iimitino miyaminaa.

Jesu Nahabomi, Seeji Icamo.

(Mr 3.31-35; Lc 8.19-21)

⁴⁶ Jaabo Jesu miyaminaamahiica ihiimaaunaacarehiica gaseumo seejima inahabomi. Jaamo diiboma ihiimaaqui omooníumo jahisiro icauchi. ⁴⁷ Jaanaa saatoho diiboco jíibuguuhi: Diiseejí, bu dinahabomi icamo oono jahisi icahi. Jaamo iima iimaajirahi, noomoro.

⁴⁸ Jaanegui diibo nuuhi diiboco tolli nooboro ijibuguuboco: ¿Mijohoh taaseejí, mijohoh tañahabomi? ⁴⁹ nooboro ijibogominaaco itiduuboro nuubo: Jito taaseejí, tañahabomi icano. ⁵⁰ Miiro cajaatyoohacho Tacaani niuejefáño iicaabo iimogonoco omoonímo, diito naha tañagomi, tañahabomi, taaseejí icano, nooboro.

13

Basuminaafivi Ohoovicino.

(Mr 4.1-9; Lc 8.4-8)

¹ Tufucu Jesu iihatí ihiinuuboro muuajinivi casiivutuuhi. ² Jaanaa diibo cojiví sihidí miyaminaa iigaivuumo iijeuneguiha Jesu meene-gafaño ijicafutuuboro imuuaifaño casiivutuuhi. Jaanaa imiyaminaa isiro fitafutuuhi, jinigibaahohalliví. ³ Jaaboro diitoco sihidí sinehe-jeque jjibeguehicaubo siinoví ooviciboro jillí nooboro: Basuminaafi fuuhi abasutuubo. ⁴ Jaabo basuuboro ufuuno samañoono jjihalfaño ai-fuuhi. Jaarunoco joomi asaaumoro faayisujeniuhi. ⁵ Jaanotí samañoono guisihihalliví aifuuhi, miyaadi jiini achahaumañovi. Jaanoro goovano iin-ucuuno miyaadi ijiniye afaicuvautimaño. ⁶ Jaaruno nihiba aachiciunerí chuumucuuno abacocoovaltimaño fiigatyuuno. ⁷ Jaanotí samañoono aifuuhi jarimihoonofeenevi. Jaano ijariimihoono toonohalliví ujus-unerí toono macaniuhí. ⁸ Jaanotí samañoono imino jjinijehalliví ai-fuuhi. Jaano ujusunoro imino noovauhi; Jaano sagahaisaro ifivu-uno noovauhi ciendigaiva. Jaanotí sagahaisa noovauhi sesentadigaiva. Jaanotí sagahaisa noovauhi treintadigaiva icano. ⁹ Jinooco mugubu amiihai nohojima mihicahachiiji, nooboro.

Milliti Siinoví Oovicubo.

(Mr 4.10-12; Lc 8.9-10)

¹⁰ Jaanegui ijibogominaa diibogaagovi asaaumoro diiboco dilluvauhi: ¿Collahiica miyaminaaco siinoví ooviciboro jjibeguehicahi? noomoro.

¹¹ Jaanegui iimusuubo: Amihaico naha Moocaani niuejeao aivoji otoovonoco imino gaajasuhicahi. Jaanotí diito imino gaajajitirahi. ¹² Miiro sihidí icanoma iicaabo siino janaanicí acicafeteji, guiraanoma iicaQUI. Jaanotí chahanoma iicaaboco ajashunogayí iicaruno dumitiicicafeteji. ¹³ Tooneguita diitoco

siinovi ooviciboro jibeguehicahi, atyimecuurumo atyimetimobadi iicahicaneguiha, bu guubucuurumo gaajahicatihi inohojima achahamobadi iicahicaneguiha. ¹⁴ Jaamaño diitovi nijequavano Moocaani iimaaminaafi Isaia unuuno:

Amiihai fine muguubuji. Jaarumo magaaajitihhi; Fine mahatyimejirahi.

Jaarunoco mehesicinijitihi. ¹⁵ Amiihai jeebiino ucuhufunuutcumano, imitino muguubuhicahi, bu ihaalliihno manihicinijihi, ihaalliiheri atyimetimo iicaqui, bu inohojineri guubutimo iicaqui, bu ijeebiiri gaajatimo iicaqui. Jaamoro tajaagoví uumitimo uujoho ubuheesujiruneguiha, unuuno.

¹⁶ Jaanotí naha imicani amiihai mihicahi amiihai aalliiheri mahatyimemaño, bu amiihai nohojineri muguubumaño icano.

¹⁷ Miíro jino miyanotiro jino amiihaico neehi: Ajashutimo Moocaani iimaaminaa, bu ajashutimo iimino miyaminaa icamo jino amiihai mahatyimeneque atyimegueuhi, bu jino amiihai muguubunoco guubuguuhi icano. Jaarumo guubuutimoro, bu aatyimetimoro guijkevecuuhi.

Jesu Jibeguehi Basuminaafivi Ohoovicinoco.

(Mr 4.13-20; Lc 8.11-15)

¹⁸ Muguubu taca jino basuminaafivi ohoovicino jilli eneejirunoco.

¹⁹ Jino niqueje aivoji iijico guubucuurumo agaajatimo johono abasuno jihaiifaño aacotonobadi jeevahi. Miíro iji asaaboro ijeebiiifañoti icicuuhi ijeebiiifaño jibogoco abasucuurunoco. ²⁰ Jaanotí guiishalliví aifuuno onoono oono jibogoco uguubumoro toonoco imo imo agaayicimo.

²¹ Jaaruno miyaadi abacocoovatimaño gueenene icatino. Miíro diitovi nisu agasesumi, bu tobogohalliti ijihhevesumi icano toonoco jeeveyicifimo. ²² Jaanotí jarimihoonofeenevi abasuuno onoono, oono jibogoco guubucuurumo sinehejeaagoviro ijeebiino iicamoro jijeo nehejeriro niji niji iicamaño nihibami diitoco bañifiji. Jaano paryi jinehejere tojibogoco amacanisumaño diitofaño toonoco noovasutatino.

²³ Jaanotí naha iimino jiinijehalliví abasucatuuno, onoono jibogoco uguubumoro agaajamo diito imino onoovasumo. Jaamo saatoho jeevahi oono ciendiyiva sayi ifivuuno onoovabadi. Jaanotí saatoho oono sesentadino onoovaubadi jeevahi, bu saatoho treintadino onoovaubadi icano.*

Trigofeenevi Iimitino Ñaavahu Iicanovi Ohoovicino.

²⁴ Jaadi bu Jesu jino siino jibuguuhi siinovi ohooviciboro: Niqueje aivoji jeevahi oono miyaminaafi iimino toogaiñooco ifaguifaño abasunobadi. ²⁵ Jaarunaaca paryi cigaumaaca diibo minaafi ijicafutuboro iimitino ñaavahuco abasujeuboro fuuhi. ²⁶ Jaanaaca itrigo ifivuunoro noovaunofeeneti, bu tolliro toono iimitino ñaavahu fivuuh.

²⁷ Jaanegui ijecivominaa ufuumoro abajaaboco nuutuuh: Aivojiboo miíro faguifaño imino toogaiñooco basuuhi. ¿Cuucati jana bu jino iimitino ñaavahu fiivehi? noomoro. ²⁸ Jaanegui abajaaboo nuuhi: Cajaanihacho taminaafi tolli moonihi, nooboro. Jaanegui ijecivominaa nuuhi: ¿Diimeguehi mofoomoro toohibaijeque magaijucitonoco? noomoro.

²⁹ Jaarunaaca diibo nuuhi: Chahano, toohibaijeque magaijucihigo, bu trigohiibaimaryo magaijucirahi, nooboro. ³⁰ Jaafa sano fanoociro

* **13:23** Jino miyaavogoditi jibogono.

jusihu. Jaadi dudicamaajeminaaco tajibaji iticoni toono iimitino ñaavahuco ihiciqui, jaamoro faasihiye isisiqui cijigaifaño mijigasuqui. Jaadi itrigoco iimorota machuta ijafafano toonoco ificuuqui, nooboro.

Mostaza Tooivi Ohoovicino.
(*Mr 4.30-32; Lc 13.18-19*)

³¹ Jaadi bu Jesu siino jilli ohoovicuboro nuuhi: Niqueje aivoji jeevahi oono miyaminaafi ifaguifaño mostaza tooico abasuno iicanicibadi.

³² Miilo jaagai paryi fanoova tooinoguinovi sihajashugayi. Jaarugai ujusidi fahoova janaanicivi iminifotohoro imohodihominifotonicih. Jaaho aivo aajashutimaño joomi agahafomo asaamoro ihaafenevi iicuvanicihi, nooboro.

Levaduraguijivi Ohoovicino.
(*Lc 13.20-21*)

³³ Tolliro bu siino jilli ohoovicuboro nuubo: Niqueje aivoji jeevahi oono gaigo levaduraco minooci, sano icano oovodino harinaco iicigoro toonoma acaisenino toosihima imino acaisecafotonicino iicabadi.

Jesu Sano Ooviciriro Eneehicauno.
(*Mr 4.33-34*)

³⁴ Jesu jilli paryi miyaminaaco siinovi oovicuboro jibeguehicauhi, siinovi oovicuboro jibeguehicautibbo. ³⁵ Jilli icauno Moocaani iimaaminaafi unuuboro acaatininu imiyacafetequi:

Sininovi ohoovicinofeenediro iimaaji; Siicijetiro Moocaani jiinijeque ifivusunotiro toovono iicanehejeque, nooboro.

Jesu Jibeguehi Iimitino Ñaavahuvi Ohoovicinoco.

³⁶ Jaadi Jesu miyaminaaco agalluuboro jaahevi fuubojaago ijibogominaa ifiitivumoro diiboco dilluhi: Mihaico diibogo oono iimitino ñaavahu faguifaño iicanediti, noomoro.

³⁷ Jaanegui Jesu diitoco nuuhi: Miilo iimino toogaiñoco abasubo oono uujoho Miyaminaafibadi Ifiivuubo. ³⁸ Jaanoti fagui onoono jiinije. Jaanoti oono iimino toogaiñó, onoono Moocaani aivoji seemeti onoono. Jaanoti iimitino ñaavahu onoono iji seemediti iicamediti onoono. ³⁹ Jaanoti minaafi iicaabo diibo iji. Jaanoti ibasutaaco iicijino onoono ufucu jiinije ifinijinoti onoono. Jaanoti toono ibasutaaco iicijimo Moocaani toomominaa. ⁴⁰ Jaanoti oono iimitino ñaavahuco mihicimoro mijigasuniradi, bu tolliro ufucu jiinije ifinidi icajino. ⁴¹ Jaasumi uujoho Miyaminaafibadi Ifiivuubo itoomominaaco tajibaji ihaivojifañoti inaniqui oono sitaaco imitico iicisuhicamoco, bu imitico omoonihicamoco icano. ⁴² Jaamoco cijigaifaño gañijimo tahi ataacasijihigo, idaasuno iicaneri igaiñonoco catiriri oojisujihigo. ⁴³ Jaanoti Moocaani iimogonoco omoonihicamo nihiba iicaniciradi achiciniji Moocaani aivojifaño. Amiihai nohojima mihicahachijiji mugubu.

Nihibami Jiinijefaño Toovono Iicanovi Ohoovicino.

⁴⁴ Niqueje aivoji oono nihibami toovono jiinijefaño afatanicinibadi jeevahi. Jaanoco saafi miyaminaafi aatyimeebere siino dojicuviro siino toonoviro fataninicih. Jaaboro imo imo ofooboro paryi inehejeque anaajeebere toono nihibamiri tomaño jiinijeque naajenicih, fanooro tomañonihibami diibediro iicaqui.

Perla Guiisiyi Sihidi Ijaadama Iicanovi Ohoovicino.

⁴⁵ Bu tolliro niqueje aivoji jeevahi naajeminaafi oono perla guiisiyi iimiyyico guinoboro ofoonicibadi. ⁴⁶ Jaayico aatyimesumi ofooboro paryicino inehejeque anaajeebere tooneri tooyico naajenicihi.

Sinicuhuvu Ohoovicino.

⁴⁷ Jaabadiro bu niqueje aivoji oono sinicuhu muuaifaño magañiino faaboho taavaaboco iicinicino iicabadi jeevahi. ⁴⁸ Jaano isinicuhu agahafucuudi ificiminaa jiingaibaahohallivi isi guiyicinicichi. Jaadi ututuuvomoro itaavaco naninicimo. Jaamoro iimifimoco jiibaiñofaño ficunicimo. Jaamo iimitimoco buhi gañiinicimo. ⁴⁹ Jilli icajino ufucu jiinje ifinidi; Moocaani toomominaa asaamoro dugaacujimo iimitimoco iimifimofeeneti. ⁵⁰ Jaamoro iimitimoco ciinggaifaño gañijimo, tahigo ataacasijihigo, bu igainooco catiriri oojisujihigo icano.

Bohono Busumije, Eedeene Icano.

⁵¹ Jaaboro Jesu diitoco dilluhi: ¿Naa paryi jinooco magaajahi? nooboro.

Jaanegui diito nuuhi: Jiihi, noomoro.

⁵² Jaanegui nuubo: Miiro Moise tajiba gaajaminaafi imino niqueje aivoji jibogoco gaajacuubo. Jaabo iija abajaabobadi jeevahi. Miiro toojaminaafi fanoocoro toojafaño iicanoco gaajahi. Jaabo iicijiruubo eedeeneque, bu bohonoco icano. Jaabadiro diibo niqueje aivoji jibogoco agaajaabo jibeguejirahi Moise unuunoco, bujisumi uujoho ihimaanoco icano.

Jesu Nazarevi Icahi.

(Mr 6.1-6; Lc 4.16-30)

⁵³ Jaadi Jesu siinovi ooviciiboro jibeguehicaudi toonoti fuucuubo.

⁵⁴ Jaabo ijiniyevi ifutuuhi. Jahigo paryi famaño sinagogajanofaño jibogooboro feehicaubo. Jaaneri miyaminaa ajabafitomoro neehicauhi: ¿Cuucati jaani gaajahinihi jino jityigaba gaajaco? ¿Milli jaabo jino sihidi ejeevanoonoco eetavehicahi? ⁵⁵ Miiro jaani imohobujene dudicamaajeminaafi achi, jaanoti seeji Maria icano. Jaanoti bu inahabomi Jacoobo onoobo, Jose, Simon, bu Juda icamo. ⁵⁶ Miiro bu inagomi miihaifeeneri icahicahi. ¿Cuucati jana gaajaabo paryi jityigabajeque? noomoro.

⁵⁷ Jaamaño diiboco miyaavuguutimo. Jaanegui Jesu diitoco nuuhi: Famoovaro Moocaani iimaaminafico imino gaayicihicahi. Jaanoti idimoro iicumiminaa, bu ijaminaa icamo gaayicitihu, nooboro.

⁵⁸ Jaamaño sihidi toonovi sihidi ejeevanehejeque eetavuutiboo diito diiboco imiyaavuguutineguiha.

14

Jua Nitiminaafi Guijeveque Jibogono.

(Mr 6.14-29; Lc 9.7-9)

¹ Tusumi Herode onoobo Galilea aivojiboti icaahi. Jaabo guubuhi Jesuditii. ² Jaaboro iicojiri iicaumoco nuubo: Diiboro Jua Nitiminaafi siino ubuuheteebe guijeveti. Jaamaño jino sihidi ejeevano mityama icaabo, nooboro.

³ Miiro diibo Herode Jua Nitiminaafico isisisuuboro civojafaño ficusuhi. Herodia onoogo inahabo Felipe taabaco unuuneguiha. ⁴ Jaabo Jua Nitiminaafi Herodeque nuuhi: Diigoco taabavadino, nooboro.

⁵ Jaanegui Herode Juaco guijeniujurahi. Jaaruubo miyaminaaco ñihicuguehicaauhi; famooro miyaminaa: Juaco Moocaani iimaaminaafi, noomoro eneehicaunoti. ⁶ Jaanaa ifiivu ficabavi iffutusumi jibaimoco Herode eheetavuuuhigo Herodia aicigai diibo ucuuhuvaumo imegavi gahaseguere fuuhi. Jaanoco aivo Iherode sihidí iimuguubo. ⁷ Jaaboro diigoco Moocaanifañodi unuuboro aciguubo fanooco conoocohacho diigo idilluguunoco. ⁸ Jaanegui diigo seeji diigoco afajiiñubadi, ufuugoro Herodeque nuutuuhi: Uco butajefaa Jua Nitiminaafi nigaico daaci, noogoro.

⁹ Jillí unuuno diibo aivojíibó Herodeque sihidí idaasuvusuuhí. Jaarunofaño Moocaani momofañodi unuucuumáñó, bu diibo cojíri iicaumo jaanoco uguubucuumáñó icano, tajíibaubo ihaciquí. ¹⁰ Jaanegui tajíibaubo Jua nigaico iquiticiqui cívojafaañó icauboco. ¹¹ Jaayico isivaumoro tobagocajaco acívauhi. Jaanoco bu diigo seejico acituuhí.

¹² Jaanoco ijíibogominaa uguubuumoro Jua Nitiminaafi ifico asatymoro ciíjeuhi. Jaadi ufuumoro Jesuco jíibugutuumo.

Jesu Cinco Mildimoco Machusuhi.

(Mr 6.30-44; Lc 9.10-17; Jn 6.1-14)

¹³ Jaanoco Jesu uguubuuboro iinoro sihigovi tehesino fuuhi meene-gari. Jaarunoco miyaminaa agaajaciumoro cuuminotí diiboco bu-casiuhi isidi. ¹⁴ Jaanaa Jesu imeenegati ihiinuuhigo atyimeuhi si-hidí miyaminaa iicaunoco. Jaaboro diitoco idaasuguubo. Jaaboro iguihuvama iicamoco diibojaa isivamoco buheesuhicaubo. ¹⁵ Jaanaa ijíicuunegui ijíibogominaa diibojaa asaaumoro diiboco noovauhi: Aivo mihijiícuuhi, bu miíhaiñooba jimañeri chahahi. Jaanegui miyaminaaco galluucu ofoomoro cuuminotí maahunoco anaajemere imachuqui, noomoro.

¹⁶ Jaanegui Jesu diitoco nuuhi: Millí bu feejirumo amiíhai mahaci imachuqui, nooboro.

¹⁷ Jaanegui diito nuuhi: Miíro miíhaima chahano, idíinoro jino sahusedibava momaahuno, bu miimisiiciro taavaabomisi icano, noomoro.

¹⁸ Jaanegui Jesu nuuhi: Juu tajaa misiva, nooboro.

¹⁹ Jaaboro miyaminaaco tajíibaubo ñaavahuhallívi icasiícamaaíqui. Jaaboro ihusefaño iciubo toono sahusedibava imaahunoco, bu itaavaabomisico icano. Jaaboro niquejeque emeeciuboro Moocaanicoo toonohallívi iimuuboro toonoco iquisicuboro ijíibogominaaco aciubo. Jaanoco diito imiyaminaama ifuuhi. ²⁰ Jaanoco famooro amachuumoro tuvauhi. Jaano atyuuvoco ananiúmo gahafusuuhí jíibaiñooco fahuseeci motihaití siino miibaici idíino. ²¹ Jaanoco amachuumo cinco mildimou sano gaifimiro. Jaanoti gaigoomi, bu seeme icano oovarautihi.

Jesu Nifaihuhallidi Iguehi.

(Mr 6.45-52; Jn 6.16-21)

²² Jaaboro Jesu ijíibogominaaco imeenegafaño ijíicuuboro galluuhi ihimega oonogoomuuaiví ifeequi, diibo miyaminaaco ifitacuunohachuta. ²³ Jaadi diitoco ifitacuuboro Jesu fuuhi ifabai nigacivi Moocaanima ihiimaaqui. Jaadi mihijiícuunaaca Jesu tahi iinoro icauhi. ²⁴ Jaanaaca imeenegafeene muuairi icaunaaca sefano guibuhuba guibuhicaauhi togahallívi. ²⁵ Jaanaaca Jesu cuujetavi jari diitojaagovi saauhi, nifaihuhallidi igooboro. ²⁶ Jaaboco ijíibogominaa nifaihuhallidi

igooboro asaaunoco aatyimeumoro gaihivuumo iigutuumoro: ¡Ajaani ijí! noomoro.

²⁷ Jaarunofaño Jesu diitoco nuuhi: Mequehecu mihiguedino, uu-joho, nooboro.

²⁸ Jaanegui Pedro diiboco nuuhi: Aivojíbo, miyaano ijohó idiica-hachijí taca, tajíba bu uujoho dijaasaaqui nifaihuhallidi gooboro, nooboro.

²⁹ Jii, disaa taca, nooboro. Jaanegui Pedro imeenegati iniituboro ticovauhi nifaihuhallidi iiguubo Jesujaagovi ifeequi. ³⁰ Jaarunaaca guibuhuba sefano iguibuuoco aatyimeuboro igituubo. Jaasumiro ticovaubo inifaihufaño iniituboro. Jaanegui gaihivubo: ¡Aivojíbo, uco taajasu! nooboro.

³¹ Jaasumiro Jesu diiboco ihuseti iguiyiciuboro diiboco nuuhi: ¡Ajashucani dimiyaavogo! ¿Collíhi miyaavogotíhi? nooboro.

³² Jaadi diitisi imeenegafaño ijicafutuusumiro iguibuhuba llíviuhi.

³³ Jaanegui imeenegafaño iicaumo Jesuguiino ememuivuumoro nuuhi: Miyaano ijohó Moocaani Achi, noomoro.

*Jesu Iguihuvamoco Buheesuhi Genesarevi.
(Mr 6.53-56)*

³⁴ Jaamo imuuaico afatyuudi ifutuumo Genesare jiinjevi. ³⁵ Jaanaa toojiinijeo miyaminaa Jesu iicaunoco agaajacumoro paryí toojiinjeri jíbohocasiumo. Jaamoro Jesujaagovi sivaumo paryí iguihuvamehe-jeque. ³⁶ Jaamoro diiboco dilluhicaumo jilli igaachehujiniba nijequ-gayico idudiicitequi. Jaanoco paryí famooro ududíciudimo buheeuehi.

15

*Miyaminaaco Imihininisuno.
(Mr 7.1-23)*

¹ Jaadi fariseomití saatoho, bu caatiniminaa icamo Jerusale cuumiti asaaumoro Jesuco dilluvauhi: ² ¿Milliti dijíbogominaa moheedetemíhai jeevamaaje iicabadi moonítíhi? Miíro momooninicabadi moonitimoro ihuseneque nitamaaitimoro machuhicahi, noomoro.

³ Jaanegui Jesu diitoco iimusuuhi: ¿Milliti bu jana amíihai Moocaani tajíbaco mejeevesumoro amíihai jeevamaajequere momoonihicahi?

⁴ Miíro Moocaani jilli nuuhi: Diicaani, diiseejí icamoco bocigo. Jaanoti caanico, seejíco icano imitino onoomo iguijevequi, nooboro. ⁵ Jaaruno icanaaca amíihai menehicahi jilli, miíno caanico, bu miíno seejíco icano meneejirahi: Ico acijitíhi: Miíro paryí tañehejeque uujoho Moocaanico ijíbaicuuno, noomoro. ⁶ Jaamaño tolli onoomo caanimico, jinehejebaco acihicacuutíhi. Jillí momoonimaño Moocaani tajíbaco jihovonobadi momoonihicahi. Amíihai jeevamaajequere moonimoro mihicamaño.

⁷ Amíihai bañifiiraminaa mihicamo. Miíro miyaanoco nuubo Moocaani iimaaminaafi Isaia jilli nooboro acaatiniusumi:
⁸ Jiicumi uco jilli ticosono ijiriro bociguehicahi. Jaarumo jeebiino uudití tehesino icahi. ⁹ Jillí sicamañovi iigaivomoro uco imehicahi. Jillí amíihai ijíbogono, ticosono miyaminaa ijíbogonoro iicamaño, nooboro.

¹⁰ Jaadi Jesu miyaminaaco ocoovauboro nuuhi: Jinooco muguubumoro imino magaaja: ¹¹ Miíro miyaminaafi ijiri ijicafotonoo diiboco mihininitíhi. Jaanoti naha ijifañotí asaano diiboco mihininitíhi, nooboro.

¹² Jaanegui ijibogominaa asaaumoro diiboco nuuhi: Mee, fariseomi ijohoh tolli onoonoco uguubumoro aiveguehi, noomoro.

¹³ Jaaneguiha diitoco iimusuubo: Guihirubi ni quejefaño iicaabo abasutihoco paryi ibacoconomyo agaijuyiciiboro gañijiibo. ¹⁴ Jaafa tahi iimaamo jilli ihaallinoma chahamo, bu sita ihaallinoma achahamoco siiguehicahi. Miiro ihaallinoma achahaabo sifico isiiguruva faamisiciro ifahojifaño aquetejirahi, nooboro.

¹⁵ Jaaneguiha Pedro Jesuco nuuhi: Toono tolli odoovicinoco mihainaico diibogo, nooboro.

¹⁶ Jaanegui Jesu iimusuuhi: ¿Nacu buunaji amihai tolliro magaajatihi?

¹⁷ Miiro paryi miyaminaa ijiri ijicafoton moobafaño feehi. Jaadi mofitti inoonicino. ¹⁸ Jaanoti naha miyaminaafi ijifañoti asaano diiboco mihininihi, ijebiifañoti asaamaño. ¹⁹ Miiro ijebiifañoti iimitinoono esamaajene saanicahi, bu gaicaauneheje, bu gaigoomico iicimoro ejeevesuneheje, bu gaigoomima imitinoono iicaneheje, bu nanivaneheje, bu bañifiraneheje, bu sitaaditi sicamaño jibogoneheje icano. ²⁰ Jineheje naha miyaminaafico mihininihi. Jaanoti nitamaajehene moonico eetavotimo amachuno miyaminaaco mihininitihi.

Sijinjeo Miyaminaago Jesuco Imiyaavuguumo.

(Mr 7.24-30)

²¹ Jaadi Jesu toonoti ihiinuboro fuuhi Tiro, Sidon icano jinjeaagovi.

²² Jaanaaca Canaan jinije miyaminaago toojiinjeri iicaugo saauhi Jesu jaago coovadiicinigoro: ¡Aivojiboo, David Iyaachi, uco didaasugo! Aicigai iimitino ijima icago sihidi idaasuno icahicahi, noogoro.

²³ Jaarunaa Jesu diigo ajashunoba iimusutih. Jaanegui ijibogominaa asaaumoro diiboco nuuhi: Ajaamoco gallu gañuhusuno modojicuti coovadiicinigoro saago, noomoro.

²⁴ Jaanegui Jesu diitoco nuuhi: Moocaani uco Israel cuumiminaa ovejam iimitamobadi iicamojaagoviro galluuh, nooboro.

²⁵ Jaarunofaño diigo asaaugoro diiboguiino ememuiivovaugoro diiboco nuuhi: ¡Aivojiboo, uco daamus, noogoro!

²⁶ Jaanegui Jesu diigoco nuuhi: Imijitiruno iseeme machutaaco udumitiicimoro jicumico aacino, nooboro.

²⁷ Jaarunofaño diigo nuuhi: Miyaano Aivojiboo; Jaarunofaño jicumi machufihi iguiinoti ihabajato amachuno suuvico, noogoro.

²⁸ Jaanegui Jesu diigoco nuuhi: Gaigo, guiraacani dimiyaavogo. Jaafa ijohoh idimogobadi icano, nooboro. Jaanoco tolli diibo unuuno ticovoviro diigo aicigai buheeteuhi.

Jesu Buheesuhi Ajashutimo Iguihuvanoma Iicamoco.

²⁹ Jaadi Jesu toonoti ihiinuboro ufuubo fatyuuh Galilea muuaijinidi. Jaadi ifabaihallivi ufuuboro casiivutuuh. ³⁰ Jaabogaago sihidi miyaminaa ufuumorofutuuh diibo iicauhigo. Jaamoro diibogaago sihidi sivahicauhi iigotimehejeque, bu ihaallinno aatyimetimehejeque, bu ihiimaatimehejeque, bu imitino ihusene iicamehejeque icano, bu sihidi saatoho iguihuvamenejeque icano. Jaamoco buheesuhicaubo.

³¹ Jaaneri miyaminaa sihidi jabafitehicaudi ihiimaahicautimeheje ihiimauner, bu imitino ihusene iicaumeheje imino ihusenema iicacuuner, bu iiguehicautimehejeque iigucuuner, bu ihaallinno

aatyimeutimeheje aatyimecuuneri icano. Jaamoro ticovaumo Moocaanico Israel cuumi Dios icaaboco, iimomo.

Jesu Machusuhi Cuatro Mildi Miyaminaaco.

(Mr 8.1-10)

³² Jaadi Jesu ijibogominaaco ucuuhuvauboro diitoco nuuhi: Jito miyaminaaco idasuguehi. Miirō jino mifucuci, safucu icano icacu-umo uuma jinoovi. Jaamo amachujirunobama chahacuuhi. Jaanegui imogotihī machutimoco ijanojaago agalluunoco ofoomo jihaiivī nacate-jirahi, nooboro.

³³ Jaaneguiha ijibogominaa diiboco nuuhi: ¿Cuucati bu milli mihicijirahi jino miihaiñooba ijano achahahigo mihicamo jityigaba miyaminaa iicamoco mutuvasuqui? noomoro.

³⁴ Jaanegui Jesu diitoco nuuhi: ¿Nacu minoodino amiihai machutaano icahi? nooboro.

Jaanegui diito nuuhi: Sahuse juugahuseti minooci idinoro momaahugayino icahi, bu ajashuno motaavagayi iicanoro, noomoro.

³⁵ Jaanegui tajibaubo imiyaminaa jiinjehallivi icasiicamaaici.

³⁶ Jaadi toono sahuse juugahuseti minooci, bu itaavagayi ikanoco ihusefaño agaayiciuboro toonohallivi Moocaanico graciaco aciuhi. Jaadi toonoco iquisicuuboro ijibogominaaco aciuhi. Jaanoco diito imiyaminaama ifuushi. ³⁷ Jaanoco paryi famoro amachuumoro imino tuvauhi. Jaadi ihatyuuvoco ananíumo gahafusuuhı sahuse bu juugahuseti miibaici idino jiibaiñooco. ³⁸ Jaanoco amachuumo cuatro mildimo gaifiimi. Jaano gaigoomi, bu seeme icamo oovorautihi. ³⁹ Jaadi Jesu diitoco ifitacuuboro meenegafaño ijicafutuuboro fuuhi Magdala onoocuumi jiinjejaagovi.

16

Fariseomi, Bu Saduceomi Icamo Aatyimeratatinō Eetavoco Tajiibahi.

¹ Jahigo fariseomi, bu saduceomi icamo fuuhi Jesuco emeecituumo. Jaamoro diiboco iifurumo iimitinofaño igañiiisuqui dilluuhi: Mihaico niquejefanoona aatyimeratatinoco dihifusu, noomoro.

² Jaanegui diibo diitoco iimusuuhi: Iijicuuvī niqueje tifaiño iicasumi amiihai: Aiguejitino miirō oono niqueje tifaihi, meneefihi. ³ Jaabadiro bu fucuro meneefihi: Jaachiji imijitifucu, miirō oono niqueje tifaiño nijijama icahi, noomoro. Bañifiraminaa mihicamo, amiihai magaajahi niquejeque memeecimoro aiguejino, bu aiguejitino icano mononoonoco. Jaarunaa magaajatihi milli jisumio miyaminaa imiti eheetavoneheje ijibugurunoco. ⁴ Jaamo jito iimitino miyaminaa sanofaño imiyaavogonofaño iicatatimo, dilluhicahi aatyimeratatinheheje eetavoco. Jaarumoco acirajitino ivi idinoro Jonas gaajataro ifusucafeteji, nooboro ditoco ejeevesuuboro fuubo.

Fariseomi Juurisutaguijī.

(Mr 8.14-21)

⁵ Jaanaa onoogoobavi afatyumo ijibogominaa jabajeeveuhi pan añiminaa maahuco asatyujirumo. ⁶ Jaanaa Jesu diitoco nuuhi: Maga-ihuini fariseomi, bu saduceomi icamo juurisutaguijinoti, nooboro.

⁷ Jaanegui ijibogominaa noocasiuhi: Añiminaa maahunoco misivatineguiha olli noobo, noomoro.

⁸ Jaanoco Jesu agaajaciuboro diitoco nuuhi: ¿Collahi maahunoma machahanoco monoocasihi? Ajashucani amiihai miyaavogo.

⁹ ¿Nacu magaajatihi, mehesicinicuutahi oono cinco mildimoco sahusedibavariro amachusunoco, bu ihatyuuvoco minoodibaiva jiiibaiñooco magahafusuunoco icano? ¹⁰ ¿Bu mehesicinitahi sahuse juugahuseti miibaaci idaáneri cuatro mildimoco amachusunoco, bu ihatyuuvoco minoodibaiva jiiibaiñooco magahafusuunoco icano? ¹¹ ¿Jaamo bu milliti amiihai magaajacitihi uujoho machutaati onootinoco oono fariseomi, bu saduceomi icamo juurisutaguijiti onoonoco?

¹² Jaaneri jari gaajaumo Jesu diitoco añiminaa maahuno juurisutaguijiti unuutinoco, ivi jilli fariseomi, bu saduceomi icamo jibogotí mihigui unuunoco.

Jesu, Diibo Cristo Asaauijibo Iicanoco Unuuno.

(Mr 8.27-30; Lc 9.18-21)

¹³ Jaanaa Jesu Cesarea de Filipo onoocuumi jiinijevi ifutuudi jibogominaaco dilluubo: ¿Uujoho Miyaminafibadi Ifiivuubediti, ¿nacu milli miyaminaa uudití neehicamo? nooboro.

¹⁴ Jaanegui diito nuuhi: Saatoho: Jua Nitiminaafi, neehicahi. Jaanoti saatoho: Elia, neehicahi. Jaanoti bu saatoho: Jeremia, neehicahi. Jaanoti saatoho: Cajaanihacho siicijeototi Moocaani iimaaminaivioobo, neehicahi, noomoro.

¹⁵ Jaanegui diitoco nuubo: Jaanaa amiihai, ¿mijoho uujoho iicanoco meneehicahi? nooboro.

¹⁶ Jaanegui Simon Pedro diiboco nuuhi: Ijoho Cristo Moocaani iicaabo Seemene, nooboro.

¹⁷ Jaaneguiha Jesu diiboco iimusuuhi: Imican diicahi ijoho Simon Jona achi idiicaabo. Miíro cajaani miyaminaafi ico jinooco gaajasutahi idiboro Guihirubi niquejefaño iicaabo. ¹⁸ Jaaneguiha uujoho ico jino Pedroti momonihi, guisiyi eneejiruno. Jaaba jiba guisibahallivi uujoho taajaco eetaveji. Jaajaco guiveve mitya icaruno guinonijitihi. ¹⁹ Ico uujoho jino niqueje llaveneque aciji. Jaabo ijoho jijehallivi isisino, bu niquejefaño sisicafetejino. Jaanoti jijehallivi isinaayuno, bu niquejefaño sinaayucafetejino, nooboro.

²⁰ Jaadi Jesu ijibogominaaco faguuhi diibo Cristo iicanoco miíhaiñoobaco jibogotimo iicaqui.

Jesu Iguijejinoco Jibeguehi.

(Mr 8.31-9.1; Lc 9.22-27)

²¹ Tusumi Jesu ticoniuhu ijibogominaaco agaajasuubo Jerusalevi ofooboco quillahuto, bu sacerdotemi aivojito, bu caatiniminaa icamo diiboco sihidí idaasuno omooniujinoco: Uco gaicaausujimo. Jaaruubo mifucuci, safucu icanoti siino buheeteji, nooboro. ²² Jaaneguiha Pedro sihi Jesuco asatyuuboro iibauhi: Jaanova Moocaani ico tolli moonisujitirahi, tolli icatiibo diicaqui, nooboro.

²³ Jaarunaaca Jesu dojicuviro acajeveveuboro Pedroco nuuhi: Uuti buhigovi minifoto ijoho iji idiicaabo. Fine, ijoho uco acasivusuno. Dihesamaaje Moocaani esamaajebadi icatíhi. Jillí miyaminaa esamaajebadiro jeevahi, nooboro.

²⁴ Saatoho ijibogominaaco nuubo: Cajaatyohacho tadyojicuti asaagomo ifico ajabajevemere tadyojicuti isaaqui ifico idaasuno

omoonisujinoco iguitimo.* ²⁵ Miiro ifico agaijimo ifico mitasuji. Jaanotí naha tahalliti ifico imitasumo ifico taajasuji. ²⁶ Miiro saafi miyaminaafi paryi jiinje busumijeque gaayiciruubo. Jaaruubo ijeebiico imitasuruva, ¿nacu milliti imijiruno? ¿Nacu minoodino fine miyaminaafi ijeebiico itaajasuqui jaadujirahi? ²⁷ Miiro uuoho Miyaminaafibadi Ifiivuubo saaji Caani ovosiima, bu itoomominaama icano. Jaasumi paryi famoovaaco iticovocivi jaadujilbo omoonihicanehejeque. ²⁸ Miyanotiro neehi: Jino iicamoti saatoho guivejetihi uuoho Miyaminaafibadi Ifiivuubo ihaivojiri asaaboco aatyimetimoro, nooboro.

17

Jesu Ihaivojiri Asaauno.

(*Mr 9.2-13; Lc 9.28-36*)

¹ Toonobuunati sajaguisi nijequeti Jesu iciuhi Pedroco, bu Jacooboco, bu diibo Jacoobo nahabo Jua icamoco. Jaaboro diitomaryo fuuhi aivo acaamovobañi nijequevi. ² Jaabai nijequevi diito imefeenevvi ifi siibadi minifutuuhi. Ihime aricuno minifutuuhi nihibaco memeeciñibadi, bu igaachehu seseene minifutuuhi nihiba aachicibadi. ³ Jaanaa diibo uufocovi atyimeumo Moise, Elia icamisi Jesuma iimaamisico.

⁴ Jaaneguiha Pedro Jesuco nuuhi: Aivojiboo, imicanji jimañovi mihicanoo. Idiimogohachiijä masii nijeganoco migaaici, saga idiiño meheetavequi, iidi saga, Moisedi saga, Eliadi saga icano.

⁵ Jaanaaca Pedro tolli nuunaaca diitoco aimuufai mibaacuuhi. Jaano ihaimuufaifañotí guubuvusuuno: Jaani Taseemene agaijiboo. Diibo onoonoco mugubunici, unuuno.

⁶ Jaanoco uguubuumoro ijibogominää jiinijehalliväjavucamaaiumo shidiñiguituumoro.

⁷ Jaanegui Jesu asaauboro diitoco ududiñicuboro nuuhi: Magañiivo mihiquetedino, nooboro.

⁸ Jaadi siino emeceturumo miñhaiñobaco atyimeciuthi idiboro Jesu icauhi.

⁹ Jaamoco tobaiti iniituhigo Jesu faguuhi: Jino mahatyiñemeneque miñhaiñobaco mijibeguedino jari uuoho Miyaminaafibadi Ifiivuubo iguijiveebe siino ubuheetedi, nooboro.

¹⁰ Jaanegui diito diiboco dilluuhi: ¿Milliti jana bu caatiniminaa nuuhi: Elia iticoni saaji, neehicahi? noomoro.

¹¹ Jaanegui Jesu iimusuuhi: Jiihi, miyaano Elia iticoni saaji. Jaaboro paryi fanoovaaco imibachujilbo. ¹² Jaarunofaño amiihaico uuoho jino neehi Elia saahinicuhi. Jaaruuboco gaajacihinítimo. Jaamoro diiboco jilli iimogobadi moonihinimo. Jaabadiro bu uuoho Miyaminaafibadi Ifiivuubo diito useti ñidaasuno icaji, nooboro.

¹³ Jaanotí ijibogominää esafutuuhi Jua Nitiminaafiditi Jesu unuunoco.

Jesu Buheesuuhi Siçafeñi Íjima Iicauboco.

(*Mr 9.14-29; Lc 9.37-43*)

¹⁴ Jaadi miyaminaa iicauhigo iifutuumaaaca saafi miyaminaafi asaauboro Jesuguiino ememuiñvuuboro nuuhi: ¹⁵ Aivojiboo, taseemeneque ñidaasugo, ñidaasuno icahicaabo imimañobati ochoomooboro, fiiva foova ciijigaifaño aquetehicaabo, bu teehifaño

* **16:24** Sahaamefaño noono: diguijeve imohobujeque diiciboo tadyojicuti disaa.

aquetehicaabo icano. ¹⁶ Jaaboco jino dijibogominaajaago sivarahi. Jaarumo diiboco buheesutihi, nooboro.

¹⁷ Jaanegui Jesu iimusuuhi: *Si jeedi fine imiyaavogotino miyaminaa jito iimitimo, ¿mihachuta fine amiihaico jaabiciiboro icaji? nooboro diiboco: Juugavi daachico siva, nuuhi.*

¹⁸ Jaaboro Jesu iimitino ijico ihibauboro diibediti iinusuuhi. Jaasimiro diibo sisicafefi buheetecuuhi.

¹⁹ Jaadijibogominaa ijeevadi Jesuma ihiimaaumoro diiboco dilluuhii: *¿Milliti jana miihai diibo imitino ijico buhi magañiitihii? noomoro.*

²⁰⁻²¹ Jaanegui diitoco Jesu nuuhi: Amiihai miyaavogo aajashumaño. Miyanotiro amiihaico neehi, amiihai miyaavogo mostaza noovata tooigayidino iicaruva jigajico meneejirahi: Jinooti sihigovi deene, noomoro. Jaaneri sihigovi jeeneejiruno. *¿Conooba amiihaidi sihidi jeevajitirahi miyaano miyaavogoma mihicaruva?**

Jesu Iguijevejinoco Siino Ijibogono.

(Mr 9.30-32; Lc 9.43-45)

²² Jaanobuunati Galilea jiinjeri saamo igomoro efeehicauhigo Jesu diitoco nuuhi: Uujoho Miyaminaafibadi Ifiivuubo miyaminaa usefaño acicafeteji. ²³ Jaamo uco gaicaauji. Jaaruubo mifucuci, safucu idinoti siino buheeteji, nooboro. Jaanoco uguubuumoro sihidi idaasuvuumo.

Templojaguiha Impuestoco Ajaadusuno.

²⁴ Jaanaa Jesu ijibogominaama Capernau cuumivi ifutuunaaca templojaguiha impuestoco ajaadusuhicaumo Pedrojaago ufuumoro diiboco dilluuhii: *¿Amiihai jibogominaafi templojaguiha impuestoco jaadujitihii? noomoro.*

²⁵ Jaaneguiha Pedro: Jaadujibo, nuuhi.

Jaadi Pedro jaahe ifutuuboco Jesu nuuhi: *¿Simon, iidi milli jiijiinije aivojito miico impuestoco jaadusunicimo; iyotocoro nacu siicuumiotoco? nooboro.*

²⁶ Jaaneguiha Pedro iimusuuhi: Siicuumiotoco, nooboro.

Jaaneguiha Jesu nuuhi: Jaaneguihacuva icuumioto jaadutatihii.

²⁷ Jaarunofaño miihaiñooba miiditi imitino eneejiruneguiha johono caasifaño foobo dificigaico gañiito. Jaabo iticoni uduuboco diiciboo iijifañoti nihibajeque diici. Jaajeri daaduto tahimpuestoco, bu diinoco icano, nooboro.

18

¿Cajaani Fine Imiyaabo?

(Mr 9.33-37; Lc 9.46-48)

¹ Jaasumi ijibogominaa asaaumoro Jesuco dilluvauhi: *¿Cajaani fine aivo imiyaabo icaji niueje aivojifaño? noomoro.*

²⁻³ Jaanegui Jesu seemeneque ocoovauboro diitofeenevi ificuuboro nuuhi: Miyanotiro amiihaico neehi, amiihai jeebibico bohonoti miminiiyumoro seemenebadii miminifototihachiiji niueje aivojifaño mefeejitihii. ⁴ Miiro niueje aivojifaño imiyaabo iicajibo oono guinovivi ificoo iminiiyuuboro jiisee seemenebadii iminifotoobo. ⁵ Jaanoti bu cajaatyohacho seemeneque tamomofañodi agaayicimo uco gaayichihi.

* **17:20-21** Sahaamefaño janaanicci jilli ficuumo: Jaanoti jiyoomo ijimico idinneriro buhi magañiitahii mahaigamoro Moocaanima mihiimaaneri, onoonoco.

*Imitifaño Mahaquetejiruno Nihicu.**(Mr 9.42-48; Lc 17.1-2)*

⁶ Jaanotí seeme jino uco imiyaavogomoco imitico omoonisuvaaboco aivo imijiruno ajashutino guisibatyigabari icodaaheti uduujenimoro muuaifaño iniitüsuno. ⁷ Jiiñejeminaadi imiticaní icano miyaminaaco imitifaño agañiisuno. Jaano jilli fahijívaro icajino. Jaarunofaño idaasucani icajíbo diibofeenedí imiti asaabo.

⁸ Jaaneguiha dihuse, ditihai icano ico imitifaño agañiisuhachiji quiticiibó sihi gañi. Imijiruno iidi ditihaima, dihusema chahaabo fiivofaño idíafoton. Jaanotí iidi imitino dihusenema, ditihaiñoma icano diicaabo ifinijitino cijigaifaño agañiicafoton. ⁹ Jaanotí bu oono dihaallí ico imitifaño agañiisuhachiji toohaallíco buhudaruubo tehesino gañi. Imijiruno iidi sayiimaryo diicaabo fiivofaño ofoono. Jaanotí imijitiruno fahaallíicimaryo diicaabo cijigaifaño agañiicafoton.*

*Oveja Imitaabovi Ohoovicino.**(Lc 15.3-7)*

¹⁰ Tolliro bu jito seemetí saatohobaco mitímejetasudino. Miíro jino amíhaico neehi: Miíro oono diitoco otoomomo Moocaani toomomináa fahijívaro Guihirubi Moocaani niquejefaño iicaabo imfeeneri icahicahi. ¹¹ Miíro uujojo Miyaminaafibadí Ifivuubo saahi imitacumoco taajasuqui.†

¹² ¿Jinooco millí mehesicinihi amíhai? Saafi joomi ciendímo ovejamí iicamotí saafi imitaruva, ¿nacu fine saatoho noventa y nuevedímo aatyuvomoco tomañoví ejeevesuhiniiboro imitaaboco guinetejirahí? ¹³ Jaaboco aatyimeebere janaanicí aivo imo imo minifetejiruubo oono noventa y nuevedímo imitatímo janaanicív. ¹⁴ Jaabadiro amíhai Caani niquejefaño iicaabo‡ imogotihi jitotí saseba imitanoco.

*Jilli Miíno Nahaboco Meperdonano.**(Lc 12.3)*

¹⁵ Jaanotí bu dinahabo ico imitino omoonihachiji diiboma iiro ijeevadí diimaabo diiboco gaajasu imitino omooninoco. Jaabo ico uguubuhachiji diiboco dimijícarucuuhi. ¹⁶ Jaanotí ico uguubutihachiji sitatí cuuhuva miimisiicíti. Jaamo miimisiicí, saafi idíimo onoono imino igaajacafetequi. ¹⁷ Jaamoco: Jii, onootihachiji Moocaani iijaminaaco diibogo. Jaamo onoonoco bu: Jii, onootihachiji oono Moacaanico imiyaavogotíboco mihicanicibadí mehesicini, bu impuesto jaadusuminaafico mehesicinicibadí icano.

¹⁸ Miyanotiro amíhaico neehi jino jiinijehalliví mafatyusutino, bu tolliro niquejefaño fatyusurajitíhi. Jaanotí bu jiinijehalliví mafatyusuno niquejefaño fatyusucafeteji.

¹⁹ Tolliro bu jino amíhaico neehi: Jino jiinijehalliví amíhaití miimisiicí mehesamaaimisiro mihimogonohalliví Moacaanico midilluhachiji Guihirubi niquejefaño iicaabo aciji. ²⁰ Miíro miimisiicí tamomofeenedí igaivomofeeneri bu uujojo icaji.

²¹ Jaaneguiha Pedro ufuuboro Jesuco dilluuhí: Aivojíbo, tañahabo uco imitino omooninoco, ¿minoodifoova uujojo diiboco perdonahicaji, sahuse juugahusetí mifooci idíino ticovoví? nooboro.

* **18:9** Jino jilli iiiminocoro mooni, imitico deetavedino, eneejiruno. † **18:11** Sahaamefaño toversiculoco ficuutímo. ‡ **18:14** Moocaani

²² Jaaneguiha Jesu diiboco iimusuuhi: Cha, toonoodifoova icatino. Janaanici setentadifoova sitedino.

Jeećivominaafi Imuguutih Sifico Eperdonauoco.

²³ Jaamaño niqueje aivoji jeevahi oono saafi aivojiibo ijeećivominaama idudicamaajeque iimibachubadi. ²⁴ Jaabo iimibachunoco jari ticovabaaca diibooja sivaumo saafico ajashutino millones tcovovi edebeuboco. ²⁵ Jaabo diiboco ajaadujiruno achahauneguiha ihaivojiibo tajiibauhi diiboco inaaajequi paryi mogaima iseemema, bu paryi inehejema icano toonoco ijaaduqui. ²⁶ Jaaneguiha ijeećivominaafi ihaivojiibo boguino ememuivuuboro ihaivojiibo neehicauhi: Aivojiibo, uco didaasugo ico paryi faneeri jaaduji, nooboro. ²⁷ Jaaneguiha ihaivojiibo diiboco iidaasuguuboro idebeque perdonauhi. Jaaboro diiboco sinaayuuhi. ²⁸ Jaabo diiboco ijeećivominaafi ihiinuuboro ufuubo atyimeteuhi saafi inahaboniminaafi diiboco miidino edebeuboco. Jaaboco icodaaheti agaayiciuboro sefano dusuuciubo: Goova daadu uco edebeneque, nooboro.

²⁹ Jaanegui inahaboniminaafi iguiino ememuivuuboro diiboco nuuhi: Uco didaasugo ico paryi jaaduji, nooboro.

³⁰ Jaarunofaño diibo: Jii, nootiibo ufuuboro diiboco civojafaño jiihacuuhu paryi diiboco ajaadutinohachuta. ³¹ Jaanoco saatoho aatyimeuno diitoco aivono ufuuneguiha ufuumoro ihaivojiibo paryi jibugutuumo.

³² Jaaneguiha ihaivojiibo diiboco ucuuhuvauboro nuuhi: Imiticani jećivominaafi. Ico uujoho didebeque paryi perdonahinihi uco idilluneguiha. ³³ Jaabadiro bu iijoho dinahaboniminaafico didaasuguejirahi ico uujoho iicahinibadi, nooboro. ³⁴ Ihaivojiibo sihidii sifiratuuboro tajiibauhi diiboco civojafaño ificusuuboro ihaamisuqui paryi idebeque ajaadutinohachuta.

³⁵ Jilli nooboro Jesu imivusuuh jibogoco: Jaabadi jilli Guihirubi niquejefaño iicaabo amiihaico mooniji amiihai nahaboco amiihai jeebiimaryo meperdonati hachijji, nooboro.

19

Jesu Jibeguehi Gaigooco Mejeevesunoditi.

(Mr 10:1-12; Lc 12:18; tolliro meeci Rm 7:1-3; 1Co 7:10-16)

¹ Jilli Jesu unuunobuunati fuubo Galilea jiinjeti. Jaabo ifutuuhi Judea jiinjеви, Jordan teehiti baagovii iicajinijevi. ² Jaabo dojicuti sihidii miyaminaa fuuhi. Jahigo iguihuvaumoco buheesuubo.

³ Jaanaaca saatoho fariseomioto asaaumoro diiboco dilluhi iifurumo iimitinofaño diiboco igañiiusuqui: ¿Nacu fine tajiibabadi imijiruno miino taabaco jilli sinohalliti mejeevesuno? noomoro.

⁴ Jaaneguiha diibo iimusuuhi: ¿Nacu amiihai Caatinhaamefaño onoonoco memeeci hiciatihu? Miirō iticoni miyaminaafico ifiivusuubo fiivusuuh gaifico, bu gaigooco icano. ⁵ Jaaboro nuubo: Jilliti gaifi caanico, seejico icano jeevesuji mogaima iminfetequi. Jaamisi saafibadiro minifutucuji, nooboro. ⁶ Jaamaño miimisiici icacuutino saafi ifibadiro icacuumisi. Jilli iicamaño miyaminaa dugaacucuujitihi Moocaani agataacucuunoco, nooboro.

⁷ Jaaneguiiha diiboco dilluumo: ¿Milliti janabuu Moise tajibauhi miiño taabaco jeevesuhaameque mahacimoro diigoco mejeevesuqui? noomoro.

⁸ Jaaneguiiha Jesu nuuhi: Et bu mucuhufojeebi maño Moise tajibauhi amiihai taabami jeevesuco. Jaanoti iticoni tolli icautino. ⁹ Jaanoti jino uu-joho amiihaico neehi: Mogaico sifima icatigoco ejeevesuuboro sifigooco iiciibo ajeva imitico icihi. Jaabadiro bu sifi ejeevesugooco ataabavaabo ajeva imitico icihi, nooboro.

¹⁰ Jaaneguiiha ijibogominaa diiboco nuuhi: Jaanegui tolli icamaño, ¿collihiica bu mataabavajirahi?

¹¹ Jaaneguiiha Jesu diitoco nuuhi: Famooro jinooco gaajajitirahi. Idiimoro jaatyoo Moocaani agaajasumo gaajajirahi. ¹² Miiro saatoho ifiivuunotiro caanimi oovicicubadi taabavajitiiboo unuubadi icanicihi. Jaanoti saatoho iguiraacuneeguiiharo tolli oovicinichihi. Jaanoti saatoho jilli taabavatimo icanichihi niqueje aivojiguinodi. Jaamaño jinooco agaayicigomo jaafa gaayichihi, nooboro.

Jesu Seemeque Imino Onoono.

(*Mr 10.13-16; Lc 18.15-17*)

¹³ Jaanaaca Jesujaa seemeque siivaumo diitohallivi ihuseque ificuboro Moocaanima iimaaqi. Jaarunofaño ijibogominaa iibahicauhi iseemeque diibojaa isivamoco.

¹⁴ Jaarunofaño Jesu nuuhi: Jaafa seeme tajaa saahi fine mihibano. Miiro niqueje aivoji seemebadti iicamono, ¹⁵ nooboro toseehejehallivi ihuseque ficuhicaubo. Jaadi toonoti sihigovi fuubo.

Sihidi Inihibamima Iicaabo Jesuma Iimaahi.

(*Mr 10.17-31; Lc 18.18-30*)

¹⁶ Jaanaaca saafi sicafefi Jesuco emeectiuboro diiboco nuuhi: Idiimiboo Jibogominaafi, ¿cono iiminoco moonijirahi uujoho ifinijitino fiivoma icaqui? nooboro.

¹⁷ Jaaneguiiha Jesu diiboco nuuhi: ¿Collahi uco idiumiibo neehi? Chahamo imimo idiboro Moocaani imiibo. Jaanoti ifinijitino fiوفاño ofoonoco idiumogohachiji tajiba onoobadi diica, nooboro.

¹⁸ Jaaneguiiha sicafefi diiboco nuuhi: ¿Milli nacu noonon? nooboro.

Jaaneguiiha Jesu diiboco nuuhi: Gaicaaudino, ajevaco moonidino, nanivadino, sitaaditi sicamañooco diibeguedino, ¹⁹ diicaanico, diiseejico icano bocigo, sitaaco gaiji difiico agajibadiro, nooboro.

²⁰ Jaaneguiiha isicafefi nuuhi: Seemenetiro uujoho pary tonehejeque imino moonihicahi. ¿Cono fine siino tahime icahi? nooboro.

²¹ Jaaneguiiha Jesu diiboco nuuhi: Aivo idiuminoco idiumogohachiji, foobo pary dinehejeque naajeebe iidaasumoco daaci. Jaadi jari niquejefaño sihidi nihibamivaji. Jaaboro sihidi inihibamima iicaumaño.

²² Jilli unuunoco isicafefi uguubuuboro iidaasuvuuboro fuuhi sihidi inihibamima iicaumaño.

²³ Jaanehuiiha Jesu ijibogominaaco nuuhi: Miyanotiro amiihaico neehi, aivo sihidi jeevano sihidi inihibamima iicamo niqueje aivojifaño ofoono. ²⁴ Siino bu jino neehi: Tihino aivo camello jaanutupaajeri afatyono. Jaano janaanic aivo sitihii sihidi inihibamima iicaabo Moocaani aivojifaño ofoono, nooboro.

²⁵ Jaanoco ijibogominaa uguubuumoro sihidi eetyeuhi. Jaamoro noocasiuhi: ¿Jana cajaatyoo fine taajajirahi? noomoro.

²⁶ Jaaneguiha Jesu diitoco emeeciiboro nuuhi: Miyaminaa toonoco moonijitirahi. Idiiboro naha Moocaani paryi fanoovaaco moonijirahi, nooboro.

²⁷ Jaaneguiha Pedro diiboco nuuhi: Aivojibo, miiro paryi miihai monehejeque mejeevesuhinimoro didojicuti masaahi. ¿Jaano jaada nacu jinehejema mihicaji? nooboro.

²⁸ Jaaneguiha Jesu diitoco iimusuuhi: Miyanotiro amiihaico neehi ufucu paryi fanoova bohonoti eheetavocafotoodi uujoho Miyaminaafibadi Ifiivuubo tahimi aivoji icagahallivi acasiivoodi, bu amiihai tadyojicuti masaamo aivoji icaganohallivi macasicamaajiji, paryi Israel cuumiminaaco mudugaacuqui. ²⁹ Jaamo paryi tahalliti inehejeque ejeevesumo ijjanoco, inahabomico, inagomico, caanimico, seejimico, mogaimico, iseemeque, bu ijiniijenehejeque icanoo ejeevesumo toono jaada sihidijanaanici gaayicijimo, tolliro bu ifinijitino fiivoco gaayicijimo icanoo. ³⁰ Jaanotijisumi oono ajashutino sihidijeevamo iicarumo ufucu guinovi minifeteji. Jaanotijisumi guinovi iicarumo tusumi sihidijeevamotijifeteji.*

20

Dudicamaajeminaavi Oovicino.

¹ Miiro niqueje aivoji jilli jeevahi oono fagui abajaabo omooniinicibadi. Miiro ibasutaaco ihicisuqui fucuro fuubo dudicamaajeminaaco icituubo.

² Jaaboro diitoco nuuhi: Safucuo jaadadino amiihaico jaaduji, nooboro diitoco ifaguifaño galluubo idudicamaaiqui. ³ Jaanobuunati siino fuubo baagotirehiica icaaber. Jaabo atyimeuhi saatohoco ticovono goohasiri iicamoco. ⁴ Jaamoco nuubo: Amiihai tolliro tafaguifaño tabasutaaco mihicito. Imino amiihaico jaaduji, nooboro. Jaaneguiha diito fuuhi.

⁵ Jaanobuunati bu siino diibo fuuhi gadiciiba. Jaadibu siino fuubo imohonohalliti icacuuberi. Jaabo bu tolliro mooniushi. ⁶ Jaanobuunati bu siino fuubo imohnofeedi icacuuberi. Jaabo atyimeuhi saatohoco ticovono iicamoco. Jaamoco nuubo: ¿Collahi amiihai jinoovi ticovono dudicamaaitimo mihicahi? nooboro. ⁷ Jaaneguiha diiboco nuumo: ¿Eti bu mijohomiihaico atajibatineguiha? noomoro. Jaaneguiha diitoco nuubo: Amiihai bu tolliro tafaguifaño mududicamaaito, nooboro.*

⁸ Jaanaa miijijicuudi diibo nuuhi dudicamaajeminaa aivojiboco: Paryifamooocoro coova. Jaaboro diitoco daadu, oono dojicuti asaamoti ticoni. Jaaboro iticoni asaharinimovi dalli baani, nooboro. ⁹ Jaaneguiha ticoniubo imohnofeeneti iicaaber. ufuumoti. Jaamo iticovoocivi gaayiciuhi safucuo jaadadinoco. ¹⁰ Jaanobuunati jaaduubo imegavi ufuumoco. Jaamo esamaaiuhi: Miihai fine janaanici magaayiciji, noomoro. Jaarumo iticovoocivi gaayiciuhi safucuo jaadadinoco.

¹¹ Jaanoco agaayiciumoro iimaafivumo toono abajaabediti: ¹² Jito dojicuti agaseme sano nihiba oovoro dudicamaaihi. Jaarumoco miihai ticovoviro daaduhi, miihai sihidimududicamaaimoro sihidiaiguucutaco majaabicimo ticovoviro, noomoro. ¹³ Jaarunaa abajaabo saafico iimusuuhi: Fañi, ico uujoho imitino moonitihu. Miiro ijohoh safucuo jaadadineri uuma dudicamaaihivahi. ¹⁴ Jaaneguiha jino dijaadaco

* **19:30** Griego ijiri noono: jisumi oono ajashutino imegavi iicamo ufucu dojicuviminifeteji. Jaanotijisumi dojicuviiicamo tusumi imegaviiicaji. * **20:7** Sahaamefaño janaanici jillificuumo: Amiihaico imino jaaduji, onoonoco.

diiciibo fuucu. Jaanoti bu uuoho imeguehi jino dojicuti asaaboco bu tonoodinoro ajaadunoco. ¹⁵ ¿Nacu uuoho iimogobadi moonijitirahi tañihibamico? ¿Nacu ijohoh diimogotih uujohoh iimihueneque? nooboro. ¹⁶ Jaabadireji jisumi oono guuinovi iicarumo ufucu sihidi ejeevamot minifeteji. Jaanoti bu sihidi ejeevamo jisumi iicarumo ufucu guuinovi minifeteji.†

Siino Bu Jesu Iguijevejinoco Jibeguehi.

(*Mr 10.32-34; Lc 18.31-34*)

¹⁷ Jaanaaca Jesu Jerusale jihairi ufuuhigo ijibogominaa docedimo iicamoco ijeevadi asatyuuboro nuuhi: ¹⁸ Amiihairyo magaajacuhi jino Jerusale cuumijaago mofoonoco. Jahigo uuoho Miyaminaafibadi Ifiivubo acicafeteji sacerdotemi aivojito usefaño, bu caatiniminaa usefaño icano. Jaamo uco guijevefaño ficuji. ¹⁹ Jaamoro siicuumiotoco acijimo uco idejecuqui, bu ihaamiqui icano. Jaamoro imohovit tetecejimo icano. Jaaruubo mifucuci, safucu idinot guijevefañot siino buheeteji, nooboro.

Jacoobo, Jua Icamisi Seeji Idilluuno.

(*Mr 10.35-45*)

²⁰ Jaanaaca Jesujaago saaugo Jacoobo, Jua icamisi Zebedeo seemenetisi seeji. Jaago illimisima asaaugoro Jesuguiino memuiivovauhii siinoco diiboco idilluqui.

²¹ Jaaneguiha diibo nuuhi: ¿Jinejeque dimeguehi? nooboro.

Jaaneguiha diigo nuuhi: Tajiba dihaivojifaño jitisi taseemenetisi di-hufocovi icasivequi, saafi dimiyanaagonovi, bu saafi dinaninaagonovi icano.

²² Jaarunaa Jesu diitisico iimusuuhi: Amiisi magaaatih midillunoco. ¿Nacu amiisi uuoho idaasuno iicajibadi mihicajirahi? nooboro.‡

Jaaneguiha diitisi: Jihii, nuuhi.

²³ Jaaneguiha diibo nuuhi: Jihii, miyaano amiisi jino iidaasunofañodi mafatyeji.§ Jaanoti naah oono tamiyanaagonovi, tañaninaagonovi icano macasiivejinoco, ¿milli bu acijirahi? Jaatyo idiomocoro Guihirubi aciji diitegiiharo ificuhicanoco, nooboro.

²⁴ Jaanoco sajibogominaa uguubuumoro diitisijaago sifiratuumo.

²⁵ Jaaneguiha Jesu diitoco ocoovauboro nuuhi: Amiihairyo magaa-jacuuhi jiinijeminaa aivojito iyotoco sefano atajibanicinoco, bu tolliro saatoho obocifimo miyaminaaco iidaasugotimo moonifili. ²⁶ Jaanoti amiihai tolli mihicajitih. Jilliro ivi amiihai miyaavogominaafeenevi sihidi ejeevaabobadi diicaqui, jilli saatoho diitoti jecivominaafibadi miminifoto. ²⁷ Jaanoti bu amiihaifeenevi imiyaabo iicagoobo saatoho ijivonot iicaqui. ²⁸ Miir oono uuoho Miyaminaafibadi Ifiivubo uco ijeeceivequi saautihi. Jilli uuoho ejecivooboro saauhi tafico aaciqui ajashutimohallivi diitoco taajasuqui, nooboro.

Jesu Buheesuuhi Miimisiici Aatyimetimisico.

(*Mr 10.46-52; Lc 18.35-43*)

† **20:16** Sahaamefaño janaanici jilli ficuumo: Miir guiiramo cuuhuvacafetehi. Jaarunofaño miidimoro nanicafetehi, onoonoco. † **20:22** Sahaamefaño janaanici jilli ficuumo: Bu tolliro uuoho initicafetejifaihuri minitcafetejirahi, onoonoco. § **20:23** Sahaamefaño janaanici jilli ficuumo: Bu tolliro uuoho initicafetejifaihuri minitcafetejirahi, onoonoco.

²⁹ Jaamo Jerico cuumiti iinuumaaca sihidí miyaminaa Jesu dojicuti fuuhi. ³⁰ Jaanaa jíihajiniri miimisiici ihaallínno iifuvusuutimisi giciniuhi. Jaamisi Jesu toonodi ufuunoco uguubuumisiro sefano coovadiivuumisi: Aivojíibó, David Iyaachi, misico didaasugo, noomisiro.

³¹ Jaaneguiha miyaminaa diitisico iibauhi illíivequi. Jaarunofaño janaaniciviro sefano coovadiivuumisi: Aivojíibó, David Iyaachi, misico didaasugo, noomisiro.

³² Jaaneguiha Jesu ujulleeveuboro diitisico ucuuhuvauboro nuuhi: ¿Milli amiisico omooninoco mihimeguehi? nooboro.

³³ Jaaneguiha numisi: Aivojíibó mahatyimeneque mihimeguehi, noomisiro.

³⁴ Jaaneguiha Jesu diitisico idaasuguuboro ihaallínno duduicíuhi. Jaasumiyo aatyimeumisiro Jesu dojicuti fuuhi.

21

Jesu Jerusale Cuumifaño Jicafetehi.

(*Mr 11.1-11; Lc 19.28-40; Jn 12.12-19*)

¹ Jaamo ifuutuuhi Olivohono iicagajiguiino iicacuumi Betfaje cuumivi Jerusale cuumi fiftino. Jaamañoti Jesu galluuhí miimisiici ijíibogominaatisico jilli nooboro: ² Juucuumijaago mofoo. Jaacuumivi mahatyimeji burra duujecinigo iseemenema icagoco. Jaagoco misinaayumisiro uudi misiva. ³ Jaanotí cajaatyohacho amiisico: ¿Milli? onoohachijiji, Mohaivojíibó eneeneguiha goovajino uhuumisuno monoo, nooboro.

⁴ Jilli icauno johono Moocaani iimaaminaafi acaatiniuno imiyaavequi: ⁵ Sion cuumico jilli monoo: Meeci oono dihaivojíibó dijaa saahi, oono siicujeebíiba icaabo, burrahalliri giciniíibó, burrogayíhalliri fiiseta, burro seemenehalliri, nooboro.

⁶ Jaaneguiha ijíibogominaatisi ufuumisiro Jesu unuubadípi mooniúhi. ⁷ Jaamisi iburraco sivauhi iseemenema. Jaagohallíví igaachehunoco ificumoro Jesuco casíihacuuhi. ⁸ Jaanaa sihidí miyaminaa iicaumo igaachehunerí jíihaico jeebuuhi. Jaanotí saatoho jaainerí jíihaico jeebuuhicauhi. ⁹ Jaanaa imegavi ufuumo, bu dojicuti asaaumo icano tícovaahi asaagomo: ¡Aivojíibó David Iyaachico mihimo! ¡Imicani Mohaivojíibó memeri asaabó! ¡Moocaanico mihimo! noomoro.

¹⁰ Jaanaa Jesu Jerusale cuumifaño iifutuudi paryí tuucuumi miyaminaa ñaaivuuhi. Jaamoro dillucasihicaumo: ¿Miijoho fine ajaani? noomoro.

¹¹ Jaaneguiha neehicaumo: Jesu Moocaani iimaaminaafi Galilea jiinije cuumi, Nazare cuumioobo, noomoro.

Jesu Templojaco Imibachuuhí.

(*Mr 11.15-19; Lc 19.45-48; Jn 2.13-22*)

¹² Jaadí Jesu Moocaani templojafaño jicafutuuhi. Jaabo paryí toojafaño naajeteque eheetavuumoco isivi inuuusubo. Miyaminaa níhibamico ubuunanihicaumo mesanoco gavaracuubo, bu nimíihumico anaajehicaumo icaganoco gavaracuubo. ¹³ Jaaboro diitoco nuubo: Miíro Caatiníhaamefaño noonoo: Taaja Moocaanima iimaajareji, noonoro. Jaarujaco amiíhai nanivaminaa iijatiro miminiiyuhi.

¹⁴ Jaajafaño diibojaa saaumo aatyimeheje, iigotimeheje icano. Jaamoco buheesuubo. ¹⁵ Jaanoco sacerdotemí aivojito, caatiniminaa

icamo sihidi ejeevanoco Jesu omoonihicaunoco aatyimeumoro, bu tem-plojafaño seeme coovadiinamaaiuhi: ¡Aivojiibó David Iyaachico mihimo! noomoro asahaguehicaunoco icano aatyimeumoro sihidi sifiratuuh. ¹⁶ Jaamoro Jesuco nuuhi: ¿Naa guubuuhi jito jilli onoonoco? noomoro.

Jaanegui Jesu iimusuuhi: Jiihi, guubuhi. ¿Nacu amiihai Caatinihaaamefaño toonoti olli onoonoco memeetih? Miiro jilli noono: Iijoho deetavehi seeme, bu mifañoco Aaduseheje imino cahacisu masico imasivaqui, noonoro.

¹⁷ Jilli nooboro diitoco ejeevesuuboro tuucuumiti fuubo Betania cu-umijaago. Jaacuumiví cigabu.

Jesu Higuera Onoohoco Fajahi Inoovatama Achahaneguiha.

(*Mr 11.12-14, 20-26*)

¹⁸ Jaano fucuro Jesu tuucuumijaago siino uhumiuboco ajeba aivu-uh. ¹⁹ Jaabo atyimeuhi higuerahoco jiihajiniri icahoco. Jaahoco meeciturubaaca inoovatama chahauho jilli boti aameneru. Jaanegui-ihia Jesu toohoco nuuhi: Ufucuro siino noovacuujitih, nooboro.

Jaasumiro tooho chuumucuuhi. ²⁰ Jaanoco aatyimeumoro ijibogominaa sihidi jabafiuuhi. Jaamoro diiboco dilluumo: ¿Milli jaaho tooho goovacani cheemehi? noomoro.

²¹ Jaaneguiha Jesu diitoco nuuhi: Miyanotiro amiihaico neehi, miyaano miyaavogoma mihicamoro: ¿Nacaha miyaano? nootimo mi-hicahachiji jino uujoho higuerahoco omoonibadi momooniji. Tolliro bu jiibaico meneejirahi: Jinootti eeedeenenere muuaifaño difoo, munuu-ruva feejiruno. ²² Jaabadiro bu paryicino Moocaanico midillunoco mimiyaavogohachiji magaayiciji.

Jesu Mitya Iiji.

(*Mr 11.27-33; Lc 20.1-8*)

²³ Jaadi Jesu templojafaño ufuuboro jiibeguehicaunaaca diibajaago saaumo sacerdotemí aivojito, judiomí quillahuto icano. Jaamoro diiboco dilluumo: ¿Jineje mityari ijoho jilli moonihicahi? ¿Miijoho ico tomityaco acihi? noomoro.

²⁴ Jaaneguiha Jesu diitoco iimusuuhi: Uujoho bu amiihaico tolliro dilliji. Jaanoco uco mihiimusuhachiji amiihaico neeji comityari jilli omoonihicanoco. ²⁵ ¿Miijoho nacu Juaco galluuhi initiqui? ¿Moocaani, nacu miyaminaa? nooboro.

Jaaneguiha sanomiro iimaacasiumo: Moocaani galluuhi, munuuruva, miihaico: ¿Collahi janabuu mimiyaavogothi? neejiruubo. ²⁶ Jaanoti bu: Miyaminaa, munuuruva, miihaico miyaminaa moonijirahi. Miiro paryi miyaminaa miyaaveguehi Jua Moocaani iimaaminaafi iicaunoco, noomoro.

²⁷ Jaamaño Jesuco: Magaajatihi, nuumo.

Jaaneguiha diitoco nuubo: Jii, jaaneguiha bu uujoho amiihaico nee-jitih, jineje mityari jilli omooniñoco, nooboro.

Saafi Seemenemisi Miimisiici Icamisivi Ohoovicino.

²⁸ Jaadi Jesu nuuhi: ¿Naa amiihaidi jino milli? Saafi seemenetisi miimisiici icauhi. Jaamisiti saafico caani nuuhi: Guihi, tabaacuco diicito, nooboro. ²⁹ Jaarunaa illi iimusuuhi: Chahano, imogothi, nooboro. Jaaruubo eesamaaiuboro fuuhi iiçituubo. ³⁰ Jaaneguiha bu caani saafi illijaago ufuuboro tolliro bu nuuhi. Jaanegui diibó iimusuuhi: Jii, feeji,

nooboro. Jaaruubo fuutíhi. ³¹ Jaaneguiihha amiihaidi, ¿cajaani fine caani iimogonoco eetavuuhi? nooboro.

Jaaneguiihha diito nuuhi: Iticoni unuubo, noomoro.

Jaaneguiihha Jesu diitoco nuuhi: Miyanotiro amiihaico neehi, impuesto jaadusuminaa, bu ajeva gaigoomi icamo Moocaani aivojifaño jicamaajiji amiihai imegaviro. ³² Miir Jua Nitiminaafi: Jilli imino mihica, nooboro amiihaico ijibogovaubo. Jaaruuboco mimiyaavuguutíhi. Jaanoti naha impuesto jaadusuminaa, bu ajeva gaigoomi icamo diiboco miyaavuguuhi. Jaanoco amiihai mahatyimecuurumo amiihai imitico mejeevesumoro mimiyaavuguutíhi, nooboro.

Imitino Dudicamaajeminaavi Ohoovicino.

(Mr 12.1-12; Lc 20.9-19)

³³ Jino bu sibogoco muguubu: Fagui abajaabo sihidi baacuco abasuborohallidi cuhufono meegueuhi, bu jaaboro imahamitahojico eetavubo, bu torrehacico eetavubo tohaciti toonoco iteemequi.

Jaaboro tofaguico dudicamaajeminaaco ificuuboro sihi fuubo. ³⁴ Jaadi toono onoovauno anaamucuudi iicojiminaaco diitoja galluubo imañoco diibogaago igalluuqui. ³⁵ Jaarumoco tofagui dudicamaajeminaa diitoco agaayiciumoro saafico aamiumo. Jaanoti saafico gaicaaumo, bu saafico guisiri aamiumo icano. ³⁶ Jaaneguiihha ihabajaabo siino galluubi guiraano itoomominaaco. Jaarumoco idudicamaajeminaa diitoco iticoniomoco omooniubadiro mooniuhu.

³⁷ Jaanoma iicaubo illico galluubo: Fine achico bociguejimo, nooboro.

³⁸ Jaaruuboco aatyimeumoro idudicamaajeminaa noocasiuhi: Jaani paryi ibusumijeque agaayicijibo. Masii magaicaauqui. Jaamoro paryi jinoma mihicaqui, noomoro ³⁹ diiboco agaayiciumoro tofaguiti buhigovi asatymoro gaicaaumo, ⁴⁰ nooboro. Unuudi Jesu diitoco dilluhi: Fine jaadi tofagui abajaabo asaadi, ¿milli fine diitoco moonijiibo? nooboro.

⁴¹ Jaaneguiihha nuumo: Eti bu diitoco agaisiraiciiboro sitaaco tofaguifaño ficujiibo ibasuta noovaco onoovano ticovovi diiboco imañoco ihacihaicaqui, noomoro.

⁴² Jaaneguiihha Jesu diitoco nuuhi: ¿Nacu amiihai jilli Caatinhaamefaño onoonoco memeecihicatihi? Miir jilli noon:

Guisiri iijanoco eetavonicimo imiguisibaco itihisumoro gañíhi.

Jaarunofaño saafi agaajaabo tobacco dojicuviro icihi toba iminoco agaajamaño. Jaaboro aivo imimaño ficuubo. Jinooco Aivojiibo eetavehi. Jaano miihaidi aivo sihidi jeevahi, noon Caatinhaamefaño.

⁴³ Jaaneguiihha jino amiihaico neehi: Amiihaiditi Moocaani ihaivojico dumitiicijibo. Jaaboro sitaaco acijiibo diibedi imino iicamoco. ⁴⁴ Jaanoti bu oono guisiba onoobati neehi: Cajaatyo hacho tobahallivi aacotomo gafaryunamaajiji. Jaanoti toba cajaatyo hachohachohaa aacotomoco quicheyicijiba, nooboro.* Jilli nuubo Jesu diiboco imiyaavogotimoco ufcu omoonijinoco.

⁴⁵ Jaanoco sacerdotemi aivojito, bu fariseomi icamo Jesu oovicinoco uguubuumoro gaajaciumo diitediti tolli unuunoco. ⁴⁶ Jaamoro diiboco gaayiciujirumo. Jaarumo miyaminaaco iguiuhi Jesu Moocaani iimaaminaafi iicaunoco imino agaajaumaño.

* 21:44 Sahaamefaño toversiculoco ficuutimo.

22

Taabava Jibaimovi Ohoovicino.

¹ Jaadī bu Jesu siino ticovauhi siinovi ooviciiboro diitoco ijibogooobo jilli nooboro: ² Niqueje aivoji jeevahi oono aivojibō illi taabava jibaimoco eheetavuubobadi. ³ Jaabo ijeeccivominaaco galluubo imogaibico aacicuumoco ihicitequi. Jaarunofaño diito imuguutihu asaanoco. ⁴ Jaaneguiha bu siino saafico galluubo jilli nooboro: Notoo diitoco machuta paryi eetavocinicuuhi. Tañiivimico gaisiraicisucuuhi, bu saatoho idiribasuhicamehejeque icano. Jaano paryi imibaicinicuuhi ijibaiminivacuuqui, nooboro. ⁵ Jaarunoco diito ihmuhuminaa: Jii, nuutihi. Jilliro sihigueheje foocinimo, saafi ifaguinojaago. Jaanoti saafi inaaajetejaago fuuhi. ⁶ Jaanoti sanodimo ihaivojibō jeecivominaaco agaayiciumoro ahaamiumoro gaicaauhi. ⁷ Jaaneri ihaivojibō silhidiro isifiratuuboro isoldaomico galluubi diito gaicaauminaaco agaisiraicimoro tuucuumije iijanoco ijigasuqui. ⁸ Jaadī ijeeccivominaaco nuubo: Paryi jino imibaicinicuno mijibaiminiqui. Jaarunofaño jaatyō ihmuhuminaa imitimaño saathi. ⁹ Jaaneguiha cuumifeenedi imiya jihaiñeri mofoo mahatymemeque jibogomoro jibaimovi isaaqui, nooboro. ¹⁰ Jaaneguiha ijeeccivominaa miya jihaiñeri ufuumo igaiyicciuhi paryi aatyimeudimoco imihusemehejeque, imitimehejeque icano. Jaaneri tooja sihidi gahafuuhi.

¹¹ Jaadī ihaivojibō fuuhi ijibaimoco emeecituubo. Jaabo atyimeuhi saafico, jaaruubo jibaimo gaachehuco iimogotiboro jicafututiboco. ¹² Jaaboro diiboco nuubo: Fañi, ¿milli jaabo juuga saahi jibaimo gaachehufaño jicafototibō? nooboro. Jaarunaa diibo iimusuutihu. ¹³ Jaaneguiha ihaivojibō ijicavominaaco nuuhi: Ajaanico magaayicimoro misisi itihaiñoco, ihuseneque icano. Jaamoro buhigo icivohigo magañii. Tahigo ataajihigo, igaiñoco ojisujihigo icano. ¹⁴ Miirō silhidi cuuhuvacafetejimo. Jaarumoti miedimoro icicafeteji, nooboro.

Impuestoditi Ihiimaano.

(*Mr 12.13-17; Lc 20.20-25*)

¹⁵ Jaanoma iicamo fariseomi ufuumoro iimaacasiuhi diibohallivi diiboco ifurumo imitino inuusuqui. ¹⁶ Jaamoro diitoototí saathoco galluumo, sano Herodeotoma. Jaamo ufuumoro Jesuco nuuhi: Jibogominaafi, mihai magaajahi ijoho miyanoco eneehifinoco, bu tolliro miyanotiro ijoho Moocaanijaa ofoono jihaiço diibeguehicahi miyaminaa ihiimaanoco jeecivotiboro. Miyaminaaco jilli jeebijbatiro, onootatimaño. ¹⁷ Jaaneguiha jinooti mihaiço dinoo: ¿Naa idi imino romanomi aivojiboco impuestoco majaaduno? ¿Nacu milli? noomoro.

¹⁸ Jaarunofaño Jesu diito imitino eesamaaiumoro unuunoco agaa-jacuuboro nuuhi: ¡Bañifiraminaa mihicamo! ¿Collíhi uco imitinofaño magañisujirahi? ¹⁹ Eneecata toono impuestoco majaaduhicajeque uco mihifusu, nooboro.

Jaaneguiha sivaumo safucuo jaada ticovovi ijaada iicajeque. ²⁰ Jaajeque emeeciuboro Jesu diitoco dilluahi: ¿Mihijojo ime nacu jihime, bu jino imomo icano? nooboro.

²¹ Jaanegui nuumo: Romanomi aivojibō ime, noomoro.

Jaaneguiha Jesu diitoco nuuhi: Diiboco mahaci diibono iicanoco. Jaanoti Moocaanico mahaci Moocaanino iicanoco, nooboro.

22 Jaanoco diito uguubuumoro sihidi eetyeuhl. Jaamoro diiboco ejeevesuumoro fuumo.

Siino Mubuheetejinoti Idilluno.

(*Mr 12.18-27; Lc 20.27-40*)

23 Tufucuro bu saatoho saduceomioto fuuhi Jesuco emeecituumo. Jaamo saduceom*i* uchuumucuumo siino mubuheetejino chahaji, noonicihi. Jaamaño Jesuco jilli nuumo: ²⁴ J**i**bogominaafi, Moise taj**i**bauhi: Saafi ataabavaabo seemevati**i**boro ochoomohachij*i*, inahabo ifibaijigoco **i**c**i**boro diigoma iseemevaqui inahabobuuna, nooboro. ²⁵ Jaabadi m**i**haifeenevi iicaumo sahinooto sahuse juugahuseti miimisiici id**i**no iicaumo. Jaamoti iticonioobo ataabavaubo seemevati**i**boro guijeveuhl. Jaaneguiiha inahabo ifibaijigoco **i**ciuhi. ²⁶ Jaabo bu tolliro icauchi. Jaano allivioobo bu diigoco **i**c**i**uboro tolliro icauchi. Jaabadiro pary*i* famoro saafgomaryo imivocafutuh. ²⁷ Jaanobuunati bu diigo tolliro guijeveuhl. ²⁸ Jaamo guijevefañoti siino ubuheetedi, ¿cajaani taabaji? fine, pary*i* diito diigoco ataabavacuummaño, noomoro.

29 Jaaneguiiha Jesu diitoco iimusuuhi: Ami**i**hai aivo magaatjithi Caatin*i*haame onoonoco magaatjithi, bu Moocaani mityaco magaatjithi icano. ³⁰ Mi**i**ro iguijevecuumo siino ubuheetedi taabavacujitimo, bu iseemeque tajenicitjimo icano. Jilliro Moocaani toomominaa niqejefaño iicamobadiro jeevacujimo. ³¹ Jaanot*i* oono uchuumucuumo siino ubuheetejinoti neehi: ¿Nacu ami**i**hai memeecitihu Caatin*i*haamefaño Moocaani ami**i**haico onoonoco? Mi**i**ro jilli noobo: ³² Uujoho Abraham, Isaac, Jacob icamo Aivoj*i*bo, nooboro. Jaabo Moocaani uchuumucuumo Aivoj*i*bo icatino, ubuheeme Aivoj*i*bor*i*, nooboro.

33 Jilli unuunoco miyaminaa uguubuumoro sihidiro jabafiuuhi ij*i*begueri.

*Ibocima Iicano Taj*i*ba.*

(*Mr 12.28-34*)

34 Jaabo Jesu saduceomico illiinociunoco fariseomi uguubuumoro igaivuuhi. ³⁵ Jaamoti saafi Caatin*i*minaafi iicaubo Jesuco **i**furuubo inisuubo dilluuhi: ³⁶ J**i**bogominaafi, ¿cono aivo taj*i*bat*i* aivo obocino? nooboro.

37 Jaaneguiiha Jesu diiboco nuuhi: Dihaiavoj*i*bo Moocaanico gaij*i* pary*i* dijeeb*i*maryo, pary*i* difimaryo, bu pary*i* dihesamaajemaryo icano, noonoro. ³⁸ Jino aivo ibocima iicano taj*i*ba, aivo imiyaano. ³⁹ Jaano alliviono bu aivo tobadir*i* jeevahi. Jano jilli neehi: Sitaaco gaij*i* difico agaijibadiro, noonoro. ⁴⁰ Jinoociv*i* Moise taj*i*ba tanoocinihi, bu Moocaani iimaaminaa j**i**bogo tanoocinihi icano, nooboro.

*¿M**i**ijojo Iyaachi Fine Cristo?*

(*Mr 12.35-37; Lc 20.41-44*)

41 Jaamo ifariseom*i* tooneriro iicaumoco ⁴² Jesu dilluuhi: ¿Milli ami**i**hai mehesicin*i*hi Cristoditi? ¿M**i**ijojo iyaachi fine? nooboro.

Jaanegui nuumo: David iyaachi, noomoro.

43 Jaaneguiiha Jesu diitoco nuuhi: ¿Jaabo bu milli David icaruubo Moocaani Gaijafeenedi iimaubo: Tahaivoj*i*bo, nuuhi? Mi**i**ro bu nuubo:

⁴⁴ Mohaivojiiboo Moocaani nuuhi Tahaivojiiboo Cristoco: Tamiyanaagonovi casiivo ditihaguiino diminaaco uujooho ificuunohachuta, nooboro.

⁴⁵ Jaabo bu milliti Cristo David iyaachi iicajirahi, David iicaruubohacho diiboco: Aivojiiboo, unuuno? nooboro.

⁴⁶ Jaarunaa diiboco miihaiñooba ajashuno iimusuutih. Toonotiro ivi miihaiñooba diiboco ajashuno dillucuutih.

23

Jesu Fariseomi, Bu Caatiniminaa Icamo Imitico Neehi.

(Mr 12.38-40; Lc 11.37-54; 20.45-47)

¹ Jaaboro Jesu ijibogominaaco, bu miyaminaaco icano nuuhi: ² Oono fariseomi, caatiniminaa icamo: Moise tajibaco magajaasuhicano mityama mihicahi, noomoro esicinihicahi. ³ Jaaneguiha amiíhai diito onoonoco: Jii, meneehica. Jaamoro diito onoonoco paryi momoonihica. Jaarumo iicabadi mihicadino. Diito: Imino mihica, nuurumo imitino icahicahi. ⁴ Miíro sihidí jeevanoco miyaminaahallivi ficuhicamo miyaminaa imooniqui. Jaarumo diitoco ajashunogayi amusuhicatimo. ⁵ Jillí miyaminaa ihatyimequiro fanoovaaco moonihicamo. Miíro imeguehicamo ihimecunohallidi, bu ihusequejenehallidi icano satyehicamo gaachehubaryunoahallivi tajiba onoonoco acaatininehejeque, bu gaachehunoco jicamaalihicamo fanoovano janaaniciví ifallahino acaamovonoonoco. ⁶ Jaamoro bu imeguehicamo jíbaimonofaño aivo iimimañejeri iicanoco, bu sinagogajanofaño imiya icaganofaño igicinínoco icano. ⁷ Bu tolliro cuuminofaño diitoco miyaminaa aivo bocigomoro idillunoco imeguehicamo, bu diitoco: Gaajaminaa, onoonoco imeguehicamo icano.

⁸ Jaanoti ivi amiíhai mihimeguedino amiíhaico miyaminaa: Gaa-jaminaa, onoonoco. Miíro saminaaro amiíhai idiboro amiíhai gaa-jaminaafi Cristo. ⁹ Bu jiinijehallivi miihaiñoobaco: Caani, meneedino, idiboro amiíhai Caani niquejefaño iicaabo. ¹⁰ Bu mihimeguedino amiíhaico saatoho: Aivojiiboo, onoonoco. Miíro idiboro amiíhai Aivojiiboo Cristo. ¹¹ Sitaaco ejecivoobo amiíhaifeenevi diibo aivo sihidí ejeevaabo. ¹² Miíro: Uujoho sihidí jeevahi, onoobo guinonicafeteji. Jaanoti: Sihidi jeevatih, onoobo sihidí jeevano miniiyucafeteji.

¹³ Jaanoti idasucani amiíhai fariseomi, caatiniminaa icamo mihicaji. Bañifiiraminaa mihicamo. Miíro amiíhai niqueje guhugaco cuhufono mafabaacuhicahi sita tahi jicafototimo iicaqui. Bu amiíhai mijicafetehicatihi, bu ijicafetejirumoco mijicafutusuhiatihicahi icano.

¹⁴ Idasucani amiíhai fariseomi, caatiniminaa icamo mihicaji. Bañifiiraminaa mihicamo. Miíro gaigoomi fibajito iicamo iijanooco mudumitiicihicahi. Jaamoro jillí iifurumo Moocaanima gueenene mihiimaahicahi. Jaamaño amiíhai aivo guiraano mahaamicafeteji.*

¹⁵ Idasucani amiíhai fariseomi, caatiniminaa icamo mihicaji, bañifiiraminaa mihicamo. Amiíhai jiinijeneri, muuaiñeri icano tehesino mihibuehicahi saatohoco mihicimoro amiíhai iijico mijibeguequi. Jaamoco mahatyimesumi aivo diitoco amiíhai imiti janaaniciví meheetavehicahi ciijigaifaño ifeequi.

* **23:14** Sahaamefaño toversiculoco ficuutimo.

¹⁶ Idaasucani amiihai mihicaji agaajatino jibogominaa, aatyimetimo siigominaabadi mihicamo meneehicahi: Saatoho temploja momofañodi: Aivo miyaano, onoono, toono sihidj jeevatih. Jaanoti naha toojao orofañodi: Aivo miyaano, onoono, toono naha aivo sihidj jeevah, meneehicahi. ¹⁷ Gaajaticanimo, amiihai aallinoma machahamobadi mihicamo. ¿Cono nacu aivo imiyaano, oro, nacu itemploja ihoroco Moocaanidi iimibachuno? ¹⁸ Tolliro bu meneehicahi: Saatoho jeecivojicicifañodi: Aivo miyaano, onoono sihidj jeevatih. Jaanoti naha tojicicifaño iicanoo ijeeccivofañodi: Aivo miyaano, onoono toono naha sihidj jeevah, meneehicahi. ¹⁹ Gaajaticanimo, amiihai aatyimetimobadi mihicamo tolli meneehicahi. ¿Cono nacu aivo imiyaano ijeeccivo, nacu ifajicici ijeeccivoco Moocaanidi iimibachuno? ²⁰ Miirto tojicicifañodi: Miyaano, onoobo, bu tojicicifaño iicanomaryo bu neehi. ²¹ Jaabadiro bu templojafañodi: Miyaano, onoobo, bu Moocaani toojafaño iicaabofañodi bu neehi. ²² Jaabadiro bu niquejefañodi: Miyaano, onoobo, bu toojefaño Moocaani aivoji icagafaañodi neehi, bu togafaño igicinibbo Moocaanifañodi neehi.

²³ Jaamaño idaasucani mihicaji amiihai fariseomi, caatiniminaa icamo. Bañifiraminaa mihicamo. Amiihai Moocaani onoobad diiboco paryi mahacihicahi mentahibai aamenegayimaryo, bu anisiibai aamenegayimaryo, bu cominohibai aamenegayimaryo icano. Jaarumo tajibati aivo imiyaano onoonobadi momoonihicatihi. Jaano jino toono imi ica, idaasugo, miyaavogo icano. Jinooco aivo momoonijirahi sanoocoro momooninguiinodi siino jeevesutimo. ²⁴ Amiihai aatyimetimobadi mihicamo saatohoco misiiguehicamo jootobaco magañimoro guiraaruubo camelloma mafaayihicahi amiihai jeebifaño.

²⁵ Idaasucani mihicaji amiihai fariseomi, caatiniminaa icamo: Bañifiraminaa mihicamo, guirihillunoco, butajeneque icano allicoro minitihicahi. Jaarumo amiihai jeebifaño sano nanivariro magahaficinihi, fanoova imogori magahaficinihi, icano. ²⁶ Fariseomi amiihai aallinoma machahamobadi mihicamo amiihai jeebifinoco miniti iticoni oono guirihillunoco, butajeneque icano fañoooco minitinicibadi. Jaadi jari bu amiihai alliomo imiteji.

²⁷ Idaasucani amiihai mihicaji fariseomi, caatiniminaa icamo: Bañifiraminaa mihicamo, cihojihalli imino iimibachucinibadi mejeevamo. Miirto alliohoji imino imibachucinirahi. Jaaruno fañoohoji idicuno uchuumucuumo bacinoma fanoo idicu gahaficinihi. ²⁸ Jaabadi amiihai mejeevah. Jilli amiihai alliotoro miyaminaa imefeenevi imimobadi mejeevah. Jaarunofaño amiihai jeebifaño sano bañifiraro gahaficinihi, bu sano imitiro gahaficinihi icano.

²⁹ Idaasucani amiihai mihicaji fariseomi, caatiniminaa icamo: Bañifiraminaa mihicamo. Amiihai Moocaani iimaaminaaivi cihojinoco mihimibachumoro allico minicuhicahi. Jaamoro deecanoco mificuhicahi imihuseuno miyaminaa cihojinoco. ³⁰ Jaamoro jilli meneehicahi: Miñhai siicije moheedetemihai iicausumi mihicauruva jino Moocaani iimaaminaaco agaicaaumobadi mihicaujirahi, noomoro. ³¹ Tollri monoomaño amiihai Moocaani iimaaminaaco agaicaaumo iyaachimihai mihicanoco magaajasuh. ³² Jaaneguiha suufenitimo momooni oono amiihai eedeteemihai iticoniunoco.

³³ Amiihai jiinimomi, jiinimomi cuumiotobadi mihicamo. ¿Milli mataajaji ciijigaifaño agañijinot? ³⁴ Tooneguiha amiihaijaago uujojo galluuji

Moocaani iimaaminaaco, gaajaminaaco, jii**bogominaaco** icano. Jaamoco amiihai saatohoco magaisiraiciji, bu saatohoco imohovi metetecuji. Jaanoti bu saatohoco sinagogajanofaño mahaamiji. Jaamoro diitoco siicuumiti, siicuumiti icano mubucasiji.³⁵ Jaamaño amiihaihallivi icajino paryi imifiuno miyaminaaco agaisiraiciuno tijoho jaada, Abel guivejeti iticovano Zacariaco Berequia achico iguijeniunovi. Miiro amiihai diiboco magaicaauhi templojafaño iimimaño, jeevicvomaño icano feeneo situvi.³⁶ Miyanotiro jino amiihaico neehi, paryi diito jaada jisumio miyaminaahallivi minifeteji.

Jesu Jerusale Cuumihallivi Taahi.

(Lc 13.34-35)

³⁷ Jerusale cuumi, Jerusale cuumi, amiihai Moocaani iimaaminaaco agaicaauficuumi, bu Moocaani amiihaijaago jii**bogominaaco** agallumoco guisibaneri mahaamifhi. Jaanoti uujoho fahijivaro imeguehicahi tuucuumi seemequetajaagovi iigaiyicinoco oono catava iseemeque ijiecuguiino iigaiyicinicibadi. Jaarunoco amiihai mihimeguehicatihi.³⁸ Eneecau bu magaaja amiihai iijano jihovonedi fiveteji.³⁹ Jino amiihaico neehi: Uco siino mahatyimecujithi jari johono uco: Imicani Aivojibo momofeededisaabo, meneejifucu agasedi.

24

Jesu Temploja Ifinisucafetejinoco Neehi.

(Mr 13.1-2; Lc 21.5-6)

¹ Jaanaa Jesu templojafañot ihiinuuboro ifeequi mooniubojaago ijii**bogominaa** asaaumoro diiboco ifusuhi temploja guisibanoco.² Jaaneguiha Jesu diitoco nuuhi: Memeeći paryi tonehejeque. Miyanotiro amiihaico neehi: Jimañeri chahajino sababa guisiba sibahallidi, sibahallidi icano. Paryi faneeri finijino, nooboro.

Jiinije Ifinijino Gaajata.

(Mr 13.3-23; Lc 21.7-24; 7.22-24)

³ Jaadi fuumo Olivohono iicagajivi. Jahigo Jesu giciniubojaago ijii**bogominaa** ufumoro toovono dillutuuhi: Mihimeguehi mihaico idibogonoco ¿cusumi fine tolli icajino? ¿Milli magaajaji ijoho siino asaajinoco, bu jiinije ifinijinoco icano? noomoro.

⁴ Jaaneguiha Jesu diitoco nuuhi: Mehesicini miihaiñooba amiihaico bañidino.⁵ Ajashutimo tamomofañodi asaano: Uujoho Cristo, noomoro. Jaamoro sihidí miyaminaaco bañijimo.⁶ Bu minaano icaji juuga, jahigo icano. Jaarunotí mihoguetedino, miro tolli icajino. Jaaruno toono jiinije ifinijino icatino.⁷ Tusumi sijiiniyeoto sijiiniyeotoma moonicasiji, bu siicuumioto siicuumiotoma moonicasiji icano. Jaasumi ajebano icaji, sihidí guihuvano icaji. Jaabadiro bu jiinije maryibaji fahigovavi.⁸ Jaano jino idaasuhiica iticovajino.

⁹ Jaasumi amiihaico acijimo idaasuno momoonicafetequi, bu amiihaico gaicaaujimo. Paryi jiinijeminaa amiihaico jiiheveji tahalliti.

¹⁰ Jaasumi ajashutimo saatoho imiyaavogoco jeevesuji. Jaamoro jiihevecasijimo, bu fahigovavi inahabomico idaasuno moonisujimo.

¹¹ Bu sihidí bañiminaa icaji: Miihai Moocaanifañodi mihiimaahi, noomoro ajashutino miyaminaaco bañijimo.¹² Jaano sihidí imiti iicaneri fahigovavi gaijicasijitimo.¹³ Jaarunofaño quehecuno imiyaavogofaño

icaaboro nijequevi iifotoobo taajaji.¹⁴ Jaanotí jino aivoji jibogo iimibogo fanoojiinjeriro jibogocafeteji. Jaadi jari jiiniye finiji.

¹⁵ Miïro Moocaani iimaaminaafi Daniel caatinühi: Jaadi idicuno imitino omooniboro ifinisujiibediti. Jaano iimimañovi ifutucuunoco mahatyimedj ihaamefaño onoonoco mihiifinicihicamo magaaja.

¹⁶ Jaamoro Judeari mihicamo ifabaijaagoví magaa. ¹⁷ Jaanotí bu amiihai ijjahalliri mihicamo fañoojaví mefeedino siinoco mihiciqui. Toonotiro magaacu. ¹⁸ Jaanotí bu faguifaño iicamo muhuumidino amiihai gaachehuco mihicivamo. ¹⁹ Jaanotí idaasucani icajimo gaigoomi tusumi oovato iicamo, bu mifañotio seehejema iicamo icano.

¿Mili bu goovano gaajirumo? ²⁰ Jaaneguiha Moocaanico midillu: Amiihai magaajifucu jinijafucu icadino, bu jaguisifucu icadino icano. ²¹ Miïro jino sihidj ejeevano idaasu icaji eedeevi jiiniye ifiivuunotiro achahanicino, bu siino ufucuro achahacujino icano. ²² Jaarunoco Moocaani gueenene icasujitihi gueenene iicaruva tusumi iicajimoti miïhaiñooba ataajajitiruneguiha. Jaanotí diibo iicicuumo gaijirari toono idaasuno gueenene icasujitiibo.

²³ Jaasumi amiihaico saatoho neeji: Memeeći jaani Cristo, memeeći jaadi Cristo, onoodi: Miyaano, meneedino. ²⁴ Miïro saajimo bañiminaa: Uujoho Cristo, noomoro, bu: Uujohe Moocaani iimaaminaafi, noomoro. Jaamoro sihidj ejeevanehejeque ifusujimo miyaminaaco ibañiqui, bu tolliro Moocaani iicimoco bañijirumo icano. ²⁵ Tooneguita jino amiihaico imegaviro nuucuuhi. ²⁶ Jaaneguiha amiihaico: Memeeći johono sicaihigotí saabo, onoodi memecitedino. Jaanotí bu: Juuga jino mecuñaño icaabo, onoodi mimiyaaveguedino. ²⁷ Jaanotí uujohe Miyaminaafibadi Ifiivuubo asaajino jilli jeevaji; oono sisi anamebano aamijiti nijequevi aachicincibadi icajino. Jaanoco faaboho miyaminaafi atyimeji. ²⁸ Miïro chuumuhu iicahigo añimi igaivefihi. Jaabadi niinofucuvi imiyaavogotimoco idaasuno ifeteji.

Jilli Siino Saajiiibo Cristo Miyaminaafibadi Ifiivuubo.

(Mr 13.24-37; Lc 21.25-33; 21.26-30, 34-36)

²⁹ Jaano toono idaasuhicafucuje afatyobuunatiro cuujeo nihiba jabaaveji, bu fucuo nihiba achicicujithi, bu meeciri niquejefañotí aifeji, bu niquejefaaño iicano sefano maryibaji. ³⁰ Jaadi naha jarihiica ifuvusujino uujohe Miyaminaafibadi Ifiivuubo asaajino. Jaaneri paryi bu jiiniye cuuminominaa ataacasimoro atyimejimo uujohe Miyaminaafibadi Ifiivuubo niqueje aimuufairi sihidj mityano, ovosiino asaanoco. ³¹ Jaaboro tatyoomominaaco galluubi paryiicino fanoojiinjeti tatyia iicamoco miriicu sefano ojidi iigaiyiiciqui.

³² Jaaneguita oono higuerahotiro magaaja; miïro ficaba ifiiticusumi bohono aamevafihu. Jaanotí magaajanicihi ficaba ifiiticunoco.

³³ Jaabadiro bu paryi jineheje iicacuudi magaajacu finifucu ifiiticunoco.

³⁴ Miyanotiro amiihaico neehi: Paryi jilli icajino tusumio miyaminaa guijevetinaacaro. ³⁵ Niqueje, bu jiiniye icano finiji. Jaanotí taají ufucu finijitih.

³⁶ Jaaruno jiiniye ifinijifucuco miïhaiñooba ajashuno gaajatih Moocaani toomominaa icarumo, bu uujohe Moocaani Seemene icaruubo icano, Idiiboro Moocaani tufucuco gaajahi.

³⁷ Miîro johono Noe iicausumi iicaubadiro icajino uujoho Miyaminaafibadi Ifiivuubo asaano. ³⁸ Miîro toodihivi johono nifaiba chahaunaacahiica miyaminaa machumoro, adumoro, bu taabavamoro, illemîhaico tajenimoro icano icahicauhi. Jaanaaca Noemî imeenegafaño jîcafutuuhi; ³⁹ Jaamo gaajaciutimoco nifaiba macanisuuh famoocoro. Jaabadireji bu tollîro uujoho Miyaminaafibadi Ifiivuubo asaad icajino. ⁴⁰ Jaasumi miimisiici gaifimisi bajifaño iicaji. Jaamisiti saafi imiyaaveguehicitibô satyocafeteji diiboco sihidî jeevano idaasuno imooniqui. Jaanoti saafi imiyaavogoobo fitafeteji. ⁴¹ Jaabadiro bu miimifeeci icaji acaasumife. Jaamifeti saafigo imiyaaveguehicitigo satyocafeteji diigoco sihidî idaasuno imooniqui. Jaanoti saafigo imiyaavogogo fitafeteji.

⁴² Jaaneguiha amîhai mehesicinimoro motoomo gaajaratino cusumihacho Aivojîbo saaji. ⁴³ Jaanegui jinooco magaaja. Iija abajaabo, nanivaminaafi fucu toonoti icaaberi asaajinoco igaajaruva cigatiibô ica-jiruubo ijaco afayicimoro nanitimo iicaqui. ⁴⁴ Jaabadiro bu amîhai mihimibaicini. Miîro mehesicinitinaacaro uujoho Miyaminaafibadi Ifiivuubo saaji.

Imino Jeecivominaafi, Iimitino Jeecivominaafi Icano.

(Lc 12.41-48)

⁴⁵ Jaaneguiha imino jeecivominaafi agaajaaboco ihaivojîbo iijaminaaco tuumusuhiinicîhi imino machutaaco diitoco ihaci qui. ⁴⁶ Jaabo imican icajiibô ihaivojîbo onoonoco imino omoonibovi ihaivojîbo agaseebe. ⁴⁷ Miyanotiro amîhaico neehi, diiboco ihaivojîbo ficuji paryi nehejema iijaminaa toomominaafiti. ⁴⁸ Jaanoti saafi imitiibô: Tahaivojîbo goovajitino asaano, nooboro. ⁴⁹ Saatohoco ahaamîbororilli ticosvono guiriicavominaama aaduuboro, amachuuboro icaabaaca ⁵⁰ gaajaciratino ihaivojîbo gaseji. ⁵¹ Jaaboro diiboco sihidî jeevano idaasuno mooniji, bu oono bañiminaaco omoonijibadiro. Jahigo ataacasimoro igaiñoco oojsujihigo.

25

Fahuseecidimo Bagocajamîvi Ohoovicino.

¹ Miîro niqueje aivoji jeevahi fahuseecidimo bagocajamîicijigaimmecunoco iiciumoro fuuhi taabava jîbaimojaago ataabavaaboco inahaboni qui. ² Jaamoti sahusedifigova imino imibaivuutihî. Jaanoti sahusedifigova imino imibaivuuhi. ³ Jaamo imino iimibaivuutimo siino icijigaimmecunoco ifañoni qui satyuutihî. ⁴ Jaanoti imino iimibaivuumo icijigaimmecunofaño ifafaihunoco satyuuhî, bu botellanofaño satyuumo icano. ⁵ Jaarunaa ataabavaujiibô goovano agaseutimaño diitoco cigara aivuuneguiha cigacuumo. ⁶ Jaanaaca fucufeenevi guubuvusuuno sefano unuuno: iSaacuubo taabavaminaafi mutuumutucu! noomoro. ⁷ Jaaneguiha paryi tobagocajamî agañiivumoro icijigaimmecunoco nifutusuhi. ⁸ Jaanaaca iimibaivuutifigueheje oono iimibaivuufiguehejeque nuuhi: Miîhaico amîhai ciijigaifaihunoti ajashunogayi mahaci. Jino mocijigaimcuno jabaacamaaicuuhî, noomoro. ⁹ Jaarunofaño iimibaivuufigueheje diitoco iimusuuhi: Chahano, mîhaidi iifetejitiruno, bu amîhaidi iifetejitiruno icano. Amîhairyo mofoomoro amîhaiñotî manajete,

noomoro. ¹⁰ Jaaneguiha sahusedimo iimibaivuutimo c̄hījigaifaihuti inaajequi ufunobuujinaago taabavaminaafi gaseuhi. Jaaboma iimibaivucuumo toojafaño jicafutuuhi igaasequi. Jaadi iguhugaco fabaacucuumo. ¹¹ Jaanobuunati saafigova agaseumoro nuuhi: Aivojíibó, aivojíibó, miíhaico faayíci, noomoro. ¹² Jaarunaa diibo diitoco iimusuuhi: Miyanoliro uujoho amííhaico gaajatihí, nooboro.

¹³ Jaaneguiha jino uujoho amííhaico neehi: Cigatimo mehesicini, gaajaratinoojoho Miyaminaafibadi Ifiivuubo asaajifucu.

Nihibamiví Ohoovicino.

¹⁴ Miíro niiqueje aivojíi jeevahi saafi miyaminaafi siijiinijevi ifeequi ijeevicominaaco ucuuhuvauboro inihibamico diitoco ificusubadi.

¹⁵ Diitoti saafico cinco mildijeva aciubo. Jaanotí sifico aciubo dos mildijeva. Jaanotí saafico mildijeva aciubo. Diitoco iticovoocívi aciubo isefadino sahaje. Jaaboro fuucuubo. ¹⁶ Jaanobuuna cinco mildijevaaco agaayiciubo tooneri naajeteque eetavuuhi. Jaaneri iičiubo siino tonoodinoro. ¹⁷ Jaabadiro bu dos mildijevaaco agaayiciubo tolli omooniuboro, bu tonoodinoro siino gaayiciuhi. ¹⁸ Jaanotí mildijevaaco agaayiciubo ufuuboro jiinijeque eseediuboro ihaivojíibó nihibamico fi-cuuhi.

¹⁹ Jaanobuunati goovacuutinotí siino diito aivojíibó gaseuhi. Jaaboro diitoma toonoco imibachuvaubo. ²⁰ Ticoniubo oono cinco mildijeva aaciuboti. Jaabo ihaivojíiboco aciuhi diez mildijevaaco: Aivojíibó, uco daaciuhí cinco mildijeva. Jaaneri jino siino tonoodinoro iičino, nooboro. ²¹ Jaaneguiha ihaivojíibó diiboco nuuhi: Aivo imino mooníhi. Híjoho aivo imino jeevicominaafi idiomihuseebe. Míidirunoco imino omoonimaño ico siino janaanicí aciji. Jaaneguiha disaa. Jaabo uuma imo imo diicahi. ²² Jaanobuunati gaseubo dos mildijeva bu agaayiciubo. Jaabo nuuhi ihaivojíiboco: Aivojíibó, uco dos mildijeva daaciuhí. Jino jaaneri siino tonoodinoro iičino, nooboro. ²³ Jaaneguiha ihaivojíibó nuuhi: Aivo imino mooníhi. Híjoho aivo imino jeevicominaafi idiomihuseebe. Míidirunoco imino omoonimaño ico siino sihidi aciji. Jaaneguiha disaa. Jaabo uuma imo imo diicahi, nooboro. ²⁴ Jaanotí mildijeva agaayiciubo agaseuboro ihaivojíiboco nuuhi: Aivojíibó, híjoho sihidi edeeganoco uujoho gaajahi. Miíro híjoho sihinícihi abasutiruhigotí, bu tolliro nihibamico diicinicíhi ududicamaaitiruhigotí icano. ²⁵ Jaamaño ico iñihicugooiboro dinihibamico jiinijefaño c̄ijehiníhi. Jaano jino paryí faneeri dinihibami, nooboro. ²⁶ Jaaneguiha ihaivojíibó diiboco iimusuuhi: Híjoho agaiquiibó idiomitino jeevicominaafi, híro gaajacuuhi uujoho abasutiruhigotí isihinicinoco, bu ududicamaaitiruhigotí nihibamico iičinicinoco icano. ²⁷ Jaaneguiha, ¿collíhi jana tañihibamico dusisutíhi? Jaabo uujoho asaadí toonohallívi janaanicívi siino agaayicijirunaaca, nooboro ²⁸ tooneri iicaumoco nuubo: Diibediti mudumitiíci inihibamico. Jaamoro oono diez mildijevama iicaaboco mahaci. ²⁹ Miíro sihidi iicanoma iicaaboco siino janaanicí acijiibó sihidi iicanoma iicaaqui. Jaanotí chahanoma iicaabotí oono miidino iicarunoco dumitiíciiboo. ³⁰ Jaanotí ajaani imitino jeevicominaafico magaayicimoro buhigo icivohigovi magañíi. Tahigo ataaboro igaiñooco oojisujihigo, nooboro.

Jiinijeminaaco Udugaacujino.

³¹ Jaadi uuoho Miyaminaafibadi Ifiivuubo Moocaani toomominaama Aivojiiboti iicavaabo asaaboro tahimi aivoji icagahallivi casiiveji. ³² Jaadi paryi jiinijeminaa tahimefeenevi igaiveji. Jaamoco uuoho dugaacuji, oono ovejamii toomominaafi ovejamico cabramiditi sihigovi udugaacunicibadi. ³³ Jaaboro tahovejamico tamiyanaagonovi ficuji. Jaanoti cabramico tañaninaagonovi ficuji. ³⁴ Jaadi uuoho Aivojiibo neeji tamiyanaagotoco: Juugavi masaa. Amiihai Guihirubi amiihaico imino omoonimo jino tahaivojifaño mijicafoto siicije jiinije ifiivuunotiro amiihaidi eheetavuunofaño. ³⁵ Miiryo ajebavauboco uco machutaati mahaciuhu, bu adufirari iicauboco mihisuuhu, bu siicuumioobobadi amiihaifeeneri iicausumi uco amiihai iijafaño magaayiciuhu, ³⁶ bu tagaachehuma achahauboco uco magaachehuniuhu, bu iguihuvauboco uco memeecituuhi, bu civojafaño iicauboco uco memeecituuhi icano, nooboro. ³⁷ Jaadi uco iimimo dilluji: Aivojiibo, ¿nacu cusumi ajebari idicauboco ico miihai mamachusuuhu? ¿Bu cusumi adufirari idicauboco ico miihai mihisuuhu? ³⁸ ¿Bu cusumi nacu siicuumioobobadi idicauboco ico miihai moojafaño magaayiciuhu? ¿Bu cusumi ico sicaibo diicaaboco magaachehuniuhu? ³⁹ ¿Bu cusumi nacu ico guihuvauboco mahatyimeumoro mabaauhi? ¿Bu cusumi ico civojafaño diicauboco mabaajeuhu? noomoro. ⁴⁰ Jaamoco uuoho Aivojiibo diitoco jilli iimusuji: Miyanotiro, amiihaico neehi: Imiyaavogomoco* sihidi jeevatirumoco tolli momooniumaño, uco tolli momooniuhi, nooboro.

⁴¹ Jaadi bu tañaninaagonovi iicamoco neeji: Uuti buhigovi mimini-foto imitino monoocinicumo ciijigaifaño mofoo Satanasguiiha, bu paryi ihijimiguiha icano eheetavuunofaño. ⁴² Miiryo ajebavauboco uco machusuutihu. Adufirama icauboco uco mihisuutihu. ⁴³ Bu siicuumioobobadi amiihaifañodi iiguusumi uco amiihai iijafaño majaa-hevesutihu. Bu agaachehuvautiiboco uco gaachehutu mahaciutihu. Bu iguihuvauboco, bu civojafaño iicauboco icano uco mabaautihu, nooboro. ⁴⁴ Jaanoco diito iimusuji: Aivojiibo, ¿cusumi nacu ico ajebama diicaaboco, bu adufirama diicaaboco, bu siicuumioobobadi diicaaboco, bu gaachehuma chahaaboco, bu iguihuvaaboco, bu civojafaño diicaaboco icano mahatyimeuhu? noomoro. ⁴⁵ Jaanoguiiha uuoho iimusuji: Miyanotiro, amiihaico neehi: Imiyaavogomoco sihidi ejeevatimoco tolli momooniumaño, uco tolli momooniuhi, nooboro. ⁴⁶ Jaamo diito ifinijitino ciijigaifaño feeji. Jaanoti iimifiimo feeji ifinijitino fiivofaño.

26

Jesuco Iguijeniqui Iimaacasiuno.

(Mr 14:1-2; Lc 22:1-2; Jn 11:45-53)

¹ Jaabo Jesu jilli unuunoco paryi iimivuudi ijibogominaaco nuubo: ² Amiihairyo magaajacuhi jino mifucucirucu Pascua jibaimo iicajinoco. Jaasumi uuoho Miyaminaafibadi Ifiivuuboco acijimo, uco imohovi itete-cuqui, nooboro.

³ Jaasumi sacerdotemi aivojito, caatiniminaa, bu judiomii quillahuto icamo igaivuuhu Caifas onoobo sacerdotemi aivojiibo ijatyigaba goohasivi. ⁴ Jaamoro iimaacasiumo Jesuco abañimoro, agaayicimoro igaicaauqui.

* 25:40 tañahabomico.

⁵ Jaamo neehicauhi: Jii**baimofeenevi** tolli momoonijitihi miyaminaa mojaago isifiratomoro naaivedino, noomoro.

Betaniaivi Jesuco Facicifaihuri Jeesugo.

(*Mr 14.3-9; Jn 12.1-8*)

⁶ Jaanaaca Betania cuumiri foojohoma Simon iicaubo Jesuco unuuneguiha diibo ijafayo ifutuubo. ⁷ Jaanaaca gaigo diiboaago saauhi alabastro eetavotapaajefayo ifacicifaihu sihidi ijaadama iicanoo gatyuuuci icanoma. Jaabo Jesu imachuqui mesavi casivuubo nigaihallivi tofaihuco tucaruugo.

⁸ Jaanoco ijibogominaa atyimeuhi. Jaamoro isifiratumoro noocasiuhi: ¿Collihi jinooco bañamaahi? ⁹ Ajashutino nihibamiri manaajemere iidaasufimoco mahacitanoco, noomoro.

¹⁰ Jaanoco Jesu uguubuuboro diitoco nuuhi: ¿Collihi diigoco mihibahi? Imino uco moonigo. ¹¹ Miiro fahijivaro iidaasumo amiihai mihicaji. Jaanoti uujojo fahijivaro amiihaima icajitihi. ¹² Jaamo jino tahallivi facicifaihuco utucaruneru tafico imibachugo cihojifaño icicafetejino imegavi. ¹³ Miyanotiro amiihaico neehi, fahigova jino taajasu ijibogoco faajinijeri ijibogohigo jino diigo omoonino ijibogocafeteji, toonoti digoco ihesafetehicaqui, nooboro.

Juda Jesuco Naajeguehi.

(*Mr 14.10-11; Lc 22.3-6*)

¹⁴ Jaanaaca ijibogominati saafi Juda Iscariote onoobo fuuhi sacerdotem aivojotoma ihiimaatuubo. ¹⁵ Jaaboro jilli diitoco nuubo: ¿Minooodino uco majaaduji, Jesuco amiihaico aaciachachiji? nooboro.

Jaaneguiha diito diiboco jaaduuhi treintadijeva nihibamico. ¹⁶ Jaasumitiro Juda guinehicaudi Jesuco diito usefaño aaciujifucuco.

Aivojiboo Niinoono Amachuuno.

(*Mr 14.12-25; Lc 22.7-23; Jn 13.21-30; 1 Co 11.23-26*)

¹⁷ Jaanaaca ijuurisutama achahano maahunoco amachujibuuno ijibaimo iticovaufucu Jesujaago ijibogominaa ufuumoro diiboco dilluhi: ¿Conoovi diimeguehi Pascua machutaaco meheetavonoco? noomoro.

¹⁸ Jaaneguiha Jesu diitoco nuuhi: Mofoo cuumifaño johono amiihairyo magaajacuubojaago. Jaamoro diiboco monoo: Mohaivojiboo jilli neehi: Tahooovovi ifutucuuhi. Jaaneguiha diijafayo tajibogominama Pascua machutaaco eetaveji, noobo, noomoro.

¹⁹ Jaaneguiha ijibogominaa ufuumoro Jesu unuubadi mooniuh. Jaamoro toojafaño Pascua machutaaco eetavuuhi.

²⁰ Jaanaa mihiijicuudi Jesu docedimo ijibogominama mesavi casivuubi. ²¹ Jaamo machumaaca Jesu nuuhi: Miyanotiro, amiihaico neehi, amiihaiti saafi uco aciji igaicaauqui, nooboro.

²² Jaaneri diito sihidi iidaasuvuumoro diiboco dilluhi: Aivojiboo, ¿nacu fine uujojo? noomoro sifi idilluno, sifi idilluno icano fuumo.

²³ Jaaneguiha Jesu diitoco nuuhi: Sajefajoro uuma amachuubo diibo uco aciji. ²⁴ Miiro uujojo Miyaminaafibadi Ifiivuubo Caatinahaamefaño onoobadi feehi. Jaarunaaca iidaasucani iicajiboo uco aaciiboo. Aivo imijiruno diibedi fiivuutiboo icarava, nooboro.

²⁵ Jaaneguiha Juda diiboco aaciujiboo nuuhi: Aivojiboo, ¿nacu fine uujeheji? nooboro.

Jaaneguiihha Jesu nuuhi: Jíhi, iijeheji, nooboro.

²⁶ Jaamo machuumaaaca Jesu imahauco agaayiciuboro, Moocaanico graciaco aaciudi tohicaco iquisiciuboro ijibogominaaco aciubo: Ifaaji, jino tafiico mamachu, nooboro.

²⁷ Jaadi bu ihadufaihuco agaayiciuboro Moocaanico graciaco aaciuboro diitoco aciuhı: Paryi famooro jifaihuti mahadu. ²⁸ Miiro jino tatyijoho iicano bohono iimaaco imiyacaruno. Jaano jino tatyijoho gañicafetehi ajashutimohalliv iimiti buusu iicano. ²⁹ Jino amiihaico neehi, jino baacufaihuco jari ufucu siino aduji amihaima johono Moocaani aivojifaño, nooboro.

Jesu Neehi Pedro Diiboco Utuunamaajinoco.

(*Mr 14.26-31; Lc 22.31-34; Jn 13.36-38*)

³⁰ Jaadi amasivaunobuunati fuumo Olivohono iicagajijaago. ³¹ Jaadi Jesu diitoco nuuhi: Jifucu paryi amiihai uco mejeevesumoro mofociniji. Miiro Caatinihaamefaño noonoo: Itoomominaafico gaicaauji. Jaaneri ibovejamı fahigova gavaranaamaajiji, noonoro. ³² Jaaruubo siino ubuheeteebere amiihai imega feeji Galileavi, nooboro.

³³ Jaaneguiihha Pedro diiboco nuuhi: Famooro ico jeevesurunaaca, uujoho ico jeevesujitihi, nooboro.

³⁴ Jaaneguiihha diiboco Jesu nuuhi: Miyanotiro ico neehi, jaafañiinofucu catava ojitiibaacaro mifooci, safo icano: Diiboco gaajatihı, bu diibo ijibogominaafi icatiji, neeji, nooboro.

³⁵ Jaaneguiihha Pedro nuuhi: Jaafa iima iguijevehachijiji guijevehi. Jaaruubo ico tuunamaajitihı, nooboro.

Jaabadiro bu paryi saatoho ijibogominaa nuuhi.

Jesu Moocaanima Iimaahi Getsemani Onoomañovi.

(*Mr 14.32-42; Lc 22.39-46; Heb 5.7, 8*)

³⁶ Jaadi Jesu ijibogominaama Getsemani onoomañovi ifutuudi diitoco nuuhi: Jinoovi migicini, uujoho johonovi Moocaanima ihiimaatonohachuta, nooboro.

³⁷ Jaaboro Pedroco, bu Zebedeo achimisico icano asatyuuboro ticovauhi iñihicuguuboro sihidi iidaasuvuubo. ³⁸ Jaaboro diitoco nuubo: Sihidiro tajeebiifaño idaasu icahi miguijevejibadi. Jaaneguiihha jino mihica uuma cigatimo mubuhee, nooboro.

³⁹ Jaadi Jesu janaanicivi ufuuboro jiinijehalliv ajavuvuuboro Moocaanima iimaauhi: Guihi, idiimogohachijiji uco taajasu jino idaasuno iicajinoti.* Jaaruno uujoho iimogobadi icatino, jaafa iijoho idiimogobadiro icano, nooboro.

⁴⁰ Jaadi ijibogominaa iicauhigo asaaubo cigamovi gaseuhi. Jaaboro Pedroco nuubo: ¿Colihı jaabo uuma sano nihiba oovo ticovovi buheetihi?

⁴¹ ¡Mbuhee! Jaamoro Moocaanima mihiimaa iji amiihaico inisunofaño mahaquetedino. Miyanotiro amiihai jeebij imino iicanoco imogorahi. Jaarunofaño amiihai allio ifi niinovahı, ⁴² nooboro siino fuubo dojicuviro Moocaanima ihiimaatuubo. Jillı nooboro: Guihi, uujoho idaasuno iicanoco idiimogohachijiji eti idiimogobadi mooni, nooboro.

⁴³ Jaabo bu siino uhuumiubo ijibogominaa cigamoco atyimeuhi aivo sihidi cigarari icacuutineguiha. ⁴⁴ Jaamoco ejeevesuuboro siino fuubo Moocaanima ihiimaatuubo, siino tolliro nooboro. ⁴⁵ Jaadi bu siino

* **26:39** Griego iijiri: jihidaasuhilluco uuti buhigovi denesu, noono.

ijii**bogominaa** iicauhi ufuuboro diitoco nuuhi: Ivi jisumi micigacu, maguisicu. Jino gasecuuno uujoho Miyaminaafibadi Ifiivuubo imitiminaa usefaño aacicafetejino. ⁴⁶ Jaaneguiha magañiivomoro masigucu mee oono uco aacivaabo fiiticuuhi, nooboro.

Jesuco Isisimoro Satyomo.

(*Mr 14.43-50; Lc 22.47-58; Jn 18.2-11*)

⁴⁷ Jaanaaca tolli iimaaubaacaro Juda gaseuhi ijii**bogominaa** docedimo iicahicaurumoobo. Jaaboma saaumo sihidi miyaminaa niisuganoma, cudaahenema icano; sacerdotemi aivojito, bu judiomu quillahuto icamo agalluumo. ⁴⁸ Jaabo Juda diitoco nuuhi: Oono uujoho diibo iicaaboco iniini**boron** dilluji. Jaaboco cuhufono misisimoro masatyo, nooboro.

⁴⁹ Jaaboro Jesujaago ufuuboro diiboco nuuhi: ¿Naa diicahi, Jii**bogominaa**? nooboro Jesuco niniiciuhi.

⁵⁰ Jaaneguiha Jesu diiboco nuuhi: ¿Fañi, jinejefiri saahi? nooboro.

Jaasumiro diito Jesuco agaayiciumoro Jesuco sisihu isatyequi.

⁵¹ Jaaneguiha Jesu nahaboniminaati saafi iniisugaco iguiiyiciuboro sacerdotemi aivojiibo jeećiivominaafi nijimeehuco buiyaacuuhi.

⁵² Jaaneguiha Jesu diiboco nuuhi: Diniisugaco ifajutafaño diihacu. Miir oono niisugari omoonicasimo, bu niisugari guijkeveji. ⁵³ ¿Nacu ii**johoh** gaajatihi uujoho Guihirubico dilluruva jaachijigayiro tajaa galluujiruubo itoomominaati aivo ajashutimo fahuseeci motihaiti miihaici idiino dihaivaco? ⁵⁴ Jaano tolli iicaruva, ¿milli bu Caatininhaamefaño jilli icajiibo onoono miyaavejirahi? nooboro.

⁵⁵ Jaadi Jesu diito miyaminaaco nuuhi: ¿Milli jaamo amiihai tatyicovodi masaahi cudaahenema, niisuganoma icano nanivaminaafico magaayiciqui mihicanicibadi? Miir fafucuvaviro amiihaifeenevi uujoho templojafaño casiivooboro jiibeguehicahi. Jaaruuboco du uco magaayicihicatih. ⁵⁶ Jaarunofaño jaafa tolli icano johono Caatininhaamefaño Moocaani iimaaminaa acaatiniuno imiyaavequi, nooboro.

Jaasumiro ijii**bogominaa** diiboco ejeevesumoro famooro gaaciniuhi.

Jesu Fagominaa Imegavi Icauhi.

(*Mr 14.53-65; Lc 22.54-55, 63-71; Jn 18.12-14, 19-24*)

⁵⁷ Jaamo Jesuco isisiumoro sacerdotemi aivojiibo Caifas onoobo imefeenevi satyuuh. Tahí caatiniminaa, bu judiomu quillahuto icamo iigaicinihuigo. ⁵⁸ Jaanaa Pedro ifutuhi sacerdotemi aivojiibo goohasivi: ¿Naa milli fine moonijimo? nooboro tehesinoti iifiniciuboro ufuubo. Jaabo policiami cojivi casiivutuuhi.

⁵⁹ Jaanaaca sacerdotemi aivojito, bu judiomu quillahuto, bu paryi imiyafagominaa icamo guiinehicauhi Jesuhallivi sicamañooco ijii**bogonot** diiboco igaicaausuqui. ⁶⁰ Jaarunofaño tonoogayijehalliti gaicaaujitirumo guiraamo saatoho diibohallivi sicamañooco jiibeguehicaurunaaca. Jaanofeenevi miimisiici gaseuhi diibohallivi sicamañooco ijii**buguumisi**: ⁶¹ Jaani neehicahi: Uujoho Moocaani templojaco finisuji. Jaaboro siino boojati mifucuci, safucu idiinotiro eetaveji, nooboro, noomisiro.

⁶² Jaaneguiha sacerdotemi aivojiibo agañiivuuboro Jesuco nuuhi: ¿Aivo ajashuno diimusuthi? ¿Milli nacu jino jito dihallivi neehi? nooboro.

⁶³ Jaarunofaño Jesu diiboco iimusuthi. Jaaneguiha diibo isacerdotemi aivojiibo Jesuco nuuhi: Moocaani momofeedi miyananocoro

miihaico dinoo, qnhaa miya iijoho Cristo Moocaani Achi idiicaabo? nooboro.

⁶⁴ Jaaneguiiha Jesu diiboco nuuhi: Jiihi, uujoho diibo, iijoho toono onoobadi. Tolliro bu amiihaico jino neehi: Ufucu mahatyimeji uujoho Miyaminaafibadi Ifiivuubo sihid ijejevaabo Moocaani miyanaagonovi giciniiboco, bu niqueje aimuufafeenedi asaaboco icano, nooboro.

⁶⁵ Jaaneri sacerdotemi aivojiibo igaachehuco gallicuuhi sihid isifiratuuboro. Jaaboro nuubo: Jaani iijiri Moocaaniditi aivo imitino iimaahi. QCollahi bu siino sita onoonoco mehesujirahi? Amiihairyo muguubucuuhi imitino ihiimaanoco. ⁶⁶ QNacu milli amiihaidi? nooboro.

Jaaneguiiha diito nuuhi: Toll ihiimaamaño guijevejib, ⁶⁷ noomoro Jesuco ihimefaño ijirebamaaimoro ganiiciumo. Jaanoti bu saatoho diiboco ihimefaño agabejeniumoro nuuhi: ⁶⁸ Iijoho Cristo idiicaabo ene gaajaci. QNaa miijoho ico gabacuuhi? noomoro.

Pedro: Uujoho Jesuco Gaajatih, Nuuhi.

(Mr 14:66-72; Lc 22:56-62; Jn 18:15-18, 25-27)

⁶⁹ Jaanaaca Pedro jahisi goohasifaño giciniunaaca sacerdotemi aivojiibo jeecivominaago asaaugoro diiboco nuuhi: Iijoho bu tolliro Jesu Galileaooboma idiicahicaabo, noogoro.

⁷⁰ Jaarunofaño Pedro tuunamaaiuhi: Uujoho gaajatih jinejetihacho toono diimaahi, nooboro.

⁷¹ Jaanaaca Pedro toonoti fuucuboco saafigo aatyimeugoro tooneri iicaumoco nuuhi: Jaani bu tolliro oono Jesu Nazareooboma iguehicaabo, noogoro.

⁷² Jaarunaaca Pedro tuunamaaiuhi Moocaani momofañodi: Miyanotiro uujoho diiboco gaajatih, nooboro.

⁷³ Jaanobuunati bu siino tooneri iicaumo Pedroja asaaumoro diiboco nuuhi: Miyaano jah, iijoho diitoobo, mee oono dihiimaa diito iimaabadi jeevahi, noomoro.

⁷⁴ Jaaneguiiha diibo nuuhi: Moocaani momofañodi neehi: Miyanotiro, uujoho diiboco gaajatih. Jaanoti jilli onoobo abañihachiiji jaafa uco Moocaani guijenih, nooboro.

Jaasumiyo catava ojih. ⁷⁵ Jaanoco uguubuuboro Pedro esafutuuh Jesu diiboco: Catava oojitinaacaro uco mifooci safo idiiro tuunamaaiji, unuunoco. Jaaneguiiha Pedro toonoti ufuuboro aivono taauhi.

27

Pilato Imfeenevi Jesuco Satyehi.

(Mr 15:1; Lc 23:1-2; Jn 18:28-32)

¹ Jaanaaca eseseeveudi pary famooro sacerdotemi aivojito, judiom quillahuto icano sabadiro iimaacasiuhi Jesuco igaicaauqui. ² Jaamoro diiboco sisiciniboco asatyumoro toojiinjeo aivojiibo Poncio Pilato onooboco aciuhi.

Juda Iguijeveuno.

(Hch 1:16-19)

³ Jaanaaca Juda, miyaminaa usefaño Jesuco aaciuboco guijevefaño ificuunoco aatyimeuboro sihid iidaasuvuhi. Jaaboro treintadijeva iicaunoco inihibamico uumisuuh sacerdotem aivojito, bu judiom quillahutoco icano jilli nooboro: ⁴ Uujoho imitico iichi aivo imiiboco guijevefaño aacimaño, nooboro.

Jaaneguiha diito iimusuuhi: ¿Jaano milli miihaidi? Toono diino, noomoro.

⁵ Jaaneguiha Juda inihibamico templojafaño gavaracuuhi. Jaadí ufuboro gaibaíri icodaaheti uduujecafutuboro lluhivuhi.

⁶ Jaadí sacerdotemí aivojito inihibamico iiciumoro nuuhi: Jino nihibamico Moocaaniguiha ificunicinofaño mificujitíhi tijohoh jaada iicacumaño, noomoro.

⁷ Jaadí ihiimaacasumoro tooneri nifaqui guirihilluno nicuminaafi faguico naajeumo, tomañoví siijiiniyeoteheje ochoomomoco icihicaqui.

⁸ Jaamaño tomaño jisumihachuta: Tijohomaño, noocinihi. ⁹ Jillí miyaavuuno Moocaani iimaaminaafi Jeremia acaatiniuno: Iciomo treintadíjeva inihibamico Israel cuumiminaa diibo jaadaco ificuunoco.

¹⁰ Jaaneri nifaqui guirihilluno nicuminaafi faguico naajeumo, oono uco Aivojíbo atajíbabadi, nooboro.

Jesu Pilato Imfeenevi Icahi.

(Mr 15.2-5; Lc 23.3-5; Jn 18.33-38)

¹¹ Jaadí Jesuco aivojíbo Pilato imegavi iifutusuumo. Jaaboco dilluubo: ¿Naa ijohoh oono judiomí Aivojíbo idíicaabo? nooboro.

Jaaneguiha Jesu iimusuuhi: Jíhi, tollí icano toono ijohoh onoobadi, nooboro.

¹² Jaanaaca sacerdotemí aivojito, judiomí quillahuto icamo diibohalliví imitíno ijibeguehicaurunoco Jesu ajashuno iimusuutíhi.

¹³ Jaaneguiha Pilato diiboco nuuhi: ¿Naa guubutíhi oono dihalliví imitíno ihiimaanoco? nooboro.

¹⁴ Jaarunofaño bu Jesu diiboco ajashuno iimusuutíhi. Jaaneri diibo Pilato sihidi eheetyeuboro eesamaaiujirunoco gaajautíhi.

Jesuco Iguijeníqui Ificuuno.

(Mr 15.6-20; Lc 23.13-25; Jn 18.38-19.16)

¹⁵ Jaasumi miiro aivojíbo Pilato omooninicibadi civojaminaafití saafíco sinaayujibuuhi miyaminaa idilluuboco. ¹⁶ Jaanaa icaubo saafí civojafaño Barraba onoobo sihidí ejeevaabo iimitíbo. ¹⁷ Jaanaa paryí miyaminaa igaicinumoco Pilato dilluubi: ¿Cajaanico mihimeguehi, amíhai, uujoho isinaayunoco, Barrabaco, nacu oono Jesu Cristo onooboco? nooboro.

¹⁸ Tollí nuubo jillí Jesuco ijiheveumoro diibo usefaño aaciunoco agajacíuboro.

¹⁹ Jaabo Pilato ihaivojí icagahalliri giciniunaaca diibogaago mogai saatohoco galluuhi jillí noogoro: Milli moonidineheje diibo iimino miyaminaafíco, fone fucu níhicuno tigahi diibo Jesudití, noogoro.

²⁰ Jaarunofaño sacerdotemí aivojito, bu judiomí quillahuto icamo miyaminaaco fajíniuhí Barrabaco dihiinusú. Jaanoti: Jesuco guijeni, monoo, noomoro. ²¹ Jaanaaca bu siino miyaminaaco Pilato dilluubi: ¿Diitisiti cajaanico isinaayunoco mihimeguehi? nooboro.

Jaaneguiha nuumo: Barrabaco, noomoro.

²² Jaaneguiha siino Pilato diitoco dilluubi: ¿Jaanaa milli mooniji oono imomo Jesucristo iicaaboco? nooboro.

Jaaneguiha paryí famooro iimusuuhi: ¡Imohobujehalliví tetecu! noomoro.

²³ Jaanegui Pilato diitoco nuuhi: ¿Nacu jineje imitínoco mooníbo? nooboro.

Jaarunofaño diito siino coovadiivuuhi: ¡imohobujehallivi teteceu! noomoro.

²⁴ Jaanegui Pilatoco diito sihidi ejenaauumoro janaaniciviro aivo añaavuunoco aatyimeuboro, tajibaubo nifaihuco isivaqui. Jaafaihu-faño ihuseneque nitamaaiubo diito imfeenevi, jilli nooboro: Uujoho jaani iimiibo guivefañodi icatíhi. Jilli toono amiíhai iimaa, nooboro Pilato.

²⁵ Jaarunaaca famooro iimusuuhi: Miihai, bu paryi moseeme icamohallivi jaafa minifoton, noomoro.

²⁶ Jaaneguiha Pilato Barrabaco isinaayusuuboro Jesuco aamisuuhi. Jaadi diitoco aciubo diiboco itetecuqui.

²⁷ Jaaneguiha ihamocasiminaa Jesuco satyuuhdi ibo Pilato ijajaago. Jaamoro igaiyiciumo paryi amocasiminaaco Jesuhallivi. ²⁸ Jaamoro diiboco igaachehuco ujujuyaacuumoro sichehuco jihacuumo gachico-hai deecano tifabadi itifai iicachehuco. ²⁹ Jaamoro bu iinigaihallivi javucaruumo janutuno aafeneque chaahimigati eheetavuumoro, bu jaamoro gaayicisuumo imiyanaagohusefaño iméico icano. Jaadi diiboguino ememuiivomoro diiboco dejecuhicaudi: ¡Imicani ijoho judiom Aivojiboo! noomoro.

³⁰ Jaadi bu ihimeico agaayicimoro tohiri diiboco iinigaiti gafucuhicaumo. ³¹ Jaadi diiboco jilli omoonihicaudi jujuyaacuumo diiboco tifaihiba icacheuco ijihacuuchehuco. Jaamoro imiyachehuco jihacuumo. Jaadi ivi satyucuumo diiboco itetecuqui.

Jesuco Etetecuno.

(*Mr 15.21-32; Lc 23.26-43; Jn 19.17-27*)

³² Jaamo Jesuco itetecuqui ufuumo atyimeuhi Cirene cuumioobo Simon onooboco. Jaamoro diiboco tajibaauhi Jesu imohobujeque isatyequi.

³³ Jaadi iifutuumo nigapaaejebai onoomañovi; jaanoti hebreomi ijiri Golgota onoobai. ³⁴ Jaabaihallivi Jesuco isuurumo vino aivo faafaiñoco. Jaarunoco inisucuuruhigoti adutuibo.

³⁵ Jaaboco etetecuumoro ihamocasiminaa suerteque eetavuuhi Jesu gaachehuhallivi: ¿Cajaani fine tochekuma icaji? noomoro.* ³⁶ Jaamoro ifiitino casicamaaumo diiboco otoomomo. ³⁷ Jaamoro ijibogoco ihmohobujeti iinigaihallivi caatiniumo: JAANÍ JESU JUDIOMÍ AIVOJHBO, onono.

³⁸ Tolliro bu diibo uufocovi tetecuumo miimisiici nanivaminaatisico, saafico imiyanaagonovi, bu saafico inaninaagonovi icano. ³⁹ Jaanaaca toonodi afatyomo diiboco ihibamoro ihuseneque gavaracumoro ihibajirubadi iicano iinigaicoro garya garya moonihicaumo, ⁴⁰ jilli noomoro: ¿Naa ijoho oono templojaco acallajaruuuboro siino dojicuviro mifucuci, safucu idinot boojati edeetavejiruubo? Eneecata iiro difico taajasus! ¡Bu miyaano Moocaani Achi idiicahachiji, toono caamoti niito! noomoro.

⁴¹ Jaabadiro bu sacerdotemi aivojito, bu caatiniminaa, bu fariseomi, bu judiom quillahuto icamo diiboco edejecumo neehicauhi: ⁴² Sitaaco taa-jasuubo. ¿Jaaaruubo cono bu inoro ifico taajasubova? Eneecata miyaano Israel Aivojiboo iicahachiji, toono ihmohot iniitequi maatyimemere diiboco mimiyaaveguequi. ⁴³ Miilo Moocaaniviro ifico sefaabo. Eneecata

* **27:35** Sahaamefaño janaanic jilli ficuumo: Jilli miyaavuuno Moocaani iimaaminaafi acaatiniumo: Tagaachehuco ifocasimo suerteque eheetavomoro, nooboro.

jaafa jaabo asaaboro diiboco taajasuvahi iimogohachiiji. Jaadi jari magaajaji miyaano Moocaani Achi iicanoco, noomoro.

⁴⁴Jaabadiro bu nanivaminaatisico diibo uufocovi etetecuumisi diiboco iibahicauhi.

Jesu Iguijevene.

(*Mr 15.33-41; Lc 23.44-49; Jn 19.28-30*)

⁴⁵ Jaadi ivi paryi jiinije civono minifutuuhi gadiciibati. Jaano seseeteuhi imohonohalliti nihiba icaaberi. ⁴⁶ Jaasumiro Jesu hebreo ijirisi sefano gaihivuhi: Eli, Eli, ¿lama sabactani? nooboro. Moocaani, Moocaani, ¿collahi uco deevesuhi? enejiruno.

⁴⁷ Jaanoco saatoho tooneri iicaumo uguubuumoro nuuhi: Memeeći johono Moocaani iimaaminaafi Eliaco cuuhuvaabo, noomoro.

⁴⁸ Jaasumiro diitoti saafi ijinafatyuuboro icijeuhi faashihi iicanoco. Jaaboro toosihico vino aivo quigañifaño matyusuuh. Jaaboro toosihico imei nijequevi ificuuboro Jesu ijifaño cabuyaacuuhi ihaduuqui, nooboro.

⁴⁹ Jaarunaa saatoho diiboco nuuhi: Moonidino, jaafa Elia saahi diiboco ataajasuvaabo mahatyiimequi, noomoro.

⁵⁰ Jaanaaca siino Jesu sefano agaihivuuboro chuumucuuhi. ⁵¹ Jaano ticovovi temploja ofoboociniuchehu gaachehehujetuno feemene iicanoo gallivuhi feenedi caamoti sano guinovi. Bu jiinije sefano maryibauhi. Jaaneri guiisihacino dujavanamaaiuhi. ⁵² Bu tolliro ciihojino faayicicafutuuhi. Jaaneri Moocaanico imiyaavuguumo iguijevecinumo ajashutimo siino buheeteuhi. ⁵³ Jaamo Jesu siino ubuheeteunobuunati iciihojinofañot ihiinuumoro iimicuumi Jerusale cuumifaño fuuhi. Jaamoco tahi sihidí miyaminaa diitoco aatyimeumoro gaajauhi.

⁵⁴ Jaanoti bu ihamocasiminaa aivojiboo ihamocasiminaama Jesuco utuumuumo jiinije amaryibaunoco, bu sanehejeque icano aatyimeumoro sihidiro igutuuhi. Jaamoro nuuhi: Miyanotiro, jahi jaani Moocaani Achi, noomoro.

⁵⁵ Jaabadiro bu sihidí icaumo gaigoomi tehesinotiro iifinicum Galileati Jesu dojicuti asaamo diiboco jeeчивomoro. ⁵⁶ Jaamofeeneri icaugo Maria Magdalena onoogo, bu Jacoobo, Jose icamisi seeji Maria onoogo; Zebedeo seemenemisi seeji icamife.

Jesuco Iciuno.

(*Mr 15.42-47; Lc 23.50-56; Jn 19.38-42*)

⁵⁷ Jaanaaca mihiijicuudi saaubo sihidí inihibamima iicaubo Jose onoobo Arimatea cuumioobo, Jesu onoonoco imiyaaveguehicaubo.

⁵⁸ Jaabo Pilatojaago ufuboro Jesu ifico diiboco dillujeuhi. Jaaneguiiha Pilato tajibauhi diiboco ihaciqui. ⁵⁹ Jaadi Jesu ifico Jose iiciuboro mihinivatino gaachehuri mibociuhi. ⁶⁰ Jaaboro iciihoji bohoji guisigajifaño eheetavusuhojifaño jiihacuuhi. Jaaboro tohojico guisibatyigabari amaniniuboro fuuhi. ⁶¹ Jaanaaca tohoji ticovo icaumife Maria Magdalena onoogo, bu saafigo Maria icamife giciniuhi sinaagobaiti tohojico ihiifinicumife.

Jesu Ciihoji Imega Amocasiminaa Teemehi.

⁶² Jaano seseovedi, Pascua jibaimoguiha iimibaivuunobuunati, sacerdotemi aivojito, bu fariseomi icamo fuuhi Pilatoma ihiimaaqu. ⁶³ Jaamoro diiboco nuumo: Aivojiboo, mehesafetehi oono tobañifiiboba

ubuheesusumi: Ochoomodi mifucuci, safucu icanoti siino buheeteji, unuunoco. ⁶⁴ Jaaneguiha tajiba icihojico cuhufono imooniqui mifucuci safucu idiino tcovovi ijibogominaa fucu asaamoro ichuumuhuco ananimoro: Siino buheetecuubo, noomoro miyaminaaco jibeguedimo. Jaanotí tolli omooni:hachijí tobañí aivo iticoniono janaaniciví jeevajirahí, noomoro.

⁶⁵ Jaaneguiha Pilato diitoco nuuhi: Ajaatyo toomominaaco mihicimoro ami:hairyo diitoma aivo imino mucuhufusuto, nooboro.

⁶⁶ Jaaneguiha ufuumoro tohojico cuhufutusuuhí. Jaamoro bu igaa-jataaco ficuumo tohojico ofoboociuba iguisibahallivi. Jaamoro tohojihallivi itoomominaaco ficuumo.

28

Jesu Siino Ubuheeteuno.

¹ Jaanaaca judio jaguisifucu sabado icaafucu afatyuno seseevedi fucugayiro Maria Magdalena onoogo, bu saafigo Maria icamife fuuhi icihojico emeecituumife. ² Jaanaaca sefano jiiniye maryibauhi Moocaani toomominaafi niquejefañotí iniitunerí. Jaaboro tohojí imegaví agaseuboro tohojí guisibaco buhigovi iiciuboro tobahallivi casivuuhi. ³ Jaabohalli aricuuhí sisi anamebano aricubadi, bu igaachehu seseene seseeuhí cuugaihallibadi. ⁴ Jaaboco amocasiminaa tohojico utuumuumo aatyimeumoro sihidiro igituumoro iñihicuri uchuumucumobadi minifutuuhi. ⁵ Jaaboro Moocaani toomominaafi diitifeque nuuhi: Mihiguetejirahana uujoho gaajahi amiife Jesu etetecucafetehiniboco miguiinonoco. ⁶ Jineeri chahacuubo siino buheetecuubo unuubadi. Eneecau bu jino diiboco ificuhinimáñooco memeeciva. ⁷ Jaaneguiha goovano mofoomifere ijibogominaaco mijibogoto jilli noomifere: Guijevefañotí siino buheetecuubo. Jaaboro ami:hai imega si:gucuubo Galileavi. Tahigo diiboco mahatyimeji. Jinooco ami:feque neequi saahi, nooboro.

⁸ Jaaneguiha diitife toonotí fuucuuhi. Goovano sihidí igituumifere, bu imo imo icano fuuhi. Jaamifere diitife Jesu jibogominaaco jibugutuuhi. ⁹ Jaamifevi Jesu ajafeveuboro diitifeque dilluuhi. Jaaneguiha diibogaago ufuumifere itihaiñoco ihibicimifere diiboco imuuhí. ¹⁰ Jaaneguiha diibo diitifeque nuuhi: Mihiguatedino. Mofoomifere tañahabomico mijibogoto Galileavi ifeequi tahigo uco atyimejimo, nooboro.

Amocasiminaa Jillí Jibuguuhi.

¹¹ Jaanaaca diitife ufuunobuunati tohojico utuumuumoti saatoho amocasiminaa cuumifaño ufuumoro sacerdotemí aivojítoco jibuguuhi paryí aatyimeunoco. ¹² Jaaneguiha diito sacerdotemí aivojito ju-diomi quillahutojaago ufuumoro diitoma iimaajeuhí. Jaamoro sihidí nihibamico ihamocasiminaaco jaaduumo. ¹³ Jillí diitoco noomoro: Miyaminaaco monoo: Mi:hai fucufeene miciganaaca ijibogominaa asaamoro ichuumuhuco ananimoro satyehí, noomoro. ¹⁴ Jaanoco aivojíbo uguubuuboro ami:haijaago isifiratohachijí mi:hai diiboma mihiimaaji ami:haihi aivojito judiomí quallivi. Jaamo ¿milli icatimo mihiakahí? noomoro.

¹⁵ Jaaneguiha ihamocasiminaa inihibamico agaayiciumoro diito unuubadi mooniuhi. Jaabadi judiomí jibeguehica hi jisumihachuta.

Jesu Ijibogominaaco Atajibano.

(Mr 16.14-18; Lc 24.36-49; Jn 20.19-23; Hch 1.8)

¹⁶ Jaaneguiha ijibogominaa fahuseeci motihaiti si aivojito judiomqi quiaaf iđimurucu fuuhi Galileajaago Jesu diitoco unuubaijaagovi.

¹⁷ Jahigo Jesuco aatyimeumoro diiboco imuumo. Jaarunaa saatoho miyaadi miyaavuguutahi. ¹⁸ Jaadi Jesu asaauboro diitoco nuuhi: Uu-

joho gaayicicuuhi paryi aivoji ijico niquejefaño, jiinjehalliv i cano.

¹⁹ Jaaneguiha paryi faajiiñjeriro mofoomoro tajibogominaati meheetavo. Jaamoco miniti Moocaani momofeedi, bu Illi momofeedi, bu Igaija momofeedi cano. ²⁰ Jaamoro diitoco mijibogo amihaico paryi uujoho ijibeguehicanoco imino imooniqui. Jaamoro imino magaaja uu-

jojo amihaima fahijivaro icaji jiiniye ifinijinovi, bu janaanic icajinovi, nooboro.

SAN MARCOS

*Jua Nitiminaafi Sicaihigovi Jiibeguehi.
(Mt 3.1-12; Lc 3.1-18; Jn 1.19-28)*

¹ Jilli ticovauno Jesucristo Moocaani Achi jii**bogoco**. ² Miiro jilli Moocaani iimaa jii**bogominaafi** Isaia caatinicuuhi, Moocaani unuunoco: Dihime galluuhi tajii**bogominaafico**, dihimme jiihaico iimibachuqui, nooboro. ³ Jaanaa guubuvusuuno sicaihigoti ocoovadiicinuno: Mihimbachu Mohaivojii**bo** jiihaico sano ticovoro meheetavo, onoonoco, Isaia caatiniuhi.

⁴ Jilli saaubo Jua sicaihigovi miyaminaaco nitii**boron**. Jaabo neehicaahi: Minitisuquimaje jaamoro amiihai eedeehifico mejeevesu, amiihai imiti ibuuqui, nooboro. ⁵ Jaanegui Judeao jiini**jeoto**, bu Jerusale cuumiota icamo feehicaahi diiboco uguubunicitomo. Jaamoco iimitico ijii**beguehicauno** bujinagot*i* diitoco Jua nitiihicaahi Jorda onoohifaño.

⁶ Jaabo Jua gaachehuhicau camello ijeene eetavotau. Jaanoti iniivigai meeheu jilli asi meehe. Jaabo chahacamicoro duuhicaahi, bu bajio iimicoro nejecuhicaubo icano. ⁷ Jaabo jii**beguehicaahi** jilli nooboro: Taabuunati saaji**bo** tajanaanici sihid*i* imityaab*o* diibobadi uujo*o* jeevatih*i*. Jaamaño diiboguiino idiji**vooboro** itihaipaaje duujeque sinaayujitirahi. ⁸ Uujohonaha, amiihaico miyaano nifaihuri nitih*i*. Jaanoti diibo amiihaico Moocaani Gaijari nitiji, nooboro.

*Jesuco Init*i*uno.
(Mt 3.13-4.11; Lc 3.21-22; 4.1-13)*

⁹ Jaasumivi Jesu fuuhi Nazare cuumiti Galilea jiini*jeri* iicacuumiti. Jaaboco Jua nitii*hi* Jorda onoohifaño. ¹⁰ Jaabo Jesu iteehifañot*i* ihiuuubo atyimeuhi niqueje afaayicafutuunoco. Jaanofeened*i* nimiihubadi jeevaabo Moocaani Gaija ihalliv*i* niitovauhi. ¹¹ Jaanaa guubuvusuuno niquejefan*i* unuuno: *H*ijoh*o* agaiji**bo** taseemene, *ii*ri sihid*i* imo imo icahi, unuuno. ¹² Jaasumiro Moocaani Gaija diiboco satyuuh*i* sicaihigovi miyaminaa achahauhigovi. ¹³ Jaabo Jesu tahigo icauh*i* sanihiba, siino fahuseeci icano fucuva asimifeeneri. Jaaboco Satanas nisuuh*i*. Jaanobuunati Moocaani toomoninaa asaaumoro diiboco jeechivehicaahi.

*Jesu Idudicamaajeque Ticonihi.
(Mt 4.12-22; Lc 4.14-15; 5.1-11)*

¹⁴ Jaanobuunati Juaco civojafaño ificuunotiro Jesu Galileavi fuuhi jii**bogooboro** taajas*u* jii**bogoco** Moocaani aivoji iijico. ¹⁵ Jaabo jilli neehicaahi: Tusumi mihicacuuhi, jino Moocaani aivoji fiitivucuuhi. Jaanegui*ih* amiihai imitico mejeevesu. Jaamoro mimiyaavogo jino imino mataajajino jii**bogoco**, nooboro. ¹⁶ Jaabo Galilea muuaijinidi igooboro ufuuhigo atyimeubo Simon, inahabo Andre icamisi fiiciminaatisi iicau-maño muuaifaño isinicuuhuri sinihicaumisico. ¹⁷ Jaamisico Jesu nuuh*i*: Tadyojicuti masaa, amiiisico miyaminaa fiiciminaatisi eetavequi, nooboro.

¹⁸ Jaanegui tusumiro isinicuuhunoco ejeevesumisiro diibo dojicuti fuumisi.

¹⁹ Jaadi toonoti janaanicivi afatyuubo Jacoobo, bu inahabo Jua icamisi Sevedeo achimisico tolliro imeenegafaño isinicuuhuco

amaahuniumisico atyimeteuhi. ²⁰ Jaamisico bu tolliro coovaubo. Jaanegui caanico idudicamaajeminaama imeenegafaño ejeevesuumisiro Jesuma fuuhi.

Saafi Iimitino Ijima Iicaubo.

(Lc 4.31-37)

²¹ Jaadi Capernau cuumivi iifutuudi, judiom i jaguisisumi Jesu sinagogajafaño ufuuboro jibeguehicauhi. ²² Jaaneri miyaminaa sihidi eetye-hicauhi diibo jibegueri diitoco aivojibbo iicanicibadi ijibeguehicauner, caatiniminaa ijibogonicibadi iicatineri.

²³ Jaanaaca tooja sinagogajafaño iimitino ijima iicaubo icauhi. Jaabo gaihivuuhi: ²⁴ Ijoho Moocaani seemene idiimiibo, uuoho ico gaajahi. Jaabo jinejeque diimeguehi ijoho mihaima Jesu Nazareoobo idiicaabo? Naa mihaico finisuqui asaabo? nooboro.

²⁵ Jaanegui Jesu diibo iimitino ijico ihibauboro nuuhi: Liiivi diica. Jaaboro diiboti diino, nooboro.

²⁶ Jaanegui ihiji diiboco baavi agañiboro ifiico vivi vivi iminiyyuboro sefano agaihivuuboro diiboti iinuuhi. ²⁷ Jaaneri famooro miyaminaa sihidi eetyeuhi. Jaamoro dillucasihicauhi: Jineje jino bohono jibog? Jaani iiji aivo sefahi aivo ijimi iicarumoco atajibancoco: Jii, noomo, noomoro noocasihicauhi.

²⁸ Jaanoco Jesuti ijibocasiuno paryi Galilea jiinijeri goovano gaajacafutuuhi.

Jesu Buheesuhi Simon Pedro Baaboco.

(Mt 8.14-15; Lc 4.38-39)

²⁹ Jaadi sinagogajati iinuudi Jesu fuuhi Jacoobo, Jua icamisima Simon, bu inahabo Andre icamisi ijafaño. ³⁰ Jaanaa Simon baabo sinafeteri sihidi guihuvaahi. Jaanoco Jesuco jibuguumo diigo iguihuvaunoco.

³¹ Jaanegui Jesu diigojaa ufuuboro ihuseti diigoco agaayiciuboro gañiyiciuhi. Jaasumiro diigoco iguihuva bucuhuhi. Jaadi diitoco jeecivehicaugo.

Jesu Ajashutimo Iguihuvalmoco Buheesuuhi.

(Mt 8.16-17; Lc 4.40-41)

³² Jaadi iijcuuvi nihiba jabaavucuunaaca sivahicaumo diibojaa paryi iguihuvalmoco, bu emeimivatomejeque icano. ³³ Jaanaa paryi miyaminaa asaauner, guhugav i gahafuuhi. ³⁴ Jaamoco Jesu buheesuhicauhi siomoneri, bu siomoneri icano iguihuvalmehejeque. Jaabadiro bu emeimivatomoco imeimico buhi gañihibicaubo. Jaamo imeimi iimaajirumo iimaahicautihi diiboco agaajahicaumaño.

Jesu Galileavi Jibeguehi.

(Lc 4.42-44)

³⁵ Cuujetaviro Jesu agañiivuuboro fuuhi tuucuumiti sicaihigovi Moocaanima ihiimaaqui. ³⁶ Jaaboco Simon, inahaboniminaa icano guinutuuhi. ³⁷ Jaamo diiboco aatyimeudi nuuhi: Famooro miyaminaa ico guinieri icahi, noomoro.

³⁸ Jaanegui Jesu iimusuuhi: Masiigo siicuumijaago ifiiticuumijaago tahi tolliro jibeguequi taajasubogoco. Toonegui uuoho saauhi, nooboro.

³⁹ Jaadi Jesu paryi Galilea jiinijeri sinagogajafaño jibogooboro feehicauhi ijimico gavaracuuboro.

*Jesu Foojohoma Iicaaboco Buheesuhi.**(Mt 8.1-4; Lc 5.12-16)*

⁴⁰ Jaanaa foojohoma iicaubo Jesu jaa saauhi. Jaaboro iguiino ememuii vuuboro nuuhi: Idiimogohachi uco buheesu, nooboro.

⁴¹ Jaanegui Jesu diiboco iidaasuguuboro ihuseri dudiiciuhi: Imeguehi, buheetecu, nooboro.

⁴² Jaasumiro diiboco ifoojoho ubuuneri buheetecuubo. ⁴³ Jaadi Jesu diiboco afaguuboro galluuhi jilli nooboro: ⁴⁴ Miinhainoobaco diibeguedino. Jilli ofooboro sacerdoteque dihifusuto. Bu jaaboro ico iimibachuno jec civoco asimico ficuuto Moise atajibaubadi toono jibogobadi iicanoco. Jaanoco miyaminaa aatyimemere igaajaqui iijoho ubuheecunoco, nooboro.

⁴⁵ Jaarunaa ufuuboro sihidi miyaminaaco jibogooboro feehicauhi diiboco Jesu ubuheesuunoco. Jaamaño Jesu foovono cuuminofañodi igucutibbo, jilli buhigueejere miyaminaa achahahiguejere iicaaboro feehicauhi. Jaarunaa fahigovati saahicaumo diiboco emeecivamo.

2

*Jesu Buheesuhi Idiino Isifañiboco.**(Mt 9.1-8; Lc 5.17-26)*

¹ Toonobuunati siino Jesu Capernau cuumivi fuuhi goovajisutinoti. Jaanoco guubuumo ijafano iicaunoco. ² Jaanegui miyaminaa diibogaago ufuumo gahafuuhi guhugamaryo gatyucci. Jaamoco iimaaco jibeguehicaubo. ³ Jaanaa igueenemejedimo diibojaas sivauhi ihibimoro idiino isifañiboco. ⁴ Jaarumo miyaminaa agahaficinjuneri Jesuvi iifutuutimo. Jaanegui caamoti tooja niibahucuco afayiciumoro Jesujaago diiboco nitusumo icigaijema. ⁵ Jaanoco diito Jesuco imiyaavuguunoco agaajaciiboro Jesu nuuhi iguihuvaaboco: Guihi, dihimiti ico imibachucafutucuhi, nooboro.

⁶ Jaarunaa saatoho caatiniminaa onoomo igicinimañoti ijeebiifañodi esamaaiuhi: ⁷ ¿Collahi jaani jilli imitican iimaahi? ¿Mijoho nacu imitico buusujirahi? Idiiboro naha Moocaani, noomoro.

⁸⁻⁹ Jaanoco Jesu agaajaciuboro nuuhi: ¿Collahi tolli amiihai jeebiifañodi mehesamaaihi? Tihicani jana iguihuvaaboco: Dihimiti imibachucafutucuhi, onoono; gañiivoobo dicigaijema fuucu, onoono. ¹⁰ Jaamo magaajahi jijehalli uujoho Miyaminaafibadi Ifiivuubo imiti imibachu mityama iicanoco, nooboro, ¹¹ idiino isifañiboco nuubo: Ico neehi: Gañiivo, jaaboro dicigaijequie diicibbo fuucu diijajaago, nooboro.

¹² Jaasumiro diibo agañiivuboro icigaijequie iiciuboro fuucuhi iifinicimofeenedi. Jaaneri paryi miyaminaa sihidi eetyeuhi. Jaamoro Moocaanico imehicaumo: Mahatyimeta hi aivo jilli iicanoco, noomoro.

*Jesu Coovahi Levico.**(Mt 9.9-13; Lc 5.27-32)*

¹³ Jaanobuunati siino Jesu fuuhi muuajinivi. Jaabojaa sihidi miyaminaa saahicaahi. Jaamoco jibeguehicaubo. ¹⁴ Jaamañoti janaanic afatyuhigo atyimeubo Levico Alfeo achi impuestoco ajaadusuhicajafaño giciniuboco. Jaaboco: Uuma difoo, nuubo.

Jaanegui Levi agañiivooboro diiboma fuuhi.

¹⁵ Jaanobuunati Jesu Levi ijafano ijibogominaama amachuubo giciniunaaca sihidi impuesto jaadusuminaa, bu iimitifimo icano

gaseuhi. Jaamo sano diiboma machuhicauhi. Diibo dojicuti sihidí ufuumo icano. ¹⁶ Jaanaa fariseo caatiniminaa iicamo Jesuma diito amachunoco aatyimeumoro jjibogominaaco nuuhi: ¿Milli jaabo amiihai jjibogominaafi, impuesto jaadusuminaama, bu saatoho iimitiminaama icano acasiivooboro machuhi, aduhí icano? noomoro.

¹⁷ Jaanoco Jesu uguubuuboro diitoco nuuhi: Ubuheefimo taabuminaafico imogotatihi. Jaanoti iguihuvamo taabuminaafico imueguefihí. Jaabadiro uujo: Imino icahi, onoomoco cuuhuvaqui saahinitihi. Iimifitiemeguiha saahi iimiti ifico ijeevesuqui, nooboro.

*Jesuco Dilluumo Machutimo Aigafnohallivi.
(Mt 9.14-17; Lc 5.33-39)*

¹⁸ Jaanaaca Jua jjibogominaa, bu fariseomi jjibogominaa icamo machutimo aigahicauhi. Jaanaa saatoho asaaumoro Jesuco dilluvauhi: ¿Naa, collahi jana fariseomi, Jua icamo jjibogominaa aaiganaa dita aigatihí? noomoro.

¹⁹ Jaanegui Jesu ooviciuboro iimusuhi: ¿Nacu gaigooco ataabavaaboro ijibaimojaago ucuuhuvamo idasuri aigajirahi diitoma diibo iicanohachuta? Miiro diitoma diibo iicanohachuta aigajitirumo. ²⁰ Jaanoti naha icajinehiica jari uco tajibogominaati udumitiicino. Jaadi jari idasuno iicaneri aigajimo.

²¹ ¿Miijojo eedeechehuco bobaryuri maahunitatihí? Jaanoti imaahuniruva bobaryu tochehuco gallicujirahi. Jaaneri tohoji janaaniciro guiraatejirahi. ²² Jaabadiro bu, ¿mijoho bohaivofaihuco eedeejutafaño ficutatihi? Jaanoti ificuruva tofaihu tujutaco ejerucarunoro fatyejirahi. Jaanegui bofaihuco bujutafaño mificutahi, nooboro.*

*Ijjibogominaa Trigo Noovataco Ichi Jaguisifucusumi.
(Mt 12.1-8; Lc 6.1-5)*

²³ Jaanaa judiomí jaguisisumi Jesu basutafañodi igooboro feehicauhi. Jaanaa ijibogominaa toono basuta noovataco icimoro feehicauhi.

²⁴ Jaanegui fariseomi diiboco nuuhi: Meeci ¿collahi dijjibogominaa olli moonihi jaguisifucusumi momoonitatínoco? noomoro.

²⁵⁻²⁶ Jaanegui Jesu diitoco nuuhi: ¿Jaana nacu magaatatihí amiihai, johono David, bu diiboma iicaumo icano ucuujivaachuusumi diitoco ajeba aivusuneguiha omooniunoco? Miiro Moocaani iija tabernaculojafaño David ufuuboro Moocaani jeecivo maahunoco machuuhi mijoho amachutatirunoco, Aviata onoobo sacerdotemi aivojiboo iicauijiboo icaunaaca. Jaaboro bu diiboma iicaumoco aciubo saatohoro sacerdotemí amachufirunoco, nooboro.

²⁷ Jaadi bu siino Jesu nuuhi: Miiro jaguisifucu miyaminaadi eetavocafutuhi. Jaanoti miyaminaa jaguisifucudi eetavocafutuutihí. ²⁸ Jaamaño uujo Miyaminaafibadi Ifiivuubo jaguisifucu aivojiboo, nooboro.

3

*Saafi Ihuse Ifiigatyuubo.
(Mt 12.9-14; Lc 6.6-11)*

* ^{2:22} Jillí Jesu nuuhi eedeejjibogoco mejeevesumoro bohono jjibogocoro meheetavequi.

¹ Jaadi siino Jesu sinagogajafaño fuuhi jahi icaubo saafi ihuse ifigatyubo. ² Jaaboco iifinimoro feehicaumo: ¿Naa jeedi jaguisisumi buheesujiibo? noomoro iifurumo diibohallivi ijiibeguequi. ³ Jaanoma iicaubo Jesu ihuse ifigatyuboco nuuhi: ¡Gañiivo! ¡Jaaboro feenevi dulleeve! nooboro.

⁴ Jaadi diitoco Jesu dilluubi: ¿Jinejeque jaguisisumi moonisunicimo iiminoco, nacu iimitinoco? ¿Magainaunoco, nacu mubuheesunoco? nooboro. Jaarunaa diito iimusutih. ⁵ Jaanegui diito jeebiino cuhuferi iidaasuvuuboro, sifirano ihuufococo emeeciuboro ihuse ifigatyuboco nuubo: ¡Dihuseque fallirihicaru! nooboro. Jaanegui diibo fallirihicaruhi. Jaasumiro diibo use dojicuviro imituuhi. ⁶ Jaasumiro toonot ifariseomi ufuumoro Herodianomima fitacucasiuhi Jesuco igaicaauqui.

Muuaijinivi Miyaminaa Iicauno.

⁷⁻⁸ Jaanaa Jesu ijibogominaama muuaijinivi fuuhi. Jaamoco sihidi miyaminaa bucasiuhi Galileaoto, Judeaoto, Jerusaleoto, Idumeaoto, bu Jorda oonegueehioto, bu Tiro, Sidon icano jininooto icamo diibo sihidi ejeevanoonoco omoonihicaunoco uguubumoro. ⁹ Jaanegui ijibogominaaco nuubo: Uco miyaminaa ijene eñeñejeruujiruneguiha momeenegaco mihimibaicini, nooboro. ¹⁰ Jaabo Jesu miyaminaaco ubuheesuhicaunegui sihidi iguihuvanoma iicadimo diiboco idudiiciqui ijene ñeñejeruhicaahi. ¹¹ Jaabadiro bu ijimi diiboco aattyimemere diibo imega baavi aquetehicaahi. Jaamoro gaihivehicaumo: Iijoho Moocaani Achi, noomoro.

¹² Jaarumoco faguehicaubo: Uco satohoco magaajasudino, nooboro.

Jesu Ichim Minisuminaati Fahuseec Motihaiti Miumisiici Idiino.

(Mt 10.1-4; Lc 6.12-16)

¹³ Jaanobuunati Jesu ifabaivi fuuhi. Jahigo iimuguudimoco coovaubo. Jaanegui diibojaa saaumo. ¹⁴ Jaamoco fahuseec motihaiti miimisiici idiimoco iciubo diiboma iicaqui, bu diitoco igalluuqui ijibogoco ijibeguequi icano. ¹⁵ Jaamoco ijico aciubo ijimico igañihibicaqui.* ¹⁶ Jaamo jinoodimou fahuseec motihaiti miimisiici idiimo iicaumo; Simon icaruuboco Pedroti omomonubo. ¹⁷ Jacoobo Zebedeo achi, bu Jua Jacoobo nahabo icano. Jaamisico momoniubo Boaneegemisiti, sisiseememisi eneejirunoco. ¹⁸ Andre, Felipe, Bartolome, Mateo, Tomas, bu Alfeo achi Jacoobo, Tadeo, Simon cananista, bu ¹⁹ Juda Iscariote diiboco aaciujibo igaicaauqui icamoma saaubo jaahe.

Blasfemia.

(Mt 12.22-32; Lc 11.14-23; 12.10)

²⁰ Jaanaa siino sihidi miyaminaa diibojaa igaivehicaahi. Jaaneri Jesu ijibogominaama ajashuno jinejebaco machuhicacutih. ²¹ Jaanoco Jesu yoto uguubumoro saauhi diiboco iicivamo, jilli jeegavoobo eneehi-cauneguiha.

²² Jaabadiro bu caatiniminaa Jerusaleti asaaumo neehicauhi: Beelzebuma icaabo ijimi aivojiboma. Jaamaño diibo mitya ijiri ijimico buhi gavaracuhicaabo, noomoro.

²³ Jaanegui Jesu diitoco ocoovauboro siinovi ooviciiboro neehicauhi: ¿Milli jaabo Satanás bu ificoro buhi gañijirahi? ²⁴ Miir saafi

* **3:15** Sahaamefaño janaanicí jilli ficuumo: bu iguihuvamoco ibusuuhicaqui, onoonoco.

aivojifaño minooci udugaavonoro sanomiro imoonicasiruva sanomiro finisucasijirahi. Jaamaño tohaivoji gueenene icajitirahi.²⁵ Jaabadiro bu sajaotoro sanomiro imoonicasiruva gueenene icajitirumo.²⁶ Jaabadiro Satanas iinoro ifiimaryo imoonicasiruva, ¿milli bu gueenene icajiruubo? Iinoro ifico finisujiruubo.

²⁷ Jaabadiro ¿miijohno esefaabo ijafáaño ofoomoro inehejeque icijitirahi abajaaboco sisitimoro? Jarihiicanaa abajaaboco isisidi icijirumo.

²⁸ Miyanotiro jino amiihaico neehi: Miyaminaaco paryicino imitino ihimaaruno buusucafeteji. ²⁹ Jaanoti Moocaani Gaijati imitino ihimaaboco toono aivo buusuracujitihi ufucuro. Jilli tohimitinoma iicacujiibo, nooboro.

³⁰ Jilli diitoco nuubo, diiboco ijima icaabo, eneehicaunoma iicaubo.

Jesu Nahabomi, Seeji Icamo.

(Mt 12.46-50; Lc 8.19-21)

³¹ Jaanobuunati Jesu jaa seeji, inahabomi icamo asaaumoro jahisitiro diiboco cuuhuvasuuhi. ³² Jaanegui Jesuhallidi emecucinumoo diiboco nuuhi: Diiseejji, dinahabomi icamo ico jahisiti cuuhuvahi, noomoro.

³³ Jaanegui Jesu nuuhi: ¿Miijohno gaharubi? ¿Miijohno tañahabomi? nooboro ³⁴ ihallidi emecucinumoco emeeciuboro diitoco nuuhi: Jino tacojiri iicamo gaharubimi, tañahabomi icano. ³⁵ Jarihiicanaha jino Moocaani ijico omoonimo tañahabomi, gaharubimi, tañagomi icano iicajimo, nooboro.

4

Basuminaafivi Ohoovicino.

(Mt 13.1-23; Lc 8.4-15)

¹ Jaadi siino Jesu miyaminaaco jibeguehicauchi muuajinivi. Jaaboojaago sihidi miyaminaa igaivuuhi. Jaanoma iicaubo meenegafaño ijicafutuboro diitoti tehesijisuno ufuuboro casivutuuhi. Jaanoti diito ijinivi jiinigaibaahohalliviro icaushi. ² Jaaboro diitoco sihidi siinovi ooviciboro jibeguehicauchi ³ jilli nooboro: Jinoco muguubu: Basuminaafi fuuhi abasutuubo. ⁴ Jaabo abasuuno samañoono jihaijaño acutuuhi. Jaanoco joomi asaaumoro machujeuhi. ⁵ Jaanoti samañoono acutuuhi guisihallivi miyaadi jiini achahaumañovi. Jaanoro goovano iinucuuno ijiniye miyaadi efeemeutimaño. ⁶ Jaaruno nihiba aachiciunerri aryivucuuno, chuumucuuno icano abacocoovautimaño. ⁷ Jaanoti samañogahajie aifuuhi jariimihoonofeenevi. Jaano toono ihallivi ujusivuno toono ihiinuurunoco macanisuuh. Jaamaño noovautino. ⁸ Jaanoti samañoono acutuuhi imino jiinivevi. Jaano ihiinunoro jusicuuno. Jaanoro imino noovacuuno saheeje treintadigaiva noovacuubi, bu saheeje sesentadigaiva noovacuubi, bu saheeje ciendigaiva noovacuubi icano.

⁹ Jaaboro neehicaubo dinohojima idiicaabo jinoco guubu, nooboro.

¹⁰ Jaanobuunati iinoro iicacuudi ijibogominaama iicaumo diiboco dilluubi: ¿Milli toono eneejiruno? noomoro.

¹¹ Jaanegui nuubo: Amiihaico naa uuoho imino gaajasuhicahi Moocaani aivoji agaajaratinoco. Jaanoti buhi iicamoco jilli siinovi ooviciboro neehicahi. ¹² Jaamo emeeciurumo atyimetimo iicaqui, bu guubucurumo guubutimo iicaqui. Miijo uguubumoro iimitico jeevesujirumo. Jaamoco bu iimiti buusucafetejirahi, nooboro.

¹³ Jaadi bu ijibogominaaco nuubo: ¿Nacu amihai magaajathi jino jilli ohoovicinoco? ¿Jaana milli magaajaji paryi toonoco? ¹⁴ Miiro basuminaafi, oono Moocaani ijico ijibogoobo abasuubo. ¹⁵ Miiro jino jihalfaño aacotonu onoono; miiro saatoho jeebiifa abasucu-runoco ijibugucuurunoco Satanas asaaboro ijeebijfañotí dumitiicicuuhi. ¹⁶ Jaabadiro bu oono guisihalliví abasuuno onoono; miiro saatoho ugu-ubusumiro imo imo gaayicifimo. ¹⁷ Jaaruno imino abacocoovatimaño gueenene icatatino nisuhifiliví agasesumi uhuuchuvomoro toonoco jeevesufimo. ¹⁸ Jaanotí sano jarimihoonofeeneeví aacutuuno tobogoco gaayicicurumo ¹⁹ jiije busumije jaagoviro ijebiino niji niji iicamaño, bu iimitinocoro iimogomaño icano sanooro toono diito jeebjafaño agahafonoguinodi toono miyají iicarujíco fiivusutimo. Jaamaño noova-sutimo. ²⁰ Jaanotí jino imino jiinjевi abasuuno onoono; oono miyanotiro agaayicimoro imino omoonimofaño fiivono jaanoro noovacuuno saato-hofaño treintadino, saatohofaño sesentadino, bu saatohofaño ciendino icano.

*Cijigaimecuví Ohoovicino; Toovono Icaruno Buhugaaveji.
(Lc 8.16-18)*

²¹ Jaadi bu nuubo: Cijigaimecuco minifutusumoro baavi guirihillugui-no, bu cigaijeguiino icano mificutatihi. ¿Ivinaaca minifutusumoro caamovi mificutahi foovono ihifuvusuqui, eti? ²² Jaabadi miiro chahano afatanicinino atyimeratino iicajino. Bu tolliro chahano agaajaratinō gaa-jacafototino iicajino. ²³ Jaanegui jinooco amihai nohojima mihicaamo muuguubi, nooboro.

²⁴ Jaadi bu diitoco neehicaubo: Imino magaaja jino muuguubunoco. Miiro oono amihai mohoovicihicaneriro ufucu amihai Moocaani ooviciji. Jaaboro oono ugubumoco janaanicí acijiibo. ²⁵ Tolliro bu iicanoma iicaaboco siino janaaniciví acijiibo. Jaanotí chahanoma iicaaboco miidino iicarunoco dumitiicijiibo, nooboro.

Basutagai Ujusinovi Ohoovicino.

²⁶ Jaadi bu tolliro neehicaubo: Jiibadi Moocaani aivoji jeevahi; miyaminaafi jiinijefaño siino toogaico abasuuboro cigatoobo, ²⁷ bu seseovedi agañivooboro icaabo cuujehachuta, fucuhachuta icano sifucu, sifucu icano fatyehi. Jaanaa toogai milli acho ihiinogairo jusihi diibo gaa-jacitinaaca. ²⁸ Jiinije toohoco fiivusuhi iticoni ifahooco. Jaadi ideecanoco. Bu jaadi ifagaiño ifallahifaño gahafonicihu. ²⁹ Jaano ifagaiño ujusicuudi icinicicuumo niisugari ihicifucu agasecusumi.

*Mostaza Tooivi Ohoovicino.
(Mt 13.31-32, 34; Lc 13.18-19)*

³⁰ Jaadi bu neehicaubo: ¿Jinejebadi Moocaani aivoji jeevahi? ¿Jinejevi fine mohooviciji? ³¹ Fine mostaza noovata tooico jiinijefaño maba-suniciybadi jeevano. Miiro tooyi aivo jiinijehalliri iicano noovata ajashuyigaiyi. ³² Jaaruho abasucafutucuudi jusifihi guiraaho tyigaba. Jaahoro coohafeene lliicuvafifi. Jaaho aafeneguiino joomi iicuvajirahi. ³³ Jilli nooboro Jesu jibeguehicauhi miyabogoco siinovi ooviciboro diito agaajajidinoro. ³⁴ Ticovono nootiboo, jilli siinovi ooviciboro neehicaubo. Jaanotí naha ijibogominaaco ijeevadí paryi imino jibeguehicauhi.

³⁵ Jaanaa mihijicuudi ijibogominaaco nuubo: Masii onago muuaivi mafatyequi, nooboro.[☆]

³⁶ Jaadi imiyaminaaco agalluudi Jesumaryo fuumo meenegari. Jaamoma bu sagaaje diito dojicuti fuuhi. ³⁷ Jaanaa sefano guibuhuba diitoco feene muuaivi iciuhi. Jaano sihidi tyuucai iicaunerdi diito meenegafaño nifaihu gahafehicauhi. ³⁸ Jaanaa Jesu dojicuogaviiiniga jeebutahaallivi cigahicauhi. Jaaboco aaicusuumoro nuuhi: Mojibogominaafi, ¿naa diimeguehi miguijeveneque? noomoro.

³⁹ Jaanegui Jesu aaicuboro guibuhubaco ibauhi. Jaadi bu muuaico nuubo: ¡Liivicu toonoviro siicuto! nuubo. Jaanegui iguibusi lliivicuuhi. Jaanoro paryi imino siicutucuuno. ⁴⁰ Jaadi ijibogominaaco nuubo: ¿Collahi sihidi mihiguetehi? ¿Nacu Moocaanico mimiyaavogotihu? nooboro.

⁴¹ Jaaneri sihidi diito igutuumoro noocasihicauhi: ¿Miijoho fine jaani jino guibuhubamaryo, muuaimaryo icano diiboco: Jii, onoono? noomoro.

5

Gadarenomioobo. (Mt 8.28-34; Lc 8.26-39)

¹ Jaadi fuumo onagoo muuaivi Gadarenomi jiinijejaago. ² Jaabo Jesu imeenegafañoti iinuubaacaro ciihojinoja iicahicauhigot emeimivatuubo diibojaa saauhi. ³ Jaabo ciihojino iicahigo iicaaboro feehicauhi. Jaaboco miihaiñooba jigañehineri duujenicutihi. ⁴ Fiiva foova ihuseneque, itihaiñoco icano jigañehineri sisicuurumo. Jaarunoco ihusenehonoco dubaicubo, bu itihaiñonoco ididaheje mooniubo icano. Jaaboco miihaiñooba guinonicutihi. ⁵ Jaabo cuujehachuta, fucuhachuta icano ifagajineri ciihojinohallidi coovadiiciniboro feehicauhi. Jaabo inoro ihallico guisibaneri tujaacuuboro feehicauhi. ⁶ Jaabo Jesuco tehesinotiro aattyimeuboro diiboaago ijinafatyuuboro iguiino memuiyutuuhi. ⁷ Jaaboro sefano nuuhi: ¿Jinejeque diimeguehi iijoho Jesu caamovohigo iicaabo Moocaani Achi? Moocaanifañodi ico neehi: Idaasuno uco moonidino, nooboro.

⁸ Jilli nuubo imegaviro Jesu diiboco: Diinucu idiimitino iji, eneehi-cauneguiha.

⁹ Jaanegui Jesu diiboco dilluhi: ¿Jineje dimomo? nuubo.

Jaanegui iimusuubo: Cuumi tamomo miguiraañeguiha, nooboro.

¹⁰ Jaaboro Jesuco jenaauhicaudi: Miihaico jiiicumiti buhi galludino, nooboro. ¹¹ Jaanaa ifagaji fiitino sihidi faafaimi amachumo icaudi. ¹² Jaanegui paryi famooro ihijimi Jesuco nuuhi: Miihaico jaatyo faafaimija gallu diitofaño mefeeque, noomoro.

¹³ Jaanegui Jesu nuuhi: Jii, tah mofoo, nooboro. Jaanegui tohidicu ijimi diibo Gadarenominaafiti ihiinoomoro ifaafaimifaño fuuhi dos mildimofaño. Jaamo ifagajiti imuuaifaño aaifuumoro macanuhi.

¹⁴ Jaanot diitoco eteemehicamo agaaumoro ifaacumifaño, bu buhigueeje iicajaajefaño icano jibogomoro fuuhi. Jaanegui asaaumoro meecivaumo jineje fine onoomaño. ¹⁵ Jaamo Jesujaas asaaumoto atyimeuhi meimi cuumima iicaubo giciniiboco gaachehufaño jiciniiboco, bu imino iicacuuboco icano. Jaaboco aattyimeumoro sihidi iguiumo. ¹⁶ Jaamoco toonoco aattyimeumo jibuguuhi ihijimima iicauboco omooniunoco, bu

[☆] **4:35** Mt 8.23-27; Lc 8.22-25

ifaaafaimico omooniunoco icano. ¹⁷ Jaanegui Jesuco ijiiinjeti galluumo: Fuucu, noomoro.

¹⁸ Jaanoma iicaubo Jesu meenegafaño ifeequi jicafutuuboco ihijimima iicaubo neehicauhi: tima saahi, nooboro.

¹⁹ Jaarunaa Jesu diiboco nuuhi: Chahano diijajaagoro fuucu. Jaaboro diyotoco diibogo guiraano Aivojibo Moocaani ico iidaasugooboro ubuheesunoco, nooboro.

²⁰ Jaanegui ufuuboro paryi Decapoli cuumineri jibogoooboro feehicauhi Jesu diiboco ubuheesuunoco. Jaaneri paryi miyaminaa jabafitehicauhi.

²¹ Jaadi siino Jesu meenegari onagoo muuaivi fatyuuh. Jahigo sihidi miyaminaa iicojivi igaivuuhi muuajiniri icaubo cojivi.* ²² Jaanaa sinagogaja aivojibo Jairo onoobo, diibooja saauhi. Jaabo Jesuco aatyimeuboro iguiino ememuiutuuboro nuuhi: ²³ Aicigai aivo niinovacuuhi goova foobo diigoco dudiicto ubuheeteguere iicaqui, nooboro.

²⁴ Jaanegui diiboma ufuuboco miyaminaa sihidi ubucasumo ijene ñeñjeruhicauhi. ²⁵ Jaamofeedi saafigo gaigo tijeheri fahuseeci motihaiti mificabaci idino iicaucuugo. ²⁶ Jaago fiivaamo taabuminaa ataaburunofaño buheetigofañoviro feehicaugo. Paryi inihibamico ajaaduhicauhigo finisucuugo. ²⁷ Jaago Jesuti ijibocasinoco uguubuugoro miyaminaafeenedi asaaugoro ibujinaagot igaachehuco dudiicivauhi. ²⁸ Jilli igaachehuco ududiicineriro buheej, noogoro esamaaihicaumaño. ²⁹ Jaasumiro itijohoh diigoco fiigatyuuhi. Jaanoti gaajaciugo ubuheetecuunoco. ³⁰ Jaasumiro Jesu gaajaciuh ififañoti imitya mihiinobadi iicaunoco.

Jaanegui imiyaminaajaagovi iimeveuboro diitoco nuuhi: ¿Mijoho tagaachehuco dudiicihi? nooboro.

³¹ Jaarunaa ijibogominaa diiboco nuuhi: Miyaminaa oono ico ijimatagerunoco daatyimehi. Jaanegui ¿milli: ¿Mijoho uco dudiicihi? neehi? noomoro.

³² Jaarunaa Jesu fahigovaco iifinicihicauhi ihatyimequi: ¿Mijoho fine dudiicihi? onoomaño. ³³ Jaanegui diigo sihidi vivi vivi iigutuugoro ubuheeteunoco agaajaciugoro diibooja saauhi. Jaagoro iguiino ememuivuugoro paryi imino jibuguugo.

³⁴ Jaanegui diigoco nuubo: Ñiba ico dimiyaavogo buheesuhi. Jaaneguiha sajeebi fuucu, diguihuvati buheetecuuh, nooboro.

³⁵ Jilli iimaubaacaro sinagogaja aivojibo ijati saatoho jill noomoro saauhi: Daicigai guijevecuuhi. Fine Mojibogominafico acasivusuno, noomoro.

³⁶ Jaanoco Jesu uguubuuboro isinagogaja aivojiboco nuuhi: Diguetejirahana, jill miyaavogo, nooboro fuubo.

³⁷ Jaaboro mihaiñooba diiboma ufuunoco imuguutiibo idiomaryo Pedro, Jacoobo, Jua Jacoobo nahabo icamomaryo fuubo. ³⁸ Jaamo isinagogaja aivojibo ijavi ifutuuh atyimeuhi gañuhusuno omooniunoco, miyaminaa ataacasiunoco, agaibacasiunoco icano. ³⁹ Jaanegui Jesu ijicafutuuboro diitoco nuuhi: ¿Jinejeri guiraacani gañuhusuno misiramaaihi? ¿Collahi mataacasihi? Guijivetigo. Jill cigago bagocaja, nooboro.

⁴⁰ Jaarunaa diiboco dejecuhicaumo. Jaaneguiha Jesu paryicino famoocoro jahisivi ihiinusuuuboro caani, seeji iicamisicoro satyuubo, bu

diiboma asaamoo iicamomaryo fuubo tobagocaja ii cauhigo.⁴¹ Jaaboro diigoco ihuseti agaayiciuboro hebreo iijiri nuuhi: Talita, cumi. nooboro. Jilli, bagocaja, ico neehi: Gañiivo, eneejiruno.

⁴² Jaasumiro tobagocaja agañiivuugoro igucuuhi. Jaago tusumi fahuseeci motihaiti mifocabaci idino ficabava icacuuhi. Jaaneri miyaminaa sihidi igutuuhi. ⁴³ Jaamoco Jesu imino faguuhi: Miico mijibeguedino, nooboro. Jaaboro tajibaubo: Tobagocajaco mamachusu, nooboro.

6

Jesu Nazarevi Icahi.

(Mt 13.53-58; Lc 4.16-30)

¹ Jaadi Jesu toonoti ufuuboro ijiiniyejaagovи siino uumiubo. Jaaboma ijibogominaa fuuhi. ² Jaadi judiomи jaguisifucu iicacuudi ticovaubo ijibogoobo sinagogajafaño. Jaanoco sihidi miyaminaa uguubumo sihidi ajabafituumoro neehicauhi: ¿Cuucati fine gaajaabo paryи jinehejeque? ¿Milli fine diibo igaajaco gaayiciuhi? Mee jino agaajaratinehejeque moonibо, noomoro. ³ Miiro du jaani imohobujene dudicamaajeminaafi Maria achi, Jacoobo, Jose, Juda, Simon icamo nahabo, tolliro bu jino inagomi miihaifeeneri icahi, noomoro diiboti sifiiratehicaumo.

⁴ Jaaneguiiha Jesu diitoco nuuhi: Moocaani iimaaminaafico fahigovaoto bociguefihu. Jaanotи ijiiniyeoto, iyoto, iijaoto icano bocigotatihu, nooboro.

⁵ Jaanoma iicaubo imityaco eetavuutiibо, miidimocoro iguihuvaumoti buheesuubo ihuseque ihalli ificuuner. ⁶ Jaamo imiyaavuguutineri sihidi eetyehicaubo. Jaanobuunati Jesu ifiti cuumijeri feehicauhi jjibogooboro. ⁷ Jaadi coovaubo ijibogominaaco fahuseeci motihaiti miimisiici idiomoco.^{*} Jaaboro diitoco galluubo miimisiicisaajeri. Jaaboro iimitino ijimico buhi igavaracuqui mityaco aaciuboro ⁸ diitoco nuubo: Jinejebaco masatyedino. Jiihaivi idinocoro queseico masatyo. Jaanotи lleegucubaco, duvircubaco, nihibamibaco icano masatyedino amiihai niivigai meehevi. ⁹ Bu saapaajequere tihapaaajeque mijicafoto, bu michehuci mijicafetedino saachehumaryo mofoo. ¹⁰ Jaamo coo-jaavihacho mihifotojafañoro mihica, sijafaño, bu sijafaño icatino. Jari tomañotи mofoodi toojati mihiino. ¹¹ Jaanotи comañovi acho amiihaico agaayicitihachiji, uguubutihachiji icano toonoti mihiinomoro amiihai tihapaaejeguiino jiinico toonovi matatacu jei diito iimitico ijibeguequi, nooboro.

¹² Jaanegui ufuumoro miyaminaaco jjibogomoro feehicauhi iimitico ijeevesuqui. ¹³ Bu tolliro sihidi buhi gañihicaumo iimitino ijimico, bu iguihuvaumoco dñribari ejeesumoro buheesuhicaumo icano. ¹⁴ Jaanaaca toojiiniyeo aivojibо Herode^{*} guubuuhi Jesuditи fahigovadi ijibocasihunoco. Jaanoco saatoho neehicauhi: Diiboro Jua Nitiminaafi siino ubuheetebe. Jaamaño sihidi mityama icaabo, noomoro.

¹⁵ Jaanotи saatoho neehicauhi: Jaani Moocaani iimaaminaafico Elia, noomoro.

Jaanotи saatoho neehicauhi: Jaani siicije Moocaani iimaaminaa iicaubadi iicaabo, noomoro.

* 6:7 Mt 12.5-15; Lc 9.1-6 * 6:14 (Mt 12.1-12; Lc 9.7-9) Herode Imityaaboo onoobo Jesu ifivuuusumi iicaubo chuumucuuhi. Tusumi diibo seemene Herode Antipa onoobo icaahi.

¹⁶ Jaanoco Herode uguubuuboro nuuhi: Diiboro Jua, uujoho iinigaico iquiticisuuubo dojicuviro siino ubuheetebe, nooboro.

¹⁷ Miiro Herodia noojiri Herode atajibauneguiha Juaco isisisimoro civojaniumo. Herode inahabo Felipe taaba Herodiaco iciubo. ¹⁸ Jaanegui Jua Herodeque: Imitino dinahabo taabama idican, neehicaahi.

¹⁹ Jaanoma iicago Herodia Juaco ijihegueguere gaicaausuhicaaujirahi. ²⁰ Jaarunaa Herode Jua jeebii iticovonoco, iiminoco icano gaajahicaahi. Jaanoti iigotooboro diiboco milli moonihicautihi. Diibo onoonoco gaajatiruubo jilli imino guubunicihicaubo. ²¹ Jaana Herodia diiboco agaicaausuujifucuvijifutuuh. Miiro Herode ifivu ficabavijifutufucu iicauneguiha jibaimoco eetavuhi. Jaaboro imiyaminaaco cuuhuvaubo ihamocasiminaa aivojitoco, bu Galilea jiinje bocifimoco, bu tajibaminaaco icano diitoma imachuqui. ²² Jaanaa Herodia aicigai ufuugoro diito imefeenevi gaaseteuh. Jaanoco Herode, bu diiboma iicaumo icano imuguuhi. Jaaneguiha ihaivojiboo Herode tobagocajaco nuuhi: Idiimogonoco uco dillu ico aciqui. ²³ Miyanotiro Moocaani momofeenedi ico neehi: Paryi uco idillunoco ico aciji, paryi tabusumije icarunotifeenedi, nooboro.

²⁴ Jaanegui ufuugoro seejico nuutugo: ¿Jinejeque dilluji? noogoro.

Jaanegui seeji nuuhi: Jua Nitiminaafi nigaioco dillu, noogoro.

²⁵ Jaanegui tobagocaja ihaivojibooja goovanogayi ufuugoro diiboco nuutuhi: Jisumiro imeguehi butajefaañ Jua Nitiminaafi nigaioco uco adaacinoco, noogoro.

²⁶ Jaaneri Herode sihidi idaasuvuhi. Jaarunaa diigoco Moocaani momofeenedi unuucuneguiha, bu diiboma iicaumo uguubuucuneguiha icano diigoco unuunoco bañisugutiboo. ²⁷ Jaanegui Iherode tusumiro amocasiminaafico atajibauboro galluuhi Jua Nitiminaafi nigaioco isivaqui. ²⁸ Jaanegui ihamocasiminaafi ufuuboro civojafaño icaubo nigaioco iquiticuboro butajefa sivaubo. Jaayico tobagocajaco aciubo, bu jaayico diigo seejico acituuh icano.

²⁹ Jaanoco Jua jibogominaa uguubuumoro saauhi. Jaamoro diibo ifiico iicjeumoro cihojifaño ficuuhi.

Jesu Machusuhi Sahuse Mildimoco, Aivo Ajashutimoco.

(Mt 14.13-21; Lc 9.10-17; Jn 6.1-14)

³⁰ Jaadi Jesujaa iminisuminaa iigaivuumoro diiboco jibeguehicaahi paryi omoonjuno ijibuguno iicanoco. ³¹ Jaarunaa Jesu diitoco nuuhi: Masii majagusitequi sihigo sicaihigovi, nooboro. Miiro diitoja sihidi miyaminaa asaamo, ofoomo icano feehicaahi. Jaaneri amachujiru situba chahahicaahi. ³² Jaanegui Jesu ijibogominaamaryo meenegari sihigo sicaihigovi fuuhi. ³³ Jaarunaa guiraamo ufuunoco atyimeuhi. Jaamoro Jesumi iicaunoco agaajacumoro faacuumivaoto isidi diito dojicuti jinoocinihi. Jaamo ihimegaro tomañovi ifutuuno. ³⁴ Jaanaa Jesu imeenegafañot iinuubo sihidi miyaminaaco atyimeuhi. Jaanoma iicaubo diitoco sihidi idaasuguuhi ovejam itoomominaafima achahamobadi iicauneguiha. Jaaboro fanoovaco sihidi diitoco jibeguehicaahi. ³⁵ Jaanaa ijicuunegui ijibogominaa asaamoro diiboco nuuhi: Mihijicuuh. Jaanomaryo bu jimañovi mihaiñooba ijano chahahi. ³⁶ Jaaneguiha gallucu miyaminaaco ifiticumijaago, bu

ifiti jajejaago icano ofoomoro machutati inaa jequi. Miiro imachutama chahamo, noomoro.

³⁷ Jaanegui Jesu diitoco nuuhi: Amiihairyo diitoco mamachusu, nooboro.

Jaanegui dillumo: ¿Jaamo jino dosciento denarioriro maahunoco manaa jeteji paryi diitoco mamachusu qui? noomoro.

³⁸ Jaanegui Jesu diitoco nuuhi: ¿Minoodino nacu amiihaima maahuno ica hi? Ene, memeecito, nooboro.

Jaanegui emeecijeumoro nuumo: Sahuse icava, bu miimisiici taavaabomisi icano, noomoro.

³⁹ Jaanegui famoocoro tajibaubo saatoho simaño vi, saatoho simaño vi icano icasicamaa iqui ñavahuhallivi. ⁴⁰ Jaanegui casiicamaa iumoo ciendimova saaje, cincuentadimova saaje icano. ⁴¹ Jaadi Jesu gaayi uhi ihusefaño sahusedino imaahuno iicaunoco, bu itaavaabomisico icano. Jaaboro niquejeque emeeciiboro toonohallivi Moocaanima iimaubo. Jaadi tohicajeque iibacuuboro ijibogominaaco aciubo miyaminaama ihifequi. Jaadi bu itaavaabomisico tolliro ifuumo paryi famoomaryo. ⁴² Jaanoco amachuumoro paryi tuvamoo. ⁴³ Jaano atyuuvoco anani umo jiibaiñoco gahafusuuhi fahuseeci motihaiti miibaici idino, bu itaavaabomisi atyuuvoo icanoco. ⁴⁴ Jaanoco amachuumo cinco mildimou gaifimi.

Muuaihallidi Jesu Igono.

(Mt 14.22-33; Jn 6.15-21)

⁴⁵ Jaadi Jesu ijibogominaaco galluuhi ihimega imeenegari ona-goo muuaiv Betsaida cuumijaagovi ifatyequi miyaminaaco diibo ifitacuunohachuta. ⁴⁶ Jaadi diitoco ifitacuuboro ifagajijaago fuubo Moocaanima ihiimaa qui. ⁴⁷ Jaanaa civucuhi ijibogominaa imeenegari ufuumo feene muuairi icacuuh. Jaanoti diibo inoro tahi isi icauh. ⁴⁸ Jaabo atyimeuhi diitoco sefano buhudurumoco guibuhuba sihigoviro ebucasuhicaunoco. Jaanaa diibo jari cuujetavi diitojaago saauhi nifaihuhallidi igooboro. Jaabo diitoco fatyuujirahi. ⁴⁹⁻⁵⁰ Jaabo nifaihuhallidi asaaunoco paryi famooro aatyimeumoro gaibacasiuhi: Fine iji, noomoro igutuuh.

Jaarunaa diitoco nuubo: ¡Mequehecu! ¡Mihiguetejirahana! Uujoho, nooboro diitojaa jicafutuubo imeenegafaño.

⁵¹ Jaasumi ro iguibuhuba siicutuuh. Jaaneri diito sihidiro eetyeuhi.

⁵² Jilli bu gaajacurumo esiciniutuhi maahunoco iguiraatusuunoco, jilli diitoco ijeebiino ucuhufunuutumaño.

Genesarevi Iguihuvamoco Jesu Buheesuhi.

(Mt 14.34-36)

⁵³ Jaamo imuuaico oonegueehivi afatyuddi ifutuumor cañavutuuh Genesare cuumi nagueehivi. ⁵⁴ Jaamo imeenegañaoti iinuumaacaro Jesuco miyaminaa gaajaciuh. ⁵⁵ Jaamoro faacuumivariro jinoocini umo. Jaamoro ticovaumo iguihuvamoco cigaijeneri acañimo Jesu tahi ica hi onoohigo. ⁵⁶ Jaabo fahigovadi ofoo higo imiidicuumijeri, iguiraacuumijeri, bu buhi iicajajeri icano ofoo higo goohasinofaño iguihuvamoco ificu umoro Jesuco neehicauhi: Jilli digaachehujinibaco dudiicisu, noomoro. Jaamo paryi diibo gaachehujinibaco ududiicimo buheetehicauhi.

Miyaminaaco Imihininino.

(Mt 15.1-9)

¹ Jaanaa Jerusaleti asaaumo fariseomi, bu caatiniminaoto icamo Je-sujaa igaiuuhi. ² Jaamo atyimeuhi Jesu jibogominaa mihihiva usejeri nitamaaitimo amachuunoco. ³ Miiro jaamo fariseomi, bu paryi judiom i camo siicijeminaa jeevamaajequere isivamoro iticoni iminehihiica initamaaitisumi machutatimo. ⁴ Jaamo bu naajete asijaagoti asaamo iticoni initamaaitisumihiica machutatimo. Miiro jilli siicijeminaa jeevamaajequere sivamo, oono adutahilluno, bu gurihilluno, bu aaricuhilluneje icano nitinejequere moonimo. ⁵ Jaamaño fariseomi, bu caatiniminaa icamo Jesuco dilluhi: ¿Collihi dijibogominaa amiyato jeevamaajebadi moonitimo mihihiva usejeri machuhi? noomoro.

⁶ Jaanegui Jesu diitoco nuuhi: Miyaanoco jahi amiihai Isai a caatinuhi amiihai bañisuminaa mihicamoco. Jilli caatinubo: Jicuumi uco jilli ticovono ijiriro bociguehicahi. Jaarumo jeebihno uudit tehesino icahi. ⁷ Jilli iigaivomoro uco imehicarahi. Jaarunaa uuri bañisuquimaaimo. Jilli amiihai jibogono, ticovo miyaminaa jibogonoro. Jaarunoco Moocaani tajibaji, meneehicahi, nooboro.

⁸ Miiro amiihai Moocaani tajibajico mejeevesumoro miyaminaa ijicoro magaayichi. Oono gurihilluno, adutahilluno icano nitinehejequere aivo guiraano meheetavehicahi, nuubo Jesu.

⁹ Jaaboro bu nuubo: Jilli toono amiihai jeevamaajequere misivamoro Moocaani tajibaco uufocovi mejeevesuhi. ¹⁰ Miiro Moise nuuhi: Gaiji diicaanico, diiseejico icano. Jaanotí caanico, seejico icano imitino onooboco miyanotiro guijevesu, nooboro. ¹¹ Jaanotí amiihai monoonichi miyaminaaco: Amiihai caanimico monootahi: Ico amusujitihi, paryi uuma iican Corban, noomoro Moocaanico ijibaicuno eneejiruno. ¹² Jilli amiihai monoomaño caanico, seejico icano maha-mususuhi catihi. ¹³ Jaamaño amiihai Moocaani ijico majabatusuhi amiihai jeevamaajequere sifiti, sifiti icano mafatyusumaño. Jaamo jiibadije iicanhejequere guiraano aivo meheetavehicahi, nooboro.

¹⁴ Jaaboro siino Jesu miyaminaaco ocoovauboro nuuhi: Famooro uco muguubunici. Jaamoro magaaja:¹⁵ Chahano aivo isiti miyaminaafaño ofoonoro diitoco imihininijiruno. Jaanotí na ha ijeebifañoti asaano miyaminaaco mihihinihi. ¹⁶ Jinoco amiihai nohojima mihicamo mugubu, nooboro.*

¹⁷ Jaadi imiyaminaaco ejeevesuuboro jaahe fuubo. Jaaboco ijibogominaa toonoti dilluhi. ¹⁸ Jaanegui diitoco nuubo: ¿Nacu bu tolliro amiihai, amiihai esicinibama machahahi? ¿Nacu magaatatihi? Miiro oono paryi isiti miyaminaafaño ofoonoro diitoco mihihinitihi ¹⁹ ihesamaajefaño ofootimaño. Miiro jilli iibafañodi ofoonoro miyaminaafañoti iinonicíhi. Jilli neehicaubo, paryi machuta mihihivatih eneejirunoco. ²⁰ Jaanotí na ha: Miyaminaa jeebifañoti ihiinono miyaminaaco mihihinihi. ²¹ Miiro miyaminaa jeebifañoti saanicino iimitinoono esamaajene, ajevaneheje, nanivaneheje, gaicaauneje, ²² sifi taabama, bu sifigo tajema icaneheje, sitanoco imogoneheje, paryi imitineheje, bañifirano, fanoova imiti

* 7:14 Mt 12.10-20
muguubu, onoonoco.

* 7:16 Sahaamefaño ficuutimo: Jinoco amiihai nohojima mihicamo

imoyiicineheje, sicamaño jii**bocasineheje**, iino allitiro jiiheveneheje, quehe quehe icaneheje, ihesicinibama achahaneheje icano. ²³ Jaano paryi jino imiti ijeebiifanotí asaano miyaminaaco mihininihi, nooboro.

²⁴ Jaadi toonoti Jesu fuuhi Tiro cuumijevi.[†] Jahi saja iijafaño jicafutuubo: Miihaiñooba uco gaajacídino, nooboro. Jaarunaa tahi diibo iicaunoco gaajacíumo. ²⁵ Bu tolliro saafigo gaigo ille emeimivovatuugo Jesuti guubuuhi. Jaanegui diibojaaa ufuugoro diiboguiino memuiivutuugo. ²⁶ Jaago siicuumiogo griegomiogou, sirofenicia icano jiinijeminaagou. Jaago Jesujaa asaaugoro diiboco dilluvauhi illefañotí ihijico iinusuqui. ²⁷ Jaarunaa Jesu diigoco nuuhi: Jaafahiica iseeme iticoni amachumoro tuvahi imijitiruno iseeme machutaaco mudumiití*cimoro* jicumíco mahacíno, nooboro.

²⁸ Jaanegui diigo nuuhi: Jiihi, miyaano tolli Aivojíbo. Jaarunaaca iseeme suuvico guinotí jicumí machufihi, noogoro.

²⁹ Jaanegui Jesu diigoco nuuhi: Jii, miyaanoco neehi. Fuucu, daicigaiti ihiji iinucuuhi, nooboro.

³⁰ Jaanegui ufuugo iijaví iifutuudi atyimeteugo illeque icigaiijefaño icagoco diigotí ihiji ihiinucunobuuna.

*Jesu Buheesuhi Ihiimaati**boco**.*

³¹ Jaadí siino Jesu Tiro cuumijeti uhuumiubo Sidon jiinijefeededí fatyuhí, bu Decapoli cuuminofeededí icano. Jaabo asaaubo gaseuhí Galilea muuaijinivi. ³² Jahi diibojaa sivaumo inohojino uguubutíibo llaallabano ihiimaauboco. Jaamoro Jesuco dilluumo ihuseque diibohalli ificuqui. ³³ Jaanegui Jesu ijeevadí diiboco asatyuuboro inohojinoco ihusegaiñeri guryiinuhi. Jaadi ijírebamaaiuboro inejebaco duduiciuhi. ³⁴ Jaaboro niquejeque emeeciuboro sefano ajagusiuuboro hebreo ijjiri: Efeta, nuuhi: Faayacafoto, eneejiruno.

³⁵ Jaasumi diiboco inohojino faayacafutuhi, bu inejeba imitauno sinafutuhi icano. Jaaneri imino iimaacuubo. ³⁶ Jaaboro Jesu ditoco faguuhí: Miihaiñoobaco mijíbeguedino, nooboro. Jaarunaaca afaguurunofaño janaaniciviro jii**bogomoro** feehicaumo. ³⁷ Jaaneri sihidí ajabafituumoro neehicaumo: Paryí fanoovaco imino mooníbo, uguubutímejeque guubusuubo, ihiimaatímejeque iimaasuubo icano, noomoro.

8

Jesu Siino Sihidi Miyaminaaco Machusuhí.

(Mt 15.32-39)

¹ Jaasumi sihidí miyaminaa siino igaivuuhi. Jaarumo imachutama chahauhi. Jaanegui Jesu ijí**bogominaaco** ocoovauboro nuuhi:

² Idasuguehi jito miyaminaaco mifucuci, safucu idíno jino uuma icacuumo. Jaamaño amachujiruno imachuta chahacuhi. ³ Jaamo machutímoco ijaanojaago galluruva jiihaivi ajebari nacatejirumo. Miíro diitotí saatoho tehesinotí saahiníhi, nooboro.

⁴ Jaanegui ijí**bogominaa** diiboco nuuhi: ¿Millí bu mamachusujirahi jino miihaiñooba iijano achahigo mihicamo? noomoro.

⁵ Jaanegui Jesu diitoco dilluuhi: ¿Nacu minoodino amíihai maahuno icahi? nooboro.

[†] 7:24 Sahaamefaño janaanicí jilli ficuumo: Tiro, Sidon cuumijenevi, onoonoco.

Jaanegui diito nuuhi: Sahuse juugahuseti mihicaci idino, noomoro.

⁶ Jaanegui tajibaubo miyaminaa baavi icasicamaaiqui. Jaaboro imaaunoco ihusefaño agaayiciuboro Moocaanima tohicagehalliivi iimaaubo. Jaadi tohicajeque iquisicuuboro ijibogominaaco aciubo. Jaanoco diito imiyaminaama ifuuhi. ⁷ Jaabadiro bu midino taavati iicaumoco Jesu tolliro Moocaanima ihiimauboro diitoco aciubi imiyaminaama ihifequi. ⁸ Jaanoco famooro amachuumo sihidu tuvauhi. Jaadi ihatyuuvoco naniumo gahafusuhi sahuse juugahuseti miibaici idino. ⁹ Jaanoco amachuumo cuatro mildimo janaanicci iicaumo. Jaadi jari diitoco Jesu galluhi. ¹⁰ Jaadi ijibogominaama meenegafaño ijicafutuumoro fuuhi Damanuta jiinjеви.

Fariseomi Niquejeo Jiibogoco Dilluhi.

(Mt 16.1-4)

¹¹ Jaana fariseomi asaaumoro Jesuma iimaacasihicaudi. Jaamoro jilli ifurumo inisumo diiboco dilluhi: Eneecata niquejeo mityaco mihaico dihifusu, noomoro.

¹² Jaanegui Jesu ijeebiifañodi sefano ajaguisiuboro nuuhi: ¿Collahi jisumio miyaminaa niquejeo mityaco dilluhi? Miyanotiro, amihaico neehi: Jimiyaminaaco niquejeo mitya ifusurajithi, nooboro ¹³ diito ifariseomico ejeevesuuboro siino meenegafa ijicafutuuboro onagoo muuaivi ijibogominaama fatyubo.

Fariseomi Juurisutaguiiji.

(Mt 16.5-12)

¹⁴ Jaamo jabajeeveuhu machutaaco satyuutimo. Sahicagayiro imaahuhica diitoma imeenegafaño icaudi. ¹⁵ Jahi diitoco Jesu nuuhi: Magaihuini icigusuno mihica fariseomi, Herode icamo juurisutaguijinoti, nooboro.

¹⁶ Jaaneri ijibogominaa sanomiro noocasihicaudi: Fine añiminaa maahunoco misivatineguita olli noobo, noomoro.

¹⁷ Onoocasinoco Jesu agaajaciuboro diitoco nuuhi: ¿Collahi maahunoma machahanoco monoocasihi? ¿Nacu aivo magaajatihi, mehesicinicuutihu? Cuhufocani amihaai jeebiino fine. ¹⁸ Amihaai aallinoma mihicarumo mahatyimetihu, monohojivarumo mugubutihu. Jaana mehesicinitihu sahusedino maahunoco cinco mildimoma ifuusumi. ¹⁹ ¿Nacu minoodiibaiva ihatyuuvoco mananiuhu? nooboro.

Jaanegui diito nuuhi: Fahuseeci motihaiti miibaici idino, noomoro.

²⁰ Jaadi bu nuubo: Jaana sahuse juugahuseti miibaicico cuatro mildimoma ifuusumi. ¿Nacu minoodiibaivaco mananiumo magahafusuhi? nooboro.

Jaanegui iimusuumo: Sahuse juugahuseti miibaici idino, noomoro.

²¹ Jaanegui diitoco nuubo: Jaanoco jaana mehesicinitihu, nooboro.

Jesu Betsaidavi Aatyimetiboco Buheesuhi.

²² Jaanobuunati Betsaidavi ifutuumo. Jahi Jesujaa aatyimetiboco sivaumo: Diiboco dudiici, noomoro.

²³ Jaanegui Jesu diiboco ihuseti agaayiciuboro tuucumigayiti buhigovi satyuuhu. Jaaboro ihaallincico ijirerri amaisuuboro ihuseque ihallivi ficuuhi. Jaaboro diiboco dilluhi: ¿Naa, mivigayi daatyimehi? nooboro.

²⁴ Jaanegui diibo emeeciuboro nuuhi: Miyaminaaco imohonobadi jeevamoco atyimehi. Jaarumo iguehi, nooboro.

²⁵ Jaanegui Jesu siino ihuseque ihaallihallivi ficuuhi. Jaadi siino emeeciuhigo ivi diiboco ihaallii imitcuuhi. Foovono paryi imino atyimecuubo. ²⁶ Jaadi Jesu diiboco iijajaa agalluuboro imino faguuhi: Cuumijaa feedino, nooboro.

Pedro Jibeguehi: Diibo Cristo Asaaujiibo Jesu Iicanoco.

(Mt 16.13-20; Lc 9.18-21)

²⁷ Jaanobuunatì Jesu ijibogominaama fuuhi Cesarea de Filipo cuminojaago jahì jihaivi dilluubo ijibogominaaco: ¿Nacu uuditì, milli miyaminaa neehicamo? nooboro.

²⁸ Jaanegui nuumo: Jua Nitiminaafi, saatoho neehicahi. Jaanoti saatoho: Elia, neehicahi. Jaanoti saatoho: Cajaanihacho fine siicjeototi Moocaani iimaaminaafi iicaabo, neehicahi, noomoro.

²⁹ Jaanegui diitoco dilluubo: ¿Jaana amihai, miijoho uujoho iicanoco meneehicahi? nooboro.

Jaanegui diiboco Pedro iimusuhì: Ijoho Cristo, nooboro.

³⁰ Jaarunaa Jesu diitoco faguuhi: Mihibaiñobaco mijibeguedino, nooboro.

Jesu Iguijejinoco Jibeguehi.

(Mt 16.21-28; Lc 9.22-27)

³¹ Jaadi ticoniubo diitoco ijibuguubo. Uujoho Miyaminaafibadi Ifiivubo guiraajino idaasuno iicano. Quillahuto iijiti sacerdotemì aivojítoti, caatiniminaa icamo guiraano uco jihheveji. Jaamoro uco gaicaausujimo. Jaaruubo uujoho mifucuci, safucu icanoti siino buheeteji, nooboro.

³² Jillì diitoco foovono nuubo. Jaanegui Pedro buhigovi ijeevadi Jesusuco asatyuuboro ticoniurahi iibaabo. ³³ Jaarunaa Jesu acajebeveuboro ijibogominaaco emeeciuboro Pedroco iibauhi: ¡Uuti buhigovi minifoto ijoho Satanás idiicaabo! Jillì dihesamaaje Moocaani esamaajebadi jeevathi. Jillì miyaminaa esamaajebadi jeevahi, nooboro.

³⁴ Jesu ijibogominaa, bu miyaminaa icamoco ocoovauboro nuuhi: Cajaanihacho tadyojicutì asaanoco idiomogoobo difico guiinodi ficu. Jaaboro ifico idaasuno omoonisujinoco iguitiibo tadyojicutì disaa.*

³⁵ Miiro ifico agaijiboo ifico mitasuji. Jaanoti taajiguinodi, bu tajibogo iijiguiinodi icano ifico imitasubo, ifico taajasuji. ³⁶ ¿Nacu milliti imijiruno miyaminaafi paryi jiinije busumijeque gaayiciruubo ijeebiico imitasuruva? ³⁷ ¿Nacu minoodino fine jaadujiruubo ijeebiico itaa-jasuqui? ³⁸ Jaabadi cajaanihacho uuti, tajibogojiti icano jisumio miyaminaa jino Moocaani jeevesuminaafeenenevi unucufeveebeti, bu tolliro uujoho Miyaminaafibadi Ifiivubo nucufeveji johono Guihirubi aivojiri itoomominaama asaadi, nooboro neehicauhi.

9

¹ Jaadi bu neehicaubo: Miyanotiro, amihaiico neehi: Jineeri jino iicamoti saatoho guijevitihì Moocaani aivojì imityama asaanoco aatyimetinohachuta, nooboro.

Jesu Siibadi Iminifotooboro Moocaani Aivojico Ifusuno.

(Mt 17.1-13; Lc 9.28-36)

* ^{8:34} Sahaamefaño noono: Jaaboro diguijeve imohobujeque diciibo tadyojicutì disaa.

² Jaanobuunati sajaguisi nijequeti Pedro, Jacoobo, Jua iicamomaryo Jesu fuuhi caamovo bai nijequevi. Jahi diito imefeene siibadi minifutuubo. ³ Igaachehu aricuno minifutuuhi seseene nitiminaati caaatyoba aivo tolli eseseetesujitirubadi. ⁴ Jaabovi Elia, Moise icamisi jafeveuhi. Jaamisi diiboma iimaahicaahi. ⁵ Jaanegui Pedro Jesuco nuuhi: Mojii**bogominaafi**, Imicani jineeri mihicano. Masii migaaaci, saga icano nijeganoco minijeganiqui iidi saga, Moisedi saga, Eliadi saga icano, nooboro. ⁶ Jaaneri diito ijii**bogominaa** sihidi igutuumoro milli eneejiruno achaunaeguiha Pedro tolli nuuhi.

⁷ Jaasumiro aimuufai ihallivi iniituno diitoco fabaacuuhi. Jaanaa ihaimuufaifañotì guubuvusuuno: Jaani taseemene agaijibo. Jaabo onoonoco imino muguubunici, unuuno.

⁸ Jaanegui emeeciurumo miihaiñoobaco atyimecuutahi idii**bocoro** Je-suco atyimeumo.

⁹ Jaadi tobai nijequeti iniiuudi Jesu diitoco nuuhi: Miinhaiñoobaco mijii**beguedino** mahatyimeneque jari uujooho Miyaminaafibadi Ifiivubo iguijeveebe siino ubuheetenehachutahiica, nooboro.

¹⁰ Jaanegui miiço jjibuguutimo, jilli sanomiro dillucasihicaahi: Jineje fine oono guivefeenetì siino ubuheetejino onoono? noomoro. ¹¹ Jaamoro Jesuco dillumo: ¿Milliti jaana caatiniminaa: Elia iticoni saaji, neehicahi? noomoro.

¹² Jaanegui Jesu nuuhi: Jiihi, miyaano Elia iticoni saaji. Jaaboro paryi fanoovaaco imibachujiibo. ¿Milli nacu Caatinhaamefaño uujooho Miyaminaafibadi Ifiivuubediti noono? Miyo idaasuno icajibo, jjivecafetejiibo icano noono. ¹³ Miyo jino amiihaico neehi: Miyaano Elia saahiniciuhi. Jaaruuboco iimogobadi mooniumo diiboti Caatinhaamefaño: Jilli icajibo unuucuubadi, nooboro.

Jesu Buheesuuhi Sicafefi Ijima Iicauboco.

(Mt 17.14-21; Lc 9.37-43)

¹⁴ Jaadi ifutuumo saatoho ijii**bogominaa** iicauhigo. Jaamo atyimeuhi sihidi miyaminaa diito uufequeri iicaunoco, tolliro bu caatiniminaa icauhi diitoma ejenaaucasiomo. ¹⁵ Jaanaa Jesuco miyaminaa aatyimeumoro sihidi jabafituuhi. Jaamoro diibojaa jinoociniuhi idillutumo. ¹⁶ Jaamoco dillubo: Jinejeque diitoma mejenaaucasihi? nooboro.

¹⁷ Jaanegui diitofeeneti saafi iimusuuhi: Jii**bogominaafi**, dijaas taseemeneque sivahi iimitino ijima iicaabo, diiboco iimaasuhicatih. ¹⁸ Jilli fahiji-varo diiboco agaayiciiboro baavi gañiihicahi. Jaaboro diiboco ijiti jivaasecoco iinusuboro igaiñooco ojisusuhicaabo. Jaadi diiboco sifañisuhicaabo. Jaanegui dijii**bogominaaco** tajiibacurahi ihijico diiboti buhi igañiqui. Jaarumo fiivototih agañinoco, nooboro.

¹⁹ Jaanegui Jesu nuuhi: Hi, jeedi fine amiihai miyaavogoma machahano miyaminaa mihicamo. ¿Mihachuta fine, amiihaima icaji? ¿Mihachuta fine, amiihaico jaabiciji? Ene juugavi siva tosicafefico, nooboro.

²⁰ Jaanegui diibojaa sivaumo. Jaarunaa ihiji Jesuco aatyimeuboro tosicafefico vivi vivi miniiyiubo. Jaaneri baavi cavirinamaaiboro acutuubo ijiti jivaasecunoco gañiiiboro. ²¹ Jaanegui Jesu caanico dilluubi: ¿Mihachuta jilli icacuubo? nooboro.

Jaanegui caani nuuhi: Seemenetiro. ²² Fiiva foova ihiji diiboco cijigaifaño, nifaihufaño icano gañisuhicahi, ifuruubo diiboco

igaicaauqui. Jaanegui miihaico didaasugoobo millihacho miihaidi mooni, nooboro.

²³ Jaanegui Jesu diiboco nuuhi: Eti naha imiyaavogohachiji. Imiyaavogobedi fanoova sihidi jeevatihi, nooboro.

²⁴ Jaanegui diibo gaihivuuhi: Jiihi, miyaaveguehi! Uco daamusu janaanicci miyaaveguequi, nooboro.

²⁵ Jaanaa Jesu miyaminaa sihidi iigaivuunoco aatyimeuboro tohimiti ijico ibauhi jilli nooboro: Idiimaasutino iji, uguubusutino iji, ico uujoho tajibahi dihiino diiboti. Jaaboro siino diibofaño dicafutucuudino, nooboro.

²⁶ Jaanegui ihiji agaihivuuboro diiboco siino vivi vivi miniiyiuh. Jaadi diiboti iinuubo miguijevecubadi diiboco omoonihiiniuboro. Jaanoco guiraamo saatoho: Guijevecuubo, neehicauhi. ²⁷ Jaarunaa Jesu ihuseti agaayiciuboro diiboco gañiiyiciuh. Jaaneri diibo julleeveuhi.

²⁸ Jaadi Jesu ijafa ijicafutuuhigo ijibogominaa ijeevad iiboco dilluuh: ¿Milliti jana miihai magañihi tohimiti ijico? noomoro.

²⁹ Jaanegui diitoco nuubo: Toyomo ijimi ticovono iinotatih. Jilli Moocaanima mihiimaaneriro iinefimo, nooboro.*

Siino Jesu Iguijevejinoco Jibeguehi.

(Mt 17.22-23; Lc 9.43-45)

³⁰ Jaadi toonoti ufumo Galileafañodi fatyuuh. Jaamoco miihaiñoba agaajacinoco Jesu imuguuthi, ³¹ ijibogominaaco ijibugumaño. Jaabo neehicauhi: Uujoho Miyaminaafibadi Ifiiviubo miyaminaa usefaño acicafeteji. Jaaboco uco guijenijimo. Jaaruuboco uco iguijenicuruubo mifucuci, safucu icano nijejereti siino buheeteji, nooboro. ³² Jilli diitoco ijibugurunoco gaajahicautimo, bu idilluqui omooniromo iguihicauhi.

¿Cajaani Fine Imiyaabo?

(Mt 18.1-5; Lc 9.46-48)

³³ Jaadi Capernau cuumivi iifutuuhi jaahe iicacudi Jesu ijibogominaaco dilluuhi: ¿Jinejeque jana jiihaiivi amiihai ihiimaacasimoromo masaahicahi? nooboro.

³⁴ Jaarunaa diito iimusutih: ¿Cajaaniji fine aivo miihaiti imiyaabo? noomoro jiihaiivi ihiimaacasiumaño.

³⁵ Jaanegui Jesu acasiivuuboro fahuseeci motihaiti miimisiici idiino iicaumoco ooovaaboro nuuhi: Cajaanihacho amiihaiti imiyaabotiiicagoo, famooguiinovi iminfotooboro famoocoro ijecivequi, ³⁶ nooboro seemeneque iiciuboro diitofeenevi ficuhi. Jaaboro tooseeque ihiibiciuboro diitoco nuuhi: ³⁷ Cajaanihacho tamomoco imiyaavogomaño jiibadi seemeneque agaayicimo uco gaayicahi. Jaamo bu uco agalluuboco tolliro gaayicahi, nuubo ijibogominaaco.

Mominaafi Iicatiibbo Mojaagodi Iicaabo.

(Lc 9.49-50)

³⁸ Jaanaa diiboco Jua nuuhi: Mojibogominaafi, meeci, saafico miihai mahatyimehi dimemeri iimitino ijimico buhi agavaracuuboco. Jaaruuboco miihai miihibahi, miihaima iigotineguiha, nooboro.

³⁹ Jaanegui Jesu diitoco nuuhi: Miihibajirahana. Miirsaafi tamomofañodi niquejeo mityaco eheetavoobo goovano uuditii imitino iimaajitiibehiica. ⁴⁰ Miirmojaagodi iicaabo mominaafi iicatiibbo. ⁴¹ Jaanoti

* ^{9:29} Sahaamefaño noono: Jilli machutimo mahaigomoro Moocaanima mihiimaaneriro iinefimo, nooboro.

cajaatyo hacho amiihaico Cristooto mihicaneguiha nifaihuco aacimo miyanotiro toono jaadaco gaayiciji.

Imitifaño Agañañisujiruno Nihicu.

(Mt 18.6-9; Lc 12.1-2)

⁴² Jaanoti cajaatyo hacho jito seeme uco jino imino imiyaavogomoti saseeque imitifaño agañañisumoco aivo imijiruno guisibatyigabari icodaaheti mudujenimoro muuaifaño magañañino. ⁴³ Jaanegui dihuse ico imitifaño agañañisuhachi quiticiibo buhi gañii. Miiro imijiruno sahusemaryo diicaabo niquejefaño ofoono. Jaanoti imijitirumo fahuseecima diicaabo ciijigaifaño ofoono tahi ufucuro iciijigai ajabaave-jitihigo, ⁴⁴ bu jiijoho icarumo echeemejitihigo icano. ⁴⁵ Jaanoti bu ditihai ico imitifaño agañañisuhachi quiticiibo gañii. Miiro imijiruno satihaimaryo diicaabo niquejefaño ofoono. Jaanoti fatihaicima idicaabo ciijigaifaño gañiicafetejirahi. ⁴⁶ Tahigo jiijoho icarumo echeemejitihigo, iciijigai ufucuro ajabaavejitihigo icano. ⁴⁷ Jaanoti bu dihaallii ico imitifaño agañañisuhachi buhudaruubo gañii. [†] Imijiruno Moocaani aivojifaño sahiimaryo diicaabo ofoono. Jaanoti faayicimaryo diicaabo ciijigaifaño gañiicafetejirahi. ⁴⁸ Tahi jiijoho icarumo echeemejitihigo, iciijigai ufucuro ajabaavejitihigo icano.

⁴⁹ Jaabadi miiro paryi famooro ciijigairi imuhunicafetejimo. [‡] ⁵⁰ Imiruno imuhu jaaruno iimo afatyucuudi, ñjinejeri dojicuviro mihimutusujirahi? Jaanegui amiihai imoma mihica. Jaamoro fahigova sabadiro sajeebii mihicacasi, nooboro.

10

Jesu Judea Jiinijeri, Bu Perea Jiinijeri Icano Iguehi.

(Mt 19.1-12; Lc 16.18)

¹ Jaadi Jesu Capernaumti ihiinuudi fuubo Judea jiinijevi Jorda onegueehi iicano jiinijevi. Jahi siino miyaminaa diibojaa igaivuuhi. Jaamoco jiibeguehicaubo iicahicaubadi.

Jesu Jiibeguehi Gaigoomico Ejeevesufinoditi.

(Rm 7.1-3; 1 Co 7.10-16)

² Jaanaa fariseomiti saatoho Jesu jaa asaaumoro diiboco dilluvauhi ifurumo diiboco igaayiciqui: ¿Naa fine imijiruno aiji mogainco ejeevesuno? noomoro.

³ Jaaneguiha diitoco nuubo: ¿Milli nacu Moise amiihaico tajibauhi? nooboro.

⁴ Jaanegui nuumo: Miiro Moise tajibauhi jeevesuhaameque mahaicimoro amiihai taabaco mejeevesuhica, nooboro, nuumo.

⁵ Jaanegui Jesu diitoco nuuhi: Miiro amiihaico Moise tolli tajibauhi amiihai cuhufojeebiico aatyimeuboro. ⁶ Jaanoti iticoni Moocaani paryi fanoovaco ifivusuusumi gaifi, gaigo icano fiivusuubo. ⁷ Jill iicamaño gaifi caanico, seejico icano jeevesunicihi mogaima iminifetequi. ⁸ Jaamisi saafibadiro icanicicuuhi. Jaamaño miimisiici icacuutino saafirucu. ⁹ Jill iicamaño Moocaani agataaacucuunoco miyaminaa mudugaacucuudino, nooboro.

[†] 9:47 Jino jilli imitico deetavedino eneejiruno. [‡] 9:49 Sahaamefaño noono: Jaabadi miiro paryi famooro ciijigairi imibachucafetejihu.

¹⁰ Jaadi jaahe iicacuudi ijibogominaa siino diiboco toonoditi dilluhi. ¹¹ Jaanegui Jesu diitoco nuuhi: Mogaico ejeevesuuboro sifigoco ijiboo iticoniogohallivi ajeva imitico icihi. ¹² Jaabadiro bu gaigo aijico ejeevesugoro sifiico atajevago tolliro ajeva imitico icihi, nooboro.

Jesu Seemeque Imino Onoono.

(Mt 19.13-15; Lc 18.15-17)

¹³ Jaanaa seemeque sivaumo Jesujaago diitoco idudiiiciqui. Jaarunaaca ijibogominaa toseejeque isivauumoco iibahicaahi. ¹⁴ Jaanoco Jesu aatyimeuboro sifiratuuh. Jaaboro diitoco nuubo: Jaafa tajaa seeme saahi fine mihibano. Miilo Moocaani aivoji diito seemebadi iicamono.

¹⁵ Miyanoliro amiihaico neehi: Jino seemene iicabad Moocaani aivojico agaayicitiboo ufucu feejitihi Moocaani aivojifaño, nooboro.

¹⁶ Jaaboro toseejeque ihibiciiboro ihallivi ihuseque ficuhicaubo. Jaaboro diitoco imino nooboro Moocaanima iimauahi.

Sihidi Inihibamima Iicaabo Jesuma Iimaahi.

(Mt 19.16-30; Lc 18.18-30)

¹⁷ Jaamañoti Jesu fuuhi. Jaanaa saafi miyaminaafi iticovodi ijinafatyuboro iguiino ememuivuuboro diiboco dilluhi: Idiimiibo Jibogominaafi, ejinejeque fine, uujoho moonijirahi ifinijitino fiivoma icaqui? nooboro.

¹⁸ Jaanegui Jesu diiboco nuuhi: ¿Milliti uco idiimiibo neehi? ¿Miijoho, nacu, iimiibo? Idiiboro saafiro Moocaani iimiibo. ¹⁹ ¿Nacu gaajahi Moocaani tajibajico? Sifigoti taabavadino, gujenidino, nanivadino, sitaaditi sicamañoco diibeguedino, bañisudino, diicaanimisico gaiji, nooboro.

²⁰ Jaanegui diibo nuuhi: Jibogominaafi, seemenetiro paryi toonoco uujoho imino mooninicahi, nooboro.

²¹ Jaanegui Jesu emeeciuboro diiboco gaijiuhi. Jaaboro nuubo: Sanurucu aivo dihimega iican; paryi dinehejeque naajete. Jaaboro iidaasumoco daaci. Jaadi jari niqejefaño sihidi nihibamivaji. Jaaboro tadyojicuti disaa, nooboro.*

²² Jilli diiboco unuuner sihidi idaasuvuuboro, idaasuno fuubo sihidi inihibamima iicaubo. Jaabo inihibamico gaijiuhi.

²³ Jaanegui Jesu ihuufococo emeeciuboro ijibogominaaco nuuhi: ¡Aivo sihidi jeevano inihibamima iicamo Moocaani aivojifaño ofoono! nooboro.

²⁴ Jaaneri ijibogominaa sihidiro jabafituuhi. Jaaruna Jesu siino diitoco nuuhi: ¡Taseeme, tihicani Moocaani aivojifaño ofoono!† ²⁵ Miilo sihidi jeevajitraro camello janutupaajeri afatyono. Jaano janaanici aivo sihidi jeevano inihibamima iicamo Moocaani aivojifaño ofoono, nooboro.

²⁶ Jaaneri imi janaanici ajabafituumoro dillucasihicaumo: ¡Jana caaatyo fine taajajirahi? noomoro.

²⁷ Jaanegui Jesu diitoco emeeciuboro nuuhi: Miyaminaadi aivo sihidi jeevano. Jaanot Moocaanidi sihidi jeevatino. Miilo diibedi jineje itihinoba chahahi, nooboro.

* ^{10:21} Sahaamefaño noono: Diguijeve imohobujeque diiciboo tadyojicuti disaa. † ^{10:24} Sahaamefaño noono: ¡Tihicani sihidi inihibamima iicamo Moocaani aivojifaño ofoono!

²⁸ Jaanegui Pedro diiboco nuuhi: Miïro miihai paryi mubusumijeque mejeevesuhinimoro iima mihoguehi, nooboro.

²⁹⁻³⁰ Jaanegui Jesu iimusuuhi: Miyanotiro amiihaico neehi, cajaatyohacho ijaco, inahabomico, inagomico, seejico, caanico, iseemeque, ijiniujeque icano taguiinodi, bu tahalliti taajasujibogoguiinodi icano ejeevesumo gaayicij jino ijijiinijehallivi ciendifova janaanic ijanoco, inahabomihaiico, inagomihaiico, seejico, seemeque, ijiniujeque icano idaasuno omooninofeeneti, bu jaadi ufucu asaaajino niqejevi ifinijitino fivoma icajimo icano. ³¹ Jaanoti guiraamojisumi sihid ejeevamo iicarumo guinovi minifeteji. Jaanoti guiraamojisumi guinovi iicarumo tusumi sihid ejeevamoti minifeteji, nooboro.†

*Jesu Iguijevejinoco Siino Jibeguehi.
(Mt 20.17-19; Lc 18.31-34)*

³² Jaanaa jiihairi icacuumo Jerusalejaagovi ufuumo. Jaanaaca Jesu ijibogominaaco imegavi siiguehicauhi. Jaamo diito sihid jabafituumo. Jaarunaa saatoho diibo dojicuti ofoomo igutuumo. Jaanoma iicaubo Jesu siino diitoco fahuseeci motihaiti miimisiici idiño iicaumoco ijeevad ocoovauboro ticosauhi ijibuguubo diibo idaasuno iicaujinoco. ³³ Jill nooboro: Memeeći, jino Jerusalejaago mefeehi. Jahigo uujoho Miyaminaafibadi Ifiivuubo sacerdotem aivojito usefaño, caatiniminaa usefaño icano acicafeteji. Jaamo uco guijevefaño ohoovicimoro sihigootoco acijimo. ³⁴ Jaaboco uco diito dejecumoro aamijimo, jiirebamaaijimo icano. Jaadi uco guijenijimo. Jaaruubo uujoho mifucuci, safucu icanobuunati guijevefañoti siino buheeteji, nooboro.

³⁵ Jaanaa Zebedeo achimisi Jacoobo, Jua icamisi Jesujaa asaaumisiro diiboco nuuhi: Mojibogominaafi, mihimeguehi ico midillunoco misico adaacinoco, noomisiro.*

³⁶ Jaanegui Jesu diitisico nuuhi: ¿Milli amiiisico uujoho omooninoco mihimeguehi? nooboro.

³⁷ Jaanegui nuumisi: Mihimeguehi misico dihaivojifaño acasiacunoco saafico dinaninaagonovi, saafico dimiyanaagonovi icano, noomisiro.

³⁸ Jaanegui Jesu diitisico nuuhi: Jill aivo amiiisi toono magaajatinoco midilluhi. ¿Nacu amiihai uujoho idaasuno iicajihilluti mahadujirahi? ¿Bu idaasuno iicajifaihuri uujoho initicafotofaihuri minitcafetejirahi? nooboro.§

³⁹ Jaanegui: Jiihi, nuumisi.

Jaarunaa Jesu diitisico nuuhi: Miyaano fine uujoho aaduhilluonoti mahaduji, bu uujoho initicafetejibadi minitcafeteji icano. ⁴⁰ Jaanoti naha oono tañaninaagonovi, bu tamiyanaagonovi icano macasiivejinoco uujoho acijitirahi. Jaanoti jaatyo idimeguitiharo iimibachucininoco diito gaayicij, nooboro.

⁴¹ Jaanoco saatoho ijibogominaa uguubumoro Jacoobomisijaago sifiratuuh. ⁴² Jaanegui Jesu diitoco ocoovauboro nuuhi: Amiihairyo magaajacuuhi ijinijeminaa aivojito ijiniujeque atajibafinoco. Jaamofeeneri, bu iicamo imityafimo imityari miyaminaaco guinonifihi. ⁴³ Jaabadi amiihaifaño tolli icajitino. Jaanoti amiihaifañoti sihid

† **10:31** Griego ijiri noono: Jisumi oono ajashutino imegavi iicamo ufucu dojicuv minifeteji.

Jaanoti jisumi dojicuv iicamo tusumi imegavi icaji. * **10:35** Mt 22.20-28 § **10:38** Jill eneejiruno: ¿Nacu amiiisi uujoho idaasuno iicajibadi mihcajirahi?

ejeevaaboti iicaqui, jilli saatoho jeecibominaafiti miminifoto. ⁴⁴ Jaanotí bu cajaanihacho amiihaifañotí imiyaaboti iicagoobo paryí amiihai jeecivominaafiti minifeteji. ⁴⁵ Jaabadi miiro uujoho Miyaminaafibadi Ifiivuubo, uco ijeeceivequi saautíhi. Jillí uujoho ejecivooboro miyaminaahallívi tafico aacinofeenedi guiraamoco taajasuqui saauhi, nooboro.

Jesu Bartimeoco Atyimesuhi.

(Mt 20.29-34; Lc 18.35-43)

⁴⁶ Jaanobuunati iifutuumo Jerico cuumivi. Jaacuumiti Jesu ijibogominaa, bu sihidi miyaminaa icamoma tuucuumiti fuunaaca Bartimeo onoobo ajashuno aatyimeutiibó Timeo achi jihaijiniri giciniuhi nihibamico idilluubo. ⁴⁷ Jaanaa Jesu Nazareoobo asaaunoco agaajaciuboro ticovaubo sefano ocoovadiicuubo: jesu David Iyaachi, uco didaasugo! nooboro.

⁴⁸ Jaanoma iicamo saatoho diiboco: Illivequi, noomoro iibauhi.

Jaarunofaño janaaniciviro coovadiivehicaubo: David Iyaachi, uco jeedi didaasugo! nooboro.

⁴⁹ Jaanegui Jesu uguciivuuboro: Diiboco mocoova, nuuhi.

Jaanegui diiboco ocoovaumo nuuhi: Imo imo diica. Jaaboro goova gañiivo ico coovaabo, noomoro.

⁵⁰ Jaanegui ijebutachehuco aganicaruuboro sefano ujulleeveuboro Jesujaago fuuhi. ⁵¹ Jaaboco Jesu dilluuhí: ¿Millí ico omooninoco dimeguehi? nooboro.

Jaanegui aatyimeutiibó diiboco nuuhi: Jibogominaafi, aatyimeneque imeguehi, nooboro.

⁵² Jaanegui Jesu nuuhi: Jii, fuucu taca buheetecuuhi imiyaavogomaño, nooboro. Jaasumiro diibo imino atyimecuuhi. Jaaboro Jesu dojicutí jihairi fuubo.

11

Jesu Jerusale Cuumifaño Jicafetehi.

(Mt 21.1-11; Lc 19.28-40; Jn 12.12-19)

¹⁻² Jaadi Jerusale fuitino iifutuumo Betfaje cuumi, bu Betania cuumi icano jinivi Olivohono iicagaji ticovovi. Jaamañotí Jesu ijibogominaatisiti miimisiicico galluuhi: Mofoo, oono moticovo iicacuumijaago. Jahí mahatyimeji burrogayí duujeciniiboco miihaiñooaba diiberihi iigotiiiboco. Jaaboco misinaayumisiro juu misiva. ³ Jaanotí miihaiñooaba amiisico: ¿Collíhi misiníhi? onoothachi, monoo: Mohaivojíbo eneeneguiiha. Jaaruuboco goovajino uhuumisuno monoo, nooboro.

⁴ Jaanegui ufuumisi atyimeteuhi burrogayíco guhugajinivi jahisivi jihaiñaño duujeciniiboco. Jaamisiro diiboco sinaayumisi. ⁵ Jaarunaa saatoho tooneri iicaumo diitisico nuuhi: ¿Jinejeque toono momooníhi? ¿Collíhi muburroco misiníhi? noomoro.

⁶ Jaanegui diitisi diitoco Jesu unuubadi nuuhi. Jaanoma iicamo satyusumo. ⁷ Jaaboco Jesu jaa iifutusuudi igaachehunoco diibohallívi ificuudi Jesu ihalli casiivuushi. ⁸ Jaanaaca bu sihidi saatoho igaachehuneri jihaiço jeebuhicauhi. Jaanotí saatohosa imoho jaainoco iquitimoro jihaiça tafusuhicauhi.

⁹Jaanaaca imegaví ofoomo, bu dojicuti asaamo icamo sahaguehicaudi: ¡Hosana! Imicani Mohaivojíibó memeri asaabo. ¹⁰Imicani aivoji asaano; mootadi siicjeobo David aivojibadi asaano. ¡Tolliro niquejefa Hosana Moocaanico masahago! noomoro.

¹¹ Jaabo Jesu tuucuumifaño ufuuboro Moocaani ijafaño jícafutuubo. Jaadí fanoovaco fahigovaví emeecihicaudi fuucuubo paryí ijjibogominaama Betaniaví mihiijicuneguiha.

¹² Jaano seseevedí Betaniati ufuuhí Jesuco ajeba aivuuhi. ¹³ Jaanaa tehesinoti atyímeubo higueraho sihidi aamevahoco. Jaanegui meecituubo: Fine inoovatama icano, onoomaño. Jaarunaa chahauno, jilli boti aamenereu noovautího onoovafisumi iicautimaño. ¹⁴ Jaanoma iicaubo Jesu toohoco nuuhi: Miíhaiñooba jee dinoovataco ufucuro gueenejitihu, nooboro. Jaanoco ijjibogominaa guubuuhi.

Jesu Templojaco Imibachuuhí.

(Mt 21.12-16; Lc 19.45-48; Jn 2.13-22)

¹⁵ Jaanoti ufuumo Jerusaleví ifutuuhí. Jaadí Jesu Moocaani ijafaño ufuuboro toojafaño naajeteque eheetavuumo isivi gavaracuubo. Jaabadíro bu nihibamíco uhuumisuhicaumo mesanoco baaví gavaracuubo, bu tolliro nimihumíco anaajehicaumo icaganoco mooniubo icano. ¹⁶ Jaaboro imuguutiibó miíhaiñooba siinoco toojafañodi acañiunoco. ¹⁷ Jaadí jilli nooboro diitoco jíbeguehicaudi: Miíro Caatiníhaamefaño noono: Taaja Moocaanima iimaajareji paryí faacuumivadiro, noonoro. Jaarujaco amíihai nanivaminaa ijjatiro miminiyyuhi, nooboro.

¹⁸ Jaanoco sacerdotemi aivojito, bu caatiniminaa icamo uguubumoro diiboco toonohalliti igaicaauqui ituma ifehicaudi: ¿Naa fine, milliti momooniji? noomoro. Jaarumo diiboco iguihicaudi paryí miyaminaa diibo ijjibegueneri ajabafitehicaunoma iicaumo. ¹⁹ Jaadí mihiijicuneguiha Jesu tuucuumiti fuucuuhí.

Higueraho Ochoomonó.

(Mt 21.20-22)

²⁰ Jaano seseevedí siino fucuro tomañodi afatyumo atyímeuhi tohigueraho ibacoconomyo uchuumucunoco. ²¹ Jaanoco Pedro esafutuuboro Jesuco nuuhi: Meeci mojíibogominaafi, mee oono higuerahoco ijjoho afajahiního chuumcuhi, nooboro.

²² Jaanegui Jesu diitoco nuuhi: Moocaanico mimiyaavogo. ²³ Miyanotiro amíihaiico neehi: Cajaatyohacho jígajico: Jinooti eedeenenere muuaifaño difoo, onoomoro agalluhachíiji tolli icajino. Jaamo ijeebiifañodi guucibatimo jino onoobadi iicajinoco imiyaavogohachíiji onoobadi icajino. ²⁴ Jaanegui amíihaiico neehi: Paryí Moocaanico midillunoco, magaayiciji, noomoro midilluhachíiji amíihaidi tolli icajino. ²⁵ Jaamo bu Moocaanima mihiimaasumi cajaatyomahacho imitino mihicahachíiji diitoma mihimibachucasihachíiji niquejefañi iicaabo amíihai Caani amíihai imitico buusiji. ²⁶ Jaanoti mihimibachucasitihachíiji amíihai Caani niquestefañi iicaabo amíihai imitico buusujitihu, nooboro.*

²⁷ Jaadí uumiumo Jerusaleví ifutuuhí. ²⁸ Jaadí Jesu templojafañodi igooboro feehicaunaaca sacerdotemi aivojito, bu caatiniminaa, bu

* **11:12** Mt 22.18-19 * **11:26** Sahaamefaño toversiculoco ficuutimo. * **11:27** Mt 22.23-27; Lc 22.1-8

tomaño quillahuto icamo diibojaa asaaumoro ²⁸ diiboco dilluvauhi: ¿Jineje mitya iijiri ijohoh jinehejeque jilli moonihicahi? ¿Miijoho ico tometryaco jilli mooniqui aacineri? noomoro.

²⁹ Jaanegui Jesu diitoco iimusuuhi: Uujoho bu tolliro amiihaico dilluji. Jaanoco uco mihiimusuuhachiji, amiihaico neeji comityari uuoho jino omooinoco. ³⁰ ¿Nacu Jua nitihiji cuucatioji? ¿Niquejejaagotioji, nacu miyaminaajaagotioji? mihiimusu, nooboro.

³¹ Jaanegui sanomiro noocasihicauhi: Niquejeojo munuuruva du mihihaico: ¿Jaanoco bu collahi mimiyaavogotihu? neejiruubo. ³² Jaanoti bu miyaminaajaagotioji munuuruva, imijitiruno noomoro, noocasiumo miyaminaaco iguumoro. Miijo paryi famooro miyamina Juaco miyaano Moocaani iimaaminaafi iicaunoco agaajauneguiha. ³³ Jaamoro: Magaajatihi, nuumo Jesuco.

Jaanoma iicaabo bu Jesu diitoco iimusuhhi: Jaano jeevari bu uuoho amiihaico jilliti moonihi eneejiruno, nooboro.

12

Imitino Dudicamaajeminaavi Ohoovicino.

(Mt 21.33-46; Lc 20.9-19)

¹ Jaadi Jesu ticoniuhi siinovi ooviciiboro ijibuguubo: Saafi miyaminaafi baacuco ifaguifaño abasuuboro toonocohallidi mecumiuhi, bu ifafaihuco iicjinoco eetavuubo, bu tolliro tofaguifeenetí torrehacico eetavuubo tohaci nijequeti toonoco iteemequi icano. Jaaboro dudicamaajeminaaco tofaguico utuumusuhiniuboro sihi tehesino fuubo.

² Jaano ibaacu onoovacudi iicojiminaafico galluubo diito tofagui dudicamaajeminaajaago: Tamañoco diicito, nooboro. ³ Jaaruuboco diito agaayiciumoro ahaamihicaudi botiiboco dojicuviro gallumo.

⁴ Jaaneguihiha bu sifico galluubo. Jaaruuboco tolliro iinigaiti agafucuhicaumoro diiboco aivonoono eneehicaumoro botiiboco galluuhhi.

⁵ Jaaneguihiha bu sifico galluubo. Jaaruuboco gaicaaumo. Jaaneguihiha bu guiraamo saatohoco galluubo. Jaarumoti saatohoco aamiúmo, jaanoti saatohoco gaisiraiciúmo icano.

⁶ Jaanobuuna saafirucu illi aatyuvuuno guiraano agaijiubo. Jaaboco ninoonoro galluubo achico: Fine bociguejimo, nooboro.

⁷⁻⁸ Jaarunaa diito noocasiuhi: Jaani duhu imi toonoco agaayicijibo. Masi miguijeniqui. Jaadiji miihai toono abajatoti mihicaji, noomoro diiboco agaayiciumoro guijeniumo. Jaamoro diiboco toonoti buhigovi gañiumo, nooboro ⁹ diitoco Jesu dilluhi: ¿Fine milli tofagui abajaabo diitoco moonijirahi? Miijo asaabobo diito dudicamaajeminaaco ifinisuboro ifaguico sidudicamaajeminaaco acijirahi. ¹⁰ ¿Nacu memeecitihica Caatinihamefaño jilli onoonoco?

Guisiri iijanoco eetavonicimo imi guisibaco itihisumoro gañihi.

Jaarunofaño saafi agaajaabo tobacco dojicuviro ichihi toba iminoco agaajamaño. Jaaboro aivo imimaño ficuubo. ¹¹ Jinooco Aivojiboo Moocaani eetavehi. Jaano aivo miihaidi sihidí jeevahi, noonoo Caatinihamefaño, nooboro.

¹² Jaanoma iicamo Jesuco igaayiciqui mooniumo diitoco eneejirunoco siinovi ooviciiboro onoonoco agaajaciumoro. Jaarumo miyaminaaco iiguumoro diiboco ejeevesuumoro fuucuumo.

¹³ Jaanobuunati Jesujaa galluumo fariseomio, Herodianomioto iicamoco iifurumo diiboco millihacho onoonoti igaayiciqui.²⁸ ¹⁴ Jaamo asaaumoro diiboco nuuhi: Jii**bogominaafi**, iijoh*o miyaminaa onoonoco jee*civot*iib*o miyaabo idiicanoco miihai magaajahi, bu pary*i* miyaminaa sabadiro desicinifinoco magaajahi icano. Jaamaño Moocaani jiihaico miyanotiro diibeguehicahi. ¿Naa iidi imino Cesar ajaadusunoco ma-jaduno? ¿Nacu majaadujitih*i*? noomoro.

¹⁵ Jaarunaa ibañifiira jeebii*co* agaajaciuboro diitoco nuubo: ¿Colihi uco minisuh*i*? Ene sajeeti nihabajeti misiva meeци*qui*, nooboro.

¹⁶ Jaanegui diibojaa sivaumo. Jaajeque emeeciuboro diitoco nuuhi: ¿Nacu miijoho imene jino, bu jino imomono icano? nooboro.

Jaanegui diito: Cesarno, nuuhi.

¹⁷ Jaanegui Jesu diitoco nuuhi: Cesarnoco Cesarco mahaci. Jaanoti Moocaanimoco Moocaanico mahaci, nooboro. Jaaneri sihidiro eetyehi-caumo.

¹⁸ Jaanaaca diibojaa saatoho saduceomi iguijevecumo siino buheete-jitih*i* onoonicimo asaaumoro diiboco dilluvauhi:²⁹ ¹⁹ Jii**bogominaafi**, Moise miihaidi jill*i* caatinuhi: Saafi nahabo mogai seemevatigo cojiti iguijevehachij*i* inahabo ifibajigoco iiciuboro inahabobuuna eseemevase caani momofaño ica*ji*, nooboro Moise. ²⁰ Miiro saatohoti sano nahabomiro ica*hi* sahuse juugahuseti miimisiici idii*mo*. Jaamoti saafi taabavauhi. Jaaruubo seemevatiboro guijeveuhi. ²¹ Jaanegui saafi inahabo ifibajigoco iciuhi. Jaaruubo tolliro seemevatiboro guijeveuhi. Jaaneguiiha bu allivioobo. Jaaruubo bu tolliro ica*hi*. ²² Jaamo famooro tolli diigoma ica*hi*. Jaarumoti saafiba seemevautihi. Jaano nijequeti bu tolliro diigo guijeveuhi. ²³ Jaamo buheetesumi siino ubuheetedi, ¿cajaani taabaji? fine famooro diigoco ataabavacuumano, noomoro.

²⁴ Jaaneguiiha Jesu diitoco iimusuhi: Jill*i* amiihai mitihii*vehi* Caatinhaamefaño onoonoco, bu Moocaani gaaja iicanoco magaajatimaño. ²⁵ Miiro guijevet*i* siino ubuheetedi gaifimi, gaigoomi icamo taabavacasicujitih*i* niquejefaño iicamo toomominaabadiro icacuujimo. ²⁶ ¿Nacu toono guijeveminaa ubuheetejinoti Moise aamefaño, onoonoco amiihai memeecihi*ica*? ¿Milli nacu Moocaani diiboma iimaauhi imoho ijigaunofeeneti? Miiro nuubo: Uujo*ho* Abraham, Isaac, Jacob icamo Aivojib*o*, nooboro. ²⁷ Jaamaño Moocaani guijeve aivojib*o* icatino. Moocaani ubuheeme Aivojiboro. Jaamaño aivo amiihai jilliro guiraano mitihii*vehi*, nooboro.

Aivo Imiya Tajiib*a*.

(Mt 22.34-40; Lc 10.25-28)

²⁸ Jaanaaca saafi caatiniminaafi gaseuhi diitoma ihiimaacasinoco ugubuuboro. Jaabo Jesu imino diitoco iimusunoma iicaubo diiboco dilluubo: ¿Cono aivo tajibati aivo obocino? nooboro.

²⁹ Jaanegui Jesu diiboco iimusuhi: Imiya tajib*a* jino; muguubu Israel idii*bor*o saafiro Mohaivojib*o* Moocaani. ³⁰ Jaabo Moocaani Di-haivojib*o*co gaij*i* pary*i* dijeebimaryo, pary*i* difimaryo, pary*i* dihesamaajemaryo, bu pary*i* disefamaryo icano. Jino aivo imiya tajib*a*.

³¹ Jaano alliviono bu aivo tobadiro jeevahi jino; sitaaco gaij*i* difico agaijibadiro, onoono. Chahano satajib*a* aivo jino janaanici iicanico, nooboro.

◊ 12:13 Mt 22.15-22; Lc 22.20-26 ◊ 12:18 Mt 22.23-33; Lc 22.27-40

32 Jaanoma iicaubo icaatiniminaafi diiboco iimusuhi: Jiihi jii**bogominaafi**, miyaanoco aivono neehi, saafiro Moocaani iicanoco, chahaabo sifi diibo janaanici iicaabo. 33 Jaaboco magajino paryi mojeebiimaryo, mohesamaajemaryo, mosefamaryo, mofibadiro sitaaco magajino icano aivo imino. Jaabadiro asimico agaicaumoro jecivonoco ifajicicivi ificuunicino tolli imino. Jaarunaa Moocaanico, bu sitaaco icano magajino imino fanoo janaanicivi, nooboro.

34 Jaanegui imino iimusuunoco Jesu aatyimeuboro diiboco nuuhi: Jii, tehesitih*i*joho Moocaani aivojiti, nooboro. Jaanotiro miihaiñooba siino diiboma dillamaaicuutih*i*gitumaño.

¿Miijoho Iyaachi Fine Cristo?

(Mt 22.41-46; Lc 20.41-44)

35 Jaanaa Jesu Moocaani ijafaño ijibogoobo neehicauhi: ¿Milli jaamo caatiniminaa Cristoco David iyaachi neehicahi? 36 Miiro David icaruubo Moocaani Gaijafeenedi ihiimaausumi nuuhi:

Mohaivojiibo Moocaani Tahaivojiibo Cristoco nuuhi: Tamiyanaagonovi casiivo, diminaaco ditihaguino uujoho ificuunohachuta, nooboro.

37 ¿Milli jaabo Cristo David iyaachi icajirahi, David bu icaruubo diiboco: Aivojiibo, unuuno icanaaca? nooboro.

Jaanoco sihid*i* miyaminaa iicaumo imono guubunicihicauhi.

38 Jaabo Jesu diitoco ijibogoobo neehicauhi: Icigusuno milica caatiniminaati, oono caamovonoono gaachehunoma iigomoco, goohasinofeenevi aivo imino idillunoco iimoyiicifimoti. 39 Bu jaamo sinagogajafa ufuusumi aivo iimiya icaganocoro ujuvicamaifimoti, bu machusumi iimimañejeviro iicafimoti. 40 Bu fibajito gaigoomi ijanoco udumitiicimoro ifurumo, toonoco utuvuusumo caamovono Moocaanima iimaanicimo sitaaco ibañiqui. Jaamaño guiraajino aivo cijigaifaño ijaadaco agaayicino, nooboro.

41 Jaanobuunati safoono Jesu Moocaani ijafaño nihibamico ijicuhicauno i mega igicinimañoti iifinicuhicaudi miyaminaa tobafa nihibamico ijicumoco. Jaamo saatoho sihid*i* inihibamima iicameheje guiraano jicuhicaudi. 42 Jaanaa saafigo idaasuno fibajijo agaseugoro tobafa mijeegayiicico jihacuvauhi miidino ijaada iicajecico. 43 Jaanoco Jesu aatyimeuboro ijibogominaaco ocoovauboro nuuhi: Miyanotiro amiihaico neehi: Ajaamo idaasuno fibajijo paryi famoova nihibamico tobafa ijicumo janaanicivi aivo ficuuhi. 44 Miiro paryi aacimo diitoma ucuujivaachutinoti acihi. Jaanot*i* diigo ihidaasut*i* paryi acigo tooneri amachujirunoco, nooboro.

13

Jesu Neehi Temploja Ifinisucafetejinoco.

(Mt 24.1-28; Lc 21.5-24)

1 Jaabo Jesu Moocaani iija templo onoojafañoti inuuboco saafi ijibogominaafi nuuhi: Meeci mojibogominaafi, bañifiira guisibano bañifiira ijanotyigaba, nooboro.

2 Jaarunaa Jesu diiboco iimusuhi: Mahatyimehi jino iijantyigabajeque. Jaaruno toonovi iguisibano siibahallivi, siibahallivi icano atyuuvotino paryi sahi callajaavejino, nooboro.

* 12:38 Mt 22.1-36; Lc 22.45-47

³⁻⁴ Jaadi fuumo Olivohono iicagajijaago tooja Moocaani iija oonegueehivi. Jaanaaca Jesu giciniuboco Jacoobo, Jua, Andre icamo toovono dilluuhi: Mihimeguehi miihaico idibogonoco cusu ijohoh onoono iicaji. ¿Milliti magaajaciji paryi toneheje iticovanoco? noomoro.

⁵ Jaanegui Jesu diitoco nuuhi: Esicinino mihica miihaiñooba amiihaico bañidino. ⁶ Guiraajimo tamemerisaano: Uujoho Cristo, noomoro.

⁷ Jaabadiro bu minaano jii**bogonot**i muguubusumi, imucugai ñihicunejeti muguubusumi icano mihiqetejirahana, tolli icajino. Jaaruno toono inijequeevacujino icatino. ⁸ Miiro sijijiinijeoto sijijiinijeotoma moonicasiji, sihaivoji sihaivojima moonicasiji. Jaasumi fahigovavijiiñe maryibaji, ajebano iicaji icano. Jino idaasu iicajino iticovano.

⁹ Jaasumi amiihai ifiico magaihuini amiihaico aivojito iigaivomoco acijimo. Jaamo amiihai uco mimiyaavogomo tajibaminaa aivojiteje imefeenevi masatyocafeteji. Jaamo uutdiitoco mijibeguehi. ¹⁰ Miiro jiinije ifinicuujino imegavi taajasujibogo paryi faajinijeriro jii**bogocafeteji**. ¹¹ Jaasumi amiihaico aivojito ihaciqui diitojaa asatyusumi: ¿Milli fine meneej? noomoro mehesamaajirahana. Tollidii*cacuudi* Moocaani amiihai jeebibfaño ificuunocoro monoo. Amiihairyo mihiimaano icajitino jilli Moocaani Gaija amiihaifañoti iimaajji. ¹² Jaasu inahaboro inahaboco igaicaauqui aciji. Jaabadiro bu caaniro iseemenequeji iseemere caanijaagovi iminifotomoro caanico acijimo sita igaicaauqui icano. ¹³ Jaasumi faaboho amiihaico jiiheveji tamomohalliti. Jaarunaa tolli icarunofa ejenaubo taajaji.

¹⁴ Miiro Moocaani iimaajibogominaafi caatinihuhi: Johono imitino iidiunoco omooniboro ifinisufinotjaano templojafaño iicamaño iimi-mañeri iicacuutinoco mahatyimecuudi, aameque mihiifinicihicamo magaaja. Jaadi Judeao jiinijeri mihicamo ifagajinojaa magaacini.

¹⁵ Jaanotibu tusumi saatoho iija niibahucuri mihicahachiji miniitoromo fañovi mijicafetedino siinobaco mihiciqui. ¹⁶ Jaanotibu bu buhi faguifaño mihicamo amiihai gaachehuco mihiciqui jaahevi muhumidino. ¹⁷ Jaanotibu ayi, fine idaasucani icajimo gaigoomi tusumi ovato iicamo, bu imifañotibu aduseejema iicamo icano. ¿Milli bu gaa-jirumo? ¹⁸ Jaanegui Moocaanico midillu jaamo iimitifucuje siicurasumi gaatimo mihicahi. ¹⁹ Tusumiji sihidibu aivo idaasuno mihicaji fucuje icaji jiinijeque Moocaani ifivusuunotiro aatyimeratifucuje. Jaarunobuunati siino ufucu atyimeracuujithi. ²⁰ Jaafucujeque Mohaivojiboo ibaaresutiruva tusumi iicajimoti miihaiñooba taajajitirahi. Jaaruubo tufucujeque baaretesujiibo itaadimo diibo iiciumo toono idaasunotitaajaqi.

²¹ Jaanotibu amiihaico saatoho: Memeeći jaani Cristo, memeeći jaadi Cristo, onoohachiji: Miyaano meneedino. ²² Jilli jihovoto saajibu Cristo ifibadi iminifotomoro, bu Moocaani iimaajibogominaabadi icamo. Jaamo sihidibu ejeevanoonoco eetavejimo niqueje mitya iijinobadi iicane-hejeque ifurumo miyaminaaco ibañiqui, bu Moocaanita iicacuurumoco ijishitihachiji bañijimo. ²³ Jaanegui amiihai mityano mihimibaicinici amiihaico jino uujoho imegaviro jii**bugucuuhi**, nooboro.

*Jesu Miyaminaafibadi Ifiivuubo Siino Asaajino.
(Mt 24.29-44; Lc 21.25-33)*

²⁴⁻²⁵ Jaasumi toono iidaasufucujebuunati nihiba jabaaveji, bu fucuo nihiba achicicujitihu, bu meeciri ni quejefañoti aifeji, paryi ni quejefaño iicanoo mitya maryibaji icano. ²⁶ Jaadi jarihiica mahatyimeji uujojo Miyaminaafibadi Ifiivuubo aimuufaifeenedi sihidu mityama, tahaivojima icano asaanoco. ²⁷ Jaaboro uujojo tatyoomominaaco atajibamo tañanitamoco igaiyijicijimo fahigovati jiinijejinibaaciti, ni quejejinibaaciti icano.

²⁸ Jaanegui oono higuerahotiro magaaja miiro igacano afaivunusumiro ihaamene ruutunicihu. Jaanotì ficaba ifiiticunoco magaajanicihi. ²⁹ Jaabadi amiihai magaaja paryi fanooro jino uujojo onoono iicanoco mahatyimecudi mehesicinicu jiiniye ifinijino ifiiticunoco. ³⁰ Miyanotiro jino amiihaico neehi, paryi jineheje icaji miyaminaa toonoco aatyimejimo guijevetimaacaro. ³¹ Niqueje, bu jiiniye icano fatyeji. Jaanotì jino uujojo onoono sicamañovi fatyejitihi.

³² Jaaruno tufucu ihoovo iicanoco miihaiñooba gaajatihi. Moocaani toomominaa ni quejefa iicarumo, bu uujojo Moocaani Seemene icarubuo gaajatihi icano idiiboro Moocaani tufucuco gaajahi, nooboro.

³³ Jaanegui amiihai mihimibaicinicu toomomoro magaaajatihi ihoovofucu cusumihacho iicajinoco. ³⁴ Saafi tehesino ifeequi iicojiminaaco idudicamaajeque aaciiboro iguhugaco ofoonobuuna saafico utuumusuuboro, diibo iicanicibadi uujojo feejihica. ³⁵ Jaanegui mihimibaicinicu magaaajatihi aivojiiboo cusumihacho agasejinoco ijicuuvibahacho, fucufenevibahacho, catava ojiberibachacho, fucurobahacho. ³⁶ Jaanegui mihimocisu amiihaico imimañobati asaaboro micigamoco atyimevadiiboo. ³⁷ Jino amiihaico onoonoco famoocoro neehi mihimibaicinicu, nooboro.

14

(Mt 26.1-5; Lc 22.1-2; Jn 11.45-53)

¹ Jaanaaca mifucucirucu Pascuaco eheetavuujino iicauno, bu ijicutaama achahano maahuno jibaimoco eheetavuujino icano. Jaanaa sacerdotemì aivojito, caatiniminaa icamo guiinehicauhimillihacho iifurumo sicamañoooco abañimoro toonohalliti Jesuco igaicaauqui.

² Jaarumo neehicauhimibaimofa momoonijitihi miyaminaa ñaaivotimo iicaqui, noomoro.

Betaniavi Jesuco Facicifaihuri Jeesuugo.

(Mt 26.6-13; Jn 12.1-8)

³ Jaanaaca Jesu Betaniari foojohoma Simon iicaubo ijafa icauhi. Jaabo imachuqui acasiivuubo icaunaaca saafigo gaigo gaseuhi alabastro eetavotapaajefaño facicifaihu nardo oneofaihu gatyucci sihidu ijaada icanoma. Jaagoro toopaaajeque agasucuugoro ifacicifaihuco Jesu nigaihallivi tucaruugo. ⁴ Jaaneri saatoho tomañeri iicaumo isifiratuumoro noocasiuhì: ¿Collìhi oono facicifaihu bañamaaiquifetehi? ⁵ Tofaihuco trescientos denario janaanicivì manaajemere iidaasufimoco mahacitanoco, noomoro diigojaa sifiratuumo.

⁶ Jaanegui Jesu diitoco nuuhi: Jaafa icago. ¿Collìhi macasivusuhi? Imino uudi moonigo. ⁷ Idaasufimo fahijijivaro amiihaima icaji. Jaamoco mihimugusumi imino momooni. Jaanotì uujojo amiihaima fahijijivaro icajitihi. ⁸ Ajaamo idiigoro imino uco moonihi tafiico afacicisugo

cíihojifaño icíicafetejino ímegavi. ⁹ Miyanotiro amíihaioco neehi: Cuucuhacho fahigova jino taajasujibogoco faajinijeri ijibogohigo tolliro jino diigo omoonino jibogocafeteji, toonoti diigoco ihesafetehicaqui, nooboro.

Juda Jesuco Naajeguehi.

(Mt 26.14-16; Lc 22.3-6)

¹⁰ Jaanaaca Juda Iscariote onoobo, ijibogominaa fahuseeci motihaiti miimisiici idíimoobo fuuhi sacerdotemi aivojitoco emeecitoobo diitoma ihiimaaboro Jesuco diito usefaño ihaciqui. ¹¹ Jaanoco diito uguubuumoro sihidi imo imo minifutuuhi. Jaamoro níhibamico diiboco aciguumo. Jaanoma iicaabo aivo Ijuda Jesuco diito usefaño ihaciqui moonihicauhi.

Aivojibio Niinoono Amachuuno.

(Mt 26.17-30; Lc 22.7-23; Jn 13.21-30; 1 Co 11.23-25)

¹² Jaanaaca ijuurisutama achahano maahuno jibaimo tícovacuuhi, bu Pascua ovejaco agaicaauhicausumi icano. Jaanegui Jesuco ijibogominaa dilluuhi: ¿Conoovi diimeguehi Pascua machutaaco meheetavonoco. Jaabo machuhi? noomoro.

¹³ Jaanegui ijibogominaati miimisiicico agalluuboro nuubo: Cuumifaño mofoo. Jahi mahatyimeji gaifi icíñuuri nifaihuco asatyoooboco. Diboma mofoo. ¹⁴ Jaabo ijicafotojaoboco monoo: Mohaivojibio jilli neehi: ¿Comecuña tajibogominaama Pascua machutaaco machuji? noobo, monoo. ¹⁵ Jaadi amíihaioco iifusujibio guiraamecu caamovohi iicamecu imibachucinicumecuco. Jahi Pascua machutaaco meheetavo miihaidi, nooboro.

¹⁶ Jaanegui ijibogominaatísi ufuumisi tuucuumiví ifutuuhi. Jaamisi atyimeteuhi Jesu unuubadi iicanoco. Jaamisiro tomañovi Ipascua machutaaco eetavucuumisi.

¹⁷ Jaadi jariliica ijicuuvi Jesu ijibogominaama fahuseeci motihaiti miimisiici idímoma gasevauhi. ¹⁸ Jaamo amachumo giciníumaaca Jesu diitoco nuuhi: Miyanotiro amíihaioco neehi: Jino amíihai uuma machumooti saafi uco aciji igaicaauqui, nooboro.

¹⁹ Jaaneri sihidi idaasuvuumoro diiboco saafiri dilluhicahicaumo: ¿Uujoho icatino, eti? noomoro.

²⁰ Jaanegui Jesu diitoco iimusuuhi: Jino amíihai fahuseeci motihaiti miimisiici idíno mihicamoti saafi uuma butajefaño maahuco efeeyacubo diibeji. ²¹ Jaaruno jilli Caatínihaamefaño uuti onoobadi uujoho Miyaminaafibadi Ifiivuubo feehi. Jaarunofaño idaasucani iicajibo uco aciubo. Aivo iimijiruno diibedi fiivutíbo iicauruva, nooboro.

²² Jaamo machuumaaca Jesu imaaahuco agaayicíuboro Moocaanico graciaco aciuhi. Jaadi iquisicíuboro diitoco aciubo: Ifaaji, mamachu. Jino tafi, taahucu icanoco, nooboro.

²³ Jaadi adutahilluco gaayicíubo. Jaanoco tolliro graciaco aaciuboro ifuuhi. ²⁴ Jaanoco famooro aaduudi nuubo: Jino tatyíjoho, jino bohono iimaaco imiyacarunoro ajashutinohallívi agañicafoton. ²⁵ Miyanotiro amíihaioco neehi: Siino aducujitihu jino vinofaihuti jari bofaihuti Moocaani aivojí iicadihiví aduji, nooboro.

Jesu Neehi Pedro Diiboco Utuunamaaijinoco.

(Mt 26.31-35; Lc 22.31-34; Jn 13.36-38)

²⁶ Jaadi Moocaani masinoco amasivaumoro fuucuumo Olivohono iicagaji onoohigo. ²⁷ Jaanaa Jesu diitoco nuuhi: Paryi amiihai uco mejeevesuji.* Miiro Caatinihamefaño noono: Itoomomināafico gaicaaujimo. Jaaneri ihovejamí fahigova gavaranaamaají, noonoro. ²⁸ Jaaruubo siino ubuheetenebuunati amiihai imega Galileavi feeji, nuubo Jesu.

²⁹ Jaanegui diiboco Pedro nuuhi: Famooro ico jeevesurumaaca uujoho ico jeevesujitihi, nooboro.

³⁰ Jaanegui Jesu diiboco nuuhi: Miyanotiro ico neehi: Jaafañiino fucu mifooci catava ojitiibaacaro mifooci, safo icano uco agaajaruubo uco tuunamaají, nooboro.†

³¹ Jaarunaa jenaauhicaubo: Jaafa iima iguijevehachijí guijkeveji. Jaaruubo ico tuunamaajitihi, nooboro.

Jaabadiro bu famooro neehicauhi.

Jesu Getsemani Onoomañozi Moocaanima Iimaahi.

(Mt 26.36-46; Lc 22.39-46; Heb 5.7-8)

³² Jaadi gaseumo Getsemani onoomañozi. Jahi Jesu ijibogomināaco nuuhi: Jinovi migicini uujoho Moocaanima ihiimaatonohachutahica, nooboro.

³³ Jaabo Pedro, Jacoobo, Jua icamocoro satyuubo. Jaadi ticovaubo sihidi iidaasuvuuboro ataafiraruhifico. ³⁴⁻³⁵ Jaaboro diitoco nuubo: Tajeebi sihidi uco iidaasuhi miguijevejibadi esicinihi. Jinooviro mifitafotomoro mihica cigatimo mubuhee, nooboro Jesu janaanicivi ufuboro jiinijehalliví ajavuvuuboro Moocaanico dilluubo toono iidaasuno iicaujineri iidaasuno icatibó iicaqui. ³⁶ Jaabo Moocaanima iimaabo jilli neehicauhi: Guihi, fanoova iidi sihidi jeevatihi. Jaanegui jino iidaasuno iicajinoti uco taajasu.‡ Jaaruno uujoho iimogobadi icatino, jaafa iijoho idiimogobadi icano, nooboro.

³⁷ Jaadi ijibogomināajaa asaaubo cigaumoco aatyimevauboro Pedroco nuuhi: ¿Simon, nacu cígahi? ¿Jilli sano nihiba oovo ticovoví aivo buheetihi? ³⁸ Moocaanima mihiimaamoro mubuhee Satanás amiihaico inisunofaño jaamo aacototimo mihicahi. Miyaano amiihai jeebibí imino iicanoco imogorahi. Jaarunofaño amiihai allio ifi niinovahi, nooboro.

³⁹ Jaadi siino fuubo dojicuviro Moocaanima iimaatuubo siino tolliro nooboro. ⁴⁰ Jaadi siino asaaubo tolliro cigaumoco atyimevauhi, sano cigararo ihaalliino iicacuumáño. Jaanoco iimusujirumo esicinihicautimo. ⁴¹ Jaadi siino asaauboro diitoco nuubo: Ivi jisumi micigacu, majaguisicu. Jino gasecuuno uujoho Miyaminaafibadi Ifivuubo imitiminaa usefaño aaccafetejino. ⁴² Jaaneguiiha magañiivomoro masiigucu, mee oono uco aacivaabo fiiticuuhi, nooboro.

Jesuco Isisimoro Satyomo.

(Mt 26.47-56; Lc 22.47-53; Jn 18.3-12)

⁴³ Jesu iimaubaacaro Juda gaseuhi diito fahuseeci motihaiti miimisiici icamo iicahicaurumoobo iicaabo. Jaaboma sihidi saaumo miyaminaa niisuganoma, cudaahenema icano. Jaamo sacerdotemí aivojito, caatiniminaa, quillahuto icamo diitoco agallumo. ⁴⁴ Jaabo diibo

* **14:27** Sahaamefaño janaanicivi jilli ficuumo; Jifucu, onoonoco. † **14:30** Sahaamefaño ficuumo: mifooci ojitiibaacaro, onoonoco. ‡ **14:36** Griego iijiri: Jihidaasuhilluco uuti buhigovi denesu, noono.

aciminaafi iicaabo Juda diitoco imino jibuguuhi diito igaajaqui: Oono uujoho diibo iicaaboco ininiiciiboro dilluji. Jaaboco cuhufono misisimoro masatyo, nooboro.

⁴⁵ Jaadi agaseuboro: ¿Naa diicahi, Jibogominaafi? nooboro Jesuco niniiciuhi. ⁴⁶ Jaasumiro Jesuco gaayiciumo isatyequi.

⁴⁷ Jaanegui tomañeri iicaumoti saafi iniisugaco iguiyiciuboro sacerdotemi aivojiboo jecivominaafi njimeehuco buuyaacuuhi. ⁴⁸ Jaanaa Jesu diitoco nuuhi: ¿Milli jaamo amihai tatyicovodi masaahi niisuganoma, cudaahenema icano nanivaminaafico magaayiciqui mihicanicibadi? ⁴⁹ Miilo fafucuvaaciviro amihafeeneevi Moocaani ijafaño ica hicahi jibogooboro. Jaaruuboco du magaayicihicatihi. Jaarunofaño jaafa tolli icano johono Caatinhaamefaño onoono inijequueevaqui, nooboro.

⁵⁰ Jaasumiro ijibogominaa diiboco ejeevesuumoro famooro gaaciniuhi.

Sicafei Agaaubo.

⁵¹ Jaanaaca saafi sicafei Jesu dojicuti fuuhi gaachehubaryuriro miniciniboo. Jaaboco gaayiciurumo. ⁵² Jaarunaaca igaachehuco ejeevesuhiniuboro sicaibo gaaubo.

Jesu Fagominaa Imegavi Icauhi.

(Mt 26.57-68; Lc 22.54-55, 63-71; Jn 18.13-14, 19-24)

⁵³ Jaamoro Jesuco satyuumo sacerdotemi aivojiboo imiyaabo imegavi. Jahi paryi sacerdotem aivojito, quillahuto, caatiniminaa icamo igaicamaaiuhi. ⁵⁴ Jaanaaca Pedro tehesinoti ifiniciuboro ufuubo sacerdotem miya aivojiboo goohasifeeneri casiivuuhu sacerdote tomominaama ciiigaiti efeemeubo.

⁵⁵ Jaanaa sacerdotem aivojito, paryi fagominaa icamo guiinehicaurahi sicamañoooco Jesuhallivi ibañiqui diiboco toonohalliti iguijenisuqui. Jaarumo atyimehicautahi. ⁵⁶ Fiivaamo sicamañoooco diibohallivi neehicaurumo. Jaarumo sabadiro neehicautahi. ⁵⁷ Jaanaaca saatoho agañiivuumoro diibohallivi sicamañoooco bañiuhi: ⁵⁸ Mihai mugubuhi jilli diibo onoonoco: Uujojo jija temploja gaifiimi usetio eetavotajaco acallajaniboro mifucuci, safucu idinotiro boojati boobaniji useri eheetavoratijaco onoonoco, noomoro.

⁵⁹ Jaarunofaño diito jibogo sabadiro iicatimaño miyaavehicautahi.

⁶⁰ Jaanegui isacerdotem aivojiboo famoofeeneti agañiivuboro Jesuco dilluhi: ¿Ajashuno aivo diimusutahi? ¿Jinejeque nacu jino iti dihallivi ijibocasimo? nooboro.

⁶¹ Jaarunofa Jesu iimusutiboo. Jilli lliivi moonicinihicauhi.

Jaanegui bu siino isacerdotem aivojiboo dilluhi: ¿Naa miyaano iijoho Cristo Moocaani Momiyaabo Achi idicaabo? nooboro.

⁶² Jaaneguiha Jesu diiboco nuuhi: Jiihi, uujoho diibo. Eneecau bu jaamo jinooti mohimegaví mahatyimeji uujoho Miyaminaafibadi Ifiivubo sihidí ejeevaabo Moocaani miyanaagueneri giciniiboco, bu ufucu niqueje aimuufaifeenedi asaaboco icano, nooboro.

⁶³ Jaanoma iicaabo isacerdotem aivojiboo igaachehuco gallicuuhi sihidí isifiratuuboro. Jaaboro nuubo: ¿Collíhiica bu sita diibohallí onoonoco mihimoyicicuujirahi? ⁶⁴ Mee, amihairyo mugububucuuhi Moocaaniditi aivo imitino ihiimaanoco; ¿Naa milli amihaidi? nooboro.

Jaanegui famooro: Diiboco guijevejiibo, noomoro fañusuuhí.

⁶⁵ Jaasumiro saatoho ticovauhi diiboco ijirebamaaimoro ihimeque afabaacumoro ganiičihicaumo. Eneecata miya iijoho Moocaani jibogominaafi idicahachiji gaajaci: ¿Naa miijoho ico ganiičihi? noomoro. Jaabadiro bu toomominaa diiboco aamihicauhi.

Pedro Jesuco Tuunamaaiuhi.

(Mt 26.69-75; Lc 22.56-62; Jn 18.15-18, 25-27)

⁶⁶ Jaanaa Pedro guiino goohasiri icahicaunaa isacerdotem aivojiibo jeecivominaago agaseugoro ⁶⁷ ciijigaijiniri efeemeebe iicauboco aatyimeugoro diiboco gueenene ihiifinicihicaugoro nuugo: Iijoho bu tolliro Jesu Nazareooboma idiguehicaabo, noogoro.

⁶⁸ Jaarunaa Pedro tuunamaaiuhi: Diiboco uujoho gaajatihi, bu ¿jinetihacho fine toono uco neehi? nooboro iinehiniubo jahisiti ijicafetefi uuga imegavi. Jaanaacaro catava ojicuuh. ⁶⁹ Jaanobuunati bu siino diigo diiboco emeeciugoro tomañeri iicaumoco neehicauhi: Jaani diitoobo, noogoro.

⁷⁰ Jaarunaa bu diibo siino tuunamaaiuhi.

Jaanobuunatiro bu tomañeri iicaumo siino Pedroco nuuhi: Miyaano iijoho diitotiobo Galileaoobo idicamaño, noomoro. §

⁷¹ Jaanegui Pedro ticovauhi iibacasiiboro ihiimaubo Moocaani momfañodi ooviciiboro: Gaajatihi uujoho diiboco diiboti toono mihiimaaboco, nooboro.

⁷² Jaasumiro catava alliniuhi mifooci ojuboo. Jaanoti jari Pedro Jesu diiboco catava mifooci ojitiibaacaro siino mifooci, safo idiino uco tuunamaaiji unuunoco esafutuuboro taacuubo tusumiro.

15

Jesu Pilato Imega

(Mt 27.1-2, 11-14; Lc 23.1-5; Jn 18.28-38)

¹ Jaanaaca eseseeveudi siino sacerdotem aivojito, quillahuto, caatiniminaa icamo igaivuuhi paryi fagominaama iimaacasiQUI. Jaamoro Jesuco sisiciniboco asatyumoro Pilatoco acituumo. ² Jaaboco Pilato dilluhi: ¿Naa iijoho judiom Aivojiibo? nooboro.

Jaanegui Jesu diiboco iimusuuhi: Jiihi, iijoho toono onoobadi, nooboro.

³ Jaanaa sacerdotem aivojito sihidri diibohallivi iimitinoono jibeguehicauhi. ⁴ Jaanegui siino Pilato diiboco dilluuh: ¿Ajashuno aivo diimusuthi? Eneecau, meeci minoodino jino dihallivi iibocasinoco, nooboro.

⁵ Jaarunofaño Jesu ajashuno iimusutineri Pilato sihidiro eetyehicauhi.

Jesuco Guijevefaño Ificuuno.

(Mt 27.15-31; Lc 23.13-25; Jn 18.39-19.16)

⁶ Jaabo Pilato jibaimosumi civojaminaati saafico miyaminaa idilluboco sinaayuhicauhi. ⁷ Jaanaa Barraba onoobo civojafa icaahi sano ihaivojitohalliti saatohoma omoonicasiuhihi miyaminaaco agaicaauohalliti civojanibubo. ⁸ Jaanaa imiyaminaa asaaumoro Pilatoco dilluvauhi fafoova jibaimosumi omoonihicaubadi imooniQUI. ⁹ Jaanegui Pilato diitoco iimusuuhi: ¿Naa mihimeguehi judiom Aivojiibo amiihaidi isinaayunoco? nooboro.

¹⁰ Jilli sacerdotemi aivojito diiboco ataaquivomoro aaciunoco Pilato agaajauboro diitoco tolli nuubo. ¹¹ Jaarunaa isacerdotemi aivojito miyaminaaco fajiiñuhi: Barrabacoro midillu diibocoro isinaayuqui, noomoro.

¹² Jaanegui Pilato diitoco siino dilluuhi: ¿Jana milli judiomí Aivojíibó amíñhai meneehicaaboco mooniji? nooboro.

¹³ Jaanegui diito ocoovadiivuumoro Pilatoco iimusuuhi: ¡Gijeve imohobujehalliví tetece! noomoro.

¹⁴ Jaanegui Pilato nuuhi: ¿Nacu jineje iimitinoco mooníibó? nooboro.

Jaarunaa diito siino janaaniciviro coovadiivuuhi: ¡Gijeve imohobujehalliví tetece! noomoro.

¹⁵ Jaanoma iicaubo Pilato miyaminaama imino iicanoco iimuguuboro Barrabaco sinaayusuubo. Jaaboro Jesuco niivigai meeheri ahaamisuhicaudi ihamocasiminaaco aciubo diiboco itetecuqui.

¹⁶ Jaasumiro diiboco ihamocasiminaa satyuuhí aivojíibó ijafa poetorio onoonofaño. Jaamoro paryí ihamocasiminaaco iigaiyíicumoro gachicohai deecano tifaibadi itifai iicachehuco jíihacuumo. ¹⁷ Jaamoro ijanuutunoma iicanoco aafeneque chaahimigati eheetavumoro diiboco javucaruumo. ¹⁸ Jaamoro ticovaumo sahagomoro: ¡Imino dicia judiomí Aivojíibó! ¹⁹ noomoro diiboco ímeiri iinigaiti gafucuhicaumo jíirebamaimoro iguiino ememuivomoro diiboco mihibodadi dejecujicaumo. ²⁰ Jaamoro jilli diiboco edejecuhicaunobuunati diiboco jíihacuuchehuco ujujuyaacuumoro jari imiya gaachehuco jíihacuumoro diiboco satyucuumo itetecuqui.

Jesuco Etetecuubo Gijevehe.

(Mt 27.32-56; Lc 23.26-49; Jn 19.17-30)

²¹ Jaanaa Simon Cirene cuumioobo Alejandro, bu Rufo icamisi caani buhigotí isiti asaaubo tomañodi fatyuuboco ocoovaumoro Jesu gijeve imohobujeque satyusuumo.

²² Jaamoro Jesuco satyuumo Golgota onoomaño, nigaiapajebai eneejiruno. ²³ Jahigo diiboco isurumo facicifai huma vinoco ificuumoro. Jaarunoco Jesu adutiuhi. ²⁴ Jaadi diiboco etetecuudi ihamocasiminaa diibo gaachehunoco sanomiro iticovoociví ifocasiuhi suerteque abañamaaimoro: ¿Naa cajaani cochehuco satyeji? noomoro.

²⁵ Jaasu baagotirehiica nihiba icauberi diiboco teteceumo iguijeve imohovi. ²⁶ Jaamoro toonohalliti diiboco omooniunoco iguijeve imohovi inigaihalliti acaatiniumoro ficuumo: JAANÍ JUDIOMÍ AIVOJÍIBÓ, onoonoco. ²⁷ Jaabo uufocoví bu tolliro miimisiici nanivaminaatisico teteceumo saafico imiyanaagonovi, sifico inaninaagonovi icano. ²⁸ Jilli Caatinhaamefaño onoocinino nijequavevauhi; iimitifimofeenedi oovocafutuubo, onoocinino.*

²⁹ Jaanaa tomañodi afatyumo Jesuco ihibamoro ihuseneque gavaracumoro iibajirubadi iicano inigainocoro garya, garya omoonihiacumoro neehicauhi: Ajaanivahaduho oono templojaco acallajaruboro siino dojicuviro mifucuci, safucu idinoti boojati edeetavejiruubo. ³⁰ Eneecata iiro difico taajasu, toono diguijeve imohotí iniiitoobo, noomoro.

³¹⁻³² Jaabadiro bu sacerdotemi aivojito, caatiniminaa icamo edejecumo noocasihicaudi: Sitaaco naha ataajasuhicaabo, ¿cono bu jaabo jisumi

* **15:28** Sahaamefaño toversiculoco ficuutimo.

ificoroo taajasunoova. Miyaano iijoho Cristo Israel Aivojiboo idiica-hachiiji jisu diguijeve imohoti niito, maatyimemere ico mimiyaaaveguequi, noomoro. Jaabadiro bu diiboma etetecucinimisi diiboco gububusuhicauhi.

³³ Jaanaa gadiciiba paryi jiiniye civono iijiuhu. Jaano jari sano iijicuuvi imohonohalliti nihiba icaabovi seseeveuhi. ³⁴ Jaasumi toonoti nihiba icauberi Jesu hebreo iijiri gaihivuuh: Eloi, Eloi, glama sabactani? nooboro. Moocaani, Moocaani, ¿collahi uco deevesuhi? eneejiruno.

³⁵ Jaanoco tomañeri saatoho iicaumo uguubumoro nuuhi: Muguubu, oono Eliaco cuuhuvaabo, noomoro.

³⁶ Jaanegui diitoti saafi ijinafatyuuboro icijeuhi faashihi iicanoco iimitino aivofaihufaño ichimayaacuuboro imei nijequevi ificuuboro Jesu iijifaño cateejeruuh. Ene, jaafa Elia saahi diiboco iniitusuvaabo mahatyimequi, nooboro.

³⁷ Jaarunaa Jesu sefanotyigaba agaihivuuboro chuumucuuhi.

³⁸ Jaasumiyo Moocaani iija temploja ofoboocini chehu gaachehujetuno feemene iicano gallivuuh sanoodinoociro nijequeti sano baavi.

³⁹ Jaanaa ihamocasiminaa aivojiboo Jesu imega julleecinuuna uchuumuunoco aatyimeuboro: Miyanotiro jahi jaani Moocaani Achi, nuubo.

⁴⁰ Jaabadiro bu tomañeri gaigoomi iicaumo tehesinotiro ifinicichicauhi. Jaamofeeneri icaumo Maria Magdalena onoogo, bu Salome, bu saafigo Maria icamo. Jaago Maria Jose bu iguihoobo Jacoobo icamisi seeji.

⁴¹ Jaamo igaigoomi Galileari iicahicausumi Jesuco jeecivomoro diibo dojicuti efeehicaumo. Jaabadiro bu sihidi tomañeri saafigova icaahi Jerusalevi diiboma sano ufuumo.

Jesuco Iciiuno.

(Mt 27.57-61; Lc 23.50-56; Jn 19.38-42)

⁴²⁻⁴³ Jaanaa mihiijicuunaa imibaivofucusumi judiomi jaguisifrucu imegavi iicaunegui Jose Arimatea cuumioobo fagominaati imiyaabo iicaubo Moocaani aivojico tolliro eteemehicaubo asaauboro iguitiiboo Pilatojaa ufuuboro Jesu ifico dillutuuh. ⁴⁴ Jaaneri Pilato sihidi Jesu uchuumucuneri eetyeuboro amocasiminaa aivojiboco coovauhi idil-luqui: ¿Naa miya chuumucuubo? onoomaño.

⁴⁵ Jaanoco diibo ihaivojiboo iijiibuguunegui jari Joseque Jesu ifico Pilato acisuuh. ⁴⁶ Jaanaa Jose imino gaachehuco anaajeuboro Jesu ifico iniitusuuboro tochekuri mibociuh. Jaaboro guisigajifaño seedicinihojifaño iciuboro iguhugaco guisibatyigabari fabaacuuhi.

⁴⁷ Jaanoco Maria Magdalena onoogo, bu Maria Jose seeji icamife atyimeuhi iciunoco.

16

Jesu Siino Ubuheeteuno.

(Mt 28.1-8; Lc 24.1-12; Jn 20.1-10)

¹ Jaano judiomi jaguisifrucu sabado iicafucu afatyuno seseevedi Maria Magdalena onoogo, bu Salome, bu Maria Jacoobo seeji icamo facicifaihunoco anaajeumoro fuuhi Jesu ifico ijeesutequi. ² Jaamoro fucugayiro jaguisi afatyuno seseevedi tohojivi ifutuumo nihiba iinucuuberi. ³ ¿Miijoho miihaima iguisibaco tohoji imegati faayiciji? noocasi-moro.

⁴ Meecirumaaca tobatyigaba iicahicaumañeri icacutih. ⁵ Jaadi tohojifa ijicafutumo atyimeuhi sicafe fi sesechehu caamovochehufa jiciniboo imiyanaagueneri giciniboco. Jaaneri sihidi igituumo. ⁶ Jaarunaa diitoco nuubo: Mihiguetejirahana, amiihai Jesu Nazareoobo etete-cucafetehiniboco miguiinehi. Buheetecuubo chahacuubo jineeri. Eneecau, memeeci jino diiboco ificuhinimañooco. ⁷ Jaanegui mofoomoro ijibogominaa, Pedro iicamoco mijibogoto amiihai imegavi Galileaví fuucuubo tahi diiboco mahatyimeji amiihaico unuubadi, nooboro.

⁸ Jaaneri sihidi iigutuumoro tohojiti gaaumo jiterere. Jaamoro ajashuno miihaiñobaco jiibuguutimo sihidi iiguiumaño.

*Jesu Maria Magdalena Onoogovi Jafevehi.**

(Mt 28.9-10; Jn 20.11-18)

⁹ Jaanaa fucuro miihai jaguisifucu iicauno seseeedi ubuheeteubo ticonihi Maria Magdalena onoogovi ajafeveubo diigoti sahuse juugahuseti miimisiici idiomoco ijimico agavaracuugovi. ¹⁰ Jaago ufuugoro diiboma iicahicaumo ihidaasuri taajeheri iicamoco jiibugutuuhi. ¹¹ Jaano Jesu ubuheeeuno diiboco diigo aatyimeuno iicanoco guubucuurumo miyaavuguutihu.

Jesu Jafeveuh Ijibogominaati Miimisiicivi.

(Lc 24.13-35)

¹² Jaanobuunati bu siino Jesu siibadi jafeveuhi diitoti miimisiici sihi buhigo ufuumisivi. ¹³ Jaanegui uhuumiumisiro saatoho ijibogominaaco jiibugutuumisi. Jaarumisico tolliro miyaavuguutimo.

Jesu Ijibogominaaco Minisuhi.

(Mt 28.16-20; Lc 24.36-49; Jn 20.19-23; Hch 1.8)

¹⁴ Jaanobuunati Jesu siino jafeveuhi ijibogominaa fahuseeci motihaiti saafi icamo machumovi. Jaabo diitoco icuhu-fojeebihalliti buheetecuuboco aatyimeumo ijibuguunoco imiyaavuguutinohalliti iibaubo. ¹⁵ Jaaboro diitoco nuubo: Faajiinjeriro mofoo. Jaamoro jino taajasubogoco fanoo miyaminaaco mijibogo. ¹⁶ Jaanoco imiyaavogooboro initisuquimaaibo taajaji. Jaanoti imiyaavogotibo taajajitihu. ¹⁷ Jaamo uco imiyaavogomoma jino toono gaaajatabadi iicano icaji; tamemerri buhi ijimico gavaracujimo, bojjjeri iimaajimo, ¹⁸ ihusenefa jiinimomico gaayicijimo, namitaco aadurumo milli icajitihu. Jaabadiro iguihuvamohalliví ihuseque ificuuneru buheehicajimo icano, nooboro.

Jesu Niuejefaño Feehi.

(Lc 24.50-53; Hch 1.9-11)

¹⁹ Aivojiboo Jesu jilli ijibogominaama ihiimaahicauno nijequeti gañivuubo niuejefaño. Jaaboro Moocaani miyanaagonovi casiivutuubo. ²⁰ Jaanegui diito ufuumoro taajasubogoco faajinjeri ijibogomoro fuuhi. Jaamoco diiboro Ihaivojiboo ahaamusuuboro tobogoco miyacaruhicauni niueje mitya iiji sihidi ejeevanoco omoonihiacaunofeenedi.

* **16:8** Sahaamefaño 9-20 versiculonoco ficucuutimo. Jimañoviro ifotonon.

SAN LUCAS

Luca Teofilodi Caatinihī.

¹ Fiivaamo miyaminaa caatiniujirahi tanooti nijequevi, mofeeneevi iicauno jii**bogoco**. ² Jaanoco imino aatyimeumo miihaico jii**buguuhī** tanooti nijequevi. Jaamo bu tolliro tobogoti ijii**bugumoco** amusuuhī. ³ Jaanoco uujoho imino dilluuhicahi. Jaano uudi iiminegui imino caatinihī tanooti nijequevi iidi agaijii**bo** Teofilodi. ⁴ Jaabo imino gaajahi, ico miyabogoti ijii**beguehicanoco**.

*Moocaani Toomominaafi Jii**beguehi** Jua Nitiminaafi Ifivejinoco.*

⁵ Jaanaa Herode* Judeavi aivojii**boti** icaahi. Jaasumi tolliro icaubo sacerdote Zacaria onoobo, Abia onoobojaagodī iicaubo. Jaabo taaba Elizabe onoogo Aaron iyaachimihai cuumiminaago. ⁶ Jaamisi sabadiro Moocaani imfeeneevi imihuſene icahicaumisi. Jaamisi imino icahi-caumisi Moocaani atajii**bauboro** unuubadi. Jaamaño miihaiñooba diitisco milli neehicautihi. ⁷ Jaarumisi iseemema chahauhi mogai Elizabe achiba iicaumaño, aivo bu famisiciro amiyatisi iicacumaño icano.

⁸ Safoonoo icacuuno Moocaani sacerdotemī Zacariamioto Moocaanicō ejecivefifucu iicauno. ⁹ Moocaani jeecivominaa jeevamaaje iicanicibadi omoonijifucu Zacariavi ifutucuuhi templojafa ofooboro Aivojii**bo** Moocaani imfeeneevi aimoguijii**co** ijigasuqui. ¹⁰ Jaanoco ijigasunohachuta paryi miyaminaa jahisi icaahi Moocaanima ihimaaumo. ¹¹ Jaanaa Moocaani toomominaafi Zacariavi jafeveuhi fañoojavī aimoguijii**noco** ijigasufino cojivī momiyanaagonovi. ¹² Jaaboco Zacaria aatyimeuboro guucibauhi sihidī iigituuboro. ¹³ Jaaboco Moocaani toomominaafi nuuhi: Zacaria, diiguetedino, Moocaani guubucuhi diiboma idiimaahicanoco. Tolliro diitaaba Elizabe seemeneque iciji. Jaaseeque Juati momoniji. ¹⁴ Jaaneri sihidī imo imo diicaji. Tolliro bu saatohi sihidī imo imo icaji diibo ifiveneri. ¹⁵ Jaabo disseemene Moocaani imfeenee sihidiro jeevaji**bo**. Jaabo fanoova aivofaihunoco adujiti**bo**. Jaabofa Moocaani Gaija gahaficinijī seejī jeebiifañō icaabomaryo. ¹⁶ Jaabo Israel cuumiminaaco sihidī uumisujii**bo** dojicuviro Ihaivojii**bo** Moocaanijaagovī. ¹⁷ Jaabo Jua feeji Mohaivojii**bo** Jesu asaajino imegavī. Jaabo icaji Moocaani iimaaminaafi Elia imityama icaubadi. Jaaneri caanimico iseemema sajeebii ificuqui, bu tolliro iicajii**sufimoco**: Jii, onoonoco igaajasuqui. Jilli imibachujii**bo** miyaminaaco Mohaivojii**boco** igaayiciqui, nooboro.

¹⁸ Jaanegui Zacaria diiboco dilluuhi: ¿Milli jaanoco uujoho imino gaajaji? Uujoho amiyaburucu, atyaba amiyagurucu icano, nooboro.

¹⁹ Jaanegui diiboco Moocaani toomominaafi nuuhi: Uujoho Gabriel Moocaani atajii**banoco** omoonifi**bo**. Jaabo uco galluuhi ico jii**beguequi** jino imino jii**bogoco**. ²⁰ Jaabo jino ico onoonoco miyaavogoti**bo** idiaca-maño dihiimaa ico buuji. Jaaneri iimaati**bo** diicaji gueenene toosee ifivotinohachuta. Jilli nijequuevajino tusumi, nooboro.

²¹ Jaanohachuta miyaminaa iicaahicauhi jahisi Zacariaco otoomomo, esamaaihicauhi toojafañotī diibo goovano iinutineguiha. ²² Jaaruubo

* **1:5** Jaabo Herode Imityaaboo onoobo.

tahigoti ihiinuudi iimaacuuutiboo. Jaanoti gaajaciumo toojafaño Zacaria gaijaco aatyimeunoco. Jaabo ihiimaajirubadi iicano ihuseriro jihbeguehicaubo ihiimaacuuutimaño.

²³ Jaadī templojafaño Zacaria Moocaanico ejecivuujifucu afatyunobuunati fuucubo ijafāño. ²⁴ Jaanobuunati mogai Elizabe oovago iicacunegui sihi ijati fuucuutigo sahuse nihibavahachuta toono esamaajeriro iicacuugo: ²⁵ Jisumi fi miyaminaa uco achiba nuucutihī Aivojiboo Moocaani jilli uudi omoonimaño, noogoro.

Moocaani Toomominaafi Jihbeguehi Jesu Ifiivejinoco.

²⁶ Jaano Zacariama ihiimaunobuunati sahuse juugahuseti sanihiba icano nigaciti Moocaani siino galluuhī itoomominaafi Gabrielque Galilea jinije cuumi Nazare onoocuumivi, ²⁷ gaifiquuehi agaajatigo bagocaja Maria onoogoco imeecitequi. Jaago Jose onoobo David iyaachimihai cuumiminaafico itajevaqui icacuugo. ²⁸ Jaagojaagovi Moocaani toomominaafi ijicafutuuboro diigoco nuuhi: ¿Naa diicahi ico Moocaani agajigō? Jaabo Aivojiboo Moocaani iima icahi. Moocaani famoogaigoomi allinoocivī ico imino moonihi, nooboro.

²⁹ Jaaboco Maria aatyimeugoro sihidī eetyeugo diiboo unuunerī. Jaagoro iinoro neehicaugo: ¿Collīhi fine olli uco idilluuboro noobo? noogoro.

³⁰ Jaanegui Moocaani toomominaafi diigoco nuuhi: Maria, diiguetejirahana, Moocaani ico agajinoco daatyimecuhi. ³¹ Jisumi doovaji. Jaago gaififico seemevaji. Jaaboco Jesutī momoniji. ³² Jaabo sihidī jeevaji. Jaabo caamovohi iicaabo Moocaani Achi noociniji. Jaaboco Moocaani ficuji aivojibotī iheeedebe Davidco iicaubadi. ³³ Jaabo israelmī cuumico tajibaji. Jaano ufucuro finijitihī, nooboro.

³⁴ Jaaneguiha diiboco Maria dilluuhi: ¿Millī jaano icajirahi uujehehi-icaduhu tajevatihī? noogoro.

³⁵ Jaanegui Moocaani toomominaafi diigoco iimusuuhi: Moocaani Gaija dihallivi niiteji. Jaaneri caamovohi iicaabo Moocaani mitya ico mibaacuji aimuufaibadi. Jaamaño iiti seemene ifiivosee ijeevadi Moocaanidi ficuafeteji. Jaamaño Moocaani Seemene, diiboco neejimo.

³⁶ Jaabadiro bu ditehesino nago Elizabe gaififico seemevaji amiyago icacuurugo. Jaagoco achiba eneehicarugo sahuse juugahuseti sanihiba idīno icacuuhī oovago. ³⁷ Moocaanidi chahano jineje iťihīno, nooboro.

³⁸ Jaanegui Maria nuuhi: Uujoho Mohaivojiboo Moocaani jijovogo. Uco onoobadi jaafa Moocaani uco moonihi, noogoro.

Jaanotiro Moocaani toomominaafi fuucuuhi.

Maria Elizabeque Baatehi.

³⁹ Jaanobuunati Maria fuuhi goovano Judea gajihallī iicaucuumi-jaggo. ⁴⁰ Jaago Maria Zacaria ijafā ijcrafutuugoro Elizabeque dillutuuhi.

⁴¹ Jaanoco Elizabe uguubusumiro ijeebiifaño iseemene maryibauhi. Jaasumiro diigo ififaño Moocaani Gaija gahafuuhi. ⁴² Jaanegui se-fano nuugo: Moocaani ico guiraano imino moonihi, famoova gai-goomihallinoocivī tolliro disseemeneque imino mooniboo. ⁴³ ¿Millī jaago sihidī ejeevatigoco Tahaivojiboo seeji uco baavahi? ⁴⁴ Uco idillunoco uguubusumiro taseemene iimooboro tajeebīfaño maryibahi. ⁴⁵ Imicanī iijoho diicahi imiyaavogomaño. Jaamaño Aivojiboo eneehinibadi iima icajino, noogoro.

⁴⁶ Jaanegui Maria nuuhi: Tajeebiim Moocaanico imehi. ⁴⁷ Tolliro imo imo icahi Moocaani Tatyaa jasuminaafivi, ⁴⁸ Moocaani uujohoh iidaasugo ijijovogoco agaajacuuner; Jaamañō jisumitiro paryicino miyaminaa fahiji varo icamo uco: Imino iicago, neeji, ⁴⁹ Moocaani sihidj ejeevaabo uudi sihidj jeevanoco omooni maño. Jaabo Moocaani momo iimiibo. ⁵⁰ Jaaboco famooro agaijimoco fahiji varo iidaasugooobo. ⁵¹ Sihidi jeevanoco mooniiboo. Guiinoniibo ificoro: Mityahi, noomoro iicamoco. ⁵² Imityafirumoco guinovi niitusuubo. Jaaboro ijeebiino siicuno iicamoco sihidj ejeevamoti ficuubo. ⁵³ Machuta achahaneri ajebari iicahicamoco sihidj sinehejeri gahafusuubo. Jaanoti sihidj inihibamivamoco sicaihusejema galluubo. ⁵⁴ Ijeevicominaafi Israel cuumico amusubo. Jabajeevetiiboo diitoco iidaasugonoco. ⁵⁵ Mootadi Abrahamco iseemema fahijivareji unuuucuubadi, noogoro.

⁵⁶ Jaadi Maria gueenene icauhii Elizabema minihibaci, sanihiba icano. Jaanobuunati jari uumiugo iijajaago.

Jua Nitiminaafi Fiivuushi.

⁵⁷ Jaanobuunati icacuuno Elizabe eseemevaajino. Jaago gaifico seemevaahi. ⁵⁸ Jaanegui ifiitino iicaumo, itehesino nagomi icamo fuuhdi iigoma imo imo iicaqui Moocaani diigoco agaijounoma iicaumo. ⁵⁹ Jaanobuunati fuumo sahuse juugahuseti mifucuci, safucu icano nigungaciti toosee meehe nigacico iquiticiqui. Jaamoro iquiticinobuunati momoniujirahi caani Zacaria momoco. ⁶⁰ Jaarunaa seeji nuuhi: Chahanano, jaafa Jua imomo, noogoro.

⁶¹ Jaanegui diigoco nuumo: ¿Collahiica? Diyototi chahamo saatoho tolli imomo iicamo, noomoro.

⁶² Jaanegui caanico dilluumo uguubutineguitihahica ihuseneri caani omomoninoco igaajaqui. ⁶³ Jaanegui caani imohobujeque idilluboro caatinuhi: Jua imomo, onoonoco. Jaaneri famooro eetyeuhi. ⁶⁴ Jaasumiro ivi Zacariaco jari siino iiji jafeveuhi. Jaaneri ihiimaauboro ticovaabo Moocaanico iimuubo. ⁶⁵ Jaaneri paryi icojineri iicaumo sihidj jabafiuuhi. Jaanoco paryi Judea jiinje gajineri jibocasiomo. ⁶⁶ Jaanoco paryi uguubuumo esamaaihicaahi. Jaamoro sanomiro dillucasihicauhi: ¿Milli fine jusijisee? noomoro Aivojiiboo Moocaani miyanotiro tooseeqe imino omooniuner.

Zacaria Masi.

⁶⁷ Caani Zacaria Moocaani Gaija ififaño gahaficiniiboo iimaauhi Moocaani diiboo jeebiifaño ificuunoco nuuhi:

⁶⁸ Jaafa imociniiboo israelmi Aivojiiboo Moocaani. Mihaico diiboo cuumiminaa mihicamojaaa asaabooro mihaico taajasuubo. ⁶⁹ Mihaico aciiboo sihidj ejeevaabo Motaajasuminaafico ijeevicominaafi David iyaachimihaifañoti. ⁷⁰ Tollri nuubo iimimo ihiimaaminaafeenedi siicijetiro: ⁷¹ Mihaico mominaafati, ataajasujinoco, bu paryi mihaico ijihuguemeti icano, ⁷² tollirovaha bu moheedetemihaihivic: iidaasugueji, nooboro imino unuunoco ajabajeevetinoco. ⁷³ Jilli mootadi Abrahamco miyanotiro Moocaani nuuhi: ⁷⁴ Mihaico mominaati ataajasujinoco, diiboco mejeeceivequi nihicugotimo, ⁷⁵ imino ijeevadji mofino diibedi icaqui jijehallivi mihicanohachuta.

⁷⁶ Jaanoti iijoho, taseemene, Moocaani caamovohigo iicaabo iimaaminaafi, noociniji. Jaamaño feeji Mohaivojíbo imega ijíhaico iimbachuboro, ⁷⁷ iicuumiminaa igaajaqui mataajajinoco, mohimitíco ubuusujinoco icano. ⁷⁸ Jaabo Moocaani igaijifañodi iidaasugooboro mihálico acíhi Cristoco. Diibo asaa jifucu meteemehi, imitifucu nija iicafucu nihibaco motoomonicabadi. ⁷⁹ Jaabo sese eque sivaji civohigo iicamedi, guijeve civoguiino iicamedi icano. Tolliro bu mohigoco siigueji sajeebii iicano jíhairsi, nooboro.

⁸⁰ Jaanaa iseemene jusihicauhi. Jaabadiro bu Moocaani iimogobadi ijeebii sefatonoro feehicauhi. Jaanobuunati sicaihigovi icahicaubo. Jaadi jari Israel cuumiminaaví ifico jafenübo.

2

Jesu Fiivuuhi.

(Mt 1.18-25)

¹ Tusumi aivojíbo Augusto onoobo tajíbauhi paryí jiinije miyaminaaco iheevequi. ² Jílli ohoovonoco ticoniumo, iticoni Cirenio onoobo Siria aivojíboti icaunaaca. ³ Jaanegui famooro fuuhi iicuumijejaago tahi imomonoco icaatiniqui. ⁴ Jaanegui Jose fuuhi Galilea jiinijeti Nazare cuumiri iicaumañotí Judea jiinijeví Belen cuumijaagovi, tuucuumiví David ifiivuhigo, Jose diibo iyaachimihai cuumioobo iicaumaño. ⁵ Jaanegui fuubo Belen cuumijaago imomoco acaatinisutuumisi Mariama, diigoco ataabavaujigo oovago icacuugoma. ⁶ Jaamisi Belen cuumiri icaumaaca Maria iseemevaqui aivucuuhi. ⁷ Jaago iticonioseeque seemevauchi. Jaagoro gaachehubaryunerí iimibociugoro faiji iibañeri ejebunohallívi tooseeque siucaruuhi miyaminaa icigafija diitisivi ifutucutimaño.

Toomominaa.

⁸ Jaanaa Belen cuumiti sihigovi icahicaumo fiftijisuno joomi toomominaa fucuhachuta cigatimo icahicauhi ibovejamico otoomomo. ⁹ Jaamovi imimañobati Moocaani toomominaafi jafeveuhi. Jaasumiro Aivojíbo Moocaani imi diitohallidi aricuno achiciuhi. Jaaneri sihidi iguiumo. ¹⁰ Jaarunaa Moocaani toomominaafi diitoco nuuhi: Mihiguidino, amíihaidi imibogoco sivahi. Jaaneri famooro imo imo icaji. ¹¹ Jaachijí fiivoobo amíihaidi David cuumivi Taajasuminaafi Aivojíbo Cristo. ¹² Jaano gaajabadi iicanoco mahatyimeji seemeneque gaachehubaryunerí minicinisee faiji iibañeri ejebunohallíri siuciniseeque, nooboro.

¹³ Jaasumiro sihidi saatoho Moocaani toomominaa niquejeoto diibo cojívi jafeveuhi. Jaamo Moocaanico iimomo neehicauhi:

¹⁴ ¡Imicani Moocaani caamovohigo iicaaboco mihimo! Jaanoti jiinijehallívi gaifimi diibo onoobadi imino iicamo sajeebii iicajino, noomoro.

¹⁵ Jaamoro niquejefaño ufuucuunobuunati ijomí toomominaa sanomiro noocasiuhi: Masíigo Belenjaago jino iicanoco memeeci tequi Aivojíbo itoomominaafeenedi mihálico ijíbogonoco, ¹⁶ noomoro goovano ufumo atyimeeteuhi Jose, Maria, bu seemene faijíhuri ejebunohallívi siuciniseema icamisico. ¹⁷ Jaanoco aatyimeumoro ijíbuguumo Moocaani toomominaafi diitoco tooseeti ijíbuguunoco.

¹⁸ Jaanoco paryi uguubuumo diito eneeneri eetyehicauhi. ¹⁹ Jaarunoco lliivi Maria ijeebiifañodi guubunicihicauhi toonoco esamaaigoro. ²⁰ Jaanoti ijoomi toomominaa dojicuviro uumicuuhi. Moocaanico agajimoro, imehicauhi uguubuunoti aatyimeunoma iicamo, diitoco ijibuguubadi icauneguiha.

Jesuco Templojafaño Ifusumisi.

²¹ Jaanobuunati sahuse juugahuseti mifucuci, safucu icanoti toosee meehe nigacico quiticisuumisi. Jaamisiro tooseeque momoniūmisi Jesuti Moocaani toomominaafi Maria oovautigocoro unuumomoco.

²² Jaanobuunati Moise tajiba onoobadi ifiico iimbachufucuva iifiniudi tooseeque satyuumisi Jerusale cuumijaago Aivojibo Moocaanidiro ificuuqui. ²³ Jill moonumisi Moocaani tajiba jilli noonoro acaatinicinineguiha: Paryi gaifimi iticoni ifivomo Moocaanidi ijeevadì ficucafeteji, eneeneguiha. ²⁴ Jaaneguiha fuumisi Moocaani tajiba onoobadi, iicanoco jeečivo asimico ficutuumisi: Namuduucumisi iicahachiji, nimiühumisi iicahachiji onoobadi iicanoco.

²⁵ Jaasumivi icahicaubo Jerusalevi Simeon onoobo imihuſene miyaminaafi. Jaabo Moocaanico ejecivoobo teemehicauhi Israel cuumiminaa ataajajinoco. ²⁶ Jaabo Simeonma Moocaani Gaija icahicauhi. Jaabo diiboco jiibuguuhi: Moocaani agalluubo Cristo ifiivooboco aatyimetinohachuta iguijevitinoco. ²⁷ Jaabo templojafaño fuuhi Moocaani Gaija noojiri. Jaanaa Jesuco caanimisi satyuuhí templojafaño tajiba onoobadi imooniqui. ²⁸ Jaaseequue Simeon ihibiciuboro Moocaanico imuuhí jilli nooboro:

²⁹ Aivojibo, ivi sajeebii jaafa chuumucuuhi. Daatyimesucuuhi uujoħo dijecivominaafico unuunoco: ³⁰ tħahaalliri imino atyimēcūuhi taajasuminaafico ³¹ paryiċino miyaminaa imfeenevi ificuuboco. ³² Diiboco seseeħachici. Jaabo israelmi iicatirumoco achicijibo, iicuumiminaa israelmico cahacisusujibo, nooboro.

³³ Jill tooseeti eneeneri caanimisi Jose, Maria icamisi sihidi jabafitehicauhi. ³⁴ Jaadi Simeon caanimisico imino unuuboro, seeji Mariaco nuuhi: Meeci jiisee seemene icahi diibofeedi Israel cuumiminaati sanoodimo aafomo finiji. Jaanoti saatoho taajaji. Jaabo jiibogobadi iicaabo. Jaaboco sihidi saatoho jiħeguejimo. ³⁵ Jill gaajacafetejino paryi famoova ijeebinofaño esamaaino. Jaanotiji idu paryi toono aamigari dijebiċo miquiticibadi jeevajino, nooboro.

³⁶ Jaanaa bu tolliro tomañeri icaugo saafigo gaigo Moocaani onoonoco iħimaħħicaugo Ana onoogo; Famuel onoobo Aser cuumioobo aicigai. Jaago aivo amiyagurucuu aivo bobagocaja iicausumi atajevaugo sahuse juugahuseti mifocabaci idioro aijima icaugo. ³⁷ Jaanoti jisumi ochenta y cuatrodino ficabava icacuugo fibajigoti. Jaago templojafañoti iinehicautigo cuujehachuta, fucuhachuta icano Moocaanico jeeċiveħicaugo machuco aaigagoro Moocaanima iħimaħħicaugo. ³⁸ Jaago tahi iicau-mojaagov i gataavugo. Jaagoro Moocaanico iticoni iimuudi ticovaugo Jesudit ijiibuguugo paryi famooro Jerusale miyaminaa ataajajinoco eteemehicaumoco.

Josemi Nazarevi Dojicuviro Uhumiuno.

³⁹ Jaadi aivojiibo Moocaani tajiiba onoobadi omoonihicaunoco iimivuno nigaciti uumicuumo dojicuviro Galilea jiinijevi iicuumi Nazare cumijaago. ⁴⁰ Jaanaa toosee ujusisee quehecutosere feehicaahi janaanici gaajaseere. Jaaseeque sihidii Moocaani imino moonihicaahi.

Jesu Templojafaño Icauhi.

⁴¹ Jaanobuunati caanimisi fanooficaba ticovovi Jerusalejaa feehicaahi Pascua jiibamofiri. ⁴² Jaanaa Jesu fahuseeci motihaiti mifocabaci iicacuudi famooro Jerusalejaa fuuhi fahijivaro tojibaimojaa ofoonicibadi. ⁴³ Jaanaa tobaimo ifinicuunobuunati uumicuumaaaca Jesu Jerusaleviro fitafutuuhi seejimisi gaajaciutinaaca. ⁴⁴ Fine miyaminaafeenedi saabo, noomisiro safucuhachuta saaumisi. Jaadi guiuuurumisi iyotofañodi, agaajamehejefañodi icano. ⁴⁵ Jaaruumisi aatyimeutineguita dojicuviro Jerusalejaa uumiumisi, tahii diiboco iguiinutuumisi.

⁴⁶ Jaamisi mifucuci, safucu icano nijequeti jari atyimeumisi templojafaño, Moise tajiiba gaajaminaafeeneri giciniba icauboco. Jaaboco diitoco uguubuniciiboro dilluhicaubo. ⁴⁷ Bu diito diiboco idillunoco gaa-jano iimusuhicauneri sihidiro jabafitehicaahi, sihidii diiboo agaajanegui-ihia. ⁴⁸ Jaaboco caanimisi aatyimeumisiro sihidii guucibauhi. Jaanegui seeji nuuhi: Besha, ¿collihi misico jilli moonihi? Diicaani, uujoho icano gaihuinimisiro ico miguiinehacihi.

⁴⁹ Jaanegui Jesu diitisico nuuhi: ¿Collihi uco miguiinehi? ¿Nacu magaa-jatihi Guihirubi ijafano iicajinoco? nooboro.

⁵⁰ Jaarunoco gaajautimisi diitisico diibo unuunoco.

⁵¹ Jaadi diitisima fuubo Nazare cuumijaago. Jaabo diitisima imino iacahicaahi. Jaarunoco seeji lliivi ijeebiifaño ficuhicaahi. ⁵² Jaanaa Jesu jusiiboro feehicaahi ifiiti, ihesamaajeti icano. Jaaboco Moocaani, tolliro bu paryi miyaminaa icano gaijihicaahi.

3

Jua Nitiminaafi Jiibeguehi Sicaihigoti.

(Mt 3:1-12; Mr 1:1-8; Jn 1:19-28)

¹ Jaanaa Tiberio onoobo fahuseeci satihai icano ficabava aivojiboti icacuunaaca, Poncio Pilato Judea aivojiboti icauhi. Jaanoti Herode onoobo* Galilea aivojiboti icauhi. Tolliro inahabo Felipe Iturea, Traconite onoojiiniye aivojiboti icauhi. Jaanoti Lisania onoobo Abilinia jiinije aivojiboti icauhi. ² Jaanoti Anas onoobo, Caifas onoobo icamisi sacerdotem aivojitsi aivo imiyamisi icauhi. Jaasumi Zacaria achi Juaco Moocaani ijibogoco aciuhii sicaihigovi. ³ Jaabo Jua fahigovadi fuuhi Jordan onoohijinidi miyaminaaco: Minitisuquimaje. Jaamoro amiihai eedeehifico mejeevesucu amiihai imitico ibuusuqui, nooboro. ⁴ Jillii icauno Moocaani iimaaminaafi Isaia tolli nooboro acaatiniuno:

Saafi miyaminaafi ico guubuvusuhi sicaihigojaagoti: Mihimibachu Aivojiboi jiihaico; ticovoji meheetavo. ⁵ Ifagajinoco sanoticovoro magahafusu. Paryi ifabaño, ifagajino icano sanoticovoro moonicafeteji. Jiihaño ciryu ciryu iicajije ticuvusucafeteji.

* **3:1** Herode Imityaabo onoobo Jesu ifiivuusumi iicaubo chuumucuuhi. Jaaneguiha tusumi diiboo seemene Herode Antipa onoobo icauhi.

Iimitijije imibachucafeteji. ⁶ Jaanoco paryi jiinijeminaa atyimeji taajasuco Moocaani aacincoco, noonoro.

⁷ Jaabo Jua, miyaminaa diibojaa ifico initisuqui asaamoco neehicauhi: ¡Amiihai jiinimomibadi mihicano miyaminaa! ¿Miijoho amiihaico jiibeguehi iñihicuno ifititonot magaaqui? ⁸ Jaanegui imino mihica, amiihaiti, amiihai eedeehfico mejeevesuno, foovono ihifuvusuqui. Jaamoro monooicasidino: Miihai Abraham iyaachimihai, noomoro. Amiihaico neehi: Jiba guisiba icarubati Moocaani fiivusujirahi Abraham iyaachimiti. ⁹ Jigaaje imibaicinicuhi imohonoco iquitiqui. Jaamaño iimitinoco onoovaho quitcafeteji cijigaifaño ijegasucafetequi. Jaabadiro iimitimo cijigaifaño ijegasucafeteji, nooboro.

¹⁰ Jaanegui miyaminaa diiboco dilluuhi: ¿Milli jana momoonijiirahi? noomoro.

¹¹ Jaanegui Jua diitoco iimusuuhi: Gaachehunoma mijaaci caamoomajama mihicaabo sajaati mahaci icaamoojama achahaaboco. Jaabadiro machutaama mihicamo iinoma achahaaboma mihofocasi, nooboro.

¹² Jaabadiro Impuesto jaadusuminaati saatoho saauhi initisuquimaivaumo. Jaamo Juaco dilluuhi: Jibogominaafi, ¿milli jana miihai momooniji? noomoro.

¹³ Jaanegui Jua diitoco nuuhi: Tajiibafaño onoonobadi majaadusu. Jaanoti toono janaanicci miyaminaaco majaadusudino, nooboro.

¹⁴ Jaabadiro saatoho amocasiminaa diiboco dilluuhi: Jaanaa miihai milli momooniji? noomoro.

Jaanegui diitoco iimusubo: Imitino momoonimoro, sicamañohalliti saatohohallivi mihiimaamoro icano. Sitaanoco ajashuno mudumitiicidino. Jilli amiihai dudicamaaje jaadamarayo imo imo mihica, nooboro.

¹⁵ Jaanaa miyaminaa esamaaihicaahi siicujebiije teemehicauh: Fine Jua diiburucu Cristo, noomoro. ¹⁶ Jaarunaa Jua famoocoro nuuhi: Uujoho miyaano amiihaico nifaihuri nitih. Jaanoti saajibo saafi Moocaani Gaijari, cijigairi icano initijiibo. Diibo tajanaanicci sihid mityahi diibobadi uujoho jeevatih. Jaamaño conovaha bu diibo tihipaaje dujeque sinaayujirunova. ¹⁷ Ihusefaño ibusuba icacuhi trigo ñaava toogaño meeheunoco ibusuqui ijeevadti itoogainoti. Jaano ifagaañooco ficujiibo iijafaño. Jaanoti iimeehunoco ifinijitino cijigaifaño ijegasujiibo, nooboro.

¹⁸ Jiibadi, bu siibadije icano fajiniboro Jua miyaminaaco jiibeguehicauh iimino jibogoco. ¹⁹ Tolliro aivojibbo Herode onooboco iibaubo Herodia onoogo inahabo Felipe taabaco udumitiicuunohalliti, tolliro sihid iminootino omoonihicaunohalliti icano. ²⁰ Jaarunoco Herode guubutibbo janaanicci imitino mooniubo. Juaco civojafaño ficuubo.

Jesuco Initiuno.

(Mt 3.13-17; Mr 1.9-11)

²¹ Jaano imega paryi miyaminaaco Jua initihicausumi, tolliro bu Jesu nitisuquimaaiuhi. Jaabo iteehifañoti ihiinuuboro Moocaanima ihiimaunaaca niqeqe faayacafutuuhi. ²² Jaanofeedi Moocaani Gaija foovono niituuh diibohallivi nimiihubadi jeevaabo. Jaanaa guubuvusuuno niqeqefañoti unuuno: Hjoho Agaijibbo Taseemene, Iiri sihid imo imo icahi, unuuno.

Jesu Eedeetemi haiti Ijibogono.

(Mt 1.1-17)

²³ Jaadi Jesu saafi, siino fahuseeci icano ficabava iicacuudi idudicamaajeque ticoniubo. Jaabo Jose seemeneu tolliesicinihicaurumo. Jaabo Jose Eli seemeneu. ²⁴ Jaabo caani Matat onoobo Levi seemeneu. Jaabo Levi caaniu Melqui. Jaabo caaniu Janai. Jaabo caaniu Jose. ²⁵ Jaabo caaniu Matatias. Jaabo caaniu Amos. Jaabo caaniu Nahum. Jaabo caaniu Esli. Jaabo caaniu Nagai. ²⁶ Jaabo caaniu Maat. Jaabo caaniu Matatias. Jaabo caaniu Semei. Jaabo caaniu Jose. Jaabo caaniu Juda. ²⁷ Jaabo caaniu Joana. Jaabo caaniu Resa. Jaabo caaniu Zorobabel. Jaabo caaniu Salatiel. Jaabo caaniu Neri. ²⁸ Jaabo caaniu Melqui. Jaabo caaniu Adi. Jaabo caaniu Cosam. Jaabo caaniu Elmodam. Jaabo caaniu Er. ²⁹ Jaabo caaniu Josue. Jaabo caaniu Eliezer. Jaabo caaniu Jorim. Jaabo caaniu Matat. ³⁰ Jaabo caaniu Levi. Jaabo caaniu Simeon. Jaabo caaniu Juda. Jaabo caaniu Jose. Jaabo caaniu Jonan. Jaabo caaniu Eliaquim. ³¹ Jaabo caaniu Melea. Jaabo caaniu Mainan. Jaabo caaniu Matata. Jaabo caaniu Natan. ³² Jaabo caaniu David. Jaabo caaniu Isai. Jaabo caaniu Obed. Jaabo caaniu Boos. Jaabo caaniu Salmon. Jaabo caaniu Naaso. ³³ Jaabo caaniu Aminadab. Jaabo caaniu Aram. Jaabo caaniu Esrom. Jaabo caaniu Fares. Jaabo caaniu Juda. ³⁴ Jaabo caaniu Jacob. Jaabo caaniu Isaac. Jaabo caaniu Abraham. Jaabo caaniu Tare. Jaabo caaniu Nacor. ³⁵ Jaabo caaniu Serug. Jaabo caaniu Ragau. Jaabo caaniu Peleg. Jaabo caaniu Heber. Jaabo caaniu Salo. ³⁶ Jaabo caaniu Cainan. Jaabo caaniu Arfaxad. Jaabo caaniu Sem. Jaabo caaniu Noe. Jaabo caaniu Lamec. ³⁷ Jaabo caaniu Matusale. Jaabo caaniu Enoc. Jaabo caaniu Jared. Jaabo caaniu Mahalaleel. Jaabo caaniu Cainan. ³⁸ Jaabo caaniu Enos. Jaabo caaniu Set. Jaabo caaniu Adan. Jaabo Adan Moocaani seemeneu, diiboco Moocaani eheetavumaño.

4

Jesuco Iji Inisuuno.

(Mt 4.1-11; Mr 1.12-13)

¹ Jaadi Moocaani Gaija Jesu ififaño gahaficiniboo Jordan onoohifañotiuumiuhi. Jaaboco Moocaani Gaija sicaihigovi satyuuh. ² Jahi icaubo sanihiba, siino fahuseeci icano fucuva, jinejebaco amachutiboco ijinisuuhi. Jaadi jari diiboco ajeba aivuuh. ³ Jaanegui ihiji diiboco nuuhi: Miyaano Moocaani Achi idicahachijiji jiba guisibaco dinoo, maahuti ifiivetequi, nooboro.

⁴ Jaanegui Jesu diiboco iimusuuhi: Caatinihamefaño noono: Miyaminaafi sano maahu sefariro icajitih, tolliro bu Moocaani ijisiafari icajiboo, noono, nooboro.

⁵ Jaadi ihiji diiboco satyuuh caamovogaji nijequevi. Jaaboro diiboco iifusuubo goovanogayi paryi jiiniye miyaminaa cuuminoco. ⁶ Jaaboro diiboco ihiji nuuhi: Ico uujoho aciji paryi jino mityaco. Jaabo tuucuumijeque tajibahi uujoho gaayiciuhi paryi jinoco. Jaanoco uujoho aciji uujoho iimogomoco. ⁷ Jaanegui taaguiino ememuivooboro uco idiimooboro edeecivohachijiji paryi diinejeji, nooboro.

⁸ Jaarunaa Jesu diiboco iimusuuhi: Uuti buhigovi diica Satanas, Caatinihamefaño jilli noono: Aivojiboo Moocaanicoro diimo. Jaaboro saaficoro diiboco deecivo, noono, nooboro.

⁹ Jaadi siino ihiji diiboco satyuuhি Jerusale cuumijaago. Jaaboro temploja niibahucuví caamo diiboco asatyuboro nuuhi: Miyaano Moocaani Seemene idiicahachiji juugati daacoto baavi, ¹⁰ miiro Caatinihamefaño noono:

Moocaani itoomominaaco tajibaji ico iteemequi. ¹¹ Ico ihusene-halliví gañiiyicijimo. Jaabo guiisiba sefavi nanigaivatibо diicahi, nooboro.

¹² Jaanegui Jesu diiboco nuuhi: Tolliro bu Caatinihame neehi: Dihaiivojibо Moocaanico nisujirahana, noono, nooboro.

¹³ Jaarunaa ihiji diiboco siino inisujiruno achahacuunegui diiboti buhigovi minifutuubo gueenenehachuta.

Jesu Idudicamaajeque Ticonihi Galileavi.

(Mt 4.12-17; Mr 1.14-15)

¹⁴ Jaadi Jesu uumiuhি Galileavi Moocaani Gaija mitya ififaño gatyuuuci icaabo. Jaaboti paryi toojiinijeminaa jibocasihicauhi. ¹⁵ Jaabo paryi tuucuumije sinagogajanofaño jibogooboro feehicauhi. Jaaboco famooro imehicauhi.

Jesu Nazarevi Icahi.

(Mt 13.53-58; Mr 6.1-6)

¹⁶ Jaanegui Jesu Nazare cuumijaa fuuhi tuucuumivi ifiivuuuhigo. Jaaboro judiomи jaguisifucu sinagogajafaño jicafutuubo, ijeevamaje iicanicibadi. Jaaboro julleeveubo Caatinihameque ihiimaasuqui.

¹⁷ Jaaboco Moocaani iimaaminaafi Isaia aameque aciumo. Jaahaameque faayiciubo jilli noonoco atyimeuhi:

¹⁸ Aivojibо Gaija tahalliví icahi. Uco ijeevadи ficuuhi iimino jibogoco iidaasufiimoco aciqui. Uco galluubo ijebiino iidaasufiimoco buheesuqui, civojafa iicamoco taajasubogoco jibeguequi, aatyimetimo aalliuunoco faayiqui, iidaasuno omoonimoco taajasuqui, ¹⁹ Aivojibо imino omoonijisumico jibeguequi, onoonoco.

²⁰ Jaaboro Jesu toohaameque afabaacuuboro sinagogaja amusuminaafico aaciuboro casiivuuhi. Paryi toojafaño iicaumo imino diiboco iifinicihicauhi. ²¹ Jaadi ticoniubo onoobo: Jifucu icacuuno amiihai imefeenevi Caatinihamefaño jilli onoono, nooboro.

²² Jaanaa paryi famooro Jesuditи iimino iimaahicauhi. Jaamoro jabafituuhi ovosiino iimaaco diitoco eneehicauner. Jaamoro noocasihicauhi: ¿Nacu jaani Jose achi icatino? noomoro.

²³ Jaanegui Jesu diitoco nuuhi: Fine amiihai uco meneeji onoonicibadi: Taabuminaafi idicaabo tahи iiro difico buheesu, noomoro. Jaamoro uco meneeji: Capernauví omooniuunoco mugubububadи jino dimiya jiiniheví mooni, meneeji, ²⁴ nooboro cuhubacafutuubo ihimaaubo: Miyanotiro amihaico neehi, chahaaboo aivo Moocaani iimaaminaafi ijiniheví imino agaayicafotoobo. ²⁵ Miyaano, aivo sihidи fibajito gaigoomi icaurahi Israel cuumivi; Moocaani iimaaminaafi Elia onoobo iicausumi aiguutino mifocabaci, saficaba, sificabatifeenedi icano ticovovi. Jaaneri toojiinijeví sihidи ajeba icauhi. ²⁶ Jaarumo Israel cuumi fibajitojaa Moocaani Eliaco galluutihu, saafigoro Sarepta cuumi Sidon cuumi fiitino iicaucuumiri

iicaugojaa galluubo. ²⁷ Jaabadiro bu sihidí icaumo Israel jiinijeví foojohori iguihuvaumo Moocaani iimaaminaafi Eliseo iicausumi. Jaarumoti saafiiiba buheesurautihi idiboro Naaman onoobo Siria jiinijeoboo buheesucafatuuhí, nooboro.

²⁸ Jillí unuunoco uguubuumoro paryí sinagogajafaño iicaumo sihidí sifiratuuhí. ²⁹ Jaamo agañiivuumoro Jesuco tuucuumiti buhigovi gañiuhi. Jaamoro diiboco satyuumo ifagaji nijequeví togaji nijequeti diiboco igañiiqui togajihalliví tuucuumi iicaugajifaño. ³⁰ Jaarunaa Jesu diitofeededi afatyuuboro fuucuuhi.

Saafi Iimitino Ijima Iicaubo.

(Mr 1.21-28)

³¹ Jaaboro Jesu fuuhi Capernauví Galilea jiinije cuumivi. Jahi jibeguehicaubo miyaminaaco jaguisifucusumi. ³² Jaaneri eetyehicaumo diitoco mityano aivojíbo ijibadi icaneri ijibeguehicaunerí.

³³ Jaanaa sinagogajafaño icaubo saafi iimitino ijima iicaubo. Jaabo gaihivuuhi: ³⁴ Miīhaico suufeni. ¿Collíhi miīhajaa saahi ijoho Jesu Nazareoobo? ¿Jaabo saahi miīhaico finisuqui? Ico uujoho gaajahi. Ijoho idiumiibo Moocaani, nooboro.

³⁵ Jaanegui diiboco Jesu iibauhi: ¡Líivi diica! Jaaboro diiboco deevesu! nooboro.

Jaanegui ihiji imiyaminaafico baavi gañiuhi diito imefeenevi. Jaarubo diiboco millí moonitíbo diibotí iinuuhi.

³⁶ Jaaneri famooro iigutuumoro fahigova noocasihicauhi: ¿Coyomo iimaajino? Jaani aivo mityano aivojíbo ijiri tajibahi ijimico. Jaaneri diito iinehicahi, noomoro.

³⁷ Jaanoco Jesudítí jibocasicumo fahigovadíhallidí iicaucuumijeri.

Jesu Buheesuhi Simon Pedro Baaboco.

(Mt 8.14-15; Mr 1.29-31)

³⁸ Jaadi Jesu sinagogajafañotí ihiinuudi fuubo Simon Pedro ijafáño. Jaanaa Simon Pedro baabo sihidí guihuvali sinafeterí. Jaaneguiha Jésuma iimaumo diigohalliví. ³⁹ Jaanegui Jesu diigojaagovi idiji vuuboro iguihuvaco iibaboo. Jaaneri iguihuva diigotí bucuhí. Jaasumiro agañiivuugoro diitoco jeecivehicaugó.

Jesu Ajashutimo Iguihuvamoco Buheesuhi.

(Mt 8.16-17; Mr 1.32-34)

⁴⁰ Jaanaa mihiijicuudi fanova guihuvari iguihuvamoco Jesu jaa sivahicaumo. Jaamohalliví ihuseque ificuunerí buheehicaumo. ⁴¹ Jaamo paryí iguihuvamoti, tolliro saatohofañotí imitino ijimi ihiinomoro gaibacanimoro neehicauhi: Ijoho Moocaani Achi, noomoro.

Jaarumoco Jesu ihibauboro iimaasuhicauhi, diiboo Cristo iicanoco diito ihijimi agaajahicauneguiha.

Jesu Galileavi Jibeguehi.

(Mr 1.35-39)

⁴² Jaanaa mesesevecuudi Jesu fuuhi tuucuumiti buhigovi. Jaaruboco miyaminaa iguiinuumo diibovi ifutuuhi. Jaamoro diiboco gaijürumo footíbo iicaqui. ⁴³ Jaarunaa Jesu diitoco nuuhi: Tolliro bu silicumijeque aciji Moocaani aivojí jibogoco, toonegui uco galluubo, nooboro.

⁴⁴ Jillí iguehicaubo Jesu Galilea sinagogajanofaño jibogooboro.

5

Sihidi Ejeevano Fiici.

(Mt 4.18-22; Mr 1.16-20)

¹ Safoono Jesu ica hicauhi Genesare muuajiniri. Jaanaa miyaminaa sihidi gaseuhi. Jaamo diiboco ijene jimatageruhicauhi Moocaani jiibogoco uguubunoco iimugumaño. ² Jaanaa Jesu atyimeuhi migaaaci meene-gaacico jiinigaibaahojiniri icanoco. Jaanaa togaje abajato fici minaa ihinuumoro isinicuuhunoco nitihicauhi. ³ Jaanegui Jesu sagafa jicafutuuh Simon meenega iicaugafaño. Jaaboro tajibaubo tehesijisuno imeene-gaco ijiniti iminiyuqui. Jaadi Jesu ifagafafaño acasiivuudi ticoniubo jiibuguubo tahigoti. ⁴ Jaabo ihimaanoco iimivuudi Simonco nuubo: Dimeenegaco satyo janaanic amachimañovi. Jaaboro disinicuhunoco gañii. Jaabo taavaco diicahi, nooboro.

⁵ Jaanegui Simon nuuhi: Jiibogominaafi, mihai fucuhachuta dudicamaaimoro mihicacuurumo ajashuno mihicitihi. Jaarunaa ijoho eneenegui gañiji tasnicuhunoco, nooboro saatohoma ⁶ gañiumo. Jaabo sihidi taavaco baasuhi. Jaaneri isinicuuhu gallicamaaiuhi. ⁷ Jaanegui saatoho igataavominaa sigafaañ iicaumoco coovaumo diitoco ihamusuvaqu. Jaanegui asaaumoro fagaacicoro gahafusuhi taavari. Jaaneri togaaci niituarahi. ⁸ Jaanoco Simon Pedro aatyimeuboro Jesuguino memuivuuh. Jaaboro diiboco nuuhi: Aivojibo, uuti buhi difoo, uujoho imitimaaf, nooboro ⁹ sihidi taavaco iiciuneri sihidi ajabafiivutuumaño. Bu tolliro famooro igutuuh. ¹⁰ Tolliro bu Zebedeo seeme igutuuh Jacoobo onoobo, bu Jua icamisi Simon gataavominaatasi.

Jaarunaa Jesu Simonco nuuhi: Diiguetejirahana. Jisumitiro miyaminaa fiiciminaafit diicaji, nooboro.

¹¹ Jaadi imeeneneque isi asatyuudi fanoocoro ejeevesuumoro fuucumo Jesu dojicuti.

Jesu Foojohoma Iicaaboco Buheesuhi.

(Mt 8.1-4; Mr 1.40-45)

¹² Jaanaa Jesu tuucuumijeri icaunaaca saafi gaseuhi foojohoma iicaubo. Jaabo Jesuco aatyimeuboro memuivuubo, jiinijejaagoviro dijiciniboro diiboco nuuhi: Aivojibo, idiimogohachiji uco buheesu, nooboro.

¹³ Jaanegui Jesu ihuseri diiboco ududiiciuboro nuuhi: Imeguehi. Buheetecu, nooboro.

Jilli unuusumiro ifoojoho diiboti buuhi. ¹⁴ Jaaboro Jesu tajibauchi mihaiñoobaco jiibogotib o iicaqui. Jaaboco nuubo: Difoo. Jaaboro sacerdotejaa difico dihifusuto. Jaaboro toono ico iimibachuno jaadabadi iicanoso asigayiti satyoobo Moocaanico deecivoto Moise atajibaunobadi iicanoco. Jaanoco miyaminaa aatyimemere igaajaqui ubuheecunoco, nooboro.

¹⁵ Jaanaa Jesuti ijibocasiuno janaanic viro feehicauhi. Jaabojaa sihidi miyaminaa igaivehicaudi diiboco uguubunicavamoco iguihuvanotibuheesuqui. ¹⁶ Jaarunaa Jesu miyaminaa achahahi ofooboro Moocaanima iimaahicauhi.

Jesu Buheesuhi Idiino Isifañiboco.

(Mt 9.1-8; Mr 2.1-12)

¹⁷ Safoono Jesu miyaminaaco jiibeguehicaudi. Jaanaa diibo fuitino giçinumo saatoho fariseomioto, caatiniminaa icamo Galilea, Judea,

Jerusale icacuumijeti asaaciniumo. Jaamofeenevi Moocaani mitya ifusucafetehicauhi iguihuvamoco ubuheesunofeedi. ¹⁸ Jaanaa gaseumo saatoho gaifimi idino isifañiuboco cigaijeri ihiibimoro fañoojavi ijihacumoro Jesu imefeene ifaduqui moonihicaurumo. ¹⁹ Jaarumo ijicafetequi imoonicuuruhi sihidi miyaminaama eteteciniunegui caamo ufumoro iniibahucuco afaayiciumoro iguihuvauboco icigaijema caamoti niitusumo miyaminaa uufocodi. Jaamoro Jesu imefeenevi faduumo. ²⁰ Jaano diito miyaavogoco Jesu aatyimeuboro iguihuvauboco nuubo: Miyaminaafi, dihimiti ico buusucafutucuuhi, nooboro.

²¹ Jaanoco uguubuumoro fariseomi, caatiniminaa icamo ticovauhi esamaaiumo: ¿Miijoho jaani jilli onooboro Moocaanico ihiimaari imitino omooniibbo? ¿Miijoho imitico buusujirahi? Saafiro Moocaani imitico buusujirahi, noomoro.

²² Jilli noomoro esamaaiunoco Jesu agaajaciuboro nuuhi: ¿Collihi amiihai tolli mehesamaaihi? ²³ Fameediro itihirunoco dihimiti imibachucafutucuhi neehi, tolliro bu gañivoobo, diigo onoono. ²⁴ Jaaneguiha amiihaico gaaajasiji uujohoh Miyaminaafibadi Ifivuubo jiinjehallivi imiti imibachu mityama iicanoco, nooboro.

Jaadi nuubo idino isifañiuboco: Ico neehi, gañivo. Jaaboro dicigaijjeque diiciibo, fuucu diijajaago, nooboro.

²⁵ Jaasumiyo idino isifañiubo gañivuuhi diito imefeenevi. Jaaboro icigaijjeque toonohallivi isicininhicaunoco iiciuboro fuucuubo iijajaago Moocaanico imooboro. ²⁶ Jaaneri famooro ajabafituumoro Moocaanico imehicaumo. Jaamoro sihidi iigutuumoro nuumo: Jaachiiji mahatimehi aivo ajabafiranoco, noomoro.

Jesu Levico Coovahi.

(Mt 9.9-13; Mr 2.13-17)

²⁷ Jaanobuunati Jesu fuuhi impuesto jaadusuminaafi Levi onoobojaaago, ajaadusuhicaumañeri giciniba icauboco nuutuubo: Tadyojicuti disaa, nooboro.

²⁸ Jaanegui Levi fuuhi Jesuma paryi fanoocoro toonovi ejeevesuuboro.

²⁹ Jaanegui toonobuunati Levi Jesudi eetavuhi iijafaño guiraajibaimoco. Jaanaa sihidi saatoho impuesto jaadusuminaa imachuqui gicininicinihu diitoma, bu sihidi saatoho miyaminaa icano. ³⁰ Jaanoma iicamo fariseomi, caatiniminaa icamo Jesu jibogominaaditi imitino iimaauhi: ¿Collihi amiihai mamachuhi, mahaduhi icano impuesto jaadusuminaama, bu saatoho imiti miyaminaa icamoma? noomoro.

³¹ Jaanegui Jesu diitoco iimusuuhi: Imimo iguihuvatimo taabuminaafico imogotatihi. Jaanoti iguihuvamoro imoyicifihi taabuminaafico. ³² Jaabadiro uujohoh imino icahi onoomoco cuuhuvaqui saahinitihi. Iimifitmegui saahi iimiti ifico ijeevesuqui, nooboro.

Jesuco Dilluumo Machutimo Aigafinohallivi.

(Mt 9.14-17; Mr 2.18-22)

³³ Jaanegui diito Jesuco dilluhi: ¿Collihi jana Jua jibogominaa, fariseomi jibogominaa icamo machutimo aaigamoro sihidi Moocaanima iimaahicamo? ¿Jana milliti dita machuhicahi, aduhicahi icano? noomoro.

³⁴ Jaanegui Jesu ooviciuboro iimusuuhi: Taabava jii**baimovi** oovicihi. ¿Nacu amiihai taabava jii**baimoja** mucuhuvamoco machusutimo mahaigasujirahi tojaabo icanaaca? Tobadi tajii**bogominaama** icahi. ³⁵ Jaanoti icajinehiica diitediti uco udumitii**cijino**. Jaadi jari ii**daasuno** iicaneri aigajimo, nooboro.

³⁶ Jaaboro diitoco bohono Moocaani jii**bogoco** ijii**beguequi** jilli ohooviciuboro nuubo: Mi**ihaiñooba** aivo bochehu gaacheheti quiticitatihi eedeechehuco imaahuni*iqui*. Jaanoti tolli imooniruva bochehu icaruno eedeechehubadi icacujiruno. Jaanomaryo bobaryu eedeechehufañti imijitirahi. ³⁷ Jaabadiro bofaihu aivofaihuco asimi meehe eetavota eedeejutafaño mificutatih. Jaanoti tolli momooniruva tofaihu tujutaco ejerucaruneru fatyejirahi. Jaaneri tofaihu, tujuta icano gañii**cafetejirahi**. ³⁸ anegui bofaihuco bojutafaño mificutatih. Jaano fanociro imino ficucafetefihi.* ³⁹ Siino nuubehiica: Eedeeffaihuco aivofaihuco aadumo, bofaihuco imogotatih. Eedeeffaihu aivofaihu imihi, noomoro.†

6

Jiibogominaa Icihi Arrozbadi Ejeevano Trigo Onoonoco Jaguisifucusumi.

(Mt 12.1-8; Mr 2.23-28)

¹ Safoonoo Jesu jaguisifucusumi basutaanofeededi igooboro feehicauhi. Jaanaa ijii**bogominaa** trigo noovataco icimoro feehicauhi. Jaamoro ifagaañoooco ihuseneri iquichecimoro ifagaañoooco machuhi-cauhi. ² Jaanegui saatoho fariseomioto diitoco dilluuhi: ¿Collihi amiihai mududicamaaihai jaguisifucusumi momoonitatino? noomoro.

³ Jaanegui Jesu diitoco iimusuuhi: ¿Jana amiihai magaatatihica aamefa onoonoco, safoonoo David diiboma iicaumo ajebama icamoma omooniunoco? ⁴ Mi**iro** Moocaani ijafaño ufuuboro jecivo maahunoco ii**ciuboro** machuubo, jaaboro bu tolliro aciubo diiboma iicaumoco icano. Toono Moocaanico ejecivucuuno maahunoco idiomoro sacerdotem machujirahi, nooboro.

⁵ Jaadi bu tolliro nuubo: Jaguisifucuco mityano mehesicinihi. Miyaano tolliru. Jaaruno janaanicu uujojo Miyaminafibadi Ifiivuubo mityahi, nooboro.

Ihuse Ifiigatyuubo.

(Mt 12.9-14; Mr 3.1-6)

⁶ Jaadi sifoo jaguisifucusumi Jesu sinagogajafaño ufuuboro ticovauhi miyaminaaco ijii**bogoobo**. Jaanaa icaubo saafi miyaminaafi imiyanaagohuse ifiigatyuubo. ⁷ Jaanaa caatiniminaa, fariseomi icamo iifinicihicauhi Jesuco: ¿Naa jaguisifucusumi buheesujiibo? noomoro siibadi iicanohalliti diibohallivi ihiimaaqui.

⁸ Jaamo tolli eesamaaiunoco agaajaciuboro ihuse ifiigatyuuboco nuubo: Gañiivoobo joono diitofeenevi dulleeve, nooboro. Jaanegui diibo agañiivuboro feenevi julleeveuhi. ⁹ Jaadi Jesu diitoco nuuhi:

* 5:38 Jilli Jesu nuuhi eedeeji**bogoco** mejeevesumoro bohono jii**bogocoro** meheetaveji. † 5:39 Jilli nuubo eedeehifico mihimogomoro bohono ifico mihimoguejiti*noco*.

Ene amiihaico dilluji: ¿Jinejeque Moise tajibauhi jaguisifucusumi mooniqui iiminoco, nacu iimitinoco? ¿Mubuheesunoco, nacu miguijeninoco? nooboro.

¹⁰ Jesu ihuufocori iicaumoco fahigovaco emeeciuboro nuubo ihuse ifiigatyuboco: Dihuseque fallirihicaru, nooboro.

Jaanegui diibo afallirihicaruunerdi diibo use imituuh. ¹¹ Jaaneri saatoho sihid sifiratuuh. Jaamoro sanomiro dillucasihicauhi: ¿Milli fine momoonijirahi? noomoro Jesuditi.

Jesu Ichi Minisuminaati Fahuseeci Motihaiti Miimisiici Idiino.

(Mt 10.1-4; Mr 3.13-19)

¹² Jaasumi Jesu fuuhi ifabaijaago Moocaanima ihiimaaqui. Jaabo icauhi fucuhachuta cigatibbo Moocaanima ihiimaaboro. ¹³ Jaanaa meseseeveudi coovaubo ijibogominaaco. Jaamoti iciubo fahuseeci motihaiti miimisiici idiomoco. Jaamoco momoniubo minisuminaati. ¹⁴ Jaamo momono jino Simon icaruuboco Pedroti omomoniu, Andre onoobo Simon nahabo, Jacoobo, Jua, Felipe, Bartolome, ¹⁵ Mateo, Tomas, bu Jacoobo Alfeo onoobo achi, bu Simon onoobo cananistamioobo, ¹⁶ Jacoobo achi Juda, bu sajuda Iscariote onoobo Jesuco aaciujibbo icamo.

Jesu Sihidi Miyaminaaco Jibeguehi.

(Mt 4.23-25)

¹⁷ Jaamoma Jesu togaji nigaciti iniituboro nametje iicaumaño ijibogominaama fitafutuumo, tolliro bu sihid fahigovao miyaminaa icauhi, Judea jiinjeo miyaminaa, Jerusale miyaminaa, Tiro, Sidon icano muuaijinio icamo. Jinoodimo gaseuhi Jesu ijico uguubunicivaumo, bu diitoco iguihuwanoti ibuheesuqui icano assaumo. ¹⁸ Iimitino ijima iicaumo tolliro buheesucafetehicauhi. ¹⁹ Jilli famoova Jesuco idudiici qui moonihicauhi famoovaaco imityari ubuheesuhicauneguiha.

Imo Imo Mihicano, Idaasuno Mihicano Icano.

(Mt 5.1-12)

²⁰ Jaanoma iicaabo Jesu ijibogominaaco nuuhi: Imicani amiihai Moocaanico mihimogomo mihidaasufimaño. Jaamaño amiihai Moocaani aivojifaño mihicaji.

²¹ Imicani amiihai jisumi Moocaanico magaajanoco aivo mihimogomo. Jaanegui ufucu imo imo mihicaji.

Imicani amiihai jisumi mataacasimo. Jaarumo ufucu imo imo mihicani mejejebacasiji.

²² Imicani amiihai mihicahi miyaminaa amiihaico ijihervesumi, buhi amiihaico agañisumi, amiihaiditi imitino ihiimasumi, amiihai momoco iimitinobadi ijihervesumi uujojo Miyaminaafibadi Ifiivuubo momoco imiyaavogonohalliti. ²³ Jaasumi mihimibaivomoro imo imo mihicacu guiraano amiihai jaadama niiquejefano mihicajineguiha. Tolliro tuucumijeo eedeetemihai Moocaani iimaaminaaco idaasuno moonihicauhi.

²⁴ Jaanotididaasucani amiihai mihicaji sihid minihibamivamo, amiihai imino imo imo jisumiro mihicacuumo.

²⁵ Idaasucani amiihai jisumi mutuvacinimo, ufucu sihid mahajebavajimo.

Idaasucani amiihai jisumi mejejebacasimo, ufucu idaasuri mataacasi-jimo.

²⁶ Idasucani amiihaiji, amiihaiti famooro miyaminaa iminoono ihimaasumi. Bu tolliro diito eedeetemihai imiti jibogominaaditi: Imimo, noomoro iimahicauhi.

Mominaaco Magaijino.

(Mt 5.38-48; 7.12)

²⁷ Jaanoti amiihai uco muguubunicimoco neehi: Amiihai minaaco magaiji. Imino momooni amiihaico ijiheguemeque. ²⁸ Imino monoo amiihaico imitino onoomoco. Moocaanima mihiimaa amiihaico imitino onoomohallivi. ²⁹ Jaanoti saatoho amiihaico, amiihai ime saanaago imeti agabavacuhachiji, tolliro saanaago imeque mahaci tolliro bu iga-bacuqui. Jaanoti saatoho amiihai caamoojaco udumitiichachiji, bu tolliro amiihai sacoco mahaci isatyequi. ³⁰ Jilli daaci cajaatyohacho ico siinoco idillumoco. Jaanoti bu sita diinoco iicicuunoco dihiimaasucuduno. ³¹ Amiihaico sita imino omooninoco mihimogobadi, sitaaco imino momooni.

³² Jaanoti amiihaico agaijimocoro bu magaijhachiji, ¿coyomo imi fine toono? Jilli famoova tolli moonifihi, iimifitimo bu tolliro moonifihi icano. ³³ Jaanoti bu amiihaico imino omoonimocoro, imino moonihachiji, ¿coyomo imi fine toono? Tolliro bu iimifitimo tolli moonifihi. ³⁴ Jaanoti: Diitoti siinoco icipi, noomoro siinoco mahachachiji, ¿coyomo imi fine toono? Tolliro bu iimifitimo iiimitimoco siinoco acifili; Diitoti siinoco mihiciqui, noomoro. ³⁵ Jaanoti amiihai, amiihai minaaco magaiji, sinehejeque diitoco mahaci: Diitoti siinoco toono jaada mihiciqui, nootimo. Jaachijiji guiraajino amiihaico niquejefaño ajaaduno. Jaamo Moocaani caamovohi iicaabo seemeti mihiachi. Jaabo diibo tolliro imino mooniboro famoocoro, bu aacinohallivi chacisutimo iicahicarumoco, iiimitimeheje iicarumoco icano. ³⁶ Jaanegui amiihai sitaaco mihidaasugo amiihai tahe Moocaani iicabadi.

Amiihai Sitaaditi Imitino Mehesicinimoro Mihiimaadino.

(Mt 7.1-5)

³⁷ Sitaaditi imitino mehesicinimoro mihiimaadino, jaachijiji Moocaani amiihaico tolliro neejitihu. Sitaaco iimitico meneedino, jaachijiji Moocaani amiihai imitico neejitihu. Sifiima mihiibacasinoco imino mihimibachucusi amiihai imitico Moocaani ibuusuqui. ³⁸ Sitaaco siinoco mahaci. Jaaneguiha amiihaico bu Moocaani tolli aciji; illeegucufaño imino ooviciboro, imino gatyuuuci cuhufono cabiiciiboro teteecuboro. Jaanoti amiihai sitaaco mohoovobadiro Moocaani amiihaico eeveji, ³⁹ nooboro Jesu jilli oovicuihu: ¿Nacu ihaalliuma achahaaboco bu sifi ihaalliuma achahaabo siiguejirahi? ¿Nacu famisiciro ifapaaajefaño aquetetejirahi? ⁴⁰ Jaabadiro cajaatyo miyaminaa ijibogominaafi janaanicci jeevatatihi. Jari ijibogonoco iimivucuudi ijibogominaafibadi jeevajirahi.

⁴¹ ¿Milli jaabo dinahabo aallifaño iicanoo beevagayico adaatyimeebi, dihaallifaño cutuucidino iicanoco daatyimetih? ⁴² ¿Milli jaabo dinahaboco neejirahi: Tañahabo, ene ico dihaallifaño iicanoo beevagayico icipi, neejirahi dihaallifaño cutuucidino iicanoco daatyimetib? Tajeebi imili, nooboro sitaaco abafifiiboro, iticoni dihaallifaño iicatuucico diici. Jaadi jari imino daatyimeji dinahabo aallifaño iicanoo beevagayico. Jaadi diiboco adaamusubo gañiji.

Imohoco Inoovatatiro Magaajatahi.

(Mt 7.17-20; 12.34-35)

⁴³ Chahaho imoho iimoho iiimitinoco onoovaho. Jaabadiro chahaho iiimitiho iiminoco onoovaho. ⁴⁴ Jaamaño inoovatatiro siyomo imohonoco magaajatahi. Jarimoho añaajebaco noovajitirahi. Tolliro sisimicoohai baacuhico noovajitirahi. ⁴⁵ Jaabadi iimihuseebe iiminocoro neefhi miyaano ijeebiifaño iicamaño. Jaabadiro iimitiiboo imitino iimaanicahi, ijeebiifaño iimitino iicamaño. Jaamaño iijiri ihiimaano ijeebiifaño agahaficinnoti saahi.

Iija Tano Eetavovi Oovicino.

(Mt 7.24-27)

⁴⁶ ¿Collihi amiihai uco: Aivojiiboo, Aivojiiboo, monoomoro uujoho onoonoco meheetavehicitahi? ⁴⁷ Amiihaico neeji: ¿Jinejebadi fine jeevaabo tajaago asaabobo uco uguubuuboro uujoho atajiibanoco eheetavobo? ⁴⁸ Fine saafi miyaminaafi iijaco eheetavuubobadi iticoni seediubo faicuvano. Jaadì tanooco nicuubo guisibanolahallivi. Jaanobuunati teehi amachituuno inifaihu sefano toojaco ičihiniurahi. Jaaruno toojaco maryibasuutihu, guisibanolahallivi cuhufono tano inicuciniumaño. ⁴⁹ Jaanotì uco guubucuruubo uujoho atajiibarunoco omoonitiiboo jilli jeevahi; ticovono iijaco jiiinggaibaahohallivi cahajino ificuubobadi jeevahi. Jaaja teehi amachituuneru inifaihu toojaco sefano ičihiniuneru tooja acutuuhi. Jaaneri tooja paryi imivocafutuuhi ifinija.

7

Jesu Buheesuhi Romanomi Amocasiminaa Aivojiiboo Cojiminaafico.

(Mt 8.5-13)

¹ Jaadi Jesu miyaminaama ihiimaahicaunobuunati fuucubo Capernau cuumivi. ² Jahi icaubo aivojiiboo romanomioobo. Jaabo icojiminaafico sihidi agaijubo guihuvali. Jaabo niinovacuuhi. ³ Jaabo ihaivojiiboo Jesuti ihiimaunoco uguubuuboro judiomifeenet iquillahutoco galluubo Jesuco ijibeguetequi asaabobo diiboo jeecivominaafico ibuheesuvaqui. ⁴ Jaamo Jesujaa ufuumoro ticovauhi diiboco onoomo: Romano aivojiiboco daamus, aivo imihuseebe ⁵ muucuumico aivo gaijiiiboo. Jaaboro miihaidi sinagogajaco eetavusuhiniiboo, noomoro.

⁶ Jaanegui Jesu diitoma fuuhi. Jaamo fittivucunaa romano aivojiiboo saatoho inahaboniminaaco galluvali Jesuco ineetequi: Hijoho Aivojiiboo, jaafa icacuuno sihidi jeevahi jaabo iijafaño asaaajiruno. ⁷ Cono bu uuro dijaago ico iictiobo foonova. Jaaneguiha saatiboro tahigotiro dinoo. Jaaneri tacojiminaafi buheej. ⁸ Uujoho bu icaruubo aivojito tajiibaguiino icaahi. Jaabadiro bu amocasiminaahallivi uujoho aivojiiboti icaahi. Jaamoti saatohoco: Difoo, unuusumi saanicimo, tolliro tacojiminaafico: Siinoco deetavo, unuusumi eetavoniciboo, nooboro.

⁹ Jaanoco Jesu uguubuuboro sihidi jabafiuuhi. Jaaboro diiboo dojicuti sihidi asaaumoco emeeciuboro nuubo: Miyanotiro aivo Israael cuumiminaa icarumofaño atyimetahi jaani janaanic miyaavogoco, nooboro.

¹⁰ Jaamo ihaivojiiboo agalluumo iijajaa dojicuviro uhuumiumo atyimeuhi icojiminaafi ubuheetecuunoco.

Jesu Buheesuhi Fibaijigo Achico.

11 Jaanobuunati Jesu fuuhi Nain onoocuumijaago. Jaaboma fee-hicaumo ijibogominaa, sihidi miyaminaa icamo. 12 Jaabo tuucumiti ifiitivuubo atyimeuhi chuumuhuco iciitequi asatyumoco fibajigo seemene idiboro iicaubo iguijeveuboco. Jaagoma sihidi tuucumio miyaminaa fuuhi. 13 Jaagoco Jesu aatyimeuboro idaasuguuhi. Jaaboro diigoco nuubo: 14 Taajirahana, nooboro ichuumuhujaa ufuuboro tuuhuco dudiicituubo. Jaasumiro tuuhuco ihiibiumo jullecamaaiuhi. Jaanegui Jesu ichuumuhuco nuuhi: Sicafe, ico neehi: ¡Gañivo! nooboro.

15 Jaasumiro uchuumucuubo agañivuuboro casiivuuh. Jaaboro iimaacuubo. Jaaboco Jesu siino seejico aciuhi. 16 Jaanoco aatyimeumo sihidiro iguiumoro Moocaanico imehicauhi: Sihidi jeevaabo aivo Moocaani iimaaminaafi miihaivi jafevehi, noomoro. Bu neehicauhi: Moocaani saahi iicuumico itaajasuqui, noomoro.

17 Jaanoco guubuumo paryi Judea jiinijeri ihallidi iicaucumineri Jesu omooniunoco.

Jua Nitiminaafi Agalluumo.

(Mt 11.2-19)

18 Jaamo Juama iicahicaumo diiboco paryi jibugucuuhi Jesudit. Jaanegui diitoti miimisiiciti ocoovauboro,¹⁹ Jesuajaa galluubo idillutequi: ¿Naa miyaano ijoho oono Cristo asaajiibo? ¿Jaanotí diibo iicatihachiji sifiico iteemeequi? 20 Jaanegui Jua agalluumo Jesuajaa ufumoro nuuhi: Jua Nitiminaafi miihaico galluuhi ico midilluqui: ¿Naa miyaano ijoho oono Cristo asaajiibo? ¿Nacu sifiico meteemeji? noomoro.

21 Jaamo diito diibovi ifutuunaaca Jesu buheesuuhi sihidi miyaminaaco iguihuvanoti, iimitino ijimiti icano, tolliro aatyimetimehejeque ihaallinoco imitusuhicaubo. 22 Jaanegui Jesu diitoco iimusuuhi: Mofoo. Jaamoro Jua Nitiminaafico mijibogo mahatyimeneque, mugubunoco icano. Mijibogo milli aatyimetimo atyimeneque, iigotimo iguehi, ifoojohoma iicamo buheesucafetehi, inohojino uguubutimo guubucuuhi, iguijeveme siino buheesucafetehi. Jaanotí idaasufimoco taajasujibogoco jibeguehi. 23 Imican icajiboo uvvi iimitinoco aatyimetiboro imiyaavogoobo, nooboro.

24 Jaadi Jua Nitiminaafi agalluumo ufuunobuunati Jesu miyaminaaco Jua Nitiminaafiditi nuuhi: ¿Jinejeque amihai memeeciyeuhi sicaihigovi? ¿Saafi noofajicuco guibuhuba ejebehin nobadi iicatiboco, eti?

25 ¿Nacu, jinejeque memeeciyeuhi? ¿Saafi miyaminaafi iminoono gaachehunofaño jiciniboco? Jilli icautino. Amiihairyo magaajahi iminoonofaño ijicinimo aivojito iijanofaño icanicihi sinehejeri imo imo iicamo. 26 Jaanotí ¿jinejeque nacu memeeciyeuhi? ¿Nacu Moocaani iimaaminaafico? Jiihi, miyaano, saafi janaanici Moocaani iimaaminaa janaanici ejeevaabo. 27 Diibo Jua, diiboco tahimega agalluujinoco Caatininhaamefaño jilli onoobo:

Uujoho tajibogominaafico, dihimegavi galluuhi, dihimega jiihaico iimbachuqui.

28 Amiihaico neehi: Paryiicino miyaminaafeenet chahamo Moocaani iimaaminaa Jua Nitiminaafi janaanici iicamo: Jaarunofaño jisumiti sihidi ejeevatiboo Moocaani aivojifaño Jua janaanici sihidi jeevahi, nooboro.

29 Jaanoco paryi miyaminaa impuesto jaadusuminaa icamo Jua nitico agaayicumo miyaavuguuhi Moocaani tajiba miyaano iicaunoco.

30 Jaarunaa fariseomi, caatiniminaa icamo Jua nitico agaayiciutimo thihsuuhi Moocaani iimuguuboro diitedi omooniujirunoco. ³¹ Jaanoma iicaubo Aivojibbo Jesu nuuhi: ¿Jinejevi fine jisumio miyaminaaco ooviciji? ¿Jinejebadi fine jeevamo? ³² Jiihi, jilli fine ooviciji oono seeme goohasinovi acasiivomo abañamaaimoro igataavominaaco ocoovadiinamaainicimobadi jeevamo: Amiihaidi siruuco miguisicuurahi. Jaarunaa mihimogothi magaaseneque, noomo. Jaanegui iidaasujijequ taca mamasivaqui, noomo. Jaarunaa mihimogothi, noomo. ³³ Jaabadi iicanoo Jua Nitiminaafi saauhi machutiboro aigafiboo, aivofaihuco adutiboo icano. Jaaboco amiihai iimitino ijima iicaabo meneehicauhi. ³⁴ Jaanobuunati saahi uujooh Miyaminaafibadi Ifiivuubo amachuubo, aaduubo icano. Jaaboco amiihai uco meneehicahi machufifiibo, adufifiboo impuesto jaadusuminaa, imitiminaa icamo gataavominaafi uco menehicahi. ³⁵ Jaarunaa Moocaani gaaja miyaano iicano gaajacicafetehi diiboco agaajamofañodi, nuubo.

Jesu Icahi Fariseomioobo Simon Iijafaño.

³⁶ Jaanaa saafi fariseomioobo Jesuco coovauhi diiboma imachuqui. Jaanegui Jesu jaahe ufuuboro imachuqui casivuuhi. ³⁷ Jaanaa saafigo gaigo tuucuumiogo imitino iicahicaugo Jesu Simon fariseomioobo iijajaa amachutuunoco agaajaciugoro saaugo, alabastro paaje gatyucci diiriba imono facicisucinifaihuma. ³⁸ Jaago taagoro Jesu tihai cojivi iminfutuugoro ticoniugo Jesu tihainoco ihaallii tofaihuneri ejeesugo. Jaagoro imeebaiguiri ifilluugoro totihaijeque niniicichicaugo. Jaadi ifacicifaihuco toonohallivi tucaruugo. ³⁹ Jaanoco, Jesuco ucuuhuvaubo ifariseomioobo aatyimeuboro esamaaiuhi: Jaani miya, Moocaani iimaaminaafi iicaruva gaajajiruubo miijoho diiboco coyomo miyaminaago ududiicinoco miiro diigo imitino iicafino gaigo, nooboro ijeebiifañodi.

⁴⁰ Jaanegui Jesu ifariseomiooboco nuuhi: Simon eneecaau ico siinoco neequi, nooboro.

Jaanegui ifariseomioobo iimusuuhi: Dinoo, jibogominaafi, nooboro.

⁴¹ Jaanegui Jesu nuuhi: Miimisiicico saafi nihibamico aaciunoco debehicaushi. Saafi debeuhi sahuse boogava ticovovi. Jaanoti saafi debeuhi cincuentadi aameva iicano. ⁴² Jaarunoco diiboco ajaaduutinoma iicaubo famisicicoro ideudaco jeevesucuuhi. Ene uco dinoo; ¿Naa cajaani fine diitisiti janaanicci diiboco gaijihu? nooboro.

⁴³ Jaanegui Simon diiboco iimusuuhi: Fine janaanicci guiraano edebeuruubo, nooboro.

Jaanegui Jesu diiboco nuuhi: Jiihi, jahi, ⁴⁴ nooboro diigoco emeeciuboro Simonco nuuhi: ¿Naa daatyimehi jaamoco? Uujoho diijafa saarahi. Jaaruuboco nifaihuti daacitihu tatyihaiico nitiqui. Jaanoti jaamo gaigo uco tatyihaiico ihaallii tofaihuri nitihu. Jaagoro imeebaiguiri filluugo. ⁴⁵ Uco niniicitihu. Jaanoti diigo agasenetiro suufenitihu tatyihaiico ininiicigo. ⁴⁶ Uco deesutihu facicifaihuri taañigaico. Jaanoti diigo diiriba facicinoco tatyihaiico jeesuhi. ⁴⁷ Jaanegui ico neehi: Sihidi iimitico ubuusucuuneguiha uco sihidi agaijinofeenedi gaajacafotonu. Jaanoti saaflico ajashunoco uujooh ubusuubo ajashuno uco gaijihu, nooboro.

⁴⁸ Jaadi diigoco nuubo: Dihimitico ico buusucuuhi, nooboro.

⁴⁹ Jaanaa saatohoco diiboma ucuuhuvaumo igiciniumañoti ticovauhi onoocasumo: ¿Miijoho fine jaani imiti icarunoco ubusuubo? noomoro.

⁵⁰ Jaarunaa Jesu diigoco nuuhi: Taajasucafutucuuhi imiyaavogomaño, sajeebii fuucu, nooboro.

8

Jesuco Aamusuhicaumo Gaigoomi.

¹ Jaanobuunati Jesu faacuumivari feehicauhi jii**bo**oboro acihicauhi Moocaani aivoji iijico. Jaaboma icahicaumo motihaiti miimisiicidimo iminisuminaa. ² Tolliro bu saatoho gaigoomi diiboma gataavehicaudiiboo, diitoco iimitino ijimiti, iguihuвати icano ubuheesuhicaumo. Jaamofeeneri icaugo Maria Magdalena onoogo. Jaagoti sahuse juugahuseti miimisiici icano iimitino ijimi ihiuuugo; ³ tolliro Chuzo Herode cojiminaafi taaba Juana onoogo, bu Susana onoogo icano, bu sihidi saatoho diitoco amusuhicaumo inehejema iicaumeheje.

Basuminaafivi Ohoovicino.

(Mt 13.1-9; Mr 4.1-9)

⁴ Jaasumi sihidi miyaminaa faacuumivati saahicauhi Jesuco emeecivamo. Jaamo sihidi iigaivuumoma iimaahicaubo siinovi ooviciboro nuuhi: ⁵ Saafi basuminaafi fuuhi abasutuubo itoogaiñoco. Jaabo basuuboro ufuuno samañoono acutuuhi jiihaifaño. Jaanoco quicuhicaumo, bu jaanoco joomi asaaumoro machuuhi. ⁶ Jaanotì samañoono acutuuhi guisihallivi. Jaano ihiuuruno chuumuhi amaiutimaño. ⁷ Jaanotì samañoono aifuuhi jarimihoonofeenevi. Jaaruno toonoma sano ihiinurunoco ijariimi macanisuhi toonohallivi ujusiuneri. ⁸ Jaanotì samañoono aifuuhi imino jiinjеви. Jaano ifiivuuno sihidi noovauhi ciendigaiva tīcovovi.

Jilli nooboro Jesu sefano nuuhi: Amiihai nohojima mihicahachiji mugubu, nooboro.

*Jesu Jii**bu**guuhi Milliti Tollì Ohoovicinoco.*

(Mt 13.10-17; Mr 4.10-12)

⁹ Jaanegui diiboco ijibogominaa dilluuhi: ¿Milli eneejirunoco tolli dohoovicihì? noomoro.

¹⁰ Jaanegui Jesu diitoco nuuhi: Amiihaico imino Moocaani aivoji agajaratinoco gaajasuhicahi. Jaanotì sitaaco siinovi ooviciboro uujoho neehicahi. Jaamo emeecirumo aatyimetimobadì iicaqui. Bu oovicihì jaamo uguubucuurumo guubutimobadì iicaqui.

*Jesu Jii**bu**guuhi Jillì Eneejirunoco Ohoovicinoco.*

(Mt 13.18-23; Mr 4.13-20)

¹¹ Jillì eneejiruno toono: Itoogaiño Moocaani iiji, eneejiruno.

¹² Jiihaifaño ahaacotonon onoono: Saatoho uguubucuurunoco Satanasaababoro ijeebiifañoti icihì imiyaavogomoro ataajajiruneguiha, eneejiruno. ¹³ Jaanotì guisihallivi aacutuuno onoono: Saatoho imo imo gaayicirumo imino abacocoovatimaño jihachutaro imiyaavogomo. Jaamoco iji inisusumi ejeevesumoro dojicuviro minifotomo, eneejiruno.

¹⁴ Jaanotì jarimihoonofeenevi aacutuuno onoono guubucuurumo gueenene icatino toonoco macanisuno sinehejejaagoro ijeebii iicamaño nihibami imiguiharo, jiinjeminaa iimogono jaagoviro ijeebii iicamaño noovasutimo, eneejiruno. ¹⁵ Jaanotì imino jiinjevi aacutuuno onoono imino jeebii ma iicamo imino uguubunicimoro miyaaveguehi Moocaani iijico. Jaamo imino ofoomo imino noovasuhu, eneejiruno.

Cijigai Mecuví Ohoovicino.
(*Mr 4.21-25*)

¹⁶ ¿Miijoho cijigai mecuco iñifutusumoro siineri fabaacutatihi, cigaijeguino ficutatihi icano? Caamo mificutahi toojaco aachicinofaño ijicafotomo ihatyimequi. ¹⁷ Jaabadi chahano otoovono iifuvusutino icano, jisumi agaajaratino ufucu paryi fanooro foovono gaajacafeteji.

¹⁸ Jaanegui imino mugubu: Diito Moocaani iijico agaayicimoco siino janaanicí aciji. Jaanoti toonoco imiyaavogotiboti dumitiiciji: Uuma icano, unuurunoco.

Jesu Nahabomi, Seeji Icamo.
(*Mt 12.46-50; Mr 3.31-35*)

¹⁹ Jaanaaca saaumo Jesu nahabomi, seeji icamo diibo iicauhigo ifeequi. Jaarumo diibovi ifutuutahi sihidí miyaminaa iicaumaño. ²⁰ Jaanegui saatoohi Jesuco jibuguuhí: Diiseeji, dinahabomi icamo jahisi icahi. Jaamo dijaa saajirahi, noomoro.

²¹ Jaanegui diitoco nuubo: Moocaani iijico uguubumoro omooniimo, diito naha gaharubi, tañahabomi icano, nooboro.

Jesu Llitaruhi Guibuhuba, Tyuucai Icanoco.
(*Mt 8.23-27; Mr 4.35-41*)

²² Safoonoo Jesu ijibogominaama jicafutuuhi muuaifaño iicauga meenegafaño. Jaaboro diitoco nuubo: Masiigo onagoojinivi, nooboro.

²³ Jaanegui fuumaaca Jesu imeenegafaño cigauhi. Jaanaa fuumoco guibuhuba sefano iciuhí. Jaaneri imeenegafa sihidí nifaihu gahafuuhi. Jaaneri imeenega niituarahi. ²⁴ Jaanegui Jesuco aaicusumoro nuumo: ¡Mojibogominaafi, Mojibogominaafi, miniituuuuhi! noomoro.

Jaanegui Jesu aaicuboro guibuhuba, tyuucai icanoco iibauhi. Jaasumiyo illivuunoro paryi siicutuuno. ²⁵ Jaanegui ijibogominaaco nuuhi: ¿Milli jana amiihai miyaavogo icahi? nuubo Jesu.

Jaarunaa diito iigutuumoro jabafiuuhi. Jaamoro dillucasihu sanomiro: ¿Miijoho fine jaani? Guibuhuba, nifaihu icarunoco atajibano diiboco: Jii, neehi, noomoro.

Gadarenomioobo Ijimima Iicaubo.
(*Mt 8.28-34; Mr 5.1-20*)

²⁶ Jaanofeenevi iifutuumo gadarenomi jiinjevi Galilea jiinije cojivi. ²⁷ Jaabo Jesu imeenegati isi iinubaaca diibooja saaubo tuucumioobo, siicjetiro ififaño ijimima iicaubo. Jaabo gaachehufaño icacuutiibo, jaahe icacuutiibo ciijojino iicahigo iicaaboro feehicaubo. ²⁸ Jaabo Jesuco aatyimeuboro diiboguiino memuivuubo gaibaciniiboro, sefano nuuhi: ¿Colihí tajaa saahi, ijoho Jesu Moocaani caamovohi iicaabo Achi? Ico Moocaanifañodi neehi: Idasuno uco moonidino, nooboro.

²⁹ Jili nuubo Jesu ihijico: Diiboti dihiino, nooboro, atajibahicauneguiha. Fiiwa foova ihiji diiboco gaayicihicauhi. Jaaneguiha miyaminaa diiboco agaayicimoro jigaiñehiri sisihuhi ihusene, itihaino icanoco sama iicaqui. Jaarunoco udubaiciuboro ihiji diiboco gaasuhicauhi sihiguehejevi. ³⁰ Jaaboco Jesu dilluuhi: ¿Miijoho dimomo? nooboro.

Jaanegui iimusuubo: Cuumi tamomo, nooboro.

Jilli nuubo diibofaño sihidi iimitino ijimi ijicafutuumaño. Jaamo ihijimi Jesuco dilluubi; ³¹ Moocaani eheetavuuhoji ijimico igañiiqui iguraahojifaño diitoco gañitiibo iicaqui. ³² Jaanaa sihidi faafaimi icauhi ifagajivi amachuumo. Jaanegui ihijimi Jesuco dilluubi ifaafaimifaño ijicafetequi. Jaanegui: Jii, nuubo. ³³ Jaasumiro diiboti ihinuumoro ifaafaimifaño jicafutuomo. Jaaneri paryi ifaafaimi ifagajiti imuuuaifaño aafiuumoro paryi macaníumo.

³⁴ Jaanoco ifaafaimi toomominaa aatyimeumoro iigutuumoro goovano fuumo ifaacuumifaño buhi iicameheje icamoco jibogomoro. ³⁵ Jaanegui miyaminaa fuuhi: ¿Milli iican? noomoro emeecituumo. Jaamo Jesu iicauhigo iifutuomo ijimima iicauboco atyimeuhi ihijimima chahacuuboco. Jaabo Jesu cojivivi giciniubo imichehufaño jiciniibo imino icacuuboco. Jaaneri sihidi miyaminaa iguiuhi. ³⁶ Jaanoco aatyimeumo diitoco jibuguuhi, milli ijimima iicauboco ubuheesuunoco. ³⁷ Jaanoma iicaumo gadarenominaa ticovauhi Jesuco agallumo ijiinijeti ifeequi diibo tolli omoonionoti sihidi iiguumoro. Jaanegui Jesu meenegafaño jicafutuhi ifeequi. ³⁸ Jaarunaa ihijimi diiboti ihinubo Jesuco dilluubi diiboma ifeequi. Jaarunaa Jesu diiboco tajibauhi ifitafetequi. ³⁹ Jaaboro nuubo: Dijajaa duhumi. Jaaboro paryi diibogo Moocaani ico omooninoco, nooboro.

Jaanegui paryi tuucuumiri jibogooboro fuuhi Jesu diiboco omooniunoco.

*Jairo Aicigai, Bu Saafigo Jesu Gaachehuco Ududiiciugo Icano.
(Mt 9.18-26; Mr 5.21-43)*

⁴⁰ Jaanaa Jesu onagoo muuaivi iifutuuboco miyaminaa imo imo gaayiciuhi, paryi diiboco eteemehicaumaño. ⁴¹ Jaanaa gaseubo Jairo onoobo sinagogaja aivojibbo. Jaabo Jesuguiino ajavuvuuboro imino diiboco nuuhi Jesu diibo iijajaa ifeequi. ⁴² Idiigoro ille fahuseeci motihaiti mifocabaci idino icacuurugo iguijeveceuujineguiha. Jaanegui Jesu ufuboma sihidi miyaminaa ufuumo diiboco ijene jimatageruhicaahi.

⁴³ Jaamofeenevi icaugo saafigo fahuseeci motihaiti mifocabaci ticovovi icacuugo tijeheri.* Jaarugo buheehicautihi. ⁴⁴ Jaago Jesu bujinagotii asaaugoro igaachehujinibaco dudiiciugo. Jaasumiro diigoco itijoho lliviuhu.

⁴⁵ Jaanegui Jesu nuuhi: ¿Mijoho uco dudiicihi? nooboro.

Jaarunoco famooro: Chahano, eneehicauneguiha, Pedro inahabomi icamo nuuhi: Mojibogominaafi, miyaminaa ico fahigovati jimatagerunoco; ¿milli jaabo dilluhi: ¿Mijoho uco dudiicihi? nooboro.

⁴⁶ Jaarunaa Jesu nuuhi: Saatoho uco dudiicihi gaajachi tamityari saatoho ubuheeteneque, nooboro.

⁴⁷ Diigo omooniunoco agaajaciuneguiha sihidi vivivivi iigutuugoro saauhi. Jaagoro iguiino ememuivuugoro miyaminaa imefeenevi jibuguugo milliti ududiiciunoco, jaasumiro ubuheesuunoco ican. ⁴⁸ Jaanegui Jesu diigoco nuuhi: Gaha, buheesucafutucuuhi imiyaavogomaño. Sajeebi fuucu, nooboro.

⁴⁹ Jesu ihimmaunaaca Jairo sinagogaja aivojibbo iijati saafi asaauboro Jairoco noovauhi: Daicigai guijeveceuhi; Jibogominaafico dihiimaasu-cuudino, nooboro.

* **8:43** Sahaamefaño janaanicijilli ficuumo: Jaanegui taabuminaaco paryi inehejeri jaaduhicau-rugo, onoonoco.

⁵⁰ Jaanoco Jesu uguubuuboro Jairoco nuuhi: Diiguetedino. Jilli miyaavogo, daicigai buheeji, nooboro.

⁵¹ Toojavi iifutuudi miihaiñobaco faño satyuutiiboo idiiimoro Pedro, Jacoobo, Jua, diigo caanimisi icamomaryo faño fuubo. ⁵² Jaanaa fañoojaví saatoho taacasimoro iimaafivehicaahi diigo iguijeveuneri. Jaarunaa Jesu diitoco nuuhi: Mataajirahana, guijevetigo. Jilli cigago, nooboro.

⁵³ Jaarunaa diiboco dejecuumo iguijevecuunoco agaajaumoro.

⁵⁴ Jaanegui Jesu diigoco ihuseti agaayiciuboro sefano nuuhi: Bagocaja, gañiliivo, nooboro.

⁵⁵ Jaasumiro diigo ubuheeteugoro gañiivuuhi. Jaanegui Jesu tajibauhi diigoco ihobajaaquí. ⁵⁶ Jaaneri caanimisi sihidí jabafiuuhi. Jaarunaa Jesu nuuhi: Miihaiñobaco mahatyimeneque mijibeguedino, nooboro.

9

Jesu Galluuhi Fahuseeci Motihaiti Miimisiici Idiimo Ijibogominaaco.
(Mt 10.5-15; Mr 6.7-13)

¹ Jaanobuunati Jesu fahuseeci motihaiti miimisiici idiimo ijibogominaaco igaiyiciuhi. Jaaboro imitya, bu iiji icanoco aciubo fanoohimiti ijimihallivi diitoco buhi igavaracuqui, tolliro guihuvaco ibuheesuqui icano. ² Galluubo diitoco Moocaani aivoji jibogoco ijibeguequi, iguihuvamoco ibuheesuqui icano. ³ Jaaboro diitoco nuubo: Jinehejebaco masatayedino mofoomo queseibaco, lleegucubaco, duviricubaco, nihibamibaco icano. Caamoojaco mijaaci masatayedino. Sajaamaryo mofoo. ⁴ Coojaavihacho mihifotojafañoro mihica, sijafáñó, bu sijafáñó icatino. Jari tomañoti mofoodi toojati mihiino. ⁵ Jaanoti amiihaico agaayiciimañoti mihiinomoro amiihai tihapaa jeguiino jiinico diitojaa matatacu diitohallivi toono jibogobadi iicaqui, nooboro.

⁶ Jaanegui ijibogominaa fuuhi fahigovadi taajasujibogoco jibogomoro, iguihuvamoco buheesumoro icano.

Herode Esamaaje Mitaushi.

⁷ Jaasumi aivojiboo Herode guubuuhi Jesu omoonihiacaunoco. Jaaneri sihidí eesamaaihicauhigo iinigai mitauhi. Saatoho neehicauhi: Jua Nitiminaafi siino buheetehi, noomoro. ⁸ Jaanoti saatoho neehicauhi: Moocaani iimaaminaafi Elia jafevehi, noomoro. Jaanoti saatoho neehicauhi: Siicijeototí Moocaani iimaaminaafi buheetehi, noomoro. ⁹ Jaarunaa Herode nuuhi: Uujoho du quiticisuhi Jua nigaiço. Jaanegui jana, ¿mijijoho jaani diibediti ijibocasinoco uguubuubo? nooboro Herode atyimeguehicaahi Jesuco.

Jesu Machusuhi Cinco Mildimoco.

(Mt 14.13-21; Mr 6.30-44; Jn 6.1-14)

¹⁰ Jaamo iminisuminaa uhuumiumo Jesuco jibuguuhi imino moonimoro efeehicaunoco. Jaanegui diitoco satyuubo buhigovi Betsaida cuumi fiitino. ¹¹ Jaanoco miyaminaa agaajaciumoro diito dojicuti fuuhi. Jaamoco Jesu agaayiciuboro Moocaani aivoji iijico jibeguehicaahi, tolliro iguihuvamoco buheesuhicaubo.

¹² Jaanaa mihiijicuudi Jesujaago saaumo fahuseeci motihaiti miimisiicidimo iminisuminaa. Jaamoro diiboco nuumo: Miyaminaaco galluucu ijagusitequi, jaamoro imachuqui iijano iicahigo jimañovi jinejeba chahahi, noomoro.

¹³ Jaarunaa Jesu diitoco nuuhi: Amiihairyo diitoco mamachusu, nooboro.

Jaanegui diito nuuhi: Miihaima chahano, idinoro sahuse maahugayino, bu miimisiici taavaabomisigayiici, ¿milli fine mofoomoro machutaati manaaejeteji paryi jito miyaminaadi? noomoro.

¹⁴ Jaamo igaifiimirou cinco mildimo icaahi. Jaanoti gaigoomi, bu seeme icano oovarautihi. Jaanegui Jesu ijibogominaaco nuuhi: Monoo icasiicamaaqui cincuentadimova saaje, nooboro.

¹⁵ Jaanegui tolli omooniuneri famooro casiicamaaiuhi. ¹⁶ Jaadi Jesu sahuse imaahugayino, itaavaabomisi icanoco agaayiciuboro niquejejaagoco emeeciuboro toonohallivi Moocaanima iimaubo. Jaadi iquisicuuboro ijibogominaaco aciubo miyaminaaco diito ihaci qui. ¹⁷ Jaanoco paryi famooro amachuumo utuvaumoro imono icaahi. Jaadi ihatyuuvoco ananiamo gahafusuuhijiibaiñoco fahuseeci motihaiti miibaici idinoco.

Pedro Neehi Jesu Diibo Cristo Asaauijibo Iicanoco.

(Mt 16.13-19; Mr 8.27-29)

¹⁸ Safoonoo Jesu Moocaanima iinoro ihiumaahicaudi ijibogominaaco dilluubo: ¿Nacu miijohova uujoho iicanoco neehicamo miyaminaa? nooboro.

¹⁹ Jaanegui iimusuumo: Saatoho neehicahi: Jua Nitiminaafi. Jaanoti saatoho: Elia neehicahi. Jaanoti saatoho: Cajaanihacho fine siicijeototi Moocaani iimaaminaafi ubuheeteebe, neehicahi, noomoro.

²⁰ Jaarunaa siino dilluubo: Jaana amiihai, ¿miijoho uujoho iicanoco meneehicahi? nooboro.

Jaanegui Pedro diiboco nuuhi: Hijoho Cristo Moocaani agalluubo, nooboro.

Jesu Iguijevejinoco Jiibeguehi.

(Mt 16.20-28; Mr 8.30-9.1)

²¹ Jaarunaa Jesu diitoco imino faguuhi miihaiñobaco jiibogotimo iicaqui, nuubo. ²² Uujoho Miyaminaafibadi Ifiivuubo sihid iidaasuno icaji quillahuto, sacerdotemi aivojito, caatiniminaa icamo uco jiheveji. Jaamoro gaicaausujimo. Jaaruubo mifucuci, safucu icanoti siino buheeteji, nooboro.

²³ Jaanobuunati famoocoro nuubo: Cajaanihacho tadyojicuti asaagoobo difi gajjico ajabajeveebere tadyojicutifafucuvaaciviro isaaqui ifiico iidaasuno omoonisujinoco iguitiiboo. ²⁴ Jaanoti ifiico agaijiboo, ifiico mitasuji. Jaanoti taaguiinodi ifiico imitasuubo ifiico taajasuji. ²⁵ Miirsaafi miyaminaafi paryi jiinje busumijeque gaayiciruubo. Jaaruubo ijeebiico imitasuuboro ifinisuruva, ¿nacu milliti imijiruno? ²⁶ Jaabadi cajaatyohacho uuti, tajibogojiti icanoo unucufeveebeti, tolliro uujoho Miyaminaafibadi Ifiivuubo nucufeveji guihirubi aivojiri, itoomominaama aivojibobadi asaad. ²⁷ Miyanotiro amiihaico neehi: Jino mihicamoti icamo saatoho Moocaani aivojico aatyimetinohachuta guijevetimo iicanoo, nooboro.

Jesu Moocaani Aivojico Ifusuno.

(Mt 17.1-8; Mr 9.2-8)

²⁸ Jaanobuunati sajaguisi nijequeti Jesu fuuhi ifagajijaago Moocaanima ihiumaqui Pedro, bu Jacoobo, bu Jua icamoma. ²⁹ Jaabo Jesu

Moocaanima iimaaunaaca ihime siibadi minifutuuhi igaachehu sis-esee minifutuuhi aricuno. ³⁰ Jaabovi jafeveumisi miimisiici gaifimisi Moise, Elia icamisi diiboma iimaamisiro. ³¹ Jaamisi icaahi imino aricunofeeneri. Jaamisi iimaahicauhi Jesu Jerusalevi iguijeveujinoco. ³² Jaanaa Pedro inahabomisima sihidi cigara aivuurunaa cigitimo icahicauhi. Jaamo atyimeuhi Jesu, bu icojiri iicaumisi icamo imico. ³³ Jaamisi diitisi Jesuti fuucuunaaca Pedro diiboco nuuhi: Moji:bogominaafi, Imican jimaño mihicano. Masii minijeganiqui migaaaci, saga icanonijeganotii; iddi saga, Moisedi saga, Eliadi saga icanon, nuubo Pedro. Jillionoonoco esicinitiiboo iimaauhi.

³⁴ Jaabo ihiimaaunaaca diitoco aimuufai mibaacuuhi. Jaaneri sihidi igutuumo ihaimuufaifaño iicauner. ³⁵ Jaanaa guubuumo ihaimuufaifañotii unuunoco: Jaani taseemene agaijiibo. Diibo onoonoco mugubunici.

³⁶ Tollu unuunobuunati Jesu iinoro icacuuboco atyimeumo. Jaarunoco diito miico jibogotimo lliivi icaumo.

Jesu Buheesuuhi Sicafeji Ijima Iicauboco.

(Mt 17.14-21; Mr 9.14-29)

³⁷ Jaano seseeedi Jesu Pedromima togajiti niituunaaca sihidi miyaminaa Jesujaa saauhi. ³⁸ Jaamofeeneti saafi Jesuco sefano nuuhi: Jibogominaafi, taseemeneque meeci, idiboro uudi iicaaboco. ³⁹ Jaaboco iji agaayiciiboro gaibasuhicahi, chuumusuhicahi, iijiri jivaasecuco iinusuhicahi idaasuno omooniiboro suufenihicatiiboo. ⁴⁰ Dijibogominaaco nuucuurahi buhi igañiqui. Jaaruuboco inisurunofaño iinottiiboo, nooboro.

⁴¹ Jaanegui Jesu nuuhi: Ii jeedi fine imiyaavogotino miyaminaa jito iimitimo, ¿mihachuta fine amihaiico jaabiciiboro icaaji? nooboro diiboco: Juugavi daachico siva, nuuhi.

⁴² Jaanegui isivaabo Jesuvii fiftiuunaaca ihiji diiboco jiinjehallivi agañiboro diiboco chuumusuubo. Jaarunaa Jesu ihijico ibauhi. Jaaboro isicafefico ubuheesuboro caanico aciubo. ⁴³ Jaaneri famooro jabafituuhi Moocaani sihidi ejeevauneri.

Siino Jesu Iguijevejinoco Jibeguehi.

(Mt 17.22-23; Mr 9.30-32)

Jaanaa famooro Jesu omooniuneri eetyeunaaca nuubo ijibogominaaco: ⁴⁴ Jinooco imino mugubu. Jaamoro majabajeevedino: Uujoho Miyaminafibadi Ifiivuubo miyaminaa usefaño acicafeteji, nooboro.

⁴⁵ Jaarunoco ijibogominaa gaajahicautihi diitoco unuurunoco diitedi toovono iicaumaño. Jaanoco diitoco ijibeguequi idillujirumo nihicuguehicauhi.

¿Cajaani Fine Imiyaabeji? Onoocasino.

(Mt 18.1-5; Mr 9.33-37)

⁴⁶ Jaamoro ijibogominaa jenaaucusihicauhi cajaani fine diitoti imiyaaboti iicaqui. ⁴⁷ Jaanoco Jesu gaajaciuhdi diito tolli eesamaaiunoco. Jaaboro seemeneque iiciuboro iicojivi ficuubo. ⁴⁸ Jaaboro diitoco nuubo: Taafeenedi jiisee seemeneque agaayicimo, uco gaayichihi. Jaamo uco agaayicimo, tolliro gaayichihi uco agalluuboco. Jaanotii paryi amihafeenetii sihidi ejeevatiibo, diibo janaanici jeevahi.

Mominaafi Iicatiibbo Mojaagodi Iicaabo.
(*Mr 9.38-40*)

⁴⁹ Jaanegui Jua Jesuco nuuhi: Mojibogominaafi, mihai mahatyimehi saafico dimomofañodi ijico agañiboco. Jaaruuboco mihibahi mihibaima iigotineguiha, nooboro.

⁵⁰ Jaanegui Jesu diiboco nuuhi: Mihibajirahana. Mominaafi iicatiibbo mojaagodi iicaabo, nooboro.

Jesu Hibahi Jacoobo, Bu Jua Icamisico.

⁵¹ Jesu niquejefaño ufuucuujino ifiti cuudi quehecuno iminifutuuboro Jerusalejaagovi fuubo. ⁵² Jaaboro ihimega jibogominaaco galluubo. Jaamo fuuhi Samaria jiinjeo cuumijaago diiboo imega iffetejimañoco iimibachuqui. ⁵³ Jaarunaa samaritanomi imuguutihu diiboco toonovi agaayiciuno Jerusalevi ufuunoco agaajaumoro. ⁵⁴ Jaanoco Jacoobo, bu Jua icamisi aatyimeumisiro Jesuco nuuhi: Aivojibbo, ñdiimeguehi niquejefañoti diitohalliv cijigaico magalluunoco diitoco ifinisuqui? noomisiro.*

⁵⁵ Jaarunaa Jesu diitisico emeeciuboro diitisico iibauhi.†

⁵⁶ Jaadi fuumo siicuumijaago.

Jesuma Ufuujirumo.

(*Mt 8.19-22*)

⁵⁷ Jaamo jihairi fuunaa saafi Jesuco nuuhi: Aivojibbo, iima feejirahi fahigova ijoho ofoohigo, nooboro.

⁵⁸ Jaanegui Jesu diiboco iimusuuhi: Bajihimi ihojinoma icahi, tolliro joomi ihiicunoma icahi. Jaanotí uujoho Miyaminaafibadi Ifiivuubo tañigaico conoovi isiucarujirumaño chahahi, nooboro.

⁵⁹ Jaadi Jesu saafiico nuuhi: Tadyojicuti disaa, nooboro.

Jaarunaa diiboo nuuhi: Jaafahiica iticoni guihirubi iguijevedihivi ciidihiica, nooboro.

⁶⁰ Jaanegui Jesu diiboco nuuhi: Jaafa tahi diito ifinijitino fiivoma iicatimo iguijevemeque ciji. Jaanotí ijoho difoo. Jaaboro Moocaani aivoji jibogoco diibogo, nooboro.

⁶¹ Jaanaa bu sifi nuuhi: Aivojibbo, iima feejirahi. Jaafahi iticoni taajaminaaco fitacuvahi, nooboro.

⁶² Jaarunaa Jesu diiboco nuuhi: Miijoho siinojaa ofoomo dojicujaagoco esamaaitatihimijitiruno Moocaani aivojidi, nooboro.

10

Jesu Galluuh Setentadimoco.

¹ Jaanobuunati tolliro siino Aivojibbo Jesu iciuhi setentadimoco. Jaaboro ihimega galluubo miimisiici saaje faacuumivari diiboo ufuujihiguehejedi. ² Jillí nooboro: Miyaano sihidiro basuta onoonavo naamucuuhi. Jaarunaa toono dudicamaajeminaa ajashuhi. Jaabadiro sihidi miyaminaa teemehi Moocaanico agaayicijinoco. Jaanegui Moocaanico midillu, dudicamaajeminaaco igalluuqui diitojaago. ³ Jaanegui amiihai mofoo; Mehesicini, amiihaico galluushi oveja seeme jicumifeenedi ofoonicibadi. ⁴ Lleegucubaco masatyedino.

* ^{9:54} Sahaamefaño janaanici jilli ficuumo: Elia Moocaani iimaaminaafi omoonibadi, onoonoco. † ^{9:55} Sahaamefaño janaanici jilli ficuumo: Amiihai magaajatih coyomo gajama amiihai miicanoco. Uujoho Miyaminaafibadi Ifiivuubo saautihimiyaminaa ifinoco finisuqui. Diitoco taajasuqui saauhi, nooboro, onoonoco.

Nihibamibaco, tihaiipaaje siipaa Jebaco masatyedino. Mihiñobaco jiihaiví midillumo mehecafetedino. ⁵ Iticoni majaahevejaotoco midillu, jilli: Sajeebii mihica jijaaoto, noomoro. ⁶ Jaajaoto sajeebii ma iicafimo iicahachiji: Amiihai sajeebii, noomoro midilluno diitoma icaji. Jaanoti achahahachiji amiihaijaagoviro uumijino. ⁷ Saajafañoro mihicamoro mamachu, mahadu icano diito amiihaico aaccinehejeque. Jilli dudicamaajeminaafi ijaadaco gaayicifhi. Iijaneri sijjati, sijjati icano mefeedino. ⁸ Cuucuumivihacho amiihaico imino agaayicimañovi mihicamoro mamachu amiihaico aaccinehejeque. ⁹ Jaamañeri iicamo iguihuvamoco mubuheesu. Jaamoro monoo: Moocaani aivoji amiihaiti fiticuuhi, noomoro. ¹⁰ Jaanoti cuucuumivihacho mihiñotomoco agaayicimañovi jahisi mihiñomoro monoo: ¹¹ Amiihai cuumio jiini motihaipaajeguiino ijivonoco matatacuhi amiihai mihimitimoi jibogobadi icano. Jaarunaa magaaja Moocaani aivoji amiihaiti ifiticurunoco. ¹² Amiihaico neehi: Moocaani niinoono ajaadufucu iicasumi, tuucuumi janaanicci idasuno iicaji Sodoma cuumioto iicajino janaanicci.

Uguubutino Miyaminaa.

(Mt 11.20-24)

¹³ Jidaasucaniji iijoho Corazin cuumi! Jidaasucaniji iijoho Betsaida cuumi! icano. Iivi iicabadi aatyimeratatinoco Tiro cuumivi, Sidon cuumivi icano mooniruva siicije iimiti ifico ejeevesumoro, iifusujirumo idasuvono gaachehuco ijicamaaimoro, baiguijiri ejeemere icano. ¹⁴ Jaanoti amiihai, Moocaani niinoono ajaadufucu, janaanicci idasuno iimitinoco magaayiciji Tiro, Sidon icaucuumijeeto janaanicivi. ¹⁵ Jaanoti iijoho Capernaau cuumi: Fine uujoho niquejefäño gañiiyicicafeteji, neehi. Jaarunaa guinoviro gañiiçafeteji guijeveminaa iicahigo, nooboro ijibogominaaco nuubo: ¹⁶ Amiihaico uguubumo, uco guubuhi. Jaanoti amiihaico agaayicítimo, uco gaayicítihi. Uco agaayicítimo tolliro uco agalluuboco gaayicítihi.

Jibogominaa Setentadimo Uhumiuno.

¹⁷ Jaamo setentadimo ufumo imo imo uumiuhu noomoro: Aivojiboo iimitino ijimi icarumomaryo mihiñhaico mityagomo dimomofeedi, noomoro.

¹⁸ Jaanegui Jesu diitoco nuuhi: Jiihi, iifinicinaaca Satanas niquejefäñoti aquetehi sisi anamebanicibadi. ¹⁹ Uujoho amiihaico mityaco acihi jinimomi, juuvemi icamohallivi miquicuqui. Tolliro paryi iji mityaco miguiinoni qui jaarumo milli icatimo mihicaqui. ²⁰ Jaaruneri imo imo mihicadino. Idiñoro amiihai momo niquejefäño iicacuuneru imo imo mihiña, nooboro.

Jesu Imo Imo Icahi.

(Mt 11.25-27; 13.16-17)

²¹ Jaasumiro Jesu sihidi imo imo minifutuhi Moocaani Gaijari. Jaaboro Moocaanico nuubo: Guihi, imino iijoho niqueje Aivojiboo, jinijeo Aivojiboo idiicaabo. Jinooco agaajafimoti, eesicinimoti icano afataniboro seemebadi iicamoco dihifusuhi. Jiihi Guihi, iijoho tolli idiomogobadi.

²² Guihirubi uco paryi fanoovaco acihi. Miijoho gaajatihi Illico. Idiñboro Caani gaajahi. Jaabadiro miijoho gaajatihi Caanico. Idiñboro

Illi gaajahi. Jaaboco Illi miyaminaaco gaajasujirahi, ²³ nooboro ijibogominaaco emeeciuboro diitocoro nuubo: Imicani icamo amiihai mahatyimeneque aatyimeme. ²⁴ Amiihaico neehi: Ajashutimo Moocaani iimaaminaa, bu aivojito icamo atyimeguehicaudi jino amiihai mahatyimeneque. Jaarumo atyimeuthi. Guubuguehicaumo jino amiihai muguubunoco. Jaarunoco guubuutimo.

Iimihuseebe Samaritanoobovi Ohoovicino.

²⁵ Jaanaaca saafi Moise tajiba ijibogominaafi agañivuuboro fuuhi Jesuma ihiimaatuubo. Jaabo ifuruubo diiboco insuubo dilluhi: Jibogominaafi, ¿milli fine moonijirahi ifinijitino fiivoma icaqui? nooboro.

²⁶ Jaanaaca Jesu nuuhi: ¿Milli naa nacu Moise tajibaco caatiniuhi? ¿Milli nacu meecihicahi? nooboro.

²⁷ Jaanegui diibo iimusuuhi: Aivojibo Moocaanico gaiji paryi diifima, dijeebibima, disefama, dihesamaajema icano: Tolliro gaiji difiitino iicamoco difibadiro, nooboro.

²⁸ Jaanegui Jesu diiboco nuuhi: Jih, imino neehi tolli omooni hachiji ifinijitino fiivoma diicaji, nuubo.

²⁹ Jaarunaa diibo, Jesuco idilluunoco agaihuiniuboro siino nuubo: ¿Mijohoh nacu tafiitino iicamo? nooboro.

³⁰ Jaanegui Jesu ooviciuboro nuuhi: Safoono saafi miyaminaafi fuuhi Jerusaleti Jericojaago ofoocinijiri. Jaaboco nanivaminaa ahaamiumoro inehejeque iciumo paryi igaachehehunoma. Jaamoro niinovacuuboco ejeevesuumoro fuumo. ³¹ Jaanaaca saafi sacerdotemioobo toojiri saauhi. Jaaruubo tehesinotiro emeeciuboro fatyuuh. ³² Jaanobuunati tolliro levimioobo toojiri saauhi. Jaaboco tolliro tehesinotiro emeeciuboro fatyuubo. ³³ Jaanaa tolliro Samaria jiinjeoobo toojiri ufuubo diiboco emeeciuboro idaasuvuuh. ³⁴ Jaaboro diibojaa ufuuboro itujaavonoco taabuubo diiribari, vinofaihuri icano. Jaaboro toonoco isisiuboro iburrohallivi ificuuboro satyuubo icigatonicijafaño. Jaaboro diiboco toojafaño tuumuubo. ³⁵ Jaano seseevedi isamaritano ufuucuudi toojaooboco aciubo mijeeći nihabajecico. Jaaboro diiboco nuubo: Imino jaanico toomo. Janaanici dinihibamico diibohallivi agañihachiji uiujoho ico jaaduji siino asaadi, nooboro. ³⁶ Jilli ooviciuboro Jesu Moise tajiba ijibogominaafico dilluhi: ¿Nanivaminaafi ahaamiuboco diitoti cajaani fine iidi ifiitinominaafi iicanicibadi aamusuubo? nooboro.

³⁷ Jaanegui nuubo: Eti bu diiboco iidaasuguubo, nooboro.

Jaanegui Jesu diiboco nuuhi: Foobo ijohoh tolliro didaasugo, nooboro.

Jesu Icahi Martam iijafaño.

³⁸ Jaabo Jesu efeehicaubo saacuumivi ifutuuhi. Jaaboco Marta onoogo iijafaño gaayiciuhi. ³⁹ Jaago Marta inagoma icaushi Maria onoogoma. Jaago Maria Jesuguiino acasi vuugoro guubunicihicaugo Jesu onoonoco. ⁴⁰ Jaarunaa Marta sihidi sinehejeque omooni nehejeriro icahicauhi. Jaagoro Jesu jaago asaaugoro diiboco nuuhi: Aivojibo, ¿nacu daatyimetih uuro dudicamaainaaca tañago ticovono iicanoco? Tajiiba diigoco uco ihamusuqui, noogoro.

⁴¹ Jaarunaa Jesu diigoco nuuhi: Marta, Marta, sineheje dudicamaajejaagoviro idicamaño dijeebih ico mitahi. ⁴² Jaarunaa icano sanooro imiyaano. Jaanoco Maria imiyaanoco gaayicihi mijohoh diigoti udumitiijitinoco, nooboro.

11

Jesu Jilli Jii buguuhi Moocaanima Mihiimaaqi.

(Mt 6.9-15; 7.7-11)

¹ Safoono Jesu Moocaanima iimaauhi samañovi. Jaanoco iimivuudi saafi ijibogominaafi nuuhi: Aivojibo, mihaico diibogo Moocaanima mihiimaaqi Jua ijibogominaaco ijibuguubadi, nooboro.

² Jaanegui Jesu nuuhi:

Moocaanima mihiimaajisumi jilli meneehica: Moocaani niquejefaño idiicaabo, jaafa dimomo imino ijeevadi ficucafetehi. Jaafa dihaivoji saahi.* ³ Mihaico daaci machutaatifafucuvaciviro. ⁴ Jaaboro mihaico mohimitico buusu, oono bu mihai, mihaico imitino omoonimoco toonoco mihimibachubadi. Jaaboro mihaico iji inisunofaño gañisudino, nooboro.†

⁵ Jaaboro ijibogominaaco nuubo: Jilli mohooviciqui; Amiihaiti saafi inahaboniminaafima icahi: Jaabo fucufenevi ijajaa ofooboro neetehi: Tañahabo uco daaci mihicaci, sahica icano maahunoti. ⁶ Saafi tañahabo sihigoti gasehi taajajaago. Jaaruuboco aacijiruno achahaneguiha, nooboro. ⁷ Jaanoco diibova jilli iimusuuhi fañoojati: Lliivi diica; cuhufono guhuga fabaacinihi, taseemema micigacuuhi. ¿Milli bu ico agañiivooboro acijirahi? nooboro. ⁸ Jaanegui amiihaico neehi: Inahabo iicaneguiha agañiivonoco imogotiruubo. Jaaruubo jilli agañiivooboro paryi idilluunoco diiboco acijiboo siino dillutiboo iicaqui. ⁹ Jaanegui amiihaico neehi: Midilluhachiji amiihaico Moocaani aciji. Bu tolliro miguiinohachiji mahatyimeji. Bu iguhugati mocoova amiihaico ifaayiciqui. ¹⁰ Idilluubo gaayicifihi. Bu tolliro iguinoobo atyimefihu. Jaabadiro guhugati ocoovaaboco faayicifiimo.

¹¹ ¿Nacu cajaatyo, caani iseemene maahuco idillusumi fine guisibaco acijirahi? ¿Nacu bu taavaaboco idillusumi fine jiinimoco acijirahi? ¹² ¿Nacu bu iiyinoco idillusumi fine juuvehuco acijiruubo? ¹³ Jaamo amiihai mihimitirumo, iiminoco amiihai seemeque mahacijirahi. Jaanegui Moocaani niquejefaño iicaabo Igaijaco aciji diiboco idillumoco, nooboro.

Jesuco Ijima Iicaabo Noomo.

(Mt 12.22-30; Mr 3.19-27)

¹⁴ Safoono Jesu iimitino ijico gañiuhi saafi miyaminaafico iimaatuiboo iicauboco. Jaabo ihiji ihiinuunobuunati imiyaminaafi iimaacu- uhi. Jaaneri sihidi miyaminaa jabafiuuhi. ¹⁵ Jaarunaa saatoho nuuhi: Jaani iimitino ijimico gavaracuhicahi, ijimi aivojibo Beelzebu onoobo mityari, noomoro.

¹⁶ Jaanoti saatoho Jesuco inisumo dilluhicauhi sihidi ejeevano niquejeonoco. ¹⁷ Jaarunaa diito esamaajeque agaajaciuboro diitoco nuuhi: Saafi aivojibo miyaminaa ijeevadi saaje udugaacamaaimoro sanomiro imonicasiruva diiboo aivoji finijirahi. Tolliro saajaaoto sanomiro igaicaaucasiruva finijirumo. ¹⁸ Sabadiro Satanás iyotomaryo imoonicasiruva, ¿milli bu imitya gueenene icajirahi? Jilli neehi,

* **11:2** Sahaamefaño janaanicijilli ficuumo: Jaafa dijeebib onoobadi eetavocafetehi, jinijehallivi, oono niquejefaño iicabadi, onoonoco. † **11:4** Sahaamefaño janaanicijilli ficuumo: paryi iimitinot mihaico taajasu, onoonoco.

ijimi aivojibbo Beelzebu mityari buhi uujoho ijimico agañino uco me-neeneguiha. ¹⁹ Jaanegui uujoho Beelzebu mityari agañihachiji, ¿nacu mijoho mityari amiihai ji:bogominaa ijimico buhi gañihicahi? Jaamaño diito amiihaico gaajasuhu amiihai sicamañooco mihiimaanoco. ²⁰ Uujoho idiboro Moocaani mityari ijimico buhi gañihicahi. Jaanoti magaaja amiihaivä Moocaani aivojä agasecuunoco.

²¹ Saafi miyaminaa sefano añinoma ijaco otoomoobo iicasumi in-eheje imino icahi. ²² Jaarunaa sifi janaanicë esefaabo asaababoro diiboco iguiinoniboro ihañijinoco dumitiicihi toonovi equehecutehicanoco. Jaadi inehejeque iiciiboro sitaama ifehi.

²³ Jaabadi tajaagodibbo taminaafi, bu tajaagovü iigaiyi:citiibbo jilliro fahigovavä gavaracusuhu.

Iimitino Iji Dojicuviro Siino Uhuuminicino.

(Mt 12.43-45)

²⁴ Iimitino iji miyaminaafitü ihiinoobo foonicihi, ifigaimañehejedi ijaguisiqui guiinooboro. Jaaruubo aatyimecuutisumi esamaaihinicibö: Dojicuviro uumiji taajajaago toojati asaahinihigovi, noobo. ²⁵ Jaabo siino uhuumiibo atyimehi miyaminaafi jeebi:co iija imino imibachucinija imino iguiaacini badü icaaboco. ²⁶ Jaanegui ofoobo siino ictiefiibo sahuse juugahusetü miimisiicü idüno aivo diiboo janaanicë iimitino ijimico. Jaamo paryi imiyaminaafi jeebi:faño ijicafotomoro icaifihi. Jaaneri imiyaminaafi iticoni iimitino iicauno janaanicë aivo imitino minifetefihi.

Mianotiro Imo Imo Mihicano.

²⁷ Jillü Jesu nuunaaca saafigo gaigo miyaminaafeenetü sefano nuuhi: ¡Imicani icago ico eseemevaugoro ico ifiivusuugo! noogoro.

²⁸ Jaaneguiha Jesu nuuhi: ¡Imi janaanicë imino Moocaani onoonoco uguubumoro omooni:mo! nooboro.

Iimitino Miyaminaa Sihidi Ejeevano Ifusuuco Dilluhi.

(Mt 12.38-42; Mr 8.12)

²⁹ Jaanaa sihidi Jesujaago miyaminaa igaivomoro saahicauhi. Jaanegui ticoniboo ihimaabo. Jisumio miyaminaa aivo imitihü. Jaamoro dillumio sihidi ejeevano ifusuuco. Jaaruno ifusurajitihü: idinoro Moocaani iimaaminaafi Jonas ifusuta iicaubadireji. ³⁰ Jaabo Jonas Ninive cuumi miyaminaadi ifusubadi iicaubadi tolliro uujoho Miyaminaafibadi Ifiivuubo jisumio miyaminaadi ifusubadi icađi. ³¹ Ufucu Moocaani, niinoono ajaadufucu jisumio miyaminaaco Saba onocuumi jiinjeo aivojägo agañivogoro diitoco janaanicë guinoniji, diigo aivo tehesirunötü Salomon gaajaco iguubuqui asaaumaño. Jaarunaa jino amiihaifeeneri Salomon janaanicë uujoho iicaabo icahi. ³² Jaabadiro Ninive cuumiminaa niino jaadufucu agañivomoro jisumio miyaminaaco guinoniji. Miirö Ninive cuumiminaa imitico jeevesuhi Jonas diitoco Moocaani unuunoco ijibuguusumi. Jaabadiro jino Jonas janaanicë uujoho iicaabo jino amiihaifeeneri icahi, nooboro.

Mof Iimitino, Bu Imino Icano.

(Mt 5.15; 6.22-23)

³³ ¿Mijoho cijigai mecuco inifutusumoro otoovohigo ficutatihü, guirihilluguiino? Caamo mificutahi fañoojavi ijicafotomo iseseeque ihatyimeequi. ³⁴ Miirö saafi ihaallü iimitibbo imino icajitirahi. Jaabadiro

saafi ijeebii iimitiiboo imihusetihi. Jaabo imitinoguiino icaJI. Jaanoti Moocaani ijeebiiico iimibachuhachijji imihusetejiiboo. Moocaani iimogobadi icacujiboo. ³⁵ Jaanegui deesicini: Uujoho imihuseebe, unuuruno dijeebiifaño iimitino icadino. ³⁶ Jaanoti paryi dififaño imino, imitino aivo achahahachijji, paryi difi imino iifuvusujino cijigaimecu ico ifoovori aachicinibadi, nooboro.

Jesu Fariseomi, Caatiniminaa Icamoco Hbauhi.

(Mt 23.1-36; Mr 12.38-40; Lc 20.45-47)

³⁷ Jaabo Jesu ihiimaunoco iimivuudi, saafi fariseomioobo Jesuco coovauhi iijajaago imachutequi. Jaanegui Jesu ufuuboro casiivuuhi imachuqui. ³⁸ Jaarunaa ifariseomioobo jabafituuhi Jesu diito tajiba onoobadi ihuseque nitamaaitiiboo amachuunoti. ³⁹ Jaarunaa Aivojiibo Jesu nuuhi: Amiihai fariseomi minitihi guirihilluno, butajene icano allicoro. Jaanoti amiihai, amiihai jeebiifaño gahaficiniihi imitino momoonimoro mananivahicanehejeri. ⁴⁰ ¡Gaajaticanimo! ¿Jana nacu magaatatihi allionoco eheetavuubo tolliro fañoonoco eheetavuunoco? ⁴¹ Jaanegui amiihai jeebiifaño iicanoti iidaasufiemedi mahaci. Jaadi jari paryi amiihai ifi imiteji.

⁴² ¡idaasucaniji amiihai fariseomi mihicano! Amiihai Moocaanidi fahuseeciti sahaame mahacihi menta aameti, ruda aameti, paryi basuta mamachufinehejeti icano. Jaarumo sitaaco imino momoonitih Moocaanico magaijitihi. Jinooco jeevesutimo fanoocicoro momoonijirahi.

⁴³ ¡idaasucaniji amiihai fariseomi mihicano! Sinagogajafaño mufusumi imiyaano icaganocoro mihimoyiicifih. Tolliro jiihaiñofaño imino amiihaico idillunoco mihimoyiicifimo.

⁴⁴ ¡idaasucaniji amiihai caatiniminaa, fariseomi icamo: Mojeebii imihi, noomoro sitaaco mabañifiimo! Ciihoji toovono iicahojibadi mihicamo. Jaahojihallidi miyaminaa toojico gaajatimo toojhallidi iigonicibadi mihicamo, nooboro.

⁴⁵ Jaanegui caatiniminaati saafi iimusuuhi: Jiihogominaafi, miihaico eneejiruno tolli neehi, nooboro.

⁴⁶ Jaaneguiha Jesu nuuhi: ¡idaasucani amiihai caatiniminaa mihicaj! Amiihai sitaaco bocinoco mifiisesuhicahi miihaiñooaba ajaabicitinoco. Jaamoro amiihai jilli usegai sagaibari mududicihicatihi.

⁴⁷ ¡idaasucaniji amiihai mihicaj! Moocaani iimaaminaa ciihojinohallico misumesumoro mihibachunoco meheetavehicahi amiihai eedeetemihairyo agaicaaumo ciihojinoco. ⁴⁸ Jaamo tolli momoonimo amiihaihalliviro miihibeguehi amiihai eedeetemihai omooniunofañodi mihicanoco; Miir diito gaicaauhi. Jaamo ciihojinoco amiihai meheetavehicahi.

⁴⁹ Jaanegui Moocaani igaajafeenedi neehi: Galluji Moocaani iimaaminaa, Moocaani minisuminaa icamoco. Jaamoti saatohoco gaicaajimo, saatohoco iidaasuno moonijimo.

⁵⁰ Jaamo jisumio miyaminaaco Moocaani ihiimaaminaa tiijoho jaadaco iciji jiiniye ifiivuunoti jisumivi iicaumoco diito agaisiraiciumo tiijoho jaadaco, ⁵¹ Abel tiijohot iiticoniiboo Zacariaco Moocaani ijafaño, Moocaanico ijeeceivequi asimico agaicaaufmañoti iimimecu sitivi agaicaaubo tiijohovi nijejerueenijiiboo. Jaanegui amiihaico neehi: Jisumio miyaminaaco Moocaani ihiimaaminaaco agaisiraiciumo jaadaco iciji.

52 Jidaasucani amiihai mihicaji caatiniminaa! Tuhugari ofoomoro agaa jajiruno llaveque mafaatanimoro mijicafototih, bu ijicafetejirumoco mijicafutusutih, nooboro.

53 Jilli Jesu diitoco unuunoma iicamo fariseomi, caatiniminaa icamo sihidi diibojaa isifiiratumoro ticovauhi fanoovaco idillumo.

54 Ifurumo diiboco siibadi onoonohalliti aivojito imega diibohallivi imitino ijibeguequi.

12

Uujoho Imihusehi, Noomoro Abañifimohallivi Ijibogono.

1 Jaanaaca aivo sihidi miyaminaa iigavuumo ijene quicucusihicauhi. Jaanaa Jesu iticoni ijibogominaaco nuuhi: Mehesicini fariseomi juurisutaguiji: Imihusehi, noomoro abañifinoti. 2 Aivo chahano afatanicinino, atymeratino iican. Jaabadiro chahano otoovono, gaajaratino iican. 3 Jaamaño amiihai fucu civohi munuuruno cuuje seseehigo guubuvusuji. Jaabadiro toovono mecuñaño guhugaco mafabaacumoro jaabañogayi mihiimaaruno, coovano noocafeteji nijequeti.

¿Miiço Fine Mihiguijirahi?

(Mt 10.28-31)

4 Tañahabomi, amiihaico neehi: Mihiguijirahana oono miyaminaa ifico agaicaaufimoco. Jaarunobuunati milli miinoco moonicujitirumo.

5 Jaanoti na ha idibocoro mihogui iguijeninobuunati tolliro ijeebiico cijigaifaño agañijiruubo mityama iicaaboco. Diibocoro mihogui.

6 Miiryo sahusedimo joomico mijeegayiciriro manaajenicihi. Diito iicarumoti Moocaani jabajeevetihi. 7 Miiryo paryi amiihai nigai ijenee paryi oovocinicuuhi sajehesari. Jaanegui mihoguijirahana, miiryo amiihai sihidi joomi guiraarumo janaanic magaijicafetehi.

Miyaminaafeenevi Jesucristoco: Miyaabo, Onomo.

(Mt 10.32-33; 12.32; 10.19-20)

8 Amiihaico neehi: Miyaminaa imefeenevi uco: Miyaabo, onoomoco, uuoho Miyaminaafibadi Ifiivuubo tolliro Moocaani toomominaa imefeenevi: Miyaabo, neeji. 9 Jaanoti uco utuunamaaimoco tolliro uuoho Miyaminaafibadi Ifiivuubo tuunamaaiji Moocaani toomominaa imefeenevi.

10 Tolliro cajaatyohacho uuoho Miyaminaafibadi Ifiivuubediti imitino ihimaaaruno diitoco buusucafetejirahi. Jaanoti Moocaani Gajjaditi imitino ihimaaamoco toono aivo buusurajitih jijehallivi, bu ufucu niquejevi iican.

11 Amiihaico sinagogajafaño fagominaa aivojito icanogaago asatyusumi; ¿Milli fine iimusuji? ¿Milli fine neeji? noomoro gaihuiba mihicadino. 12 Tollri mihicasumi Moocaani Gaija jibegueji milli mihiimusujinoco, nooboro.

Sihidi Nihibamima Iicaubo.

13 Jaanaa saafi miyaminaafeeneti Jesuco nuuhi: Jibogominaafi, tañahaboco dinoo guihirubihivi nehejeti uco feenedi ihacioui, nooboro.

14 Jaarunaa Jesu diiboco nuuhi: ¿Nacu miijoho uco amiihaihallivi ficuhi fagominaati nihibami dugaacuminaafit? nooboro.

15 Siino nuubo: Amiihai ifico magaihuini. Jaamoro sihidi sinehejeque mihimoyiicidino; Miyaminaafi ifi sihidi sinehejema iicanoti

saatihi, nooboro. ¹⁶ Diitoco jilli oovicuubo: Icaubo saafi sihidi sinehejema iicaubo. Jaabo ijiniujeque abasuuno sihidi noovauhi. ¹⁷ Jaanoco aatyimeuboro esamaaiubo: ¿Milli fine mooniji? Chahano aivo tabasuta noovaco ificujiruno, ¹⁸ nooboro esamaaihicaubo. Jaadi nuubo: Gaajacu-uh i moonijinoco. Tamachutanoco ificuhicajaanoco agavaracuuboro siino coojano eetaveji. Jaaboro tojaajefañ paryi tabasuta noovataco ficij paryi tañeheje icanoco. ¹⁹ Jaaboro tajeebiico neejii: Tajeebi, sihidi sinehejema diicahi ajashutino ficabano ticovovi. Jaanegui daguisi, machu, daadu. Jaanoro imo imo diica, nooboro. ²⁰ Jaarunaa diiboco Moocaani nuuhi: Hijoho agaajatino miyaminaafi, jaachijio fucuro gujeveji. Jaanobuuna, ¿miidiji fine toono paryi ificuuno? nuubo Moocaani. ²¹ Jilli icafibo miyaminaafi sihidi sinehejemeque ifiguiiharo ititibaniiboo. Jaaruubo Moocaani imefeenevi idaasuubo.

Moocaani Iseemeque Teemefihi.

(Mt 6.25-34)

²² Jaadi Jesu ijibogominaaco nuuhi: Amiihaico neehi, gaihuiba mihicadino: ¿Jinejeque mamachuji, guivevetimo mihicaqui? ¿Jinejeque mijicafeteji? noomoro gaachehuti mehesamaaidino. ²³ Mofi machuta, gaachehu icano janaanicci jaaducafeteji. ²⁴ Memeecci uuhimico abasumoro icitatirumo imachuta ijanoma chaharumo. Jaarumoco Moocaani machutaaco acifihi. Jaamo diito joomi janaanicivi amiihai majaaducafeteji. ²⁵ ¿Nacu cajaatylo fine gaihuiba iicaneri ifico janaanicci medio metro ticovovi caamuvutusujirahi? ²⁶ Jino tihiitiruunoco momoonijitirumo. ¿Collihi sinehejemeque mehesamaaimoro gaihuiba mihicahahi?

²⁷ Eneecau oono deecanoco mihifinici, dudicamaaitiruno jaaduhunoco eetavotiruno imino ujusinoco. Jaanoti aivojiboo Salomon aivo sihidi jeevano iminoonoma icauruubo toono deecanobadi jeevauthi. ²⁸ Jaabo Moocaani ñaavahu icarunoco imino gaachehuco mijihacubadi omooniboo safucu jahisi icano sifucu ciijigaifaño mijigasufirunoco. Jaanegui amiihai miyaminaa ajashuno mimiyaavogomo, ¿collihi mimiyaavogotihu? Jaabo ñaavahu janaanicci amiihaico imino jicujiiboo? ²⁹ Jaanegui ¿jinejeque mamachuji? ¿Jinejeque mahaduji? noomoro gaihuiba mihicadino. ³⁰ Miilo imiyaavogotimo idinoro jiinijeonehejequere guinefiihi. Jaanoti amiihai Caani niiquejefañ iicaabo.* Jaabo gaajacuhi amiihai paryi tonehejeri mucuujivaachunoco. ³¹ Jaanegui iticoni Moocaani aivojico miguiino. Jaadi jari paryi tonehejeque bu magaayiciji.

Mubusumijema Niquejefañ Mihicano.

(Mt 6.19-21)

³² Mihiguijirahana amiihai agaijimo amiihai mahajashurahi. Jaarumoco Moocaani ihaivojico aacinoco imeguehi. ³³ Amiihai nehejeque manaajemere idaasumoco mahaci; jilli meheetavo unuucujitino lleegucuco niquejefañ ifinijitnonehejeque mifiku tahi nanivaminaa acha-hahigo amiihai nehejeque deeira ifinisutihigo. ³⁴ Miilo amiihai busum-ijene iicahigovi tolliro amiihai jeebii icajirahi.

Mihimibaivomoro Mihicacu.

* 12:30 Moocaani

35 Mihimibaivomoro mihica amiihai cijigai mecunoco minifutusumoro. 36 Ihaivojibbo ataababoo agaseebeque iguhugati ocoovasumiro ifaayiciqui iicojiminaafi otoomonicijadi. 37 Imicani icajimo ihaivojibbo jecivominaa diiboco tomomovi agasesumi. Miyanotiro amiihaico neehi: Ihaivojibboron iimibaivooboro diitoco casiihacuji, jaaboro imachutaaco diitoma iifejiibo imachuqui. 38 Jaamovi diiboo fucufeneevi, cuujetavivi icano tomomovi agasehachiji imicani icajimo tolli iicanoo jecivominaa. 39 Jinooco magaaja ijia abajaabo tusumi nanivaminaafi asaanoco igaajaruva cigatiibo teemejiruubo. Jaaboro ijaco faayicisujitruubo diiboo nehejeque nanitiibo iicaqui. 40 Jaaneguiha amiihai mihimibaivomoro motoomo mehesicinitinaaca uuoho Miyaminaafibadi Ifiivuubo siino saaji, nooboro.

Imino Jeecivominaafi, Iimitino Jeecivominaafi Icano.

(Mt 24.45-51)

41 Jaanegui diiboco Pedro dilluubi: ¿Aivojibbo, jino odoovicino miihaidiro nacu fameediro? nooboro.

42 Jaanegui Aivojibbo nuuhi: Cajaanihacho ihaivojibbo cojiminaafi imino iicaabo agaajaaboco iijaminaaco otoomooboro machutaaco ihaci qui ificuubo. 43 Imicani icajibbo ihaivojibbo agasesumi imino mooniiboco aatyimevasumi. 44 Miyanotiro amiihaico neehi: Diiboco ihaivojibbo paryi inehejehallivi aivojiboti ficuji. 45 Jaanoti imitino ijeebiifaño esamaaboro: Fine tahaivojibbo goovajitino agasene, nooboro saatoho ihaivojibbo jecivominaaco idaasuno omooniboro, ticovono amachuuboro, aaduuboro iguiricavoobo. 46 Jaanaa diiboo gaajatinaaca cufucuhacho ihaivojibbo gaseji. Jaaboro diiboco sihidiro ahaamiiboro ficujiibo saatoho iimitimoco omoonibadi iicaqui. 47 Jaanoti ihaivojibbo atajibbanoco gaajacuruubo iimibaivooboro omoonitiibo sihidiro aamicafeteji guiraano. 48 Jaanoti saafi gaajatiibo imitinoco omoonihachiji miidino aamicafeteji. Miyo Moocaaniti guiraano agaayicihiniiboco, bu guiraajino idilluno. Jaabadiro guiraano ificusuboco, bu guiraajino idilluno.

Jesu Dugaacusuminaafi.

(Mt 10.34-36)

49 Uuoho saauhi jiinijehallivi cijigaico inifutusuvaabo; ¡Imeguehi jisumiro ijigacuunoco! 50 Nitishabadi idaasufañodihiiica nisucafeteji. ¡Guiraacani idaasuno icahi toono afatyotinohachuta! 51 ¿Nacu fine amiihai uco: Jiinijehallivi sajeebii icaco sivaabo, noomoro mehesicinihi? Jaarunaa amiihaico: Chahano, neehi. Jilli uuoho miyaminaaco dugaacusuhi. 52 Jaamaño jisumitiro sahusedimo sajaaoto iicamo dugaaveji miimisiici, saafi icamo miimisiicihallivi; bu miimisiici, dugaaveji miimisiici, saafi icamohallivi. 53 Caani illima moonicasiji, bu illi caanima moonicasiji icano. Tolliro seeji illehallivi, bu ille seejihallivi icano, tolliro iyyaaja ibaabohallivi, bu ibaabohallivi iyyaaja dugaaveji icano, nooboro.

Ificabavanoco Magaajacino.

(Mt 16.1-4; Mr 8.11-13)

54 Tolliro bu Jesu miyaminaaco nuuhi: Jimañovi Jerusalevi oestejaagoti nijaba asaasumi mahaigueji meneefihi. Jaabadiri icafino. 55 Jaanoti suraagoti guibuhuba asaasumi ficabavajino monoonicihi. Jaabadiri icafino.

56 ¡Bañifiiraminaa! Niquejeguiino iicanoco, jiinjehalliví iicanoco icano magaajarumo. ¿Collíhiica magaajatihi amiihai mihicanoco?

Diminaafima Sajeebii Minifoto.

(Mt 5.25-26)

57 ¿Collíhiica amiihairyo mihimibachutih? 58 Saafi iioho idiihegueebe dihalliví aivojitoco ijibogotooboma ufuusumi jiihaiví diiboma imino diimaa. Jaamisiro siino mihibitocasi ico dugaacuminaafijaa satyediibo. Jaabo dugaacuminaafi ico sisiminaafico acijirahi. Jaabo isisiminaafi ico civojafaño jiihacujirahi. 59 Jaanegui ico neehi: Tahigotí dihiinejitiarahi niinojegayico adaadutinohachuta.

13

Amiihai Imitico Mejeevesutihachiji Famooro Mifiniji.

¹Tusumi saatoho Jesujaa asaumoro diiboco jiibuguumo Pilato Galilea gaifimico agaisiraiciuboro Moocaanico ijeeceivequi asimico agaisiraciúmo tiijohoma diito tiijohoco acahiiseniunoco. ²Jaanegui Jesu ditoco nuuhi: ¿Jito Galilea gaifimi famoova janaanicí fine iimitimaño jilli icamo, noomoro fine mehesamaaihi? ³Amiihaico chahano neehi: Tolliro amiihai, amiihai imitico mejeevesutihachiji paryi mifiniji. ⁴¿Nacu fine amiihai joono Siloe torrehaci dieciochodimohallivi Jerusalevi aacutuuneri iguijeveumoti: Fine tahí iicamo janaanicí imitimo, noomoro mehesamaaihi? ⁵Amiihaico chahano neehi: Tolliro amiihai, amiihai imitico mejeevesutihachiji paryi mifiniji, nooboro.

Higuera Onoho Imohovi Ohoovicino.

⁶Jaaboro Jesu jilli ohoovicuboro nuuhi: Saafi miyaminaafi ibasutaho Higuerahoma icauhí. Jaahoco meecituubo fine noovacuuho nooboro. Jaarunaa noovautih. ⁷Jaanegui ibasuta toomominaafico nuubo: Meeci mificabaci, saficaba icano sanohalliví meecivahicarahi. Jaaruubo inoovacu atyimetatihi. Jaanegui, diillucu; ¿Collíhi bu toonovi onoovatih ocajirahi? nooboro. ⁸Jaarunaa toono toomominaafi diiboco iimusuuhi: Aivojíbo, jaafahi jificaba icaho; ijiniqeque seediibo tanusuji. ⁹Jaadi fine jari noovajih. Jaanotí onoovacutihachiji jei diillu, nooboro.

Jesu Jaguisisumi Iyoobai Iimitigoco Buheesuhi.

¹⁰Safoono jaguisifucu Jesu sinagogajafaño jiibeguehicauhí. ¹¹Jaanaa tahí icaugo saafigo gaigo dieciocho ficabano ticosovi iguihuvaugó, iimitino iji omooniuneri iyoobai fañoviro tejeeveuhi. Jaaneri sanoticovoro julleevetutigo. ¹²Jaagoco Jesu aatyimeuboro ocoovauboro nuuhi: Gaigo, diguihuvatí buheetecu, nooboro ¹³ ihuseneque diigohalliví ficuubo. Jaasumi diigo sanoticovoro ujulleeveugoro ticovauhi Moocaanico iimogo.

¹⁴Jaarunaaca sinagogaja aivojíbo Jesu jaguisisumi diigoco ubuheesuunoma iicaubo sihidí isfiiratuuboro miyaminaaco nuuhi: Sahuse juugahuseti safucu icano ica hi mududicamaaíqui. Jaasumi masaa amiihaico ibuheesuqui jaguisisumi icatino, nooboro.

¹⁵Jaanegui Aivojíbo Jesu diiboco iimusuuhi: Bañifiiraminaa, jaguisisumi icarunaaca amiihai joomico misinimoro masatyefihi nifaihuti mihiisutomo. ¹⁶¿Jaanegui jaamo Abraham iyaacigaico Satanás guihuvari dieciochodino ficabava ticosovi isisihinigoco, jaguisifucuvi iicanegui nacu misinaayuitirahi? nooboro.

17 Jilli Jesu unuuneri, paryi diiboco ijiiheveumo nucufeveuhi. Jaarunaa saatoho miyaminaa imo imo icaahi, Jesu sihid i jeevanoco omooninoco aatyimeumoro.

Mostaza Tooivi Ohoovicino.
(Mt 13:31-32; Mr 4:30-32)

18 Jaaboro Jesu nuuhi: Jinejebadi fine jeevano Moocaani aivoji? Jinejevi fine ooviciji? 19 Fine mostaza noovatabadi jeevano. Jaano tooico miyaminaafi abasuno ujusinoro guiraaho imohoti minifetehi. Jaahohaafenevi joomi agahafomo ihiicunoco eetavehi.

Juurisutaguijivi Ohoovicino.*
(Mt 13:33)

20 Jaadi nuubo Jesu: Jinejevi oovicijirahi fine Moocaani aivojico? 21 Fine juurisutaguijico gaigo itacufaño minooci, sano icano ohoovogoro ificuuno paryi iitacuco adicihi, nooboro.

Ijene Jiihai Aamiji.
(Mt 7:13-14, 21-23)

22 Jaabo Jesu Jerusale cuumijaago ofoobo jiihaivi afatyocuumijevi jiihogooboro feehicauhi. 23 Jaanaa saafi diiboco dilluuhi: Aivojiibo, Jnaa miidimoro taajaji? nooboro.

Jaanegui nuubo: 24 Miguiino jaamo ijene jiihai aamijiriro† mijicafetehi. Jaanegui amiihaico neehi: Sihidi miyaminaa imegueji ijicafotonoco. Jaarumo jicafetejitihi. 25 Iija abajaabo agañiivooboro iguhugaco afabaacunobuuna amiihai jahisi mihicamo, mocoovaji: Aivojiibo, miishaico faayici, noomoro. Jaarunaa diibo amiihaico iimusuj: Jmiijoho amiihai? Amiihaico uujoohaa gaajatih, nooboro. 26 Jaanegui amiihai miticovaji diiboco monoomo: Iima miishai mamachuhicauhi, mahaduhicauhi icano tolliro ijohohu muucuumijefano diibeguehicauhi, noomoro. 27 Jaarunaa amiihaico neejiibo: Amiihaico nuucuuhi, amiihaico uujoohaa gaajatih, uudit buhigovi miminifoto amiihai iimitinoco momoonifino miyaminaa. 28 Jaamo tahigo mataacasimoro amiihai igaiñoco mohojisuji. Abraham, Isaac, Jacob, paryi Moocaani iimaaminaa icamo Moocaani aivojifaño icamoco maatyimemere amiihaico diitoti buhigovi agañiicuumo mihicajimo. 29 Jaanaa tolliro fahigovati miyaminaa saaji Moocaani aivojifaño acasiivomoro imachuqui. 30 Jaasumi miyaminaa jisumi guinov iicarumot tusumi saatoho sihid ejeevamoti minifeteji. Jaanoti jisumi sihid i jeevano iicarumot saatoho tusumi guinov minifeteji.‡

Jesu Jerusale Cuumihallivi Taahi.
(Mt 23:37-39)

31 Jaafucu fariseom iasaamoro Jesuco nuuhi: Jinooti sihi fuucu Herode imeguehi ico agaicaaunoco, noomoro.

32 Jaanegui Jesu iimusuuhi: Mofoo, jaamoro toonaamuhuco monoo: Jaachiiji, civohogo icano imitino ijimico buhi gavaracuji, iguihuvamoco buheesuji icano. Jaabo civohogo seseevedi imiveji. 33 Jaaruubo ofoohigo

* 13:19 Levaduraguijivi Ohoovicino. † 13:24 Griego ijiri: aajashuno guhuga, noono.

‡ 13:30 Griego ijiri noono: jisumi dojicuv iicarumot tusumi saatoho imegavi minifeteji. Jaanoti jisumi imegavi iicarumot saatoho tusumi dojicuv minifeteji.

feeji jaachiiji, bu civohogo, bu seseovedi icano. Milliti bu Moocaani iimaaminaafi Jerusaleti buhigovi guijevirah.

³⁴ Jerusale cuumi, Jerusale cuumi, amiihai Moocaani iimaaminaaco magaisiraicifihi, tolliro Moocaani amiihaijaago jibogominaaco agalluumoco guisibaneri mahaamifihicahi. Jaanoti uujoho imeguehicahi fahijivaro tuucumi seemeque tajaagovi iigaiyicinoco oono catava isemeque ijiecuguiino ificuuniciabadi. Jaarunoco amiihai mihimiguehicitahi. ³⁵ Eneecau bu magaaja amiihai iijano jihovonodi fiaveteji. Jino amiihaico neehi: Uco siino mahatyimecuujitahi jari johono uco: Imicani Aivojibo momofeenedi asaabo, meneejifucu agasetinohachuta, nooboro.

14

Jesu Icidiihallivi Nifaihu Agahafuuboco Buheesuuhi.

¹ Safoono jaguisisumi Jesu fariseomi aivojibo iijafaño fuuhi imachuqui. Jaaboco saatoho fariseomi ifinicihicauhi. ² Jaanaa Jesu imega iciidiihallivi nifaihu agahafunneri iguihuvaubo icaushi. ³ Jaanegui Jesu fariseomi, Moise tajiba jibogominaa icamoco dilluhi: ¿Fine jaguisisumi mubuheesujirahi iguihuvaaboco, nacu mubuheesujirahi? nooboro.

⁴ Jaarunaa diito iimusutahi. Jaanegui iguihuvauboco iiciuboro buheesuuhi. Jaaboro diiboco agalluuboro ⁵ ifariseomico nuuhi: ¿Ca-jaaty fine amiihaiti amiihai jooi ifapaajefafao aacotooboco mihicijitirahi jaguisifucu iicaneguiha? nooboro.

⁶ Jaarunoco milli iimusutimo.

Taabava Jibaimojaago Ucuuhuvamo.

⁷ Jaanaa Jesu ifinicinaaca ucuuhuvaumo asaaumo imiyamañejeviro casiicamaaihicauhi.

Jaanegui Jesu oovicifeenedi diitoco faguahi: ⁸ Saafi ico taabava jibaimojaago ucuuhuvasumi imiyamañovi casiivedino, fine gasejiruubo sifi dijanaanic iicaabo. ⁹ Jaanegui amissico ucuuhuvaabo asaaboro ico neejirahi: Jahigovi diica tomañovi jaani casiivequi, nooboro. Jaanegui iijoho unucuveebere diito allibavi feejirahi. ¹⁰ Toll icatino, ico ucuuhuvasumi ofoobo allibavi casiivo. Jaachiji fañoojaobo asaaboro ico neeji: Tañahabo, jahí imiyagahallivi casiivoto, nooboro. Jilliti jari imiyaamo amachumofeeneri diicaji, nooboro. ¹¹ Jaabadi uujoho mityahi onoobo guiinoví ficucafeteji. Jaanoti miyaabo icaruubo mityahi onootiibó miyaaboti ficucafeteji, nooboro.

¹² Jaadi bu fañoojaoboco nuubo: Jibaimojaago machutaaco edeetavusumi digataavominaacoro, dinahabomico, diyotoco, difitino iica inihibamivamoco icano cuuhuvadino, tolliro bu diito ico coovajirahi. Jaamaño diitoco ocoovano jaadaco diicuujirahi. ¹³ Toll icatino; jibaimoco edeetavusumi iidaasufimoco, ifiino imitimehejeque, iigotimehejeque, aatyimetimehejeque icamocoro cuuhuva. ¹⁴ Jaadi jari imo imo diicaji ico diito jaadujitirahi. Jaaruno jaadaco gaayiciji ufucu jari iimifimo siino ubuheetesumi, nooboro.

Iguiraano Jibaimovi Ohoovicino.

¹⁵ Jilli Jesu unuunoco saafi igiciniumañoti Jesuco nuuhi: Imicani icajibo Moocaani aivojifaño machutaaco amachuubo, nooboro.

¹⁶ Jaanegui Jesu diiboco nuuhi: Safoono saafi eetavuuhi machuta jiibamoco. Jaaboro tajibauhi sihidi miyaminaaco icuuhuvaqui. ¹⁷ Jaanaa amachucuujino iicacuunegui iicojiminaafico galluubo, ucuuhuvaumoco ijibeguetequi: Masaacu paryi fanooro icacuuhimamachuqui, nooboro. ¹⁸ Jaarunaa famooro ticovauhi onoomo; saafi nuuhi: Jaachijiro jiinijeque naajejehi. Jaanoco meeciteji. Jaanegui ico neehi: Feejitih, nooboro. ¹⁹ Jaanoti bu saafi nuuhi: Jaachijiro fahuseecidimo buuemico naajejehi. Jaamoco nisuteji. Jaanegui ico neehi: Feejitih, nooboro. ²⁰ Jaanoti bu saafi nuuhi: Jaachijiro atyabaco icipjehi. Jaanegui ico neehi: Feejitih, nooboro. ²¹ Jaanegui ijeeccivominaafi uhuumiuboro ihaivojiboco jibogovauhi paryiicino. Jaaneri ihaivojiboo isifiratuuboro, ijeeccivominaafico nuubo: Goovano difoo cuumi jihaiñeri. Jaaboro siva idaasufimoco, ifino iimitimehejeque, iigotimehejeque, aatyimetimehejeque icano, nooboro. ²² Jaanobuunati ijeeccivominaafii nuuhi: Aivojiboo, onoobadi moonicuuhi. Jaarunofaño icanehiica saatoho iicajirumañeje, nooboro. ²³ Jaanegui ihaivojiboo diiboco nuuhi: Siino difoo. Jaaboro buhigueeje jihaiñofaño iicamehejeque diicito taaja igahafequi. ²⁴ Miyanotiro amiihaico neehi: Iticoni ucuuhuvarumo tamachutaati ajashuno itivejitihi, nooboro.

Cristo Dojicuti Ofoomo Jilli Icayi.

²⁵ Jaanaa Jesu dojicuti sihidi miyaminaa feehicauhi. Jaanegui dojicuviro diitojaa imeveuboro nuuhi: ²⁶ Saafi tadyojicuti asaanoco iimogoobo caanico, seejico, mogainco, iseemeque, inahabomico, inagomico, bu ifi icarunoco icano ijihetvetiboo tadyojicuti saajitih. ²⁷ Tolliro tamomohalliti ifico iguijenisunoco iimogotiboo tadyojicuti saajitih. ²⁸ ¿Nacu amiihaiti saafi torrehabico eetavonoco iimogoobo iticoni tohaci ajaaducafotonoco gaajajiruubo? Diiboma imino ifetejidino iicaruva eetavejiruubo. ²⁹ Jaanoti ihimahacinocoro iticoniboo inihibami achahaneguiha ijeevesuruva tohacieque aatyimeme diiboco dejecujirahi: ³⁰ Diibo jino ticonihinirahi eetavonoco. Jaaruubo imivehinitih, noomoro. ³¹ Jaabadiro saafi aivojiboo siijiinjeo aivojiboma omoonicasijisumi imiyaminaa diez mildimoma iicaabo. ¿Nacu fine veinte mildimoma diibojaa asaaboco guuinonijirahi? ³² Jaarunaa diiboco sahigotiro iguijonijirunoco agaajaaboro tehesibaacaro diibojaa jibogoco galluujiruubo iimitocasiqui. ³³ Jaabadi cajaanihacho amiihaiti paryi iinoco ejeevesutiboo tadyojicuti saajitih.

Imuhu Iimo Afatyusumi.

(Mt 5.13; Mr 9.50)

³⁴ Imuhu imihi. Jaarunaa iimo afatyusumi, ¿milli bu siino imitejiruno? ³⁵ Jilli magañitacuuhii jiinijeguiha imitino, bu abonoguiha imitino icano. Amiihai nohojima mihicamo muguubu, nooboro.

15

Oveja Imitanovi Ohoovicino.

(Mt 18.10-14)

¹ Jaanaaca paryi impuesto jaadusuminaa, paryi imitiminaa icamo saahicauhi diiboco iguubuniciqui. ² Jaanoma iicamo fariseomi, caatiniminaa icamo diibediti imitino neehicauhi: Jaani iimitimehejequere agaayiciiboro diitoma machuubo, noomoro.

³ Jaanegui Jesu diitoco jilli ooviciuhi: ⁴ ¿Nacu miijoho fine amiihaiti ciendino ovejamima iicaabo saafi diitotí imitaruva noventa y nuevedimoco sihigo iimimañovi ificuhiniiboro feejitirahi iguiinotoobo aatyimetinohachuta? ⁵ Jaaboco aatyimeebere imo imo ijijebaihallivi ficuunicihí. ⁶ Jaabo iijajaago agaseebebore inahabomico, ifiitinominaaco icano ocoovaaboro neehi: Uuma imo imo mihica tahoveja imitahiniiboco atyimecuuhi, nooboro. ⁷ Amiihaico neehi: Tobadiro niquejefano iicamo aivo imo imo icanicíhi saafi iimitiibó iimitico ejeevesuuboro iicasumi. Jaanoti noventa y nuevedimo iimitima achahamo iicamaño jinejeque bu jeevesujirumo. Jaanegui diito janaanicivi imo imo iicano saafi iimitico ejeevesucusumi.

Nihibajevi Imitajevi Ohoovicino.

⁸ ¿Nacu cajaamo gaigo fahuseecijeva inihibami iicanoti saje imitaruva cuugahuco iniigoro guijaagoro, iminogayi guinejtitirahi aatyimetinohachuta? ⁹ Jaajeque aatyimecuudi inagomi, ifiitinominaaa icamoco ocoovagoro neehi: Uuma imo imo mihica; atyimecuuhi tañihibaje imitahinijeque, noogoro. ¹⁰ Amiihaico neehi: Tolliro Moocaani toomominaa sihidi imo imo icanicíhi, saafi iimitiibó iimitico ejeevesusumi, nooboro.

Inihibamico Sicamañovi Agañififibovi Ohoovicino.

¹¹ Tolliro bu Jesu nuuhi: Saafi miimiisiici iseemene misima icauhi. ¹² Jaanaa iguihoobo caanico nuuhi: Guihi, jisumiro uco daaci dinehejeti ufucu uudi iicajirunoco, nooboro. Jaanegui caani diitisima inehejeque diitisima dugaacuuhi. ¹³ Jaanobuunati iguihoobo inehejeque anaajeuboro inihibamico allacaruuhi. Jaaboro toonoma tehesino siijiinijevi fuuhi. Jahigo paryi inihibamico iimitinovi gañiubo. ¹⁴ Jaanaaca diibo inihibamico agañiicuunobuunati toojiinijevi sihidi ajeba icauhi. Jaaneri diibo tcovauhi sihidi ajebari iicaabo. ¹⁵ Jaanoma iicaabo dudicamaajeque guinutuubo toojiinijeominaafijaago. Jaabo diibo ifafaaimico tuumusuuhi. ¹⁶ Jaabo ifafaaimi machuta imitnoti imachuqui moonihicaurahi. Jaarunaa miihaiñooba diiboco toonoti acihicauthi. ¹⁷ Jaanoti esafutuubo: Guihirubi ijafañi sihidi idudicamaajeminaa machuta sihidi atyuuvonicinaaca, uujoho jimañovi ajebari nacatehi. ¹⁸ Dojicuviro uumiji guihirubi iijajaago. Jaaboro diiboco neejí: Guihi, Moocaanihallivi, dihallivi icano imitino moonihicahi. ¹⁹ Jaanegui uujoho iimitimaño diseemenebadí icacuuthi. Jilli didudicamaajeebebadiro uco deesicinicu, nooboro ²⁰ dojicuviro uumicuubo caani iijajaago.

Jaaboco tehesinotiro caani aatyimeuboro idasuvuuhi. Jaaboro diibogaago ijinafatyuuboro diiboco ihiibicituuboro niniiciubo. ²¹ Jaanegui diibo caanico nuuhi: Guihi, Moocaanihallivi, dihallivi icano imitino moonihi. Uujoho iimitimaño uco diseemenebadí icacuuthi, nooboro. ²² Jaarunaa caani nuuhi ijecivominaaco: Goovano iimichehuco mihicimoro diiboco mijiihacu. Jaamoro usegaiviicuti ihusefa mifiku, tihipaajeti diiboco mijiihacu icano. ²³ Jaamoro niivigai iicavaaboco mihicitoromo magaicaau, muduumoro jibaimoco meheetavequi. ²⁴ Jaani taseemene uchuumucuubo siino ubuheetejirubadi iicaneguiiha, imitahiniiboco siino mahatymeneguiiha, nooboro jibaimoco eetavuumo.

²⁵ Jaanaaca ihamiyaabo sihi ifaguifaño icaushi. Jaabo jaahesaabu guubuuhi agaaseme amasivanoco. ²⁶ Jaanegui saafití icojiminaafico ocoovauboro dilluubo: ¿Milli iicanoo? nooboro. ²⁷ Jaanegui iimusuubo: Dinahabo gasehi. Jaanegui diicaani iniiwigai iicavaaboco gaicaausuhi milli icatiibo imino agaseneguiha, nooboro. ²⁸ Jaarunaa diibo ihamiyaabo sihidi isifiratuuboro jaahe fuuguutibó. Jaanegui caani asaauboro diiboco noovauhi jaahe isaaci. ²⁹ Jaaboro caan-ico nuubo: Hiro gaajahi sihidi ficabano iima dudicamaaihicali diijico gañiitibó. Jaaruuboco safooba diniivimiti saafitigayibá daacitatihí, tagataavominaama jiibaimoobaco eheetavejirunaaca. ³⁰ Jaanotí jaani daachi dinihibamico iimitino gaigoomima agañiboro agaseebedi naha diniivigai iicavaaboco gaicaauhi, nooboro. ³¹ Jaanegui caani nuuhi: Besha, iijoho fahijívaro uuma diicanicihi. Jaamaño paryí tañeheje dino. ³² Jaanotí imino jisumi jiibaimoco meheetavomoro imo imo mihicano, dinahabo uchuumucuubo siino ubuheetejirubadí iicaneguiha, imitahiniboco mahatyimeneguiha, nooboro.

16

Iija Toomominaafi Iimitibovi Ohoovicino.

¹ Jaadi tolliro Jesu nuuhi ijibogominaaco: Icaubo saafi sihidi nihibamima iicaubo, guubuuhi iija toomominaafi diibo nehejeque sicamañovi agañihicaunoco. ² Jaanegui ihaivojibó ocoovauboro diiboco nuuhi: ¿Milli iicanoco iditi guubuuhi? nooboro didudicamaajeti paryí uco diibogo. Jisu tadyudicamaajeminaafiti diicacuujitihí, nooboro. ³ Jaanegui iija toomominaafi esamaaihicauchi: ¿Milli fine icaji jisumi tahaivojibó tadyudicamaajeti uco agañidi? Sefatihi jiinjeque eseedijiruubo nucufeguehi sitaaco nihibamico idillunoco. ⁴ Jaaruubo gaajacuuhi jilli saatohoco aamusunotí diito uco iijafaño tadyudicamaajema achahasumi agaayicijinoco, nooboro ⁵ coovaubo saafiri paryí saatoho ihaivojiboco edebeumoco. Jaaboro saafico dilluubo: ¿Minoodino iijoho tahaivojiboco debehi? nooboro. ⁶ Jaanegui diibo iimusuuhi: Debehi ciendino illuva tyigabaje diiríbanoco, nooboro. Jaanegui iija toomominaafi nuuhi: Jino didebehaamene, goovanocasiivoobo bohonotí deetavo cincuentadinoro oono aameti, nooboro. ⁷ Jaabadiro sifico dilluubo: ¿Jana minoodino iijoho tahaivojiboco debehi? nooboro. Jaanegui diibo nuuhi: Trigoco ciendino ticovo tiyiva, nooboro. Jaanegui nuubo: Jino didebehaame, bohaameti deetavo ochentadino ticovo tiyívaro, nooboro. ⁸ Jaanoco ihaivojibó agaajaciudi nuuhi: Taaja toomominaafi gaajaabo aivono ifuuruubo, sitaama imino iicaqui omooninoco. Jiinjeo miyaminaa gaajahi jiinjeonehejeque, miyaavogominää janaanici.

⁹ Jaanegui amihaico neehi: Jino iimitino jiinjeonehejeri gataavominaati mihici jiinjeoneheje ifiniidi amihaico diito ufucu niiquejefañoisinjito imo ijanofañoisinjito igaayiciqui.

¹⁰ Miidirunoma imino omoonibó, tolliro iguiraanoma imino moonihi. Jaanotí ajashurunoma imitino omoonibó, iguiraanoma tolliro imitino moonihi. ¹¹ Jaamaño jino iimitino jiinjeonehejeri imitino momoonimoco, ¿mijoho bu amihaico imiyyaanehejeque acijirahi? ¹² Jaanotí sitaano icarunoco imitino momoonihicamoco, ¿mijoho bu amihaico acijirahi amihaínötiro iicaqui?

¹³ Chahaabo jeecivominaafi miimisiici aivojitisico ejecivoobo, saafico ijihegueebere, saaficoro gaijijiruubo. Saafima imino iicaaboro saafiditi imitino esamaajiruubo. Jaabadiro Moocaani, bu nihibami icanoco sano mejeevitejirahi, nooboro.

¹⁴ Jaanoco fariseomi nihibamima imoyiiciminaa iicamaño jilli ununoco paryi uguubuumoro Jesuco dejecumo.

¹⁵ Jaanegui Jesu diito nuuhi: Amiihai miyaminaa imfeenevi iminobadi mihicahi. Jaarunaa Moocaani amiihai jeebiico gaajahi; miyaminaa sihidi jeevahibadi eesicininoco Moocaani jiheguehi.

Moise Tajiiba, Moocaani Aivoji Icano.

¹⁶ Siicijeti Moise tajiiba, Moocaani iimaaminaa icanoo icahicauhi, Jua ifiivutinohachuta. Toonotiro iimi Moocaani aivoji iiji jibogocafetehi. Jaamofeedi famooro sefacinihi ijicafetequi.

¹⁷ Tihino niqueje, bu jiinje icanoo ifinino. Jaano janaanicci jeevano tajibati sasitugayi afatyejiruno.

Jesu Jibeguehi Gaigooco Ejeevesunoditi.

(Mt 19.1-12; Mr 10.1-12; Tolliro meeci Rm 7.1-3; 1Co 7.10-16)

¹⁸ Saafi miyaminaafi mogainco ejeevesuuboro sifigoco iicibo iimitinoco eetavehi. Jaabadiro ejeevesucinigoco iicibo iimitinoco eetavehi.

Sihidi Nihibamima Iicaabo, Lazaro Icano.

¹⁹ Safoonoo icaubo saafi sihidi inihibamima iicaubo. Jaabo iminoono gaachehunofaño jicamaaihicaudi ovosiinoono. Jaaboro fafucuvaaciviro jibaimoco sihidi ovosiinoono. Jaanaa tolliro icaubo saafi ²⁰ iidaasuubo sihidi icinisinoma icaabo baavi gicinihicaubo inihibamima iicaabo guhugaví. ²¹ Jaabomaje tuvaveguehicaaurahi inihibamima iicaabo machuta usuuvineri. Jaaboco jicumisaamoro itujaavonoco nejecuhi-caudi. ²² Jaanofeene iguijeveubomajeque ciuomo. Jaaboco Moocaani toomominnaa satyuuhu icojivi. Jaanaa tolliro bu inihibamima iicaubo guijeveuhi. Jaaboco ciuomo. ²³ Jaabo inihibamima iicaubo idaasuno icahicauhi iguijeveme iicafihigo. Jaabo tahigoti caamoco emeeciubo atyimeuhi Abrahamco Lazaro iicojiri icaaboma. ²⁴ Jaanegui coovadi-ivuubo: Guihi Abraham, uco idaasugo. Jaaboro Lazaroco tajiba ofooboro ihusegai nijequaque nifailufaño amatyusuuboro tañejeba nijequaque isiicusuvaqui. Jino ciijaifaño sihidi idaasuno icahi, nooboro.

²⁵ Jaarunaa diiboco Abraham nuuhi: Taseemene, desafoto jinijehalliri idiicahinismi imino diicahinihi. Jaanoti Lazaro idaasuno icaudi. Jaaruubo jisumi juuga jacusucinihi. Jaanoti iijoho idaasuno diicahi.

²⁶ Jaanomaryo bu amiihai miihaiti sicaisitu oonaagonovi mihicahi. Jaamaño juugati tahi efeejirumo. ¿Milli bu feejirahi tahigototo? ¿Milli bu juugavi fatyejirahi? nooboro. ²⁷ Jaanegui inihibamima iicaubo nuuhi: Jaaneguiha taca Guihi Abraham, ico neehi: Jaabo Lazaroco galluuhi guihirubi iijajaago, ²⁸ ofooboro sahusedimo tañahabomico ijibeguetequi. Jaanoti juuga jino iidaasumañovi tolliro saadimo, nooboro. ²⁹ Jaaruuboco Abraham nuuhi: Diitoma icanoo Moise acaatiniuhaamene, Moocaani iimaaminaa acaatiniuhaamene. Jaanoco iguubuqui, nooboro. ³⁰ Jaanegui inihibamima iicaubo nuuhi: Jiihi, guihi Abraham, jaarunaa saatoho iguijevecuumoti diitoco ijibogoturuva iimitico jeevesujirumo, nooboro. ³¹ Jaarunaa Abraham diiboco nuuhi:

Moise, Moocaani iimaaminaa icamoco uguubutihachijji, tolliro bu saatoho iguijevecuumoti ifuuruva guubujitirumo, nooboro.

17

Iimitinofaño Agañisujiruno Nihicu.

(Mt 18.6-7, 21-22; Mr 9.42)

¹ Jaadi Jesu nuuhi ijibogominaaco: Icamo iimitino, miyaminaaco imitinofaño agañisuuno. Jaarunaa idaasucani icajibo sitaaco imitinofaño agañisuubo. ² Imijiruno diiboco guiisibatyigabari icodaaheti muduujenimoro muuaifaño magañiño. Jaano janaanicci idaasuno icajiruubo seemeneque imitinofaño agañisuubo.

³ Mehesicini amiīhai nahabo amiīhaico imitino omooniāchijji diiboco mihiiba. Jaabo iimitico ejeevesuhachijji diiboma mihimibachucasi.

⁴ Safucuro sahuse juugahuseti mifooci icano imitino omooniāboro, bu tonoodifovaro dijaa asaaboro siino tolli icacuujitihi onoohachijji, imino diiboma mihimibachucasi, nooboro.

Miyaavogo Mitya.

⁵ Jaanegui iminisuminaa Aivojibbo Jesuco nuuhi: Miīhaico daamusu janaanicci mimiyaaveguequi, noomoro.

⁶ Jaanegui Aivojibbo Jesu diitoco nuuhi: Amiīhai miyaavogo mostaza noovata toogaidino iicahachijji jihos sicomor onoohoco meneejirahi: Jinooti gaijuuvoho muuaifeenevi dulleevete munuuruva, amiīhaico tooho: Jii, neejirahi.

Jeeчивоминаафи Омоонифино.

⁷ Amiīhaiti cajaaniāhacho ijeeчивоминаафима iicaruva ududicamaaihicaabo faguifañoti agaseebeque: ¿Nacu saacu, casiivobo, machucu, meneejirahi? ⁸ Cha, tolli icatino. Fine meneejirahi: Tamachutaaco deetavoobo uco dihaivojiboco deecivo machuqui, aduqui icano. Jaadi jari ijoho machuji, daaduji icano, meneejirahi. ⁹ ¿Nacu dijecivominaafico atajibanoco eetavonohallivi graciaco daacijirahi? Tollri icatino. ¹⁰ Tollri amīhai Moocaani atajibanoco mihimivucuudi monoo: Jilli miīhai miīfonu jeeчивоминаа jilli atajibanocoro meheetavomaño, nooboro.

Jesu Buheesuhi Fahuseecidimoco Foojohoma Iicamoco.

¹¹ Jesu Jerusalejaago ufuubo fatyuuh Samaria jiinije, Galilea jiinije icano feenedi. ¹² Jaabo toojiinijeocumi saacuumiv iifutuubojaago saaumo fahuseeci gaifiimi foojohoma iicaumo. Jaarumo diibotii tehesino ujulleecamaivaumoro sefano nuumo: ¹³ Jesu jibogominaafi, miīhaico didaasugo, noomoro.

¹⁴ Jaamoco Jesu aatyimeuboro nuubo: Mooomoro sacerdotemico miīfusuto, nooboro.

Jaanegui uffumoti jiihaivi ifoojoho buuhi. ¹⁵ Jaanegui saafi ubuheecuunoma iicaubo dojicuviro uumiubo Moocaanico imooboro sefano. ¹⁶ Jaaboro Jesuguiino ememui vuuboro jiinijehallivi javuvuubo graciaco ihaciqui. Jaabou Samaria jiinijeooobo.

¹⁷ Jaanegui Jesu diiboco nuuhi: ¿Nacu famooro fahuseecidimo mubuheetihii? ¿Cuuca nacu saatoho nuevedimo? ¹⁸ ¿Jaani idiboro siicumioobo uumih Moocaanico iimequi? nooboro. ¹⁹ Ifoojohoma

iicauboco nuubo: Gañiivoobo, fuucu; imiyaavogomaño buheetecuuhi, nooboro.

Milli Fine Moocaani Aivoji Gaseji.

(Mt 24.23-28, 36-41)

20 Jaanaa fariseomi Jesuco dilluuhi: ¿Cusumi Moocaani aivoji gaseji? noomoro.

Jaanegui diibo iimusuuhi: Moocaani aivoji agasene siinoco mahatymenicinobadi jeevatino. **21** Juu icacuuno, jahí icacuuno noorajitino, Moocaani aivoji amiihaifeeneri icacuuhi, nooboro. **22** Ijibogominaaco nuubo: Ufucu amiihai mihimegueji mahatymeneque Miyaminaafibadi Ifiivuubo fucuti. Jaarumo mahatyimejithi. **23** Jaasumi amiihaico saatoho neeji: Juu icacuuno, jahí icacuuno, noomoro. Diito dojicuti mefeedino. **24** Uujoho Miyaminaafibadi Ifiivuubo asaajino jilli jeevaji: Oono sisi niquejeguinodi saanaagojeti siinaagojevi anamebanicibadi. **25** Jaaruubo iticoni sihidi idaasuno icaji, jisumiomiyamaa uco jiiheveji icano. **26** Miiro johono Noe iicausumi iicaubadi icajino uujoho Miyaminaafibadi Ifiivuubo asaajino imega. **27** Miiro miyaminaa machuhicaumo, aduhicaumo, taabavahicaumo, iseemeque tajenihicaumo icano. Jaanaaca Noemi imeenegafaño jicafutuushi. Jaanaaca sihidi niija aaiguuneri paryi saatoho guijkeveuhi. **28** Jaabadiro bu Lot onoobo iicausumi icauno machuhicaumo, aduhicaumo, naajecasihicaumo, basuhicaumo, iijanoco eetavehicaumo icano. **29** Jaanaaca Lot Sodoma cuumiti ufuunobuunati niquejefañoti aifuuno cijigaima guisibano ijigauno. Jaaneri paryi tuucuumi miyaminaa guijkeveuhi. **30** Tollireji uujoho Miyaminaafibadi Ifiivuubo ajafeveedi.

31 Tusumi saatoho iijahalliri mihicahachiji minlitomoro iijafañoti amiihai nehejeque mihicitedino. Jaanoti saatoho buhigo mihicahachiji amiihai iijajaago muhuumidino. **32** Lot taabati mehesafoto. **33** Miiro ifiico idaasuno omooninoti ataajasugoobo ifiico mitasuji. Jaanoti ifiico Moocaanjaagodi imitasuubo ifiico taajasuji.

34 Amiihaico neehi: Tufucu miitooci saabafaño cigaji. Jaamisiti saafi imiyaavogotiboo satyocafeteji diiboco sihidi jeevano idaasuno imooniqui. Jaanoti saafi imiyaavogoobo coovovacafeteji. **35** Bu miimifeeci gaigoomife sano garyihañiji. Jaamifeti saafigo imiyaaveguehicitigo icicafeteji diigoco sihidi jeevano idaasuno imooniqui. Jaanoti saafigo imiyaaveguehicago jeevesucafeteji. **36** Bu miimisiici buhigo icaji. Jaamisiti saafi icicafeteji. Jaanoti saafi jeevesucafeteji, nooboro.*

37 Jaanoco uguubuumoro diiboco dilluumo: ¿Aivojiiboo, conooví fine tolli icajino? noomoro.

Jaanegui diibo nuuhi: Tuucita iicahigo añimi igaivefihi, nooboro. Jaabadi niino jaadusufucusumi imiyaavogotimoco idaasuno ifeteji.

18

Limitino Fagominaafivi Ohoovicino.

1 Jesu oovicuuhí Moocaanima ihiimaamo quehecuno iicaquí.
2 Diitoco nuubo: Saacuumivi icaubo saafi fagominaafi Moocaanicó iñihicuguutiboo. Tolliro miihaiñobaco gaijihicautiboo. **3** Jaacuumivi tolliro fibaijigo icauhi. Jaago saicino diibojaa feehicauhi iminaafima

* **17:36** Sahaamefaño toversiculoco ficuutimo.

imitino iicahicaunoco diigoma iimibachuqui. ⁴ Saicino diibo diigo unuurunoco: Jii, neehicautiiboo. Jaanofeene esafutuuboro nuubo: Moocaanico ñihicugotihu, miihaiñooobaco gaijitihi icano. ⁵ Jaarunaa jaamo fibajigo asaagoro gañuhusuno uco moonihicahi. Jaanegui diigohalliti icaji siino saicino saacuutigo iicaqui tajeebiico uco niji niji moonidigo, nooboro.

⁶ Jaanoco Aivojiboo Jesu nuuhi: Jilli nuubo iimitino fagominaafi. ⁷ ¿Nacu jaabadi Moocaani iicimo diibovi iidaasuvomo fucuhachuta, cuujehachuta icano idilluruva diitohalliti Moocaani icajitiruubo? ¿Nacu fine diitoco tuumusujiruubo? ⁸ Amiihaico neehi: Tuumusutiboo diitoco goovano amusujiruubo ¿Nacu fine uujojo Miyaminaafibadi Ifiivuubo siino jünijevi asaadi fine miyaavogoco atyimeji? nooboro.

Fariseomioobo, Impuesto Jaadusuminaafi Icanovi Ohoovicino.

⁹ Saatoho: Miíhai aivo miyaamo, noomoro sitaaco itiisuhicaunoma iicaubo jilli ohoovicuboro nuubo: ¹⁰ Safoonoo miimisiici gaifiimisi templojafaño fuuhi Moocaanima iimaaqui. Saafiu fariseomioobo. Jaanotiu saafi impuesto jaadusuminaafi. ¹¹ Jaanaaca ifariseomioobo julleeciniiboro Moocaanima ihimaubo jilli neehicauhi: Moocaani ico imehi saatoho iicabadi uujojo nanivaminaafi icatihu, sitaaco imitino moonitatihu, gaigoomima icatihu, jaani impuesto jaadusuminaafibadi icatihu, ¹² sajaguisivi mifooci machutiboo icafihu, uujojo paryi agaananolti fahuseeciti sano ico acifihu, nuuruubo, nooboro.

¹³ Jaanoti jilli impuesto jaadusuminaafi tehesino icahicauhi caamo niquejejaagoco meecitiiboo, jilli iciidii ticovoco aamihicaubo nooboro: Moocaani uujojo imitminaafi uco didaasugo, nooboro.

¹⁴ Jaanoti amiihaico neehi: Jaani impuesto jaadusuminaafi iijajaa fuuhi ijeebib imicuubo. Jaanoti fariseomiooboco Moocaani gaayiciutihu. Jilli iicamaño: Uujojo sihidi jeevahi, onoono guinovi ficufafeteji. Jaanoti: Sihidi jeevahi, onootiboco sihidi jeevasujiiboo, nooboro.

Jesu Seemeque Imino Onoono.

(Mt 19.13-15; Mr 10.13-16)

¹⁵ Tolliro bu seemegayimico Jesucaa sivahicaumo diitoco idudiiciqui. Jaanoco ijibogominaa aatyimeumoro isivauumoco iibahicaumo.

¹⁶ Jaanegui Jesu diitoco ocoovauboro nuuhi: Jaafa tajaa seeme saahi: Mefeedino, meneejirahana. Ditiobadi iicamedi Moocaani aivoji icahi.

¹⁷ Miyanotiro amiihaico neehi: Moocaani aivojico seemene iicabadi agaayicitiboo, tahi ufucu feejithi, nooboro.

Sihidi Inihibamima Icaabo Jesuma Iimaahi.

(Mt 19.16-30; Mr 10.17-31)

¹⁸ Jaanaa saafi aivojiboo Jesuco dilluuhi: Idiimiiboo Jibogominaafi, ¿milli fine mooniji ifinijitino fiivoma icaqui? nooboro.

¹⁹ Jaanegui Jesu diiboco nuuhi: ¿Milliti: Jaabo uco iimiiboo, neehi? Idiiboro saafiro iimiiboo Moocaani. ²⁰ ¿Nacu gaajahhi Moocaani tajibaco? Sifigoti taabavadino, gujenidino, nanivadino, sitaaditi sicamañoooco diibeguedino, diicaani, diiseejí icamisico gaiji, nooboro.

²¹ Jaanegui diibo nuuhi: Seemenetiro uujojo paryi tolli moonifihi, nooboro.

²² Jaanoco uguubuuboro diiboco Jesu nuuhi: Icanehiica sano dihimega; Foobo dinehejeque paryi naajete. Jaaboro inihibamico

idaasumoco daaci. Jaadi jari niquejefaño sihidi dinehejema diicaji. Jaaboro tadyojicuti disaa, nooboro.

²³ Jilli diiboco unuuneri sihidi idaasuvuubo sihidi inihibamima iicau-maño. ²⁴ Diibo iidaasuvuunoco Jesu aatyimeuboro nuuhi: Aivo jeddi tihino sihidi inihibamima iicamo Moocaani aivojifaño ofoono. ²⁵ Tihijitiruno camello januutu ojiri afatyono. Jaanoti sihidi jeevano sihidi inihibamima iicaabo Moocaani aivojifaño ofoono.

²⁶ Jaanoco uguubuumo nuuhi: ¿Jaanegui cajaatyo fine taajajirahi? noomoro.

²⁷ Jaanegui Jesu diitoco nuuhi: Miyaminaadi itihino Moocaanidi thiitihii, nooboro.

²⁸ Jaanegui Pedro diiboco nuuhi: Aivojibo miihai paryi monehejeque mejeevesumoro imma mihiguehi, nooboro.

²⁹ Jaanegui Jesu nuuhi: Miyanoti amiihaico neehi: Cajaatyo hacho ijaco, caanimico, inahabomico, mogainco, iseemeque icano ³⁰ Moocaani aivojiguinodi ejeevesumo jiijhallivii janaanicci gaayiciji. Tolliro ufucu niquejefaño ifinijitino fiivoma icajimo, nooboro.

Siino Jesu Iguijevejinoco Jibeguehi.

(Mt 20.17-19; Mr 10.32-34)

³¹ Jaadi Jesu fahuseeci siino miimisiici icano icamoco ijibogominaaco ijeevadi ocoovauboro nuuhi: Jisumi Jerusalejaago mefeehi paryi Moocaani iimaaminaa uujooho Miyaminaafibadi Iflivuubediti acaatinunobadi iicaqui. ³² Jaaboco uco sihigo miyaminaaco acijimo. Jaamoro uco dejecujimo imitino onoomoro jirebamaajimo, ³³ ahaamimoro, gujenijimo. Jaaruubo mifucuci, safucu icanobuunati guivevefeneti siino buheeteji, nooboro.

³⁴ Jaarunoco diito ajashuno gaajautihi jinejeti unuunoco diitedi toovono iicaumaño.

Jesu Jerico Cuumiri Iicaubo Aatyimetiboco Buheesuhi.

(Mt 20.29-34; Mr 10.46-52)

³⁵ Jaanaa Jesu Jerico cuumiti fiiticuunaa saafi aatyimetiboo jihaijiniri giciniuhii nihibamico idilluubo. ³⁶ Jaanaa sihidi miyaminaa ofoomoco uguubuuboro dilluubo: ¿Milli iicano? nooboro. ³⁷ Jaanegui nuumo: Jesu Nazareoobo feehi, noomoro. ³⁸ Jaanegui sefano coovadiivuubo: ¡David Iyaachi, Jesu, uco didaasugo! nooboro.

³⁹ Jaarunaa imegavi ufuumo diiboco iibauhi illivequi, noomoro. Jaarunaa janaanicviro coovadiivuubo: ¡David Iyaachi, uco didaasugo! nooboro.

⁴⁰ Jaanegui Jesu ujulleeveuboro tajibauhi diiboco ihicitequi. Jaanegui iicijeuboco Jesu nuuhi: ⁴¹ ¿Milli ico omooninoco diimeguehi? nooboro.

Jaanegui aatyimeutiiboo nuuhi: Aivojibo, aatyimeneque imeguehi, nooboro.

⁴² Jaanegui Jesu diiboco nuuhi: ¡Jii, daatyime! Imiyaavogomaño buheesucafetehi, nooboro.

⁴³ Jaasumiro diibo atyimeuhi. Jaaboro Jesu dojicuti fuubo Moocaanico imooboro. Jaanoco aatyimeumo paryi miyaminaa Moocaanico imehi-cauhi.

¹ Jaadi Jesu Jerico cuumifeenedi fuuhi. ² Jaacuumifaño icaubo Zaqueo onoobo impuesto jaadusuminaa aivojíibó. ³ Jaabo Zaqueo Jesuco imugu-uhu aatyimeneque. Jaaruubo atyimehicautihu baareebegayí iicamaño, sihidi miyaminaa iicaunerí icano. ⁴ Jaanoma iicaubo imegavi ijinafatyu-uboro imoho sicomor onoohori caamo fuubo Jesu afatyujino fítino iicauheri toohoti diiboco ihatyimequi. ⁵ Jaanaa Jesu toonodi afatyuubo caamoco emeeciuboro diiboco nuuhi: Zaqueo, goovano tahigotí niito jaachíiji diijafaño ifeteji, nooboro.

⁶ Jaanegui Zaqueo goovano iniituuboro imo imo Jesuco gaayiciubo. ⁷ Jaanoco paryí aatyimeumoro imitino neehicaumo: Imitiminaafi ii-jafaño Jesu ifetehi, noomoro. ⁸ Jaanegui Zaqueo ujulleeveuboro Jesuco nuuhi: Meeci Aivojíibó, tañehejeti feenedi iidaasufimoco aciji. Jaanoti saatehediti abañiboro ananihicahachíiji, igueenemehejedino ticovovi janaanicí aciji, nooboro.

⁹ Jaanegui Jesu diiboco nuuhi: Jiijaavi jaachíiji taajasu gasehi jaani tolliro Abraham iyaachi iicamaño. ¹⁰ Uujoho Miyaminaafibádi Ifiivuubo saahi imitahinimoco iguiinooboro taajasuqui, nooboro.

Fahuseecidino Nihibajenevi Ohoovicino.

¹¹ Jaamo miyaminaa Jesu jilli onoonoco guubuníchicaumo. Jaanegui jilli ooviciubo Jerusaletí ifiitcuuneguiiha. Jaanaa diito esamaaihicauhí: Fine jisumiro Moocaani aivojí gaseji, noomoro. ¹² Jaanegui diitoco nuubo: Safoonoo icaubo saafi gaifi iyotobádi obocifiibo. Jaabo fuuhi tehesino siijiníevi tahí diiboco aivojíbotí ificuudi dojicuviro ihuumiqui, aivojíbotí iicaqui. ¹³ Jaabo ifuucuquiro fahuseecidimoco ijeevicominaaco coovaubo. Jaaboro diitoco aciubo nihibajene sihidi ijaada iicanoco. Jaamoco nuubo: Naajeteque meheetavo jino nihibamíri ofoobo agasenehachuta, nooboro. ¹⁴ Jaaruuboco ijiiniye miyaminaa jíheguehicauchi. Jaamoro diibo dojicuti saatohoma jíbogoco gallumo: Mihimogothi diibo mohaivojíbotí iicanoco, noomoro. ¹⁵ Jaarunaaca diiboco aivojíbotí ficuomo. Jaadi diibo siino ijiiniye uumiubo. Jaadi cuuhuvaubo ijeevicominaaco nihibamíco aaciúmoco minoodino agaanacuunoco igaajaqui. ¹⁶ Jaanegui iticonioobo asaauboro diiboco nuuhi: Aivojíibó, dinihibami fahuseecidino janaanicí gaanacuuhí, nooboro. ¹⁷ Jaanegui ihaivojíibó diiboco nuuhi: Aivo imino, iijoho aivo iimino jeecivominaafi ajashurunohallívi imino omooniamaño ico fahuseeci cuumivahallívi aivojíbotí ficuji, nooboro. ¹⁸ Jaanaa saafi asaauboro nuuhi: Aivojíibó, dinihibami sahusedino janaanicí gaanahi, nooboro. ¹⁹ Jaaboco tolliro iimusuboo: Iijoho sahuse cuumivahallívi aivojíbotí diicaji, nooboro. ²⁰ Jaanaa sifi asaauboro nuuhi: Aivojíibó, jino dinihibami filluchehufaño ificuhinino; ²¹ Ico nihicuguehi sihidi edeevaneguiiha. Jaabo iijoho ificutimañoti diicíhi abasutirumañoti inoovataco diicíhi, nooboro. ²² Jaanegui ihaivojíibó diiboco nuuhi: Imitino jeecivominaafi dihiimaatiro ico mooniji, iiro gaajacuuhi uu-joho sihidi ejeevaaboro ificuutimañoti iicinoco abasutimañoti onoovasunoco. ²³ Jaanegui, ¿collíhi jana tañihibamí bancojafaño ficuuhinitihi uu-joho uhuumiibó tañihibamí agaanano fanooro agaayicíjirunaaca? nooboro. ²⁴ Iicojíri iicaumoco nuubo: Diibediti inihibamíco mudumítíci. Jaamoro fahuseecidinoma iicaaboco mahaci, nooboro. ²⁵ Jaarunaa diito diiboco nuuhi: Aivojíibó, diiboma fahuseecidino icacuuno, noomoro.

²⁶ Jaarunaaca ihaivojibō diitoco nuuhi: Amihaiico neehi: Iicanoma iicaaboco siino janaanici aciji. Jaanoti iinoma achahaaboti paryi iicarunogayico dumitiiciji. ²⁷ Jaanoti uujoho aivojiboti iicanoco iimegue-hinitimo taminaaco juuga misivamoro tahimefeneevi magaisiraici, nooboro.

Jesu Jerusale Cuumifaño Jicafetehi.

(Mt 21.1-11; Mr 11.1-11; Jn 12.12-19)

²⁸ Jilli unuunobuunati Jesu fuuhi Jerusale cuumijaago. ²⁹ Jaabo Betfaje, Betania icano cuuminoti fiticuunaaca tolliro Olivohono iicagaji fiftino iicacuudi miimisiici ijibogominaatisiti agalluuboro nuuhi: ³⁰ Mofoo joono ifiticumijaago. Jaamisi tuucuumivī mihifotomisi mahatyimeji burrogayi duujeciniiboco mihaiñooba diiberi iigotiboco. Jaaboco misi-naayumisiro misiva. ³¹ Amiisico cajaatyohacho: ¿Collahi momoonihi? onoohachiiji, monoo: Mohaivojibō eneeneguiha, noomisiro.

³² Jaanegui diitisi ufuumisi atyimeteuhi paryi Jesu unuubadi. ³³ Jaamisi iburrogayico siniumisico abajato nuuhi: ¿Collahi moburroco misiniihi? noomoro.

³⁴ Jaanegui diitisi nuuhi: Mohaivojibō eneeneguiha, noomisiro.

³⁵ Jaadi diiboco Jesujaago asatyuudi igaachehunoco iburrohallivi ificuumoro Jesuco diibohallivi casihacuumo. ³⁶ Jesu diiberi ofoobo imega igaachehunoco jeebumoro feehicaumo jihaifaño. ³⁷ Jaabo Olivohono iicagajiri guino niituunaaca, paryicino miyaavogominaa diibo dojicuti ufuumo ticovauhi sefano onoomo Moocaanico iimomo sihidi ejeevanoco aatyimeunoma iicamo ³⁸ neehicaumo: ¡Imicani Aivojibō, Mohaivojibō memeri asaaboo! ¡Niquejefaño sajeebii! ¡Moocaanico mihimo! noomoro.

³⁹ Jaanegui saatoho fariseomi diitofaño iicaumo nuuhi: Jiibogominaafi, didojicuti asaamoco diiba, noomoro.

⁴⁰ Jaanegui Jesu diitoco nuuhi: Amihaiico neehi diito illivuruva guisibano coovadiinamaajirahi, nooboro.

⁴¹ Jaabo Jerusale ifiticuunoco aatyimeuboro tuucuumihallivi taaubo:

⁴² Ijoho jaachiji difucuvī ico sajeebico aacijirunoco gaajaruva sajeebii diicajirahi. Jaaruno ididi otoovomaño daatyimetahi. ⁴³ Safucu ididi idasufucu gaseji diminaa dihallidi emecuvejifucu dihallidi emecuvomoro fahigovati ico mooniji, ⁴⁴ ico jiinijehallivi agañimoro dimiyaminaaco gaisiraicijimo. Jaamoro sababa dihallivi guisibaco jeevesuitimo, Moocaani ico abaavafucuco agaajacitimaño, nooboro.

Jesu Templojaco Imibachuuhi.

(Mt 21.12-17; Mr 11.15-19; Jn 2.13-22)

⁴⁵ Jaaboro Jesu templojafaño ufuuboro ticovaubo toojafaño anaaje-meque isivi agañiubo. ⁴⁶ Jaaboro diitoco nuubo: Caatinhaamefaño jilli noono: Taaja Moocaanima iimaaajareji, noono. Jaarujaco amihai nanivaminaa iijatiro miminiyuhi, nooboro.

⁴⁷ Jaabo Jesu fafucuvaaciviro miyaminaaco templojafaño jiibogooboro icahicauhi. Jaaruna sacerdotemi aivojito, caatiniminaa, tuucumi aivojito icamo diiboco iguijeniqui ituma ifehicauhi. ⁴⁸ Jaarumo toonohalliti omooniirunoco atyimehicautimo paryi miyaminaa diibo onoonoco uguubunicimo iicaumaño.

20

Jesu Mitya Iiji.

(Mt 21.23-27; Mr 11.27-33)

¹ Safoono Jesu templojafaño icaubo miyaminaaco taajasubogoco ijibogoobo. Jaanaa gaseumo sacerdotem i aivojito, caatiniminaa, quillahuto icamo. ² Jaamoro diiboco dilluumo: Mihaico diibogo, ¿mijohojiji jilli moonihi; mijoho ico eneeneguiiha? noomoro.

³ Jaanegui Jesu diitoco nuuhi: Uujoho tolliro amiihaico dilluji, uco mihiimus: ⁴ ¿Nacu, mijoho Juaco tajibauhi miyaminaaco initiqui? Moocaani, nacu miyaminaa? nooboro.

⁵ Jaarunaa diito sanomiro noocasihicauhi: ¿Milli fine meneeji? Moocaani tajibari munuuruva du: ¿Collahi jaanoco mimiyaavogotih? mihaico neejiruubo. ⁶ Jaanoti miyaminaa tajibari munuuruva, mihaico paryi miyaminaa guisibanker gaicaaujirahi, miyanotiro Jua Moocaanifañod ihiimaahicaunoco imiyaavogomoro.

⁷ Jaamoro nuumo: Magaatatihi. ¿Mijohohacho fine Juaco miyaminaaco initijinoco tajibauhi? noomoro.

⁸ Jaanegui Jesu diitoco nuuhi: Jii, tolliro amiihaico uujoho neejitihi mijoho tajibari omooninoco, nooboro.

Imitino Dudicamaajeminaavi Ohoovicino.

(Mt 21.33-44; Mr 12.1-11)

⁹ Jaadi Jesu miyaminaama ihiimauboro jilli ooviciuhi: Saafi miyaminaafi baacuco sihid basuhi. Jaaboro dudicamaajeminaaco toonoco utuumusuuboro. Sihi tehesino fuubo tahi gueenene iicaqui. ¹⁰ Jaano ibaacu onoovacuudi iicojiminaafico galluubo diitojaago imañoonoti diibogaago diito igalluuqui. Jaaruuboco diito ahaamihicaumoro botiboco dojicuviro diibojaa galluumo. ¹¹ Jaanegui toono abajaabo sifico galluubi. Jaaboco tolliro idicuno, unuumoro aamiumo. Jaamoro botiboco dojicuviro galluumo. ¹² Jaanegui siino bu sifiiti galluubo. Jaaruuboco itihivasuumoro buhigovi gañiumo.

¹³ Jaanegui jari ihabajaabo nuuhi: ¿Milli fine mooniji? Agaijib taseemeneque galluuj. Jaaboco aatyimeumoro noocasumo: Jaani duhu imi toonoco agaayicijiib. Masii miguijeniqui. Jaadi jari mijhai toono abajatoti mihicaji, noomoro. ¹⁵ Jaamoro tomañoti sihigovi asatyumoro diiboco gujeniumo, nooboro Jesu diitoco dilluhi: ¿Jaamoco milli fine tofagui abajaabo diitoco fine mooniji? ¹⁶ Asaaboro diito dudicamaajeminaaco ifinisuuboro toonoco sidudicamaajeminaaco acijiib, nooboro.

Jaanoco uguubuumoro nuumo: ¡Chaha, Moocaani tolli moonidino! noomoro.

¹⁷ Jaanegui diitoco Jesu emeeciuboro nuuhi: ¿Nacu, milli eneejiruno jino Caatinihamefaño icahi? Jill du noono:

Guisiiri ijanoco eetavonicimo imiguisibaco ithisuumoro gañihi. Jaarunofaño saafi agaajaabo tobacco dojicuviro icihi toba iminoco agaajamaño. Jaaboro aivo imimaño ficuubo, noonoo Caatinihamefaño.

¹⁸ Jaabahallivi aacotomo gafaryunamaajiji ididaaheje. Jaanoti cajaatyohallivi toba aacotohachijiji diitoco quicheyicijiiba, nooboro. Jill nuubo Jesu diiboco imiyaavogotimoco ufucu omoonijinoco.

*Impuestoditi Ihiimaano.**(Mt 22.45-46; 22.15-22; Mr 12.12-17)*

¹⁹ Jaasumiro Jesuco sacerdotem̄ aivojito, caatiniminaa icamo gaayiciujirahi diitoti onoobo siinovi ohooviciiboro eneehicaunoco agaajaumoro. Jaarumo miyaminaati iguiuhi. ²⁰ Jaamoro saatohot̄ galluumo iimimobadi asaamoro diibō siibadi onoonoco uguubuumoro diiboco asatyomoro aivojibō usefaño ihacitequi. ²¹ Toonegui diito diiboco jilli dilluuhi: Jibogominaafi, miihai magaajahi ijohohi miyaanoco imino onooboro, miyaanoco idibeguehicanoco; paryi miyaminaaco sabadiro edeesiciniiboro Moocaani jiihaiti imino diibeguehi. ²² Miihaico dinoo: ¿Naa Cesar impuestoco ajaadusunoco majaaduji? ¿Nacu, majaadujitih? noomoro.

²³ Jaarunaa diito diibohalliv̄ imitino ihiimaanoco agaajaciuboro ditoco nuuhi: ¿Collahi uco mabañih? ²⁴ Eneecata uco saje nihibajeti mihifusu. ¿Nacu miijoho ime jana jino, jino imomo acaatinicinino icano?

Jaanegui diito nuuhi: Aivojibō Cesarno, noomoro.

²⁵ Jaanegui diitoco nuubo: Cesarno iicanoco Cesarcō mahaci. Jaanoti Moocaaninoco Moocaanico mahaci, nooboro.

²⁶ Jaamaño diiboco inisuurumo iciutimo milli miyaminaafeenevi unutimaño. Jaamoro sihidi jabafituumo diitoco tolli iimusuuner. Jaamoro lliivi icacuumo.

*Siino Mubuheetejinoti Idilluuno.**(Mt 22.23-33; Mr 12.18-27)*

²⁷ Jaanobuunati saatoho saduceomi iguijevecuumo siino buheetejitihi onoonicimo Jesujaago asaamoro diiboco nuumo: ²⁸ Jibogominaafi, Moise miihaidi caatiniuhi: Saafi nahabo mogai seemevatigo cojiti iiguijevehachiji, inahabo ifibaijigoco iiciiboro diigoma iseemevaqui inahaboco ibuunaniqui, nooboro. ²⁹ Safoonon icaumo sahuse juugahuseti miimisiici icamo saafi seemere. Jaamoti ihamiyaabo iticoni taabavauhi. Jaaruubo guijeveuhi seemevatiiboro. ³⁰ Jaanegui saafi inahabo ifibaijigoco iciuh. Jaaruubo tolliro seemevatiiboro guijeveuhi. ³¹ Jaanegui jaano allivioobo diigoco iciurahi. Jaabadiro famooro diigoma icaahi. Jaarumoti saafiiba seemevatimoro paryi guijeveumo. ³² Jaanobuunati bu tolliro diigo guijeveuhi. ³³ Jaamoti buheetefucu, ¿cayaani taabaji fine? Famooro diigoco ataabavacuumoti, noomoro.

³⁴ Jaanegui Jesu diitoco nuuhi: Jino jiinjehalliv̄ miyaminaa taabavacasahi. ³⁵ Jaanoti ufucu ubuheetemere sijijinijevi Moocaani eneeneri iimihusemaño ifotomo tahi taabavajitih, iseemeque tajenijitimo icano. ³⁶ Siino tahigo iguijevecuujitimaño Moocaani toomominaabadiro icacujimo siino ubuheetecumaño Moocaani seemerucuuji iicamo. ³⁷ Moise tolliro miihaico gaajasuhu iguijevecuumo ubuheetejinoco Caatinihamefaño imohogayi ijigahicaumañovi. Jaamañovi noono: Aivojibō Moocaani Abraham, Isaac, Jacob icamo Aivojibō. ³⁸ Jaabo Moocaani iguijevecuumo aivojibō icatino ubuheeme Aivojibō. Jaabo Moocaanidi paryi diito buheeme, nooboro.

³⁹ Jaanegui saatoho caatiniminaati diiboco nuumo: Imino neehi, jibogominaafi, ⁴⁰ noomoro siino diiboco dillucuutimo.

*¿Miijoho Iyaachi Fine Cristo?**(Mt 22.41-46; Mr 12.35-37)*

⁴¹ Jaadi Jesu diitoco nuuhi: ¿Milli jaamo Cristoco David iyaachi neehicahi? ⁴² Miiro David icaruubo Salmohaamefaño nuuhi:

Mohaivojiibo Moocaani Tahaivojiibo Cristoco nuuhi: Tamiyanaagonovi casiivo, ⁴³ diminaaco ditihaguino uuoho ificuunohachuta, nubo.

⁴⁴ ¿Milli jaabo Cristo David iyaachi icajirahi, David bu icaruubo diiboco: Aivojiibo, unuuno icanaaca? nooboro.

Jesu Caatiniminaaditi Neehi.

(Mt 23.1-36; Mr 12.38-40; Lc 11.37-54)

⁴⁵ Jaanaaca famooro miyaminaa guubuniciunaaca Jesu ijibogominaaco nuuhi: ⁴⁶ Mehesicini, caatiniminaati caamovonoono gaachehehunoma iigonoco iimoyiicifiomot. Bu tolliro imoyiicifimo naajetehasinovi diitoco iminoco sinagogajafaño ufuusumi imiya icaganocoro ujuvicamaaifimo machujafaño iimimañehejequere juvicamaaifimo. ⁴⁷ Tolliro fibajito iijanoco udumitiicifiomo. Jaamo iifurumo gueenene Moocaanima iimaafimo utuvuusumo sitaaco ibañiqui. Jaamo guiraajino cijigaifaño ijaadaco agaayicino, nooboro.

21

Fibajigo Aacino.

(Mr 12.41-44)

¹ Jaanaa Jesu templojafaño atyimeuhi sihidi inihibamima iicameheje Moocaanico aacimo ificufinofaño ificuhicaunoco. ² Jaabo atyimeuhi tolliro idasuno fibajigo mijegayiicico ificuunoco. ³ Jaanegui Jesu nuuhi: Miyanotiro amihaico neehi: Jaamo idasuno fibajigo paryi famoova janaanicaci acihi. ⁴ Jaanot paryi diito, diitedi sihidi aatyuu-vucuunoti acihi. Jaanot diigo ihidasut iicanoco paryi acigo tooneri amachujirunoco, nooboro.

Jesu Temploja Finisucafeteji, Neehi.

(Mt 24.1-2; Mr 13.1-2)

⁵ Jaanaa saatoho templojati iimaahicauhi iminoono guisibano eheetavocinnoti, tolliro fañoojaco Moocaanico ejecivomo iminoono iimbachuhicaunoti icano. Jaanegui Jesu nuuhi: ⁶ Ufucu icajino paryi jino amiha mihiifinicinoco ifinisujino, sababa guisiba siibahallivi covocafetejitino, nooboro.

Ifinijino Jibogo.

(Mt 24.3-28; Mr 13.3-23)

⁷ Jaanegui diiboco dilluumo: Jibogominaafi, ¿cusumi fine tolli icajino? ¿Milliti fine magaajaji toono iticovacuunoco? noomoro.

⁸ Jaanegui Jesu diitoco nuuhi: Mehesicini, amihaico sita bañidino, guiraajimo tamemerri asaano: Uuoho Cristo, tusumi mihicacuhi, noomoro. Jaarumo dojicuti mefeedino. ⁹ Jaamo minaati, sanomiro omoonicasinoti icano mugubusumi mihiqutejirahana; iticoni jilli icajino. Jaaruno ifinicuujino icatino, ¹⁰ nooboro cuhubacafutuubo ihiimaaboo: Sijiinijeoto, sijiinijeotoma moonicasiji. Sijiinije aivoji, sijiinije aivojima moonicasiji. ¹¹ Jaasumi sihidi sefano jiinije maryibaji, ajeba icaji, sihidi fahigovavi guihuvalo icaji, niquejefano ñihicunoonoco mahatyimeji sihidi jeevanoonoco.

¹² Jaano jilli iicajino imega iticoni amiihaico agaayicimoro idasuno moonijimo amiihaico satyejimo sinagogajanoña imitino imooniqui amiihaico icivojaanimoro aivojito imegavi satyejimo tamomohalliti. ¹³ Jaamo imefeenevi tamomoco mijibegueji. ¹⁴ Jaanegui jilli momooni, imegaviro: ¿Milli fine iimusuji? noomoro mehesamaaidino. ¹⁵ Tusumi jari amiihaico uujoho gaaja iimaaco aciji. Jaaneri amiihai minaa amiihai iijico jenaaujitihi amiihaico guiinonijitimo. ¹⁶ Jaarunaa amiihaico, amiihai caanimi, amiihai nahabomi, amiihai yoto, amiihai gataavominaa icamo amiihaico aivojitojaago satyeji. Jaamoco amiihaiti saatohoco gaisiraicisujimo. ¹⁷ Paryi jiinijeminaa amiihaico jiiheveji tamomohalliti. ¹⁸ Jaarumo milli mihicajitihi. ¹⁹ Tollri icarunofa quehecuno mihicachiiji ifinijitino fivoma mihicaji.

²⁰ Jerusale cuumihallidi minaa emecucininoco mahatyimecuudi magajacu tuucuumi ifinijuujinoco. ²¹ Jaasumi Judea jiinijeri mihicamo ifagajinojaa magaa. Jaanoti Jerusale cuumiri mihicamo tuucuumiti buhigovi mofoo. Jaanoti tuucuumiti buhigovi mihicamo tuucuumijaa masaadino, ²² Caatininhaamefaño idasujino onoobadi tusumi icajino idasufucuno. ²³ Idasucani icajimo tusumi gaigoomi oovato iicamo, mifañotioseejema iicamo icano jiinijehallivi sihidi idasuu iicajimaño jiinije miyaminaaco ñihicuno ahaamijineri. ²⁴ Jaanoti saatoho amocasi-faño guijkeveji. Jaanoti saatohoco fahigova jiinijenevi icivojaanimoro satyejimo, tolliro Jerusale cuumico sijijiinje miyaminaa jiinijehallidi quicu quicu icaji diitoco Moocaani ejeevesunohachutahiica.

Jesu Miyaminaafibadi Ifiivuubo Siino Asaajino.

(Mt 24.29-35, 42-44; Mr 13.24-37)

²⁵ Jaadi niquejeguiinodi jiihbogo icaji cuujeo nihibavi, fucuo nihibavi, meecriivi icano; jiinijehallivi paryi jiinijeminaaco ihesamaaje mitaji sihidi igotocinijimo muuai ñihicuno ojineri, ityuucai ñihicuno ojineri icano. ²⁶ Jaamo miyaminaa jiinijehallivi iicajinoco eesamaaimoro ñihicuri choomocinijimo, niquejeomitya icaruno maryibaji. ²⁷ Jaadi jari mahatyimeji uujoho Miyaminaafibadi Ifiivuubo aimuufaifeenedi mityama, aivojima icano asaanoco. ²⁸ Jineheje jilli iicacuudi caamoco memeeci Mataajasucafutucuujineguiha, ²⁹ nooboro jilli ooviciubo: Memeeći higuerahoco tolliro paryi imohonoco; ³⁰ bohono ahaamevanoco mahatyimesumi, amiihairyo magaajafihu ficaba ifiiticunoco. ³¹ Jaabadiro jino onoonoco mahatyimecuudi magaajacu Moocaani aivoji ifiiticunoco.

³² Miyanotiro amiihaico neehi: Paryi jino iicanoco tusumioto aatyimeme guijkejitihiica, ³³ niqueje, jiinije icano finijirahi. Jaanoti taaji sicamañovi fatyejitihi.

³⁴ Jaanegui mehesicini, iimitinofeenedi amiihai jeebii cuhfetedino, guirihicavono jiinije busumije imoyici icano guinoditufucu amiihaiivi mehesicintinaaca gasedino, ³⁵ amiihaihallivi tacuraba gaajaciratino aacotonicibadi. Jilli tufucu gaseji fahigova jiinijehalliri iicamohallivi. ³⁶ Jaanegui mihimibaicinicu. Jaamoro fahijivaro Moocaanima mihimiaa, paryi jino iicajinoti mataajaji. Jaamo uujoho Miyaminaafibadi Ifiivuubo imefeenevi mihofeteji, nooboro.

³⁷ Jaabo Jesu cuuje templojafaño jibeguehicaubo. Jaanoti mihiijicuudi Olivohono iicagajijaago ofooboro tahi icahicaubo. ³⁸ Jaanaa miyaminaa fucugayiro templojafaño gasehicauhi diiboco iguubuniciqui.

22

Jesuco Iguijeniqui Omoonino.

(Mt 26.1-5, 14-16; Mr 14.1-2, 10-11; Jn 11.45-53)

¹ Jaanaaca ijicutama achahano maahunoco amachufino Pascua jibaimo fiiticuunaaca, ² sacerdotemi aivojito, caatiniminaa icamo moonihicauhi: ¿Milliti fine magaicaauji? noomoro Jesuco igaicaauqui. Jaarumo miyaminaaco iguihicauhi.

³ Jaanaa Satanas jicafutuhi Juda Iscariote jeebifaño Jesu minisuminaa fahuseeci motihaiti miimisiici icamoobofaño. ⁴ Jaaboro sacerdotemi aivojito, temploja aivojito icamojaago ufuuboro diitoma iimaatuubo Jesuco diitoco ihaciqui. ⁵ Jaaneri imo imo iicaumoro diibo Judaco nihibamico aciguumo. ⁶ Jaanegui: Jii, unuuboro ticovaubo iguiinuubo, ¿milli fine diiboco diitoco aciji, miyaminaa chahanaaca? nooboro.

Aivojibbo Niinoono Amachuuno.

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Jaanaa ijuurisutama achahano maahunoco amachufino jibaimo icacuuhi Pascua ovejaco agaicaaujifucu. ⁸ Jaanaa Jesu galluhi Pedro, Jua icamisico: Pascua machutaaco mohime mihimibachuto, nooboro.

⁹ Jaanegui diitisi dilluuhi: ¿Conoví diimeguehi mihimibachunoco? noomisiro.

¹⁰ Jaanegui Jesu iimusuuhi: Cuumivi mihifotoodi saafico mahatyimeji iciñuuri nifaihuco asatyoooboco. Jaabo dojicuti mofoo ijafaño.

¹¹ Jaamisiro toojao aivojiboco monoo: Mohaivojibbo jilli neehi: ¿Comecuña tajibogominaama Pascua machutaaco machuji? noobo, noomisiro. ¹² Jaadi amiisico ifusujiboo iguiraamecu, caamovohi iicamecu, imibachucinicumeccu. Jaamecuña meheetavo mamachuqui, nooboro.

¹³ Jaanegui uffumisi paryi Jesu unuubadi icanoco aatyimeumisiro toonovi Pascua machutaaco eetavuuhi.

¹⁴ Jaanaa amachucujidi Jesu iminisuminaama casiivuuhi imachuqui.

¹⁵ Jaanaa Jesu diitoco nuuhi: Guiraacani imeguehi, amihaima Pascua machutaaco amachunoco iguijevecuujino imega. ¹⁶ Amihaico neehi: Siino Pascua jibaimo machucho machucujitihu. Jari siino Moocaani aivojifaño meheetavoodi, ¹⁷ nooboro ihadutahilluco agaayiciuboro Moocaanima iimaubo. Jaadi nuubo: Jinooco mihicimoro mihibocasi ¹⁸ amihaico neehi: Jisumitiro siino aducujitihu baacufaihuco Moocaani aivoji agasetinohachuta, nooboro.

¹⁹ Jaadi imaaahuco agaayiciuboro Moocaanima iimaubo. Jaadi quisicuuboro diitoco aciubo jilli nooboro: Jino tafi amihaihallivi aacicafetejino jilli momooni. Jaamo uco jabajeevetimo mihicahi, nooboro.

²⁰ Jaanaa amachuunobuunati tolliro ihadutahilluco agaayicuboro nuuhi: Jihillu bohono ijiji iicajinoco tatyijeheri eetavono tatyijoho amiihaihalliv agañicafoton.

²¹ Jaarunaa jino amiihaiti uco aaciijiib oigaicaauqui tacojiri icahi.

²² Jaarunaa uujoho Miyaminaafibadi Ifiivuubo uudit unuucubadi feehi. Jaarunaa idasucani iicajijiib uco aaciijiib, nooboro.

²³ Jaanegui ticovauamo idillucasiumo: ¿Cajaani fine aaciijiib? noomoro.

¿Cajaani Fine Imiyaabo? Noocasiumo.

²⁴ Jaanaa ijibogominaa noocasihicaahi: ¿Cajaani miihaiti imiyaabo? noomoro. ²⁵ Jaanegui Jesu diitoco nuuhi: Siicuumijeoto judiom iicatimo aivojito idasugotimo sefano tajibanicahi. Jaamo diito aivojito imihusefimo, noonimimo. ²⁶ Jaanoti amiihai tolli mihicajitihi. Jaanoti siibadiro amiihai mihicaji, amiihaifañoti imiyaaboti iicaqui jilli saatoho jecivominaafiti miminfeteji. Jaabadiro atajibaabo jecivominaafiti minifeteji. ²⁷ ¿Nacu, miijoho imiyaabo, acasiivooboro amachufiib, nacu ejecivefiib? ¿Eti acasivefiib? Jaarunaa uujoho amiihaifeeneri icahi jecivominaafibadi.

²⁸ Amiihai uuma mihicafih uco insunehejefañodi. ²⁹ Jaanegui uujoho amiihaico aivojico aciji uco guihirubi aacihinibadi. ³⁰ Jaamo mamachuhi, mahaduhi icano uuma jahigo tahaivojifaño. Jaamoro aivojijiib icagafaño macasiivomoro matajibahi Israel cuumino fahuseeci motihaiti miicuumiici icanohalliv, nooboro.

Jesu Neehi Pedro Diiboco Utunamaaijinoco.

(Mt 26.31-35; Mr 14.27-31; Jn 13.36-38)

³¹ Jaaboro nuubo Aivojijiib: Simon, Simon, mehesicini jino Satanas amiihaico idillunoco siinoco agañunicibadi idasuno amiihaico igañucuqui. ³² Jaarunofaño uujoho Moocaanima dihalliv iimaahi dimiyaavogo iiti finitino iicaqui. Jaabo ijoho siino imiyaavogodi dinahabomico quehecutusu, nooboro.

³³ Jaanegui Simon diiboco nuuhi: Aivojijiib imibaicinicuuhi imma civojafaño feequi, imma guivevequi icano, nooboro.

³⁴ Jaanegui Jesu diiboco nuuhi: Pedro ico neehi: Jisumiro catava ojitiibaacaro mifooci, safo icano uco tuunamaaiji; uco gaajaruubo, nooboro.

Idasuno Iicajino.

³⁵ Jaadi Jesu diitoco nuuhi: Amiihaico dureecuma, nihibami, lleegucuma, tihapajema icano masatyedino, nooboro agalluusumi: ¿Nacu fanoova amiihaidi cuujivaachuuhi? nooboro.

Jaanegui diito: Chahano, nuuhi.

³⁶ Jaanegui diitoco nuubo: Jaanoti jisumi tolli icatino dureecuma, nihibami lleegucuma icano mihicabao masatyo. Jaanoti aamigama machahaabao amiihai caamoojaco manajemere aamigati mihiici.

³⁷ Amiihaico neehi: Uuti Caatinhaamefaño jilli onoono icaji: Iimitimofeenevi ficucafetejiib, onoono, paryi uudit onoono tolli icaji, nooboro.

³⁸ Jaanegui diito nuuhi: Aivojijiib, miigaacima mihicahi, noomoro.

Jaanegui diibo nuuhi: Toonovirucu, nooboro.

* **22:20** Sahaamefaño samañoviro ficuumo. Versiculo 19 nijequ, bu versiculo 20 iicanoco ficuutimo.

*Getsemani Onoomañoovi Jesu Moocaanima Iimaahi.**(Mt 26.36-46; Mr 14.32-42; Tolliro meeci Heb 5.7-8)*

³⁹ Jaadi Jesu toonoti fuuhi Olivohono iicagajijaago iicanicibadi. Jaaboma ijibogominaa fuuhi. ⁴⁰ Jaamo tomañoovi ifutuudi diitoco nuubo: Moocaanima mihiimaa, ijí inisunofaño mahaquetedino, nooboro.

⁴¹ Jaadi Jesu diitoti sihigovi fuuhi guisibaco maganicarunohachuta. Jaaboro memuiivuubo Moocaanima ihiimaaqui. ⁴² Jilli nooboro: Guihi, idiimogohachiijí jino idaasuno iicajinotí uco taajasu.† Jaaruno uujoho iimogobadi icatino, jaafa ijohoh idiimogobadiro icano, nooboro.

⁴³ Jaanaaca diibojaago Moocaani toomominaafi niquejefañotí saauhi diiboco isefatusuqui.‡ ⁴⁴ Jaabo sihidiro iidaasuvooboron Moocaanima quehecuno iimaahicaubo. Jaanaaca ituga jiinijehallivi aquetehicauhiji Joho ocooyinobadi.

⁴⁵ Jaabo Moocaanima ihiimaaunotí agañiivuuboro ijibogominaajaago fuuhi. Jaamo ihidaasuri cigacuumoco atyimeteubo. ⁴⁶ Jaanegui diitoco nuubo: ¿Collahi micigahi? Magañiivomoro Moocaanima mihiimaa ijí inisunofaño mahaquetedino, nooboro.

*Jesuco Isisimoro Satyomo.**(Mt 26.47-56; Mr 14.43-50; Jn 18.2-11)*

⁴⁷ Jesu ihiimaaunaacaro sihidí miyaminaa gaseuhi. Jaamoco siiguubo Juda onoobo Jesu ijibogominaati fahuseeci motihaití miimisiicidimo iicahicaurumoobo. Jaabo Jesujaago fittivuuhi diiboco ininiiciiqui.

⁴⁸ Jaaboco Jesu nuuhi: ¿Juda, tolli ininiiciiboro Miyaminaafibadi Ifiivuboco daacichi? nooboro.

⁴⁹ Jaabo Jesuma iicaumo tolli iicanoco aatyimeumoro Jesuco dilluhi: ¿Aivojibó, aamiganeri diitoco momooniji? noomoro.

⁵⁰ Jaamotí saafi sacerdotemí jeecivominaafico omooniubo buuyaacuhi imiyanaago nijimeehu. ⁵¹ Jaarunaa Jesu diitoco nuuhi: Musufenicu jaafa icacuumo, nooboro sacerdote jeecivominaafi nijimeehu ududiiciuneribuheesuubo. ⁵² Jaaboro sacerdotemí aivojito, temploja aivojito, quillahuto icamo igaiyiciqui asaaumoco nuubo: Tatyicovodi amihai masaaahi aamiganoma, cudasahenema icano nanivaminaafico mihicanicibadi. ⁵³ Amihai feeneri fahijivaro templojafaño icahicarahi. Jaaruuboco uco magaayicihicathi. Jaarunaa jisumi amihai imitiminaa tolli momooninicichi jino icivono mityaguiino, nooboro.

*Pedro Jesuco Tuunamaaiuhi.**(Mt 26.57-58, 69-75; Mr 14.53-54, 66-72; Jn 18.12-18, 25-27)*

⁵⁴ Jaasumiro Jesuco agaayiciumoro satyuumo sacerdotemí aivojibó iijajaago. Jaabo dojicuti Pedro tehesinotí ifiniciiboro feehicauhi.

⁵⁵ Jaamoro ihaivojibó iija goohasifeenevi cijigaico eebasuumoro casiicamaaiumo. Jaamofeenevi tolliro Pedro casiivuhi. ⁵⁶ Jaaboco jeecivominaago cijigaijinivi giciniboco gueenene ihifiniciugoro nuuhi: Jaani tolliro diiboma iicahicaaboo, noogoro.

⁵⁷ Jaarunaa Pedro utuunamaaiboo nuuhi: Gaigo, uujoho diiboco gaa-jatihí, nooboro.

† 22:42 Griego ijiri: jihidaasuhilluco uuti buhigovi denesu, noono. ‡ 22:43 Sahaamefaño toversiculonoco ficuutimo.

⁵⁸ Jaanobuunati tolliro saafi diiboco aatyimeuboro diiboco nuuhi: Iijoho tolliro diitoobo, nooboro.

Jaarunaa Pedro diiboco nuuhi: Chahano, uujoho diitoobo icatihu, nooboro.

⁵⁹ Jaadi sano nihiba oovobuunati saafi diiboco jenaaahi jilli nooboro: Jaani miyaano diiboma iicahicahiniibbo Galileaoobo iicamaño, nooboro.

⁶⁰ Jaanegui Pedro nuuhi: Chahano, uujoho gaajatihi iijoho toono onoonoco, nooboro.

Jaasumiyo Pedro ihimaaunaaca catava ojihuhi. ⁶¹ Jaanegui Aivojiibo Jesu Pedrojaagovi iminifutuuboro diiboco meecíubo. Jaaneri Pedro esa-futuuhi Aivojiibo Jesu diiboco: Jaachiji catava ojitinaacaro mifooći, safo icano uco tuunamaajji, nooboro unuunoco. ⁶² Jaaboro Pedro ufuuboro sihidü aivono taauhi.

Jesuco Edejecuno.

(Mt 26.67-68; Mr 14.65)

⁶³ Jaanaa Jesuco utuumuumo diiboco edejecuumoro aamiuhu.

⁶⁴ Ihaalliiñoco gaachehubaryuri isiyaacuumoro ihimeque gabacuhicauhi: Gaajaci. ¿Naa miijoho ico aamih? noomoro

⁶⁵ famañojave diiboco iibahicaumo.

Jesu Fagominaa Imegavi Icauhi.

(Mt 26.59-66; Mr 14.55-64; Jn 18.19-24)

⁶⁶ Jaanaa eseseeveudi igaivuumo judiomä quillahuto, sacerdotemä aivojito, caatiniminaa icamo. Jaamoro Jesuco satyuumo fagominaa imegavi. Jaamoro Jesuco dilluumo: ⁶⁷ Miihaico dinoo, ¿naa miya iijoho Cristo? noomoro.

Jaanegui diitoco iimusuubo: ¿Amiihaico jiihi, nuuruva nacu mimiyaaveguejirahi? ⁶⁸ ¿Jaanoti amiihaico nuuruva nacu uuma mihiimaanoco mihimeguejirahi, uco misinaayujirahi icano?[§]

⁶⁹ Jisumitiro uujoho Miyaminaafibadi Ifiivuubo giciniji Moocaani imityaaboo miyanaagonovi, nooboro.

⁷⁰ Jaanegui diiboco famooro dilluumo: Jaanegui, ¿iijoho Moocaani Seemene? noomoro.

Jaanegui Jesu diitoco nuuhi: Jiihi, amiihai monoobadi, nooboro.

⁷¹ Jaanegui diito nuuhi: ¿Collihi bu sita onoonoco mihimeguejirahi? Miihairyo mugubucuuhi iijiri onoonoco, noomoro.

23

Jesu Pilato Imega.

(Mt 27.1-2, 11-14; Mr 15.1-5; Jn 18.28-38)

¹ Jaamo famooro agañiivuumoro Jesuco satyuumo Pilato imegavi.

² Jaamoro ticovaumo diibohallivi ihimaaamo: Jaanico miihai matyimehi, muucuumico ñaaisuuboco. Jaaboro neehicaabo: Cesarco impuestoco majaadudino uujoho Aivojiibo Cristo icahi, neehicaabo, noomoro neehicaumo.

³ Jaanegui Pilato diiboco dilluuhi: ¿Naava iijoho judiomä Aivojiibo? nooboro.

Jaanegui Jesu diiboco iimusuubi: Jiihi, iijoho toono onoobadi, nooboro.

⁴ Jaanegui sacerdotemä aivojito, miyaminaa icamoco Pilato nuuhi: Jaanivi iimitinoco aivo atyimetih, nooboro.

⁵ Jaarunaa diito janaanici nuuhi: Paryi Judea jiinje miyaminaaco ñaaisuhicaabo ijibegueri Galileavi iticonihiniiboo, juu icacuhi, noomoro.

*Jesu Herode Imega.**

⁶ Jaanoco Pilato uguubuuboro dilluuhi: ¿Nacu diiboo Galileaoobo? nooboro. ⁷ Jaanegui diiboco: Jiihi, unuunegui Jesuco galluubo Galilea aivojiibo Herodejaago tusumi Jerusale cuumivi agaseubojaago.

⁸ Jaaboo Herode Jesuco aatyimeuboro imo imo minifutuhi siicijetiro Jesuditi ihiimaanoco guubuhicaubo. Jaaboro diiboco imeguehicaubo aatyimeneque sihidi ejeevanoco Jesu omooninoco ihatyimequi.

⁹ Jaaboro Jesuco sihidi dilluhicaubo. Jaarunaa Jesu diiboco iimusuutihii.

¹⁰ Tollaro tomañeri icaumo sacerdotemi aivojito, caatiniminaa icamo diiboco iguijenisuqui mityano iimaahicauhi. ¹¹ Jaanegui Herode ihamocasiminaama diiboco: Jilli mihiifoobo, noomoro imitino mooniumo. Jaamoro diiboco edejecumo aivojiibo gaachehubadi iimichehufaño jihacumo. Jaaboco dojicuviro Herode Pilatojaago galluuhi. Jaasumiti jari Herode Pilatoma imitocasiuhi. ¹² Jaanoti iticoni jihhevecasihicaumisi.

Jesuco Igaicaauqui Unuucuuno.

(Mt 27.15-26; Mr 15.6-15; Jn 18.39-19.16)

¹³ Jaanegui sacerdotemi aivojito, tuucuumi aivojito, miyaminaa icamoco Pilato igaiyicciuhi. ¹⁴ Jaaboro diitoco nuuhi: Amiihai jaanico tajaa misivahiniihi: Miyaminaaco ñaaisuubo, noomoro. Jaaboco imino dillucuurahi amiihai imefeenevi. Amiihairyo magaajacuuhi diibediti: Imitiiboo, noomoro mononoonoco aatyimetinoco. ¹⁵ Jaabadiro bu Herode iimitinobaaco aatyimetiibo siino tajaa sivasuuhi magaaja milliti bu migujenijirahi. ¹⁶ Jilli ahaamiboro diiboco sinaayuji, nooboro.

¹⁷ Jaabo Pilato jibaimosumi saafi civojaminaafiti sinaayuujirahi miyaminaaco imono iicasuqui.† ¹⁸ Jaarunaa famooro sano sefano neehicauhi: ¡Diiboco gujeni! ¡Barrabacoro sinaayu! noomoro.

¹⁹ Jaabo Barrabaco civojaaniumo tuucuumi miyaminaaco aivojithallivi añaaisuuneguiiha, tolliro bu saatohoco agaicaauneguiiha icano. ²⁰ Jaarunaa Pilato Jesuco isinaayunoco iimuguuboro siino miyaminaama iimaauruubo. ²¹ Jaarunaa diito janaanici sefano nuumo: ¡mohobujehallivi tetecu! ¡Tetecu! noomoro.

²² Jaarunaa siino Pilato diitoco nuuhi: ¿Nacu, jineje iimitinoco mooniiboo? Diibovi atyimetihii iimitinoco toonohalliti agaicaaujirunoco. Jilli ahaamiboro diiboco sinaayuji, nooboro.

²³ Jaarunaaca diito jenaauhi idillumo sefano noomoro: ¡mohobujehallivi itetecuqui diito sacerdotemi aivojito iicamo sihidi ocoovadiinamaaiumaño diito iiji diibohallivi fatyuumo. ²⁴ Jaanegui Pilato nuuhi: Diito onoobadi imooniqui. ²⁵ Jaaboro sinaayusuubo civojaminaafico diito idilluboco añaaisuunoti, agaicaaunoti icano icivojaaniuboco. Jaaboro Jesuco diito usefaño jeevesuubo diito iimuguubadi imooniqui.

Jesuco Etetecuuno.

(Mt 27.32-44; Mr 15.21-32; Jn 19.17-27)

* ^{23:5} Herode Antipa onoobo. Meeci Lc 3.1 † ^{23:17} Sahaamefaño toversiculoco ficutimo.

²⁶ Jaamoro Jesuco itetecuqui satyuumo. Jaanaaca saafi Cirene cuumioobo Simon onoobo buhigotí asaauboco agaayiciúmoro iguijeve imohobujeque iibisuumo Jesu dojicuti isatyequi.

²⁷ Jaabo dojicuti sihidi miyaminaa feehicaahi. Jaamofeedi sihidi gaigoomi taamoro gaibacasimoro feehicaahi diibo idasuri. ²⁸ Jaamoco Jesu emeeciuboro diitoco nuuhi: Jerusale gaigoomi, uuri mataajirahana. Amiihaihalliviro mataa, amiihai seemehallivi icano ²⁹ ufucu gasejifucu: Imicani icamo achibami, eseemevatatinoo jeebiino, iisutino mifañoono icano, meneejifucu. ³⁰ Jaasumi miyaminaa ticovaji onoomo: Ifagajino mohallivi daacoto, ifabaino mohallivi fabaavo, noomoro. ³¹ Jaamo imihuseemeque jilli omoonino idasurahi. Jaarunofaño fine imitinoco eheetavomoco janaanici idasuno mooniji, nooboro[‡]

³² Jaamo bu, tolliro satyuumo miimisiici nanivaminaatisico Jesuma sano igaicaauqui. ³³ Jaamo ifutuuhi nigaiapajebai onoomaño. Jaamoro tomaño. Jaamo teteccumo. Tolliro nanivaminaatisico imiyanaagonovi saafi, inaninaagonovi saafi icano teteccumo. ³⁴ Jaanaa Jesu nuuhi: Guihi, diitohallivi jino omoonino jaadabadi iicanoco ficuudino, jilli gaa-jatimo omoonimaño, nooboro.

Jaanaaca amocasiminaa Jesu gaachehuhallivi suerteque eetavuumo: ¿Naa miijoho iciji? onoomaño. Jaadi ifocasumo. ³⁵ Jaanaa miyaminaa diiboco ihaivojitema ihifinicimoro dejecuhicaahi: Sitaaco taajasuubo; Eneecata jisumi jaafa iinoro taajaabo miyaano Cristo Moocaani iihibo iicahachiji, noomoro.

³⁶ Tolliro amocasiminaa edejecumoro diibovi ifiitivomoro idicuno vinoco diiboco isurahi. ³⁷ Jaamoro diiboco neehicaumo: Miyaano ijohoh judiomí Aivojiboo idiicahachiji, iiro difico taajasu, noomoro.

³⁸ Jaabo nigaihallivi ficuumo acaatiniumoro[§] JAANÍ JUDIOMÍ AIVO-JHBO, onoonoco.

³⁹ Jaanaa saafi nanivaminaafi saanaagonovi etetecucinuubo Jesuco iihibicaahi: Miyaano ijohoh Cristo idiicahachiji iiro difico taajasu, tolliro bu misico taajasu, nooboro.

⁴⁰ Jaarunaa saafi diiboco iibauhi: ¿Aivo ijohoh Moocaanico nihicugotih, tobadiro ico omooninoco gaajatiiboo? ⁴¹ Misico naha jino miyaanhalliti jilli moonimo, miyaano imitino momooniuno jaadaco mihicihi. Jaanoti diibo aivo imitino moonitiruubo, nooboro.

⁴² Jaadi Jesuco nuubo: Jesu, dihaivojivi idifotoodi uco desafoto, nooboro.

⁴³ Jaanegui Jesu diiboco nuuhi: Miyanotiro ico neehi: Jaachijiro ijohoh uuma diicaji imimaño. Miyaano imiyaavogomo ofoomaño, nooboro.

Jesu Iguijeveuno.

(Mt 27.45-56; Mr 15.33-41; Jn 19.28-30)

⁴⁴ Jaanaaca gadiciiba mihicacuuhi. Jaarunaa paryi jiinje cívono mini-futuuhi; jaano jari imohonohalliti nihiba icaaberi seseteuhi. ⁴⁵ Jaano icivutuusumi nihiba jabaavuuhi. Jaanaaca temploja ofoboociniuchehu gaachehubaryu tyigaba feenedi gallivuuhi. ⁴⁶ Jaanaaca Jesu gaihivuuhi: Guihi, dihusefaño tagaijaco gaayici, nooboro chuumucuubo.

^{‡ 23:31} Griego ijiri: imoho buheeruhoco jilli omoonino. Jaanegui fine millijiru uchuumucuuhoco, noono. ^{§ 23:38} Sahaamefaño janaanici jilli ficuumo: griego ijiri, latin ijiri, hebreo ijiri icano, onoonoco.

47 Jaanoco romanomi amocasiminaa aivojibbo tonehejeque aatyimeuboro Moocaanico imuubo: Miyaano jahi jaani imihuseebe, nooboro.

48 Jaanoco bu tolliro miyaminaa aatyimeumoro fuuhi icidigameehuco aamimoro, sihidi idaasuneguiha. 49 Jaanoti paryi Jesu gataavominaa, tolliro gaigoomi Galileati diibo dojicuti asaaumo icamo icauchi tehesinoti tonehejeque ihifinicum.

Jesuco Iciuno.

(Mt 27.57-61; Mr 15.42-47; Jn 19.38-42)

50 Jaanaa icaubo saafi iimihuseebe imitino iicatatibbo Jose Arimatea cuumioobo onoobo Judea jiinjeri iicacuumi. Jaabo judiom fagominaatioobou. 51 Jaabo Jose Moocaani aivoji asaaujinoco teemehicaubo. Jaamaño paryi fagominaa omooniunofaño icautibbo. 52 Jaaboro Pilatojaago ufuuboro diiboco Jesu ifico dilluubo. 53 Jaadi Jesu ifico ihimohotini iuitusuuboro gaachehuri iimibociuboro cihoji guisigajifaño eseediuhojifaño ciubo bohoji miihaiñooba iciirautihojifaño. 54 Jaano sifucuti jaguisi iicacuujineguiha tufucuri imibaivucuumo.

55 Jaanaaca Jesuma Galileati asaaumo ufuumoro Jesuco iciunoco meecituuh. Jaamo imino atyimeuhi diibo ifi aacaumañoco. 56 Jaamo iijanojaa ufuumoro facicifaihuno, bu facici diiribano icanoco iimibaivumo.

Jaamoro jaguisifucu jaguisiumo Moise tajiba onoobadi.

24

Jesu Siino Ubuheeteuno.

(Mt 28.1-10; Mr 16.1-8; Jn 20.1-10)

1 Jaanaa ajaguisiuno sifucuti gaigoomi civonotiro fuuhi Jesu cihojijaago ifacicinoco iimibachuunoma* 2 Jaamo iifutuumo atyimeuhi toojico afabaacuuba iguisiba sihigovi icacuubaco. 3 Jaamoro toojifaño ufuumo Aivojibbo Jesu ifico atyimecuutih. 4 Jaaneri iigutuumoro: ¿Milli momooniji? noocasumo. Jaamo atyimeuhi miimisiici gaifimisi diito cojivi julleecinimisico aricunoono gaachehunofaño jicucuucinimisico. 5 Jaamisiti iigutuumoro guinovi jiinjehallivi javucamaalumo. Jaamoco diitisi nuuhi: ¿Collahi amihaib ubuheeteecuuboco iguijieveme iicamañoco miguiinehi? 6 Jineeri chahacuubo, buheeteecuubo. Mehesafoto Galileari iicausumi amiihaico unuunoco: 7 Miyaminaafibadi Ifiivuubo acicafeteji imiti miyaminaa usefaño. Jaaboco imohovi tetecujimo. Jaaruubo mifucuci, safucu icanoti siino buheeteji, unuunoco, noomisiro.

8 Jaanogui tofiqueje esafutuuhi Jesu unuunoco. 9 Jaamo icihojijaagoti uhuumiumoro paryi toonoti jibogovauhi Jesu minisuminaaco fahuseeci motihaiti saafi idiomoco, tolliro paryi saatohoco icano. 10 Jaanoco Jesu minisuminaaco jibuguumo Maria Magdalena onoogo, bu Juana, bu Maria Jacoobo seeji, bu saafigueje icamo. 11 Jaarunoco Jesu minisuminaa: Jilli fine jeegavomo, noomoro miyaaavuguutimo.

12 Jaarunaa Pedro fuuhi ijinafatyuuboro Jesu cihojijaago. Jaaboro idijivuuboro toojifañoco emeeciubo atyimeuhi tochehuri iminiuchehu uufocori acaunoco. Jaaneri ajabafituuuboro uumiubo dojicuviro iijaaga.

* 24:1 Sahaamefaño janaanicijillificum: Jaamoma tolliro saatoho gaigoomi fuuhi, onoonoco.

Emaus Onoocuumi Jihaijaago.
(*Mr 16.12-13*)

¹³ Jaanaa tufucu diitoti miimisiici fuuhi Emaus onoocuumijaago; Jerusaleti once kilometrohachuta iicacuumijaago. ¹⁴ Jaamisi ufuumisi paryi tooneri iimaamisiro feehicauhi. ¹⁵ Jaamisiro ihiimaamisiro dillucasihicauhi. Jaanaaca diiboro Jesu diitisijaa asaauboro diitisima fuuhi. ¹⁶ Jaaboco atyimecuerumisi gaajahicautihi Jesu iicanoco. ¹⁷ Jaanegui Jesu diitisico dilluuhi: ¿Jinejeque midillucasihicahi jihairi mofoomisi? ¿Collihi idaasuno mihicahi? nooboro.

¹⁸ Jaanegui diitisiti Cleofas onoobo iimusuuhi: Paryi miyaminaa gaa-jahi Jerusalevi jisumiro iicahininoco. Jaanot iijohi idiboro tuucuumiri diicaruubo gaajatihi.

¹⁹ Jaanegui diitisico nuubo: ¿Nacu milli icahinino? nooboro.

Jaanegui diiboco nuumisi: Et bu Jesu Nazareeboco omoonihininoco; Jaabuu Moocaani iimaaminaafi, paryi miyaminaa imefeenevi, bu Moocaani imefeenevi ihiimaanoti, bu paryi omoonihicahininoti icano si-hidi ejeevahiniiboco. ²⁰ Jaaboco sacerdotem aivojito, mohaivojito icamo diiboco agaayicihinimoro acihinihi: Imino diibo iguijevene, noomoro tetecusuumo. ²¹ Jaanot mihai meteemehicaurahi Israel jiinijeminaaco itaajasuqui. Jaarunaa paryi tolli omooninobuunati jino mifucuci, sa-fucu icano mihicacuhi. ²² Jaarunaa mihaiti saatoho gaigoomi fu-curo diibo cihojico emeecijeme mihaiico igutusuhi, ²³ toojifaño diibo ififico aatyimetineguitiha mihaiico jibogovahi Moocaani tomomominaaco aatyimeme diitoco: Jesu buheehi, onoonoco mihaiico ijibegueneri. ²⁴ Jaaneguiiha mihaiti saatoho toojico emeecijeme gaigoomi onoobadi icanoco atyimehi. Jaarumo Jesuco atyimetih, noomisiro.

²⁵ Jaanegui Jesu diitisico nuuhi: ¡Gaaticanimisi, fine amissi go-vaticani mimiyaaveguehi Moocaani iimaaminaa unuunoco! ²⁶ ¿Nacu iticoni jinehejeri idaasuno icajitiruubo Cristo ihaivojifaño efeejino imega? nooboro. ²⁷ Ticoniubo paryi Caatinihamefaño diibediti onoone-hejeque diitisico ijibogoobo Moise aameneti iticoniubo paryi Moocaani iimaaminaa aamenevi imivusuubo.

²⁸ Jaamo tuucuumivi ifutucuuneguiha Jesu sanoticovoro fatyuujirahi. ²⁹ Jaarunaa diitisi diiboco fiitihicauhi: Misima jinooviro fitafoto mihiijicuuhi civucuuno, noomisiro.

Jaaneguiiha Jesu fitafutuhi diitisima iicaqui. ³⁰ Jaad i machuqui diitisima acasiivuuboro imahuco agaayicuboro toonohallivi Moocaanima iimaaubo. Jaad i quisicuuboro diitisico aciubo. ³¹ Jaasumi jari diitisico ihaallino imino faayacafutuhi. Jaad jari diiboco gaajaciunisi. Jaarunaa diitisi imefeenevi cuucahacho minifutuubo. ³² Jaanegui diitisi noocasiuhi: ¿Et miyaano mojeebiino imono icahicahinihi jihairi masaa-sumi Caatinihamefaño onoonehejeque misico jibogooboro asaahicas-umi? noomisiro. ³³ Siino gueenene icatimisiro uumicuumisi Jerusale-jaago. Jaamisi atyimeuhi Jesu minisuminaa fahuseeci, siino saafi icamo saatoho igataavominaama igaicinimoco. ³⁴ Jaamo diitisico nuuhi: Miyaano Aivojibo siino buheetecuuhi. Jaaboco Simon atyimecuuhi, noomoro.

³⁵ Jaanegui diitisi diitoco jibuguuhi jihaiivi diitisima iicaunoco, diitisima maahunoco iquisicuhinisumi diiboco agaajachininoco icano.

Jesu Ijibogominaavi Jafeveuhi.

(Mt 28.16-20; Mr 16.14-18; Jn 20.19-23; Hch 1.6-9)

³⁶ Jaamo tonehejeri ihiimaahicaunaaca Jesu diitofeenevi ujulleeveuboro diitoco dilluuhi: Sajeebii mihica, nooboro.

³⁷ Jaaneri sihidì iigutuumoro esamaaiuhi: Fine ijico mahatyimehi, noomoro. ³⁸ Jaarunaa Jesu diitoco nuuhi: ¿Collihi mihiguetehi? ¿Collihi uco amihai jeebifañoti mimiyaavogotih? ³⁹ Eneecau tahuseneque, tatyihainooco icano memeeci, uujoho diiboro. Uco mududicimoro, memeeci; ijì ihuucuma, ibacima icano chahahi jino uujoho iicaaboco mahatyimebadì, nooboro ⁴⁰ diitoco ihusene, itihaiño icanoco ifusuubo. ⁴¹ Jaarunaa diito imo imo iicaumoro ajabafituumoro imiyaavuguutimoco Jesu nuuhi: ¿Naa machutaama mihicahi? nooboro.

⁴² Jaanegui diiboco taavaabo gaaruhaico aciumo[†] ⁴³ Jaanoco agaayiciuboro diito imefeenevi duubo. ⁴⁴ Jaaboro diitoco nuubo: Jilli iicajinoco amihaima iicausumi amihaiaco nuuhi: Uuditì Moise aamefaño, Moocaani iimaaminaa aamenefaño, Salmo aamefaño icano onoono icaji, nuuhi.

⁴⁵ Jaaboro diitoco Caatinhaamefaño onoonoco gaajasuubo. ⁴⁶ Jaaboro diitoco nuubo: Jilli noonoro caatinicinino, Cristo guijeveji. Jaaruubo mifucuci, safucu icanoti siino buheetejiibo. ⁴⁷ Jaabo momofeenedi fahigova jiinje miyaminaaco mijibegueji Jerusaleti miticonimo amihai eedeehimitihifico mejeevesucu amihai imitico ibuusuqui. ⁴⁸ Jaamo amihai maatyimemere jinooco mijibeguejimo. ⁴⁹ Jaamo magaaja, uujoho amihaihallivì galluudi Guihirubi unuunoco. Jaanegui jiicuumiti buhigovi mefeedino niquejefañoti mitya asaanoco magaayicitinohachuta, nooboro.

Jesu Niquejefaño Ofoono.

(Mr 16.19-20; Hch 1.9-11)

⁵⁰ Jaaboro Jesu diitoco tuucuumiti sihigovi satyuubo Betania cuumi fiitino. Jaaboro diitohallivì ihuseque agañiiyiciubo diitoco imino nuubo. ⁵¹ Jaasumiro diitoti caamovì diiboco satyuumo niquejefaño. ⁵² Jaaboco diito iiumumoro Jerusale cuumijaago imo imo uumiumo. ⁵³ Jaamoro templojafaño icafricaumo Moocaanico imomoro. Fine.

[†] **24:42** Sahaamefaño janaanici jilli ficuumo: iimihu gaami icanoco, onoonoco.

SAN JUAN

Moocaani Iimaa Cristo. Jaabofeenedi Miyaminaaco Fiivusuuh.

¹ Iticoni paryi fanoova fiivutinaaca Moocaani Iimaa icacuuhi. Jaabo toono Iimaa Moocaanima icaahi Cristo. Jaabo bu diibo Moocaani. ² Miiro iticoni diibo Moocaanima icaahi. ³ Diibofeenedi Moocaani paryi fanoovaaco eetavuuh; miiro chahano aivo diibofeenedi eheetavuutino iicano[◊] ⁴ Diiboma icano fiivo. Jaano toono fiivo miyaminaadi aachicinino iicauno. ⁵ Jaano cionofañoti achicihi. Jaanoco icivo jabacarutih.

⁶ Miiro icaubo saafi Moocaani agalluubo Jua onoobo. ⁷ Jaabo saauhi diibo aachiciibo iicaubediti ijibeguequi. Jaabo ijibogonofeenedi miyaminaa imiyaaveguequi. ⁸ Jaabo diibo Jua aachicibo icatino. Jilli aachiciibo iicaabo jibogominaafiti iicaqui agalluubo. ⁹ Jaanotjino imiya achici, miyaminaaco aachicinibo, jino jiinijehallivi gasefivucuuhi.

¹⁰ Miiro jaabo johono Iimaa iicaabo jino jiinijehalliri icacuuhi. Jaabofeenedi Moocaani jiinijequ eheetavehinirunofaño jiinijeminaa diiboco gaajautihi. ¹¹ Miiro ijinijevi saauruubo. Jaaruuboco miyaminaa diiboco gaayiciutihi. ¹² Jaarunofaño saatoho diiboco agaayicimoro miyaaveguehi. Jaamoco ficuubo Moocaani seemeti iicaqui. ¹³ Jaano miyaminaati saatihii miyaminaati ifiivomo icatino, bu gaifi iimoyiicinoti icatino jilli Moocaanitiro diibo seemetiro minifutucuumo.

¹⁴ Jaabo johono Iimaa iicahiniibo miyaminaafi ifiiti iminiyyuboro mofeeneri icaahi, miyaanoma, igaijima icano. Jaabo imico mihai matyimeuhi, diibo idiboro Moocaani Seemene iicaabo imico. ¹⁵ Miiro diibediti Jua ijibuguubo nuuhi: Jaani diibo diiboti uujoohunuubo taabuunati asaabo tajanaanic iicaabo, uujoohohaunaacaro iicacuumaño, nooboro. ¹⁶ Miiro jaaboti paryi mihai diiboma sihidii iicanotj magaayicihi diibo imino aacino siino dojicuti, siino dojicuti icano. ¹⁷ Miiro Moisefeenedi Moocaani tajiba saauhi. Jaanotjgaij, miyaano icano Jesucristofeenedi saahi. ¹⁸ Miiro mihaiñooba Moocaanico atyimetih, idiboro Illi Caanifaño iicaabo, diibo mihaiaco Caanico gaajasuh.

Jua Nitiminaafi Jesucristotjijibeguehi.

(Mt 3.11-12; Mr 1.7-8; Lc 3.15-17)

¹⁹ Jaanaa Jerusale cuumiri iicaumo judiom sacerdotemico, levitamico icano galluuhi Juajaago diiboco: ¿Mijoho ijoho? noomoro idilluqui.

²⁰ Jaamoco diibo imino ijibuguubi: Uujooh Cristo icatih, nooboro.

²¹ Jaanogui siino diiboco dillumo: ¿Jaanaa mijoho ijoho? ¿Nacu Moocaani iimaaminaafi, Elia? noomoro.

Jaanogui Jua nuuhi: Chahano uujooh diibo icatih, nooboro.

Jaanogui diiboco nuumo: ¿Nacu ijoho oono Moocaani iimaaminaafi asaajiibo? noomoro.

Jaanogui nuubo: Chahano, nooboro.

²² Jaanogui diiboco nuumo: Jaanaa mijoho ijoho mihaiaco diibogo, oono mihaiaco agalluumoco mijibeguequi milli difitti ijoho neehi, noomoro.

[◊] 1:3 Heb 1.2; Col 1.16-17

²³ Jaanegui Jua diitoco nuuhi: Uujoho sicaihigovi ocoovadiicinii:bo: Aivojii:bedi jiihaico sanoticovoro mihimibachu, onoobo Moocaani iimaaminaafi Isaia unuubadi, nooboro.

²⁴ Jaamo diito Juama ihiimaatuumou fariseomi agallumo. ²⁵ Jaamo diiboco nuuhi: Jaabogahabu Cristo idiiatii:bo, bu Elia idiiatii:bo, bu johono Moocaani iimaaminaafi idiiatii:bo icano, ¿collahi jana nitihicahi? noomoro.

²⁶ Jaanegui Jua diitoco nuuhi: Uujoho nifaihuriro nitih. Jaanoti amiihaifeeneri iicaabo saafi amiihai magaaajati:bo. ²⁷ Jaabo taabuunati asaabo tajanaanicivi iicaabo, diibovi uujoho ifototih. Jaamaño diibo tihapajaaje duujeque sinayujitrah, nooboro.

²⁸ Paryi jino jilli icauchi Betabara onoomaño:vi, Jordan onoohi onegueehiv: Jua initihicauhigo.

Jesu Guivefeenedi Mohimiti Buusucafetehi.

²⁹ Jaano sifucuti Jua, Jesu diibojaa asaauboco aatyimeuboro nuuhi: Memeeći jaani Moocaani Cordero, iguijevefeenedi jiinijeminaa imitico ubuuusiji:bo. ³⁰ Johono uujoho diiboti ihiimaubo: Taabuunati saajii:bo tajanaanicivi iicaabo uujoho chahaunaacaro iicacuumaañ. ³¹ Uujoho icaruubo diiboco gaajahinitih. Jaanoti naaha uujoho nifaihuri nitii:boroo saahi Israel cuumiminaa diiboco igaajaqui, nooboro.

³² Jaadi bu siino nuubo: Uujoho atyimehi Moocaani Gaijaco nimiihubadi jeevaabo diibohallivi niqejefañoti iniitooboro iicanoco. ³³ Jaaruuboco uujoho gaajahicatih mii:oho diibo iicanoco; jilli naaha uco nifaihuri nitiqui agalluubo nuuhi: Tagaija cajaanhallivihacho iniitooboro iicaabo diibo tagaijari initiji:bo, nooboro nuuhi. ³⁴ Jaaboco atyimecuuhi. Jaamaño uujoho jii:beguehi diibo miyaano Moocaani Achi iicanoco, nooboro.

Iticonioto Jesu Jii:bogominaa.

³⁵ Jaano seseevedi siino Jua tomañeri icauchi miimisiici jii:bogominaatisima. ³⁶ Jaabo Jesu afatyunoco aatyimeuboro nuuhi: Memeeći ajaani Moocaani Cordero, nooboro.

³⁷ Jaanoco Jua jii:bogominaatisi uguubuumisiro Jesu dojicuti fuuhi.

³⁸ Jaanegui Jesu dojicuco emeeciuboro, diibo dojicuti ufuunoco aatyimeuboro diitsico nuuhi: ¿Jinejeque miguiinehi? nooboro.

Jaanegui numisi: ¿Jii:bogominaafi, cuuca diicafih? noomisiro.

³⁹ Jaanegui Jesu diitsico nuuhi: Juu masaa. Jaamisiro memeeći:va, nooboro.

Jaanegui ufuumisi atyimeuhu diibo iicahicauhigoco. Jaamisiro mihi:ji:cuuneguiha tufucu diiboma icaumisi.

⁴⁰ Jaamisi diitsi Juati uguubuumisiro Jesuma ufuumisiti saafi momo Andre, Simon Pedro nahabo. ⁴¹ Jaabo Andre jinejeque mooniti:boroo inahabo Simonco iguiinutuboro diiboco nuuhi: Meeci mahatyimecuuhi Mesia Cristo onooboco, nooboro. Mesia, Moocaaniti asaabo ihaivojii:sucuqui, eneejiruno.

⁴² Jaaboro Andre Simonco satyuuhu Jesu iicauhigo. Jaaboco Jesu aatyimeuboro nuuhi: Hijo Simon Jona achi, jaaruubo jisumitiro dimemeji Cefa, nooboro. Jaarunaa Cefa onoono jilli momoro, Pedro eneejiruno.

Jesu Coovahi Felipe Natanae Icamisico.

⁴³ Jaano seseeedi Jesu imuguuhi Galilea jiinjеви ufuunoco. Jaabo Felipeque aatyimeuboro diiboco nuuhi: Tadyojecti disaa, nooboro.

⁴⁴ Jaabo Felipe Betsaida cuumioobou. Jaacuumiri tolliro Andre, Pedro icamisi icahicauhi. ⁴⁵ Jaabo Felipe Natanaeque iicjeboro nuuhi: Miñhai mahatyimecuuhi, diibediti Moise itajiba aamefaño acaatiniuboco. Tolliro Moocaani iimaaminaa diibediti acaatiniuboco. Jaabo Jesu, Jose Nazareoobo achi, nooboro.

⁴⁶ Jaanegui Natanae nuuhi: ¿Nacu Nazare cuumiti iimino saajirahi? nooboro.

Jaanegui Felipe diiboco nuuhi: Eneecau maha memeecitequi, nooboro.

⁴⁷ Jaanaa Jesu Natanae asaaunoco aatyimeuboro nuuhi: Jaadi juuga saabo miya israelminaafi abañifitatibbo, nooboro.

⁴⁸ Jaanegui Natanae diiboco dilluuh: ¿Milliti uco gaajahi? nooboro.

Jaanegui Jesu diiboco nuuhi: Miñiro ico uujoho atyimehi Felipe ico coovatinaacaro higuerahoguiino diicaaboco, nooboro.

⁴⁹ Jaanegui Natanae diiboco nuuhi: Jiibogominaafi ijohoh Moocaani Achi, ijohoh israelmi aivojibbo, nooboro.

⁵⁰ Jaanegui Jesu diiboco nuuhi: ¿Jilli ijohoh uco miyaaveguehi, ico higuerahoguiino diicaaboco atyimehi eneeneguiiharo? Imi jino janaanicci icanehejeque daatyimeji, nooboro.

⁵¹ Tolliro bu Jesu nuuhi: Miyanotiro amiñhaico neehi: Mahatyimeji niqueje faayicinnoti Moocaani toomominaa uujoho Miyaminaafibadi Ifiivuubohallivi iniitocinimoro bu caamovi foocinimoco, nooboro.

2

Cana Onoocuumi Jibaimo.

¹ Jaanobuunati mifucuci, safucu icano taabava jibaimo icaushi Cana cuumivi Galilea jiinjevi. Jahi Jesu seeji diitofaño icaushi. ² Jahi tolliro Jesuco ijibogominaama cuuhuvaamo tobaimovi. ³ Jaanaa diito aduta vino ifinicuunegui Jesuco seeji nuuhi: Vino finicuuhi, noogoro.

⁴ Jaanegui Jesu diigoco nuuhi: ¿Gaha, collahi jaanoco uco neehi? Toonovih iñototih, nooboro.

⁵ Jaarunaa diigo nuuhi diito jeeчивоминаaco: Paryi diibo amiñhaico onoonoco momooni, noogoro.

⁶ Jaanaa tomañeri icauno sahuse juugahuseti sañu icano iñiuuno. Tuñujefafio judiom iicanicibadi ifinoco iimibachuqui nifaihunoco ificuhicauñuuje. Jaano sañufaño fine iñfetehicauno ochenta o cien litrodino nifaihu. ⁷ Jaanaa Jesu diitoco nuuhi: Paryi jino iñiuunoco nifaihuner magahafusu, nooboro. Jaanegui diito tuñujequje jiti jiti gahafusuuh. ⁸ Jaadi Jesu diitoco nuuhi: Fine ivi jisumi miñdino miñcimoro mahacito ijibaimo toomominaafico, nooboro.

Jaanegui tolli mooniumo. ⁹ Jaafaihuco ijibaimo toomominaafi nisuuhi vinoti minifutucufaihuco. Jaanoco gaajaautibbo cuucati iñiunoco; idimoro diito ijeeчивоминаа toonoco gaajaahi diito inifaihuco iñiumaño. Jaanegui ijibaimo toomominaafi tobaimo abajaaboco ocoovauboro nuuhi: ¹⁰ Iticoni famoova iimi vinoco ifefishi. Jaanoco ijibaimo guiraano aaducuunobuunati iimijisutinoco iñefimo. Jaanot iñohoh aivo iiminoco ficuuhi jihachuta, nooboro.

¹¹ Jino aivo iticoni Jesu sihidi ejeevanoco omooniuno Cana cuumivi Galilea jiinijevi, imityaco iifusuubo. Jaaneri ijibogominaa diiboco miyaavuguuhi.

¹² Jaanobuunati seeji, inahabomi, ijibogominaa icamoma fuubo Caperneau cuumijaagovi jahí icaumo fiiva fucuva.

Jesu Templojaco Imibachuuhí.

(Mt 21.12-13; Mr 11.15-18; Lc 19.45-46)

¹³ Jaanaaca judiomí jiibaimo Pascua ifiiticuuneguiha Jesu Jerusale cuumijaagovi fuuhi. ¹⁴ Jahí atyimeubo templojafaño bueymico, ovejamico, nimihumico icano anaajemeque. Tolliro miyaminaama nihibamico acafaryuuacumo gicinimoco atyimeubo. ¹⁵ Jaanoco aatyimeuboro Jesu gaaibaico gaiciitati eheetavuuboro tooneri diitoco isi gañiubo, ihovejami, ibueymi icamoma. Tolliro nihibamico acafaryuuacuhicaumo nihibamico baavi fufucuubo, jaaboro imesanoco gavaracuubo icano. ¹⁶ Jaaboro bu nimihumico anaajeumoco nuubo: ¡Toonoco jinoti buhigovi miici! ¡Guahirubi ijaco naajetajati meheetavedino! nooboro.

¹⁷ Jaanoti ijibogominaa esafutuuhi Caatinihaamefaño: Diijaco agaijino uco finisuhi, onoonoco.

¹⁸ Jaanegui judiomí diiboco dilluahi: Eneecata miihaico siibadi iicanoco dihifusu toonoti magaajaqui: Jii, olli iicaneguiha jahi olli mooniibo meneequi, noomoro.

¹⁹ Jaanegui Jesu diitoco nuuhi: Jiija templojaco paryi magavaracu, jaajaco siino uujoho mifucuci, safucu icanoti siino boobaniji, nooboro.

²⁰ Jaanegui judiomí diiboco nuuhi: Cuarenta y seisdino ficabava nijejereti jiijaaco eetavuumo. ¡Jaajaco milli iiijojo mifucuci, safucu icanoti deetavejirahi? noomoro.

²¹ Jaarunaa Jesu ifiicoro unuuruubo: Temploja, nuuhi. ²² Jaamaño Jesu iguijeveunofeeneti ubuheeteusumi ijibogominaa tolli diibo unuunoco esafutuuhi. Jaamoro Caatinihaame onoonoco, bu Jesu iijico icano diitoco ijibuguunoco miyaavuguumo.

Jesu Famoovaaco Gaajahi.

²³ Pascua jiibaimosumi Jesu Jerusaleri iicausumi, sihidi miyaminaa diiboco miyaaveguehicaahi sihidi ejeevanoco omoonioco aatyimemere.

²⁴ Jaarumovi Jesu jeevamaaihicautihi famoovaaco agaajahicaumaño.

²⁵ Miihaiñooba diiboco jiibeguehicautihi: Diito jilli jeevahi, noomoro miyaminaaco diiboro agaajahicaumaño ijeebifaño iicanoco icano.

3

Nicodemo Onoobo.

¹ Icaubo saafi fariseomioobo Nicodemo onoobo judiomí aivojitoobo.

² Jaabo Jesujaago fucu asaauboro diiboco nuuhi: Jiibogominaafi, miihai magaajahi ico Moocaani miihaico diibeguequi agalluunoco. Chahamo miiijojo sihidi ejeevanoco iiijojo omooniobi iicanoco omooniimo Moocaani diiboma iicatiruva, nooboro.

³ Jaanegui Jesu diiboco nuuhi: Miyanotiro ico neehi, siino dojicuviro ifiivotiibo Moocaani aivojifaño feejitihi, nooboro.

⁴ Jaanegui diiboco Nicodemo dilluahi: ¿Milli jaabo miyaminaafi ujisicuubo siino dojicuviro fiivejirahi? ¿Milli jaabo siino seeji jeebifaño ijicafotooboro siino fiivejirahi? nooboro.

⁵ Jaanegui Jesu diiboco nuuhi: Miyanotiro ico neehi; nifaihuri, Moocaani Gaijari icano ifivotiiboo Moocaani aivojifaño feejitihi.

⁶ Miyaminaafiditi ifiivoobo miyaminaafi. Jaanoti Moocaani Gaijati ifiivomo Moocaani Gaijama icahi. Toono eneejiruno Moocaani seemeti iicamo. ⁷ Daabafitedino siino fiivo ico onoonoti. ⁸ Miïro guibuhuba iimogohigotì asaanoco ijoho guubufihi. Jaaruubo gaajatihì conootì asaanoro conovì ifotonoco. Jaabadi jeevamo paryì Moocaani Gaijari ifiivomo, milli ifivonoco milli miyaminaaa gaajajirahi, nooboro.

⁹ Jaanegui Nicodemo siino dilluuhì: ¿Milli fine jino? nooboro.

¹⁰ Jaanegui Jesu nuuhi: ¿ijoho aivo sihidi edeеваabo israelminaа jиbogominaafi idicaruubo, nacu jinoco gaajatihì? ¹¹ Miyanotiro ico neehi: Miïhai mihiimaahi magaajanoco. Jaamo miïhai mijïbeguehi mahatyimeneque. Jaarunoco amiïhai mimiyaaveguehecatihì miïhai monoonoco. ¹² Jiinijeono icarunoco onoonoco uco mimiyaaveguehecatihì. Jaanequi: ¿Fine millijiru niquejeonoco jиbuguruva?

¹³ Miïhaiñooba niquejefaño footihi idiboro tahigoti iniitehiniiboo: Uuoho Miyaminafibadì Ifiivuubo niquejefaño iicaabo. ¹⁴ Miïro Moise sicaihigovi jiinimoco caamovi agañiyiciubadi; tolliro uuoho Miyaminafibadì Ifiivuubo caamovi guijkeve imohobujehallivi gañiiyicicafeteji. ¹⁵ Jaaboco paryì imiyaavogomo ifinijitino fiivoma icacuuhi*

Moocaani Jiinje Miyaminaaco Agaijino.

¹⁶ Miïro Moocaani sihidi jiinje miyaminaaco agaijiboro idiboro iicaabo Illico aciuhi. Jaaboco paryì imiyaavogomo mitajitihì. Jaamo ifinijitino fiivoma icaji. ¹⁷ Miïro Moocaani jiijehallivi Illico gallututihì jiinje miyaminaaco cijigaifaño igañiisuqui. Jilli galluubo diibofeedi jiinje miyaminaaa itaajaqui. ¹⁸ Jaabo Moocaani Achico imiyaavogomo cijigaifaño ifetejitihi. Jaanoti imiyaavogotimo cijigaifaño ifeequi icacuuhi idiboro Moocaani Achi iicaaboco imiyaavogotimaño. ¹⁹ Jaamo imiyaavogotimo cijigaifaño ifeequi icacuuhi. Miïro jiinjehallivi aachiciniboo asaauboco imogotimo icivonocoro imuguumo imiticoro omoonihicumaño. ²⁰ Miïro famooro iimitinoco omooniimo aachicinoco jiheguehi. Jaamañio aachicininojaagovi fittivotimo, iimitinoco omooniino foovoiivotino iicaqui. ²¹ Jaanoti miyaanoco iimogomo aachicinijaagovi fittivehi diito omooninofaño Moocaani iicanoo igaajacafetequi.

Jua Siino Jesuditì Onoono.

²² Jaanobuunati Jesu fuuhi ijibogominaama Judea jiinjevi. Jaabo toonovi gueenene icaubo miyaminaaco initiubo. ²³ Jaabadiro Jua nitihicauhi Enonvi Salim cuumi fittino, tomañovi sihidi nifaihu iicau-maño. Jaaboja miyaminaaa ofoomoco nitihicaubo. ²⁴ Jilli icaumo Jua icivojaanirautisumi.

²⁵ Jaanaaca Jua jibogominaa jenaaucasiuhi judiomima ifino imibachuhallivi. ²⁶ Jaamoro Juaco nuutuumo: Mojibogominaafi, meeci ñima oono Jorda oonegueehi iicaubo icahi diiboti miïhaico idibuguubo. Jaabojaago sihidi miyaminaaa ofoomoco nitihicaubo, noomoro.

²⁷ Jaanegui Jua diitoco nuuhi: Cajaatyobama chahajiruno gaaja Moocaani diitoco ihacitiruva. ²⁸ Miïro amiïhairyo uco muguubuhinicuuhi: Uuoho Cristo icatihì jilli diibo imega uco agalluubo,

* **3:15** Sahaamefaño janaanicì jilli ficuumo: finitimo icaji, onoonoco.

nooboro eneehininoco. ²⁹ Miiro taabava jiibamofaño mogaima iicaabo aiji. Jaabo cojiri iicaabo jilli igataavominaafi. Jaabo diibo ihimaanoco uguubuuboro imo imo icaniciibo. Jaabadi jisumi uuoho sihidi imo imo icahi. ³⁰ Jaabo diibo jisumitiro janaanicivi bocitoobaaca uuoho jilli guinoviro minifeteji, nooboro.

Caamoti Asaabo.

³¹ Caamoti asaabo fanoohalliviro icahi. Jaanoti jiiniyeoobo jilli jiinijeminaafi. Jaabo jiinijenehejequere iimaanicihi. Jaanoti niqueje-fañoti asaabo famoohalliviro icahi. ³² Jaabo aatyimeneti, uguubunoti icanoo iimaahi. Jaaruubo onoonoco miihaiñooba miyaaveguehicatih. ³³ Jaanoti saatoho diibo onoonoco imiyaavogomo: Moocaani Miyaabo iicanoco jiibeguehi. ³⁴ Moocaani agalluubo Moocaani ijico jiibeguehi. Jaaboco Moocaani Igajaco finitino acihi. ³⁵ Moocaani Illico gaijhi. Jaabo usefaño Moocaani paryi fanooco ficuuhi. ³⁶ Jaamaño Moocaani Achico imiyaavogomo ifinijitino fiivoma icacuuhi. Jaanoti Moocaani Achico imiyaavogotimo fiivoma chahaji. Jilli ñihicuno Moocaani omoonijinofañoro icacuuhi.

4

Jesu Samariaogoma Iimaahi.

¹ Jaanaa fariseomi guubuuhi Jua janaanici Jesu ijibogominaama iicaabo initihicaunoco. ² Jaarunofaño Jesu nitihicautihi idiomor ijiibogominaa nitihicauhi. ³ Jaanoco Jesu uguubuuboro Judeati fuuhi Galileajaago siino ihuumiqui.

⁴ Jaabo imuguuhi Samaria jiiniyefeedi ufuunoco. ⁵ Jaabo ufuubo ifutuuhi Sicar onoocuumi Samaria jiiniye cuumivi Jacob illi Joseque ijiinijeque aaciumento fiitino. ⁶ Jaamañeri icauno nifaihuhoji Jacob oji onoohojoji. Jaanaa Jesu asaaubo, iniinovatucuunegui tohoji cojivi casiivuubo, fine gadiciiba nihiba icacuuberi. ⁷⁻⁸ Jaanaa ijibogominaa tuucuumijaago fuuhi machutaaco anaajeteumo. Jaanaa tuucuumiti saafigo gaigo saauhi toojiti infaihuvavaugo. Jaagoco Jesu nuuhi: Uco nifaihuti daaci, nooboro. ⁹ Jaanegui diiboco samariaogo nuuhi: ¿Milli jaabo iiyo judio idiicaabo, uuoho samariaogo iicagoco nifaihuco dil-luuhi? noogoro. Jilli nuugo judiomä samaritanomima iimogocasihi-cautimaño.

¹⁰ Jaanegui Jesu diigoco nuuhi: Iijojo Moocaani aacinoco gaajaruva, bu miijoho jino ico nifaihuco idillunoco gaajaruva; iiyo uco dilluruva ico uuoho buheenifaihuco acijirahi, nooboro.

¹¹ Jaanegui diigo nuuhi: ¿Aivojiibo, nacu jinejeri jaabo infaihuco diicijirahi aivo faicuvahoji? ¿Conooti jaabo toono buheenifaihuco diicijirahi? ¹² Miiro jino moheedeebe Jacob miihaidi jihojico ficuuhi, diibo iseeme, paryi ijoomi icanoo toojiti aaduhicauhojico. ¿Nacu jaabo iiyo diibo janaanici deevahи? noogoro.

¹³ Jaanegui Jesu diigoco nuuhi: Paryi jihojji nifaihuti aadumoco siino adufira aiveji. ¹⁴ Jaanoti uuoho aacino nifaihuco aadumoco siino ufucuro adufira aivucuujitihi. Uuoho aacino nifaihu diitofañoti finitino niivaji ifinijitino fiivoco ihaciqui, nooboro.

¹⁵ Jaanegui diigo diiboco nuuhi: Aivojiibo, uco tofaihuti daaci uco adufira aivotino iicaqui, bu siino jihojijaago nifaihufiiri saatigo icaqui, noogoro.

¹⁶ Jaanegui Jesu diigoco nuuhi: Difo jaagoro ditajeque coovato. Jaadi siino disaa, nooboro.

¹⁷ Jaanegui diiboco iimusuugo: Uujoho tajevathihi, noogoro.

Jaanegui Jesu diigoco nuuhi: Miyaanoco neehi, tajevathihi onoogo.
¹⁸ Miiro sahusedimoma diicacuuhi, jisumi bu diiboma idiicaabo ditaje icatiiboo. Jaanoco miyaanoco neehi, nooboro.

¹⁹ Jaanoco uguubuugoro diiboco nuugo: Aivojiboo ijohoh baacho Moocaani iimaaminaafi. ²⁰ Miiro moheedeete samaritanomi Moocaanicco jigajihallivi imejibuuhi. Jaarunaa amiihai judiomti Jerusalevi Moocaani imomaño meneehicahi, noogoro.

²¹ Jaanegui Jesu nuuhi: Gaigo, uco miyaavogo, safucu icajino amiihai Moocaanicco mihimono. Tusumi jigajijaago footimo, bu Jerusale cuumijaago footimo icano. ²² Miiro amiihai samaritanomi magaaatijiboco mihimehi. Jaanoti miihai magaajaaboco mihimefihi; Miiro judiomiti taajasu saahi. ²³ Jaanotisafucu iicajino, jaano jino tusumi mihicacuuhi, miyanotiro Moocaanicco iimomo imejigaijari, miyanerri icano. Miiro tolli iimomoco Moocaani imeguehi. ²⁴ Moocaani Gaija jaamaño diiboco iimomo igaijari, miyanerri icano iimequi, nooboro.

²⁵ Jaanegui diigo nuuhi: Uuro gaajahi Mesia, Cristo onoobo, asaa-jinoco. Jaabo asaadisiihaico paryi fanoocoro jibeguejiboo, noogoro.

²⁶ Jaanegui Jesu diigoco nuuhi: Uujoho diibo iima ihimaabo, nooboro.

²⁷ Jaanaa ijibogominaa gaseuhii. Jaamo jabafituuhi. Jesu gaigooma ihimaunerri. Jaarumo diiboco dilluutiihi. ¿Jinejeque dilluhi? ¿Jinejeque mihimaacasihi? nuutimo. ²⁸ Jaanegui diigo ihiciñuco ejeevesuhiniugoro fuuhi ifaacuumijaago. Jaagoro miyaminaaco jibugutuuhi.

²⁹ Eneecauhu masaamoro memeeciva saafi gaifi, paryi omoonihicanoco uco onooboco. ¿Naa fine diibo Cristo icatiiboo? noogoro.

³⁰ Jaanegui diito tuucuumiti asaaumoro fuuhi diibogaago. ³¹ Jaanaaca ijibogominaa diiboco neehicauhi: Mojibogominaaafi, machu, noomoro.

³² Jaarunaa diitoco nuubo: Tamachuta icahi uujoho amachujino amiihaima magaajatino, nooboro.

³³ Jaanegui ijibogominaa dillucasiuhi sanomiro: ¿Fine mijohoh diibedi machutaaco sivahi? noomoro.

³⁴ Jaarunaa Jesu diitoco nuuhi: Uudi tamachutabadi oono uco agalluubo onoobadi eetavono, idudicamaajeque iimivono. ³⁵ Miiro amiihai meneehi: Icanehiica minihibaci, minihibaci idiiño basuta ujisijino, noomoro. Jaarunofaño amiihaico uujoho neehi: Memeecci basutaaco, oono paryi tifaicuuhi ihiciñcafetequi. ³⁶ Miiro basutaaco ududicamaaiboo ijaadaco gaayicifhi. Jaabo basuta noovaco ananinicibadi miyaminaaco naniihifinijitino fiivoma iicaqui. Jaaneri abasuubo, bu toonoco iiciiboo icano sano imo imo iicaqui. ³⁷ Jinoovi aivo miyaano, jilli onoonicino: Saafi abasunoco sifi icinicahi, onoono. ³⁸ Jaanegui uujoho amiihaico tajibahi mihiciqui amiihai mabasuhinitinoco; sita abasuhininoco amiihai mequeheevehi idudicamaajeque, nooboro.

³⁹ Jaaboco sihidi Samaria jiiniye cuumiminaa miyaavuguuhi diigo ijibuguunoti paryi uujoho omoonihicanoco uco noobo unuunoti.

⁴⁰ Jaanegui samaritanomi diibojaa asaaumoro diiboco fiituuhi diitoma iicaqui. Jaanegui Jesu mifucuci toonovi diitoma icauhi. ⁴¹ Jaamoro diiboco sihidi miyaavuguumo ihimaaco uguubuumoro. ⁴² Jaamoro diigoco numo: Jisumi ijohoh eneeneriro mimiyaavogocuutiihi:

Miihairyo muguubucuuhi. Jaamoro magaajacuuhi miyaanoro diibo Cristo jiinijeminaa taajasuminaafi icanoco, noomoro.

Jesu Buheesuhi Aivojiibo Seemeneque.

⁴³ Toonoti mifucuci iicaunoti fuubo Galilea jiinijeaagovi. ⁴⁴ Jaabo Jesu iinoro nuuhi: Moocaani iimaaminaafi ijinihevı bocigorathi, nooboro.

⁴⁵ Jaadi Galileavi agaseuboco tomañoto imino gaayiciuhi. Diito tolliro bu fuumo Jerusalevi Pascua jibaimojaago. Jaamo atyimeuhi tahı tobaimovı Jesu fanoovaco omooniunoco.

⁴⁶ Jaadi Jesu siino sauhi Cana cuumijaagovi Galilea jiinijevı toonovi nifaihuco aivofaihutı iminiiyumañovi. Jaanaa Capernauvı icaubo saafi aivojiibo. Jaabo seemene guihuavauhi. ⁴⁷ Jaabo guubuuhi Jesu Judeati Galileavi agaseunoco. Jaanegui diibojaa ufuuboro diiboco nuubo ijajaa ofooboro iseemeneque ibuheesuqui aivo iniinovacuuneguiha. ⁴⁸ Jaanegui Jesu nuuhi: Boti siibadi iicanehejeque omooniunoco matyimetihachijı mimiyaaveguejetihi, nooboro.

⁴⁹ Jaarunofaño diibo Jesuco nuuhi: Aivojiibo goovano masiigo taseemene guijevetinaacaro, nooboro.

⁵⁰ Jaanegui Jesu nuuhi: Fuucu, disseemene buheecuhi, nooboro. Jaanegui diibo Jesu unuunoco imiyaavuguuboro fuucuuhi. ⁵¹ Jaabo iijati fiticuuboco idudicamaajeminaa asaaumoro jibogovauhi: Disseemene buheecuhi, noomoro. ⁵² Jaanegui diitoco dilluubo: ¿Conooti nihiba iicaaberi buheehiniibo? nooboro. Jaanegui diiboco nuumo: Iiji dijiiveeberi iguihuva diiboco buuhinhi, noomoro. ⁵³ Jaanotı caani gaajauhi toonoti nihiba iicaaberi Jesu diiboco: Disseemene buheehi, eneehininoco. Jaanoma iicaubo paryı iyotoma Jesuco miyaavuguuhi.

⁵⁴ Jino Jesu sihidi ejeevanoco Galileavi iticoni omooniunoco alliniuhi Judeati Galileavi siino uhuumiusumi.

5

Jesu Buheesuhi Iigotiiboco.

¹ Toonobuunati judiomı eetavuuhi jibaimoco. Jaanegui Jesu fuuhi Jerusalevi. ² Jahigo Jerusalevi ovejamı guhuga onoohuga fittino icano jicooba nicutaaba hebreomı ijiri Betesda onooba. Jaabaati icano sahusedino iguhugano. ³ Jaahugaje goohasinovi sihidi iguihuafimo icahicauhi aatyimetimo, idıno iimitimo, ifiino isifañineri iigotimeheje icamo. Jaamo teemehicauhi toba nifaihu amaryibanoco. ⁴ Miirto tobajaago Moocaani toomominaafi niitehicauhi safohosa jaaboro inifaihuco maryicuvahicauhi. Jaasumiro tobafaño imegaviro aacotoobo buheehicauhi, jilli fanoova guihuva^{*} ⁵ Jaamañeri icaubo saafi treinta y ochodino ficabano ticovovi iguihuvacuubo. ⁶ Jaabo siuciniuboco Jesu aatyimeuboro gaajaciuhi aivo gueenene iicacuunoco. Jaaboro diiboco nuubo: ¿Diimeguehi ubuheeneque? nooboro.

⁷ Jaanegui diibo iimusuuhi: Aivojiibo, mjjoho bu uco tobafaño jihacujirahi toba amaryibasumi fahijivarо tobafaño feequi mooninaacaro sita tahimegaro feehicahi, nooboro.

⁸ Jaanegui Jesu diiboco nuuhi: Gañivo jaaboro dicigaijeque diicübo fuucu, nooboro.

* ^{5:4} Sahaamefaño toonoono versiculonoco ficuutimo.

⁹ Jaasumiro diibo buheeteuhi. Jaaboro icigaiijeque iiciuboro igucuubo. Jaafucuu judiom*i* jaguisifucuu. ¹⁰ Jaanegui judiom*i* Jesu ubuheesuuboco nuuhi: Jaachiji jino jaguisifucu. Jaanegui dicigaiijeque satyejithi, noomoro.

¹¹ Jaanegui diibo iimusuuhi: Miiro uco ubuheesuubo diiboro uco neehi: Dicigaiijeque diiciibo fuucu, nooboro.

¹² Jaanegui dilluumo: ¿Miijoho diibo ico dicigaiijeque diiciibo diigo onoobo? noomoro.

¹³ Jaarunofaño diibo gaajautihi diiboco ubuheesuuboco. Tomañeri sihidi miyaminaa iicaumo cojiti Jesu sihigovi ufucuumaño.

¹⁴ Jaanobuunati Jesu diiboco siino templojafaño aatyimeuboro nuuhi: Meeci, jisumi jino iijoho ubuheecunoco; siino imitino diicacujirahana janaanic*i* iicano siino dijaa saadino, nooboro.

¹⁵ Jaanegui diibo ufuuboro judiomico jibugutuubo Jesujaahi diiboco ubuheesuunoco. ¹⁶ Jaanoma iicaumo judiom*i* Jesuco imitino moonihicauhi, diibo jaguisifucuv*i* tolli omoonihiacaumaño. ¹⁷ Jaanegui Jesu nuuhi: Guihirubi, jisumihachuta dudicamaaihi. Jaano ticosov*i* bu uujoho dudicamaaihi, nooboro.

¹⁸ Jaanoma iicamo judiom*i* janaanic*i* imeguehicauhi diiboco agaicaaunoco. Miiro toono jaguisifucucoro diitobadi teemehicautiibo, tolliro bu Moocaanico: Guihirubi, onooboro ifiico Moocaanibadi moonihicauibo icano.

Moocaani Achi Mitya Iiji.

¹⁹ Jaanegui diitoco nuubo: Miyanotiro, miyanotiro amiihaico neehi: Uujoho Moocaani Seemene iinoro ijeebiitiro moonitihu. Miiro Caani omooniñoco aatyimeebere, bu tolliro Illi moonihi. ²⁰ Miiro Moocaani Illico agajimaño fanoova mooninoco diiboco ifusuhi. Miiro imi janaanic*i* ejeevanoco iifusujibehiica. Jaaneri amiihai majabafiteji. ²¹ Moocaani uchuumucuumoco ubuheetesuuboro fiivoco aacibadiro bu Illi iimogomoco fiivoco aciji. ²² Miiro Moocaani miihaiñobaco iimitico nootihu. Jaaruubo paryi toono imibachu mityaco Illi usefaño jeevesuubo, imitico iimibachuqui; ²³ Toonoti famooro Illico ibociguequi Caanico iicabadiro. Jaanoti Illico obocigotimo, tolliro bu Caanico bocigotihu diiboco agalluboco.

²⁴ Miyanotiro, miyanotiro amiihaico neehi: Uco agalluhiniboco imiyaavogomoro uujoho onoonoco uguubuumo ifinijitino fiivoma icacuuhi. Jaamo cijigaifaño fuucujitihu; Jilliro guijeveti fiivofañovi fatyucuubo. ²⁵ Miyanotiro, miyanotiro neehi: Ufucu icajino, jaano jino tusumi mihicacuuhi; iimitifaño miguijevecubadihiica iicamo Moocaani Achi iijico uguubujino. Jaanoco uguubuumo fiivoma icaji. ²⁶ Moocaanima mitya icahi fiivoco aacijino. Jaabo Illico mityaco aciibo tolliro Illi sitaaco fiivoco ihaciqui. ²⁷ Tolliro bu mitya iijico aciibo miyaminaafañoti iimitino, iimino icanoco idugaacuqui, uujoho Miyaminaafibadi Ifiivuubo iicamaño. ²⁸ Jinoti meheetyedino: Ufucu icajinehiica tusumi paryiñcino cijojinofaño iicamo ihiimaaco uguubujino. ²⁹ Jaamo iiminoco omooniñomo siino buheeteji fiivoma iicaqui. Jaanoti iimitinoco omooniñumo buheeteji cijigaifaño ifeequi.

Cristoti Ijibogono.

³⁰ Miïro uujoho aivo, uuro tajeebiïtiro moonijitirahi. Jaamaño uujoho iimitinoco dugaacuhi uco atajïbabadi. Jaano uujoho udugaa-cuno miyaano tajeebiïti uuro iimogonoco omoonitimaño. Jilli Guihirubi uco agalluhiniïbo iimogonocoro moonihi.³¹ Uujoho uuro tafitiro jïibuguruva tajïbogo saatehedi ibocima chahajirahi.³² Jaanoti sifi uuditï jïibeguehi. Jaamaño uujoho gaajahi uuditï diibo onoono miyaano iicanoco.³³ Miïro amïihai saatohoco magalluuhi Juajaago diiboco idillutequi. Jaanoco diibo miyaanoco nuuhi.³⁴ Jaarunofaño uujoho gaayïcitihi miyaminaafi ijibogonoco. Jaarunoco uujoho jilli Juati amïihaiico neehi. Jaamo uco mimiyaavogomoro mataajaji.³⁵ Miïro Jua ciijigaimecu ijiganoro aachicibadi jeevauhi. Jaabo aachiciniunofaño amïihai jihachutagayiro imo imo mihicauhi.³⁶ Jaaruno toono Jua ijibuguuno janaanicivi uujoho onoono jeevahi. Miïro Moocaani uco agalluubo atajïbaunoco omoonino. Toonoro tahallivi jïibeguehi miyaano uco Moocaani agalluunoco.³⁷ Tolliro bu Guihirubi uco agalluubo uuti jïibeguehi. Jaaruuboco amïihai safooba mahatyimetatïhi, bu ihiimaaco safooba mugubutatihi icano.³⁸ Tolliro bu diibo ijij amïihaifaño chahahi; Diibo agalluhiniïboco amïihai mimiyaavogotimaño.³⁹ Miïro Caatinïhaameque imino amïihai mihiïfinicihicahi fiivo ifiico toohaamefaño mahatyimeneque mihimogomoro. Jaano miïro toohaame uuditï ijibuguruhaame.⁴⁰ Jaarumo tajaa masaanoco mihi-mogothi fiivoma mihicajiruneguiha.

⁴¹ Uujoho miyaminaa cahacisuco gaayïcitihi. ⁴² Jaabadiro uujoho gaajahi amïihai Moocaanico magajitinoco. ⁴³ Miïro uujoho Guihirubi memeri saahinihi; Jaaruuboco uco magaayïcitihi. Jaanoti sifi jilli ijeebiïtiro asaaboco naha amïihai magaayïcijirahi.⁴⁴ ¿Milli jaamo mimiyaaveguejirahi sanomiro fahigovavi miyaminaa imihicacoro magaayicicasimo? Jaamaño toonoguiinodi idiboro iicaabo Moocaanitï asaano imihicaco miguiinotïhi.⁴⁵ Jaanegui uuditï mehesamaaidino: Caani imefeenevi miïhaico imitino neejiiibo, noomoro. Icaabo amïihai imitico eneejiibo Moise. Jaabo tajïbafeenedi mataajibadi mehesicinirahi.⁴⁶ Miïro Moiseque mimiyaavuguruva uco tolliro mimiyaaveguejirahi. Miïro diibo uuti caatiniuhi.⁴⁷ Jaabo acaatinïunoco mimiyaavogotimo, ¿milli bu taajico mimiyaaveguejirahi?

6

Cinco Mildimoco Amachusuno.
(Mt 14.13-21; Mr 6.30-44; Lc 9.10-17)

¹ Toonobuunati Jesu fuuhi Galilea muuai onegueehivi. Jaaba momoro bu Tiberia onoomuuai. ² Jaabo dojicuti sihidï miyaminaa feehicauhi sihidï ejeevanoco omooniïboro iguihuvamoco ubuheesunoco aatyimehicauneguiha.³ Jaanegui Jesu ifabaihallivi ufuuboro ijibogominaama casiivuubo. ⁴ Jaasumi fuiticuuno judiomï jïibaimo Pascua iicaujino. ⁵ Jaanaa Jesu emeeciubo atyimeuhi sihidï miyaminaa idojicuti asaaunoco. Jaanegui Felipeque nuubo: ¿Cuucati fine machutaaco manaajejirahi jito imachuqui? nooboro.

⁶ Jilli Felipeque nuubo jilli diiboco inisuubo, ¿milli fine neejiiibo? onoomaño jilli omoonijinoco imino agaajacuuboro. ⁷ Jaanegui Felipe nuuhi: Fine doscientos denario ticovovi manaajejirahi, machutaaco. Jaaruno famooviro ajashuno ifetejitirahi, nooboro.

⁸ Jaanegui ijibogominaati saafi Andre Simon Pedro nahabo Jesuco nuuhi: ⁹ Jineeri icase sase sahusedino sebada maahuno, bu miimisiici tavaabomisi icanoma iicase. ¿Milli jaano tonoodino jinoodimo miyaminaavi ifetejirahi? nooboro.

¹⁰ Jaanegui Jesu nuuhi: Diitoco monoo icasiiamaaiqui, nooboro. Jaamañeri sihidi ñaavahu icauhı. Jaanohalliv casiicamaaumo cinco mildino gaifimi. ¹¹ Jaadi Jesu imaaahunoco iiçuboro Moocaanico graciaco aaciuboro, toonoco ijibogominaaco aciubo. Jaanoco diito imiyaminaama ifuuhi giciniumoma. Tolliro bu itaavaco ifuumo iimuguudineheje. ¹² Jaanoco amachuumo utuvacuudi Jesu nuuhi, ijibogominaaco: Paryi manaani ihatyuuvoco gañiçafototino iicaqui, nooboro.

¹³ Jaanoco ananiamo gahafusuuhı, jiibaiñoco fahuseeci, siino miibaici icanoco sahusedino sebada maahuno iicaunoti aatyuvuunoco. ¹⁴ Jaano Jesu sihidi ejeevano ifusuco eheetavuunoco aatyimeumoro diito nuuhi: Miyaanoro jahi jaani Moocaani iimaaminaafi jiinijehalliv asaauijibo, noomoro.

¹⁵ Jaamoro Jesuco iiçumoro satyuujirumo aivojiboti iheetavequi. Jaanoco agaajaciuboro iinoro fuubo siino ifabaijaagovi.

Jesu Nifaihuhallidi Iguehi.

(Mt 14.22-27; Mr 6.45-52)

¹⁶ Jaanaa miijiji cuudi ijibogominaa muuajaago fuuhı. ¹⁷ Jaamoro meenegafaño ijicamaaumoro fuumo onegueehi Capernaujaagovi. Jaanaa civucuuno. Jaarunaa Jesu diitoja gaseutihı. ¹⁸ Jaanaa imuuaifa ticovauno sihidi guibuhuba asaauno. ¹⁹ Jaamo ufuumo sahuse juugahuseti sano idiino kilometronohachuta icacumaaca Jesu saauhi nifaihuhallidi igooboro. Jaaboco aatyimeumoro sihidi igutuumo. ²⁰ Jaarunaa diitoco nuubo: Uujoho; mihiguetejirahana, nooboro.

²¹ Jaanegui diito diiboco imo imo imeenegafaño gaayiciuhi. Jaadi goovano ifutuumo ufuuhigo.

Miyaminaa Jesuco Guiinehi.

²² Jaano seseevedi toonegueehiv miyaminaa ifitafutuumo gaajauhi sagaaro meenega iicaunoco. Jaagafaño Jesu ijibogominaama footinaaca diito iinoro fuumo. ²³ Jaanaa bu sagahaje gaseuhi Tiberia cuumiti asaauno, jaagahaje cañavuuhi Jesu graciaco aaciunobuunati maahunoco amachuuno fittino. ²⁴ Jaamañovi Jesu, ijibogominaa icano achahaunoco miyaminaa aatyimeumoro toono imeenenefaño ijicamaaumoro fuumo Capernaujaago Jesuco guiynomoro.

Jesu Fiivoco Aacineguiha Diiboco Fiivo Maahuti Momonimo.

²⁵ Jaaboco onogoo muuaivi aatyimeumoro nuumo: Jiibogominaafi, ¿cusumi gasehinihi? noomoro.

²⁶ Jaanegui Jesu diitoco iimusuuhi: Miyanotiro, miyanotiro amihaico neehi: Jilli mamachuhinimo mutuvahininegoguiha uco miguiinehi. Jilli sihidi ejeevanoco eheetavehininoco mimiyaavenegouiha icatino.

²⁷ Jaanegui ifinino machutaguiharo mududicamaaidino, ifinijitino fiivoco aacino machutaguiharo mududicamaaje. Toonoco uujoho Miyaminafibadi Ifiivuubo amihaico aacijino. Toonoti uujoho Moocaaniti asaanoco miyaminaa igaajaqui, bu uuvı Moocaani igaajataco ificucuuno icano, nooboro.

²⁸ Jaanegui diiboco dilluumo: ¿Milli jaanegui momooniji Moocaani iijico meheetavequi? noomoro.

²⁹ Jaanegui Jesu diitoco nuuhi: Moocaani imeguehi, diibo uco agalluboco amiihai mimiyaavogonoco, nooboro.

³⁰ Jaanegui diiboco nuumo: ¿Eneecata sihidí ejeevanoco mihaico dihifusu maatyimemere ico mimiyaaveguequi? ³¹ Miiro moheedeetemihai machuuhi mana onoonoco sicaihigovi iicausumi, oono Caatinihaaafeño: Niquejeo maahunoco machusuubo, onoobadi, noomoro.

³² Jaanegui Jesu iimusuuhi: Miyanotiro, miyanotiro amiihaico neehi: Moise amiihaico niqueje maahuco acitihi, Guihirubi amiihaico jino miya maahu niqueje maahuco acihi. ³³ Jaano jino Moocaani maahu diibo niquejefañoti iniitoobo jiinijeminaaco fiivoco aaciibó, nooboro.

³⁴ Jaanegui nuumo: Aivojibó, fahijivaro mihaico toono maahuco daachihiica, noomoro.

³⁵ Jaanegui Jesu nuuhi: Uujoho fiivo maahu; tajaa asaamo ajebavacuutihí, uco imiyaavogomoco ufucuro adufira aivucuutihí icano.

³⁶ Miiro amiihaico uujoho eneehinicuubadi: Uco mahatyimecuurumo uco mimiyaaveguehecatihi. ³⁷ Miiro paryi fanooro Guihirubi uco aacino tajaa saaji, tolliro bu tajaa asaamoco uujoho buhi gañijitihí. ³⁸ Uujoho niquejefañoti niitehinitihí uuro iimogonoco mooniqui icatino, jilli uco agalluhiniibó iimogobadi mooniqui saahinihi. ³⁹ Jaano jino Guihirubi uco agalluhiniibó iimogono; Paryi diibo uco aacimoco saatohobaco jeevesutibó paryi famoocoro ufucu ninofucusumi buheetesuji. ⁴⁰ Jaano jino uco agalluhiniibó iimogono; Paryi famooro miyaminaa Moocaani Seemeneque aatyimemere imiyaavogomo ifinijitino fiivoma iicaqui. Jaamoco uujoho ninofucusumi buheetesuji, nooboro.

⁴¹ Jaanegui judiomí ticovauhi diiboco edejecuumo. Uujoho fiivo maahu niquejefañoti iniituubo, unuuneguiha ⁴² neehicauhi: ¿Nacu jaani Jesu Jose achi icatiibó? ¿Miiro caani, seeji icamoco mihai magaajahi? ¿Milli jaabo: Uujoho niquejefañoti niitehi, neehicahi? noomoro.

⁴³ Jaanegui Jesu nuuhi: Musuufeni toono amiihai dejecufiraco. ⁴⁴ Miihainooba tajaa saajitirahi Guihirubi uco agalluhiniibó tajaa isivatiruva. Jaamoco uujoho buheetesuji ufucu ninofucu. ⁴⁵ Miiro, Moocaani iimaaminaa aamefaño jilli noono: Moocaani famoocoro jibegueji, noonoro. Jaabadi famooro Moocaanico uguubuumoro diiboti agaajamo tajaa saahi.

⁴⁶ Miihainooba Moocaanico atyimetihí idiboro uujoho Moocaaniti asaaubo Moocaanico atyimehi. ⁴⁷ Miyanotiro, miyanotiro amiihaico neehi: Uco imiyaavogomo ifinijitino fiivoma icaji. ⁴⁸ Uujoho fiivo maahu. ⁴⁹ Miiro amiihai eedeete manaaco sicaihigovi amachuurumo chuumuuhi. ⁵⁰ Jaanotí naha jino niquejefañoti iniiton maahu. Jaanotí amachumo guijevetimo iicaqui. ⁵¹ Uujoho diiburucu jino fiivo maahu iicaabo niquejefañoti iniitehiniibó. Jaamo uco agaayicimo ifinijitino fiivoma icaji. Jaano maahuco uujoho aacino taahucu. Jaanoco uujoho jiinijeminaahalliví aacijino, nooboro.

⁵² Jaanegui judiomí ticovauhi sanomiro iimaacasiumo: ¿Milli jaabo jaani mihaico duusujirahi ihuucuco? noomoro.

⁵³ Jaanegui Jesu nuuhi: Miyanotiro, miyanotiro amiihaico neehi: Uujoho Miyaminaafibadi Ifivuubo uucuco muduutihachiiji, bu itiöhoco

mahadutihachiji icano fiivoma mihicajitih. ⁵⁴ Jaanotí taahucuco amachuubo, tatyijohoco aaduubo icano ifinijitino fiivoma icaji. Jaaboco uujoho niinofuku buheetesuji. ⁵⁵ Jaano tafi miya machuta, tatyijohoh miya adufaihu icano. ⁵⁶ Jaamo tafico amachumo, tatyijohoco aadumo icano uuma icahi. Jaamoma bu uujoho tolliro icahi. ⁵⁷ Miiro Moocaani uco agalluubo ifima icahi, jaaberí uujoho icahi icano. Jaabadiro uco amachuubo uuri icaji. ⁵⁸ Jino niquejeti iniituno maahu; amihai caanimihai manaaco amachuumo iguijeveubadi iicanó icatino. Jaanotí jihicati amachumo ifinijitino fiivoma icaji, nooboro.

⁵⁹ Jillí nuubo Jesu Capernau cuumi sinagogajafaño ijibuguubo.

Jesu Iimaa Fiivoco Acihi.

⁶⁰ Jaanoco sihidi saatoho ijibogominaa uguubuumoro nuuhi: Aivo jihimaa sihidi jeevahi. ¿Miijojo fine gaayicijirahi? noomoro.

⁶¹ Jaanoco Jesu ijibogominaa onocasiunoco agaajaciuboro nuubo: Jaano nacu amihaiico imitino moonihi? ⁶² ¿Millijiru fine imi, uujoho Miyaminafibadi Ifiivuuboco caamo iticoni iicauhigo ofooboco mahatyiheruva? ⁶³ Miiro Moocaani Gaija miinoco fiivoco acihi. Jaanotí muuhucu jillí jihovono. Jaanotí na ha jino uujoho ihimaano amihai jeebijico ifinijitino fiivoco aacijino.

⁶⁴ Jaarunofaño icamo amihaiti saatoho imiyaavogotimo, nooboro. Miiro Jesu imegaviro gaajacuuhi imiyaaveguejitimoco, bu diiboco igaicaauqui aaciujiboco icano. ⁶⁵ Jaamaño nuubo: Toonegui amihaiico neehinihi: Miihaiñooba tajaa saajitirahi Guihirubi tajaa isivatiruva, nooboro.

⁶⁶ Jaasumitiro sihidi saatoho diibo dojicuti efeehicaumo diibediti udugaavuumoro diiboma fuucutimo. ⁶⁷ Jaanegui Jesu saatoho ijibogominaa fahuseeci motihaiti miimisiici icano iicaumoco nuubo: ¿Nacu bu amihai tolliro diitobadiro mefeeji? nooboro.

⁶⁸ Jaanegui Simon Pedro diiboco iimusuuhi: ¿Aivojibo, miijaago bu miihai mefeejirahi? Miiro iima icano ifinijitino fiivo iimaa. ⁶⁹ Miiro miihai mimiyaaveguehiniuuhi. Jaamoro magaajahi iijohoh Cristo Moocaani iicaabo Seemene idiicanoco, nooboro.

⁷⁰ Jaanegui Jesu diitoco nuuhi: Amihai docedimoco uujoho icihinihi. Jaamo amihaiifañotí iicaabo saafi ijí iicaabo, nooboro.

⁷¹ Jillí nuubo Juda Iscariote Simon achiditi. Jaabo Juda docedimoobo iicaubo Jesucristoco iguijeniqui aaciujiboo.

7

Jesuco Inahabomi Miyaaveguehicautihi.

¹ Jaanobuunati Jesu Galilea jiinijeri igooboro feehicauhi. Jaaboro Judea jiinijevi ofoonoco imeguehicautiibo judiomí diiboco tahí agaicaau-guuneguiha. ² Jaanaa fiticuuno tabernaculojano jibaimo iicaujino; tusumi judiomí njeganofañooro icanicimo. ³ Jaaneguiha Jesuco inahabomi nuuhi: Jinoottí difo Judeavi. Tahí iicamo didojicuti ofoonicimo edeetavonoco ihatyimequi. ⁴ Miiro miihaiñooba miyaminaaco ifiico igaajasuqui omooniimo toovono moonitatihi, tollí bu omooniiboo famoo imefeeneviro moonihica, noomoro.

⁵ Jillí nuumo inahabomi icarumo diiboco imiyaaveguehicautimaño.

⁶ Jaanegui Jesu diitoco nuuhi: Tufucuvihiiica uujoho iifototihiiica. Jaanotí amihaidi na ha fafucuvaro imihi. ⁷ Miiro amihaiico jiinijeminaa

jiiheguetihī. Jaanotī uco jiihegueme diito imitico onoonohalliti.⁸ Amiihairyo tobaimojaago mofoo. Jaanotī uujoho tobaimovi footihiica tahoovofucuvihīica uujoho ifototihī, nooboro. ⁹ Diitoco tollī unuuboro fitafutuubo Galileavī.

Jesu Fuuhi Nijegano Jibaimovi.

¹⁰ Jaadi inahabomi tobaimojaaa ufuunobuunati, Jesu tolliro bu fuuhī. Jaaruubo foovono fuutiibō, toovonoro fuubo saatohoba diiboco aatyimeujiruneguiiha. ¹¹ Jaaboco judiomī tobaimoguiino iguiinomoro neehicauhi: ¿Cuuca fine iicaabo? noomoro.

¹² Jaabediti sihidi miyaminaa miribacasihicauhi. Saatoho neehicauhi: Aivo imihuseebe, noomoro. Jaanotī saatoho neehicauhi: Imitiibō miyaminaaco bañihicaabo, noomoro.

¹³ Jaarumo miihaiñooba foovono diibediti iimaahicautihi judiomī ñihicuti.

¹⁴ Jaanaa ijibaimo feeneveunaaca Jesu templojafaño jicafutuuhī. Jaaboro ticovaubo ijibuguubo. ¹⁵ Jaaneri judiomī sihidi eheetyemere neehicauhi: ¿Milli jaabo sihidi fanoovaco gaajahi aamenefaño icautruubo? noomoro.

¹⁶ Jaanegui Jesu diitoco iimusuuhi: Uujoho tajeebiitiro jibogotihi uco agalluhiniibō jibogoco uujoho jibeguehi. ¹⁷ Cajaatyohacho Moocaani iimogonocoro omoonigomo, gaajaji Moocaani jibogoco ijibogonoco nacu tajeebiitiro uujoho onoono iicanoco. ¹⁸ Jaanotī ijeebiitiro ihimaabo diiboco miyaminaa obocigonoco imeguefihi. Jaanotī diiboco agalluhiniiboco obocigoobo, miyaanoco iimaahi. Jaabofaño bañifiira chahahi.

¹⁹ Miilo amihaico Moise tajibaoco aciuhi. Jaarunoco amihaiti saatohoba imino moonitihī. ¿Collahi jaamo uco magaicaaujirahi? nooboro.

²⁰ Jaanegui miyaminaa iimusuuhi: Ijoho ijima diicahi. ¿Mijoho nacu ico gaicaaujirahi? noomoro.

²¹ Jaanegui Jesu diitoco nuuhi: Sanoocoro jaguisifucusumi omoonihiineri famooro meheetyehiniihi. ²² Miilo Moise amihaico tajibaauhi amihaai meehe nigaci quiticico. Jaarunoco diibo ticoniutihī omoonubo, amihaai eedeetemihai toonoco ticoniuhī eheetavuumo. Jaanoco amihaai jaguisifucusumi meheetavonicihī. ²³ Jaano Moise tajiba ganijcafototino iicaqui momoonimoro jaguisifucusumi gaifi seemene meeheque miquiticinicihi. ¿Jaamo collahi tajaa misifiratehi jaguisifucusumi saafi miyaminaafico faabohocoro ubuheesuhininhalliti? ²⁴ Imino meećiimoro saatohoditi mihiimaadino. Jari imino magaajaadi mihiimaa, nooboro.

¿Naa Fine Jaani Cristo?

²⁵ Jaanaa saatoho Jerusaleri iicahicaumo nuuhi: ¿Nacu jaanico iguineniqui iguiinehicaabo icatiibō? ²⁶ Memeeći ono famoofeeneviro iimaaruuboco miihaiñooba milli moonitihī: ¿Naa fine jisumi aivojito gaajacuuhi diibo Cristo iicanoco? ²⁷ Jaanotī miihai magaajahi tahigoti diibo asaahigoco. Jaanotī Cristo asaadī miihaiñooba gaajajitihī cuucatī diibo asaanoco, noomoro.

²⁸ Jaanegui Jesu templojafaño ijibuguumañotī sefano nuubo: Uco naa amiihai magaajahi tahigoti asaahigoco. Jaaruubo uujoho tajeebiitiro saatihī. Jaabo uco agalluhiniibō miyaabo iicaaboco amiihai

magaajatihu. ²⁹ Jaanotí uujoho diiboco gaajahi diiboti asaahinimaño. Miiro diibo uco galluhiníhi, nooboro.

³⁰ Jaanegui diito diiboco gaayiciujirahi diiboco icivojaaniqui. Jaarunofaño miihaiñooba diiboco gaayiciutíhi ihoovofucuví iifutuutimaño. ³¹ Jaarunofaño sihidí diitoti saatoho diiboco miyaavuguuhi. Jaamoro nuuhi: ¿Nacu Cristo asaadí jaani sihidí ejeevanoco eheetavehicanó janaanicí eetavejiruubo fine? noomoro.

Fariseomi Sisiminaaco Galluuhi Jesuco Igaayicíqui.

³² Jaanoco fariseomi guubuuhi miyaminaa toonoti imiri bacasiunoco. Jaaneguiha sacerdotemí aivojito, fariseomi icamo sisiminaaco galluuhi Jesuco igaayicíqui. ³³ Jaanegui Jesu diitoco nuuhi: Gueenenehiica amiihaima icaji. Jaadi dojicuviro feeji uco agalluubojaago. ³⁴ Jaaboco miguiinejirahi. Jaarumo uco mahatyimejitihi uujoho iicahigo amiihai mihifetejitimáño uco mahatyimejitihi.

³⁵ Jaanegui judiomí sanomiro noocasiuhi: ¿Cuuca fine jaabo ofooboco mahatyimejitihi? ¿Nacu fine griegomifeenevi judiomí agavaracinimojaago feejiibo griegomico ijibeguequi? ³⁶ ¿Milli fine enejirunoco oono miihaiico noobo: Uco miguiinejirahi. Jaarumo uco mahatyimejitihi uujoho iicahigo mihifetejitimáño, noobo? noomoro.

Moocaani Gaija Fiivo Muuai Nifaihubadi Icaabo.

³⁷ Jaanaa ninofucu imiya jíbaimofucu Jesu agañivuuboro sefano nuuhi: Saatoho adufirari mihicahachiji tajaa masaamoro, mahaduva.

³⁸ Uco imiyaavogoobo, Caatinihamefaño onoobadi: Dijeebiifañotí fiivo muuai nifaihu cuuji, nooboro.

³⁹ Jillí Jesu nuuhi: Diiboco imiyaavogomo Igaijaco agaayicijinoco. Tusumihiica Moocaani Gaija niituutíhiica Jesu niquejefaño ufuutimañehiica.

Miyaminaa Dugaavocasiuhi.

⁴⁰ Jillí Jesu unuunoco diitofeeneti saatoho uguubuumoro nuuhi: Miyanoro jahi jaani Moocaani iimaaminaafi asaajiibo, noomoro.

⁴¹ Jaanotí saatoho neehicauhi: Jaani Cristo, noomoro. Jaanotí saatoho neehicauhi: ¿Nacu Galileati Cristo saajirahi? ⁴² Miiro Caatinihamefaño noono: Cristo saaji, Aivojíbo David yotofañotí tolliro Belen allio cuumijefañotí David iicauhigoti saajiiibo, noono, noomoro.

⁴³ Jaamoro miyaminaa fahigova dugaavocasiuhi Jesuhalliti.

⁴⁴ Jaanegui diitoti saatoho diiboco igaayicíqui mooniurahi. Jaarumo saatohoba milli diiboco mooniutíhi.

Aivojito Jesuco Miyaavogotíhi.

⁴⁵ Jaanaa isisiminaa tahigoti siino saauhi. Jaamoco sacerdotemí aivojito fariseomi icamo nuuhi: ¿Collíhi jana jaaboco misivatíhi? noomoro.

⁴⁶ Jaanegui isisiminaa iimusuuhi: ¡Aivo chahamo saatohoba diibobadi ihimaamo! noomoro.

⁴⁷ Jaanegui fariseomi diitoco nuuhi: ¿Tolliro bu nacu amiihai diibo abañinoco mimiyaaveguehi? ⁴⁸ ¿Nacu amiihaidi saatoho aivojítotí, fariseomití icano miyaaveguehi? Imiyaavogotímo duhu. ⁴⁹ Jaanotí jito miyaminaa tajibaco agaajatímo jillí cijigaifaño efeejimo, noomoro.

50 Jaanegui diitoobo saafi Nicodemo onoobo safoono Jesuco fucu emeeciyeubo, nuuhi: ⁵¹ ¿Nacu miihai tajiba saafi miyaminaafico: Iimiti, neejirahi, iticoni diibo omooninoco gaajacitimoro? nooboro.

52 Jaanegui diiboco nuumo: ¿Nacu bu ijoho Galileaoobo? Eneecau, imino Caatinihaameque dihiifinici Galileati Moocaani iimaaminaa saatatihi, noomoro ⁵³ ijeevadi sahaje ijanojaa foocinumo.

8

Gaifiimima Iicafifigo.

¹ Jaanoti Jesu fuuhi Olivohono iicagajijaago. ² Jaano seseovedi fucuro Jesu siino templojafaño saauhi. Jaabojaago sihidí miyaminaa saauhi. Jaamoco acasiivuuboro ticovaubo ijibuguubo. ³ Jaanaa fariseomi, caatiniminaa icamo diibojaa sivauhi gaigooco gaifiimima iicafifihicau-goco. Jaagoco diitofeenevi ificumoro ⁴ nuumo: Aivojibbo Jesu, jaamo aiji icanaaca, sifima faguifaño icagoco mahatyimehi. ⁵ Miiro Moise itajibafaño jilli miihaico neehi: Tollí iicagoco guisiri mahaamimoro magaicaau, nooboro. ¿Jana ijoho milli neehi? noomoro.

⁶ Jillí nuumo diiboco inisuumo, ifurumo toonohalliti diiboco icivojaaniqui. Jaanegui Jesu jiinijehallivi idijiivuuboro ticovaubo ihusegairi jiinijeque acaatiniubo. ⁷ Jaarunaa suufenitimo diiboco idilluhicaunegui, agañiivuuboro diitoco nuuhi: Eneecata amiihaiti saatoho imitima machahamo miticoni diigoco guisibari mahaamimo, ⁸ nooboro siino idijiivuuboro ijiniujeque caatinihicauhi. ⁹ Jillí unuunoco uguubuumoro tolliro diito iimitima iicaunoco ijebiifanodí agaajaumoro ihamiyatotí ticovaumo safisari ofoocinumo. Jaanaa Jesu diigo icanoro covovacafutuhi tomañovi. ¹⁰ Jaadí Jesu agañiivuudi miihaiñooabaco atyimecuutiibbo, idiigoro diigo toonovi ifitafutuugoco aatyimeuboro nuubo: Gaigo, ¿cuuca icamo dihallivi imitino ihiimaahicamo? ¿Miiro saatohoba ico milli moonitihí? nooboro.

¹¹ Jaanegui nuugo: Aivojibbo, saatohoba milli uco moonitihí, noogoro.

Jaanegui Jesu diigoco nuuhi: Uujoho bu icaruubo milli ico moonitihí. Fuucu. Jaagoro siino imitino diicacuujirahana, nooboro.

Jesu Miyaminaa Jeelibinoco Aachiciniibbo.

¹² Jaadi siino Jesu ihiimaauboro miyaminaaco nuubo: Uujoho jiinijeminaa jeebiico aachiciniibbo, tadyojicuti asaabo civohi icajitihí. Jaano ifinijitino fiivoco aacino foovoma icajibbo.

¹³ Jaanegui fariseomi diiboco nuuhi: Ijoho difiitiro diibeguehicahi. Jaano dijibogo ibocima chahahi, noomoro.

¹⁴ Jaanegui Jesu diitoco iimusuuhi: Jaaruno uujoho tahalliviro ijibuguruno tajibogo ibocima icahi, uujoho asaahinihigoco, ofoohipoco icano agaajamaño. Jaanoti amiihai magaajatihi uujoho tahigoti asaahinihigoco, ofoohipoco icano. ¹⁵ Jaamo amiihai miyaminaa imitico meneehi jiinijeminaa tajibafeenedi. Jaanoti uujoho miihaiñooabaco dugaacutihí. ¹⁶ Jaanoti dugaacuruva, uujoho udugaacuno miyaanejiru, saafiro uujoho icatihi, Guihirubi uco agalluuhiniiboma mihicamaño. ¹⁷ Miiro amiihai tajiba aamefaño noocinino: Miimisiici ijibogono ibocima icahi, noonoro. ¹⁸ Miiro uujoho tafitiro jibeguehi, tolliro Guihirubi uco agalluuhiniibbo uuti jibeguehi icano, nooboro.

¹⁹ Jaanegui diiboco nuumo: ¿Cuuca nacu diicaani icahicahi? noomoro.

Jaanegui Jesu diitoco nuuhi: Uco amiihai magaajatih, bu tolliro Guihirubico magaajatih icano. Jaanot uco magaajaruva tolliro Guihirubico magaajajirahi, nooboro.

²⁰ Jilli Jesu nuuhi templojafaño ijibuguubo nihibamico ijicuhicauno cojivi. Jaaruuboco miihaiñoba gaayiciutih, ihoovovi ifutuutimaño.

²¹ Uujoho feeji. Jaaboco miguiinurumo uco aatyimetimoro amiihai imitimaryo miguijeveji. Uujoho ofoohigo amiihai mefeejitihi, nuubo.

²² Jaanegui judiom i nuuhi: ¿Nacu fine iinoro ifiico gujenijiib. Jaamaño: Uujoho ofoohi mefeejitihi, noobo, noomoro.

²³ Jaanegui Jesu nuuhi: Amiihai baaoto. Jaanot uujoho caamoobo. Amiihai jijeminaa. Jaanot uujoho jijeminaafic icatih. ²⁴ Jaamaño amiihaico: Amiihai imitimaryo miguijeveji, neehi. Miiro uco mimiyaavogotihachiji amiihai imitimaryo miguijeveji, nooboro.

²⁵ Jaanegui dilluumo: ¿Miijojo nacu ijoho? noomoro.

Jaanegui Jesu diitoco nuuhi: Siçijetiro amiihaico neehicacuhi.

²⁶ Sihidi icano amiihaico eneejino, amiihaiti udugaacujino icano. Jaarunofaño uco agalluubo miyaanocoro neefihi. Jaabo uujoho diiboti uguubuunoco jiinjeminaaco jibeguehicahi, nooboro.

²⁷ Jaarunoco diito gaajahicautihi Moocaaniditi ihimaahicaunoco.

²⁸ Jaadi nuubo: Jari caamovi Miyaminaafibadi Ifivvuboco guijke imohobujehallivi magañiyicidi magaajaji, uujoho diiboro iicanoco. Tolliro bu tajeebiitiro uujoho omoonihicatinoco magaajaji, bu tolliro Guihirubi uco ijibeguehicanocoro omoonihicanoco icano. ²⁹ Uco agalluhiniib uuma icahi. Jaabo Guihirubi uco jeevesutih, diibo iimogonocoro omoonihicamaño, nooboro.

³⁰ Jilli Jesu unuunot saatoho sihidiboco miyaavuguuhi.

Moocaani Seeme, Bu Imitino Jijovoto Icamohallivi Jesu Iimaano.

³¹ Jaanegui judiom diiboco imiyaavuguudimoco Jesu nuuhi: Taajico jeevesutimo mihicahachiji miyaano tajibogominaa mihicaji. ³² Jaachiji magaajaji miyaanoco. Jaano miyaano amiihaico imitifañotisinaayuji, nooboro.

³³ Jaanegui diito nuuhi: Miíhai Abraham iyaachimihai mihicamo sita jijovoto mihicatatih. ¿Milliti jaabo miíhaico ijoho misinaayucafeteji neehi? noomoro.

³⁴ Jaanegui Jesu diitoco nuuhi: Miyanotiro, miyanotiro amiihaico neehi: Pary famooro imitico omooniimo, imiti jijovoto. ³⁵ Jaamaño jijovooboti iicaabo ihaivojib seemefañodi icatatihi. Jaanot iseemene diitofañodi icanicihi. ³⁶ Jaamaño uujojo Moocaani Seemene amiihaico isinaayuhachiji miyanotiro jijovoto mihicacuujitih. ³⁷ Uujoho gajarahi amiihai Abraham iyaachimihai mihicanoco. Jaarumo uco magaicaauguehicahi, uujoho onoonoco mugubutimoro. ³⁸ Uujoho iimaahicahi Guihirubi uco ijibogobadi. Jaanot amiihai momoonihicahi amiihaico amiihai caani ijibogobadi, nooboro.

Diito Caani, Iji.

³⁹ Jaanegui diito nuuhi: Miíhai caani Abraham, noomoro.

Jaanegui Jesu diitoco nuuhi: Miyaano amiihai caani Abraham iicaruva diibo omooniubadi momoonijirahi. ⁴⁰ ¿Collahi jaamo uco magaicaaujirahi? Toll iicanoco Abraham safooba mooniutih. Miiro amiihaico

miyaanoco jiibeguehicahi Moocaani uco unuubadi. ⁴¹ Jaanotí amiihai, amiihai caani momooniniciabdi momoonihicahi, nooboro.

Jaanegui nuumo: Mihi ajeva seeme mihicatih, saafiro miihai caani Moocaani, noomoro.

⁴² Jaanegui Jesu diitoco nuuhi: Amiihai caani Moocaani iicaruvu uco magaijirahi. Uujoho diibojaagoti saahinihi, tajeebiitiro uujoho saahiniithi diibo uco agalluuuhinegui saahinihi. ⁴³ ¿Collahi jaamo taajico mugubuhicatih? ¿Collahi tajii**bogoco** mihimeguehicatih mugubunoco? ⁴⁴ Amiihai caani Iji. Jaabo onoobadi momooninoco mihimeguehicahi. Miir o diibo siicijetiro imoyiicib bo miyaminaaco agaicaunoco, imoyicitatiib bo miyaanofaño iicanoco. Jaaboma miyaano chahahi, jihovoobo iicamaño sicamañooco iimaabo, bañifiira caani iicamaño bañifiibo. ⁴⁵ Jaanotí uujoho miyaanoco unuurunoco uco mimiyaveguehicatih. ⁴⁶ ¿Nacu miijoho amiihaiti saatohi ifusujirahi tafifa sanogayiba imiti iicanoco? Jaabo miyaanoco onoonoco; ¿Collahi uco mimiyaveguehicatih? ⁴⁷ Moocaanitahe iicaabo, Moocaani ijico guubunicahi. Jaanotí amiihai Moocaanita mihicatimaño Moocaani ijico mugubugotih, nooboro.

Cristo Sahijitiro Iicacuubo.

⁴⁸ Jaanegui judiomí iimusuuhi: Aivo miyaano ijoho samariaooobo idiicanoco ico monoono. Jaabo ijima diicahi, noomoro.

⁴⁹ Jaanegui Jesu diitoco nuuhi: Uujoho ijima icatihi, uujoho Guihirubico bociguehi. Jaaruuboco uco amiihai mobocigotih. ⁵⁰ Jaaruubo uujoho tafi bocigoco guinothi, iicaabo saafi uco obocigonoco iguiinooboro udugaacuubo. ⁵¹ Miyanotiro, miyanotiro amiihaico neehi: Taajico imimiyavogomo ifinijitino guijevefaño feejitihi, nooboro.

⁵² Jaanegui diiboco judiomí iimusuuhi: Jisu aivo imino magaajacuuhi ijima idiicanoco. Miir Abraham, bu paryi Moocaani iimaaminaa icamo paryi guijeveuhi. ¿Milli jaabo ijoho neehi: Taajico uguubumo guijevetimo icaji? nooboro. ⁵³ ¿Nacu ijoho mootadi Abraham janaanic deevahi? Jaaruubo du guijeveuhi, bu paryi Moocaani iimaaminaa icaurumo guijeveuhi. ¿Jaanotí miijoho ijoho idiicaabo guijevetiib bo diicahi? noomoro.

⁵⁴ Jaanegui Jesu diitoco nuuhi: Uujoho taficoro bocigoruva, uuro obocigono jaaducafetejitirahi. Guihirubi uco bociguehi diiboco amiihai Moocaani monoobo. ⁵⁵ Jaaruuboco amiihai magaajatih. Jaanotí uujoho naha gaajahi. Jaanotí: Uujoho diiboco gaajatih, nuuruva amiihaibadi bañififirahi. Miyanotiro uujoho diiboco agaajamaño diibo ijico moonihi. ⁵⁶ Miir Abraham amiihai tyadi imo imo icaahi uco aatyimegueuboro. Jaabo uujoho asaajinoco agaajacuuboro imo imo icaubo, nooboro.

⁵⁷ Jaanegui judiomí diiboco nuuhi: ¿Milli jaabo cincuentadino ficabano diicatiib bo, Abrahamco daatyimeuhi? noomoro.

⁵⁸ Jaanegui Jesu diitoco nuuhi: Miyanotiro, miyanotiro amiihaico neehi: Abraham chahaunaacaro uujoho icacuuhi, nooboro.

⁵⁹ Jaanegui guisibanoco iciumo diiboco ihaamiqui. Jaarunaa Jesu templojafaño afataniivuboro diitofeededí ihiinehiniuboro fuuhi.

¹ Jaanaa Jesu afatyuuubo atyimeuhi ifiivuunotiro aatyimeutii**boco**.
² Jaabediti ijibogominaa Jesuco dilluhi: ¿Mojibogominaafi, miijoho imitico omooniumaño, jaani atyimetii**bo** fiivuuh, caanimisi nacu diibo? noomoro.

³ Jaanegui Jesu diitoco nuuhi: Caanimisi, diibo icano imitico omooniumaño icatino. Jilli Moocaani mitya diibovi ihifusucafetequi ifiivuuno. ⁴ Miirō cuuje iicanohachuta uco agalluhinii**bo** dudicamaajeque eetavehi. Jaanoti mihiijicuudi miihaiñoba dudicamaaitacuutatihi. ⁵ Miirō jino jiinijehalliri iicanohachuta uuoho jiinijeminaaco achicinihi, ⁶ nooboro jiinijehallivi ijireuboro toonoco jiinima illiheenii**bor**o ijiniiri aatyimeutii**bo** aalliiñoco nicuubo. ⁷ Jaaboro diiboco nuubo: Foobo Galluuba jicooba nifaihuri nitito, nooboro. Jaaba jicooba momo hebreo iijiri Siloe. Jaanegui initamaajieuboro tahigoti atyimecuubo saauhi. ⁸ Jaanegui ifiitinominaa iticoni atyimetii**bo** iicahicaunoco agajaumo nuuhi: ¿Nacu jaani oono acasiivooboro nihibamico idilluhicaubo icati**bo**? noomoro.

⁹ Jaanoti saatoho: Jiihi, diibo, neehicauhi. Jaanoti saatoho: Sifi diibobadi ejeevaabo, neehicauhi. Jaarunofaño diibo neehicauhi: Uujoho diiboro, nooboro.

¹⁰ Jaanegui diiboco nuumo: ¿Milli jaano ico dihaallii**no** faayacafete*hi*? noomoro.

¹¹ Jaanegui diitoco iimusuubo: Jesu onoobo jiinico ijirema eetavooboro uco tahaallii**noco** nicuhi. Jaaboro uco noobo: Foobo Siloe jicoobafaño nitito, eneenegui ofooboro nitijehinihi. Jaaneri tahaallii**no** uco faayacafete*hi*, nooboro.

¹² Jaanegui nuumo: ¿Cuuca jaabo icahi? noomoro.

Jaarunaa diibo: Coo, gaajatih, nuuhi.

Fariseomi Dilluhi Diiboco.

¹³ Jaadí diibo aatyimehicautii**boco** satyuumo fariseomi imegavi.
¹⁴ Jaanaaca diiboco Jesu jiinibari ihaallii**noco** ataabuuboro ubuheetesuufucuu jaguisifucuu. ¹⁵ Jaaboco siino fariseomi dilluhi: ¿Milli ico dihaallii**no** faayacafete*hi*? noomoro.

Jaanegui nuubo: Jiinibari uco tahaallii**noco** nicuhinii**bo**. Jaanoco initamaainineri atyimehi, nooboro.

¹⁶ Jaanegui fariseomiti saatoho nuuhi: Diibo Moocaaniti saatih. Jaamaño jaguisifucu imino toomoti**bo**, noomoro.

Jaanoti saatoho neehicauhi: Imitiminaafi iicaruva jino sihidí ejeevano mityaco eetavejiti**ru**ubo, noomoro. Jaamaño diito sanoodimo dugaamacaiuhi.

¹⁷ Jaamoro siino aallii**vautii**boco** nuumo: Jaanoti ijohoh, ¿milli neehi dihaallii**noco** afaayici*hi*bediti? noomoro.**

Jaanegui nuubo: Eti, Moocaani iimaaminaafi, nooboro.

¹⁸ Jaarunaa judiomí miyaavuguutihu diibo ihaallii**noco** afaayiciunoco icano. Jaamoro caanimisico cuuhuvamo igaajaqui. ¹⁹ Jaadí diitisico diluumo: ¿Naa jaani amii*si* seemene aallii*vatii**bo*** ifiivuubo menehicaabo? ¿Milli bu jaabo oono ihaallii**noma** icahi? noomoro.

²⁰ Jaanegui caanimisi nuuhi: Jiihi, magaajahi diibo moseemene aallii*vatii**bo*** ifiivuunoco. ²¹ Jaaruno magaajatih fine millihacho tahi atyimeebe, bu tolliro magaajatih miijohohacho fine diiboco ubuheesuhininoco. Tahi diiboco midillu, diibo amiyaaburucu; tahi millihacho amiihaico jibegueji**bo**, noomisiro.

²² Jill caanimisi nuuhi, judiomico iiguiumisiro, judiom i cajaatyohacho, Jesuco: Cristo, onoomoco sinagogajafañoti magañiji, noomoro ifitacucasiuno ñihicuti. ²³ Jilliti caanimisi: Amiyaaburucu tahi diiboco midillu, nuuhi.

²⁴ Jaanegui siino coovaumo ihaalliiñoma achahauboco. Jaamoro diiboco nuumo: Moocaanicoro dihimo. Jaanot i diibo imitiminaafi iicanoco miihai magaajahi, noomoro.

²⁵ Jaanegui diibo iimusuhi: Coo, tahi fine imitiminaafi uujoho gaa-jatihi. Idiinocoro gaajahi uujoho aatyimeutiruubo jisumi aatyimeneque, nooboro.

²⁶ Jaanegui siino diiboco dilluumo: ¿Milli dihaalliiñoco omoonihinineri daatyimehi? noomoro.

²⁷ Jaanegui nuubo: Amiihaico jibugucuurahi. Jaarunoco mimiyaavogotimoro bu ¿collihi siino mugubujirahi? ¿Nacu bu amiihai tolliro diibo jibogominaati mihicajirahi? nooboro.

²⁸ Jaanegui diiboco iibaumoro nuumo: Ijohonaa diibo jibogominaafi. Jaanot miihai Moise jibogominaa. ²⁹ Miihai magaajahi Moocaani Moisema ihiimaunoco. Jaanot magaajatih i diibo cuucatiobo iicanoco, noomoro.

³⁰ Jaanegui diibo iimusuhi: Toono aivo uudi sihid ijevali, cu-ucatiobohacho diibo iicanoco magaajatino. Jaabo uco tahaalliiñoco atyimesuubo. ³¹ Miñro miihairyo magaajahi imitiminaaco Moocaani uguubunicitinoco. Jaanot diibogaagodi iicamoro, diibo iimogobadi omoonimoco icano guubuniciibo. ³² Siicijetiro guuburatatin saatohoba ifiivonotiro aatyimetiboco atyimesumo onoonoco. ³³ Jaani Moocaaniti isaatiruva milliba moonijitiruubo, nooboro.

³⁴ Jaanegui diiboco nuumo: ¿Ijohoh aivo sihid iimitima ifiivuubo, miihaico diiboguejira? noomoro diiboco gañiñumo sinagogajati.

Jesuco Imiyaavogotimo Aatyimetibobadi Jeevahi.

³⁵ Jaanoco Jesu guubuhi diiboco agañiñunoco. Jaaboco atyimeuboro nuubo: ¿Ijohoh miyaaveguehi Moocaani Achico? nooboro.

³⁶ Jaanegui diibo iimusuhi: Aivojibbo, uco diibogo miijoho diibo miyaaveguequi, nooboro.

³⁷ Jaanegui Jesu diiboco nuuhi: Iro daatyimecuuhi. Jino uujoho diibo iima ihiimaabo, nooboro.

³⁸ Jaanegui diibo Jesu imega ememuivuuboro nuuhi: Miyaaveguehi, aivojibbo, nooboro.

³⁹ Jaanegui Jesu nuuhi: Uujoho jijehallivi saahinihi dugaacuguihi, atyimetimo ihatyimequi. Jaanot atyimeme, atyimecuutimo iicaqui, nooboro.

⁴⁰ Jaanegui saatoho fariseomi diiboma iicaumo jilli diibo unuunoco uguubuumoro diiboco dilluumo: ¿Nacu bu miihai tolliro mahatyimetimo? noomoro.

⁴¹ Jaanegui Jesu diitoco iimusuhi: Amiihai aalliiño ihifuvusutiruva amiihai imitim a machahajirahi. Jaanot: Mahatyimeli, monoomaño amiihai imitim mihicahi, nooboro.

10

*Ovejam i Mecuv i Ohoovicino.
(Heb 12.20; 1 Pe 5.4)*

¹ Miyanotiro amiihaico neehi: Ovejamí mecufaño iguhugari ijicafototiboro sinaagonodiro ofoobo nanivaminaafi. ² Jaanoti tomeufaño iguhugari ijicafotoobo naha diito toomominaafi. ³ Jaabedi iguhuga toomominaafi iguhugaco faayicifihi. Jaahugari ijicafotooboco ihovejamí ihiimaatiro gaajacifihi. Jaamoco iticovocivi imomono icahi. Jaabo diitoco imemerí ocoovaaboro jahisivi iinusufiibo. ⁴ Jaadi jahisivi famoocoro ihiinusuboro ihime fooniciibo. Jaabo dojicuti ihovejamí foonicihi diibo iimaaco agaajamoro. ⁵ Jaanoti agaajatiibo dojicuti footatimo. Jilliro gaafimo diibediti diibo iimaaco agaajatimaño, nooboro.

⁶ Jilli Jesu ooviciuboro diitoco nuuhi. Jaarunoco diito gaajaciutihí milli eneejirunoco unuunoco.

Jesu Iimino Toomominaafi.

⁷ Jaadí bu Jesu siino diitoco nuuhi: Miyanotiro, miyanotiro amiihaico neehi: Uujoho ovejamí guhuga. ⁸ Iticoní tahimegaví asaaumo paryí nani-vaminaa. Jaamo iimaaco ovejamí gaajautihi. ⁹ Uujoho guhuga, tafañodi ijicafotoobo taajaji. Jaabo oveja iicanicibadi tomeufaño ijicafotooboro siino ihiinoobo ñaavahuco aatyímenicibadi icaji.

¹⁰ Jaanoti nanivaminaafi saanicíhi inaniquiro, igaicaauquiro, ifinisuquiro icano. Jaanoti uujoho saahinihi fiivoma mihicaqui, sihidí janaanicí toonoma mihicaqui. ¹¹ Uujoho miya toomominaafi; Miyo miya toomominaafi iicaabo ihovejamihalliví ifílico acinicíhi. ¹² Jaanoti ijaadaguiiharo otoomoobo jícu diitojaago asaanoco aatyimeebere ihovejamíco ejeevesuhiniboro iicojiti gaanicíhi ita iicatimaño. Jaanobuuna ijicu asaaboro diitoco buhigovi gavaracunícihi. ¹³ Jaabo diibo diitoco jeevesunícihi jillí ijaadaguiiharo ududicamaaimaño. Jaamaño diitoco jeeccivotatíbo.

¹⁴ Jaanoti uujoho iimino toomominaafi. Jaamaño taatyaco gaajahi. Jaabadiro bu diito uco gaajahi taatya iicamaño. ¹⁵ Uco bu oono Guihirubi agaajabadi, jaaboco bu uujoho gaajahi icano. Jaamaño tahovejamihalliví uujoho tafílico acíhi. ¹⁶ Tolliro bu saatoho tahovejamí icahi jimecuoto iicatimo. Jaamoco tolliro sivaji. Jaamo tahimaaco guubuji. Jaamo samooro icaji. Jaamo toomominaafi saafiro icaqui, ¹⁷ uco Guihirubi gaijíhi, tafílico diitohalliví aacíiboro, siino ubuheetejimaño. ¹⁸ Mijoho uco guijenijitirahi, jillí uuro iimogobabadi tafílico aciji. Jaabo igui-jeveruubo siino dojicuviro buheeteji mityama iicamaño. Jillí mooníqui Guihirubi uco tajíibauhi, nooboro.

¹⁹ Jillí unuunerí judiomí siino dugaavocasiuhi. ²⁰ Jaabotí sihidí saatoho neehicauhi: Ijíma icaabo jillí jeegavucuubo. ¿Collíhi jaaboco mugubunicíhi? noomoro.

²¹ Jaarunaa saatoho neehicauhi: Ijíma iicaabo jillí iimaatatíhi. ¿Nacu ijí ihaallíino aatyímetimoco atyímesujirahi? noomoro.

Jesuco Judiomí Gaayicigotíhi.

²² Jaanaa Jerusaleví eetavuumo jíibaimoco templojaco Moocaanícoro ijeecevhicaqui ificuuno jíibaimoco jíinijadíhivi. ²³ Jaasumi Jesu templojahallidi, Salomon goohasino onoohasijeri igooboro feehicauhi. ²⁴ Jaabohallidi judiomí emecuvovaumoró diiboco nuuhi: ¿Mihachuta jaabo mihaico, esamaaisuboro diicaji? Miyaano ijoho Cristo idicachachíji mihaico foovono diibugucu, noomoro.

²⁵ Jaanegui Jesu diitoco nuuhi: Amiihaico neehicacuurahi. Jaarunoco mimiyaaveguehiciatih; Miiro Guihirubi atajibabadi uuoho omoonino toono foovono uuti jibeguehi. ²⁶ Jaarunoco amiihai mimiyaavogotih; tahovejam;oto mihicatimaño, amiihaico eneehinicubadi. ²⁷ Miiro tahovejam; uco tahiimaati gaajahi. Jaabadiro bu diitoco uuoho gaajahi. Jaamaño tadyojicuti foonicimo. ²⁸ Jaamoco uuoho ifinijitino fiivoco acihi. Jaamo ufucuro guivejejitihi. Jaamoco mihaiñoba tahusefañoti dumitiicijitih. ²⁹ Guihirubi uco diitoco aciubo famoohallinociviro sihidi ejeevamaño. Jaamoco bu cajaatyoba Guihirubi usefañoti dumitiicijitirahi. ³⁰ Jaamisi uuoho, Guihirubi icano mihicahi. Jaarumisi saafiro mihicahi, nooboro.

³¹ Jaanegui judiom; siino guisibanco i;ciuhi diiboco ihaamiqui. ³² Jaanegui Jesu diitoco nuuhi: Miiro sihidi iminehejeque amiihai imefeenevi eetavehicahi Guihirubi mityari. Jaamo, ¿conohalliti uco magaicaaujirahi? nooboro.

³³ Jaanegui judiom; diiboco iimusuuhi: Imino omoonihicanohalliti ico momoonigotih; Moocaaniditi imitino diimaahi miyaminaafi idiicaabo: Uuoho Moocaanibadi jeevahi, onoonohalliti, noomoro.

³⁴ Jaanegui Jesu diitoco nuuhi: Caatinihamefaño Moocaani jillieehi: Amiihai Moocaanibadi mejeevamo, nooboro. ³⁵ Miiro jaanoco famooro amiihai magaajahi, Caatinihamefaño ononoon gañi;cafototino iicafinoco. Jaamaño miiro Moocaani ijico agaayici;umoco Moocaani nuuhi: Amiihai Moocaanibadi mejeevamo, nooboro. ³⁶ Jaabadi Moocaani ijeevad; i;ciuboro agalluubediti: ¿Milli Moocaaniditi imitino iimaabo, meneejirahi, Moocaani Seemene uuoho, onoonoditi?

³⁷ Jaabo Moocaani omooninoco uuoho omoonitihachiji; uco mimiyaaveguedino. ³⁸ Jaanoti omoonihachiji; uco mimiyaavogotirumo toonoco mimiyaavogo. Jaanoco magaajamoro mimiyaavogo misi Moocaanima saafiro mihicanoco, nooboro.

³⁹ Jaanoma iicaumo diiboco siino gaayici;jirumo. Jaarunofaño diito usefañoti Jesu taajauhi.

⁴⁰ Jaaboro siino fuubo Jordan oonegueehivi iticoni Jua tomañovi initihicauhigo. Jaaboro tahi icahicaubo. ⁴¹ Jaabooja sihidi miyaminaa asaamoro, neerumo toonoco mimiyaavogo. Jaanoco magaajamoro mimiyaavogo misi Moocaanima saafihicauhi: Miyaano Jua sihidi ejeevanoco moonihicautihi. Jaanoti diibediti Jua eneehicaubadi pary; aivo miyaano, noomoro ⁴² sihidi saatoho tomañoto Jesuco miyaavuguuh.

11

Lazaro Iguijeveuno.

¹ Jaanaa saafi Betania cuumioobo guihuauhi, Lazaro onoobo. Jaacumiri icahicaumife Maria, bu inago Marta icamife. ² Jaanaaca diigo Maria nahabo Lazaro onoobo guihuauhi. Jaago diigo Maria Aivojib;o Jesuco facicifaihuri ejeesuugoro itihaiñoco imeebaiguiri ifilluhicaugo. ³ Jaamife Jesujaago jibogoco galluuhi: Aivojib;o, i;joho agaijihicaabo guihuuvahi, noomifere.

⁴ Jaanoco Jesu uguubuuboro nuuhi: Toono guihuva guiveje icatino; jillie Moocaani mitya toonofeenedi ihifusucatequi i;ccano, bu uuoho Moocaani Seemene toonofeenedi imityaco igaajasuqui icano, nooboro. ⁵ Jaabo Jesu Lazaromico gaijihicauhi. ⁶ Jaano Lazaro iguihuvaunoco

Jesu guubucuuruubo, mifucuci siino tomañoviro icaahi. ⁷ Jaanobuunati jiihbogominaaco nuubo: Masiigo siino Judea jiinjejaagovi, nooboro.

⁸ Jaanegui diiboco diito nuuhi: Jiihbogominaafi, tahigo du ico judiomä gaicaauhinirahi. Jahigo bu siino feeji? noomoro.

⁹ Jaanegui diitoco Jesu nuuhi: ¿Nacu safucu, nihiba oovo fahuseeci motihaiti minooci icano icatihu? Cuuje mihigomo mananigaivatatihi nihiba foovono aachicinimaño. ¹⁰ Jaanoti fucu iigoobo nanigaivafih, fucu eseseetimaño, nooboro.

¹¹ Jaanobuunati diitoco nuubo: Mogataavominaafi Lazaro icigaabo aaicotihica. Jaanegui feeji aicusutequi, nooboro.

¹² Jaanegui jiihbogominaa diiboco nuuhi: Aivojiibo, icigahicadi bu jei aiquejiibo, noomoro.

¹³ Tollí Jesu diitoco nuuhi: Lazaro guijkevecuuhi unuujurunoco tollí nuubo. Jaanoco diito esiciniuh: Miya cigacoro fine noobo, noomoro.

¹⁴ Jaadi jari Jesu diitoco foovono nuuhi: Lazaro guijkevecuuhi. ¹⁵ Jaano amiihaidi aivo imino uujoho tahi iicatino. Jaaneguiha masiigo diibogaago. Jaamo amiihai mimiyaaveguehi. Jaaneri uujoho imo imo icahi, nooboro.

¹⁶ Jaanegui Tomas onooboco, gaatyaba eneehicaubo, inahabomi Jesu jiihbogominaaco nuuhi: Masiigo, tolliro bu miihai Jesuma miguijevequi, nooboro.

Jesu Buheetebe, Fiivoobo Icano.

¹⁷ Jaanaa Jesu gaseuhi Lazaroco icihuno mifucuci, mifucuci icanobuunati. ¹⁸ Jaano Betania cuumi icaahi Jerusaleti minooci, siinotifeenedi icano kilometronohachuta. ¹⁹ Jahigo sihidi judiomä Martamifejaago fuuhi inahabo iguijeveunoti diitifeque ijacusuqui. ²⁰ Jaanaa Marta Jesu asaaunoco uguubuugoro fuuhi diiboco acabacutuugo. Jaanoti Maria jaahere fitafutuuhi. ²¹ Jaagoro Marta diiboco nuuhi: Aivojiibo, jineeri diicahiniruva tagaifiibo guijkevehinijitirahi. ²² Jaarugo uujoho gaajahi Moocaanico paryi idillunoco ico aacijinoco, noogoro.

²³ Jaanegui Jesu diigoco nuuhi: Dinahabo siino buheeteji, nooboro.

²⁴ Jaanegui Marta nuuhi: Jiihi, uuro gaajahi ufucu siino buheetefucuví siino ubuheetejinoco, noogoro.

²⁵ Jaanegui Jesu diigoco nuuhi: Uujoho buheetesuubo, uujoho fiivoobo; uco imiyaavogomo chuumucuurumo buheeji. ²⁶ Jino paryi iicamo uco imiyaavogomo, ifinijitino guijkevefaño icajitihi, nooboro diigoco nuubo: ¿Naa miyaaveguehi jinooco? nooboro.

²⁷ Jaanegui nuugo: Jiihi, Aivojiibo, uujoho miyaaveguehi iijoho Cristo Moocaani Achi jiinjehallivi asaaguubo idiicanoco, noogoro.

Jesu Lazaro Cihojihallivi Taauhi.

²⁸ Jillí unuugoro Marta fuuhi Maria inagoco toovono unuutuugo: Jiihbogominaafi gasecuuhi. Jaabo ico coovahi, noogoro.

²⁹ Jaanoco Maria uguubuugoro goovano agañiivuugoro Jesujaago fuuhi. ³⁰ Jaanaa Jesu tuucuumifañehi iifutuutihica Marta diiboco atyimeumañoviro fitafutuubo. ³¹ Jaanoco judiomä diitifeque ijacusuqui asaamo iijafaño iicaumo atyimeuhi Maria goovano agañiivuugoro ufuunoco. Jaamoro numo: Iciijohijaago foogo tahi itaatequi, noomoro idojicuti fuuhi.

³² Jaanaa Maria Jesuvi iifutuugoro diiboguiino ememuiivuugoro diiboco nuuhi: Aivojiiboo, jineeri diicahiniruva tagaifiibo guijevejirahi, noogoro.

³³ Jaanoco Jesu diigo taagoro asaaunoco, bu tolliro judiom*i* digoco anahabon*iumo* taamoro asaaunoco icano aatyimeuboro sihidi iidaasuvuubo. Jaaneri diiboco ijeeb*ii* niji niji isinafutuuneguiha, ³⁴ diitoco dilluubo: ¿Conoovi miciihinhi? nooboro.

Jaanegui nuumo: Aivojiiboo, saabo juuga meeciva, noomoro.

³⁵ Jaaneri Jesu taauhi. ³⁶ Jaanoco aatyimeumoro judiom*i* nuuhi: Memec*i* sihidi fine diiboco gaijhicaubo, noomoro.

³⁷ Jaanot*i* saatoho nuuhi: ¿Jaani aatyimeut*ii*boco atyimesuubo, jineeri iicahiniruva Lazaroco iguijeveti fine buheesuhini*itiruubo*? noomoro.

Lazaroco Ubuheetesuuno.

³⁸ Jaanaa Jesu siino aivo iidaasuvuuboro ic*ii*hoji imegavi fiitivuuhi. Jahoj*i* ifaagajiguiinojaagov*i* eseediumoro guisibari ihimegaco afabaacihigo. ³⁹ Jaaboro Jesu nuuhi: Igusibaco buhigov*i* maga*ñii*, nooboro.

Jaarunaa Marta diiboi*v*i nago nuuhi: Aivojiiboo, aivo fine usucuuno mifucuci, mifucuci icano icacuuno, noogoro.

⁴⁰ Jaanegui Jesu diigoco nuuhi: ¿Nacu ico noot*ihi*: Imiyaavogohachii*j* Moocaani mityaco daatyimeji ico duhu neehi? nooboro.

⁴¹ Jaanegui ic*ii*hoji imegati igusibaco ga*ñii*umo. Jaadi Jesu ni quejeque emeeciuboro nuuhi: Guihi, ico graciaco achi uco uguubunegui*iha*. ⁴² Jaarunofaño gaajacuuh*i* fahij*ii*varo uco uguubuhicanoco. Jaarunofaño jito miyaminaa iicamed*i* neehi; uco iijoho agalluuhin*in*oco imiyaaveguequi, nooboro sefano nuubo: ⁴³ ¡Lazaro, isivi dihiino! nooboro.

⁴⁴ Jaasumiyo ichuumuhu iinuuhi, itihai*ñ*, ihusene icano minicini*ib*o. Tolliro bu ihime ijeevadiobaryuri minicini*ib*o. Jaadi Jesu diitoco nuuhi: Diiboco misinaayu ifeequi, nooboro.

*Jesuco Iguijen*iqui* Iimaacasiuno.*

(Mt 26.1-5; Mr 14.1-2; Lc 22.1-2)

⁴⁵ Jaanoco judiom*i* Mariamifema asaaumo aatyimeumoro diiboco sihidi miyaavugumo. ⁴⁶ Jaarunaa sanoodimo fariseomi jaago ufuumoro diitoco jibugumo Jesu omooniu*noco*. ⁴⁷ Jaanegui fariseomi, sacerdotem*i* aivojito icamo fagominaaco iigaiy*ii*cumoro nuuhi: ¿Milli fine momoonijirahi? Aivo sihidi ejeevanoonoco moon*ihicaab*o. ⁴⁸ Mi*iro* diiboco milli momooni*ihachiij*i famooro diiboco miyaavegueji. Jaachii*j* romanomi asaamoro Moocaani iijaco finisuvajimo, bu tolliro moojiin*je* miyaminaaco finisujimo icano, noomoro.

⁴⁹ Jaanegui Caifas diitoobo tusumi sacerdotem*i* aivojiiboti iicaubo diitoco nuuhi: Am*ii*hai aivo magaajati*hi*. ⁵⁰ ¿Nacu mehesicin*itih*i saafiro famoohalliv*iro* iguijevejirunoco faacuumiminaaro mifinijirumohalliv*i*? nooboro.

⁵¹ Ijeeb*ii*ti*ro* toll*i* nuuti*ib*o; tusumi sacerdotem*i* aivojiiboti iicaubo Maño Moocaani diiboo jeeb*ii*faño esaayunoco nuubo. Jesu tuucumiminaahalliv*iv*i iguijeveujinoco imegaviro jibugubo. ⁵² Jilli tuucumiminaahalliv*iv*o icautino, tolliro bu Moocaani seeme fahigova iicamoco iigaiy*ii*cqui. ⁵³ Jaamaño tusumit*iro* esafutuumo Jesuco iguijen*iu*jinoco.

⁵⁴ Jilliti Jesu foovono igucuutih ijudiomifeenedi jilliro toonoti fuucubo sicaihigovi toonoti fiitino iicaucumi Efrain onoocuumijaagovi. Jahi ijibogominaama fitafutuubo.

⁵⁵ Jaanaa fiiticuuno Pascua judiom ijbaimo iicaujino. Jaacuumiti sihid i saatoho Jerusalevi fuuhi imegaviro ijeevamaje iicanicibadi ifinoco iimibachuqui. ⁵⁶ Jaanaa Jesuco guinehicaumo. Jaamoro templojafaño icamo noocasihicaahi: ¿Milli mehesicinhi, fine saajibo? ¿Nacu fine jino ijibaimovi saajitiibo? noomoro.

⁵⁷ Jaanaa fariseomi, sacerdotem aivojito icamo miyaminaaco tajibauhi. Saatohoti Jesuco mahatyimehachiji miihaico mijibogo, magaayicimoro diiboco micivojaaniciqui, noomoro.

12

Betaniavi Jesuco Facicfaihuri Jeesuugo.

(Mt 26.6-13; Mr 14.3-9)

¹ Jaanaaca Pascua jibaimoco eheetavuujino sahuse juugahuseti safuku icano icaunaaca Jesu fuuhi Betaniavi tuucumiv Lazaro iguijeveuboco ubuheesuubo iicauhigo. ² Jahi diibedi eetavuumo machutaaco. Jaanoco Marta ifehicauhi. Jaanoti Lazaro amachumofeeneri icahicauhi Jesuma. ³ Jaanaaca Maria sivauhi sano libra ticovovi nardo onoono facicfaihuco aivo iimino guiraano ijaada iicanoco. Jaagoro tofaihuri Jesu tihaiñoco ejeesuugoro imeebaiguiri filluhicauhi. Jaaneri tooja gahafuuhi ifacicfaihu usuri. ⁴ Jaanegui ijibogominaati saafi nuuhi Juda Iscariote Simon achi Jesuco aaciujibo: ⁵ ¿Collahi jana jino facicfaihuco trescientos denariori anaajemere iidaasufimoco acitimo bañamaahi? nooboro.

⁶ Jilli nuubo iidaasufimoco agajiumaño icatino. Jilli nanivaminaafi iicaumaño. Jaaboco diito inihibami lleegucuco utuumusuunoti nanihicaubo. ⁷ Jaanegui Jesu diiboco nuuhi: Jaafa tolli moonigo, tacihoji imegavi uco jilli moonigo. ⁸ Miiro amihaifeenevi fahijivarо iidaasufimo icaji. Jaanoti uujo amiihaima fahijivarо icajitihi, nooboro.

Lazaroco Iguijenqui Ihiimaano.

⁹ Jaanaa ajashutimo judiom guubuuhi Jesu Betaniari iicaunoco. Jaamoro tahi fuumo. Jaaruno Jesuguiharo icatino, tolliro bu Lazaroco Jesu ubuheetesuuboco ihatyimequi. ¹⁰ Jaamoro sacerdotem aivojito Lazarohallivi iimaacasiuhi, tolliro bu diiboco igaicaauqui. ¹¹ Diiboti sihid i saatoho judiom Jesuco imiyaavuguumoro udugaacamaaiunoma iicaumo.

Jerusale Cuumifaño Jesu Ijicafoton.

(Mt 21.1-11; Mr 11.1-11; Lc 19.28-40)

¹² Jaanaa sihid miyaminaa Pascua jibaimovi Jerusalevi fuuhi. Jaamo, jaano seseevedi guubuumo Jesu tuucumiv agaseuinoco.

¹³ Jaamoro imohono jaañoco iquitumoro diiboco cabaacutuumo sahagomoro: ¡Hosana! ¡Jaafa imocafotoobo! Imicani Moocaani memeri asaabo; Israel miyaminaa aivojibo, noomoro. ¹⁴ Jaanaa Jesu burroco aatyimeuboro diibohallivi casivuubo. Caatinahaamefaño onoobadi: ¹⁵ Diiguetejirahana Sion cuumi; Meeci oono dihaijivojibo burrogayihalliri giciniboro saahi, noonoro onoobadi. ¹⁶ Jaarunoco ijibogominaa gaajautihi; jari Jesu niqejefaño ufuunobuunati

gaajacíumo Caatiníhaamefaño onoociniubadi omooniunoti.¹⁷ Jaanaa Jesu Lazaroco ubuheetesunoco atyimeumo jíbeguehicauhi Jesu omooniuboro ubuheetesunoco.¹⁸ Jaanoma icamo miyaminaa Jesu asaauboco cabaacutuuhi sihidí ejeevano mityaco omooniunoco uguubuumoro.¹⁹ Jaanoma iicamo fariseomi noocasiuhi: Mahatyimecuhi fine jino miihairyo milliba momoonitínoco. Memeeći paryí miyaminaa diibo dojicutí ofoonoco, noomoro.

Griegomi Jesuco Guiinehi.

²⁰ Jaanaaca Jerusaleví Pascua jíbaimovi Moocaanico iimequi ufu-umofeeneri, bu icaumo saatoho griegomioto.²¹ Jaamo Felipejaago asaumoro diiboco nuuhi: Aivojíbo, miihai mihimeguehi Jesuco mahatymeneque, noomoro. Jaabo Felipeu Betsaida cuumioobo Galilea jiinijeri iicacuumioobo.

²² Jaanegui Felipe ufuuboro Andreque jíbugutuuhi. Jaadi famisiciro ufumisiro Jesuco jíbugutuuhi.²³ Jaanegui Jesu nuuhi: Tufucu mihicacuuhi, uujojo Miyaminaafibadi Ifiivuubo sihidí jeevanofaño iicajifucu.²⁴ Miyanotiro, miyanotiro amiihaico neehi: Trigo noovatayí jiinijehallívi aacotoyiro jiinijefaño ofooyi chuumucuyíbadí icahi. Jaaruyí ihinoyiro janaanici guiraano noovafihí. Jaanotí abasuratiyí sayíro icafihí. ¿Millí bu guiraatejiruyí?²⁵ Jaabadi ifíco agaijíbo ifíco mitasiji. Jaanotí jiijehallívi ifíco agaijítíbo ifinijítíno fiivoguilla fikuuhí. ²⁶ Cajaatyohacho tadyojícutí asaagomo uco ijecivequi. Jaamo uco ejecívomo uujojo icahigo tolliro icajimo, bu jaamo cajaatyohacho uco ejecívomoco Guihirubi bocigusuji.

Jesu Iguijejinoco Jíbeguehi.

²⁷ Jisumi uco tajeebíi gaihuiba icahi. ¿Jaanoco millí fine uujojo neeji? Fine Guihi uco jillí iicajinoti taajasu, neeji? Etí du, toonegúiha uujojo saahiníhi.²⁸ Jaanegui Guihi dimomoco cahacisu, nuubo. Jaasumiyo niquejefánotí guubuvusuuno: Cahacisucuuhi, bu siino cahacisujihica, unuuno.

²⁹ Jaanaa iicojíri miyaminaa iicaumo niquejefánotí unuunoco uguubuumoro: Sisi iimaahi, neehicauhi. Jaanotí saatoho: Moocaani toomominaafi iimaahi, neehicauhi.

³⁰ Jaanegui Jesu nuuhi: Uuguiha jino niquejefánotí Moocaani iimaatihi, amiihaiguiha ihiimaano.³¹ Jisumi jino jiinijehallívi imiti jaadaco acicafeteji, bu jisumi jino tji jíije aivojíbo icahicaabo buhi gañíicafeteji.³² Jaabo uujojo guijkeve imohobujehallívi jiinijehallíti agañíivoodi, paryí famoocoro tajaagovi sivaji, nooboro.

³³ Jillí neehicaubo coguijeveri fine iguijejinoco diitoco agaajasubo.³⁴ Jaanegui imiyaminaa iimusuuhi: Miíro miihai mugubuhicahi tajíibahaamefaño: Cristo asaadi guijevetiíbo icaji, onoonoco. Jaano icanaaca, ¿millí jaabo iijoho neehicahi: Miyaminaafibadi Ifiivuubo guijkeve imohobujehallívi gañíiyicisucafeteji, neehicahi? ¿Nacu, miijoho diibo Miyaminaafibadi Ifiivuubo? noomoro.

³⁵ Jaanegui Jesu diitoco nuuhi: Amiihai feenerihiica gueenejisuno icajino seseene aachicinino. Jaanegui mihigo amiihaifeeneri jino seseene aachicinino iicanohachuta, amiihaihallívi civono iijítinaacaro. Jaanotí civohí iigomo gaajatihi ihimega ofoothigoco.³⁶ Jaanegui amiihaifeeneri seseene iicanohachuta seseequemimiyavaavogo. Jaamo seseene aachicinino

miyaminaa mihicahi, nooboro. Jilli Jesu ihiimaahicauđi ufuuboro diiteditđi fataniivtuuhi.

Judiomi Imiyaavogotino.

³⁷ Diihofeenevi Jesu ajashutino sihidi ejeevanehejeque eetavehicacuu-runaaaca diiboco miyaaveguehicautimo. ³⁸ Moocaani iimaaminaafi Isaia unuuno imiyaavequi iicaumaño. Miiro noonoo:

Aivojibō, ¿mijohō nacu mojibogoco miyaaveguehi? ¿Mijico fine Moocaani imityaco ifusuhi? noonoro.

³⁹ Jilliti miyaaveguehicautimo. Jaaboro bu Isaia caatiniuhi:

⁴⁰ Diiito aallinoco Moocaani jabaiyittusuuh; tolliro ijebibinoco cuhufutusuubo ilhaallineri atyimetimo iicaqui, tolliro bu ijebibiri esicinitimo iicaqui. Jaamoro tajaa asaamoco uujoho buheesudino.

⁴¹ Jilli nooboro Isaia Jesuditi iimaauhi Jesu aivojico aatyimeuboro.

⁴² Jaarunofaño sanoodimo ihaivojito Jesuco miyaavuguuhi. Jaarumo foovono neehicautihi fariseom iñihicuti diitoco sinagogajati gañiitimo iicaqui. ⁴³ Miyaminaa diitoco obocigomocoro imuguumo Moocaani obocigonoco imogotimo iicaumaño.

Jesu Ijibogominaa Dugaacusuji.

⁴⁴ Jaanaa Jesu sefano nuuhi: Uco imiyaavogomo, ucoro miyaavogotih tolliro uco agalluuboco miyaaveguehi. ⁴⁵ Tolliro bu uco atyimeme uco agalluuboco atyimehi. ⁴⁶ Uujoho seseene aachicinibō jiinjehallivi saahinihi uco imiyaavogomo civohi icatimo iicaqui. ⁴⁷ Jaanoti taajico guubucuurumo imiyaavogotimoco uujoho: Diito imitico, neejitih. Uujoho jiinjehallivi saahinitihi jiinije miyaminaaco cijigaifaño gañisusqui, jilli taajasuqui saahinihi. ⁴⁸ Jaanoti uco iimogotimoro taajico imiyaavogotimoco uujoho eneehicano, diitoco ufucu niinofrucu cijigaifaño gañisusji. ⁴⁹ Uujoho tajeebiitiro iimaahicatihi Guihirubi uco agalluhinibō atajibabinibadi iimaahicahi, jibeguehicahi icano. ⁵⁰ Jaabo uujoho gaajahi Guihirubi tajiba ifinijitino fivoco aacino. Jaamaño uujoho iimaahicahi Guihirubi unuubadi, nooboro.

13

Jesu Ijibogominaa Tihaiñoco Nitih.

¹ Jaanaa safucurucu icauno ihimega Pascua jibaimo iicaujino. Jaanaa Jesu gaajacuuhi, jijehalliti Caanijaagovi ufuujino oovovi ifutucuunoco. Jaabo ita jiinjehalliri iicamoco gaijhicaubo. Jaaboro ifusuubo diitoco sihidi agajino finitino iicajinoco.

² Jaamo niinoono amachuumo icaunaaca ijí Juda Iscariote Simon achi eesamaajefáno jihacucuuhi Jesuco aaciujinoco. ³ Jaanaa Jesu Caani diiboco fanoovacu ihusefaño aaciunoco agaajauboro, bu tolliro Moocaaniti asaaunoco, bu siino diibogaago ufuujinoco icano agaa-jauboro. ⁴ Amachuumanoti agañivuuboro igaachehuco jujuuvuubo. Jaaboro ifillubaryuri ifeeneebeque isiyavuuboro ⁵ nifaihuco butajefáno ificuuboro ijibogominaa tihaiñoco nitihicaubo. Jaaboro ifillubaryuri isiyicinüneri filluhicaubo.

⁶ Jaanaa Simon Pedrovi ifutuubo. Jaanegui Pedro diiboco nuuhi: Aivojibō, ¿mili jaabo ijohō uco tatyihaiñoco nitiji? nooboro.

⁷ Jaanegui Jesu diiboco nuuhi: Jino uujojo omooninoco jisumihiica ijohō gaajatihi. Jaaruubehi ufucu gaajaji, nooboro.

⁸ Jaarunaa Pedro diiboco nuuhi: Chahano, ufucuro tatyihaiñoco ii Joho uco nitijitihi, nooboro.

Jaanegui Jesu diiboco nuuhi: Ico inititihachiji tajaagodi diicajitihi, nooboro.

⁹ Jaanegui Simon Pedro nuuhi: Aivojibo, tatyihaiñocorota nitidino, tollirota bu tatusene, tañiga ikanoco niti, nooboro.

¹⁰ Jaanegui diiboco Jesu nuuhi: Ejecuubo siino faabohoro jetatihi itihaiñocoro nitifili imihinivatimaño. Jaabadi amiihai mimihinivatih. Jaarumo famooro icatino, nooboro.

¹¹ Tollí nuubo diiboco aaciujiboco agaajaumaño, famooro mimihinivatih, nuubo.

¹² Jaadi diito tihaiñoco Jesu initihicaudi siino igaachehuco ijicafutuuboro casiivuubo. Jaaboro diitoco nuubo: ¿Magaajahi jino uuoho amiihaico omooninoco? ¹³ Miíro amiihai uco meneehicahi jjibogominaafi, aivojibo icano. Eti, miyaanoco meneehicahi, uuoho diibo iicamaño. ¹⁴ Jaaruubo amiihai tihaiñoco initibadi, bu amiihai sanoomiro amiihai tihaiñoco fahigovavi miniticasihicaji.

¹⁵ Miíro amiihaico jjibeguehicacuhi. Jaamo uuoho omoonihiocabadi momoonihicahi. ¹⁶ Miyanotiro, miyanotiro amiihaico neehi: Chahaabo saafi jeeчивоминаафи ihaivojibo janaanicivi iicaabo. Tolliro bu chahaabo siinoja agalluubo diiboco agalluubo janaanici iicaabo. ¹⁷ Jinoco magaajamoro jilli momoonihachiji miyanotiro imino mihicaji.

¹⁸ Fameeditiro amiihaiditi iimaatihi. Uuro gaajahi amiihaico uuoho iiçihinimoco. Jaarunofaño, jaafa tollí icano, Caatinhaamefaño onoono imiyaavequi. Uuma sano amachuhicaruubo: Taminaafiti minifetehi, onoono. ¹⁹ Jaanegui amiihaico imegaviro jino neehi. Jaamo tollí iicacuudi magaajamoro mimiyaaveguehi uuoho diiboro iicaabo, iicanoco. ²⁰ Miyanotiro, miyanotiro amiihaico neehi: Uuoho agalluubo diiboco agaayicimo, uco bu tolliro gaayicahi. Jaamo uco agaayicimo, tolliro bu uco agalluuuhiniiboco gaayicahi, nooboro.

Jesu Jjjbeguehi Juda Diiboco Aacijinoco.

(Mt 26.20-25; Mr 14.17-21; Lc 22.21-23)

²¹ Jillí Jesu unuuboro gaajacihi ifi ijeebiifaño gaihuiba iicaunoco. Jaaboro foovono nuubo: Miyanotiro, miyanotiro amiihaico neehi: Amiihaiti saafi uco aciji, nooboro.

²² Jaanegui jjibogominaa fahigova meecicasihuhi: ¿Cajaaniti fine noobo? noomoro. ²³ Jaanaa saafiico jjibogominaati Jesu agaijihicaubo diibovi fitocinuhi. ²⁴ Jaaboco Simon Pedro ihaalliri tajibauhi Jesuco idilluqui caaaniditi Jesu tollí unuunoco igaajaqui. ²⁵ Jaanegui diibo Jesuví fañogayi ifiitivuuboro diiboco dilluubo: ¿Aivojibo, cajaani diibo? nooboro.

²⁶ Jaanegui nuubo: Toovotino uuoho diiboco maahuco amatyusuboro aciji, nooboro imaaahuco amatyusuuboro aciubo Juda Iscarote Simon achico. ²⁷ Jaanoco Juda amachuusumiro Satanás iji diibo jeebiifaño jicafutuuh. Jaanegui Jesu diiboco nuuhi: Omoonijinoco jisumiro moonicu, nooboro.

²⁸ Jaarunoco diito amachuumo gaajaciutih milliti diibo tollí unuunoco. ²⁹ Jaanoti saatoho esamaaihicauh. Juda inihibami lleegucuma iicaunegui diiboco baacho, noobo: Naajecu jisumiro jjibaimoví mucuujivaachujirunoco. Jaanoti iidaasufimoco siinoti ihaci qui noobo

baacho, noomoro. ³⁰ Jaabo Juda amachuuboro tahigoti iinuuruubaaca mihiijicuuhi.

Bohono Tajiiba.

³¹ Jaabo Juda ufuunobuunati Jesu nuuhi: Jisumi jari uujoho Miyaminaafibadi Ifiivuubo cahacisucafeteji. Jaabofeenedi Moocaani boci cahacisucafeteji. ³² Jaabo uujoho Miyaminaafibadi Ifiivuubo Moocaani bocico ifusumaño Moocaani, bu ifusiji Illi bocico. Jaanoco jisumiro ifusucuujiibo. ³³ Taseeme amihaima uujoho gueenene icacuujitihu: Uco miguiinejirahi. Judiomico eneehinibadi. Tolliro bu amihaico neehi: Uujoho ofoohigo amihaai mafeejitihu. ³⁴ Jaanegui amihaico bohono tajibaco uujoho acihi. Fahigova magaijicasi. Amihaico uujoho agaijibadi fahigova magaijicasi. ³⁵ Jaamo fahigova magaijicasihachiji miyaminaa gaajaji miyaano amihaai tajibogominaa mihicanoco, nooboro.

Jesu Neehi Pedro Diiboco Utuunamaajinoco.

(Mt 26.31-35; Mr 14.27-31; Lc 22.31-34)

³⁶ Jaanegui Simon Pedro diiboco nuuhi: ¿Aivojibo, cuuca feeji? nooboro.

Jaanegui Jesu diiboco iimusuuhi: Uujoho jisu ofoobo dojicuti ijoho feejitihu, ufucu jari tadyojicuti feeji, nooboro.

³⁷ Jaanegui diiboco Pedro nuuhi: ¿Aivojibo, milliti jaabo jisumi dijicuti feejitirahi? Dihallivi uujoho tafiico aacinoco imgueuehi, nooboro.

³⁸ Jaanegui Jesu diiboco nuuhi: ¿Nacu difico ijoho tahallivi daacijirahi? Miyanotiro ico neehi: Jaafañiino catava ojítinaacaro, uco agaajaruubo uco ijoho tuunamaajiji mifooci, safo idíno, nooboro.

14

Jesu Moocaanjaa Ofoono Jiihai.

¹ Amihaai jeebi fañodi mihiquetedino. Moocaanicoro mimiyaavogo, bu tolliro uco mimiyaavogo. ² Guihirubi iijafaño mihicajimañeheje sihidi icahi; tolli iicatiruva amihaico uujoho neejitirahi. Jaanegui feehi amihaai imega amihaai mihicajimañehejeque imibachuqui. ³ Jaabo jino ofoobo amihaai mihicajimañehejeque iimibachuudi siino saaji; amihaico iicivaabo. Jaamo uujoho iicahigo amihaai tolliro mihicaji. ⁴ Amihaivo magaajacuuhi uujoho ofoohigoco, tolliro bu tahi ofoono jiihaico magaajahi icano, nooboro.

⁵ Jaanegui diiboco Tomas nuuhi: Aivojibo, magaajatihu ijoho efeejihigoco; ¿Milli fine magaajajirahi toono jiihaico? nooboro.

⁶ Jaanegui Jesu nuuhi: Uujoho toono Jiihai, bu uujoho Miyaano, bu uujoho Fiivo icano. Idiñoro tafeenedi Moocaanivi mihibetejirahi. ⁷ Uco magaajahachiji bu tolliro Guihirubico magaajahi. Jaaboco jisumitiro magaajacuuhi mahatyimecumáño.

⁸ Jaanegui Felipe diiboco nuuhi: Aivojibo, mihaicota dihifusu: Moocaanico maatyimemere siino dillucuutimo mihicaqui, nooboro.

⁹ Jaanegui Jesu diiboco nuuhi: Siicijetiro amihaima icahicacuuhi. Jaaruuboco nacu ijoho Felipe uco gaajatihica? Miñro uco aatyimeme bu Guihirubico atyimehi. ¿Milli jaabo uco: Moocaanico dihifusu, neehi? ¹⁰ ¿Nacu mimiyaavogotihu uujoho Guihirubifaño iicanoco, bu

Guahirubi tafaño iicanoco icano? Miiro amiihaico uujooho eneehicano, jilli tajeebiitiro eneehicano icatino. Guahirubi tafaño iiacaabo dudicamaajeque moonihicahi.¹¹ Uco mimiyaavogo, uujooho Guahirubifaño, diibo tafaño icano iicanoco. Jaabadiro bu sibadi omoonihiicanoti uco mimiyaavogo. ¹² Miyanotiro, miyanotiro amiihaico neehi: Uco imiyaavogoobo bu tolliro mooniji uujooho omoonihiicanoco. Jaabo imi janaanici moonijiiboo uujooho jimaño icacutiboo Guahirubijaago efeeji-maño. ¹³ Jaamo amiihai paryi tamemerri Moocaanico midillunoco uujooho aciji uujooho Illifañodi Moocaani sihidi ejeevanoco miyaminaa igaajaqui. ¹⁴ Jaamo siinoco tamemerri midillunoco uujooho aciji, nooboro.

Jesu Moocaani Gaijaco Agalluujinoco Jiibeguehi.

¹⁵ Uco magaijihachijiji tatyajiiibaco imino momooni. ¹⁶ Jaadi uujooho Guahirubico dilluji amiihaijaago Igaija, miya Gaija iiacaaboco igalluuqui, amiihaico ijacusuqui. Jaabo amiihaima fahijivarо icaji. ¹⁷ Jaaruuboco jiinijeminaa gaayicijitirahi diiboco aatyimeticimoro agajatimaño. Jaanoti amiihai diiboco magaajacuhi amiihaima diibo iicanmaño. Jaabo amiihaifaño fahijivarо icajiji. ¹⁸ Amiihaico jeevesu-jitihiji jijovonoti mihicaqui; siino saaji amiihaijaago. ¹⁹ Fiiticuno miyaminaa uco aatyimecuujitino: Jaanoti amiihai uco mahatyimeji. Uujooho ubuheemaño, jaabadiro bu amiihai mihicaji. ²⁰ Jaasumi amiihai magaajaji uujooho Guahirubifaño iicanoco. Jaabadiro bu amiihai tafaño mihicaji bu, uujooho amiihaifaño icaji icano. ²¹ Jaanoti tatyajiiibaco imiyaavogooboro imino omooniiboo, uco agaijiji. Jaabo uco agaijijiiboco Guahirubi gaijiji, tolliro bu uujooho gaijiji icano, uujooho diitoma iicanoco igaajaqui.

²² Jaanegui saafi Juda onoobo, jaarunaa Juda Iscariote iicatiji bo nuuhi: ¿Aivojiji, milli jaabo miihaicoro difico agaajasuuboro jiinijeminaaco difico gaajasujitihiji? nooboro.

²³ Jaanegui Jesu diiboco nuuhi: Uco agaijiji bo taajico moonihi. Jaaboco Guahirubi gaijiji. Jaabojaago masaamisiro diiboma sano mihicaji. ²⁴ Jaanoti uco agaijiji bo, taajico moonitihiji. Jaano jino uujooho amiihaico ijibeguehicabogo tabogoro icatino Guahirubi uco agalluhinibobogo.

²⁵ Jaanoco jilli amiihaico jiibeguehicahi, jino amiihaima iicanohachuta. ²⁶ Jaarunaa tafañodi Moocaani Igaijaco agalluubo amiihaico fanoovaco jiibegueji, tolliro paryi amiihaico uujooho eneehicano esaayujiiboo icano.

²⁷ Miiro jino amiihaico fitacuhi sajeebii mihicaqui. Tasajeebii ififico amiihaico acihi. Jaaruno jiinijeminaa isajeebii co aacibadi uujooho acijitihiji. Amiihai jeebijafañodi gaihuiba mihicadino, bu mihiguidino icano. ²⁸ Amiihairyo magaajacuhi amiihaico eneehininoco: Uujooho feeji. Jaaboro amiihaijaago siino saaji, nooboro eneehininoco. Miyaano uco magaijiruva imo imo mihicajirahi Guahirubijaa ofoonoco magajamoro. Miiro Guahirubi tajanaanicivi sihidi jeevahi. ²⁹ Jaanoco amiihaico imegaviro neehi, tolli iicacuudi jaamo mimiyaaveguehi.

³⁰ Gueenene amiihaima iimaacuu jitihiji, jiji aivojiji bo iji asaacumaño. Jaaruubo tahallivи mityama chahahi. ³¹ Uco Guahirubi atajiji baubadi jino uujooho moonihi, jiinijeminaa igaajaqui uujooho Guahirubico agaijinoco, nooboro diitoco: Magañaivucu, jinooti mufuucuqui, nuubo.

15

Ifahaafe Ifahoovi Icanicibadi Mīhai Mihicahi Jesufañodi.

¹ Uujoho imiyacohai, añiminaa baacu coohaibadi iicaabo. Jaacoochai abajaabobadi iicaabo Guihirubi. ² Mīro baacu coohai aafene iimitihaafejeque iquitimoro agavaracunicibadi, tolliro uco gaayicurumo imitino iicamoro tajico iguiraatusutimoco Guihirubi gavaracuji. Jaanoti iguiraatusumoco tooco aafene onoova aafejeque imibachunicibadi Guihirubi imibachuji janaanicí siino iguiraatusuqui. ³ Jaanoti amiihai mimihinivaficuutihí amiihaico ijibeguehicacuunofañodi. ⁴ Jaanegui uuviro mihica uujoho amiihaivi icaqui icano. Mīro oono basuta aafe ifahooti ihinocinitihaafe iinoro noovajitirahi. Jaabadiro bu amiihai mihicaji uuti mihicatihachiji.

⁵ Mīro uujoho ifacoochai. Jaanoti amiihai ifahaafene; uuma iicaabo, bu uujoho diiboma iicaabo icano sihidí noovasuhi. Jaanoti uuti ijeevadí mihicahachiji aivo milliba momoonijitirahi. ⁶ Jaabo uuti icatibbo buhi gañicafeteji iimitihaafeque iquitimoro buhi agañinibadi. Jaano ifigatyonoco ananimoro cijigaifaño agañiño nifetefihi.

⁷ Jaanoti uuti mihicahachiji taaji amiihaima icaji. Jaachiji paryi mihimogonoco midillu amiihaico aciqui. ⁸ Mīro amiihai sihidí monoovasuhachiji Moocaani cahacisucafeteji. Jaachiji amiihai miyaanoro tajibogominaa mihicahi. ⁹ Guihirubi uco agaijibadiro, bu amiihaico uujoho gajijihi. Jaanegui amiihaico agaijinofañoro mihica. ¹⁰ Tatyajibaco imino momoonihachiji amiihaico agaijinofañoro mihicaji; Uujoho Guihirubi tajibaco imino omooniañu diibo uco agaijinofaño iicabadi.

¹¹ Jilli amiihaico neehi, tahimohica amiihaima iicaqui. Jaaneri jaamo imo imo mihicahi. ¹² Jaano jino amiihaico uujoho atajibano: Fahigova magajicasi, amiihaico uujoho agaijibadi. ¹³ Janaanicí aivo gajima mihicano; miño gataavominaafihallivi mofico mahacino. ¹⁴ Jaabadi amiihai tañahabomi mihicaji, uujoho amiihaico atajibano momoonihachiji. ¹⁵ Amiihaico tajeecivominaa nuucuujitihí, mīro jeeчивominaafi gaajatatihi ihaivojibbo omooniañoco. Jaaneguiha jino amiihaico tañahabomi neehi; paryi Guihirubiti agaajahinonoco amiihaico agaajasumañu. ¹⁶ Amiihai uco mihicutihí. Jaanoti uujoho amiihaico iciuhi. Jaaboro amiihaico ficuuhi, toonoco mofoomoro sihidí miguiraatusuqui. Jaanoco suufenitimo mihica; Jaamo tamomofeedi Moocaanico siinoco midillunoco amiihaico ihaciqui. ¹⁷ Jino amiihaico atajibano: Fahigova magajicasi.

Jiinijeminaa Amiihaico Jihheveji.

¹⁸ Jiinijeminaa amiihaico ijihhevehachiji magaaaja, amiihai imegaro uco ijihheveneque. ¹⁹ Amiihai jiinijeminaa mihicaruva amiihaico jiinijeminaa gaijijirahi. Jaanoti uujoho jiinijeminaafeenetí amiihaico iciuhi. Jaamaño jiinijeminaa amiihaico jihhevehi, jiinijeminaa mihicacuutimañu. ²⁰ Mehesafoto amiihaico eneehininoco, mīro jeeчивominaafi ihaivojibbo janaanicívi jeevatatihi. Uco icaruno ijihheveme, imi amiihaico jihheveji. Amiihaico ijibeguehicanoco imino momoonihachiji, tolliro bu amiihaiño ficucafeteji. ²¹ Jilli tahalliti amiihaico moonijimo, uco agalluuboco agaajatimañu.

²² Uujoho saahinitiruva, bu diitoco ijibeguehicitiruva icano iimitico gaajajitirumo. Jaanoti jisumi milliba eneejiruno chahacuhi iimitico

agaajasucumaño. ²³ Miiro uco ijiheguehi, bu tolliro Guihirubico jihieguehi. ²⁴ Uujoho diitofeenevi miihaiñoba eheetavotinoco sihidi ejeevanoco eetavehicatiruva iimitima chahajirumo. Jaanoti toono sihidi ejeevanoco atyimehicacuurumo uco jihhevemi, bu Guihirubico jihheveme icano. ²⁵ Jaaruno t̄icovono icatino jill̄ diito tajiiba aamefaño onoono imiyaavequi iicano: Sicamañohalliti uco jihheveme, onoono.

²⁶ Jaarunaa Jacusuminaafico uujoho Guihirubifañodi agalluubo miyaano Gaija asaadi, diibo uuti iimaaji. ²⁷ Jaasumi tolliro amiihai uudit̄ mijibegueji, iticonitiro uuma mihicahicamaño.

16

¹ Jill̄ amiihaico neehi jinejeba amiihaico dugaacusutino iicaqui. ² Amiihaico gañijimo sinagogajanofañoti. Tolliro bu icajino cajaatyoha-cho amiihaiti iguijenimo esamaaij: Jill̄ omoonineri Moocaanidi fine imino moonihi, noomoro omoonimo. ³ Jill̄ moonijimo Guihirubico agajatimaño, uco agaajatimaño icano. ⁴ Jaanoco jill̄ amiihaico neehi. Jaamo tolli iicacuudi magaajahi uujoho toonoco amiihaico enehinicuunoco.

Moocaani Gaija Eheetavono.

Jill̄ iticoni amiihaico nuut̄ihi, amiihaima icaumaño. ⁵ Jaaruubo jisumi fuucuji uco agalluubojaago. Jaaboco amiihaiti saatohoba midillujit̄ihi: ¿Cuuca feeji? noomoro. ⁶ Jaarunaa iticoni tolli amiihaico unuuneri mihindasuvuuhi. ⁷ Jaarunaa miyaanoco amiihaico neehi: Aivo amiihaidi imino uujoho ofoono. Jaanoti footiruva Jacusuminaafi amiihajaa saajit̄rahi. Jaanoti ofooboro amiihajaa galluji. ⁸ Jaad̄ diibo asaad̄ jiinijeminaaco gaajasujiibo imitiminaa iicanoco, bu tolliro iticovono jihai iicanoco, bu diitoco Moocaani udugaacujinoco icano. ⁹ Jaabo: Diito imitiminaa iicanoco, neeji uco diito imiyaavogotimaño. ¹⁰ Tolliro bu gaajasujiibo iticovono jihai iicanoco, uujoho Guihirubi iicahigo ofoomaño. Jaaboco amiihai siino uco mahatyimecujit̄ihi. ¹¹ Tolliro bu gaajasujiibo Moocaani udugaacujinoco, diibo jiije aivojib̄o iicaabo ijico ch̄igalaña igañiqui ificucuumaño icano.

¹² Sihidi amiihaico eneejiruno icarahi. Jaarunoco jisumi amiihai magaajajit̄rahi. ¹³ Jaanoti miyaano Gaija asaad̄ amiihaico miyanotiro jibeguejiibo. Jaaruno ijeebijit̄iro jibeguejitiibo Moocaani onoonoco jibeguejiibo, tolliro bu amiihaico gaajasujiibo ufucu iicajinehejeque icano. ¹⁴ Diibo uco bocigusuji taaño iicanoti agaayiciiboro amiihaico gaajasujiibo. ¹⁵ Guihirubima iicano paryi taaño. Jaamaño uujoho neehi: Moocaani Gaija taaño iicanoti agaayiciiboro amiihaico gaajasujiibo, nooboro.

Idasuno Mihicarumo Imo Imo Miminifeteji.

¹⁶ Goovacujino amiihai uco siino atyimecutimo mihicano. Jaarunobunati goovajisutinoti siino uco mahatyimeji Guihirubijaago efeejimaño, nooboro.

¹⁷ Jaaneguiha ijibogominaati saatoho noocasiuhi: ¿Milli fine eneejirunoco miihaiaco noobo: Goovacujino uco atyimecutimo mihicano, siino bu goovajisutinoti siino uco mahatyimeji Guihirubijaa efeejimaño? onono ¹⁸ neehicamu: ¿Milli eneejiruno goovajisujitino, bu goovajisujino onono? Magaajat̄hi ihuimaanoco, noomoro.

¹⁹ Jaanoco Jesu diiboco diito idillujirunoco agaajaciuboro diitoco nubo: Sanomiro midillucasahi, uujoho goovajisujino uco atyimecuutimo

mihicano, bu toonobuunati goovajisutinoti siino uco mahatyimeji onoonotí. ²⁰ Miyanotiro, miyanotiro amiihaico neehi: Mataacasimoro idaasuno mihicaji. Jaaneri jiije miyaminaa imo imo icaji. Jaaruno amiihai idaasu imo icati minifeteji. ²¹ Miilo gaigo eseemevajisumi idaasuno minifotogo ihaivofucuví iifotomaño. Jaarugo eseemevacu-unobuunati ihaivoco esicinicuutatigo jiinijehallivi sisee seemene ifi-veneri imo imo iicamaño. ²² Jaabadi amiihai jisumi mihidaasuvehi. Jaarunaaca amiihai siino uco mahatyimeneri amiihai jeebiino sihidí imo imo minifeteji. Jaano imo icaco miihaiñooba amiihaiditi udumitiicijitino.

²³ Jaasumi uco siino midillucujitihi. Miyanotiro amiihaico neehi: Guihirubi amiihaico aciji fanoovaco tamomofeededí midillunoco. ²⁴ Jisumihiica amiihai jinejebaco midillutihiiaca tamomofeededí: Midillu. Jaamo magaayicihi. Jaamo sihidí imo imo mihicahi.

Jesu Jiinijeque Guiinonihu.

²⁵ Jillí amiihaico neehi siinovi ooviciboro. Jaarunofaño tufucu gaseji siino amiihaico siinovi ooviciboro ijibugucuujitino. Jillí foovonoro amiihaico Guihirubiti ijibugucujino. ²⁶ Jaasumi amiihaihallivi Moocaan-ico uujoho dilluji amiihaico nootihí: ²⁷ Guihirubiro amiihaico gaijíhi, uco amiihai magajimaño, tolliro bu uujoho Moocaanití asaahininoco mimiyaavogomaño icano. ²⁸ Uujoho Guihirubiti ihiinehiniiboro jijehallivi saahiníhi. Jaaruubo siino jiinijeque ejeevesuuboro dojicuviro Guihirubijaago fuucuji, nooboro.

²⁹ Jaanegui ijibogominaa diiboco nuuhi: Jisumi naha foovono diimaahi siinovi oovicitiiboo. ³⁰ Jisumi naha jari magaajacuuhi ijoho fanoovaco agaajanoco. Jaamaño miihaiñooba ico dillucujitirahi, bu miihai imino magaajacuuhi ijoho Moocaanití asaahininoco, noomoro.

³¹ Jaanegui Jesu diitoco iimusuuhi: „Jaanegui nacu jari jisu mimiyaaveguehi? ³² Tufucu jino gasecuji; fine tusu mihicacuuhi, jino amiihai fahigovaví safisa amiihai naagonovi magavaranaamaaijino tacojiti uco mejeevesumoro. Jaaruubo uujoho uuro icajitihí Guihirubi uuma icaji. ³³ Jillí amiihaico neehicahi. Jaamo uuví sajeebii mihicahi. Jiinijehallivi sihidí idaasuma mihicaji. Jaarunofaño ucero mehesicini, uujoho jiinijeque guinonicuuhi, nooboro.

17

Jesu Ijibogominaahallivi Moocaanima Iimaahi.

¹ Jillí Jesu unuunobuunati, niquejeque emeeciuboro, nuuhi: Guihihi, tusumi mihicacuuhi; Daachico cahacisu, tolliro bu Daachi ico icahacisuqui. ² Ijoho Daachico diijico daacihi paryí miyaminaahallivi. Jaamo paryí ijoho uco adaacimoco ifinijitino fiivoco aciqui. ³ Jaano jino ifinijitino fiivo, idiboro ijoho miyaabo Moocaani idiicanoco agaajano, bu tolliro Jesucristoco ijoho agalluhiniiboco agaajano icano.

⁴ Uujoho ico jiinijehallivi bocigusuhi; imivucuuhi uco atajibahininoco omoonihiacaabo. ⁵ Jaaneguiiha, Guihi, uco dicojiví bocigusu jiinije fiivuutinaacaro dicojiví uco obocigusuubadi.

⁶ Jiinijeminaati idiciboro uco adacimoco dimomoco gaajasucuuhi. Dita iicahinimoco uco daacihiníhi. Jaamo imino diijico ficuhi. ⁷ Jisumi gaajacuumo paryí uco adaacihinino ití asaanoco. ⁸ Diijico uco adaacihininoco diitoco acihicacuuhi. Jaanoco agaayicimoro gaajacuumo

miyaanoro uuoho iiti asaahininoco. Jaamoro miyaavogomo miyaanoro iiijojo uco agalluuuhininoco.

⁹ Jaamohallivi ico dilluhi, Famoothalliviro jiinijeminaahallivi ico dilutih, dita iicamoco uco adaacihinimohalliviro dilluhi. ¹⁰ Miiro paryi taaño iicano diino, tolliro bu diino iicano taaño icano. Jaamofañodi uuoho cahacisucafetehi.

¹¹ Jaaruubo uuoho jiinijehallivi icacuujitih. Jaanoti diito jiinijehalliri icaji. Jaanoti uuoho dija feeji. Jaanegui, Guihi, iiijojo idiumiibo, uco adaacihinimoco dimityari toomo, saafibadiro diito iicaqui iiima misi saafiro mihicabadi. ¹² Uujoho jiinijehalliri iicahinisumi diitoco teemehicahiniihi dimityari uco adaacihinimoco imino teemehiniihi. Jaamaño saafiba diitoti mitatih, idiboro johono imitacuubo Caatinhaamefaño onoono imiyaavequi.

¹³ Jaaruubojisumi dijaago fuucuuji. Jilli neehi jino jiinijehalliri iicanohachutahiica tahimohicari diito tolliro imo imo iicaqui.

¹⁴ Miiro diijico uuoho diitoco acicuuh. Jaarumoco jiinijeminaa diitoco gaayicitih, jiinijeoto iicatimaño, uuoho bu jiinijeminaafi iicatimaño icano. ¹⁵ Jaanegui diitoco jiinijehalliti diiciqui ico dillutih. Diitoco ijiti dihiifiniciquiro ico dilluhi. ¹⁶ Jaamo diito jiinijeminaa icacuutimo uuoho jiinijeminaafi iicatibadiro. ¹⁷ Jaamoco iiguiharo ijeevadi ficu miyaanofeedi, dijibogo aivo miyaano. ¹⁸ Ijoho uco jiinijeminaafeenevi agalluuuhinibadiro, bu uuoho diitoco jiinijeminaafeenevi galluuh. ¹⁹ Jaamaño uuoho diitofañodi uuro tafico iidiro ijeevadi ficuuh. Tolliro bu diito iidiro ijeevadi ificucafetequi miyaanofeedi.

²⁰ Diitohalliviro ico dillutih, tolliro bu diito jjibogofeedi uco imiyaaveguejimohallivi ico dilluhi, ²¹ sano famooro saafibadiro misima iicaqui; Guihi, iiijojo uuma, bu uuoho iiima icano mihicabadi iicaqui, jiinijeminaa imiyaaveguequi iiijojo uco agalluuuhininoco. ²² Diitoco acicuuh, uco adaacihinino bociyomonoco, sanobadiro iicaqui iiima misi sanooro mihicabadi icano. ²³ Uujoho diitofaño, iiijojo tafaño icano mihi-caqui diito sanobadiro iminifetequi. Jaanofañodi jiinijeminaa igaajaqui iiijojo uco agalluuuhininoco, bu diitoco agaijinoco, bu uco agaijinoco icano igaajaqui.

²⁴ Guihi, imeguehi uco adaacihinimo uuoho iicahigo tolliro iicano uco bocico adaacihininoco ihatyimequi, jiinje fiivuutinaacaro uco iiijojo agaijiumaño. ²⁵ Guihi, miyaano, ico jiinijeminaa agaajatimo. Jaanoti uuoho ico gaajahi, tolliro bu jito gaajacuuh iiijojo uco agalluuuhininoco. ²⁶ Jaamoco gaajasuhicacuuhi dimomoco. Jaarunoco janaanicihica gaa-jasuuji iiijojo uco agaijino diitofaño iicaqui, bu uuoho diitoma icaqui icano.

18

Jesuco Agaayicino.

(Mt 26.47-56; Mr 14.43-50; Lc 22.47-53)

¹ Jilli unuuboro Jesu ijibogominaama fuuhi Cedro onoohigayi onegueehi iicaubajigayi tuhiguino diitoma fuubo. ² Tolliro bu Juda diiboco aaciujibo tomañoco gaajauhi fahijivaro Jesu tobajijaago ijibogominaama efeehicaumaño. ³ Jaanegui amocasiminaa, templo tomominaa icamoco fariseomi, sacerdotemi aivojito icamo

agalluumoco Juda iičuboro satyuuh. Jaamo fuuhi ihaamiganoma, inisuganoma, cuugahuneri, ciičigaimecuner icano. ⁴Jaanoco Jesu paryi gaajacuuhi diiboco omooniujinoco. Jaaboro imegaviro diitoco nuubo: ¿Miico amiīhai miguiinehi? nooboro.

⁵ Jaanegui diiboco iimusuumo: Jesu Nazareooboco, noomoro.

Jaanegui Jesu diitoco nuuhi: Etí du uujoho diibo, nooboro. Jaamofaño icaubo Juda Jesuco igaayiciqui diitoco isiičguubo. ⁶Jaamoco Jesu: Uujoho diibo, unuuneri diito ibujinaagoviro aifuumo jiinijehallivi. ⁷Jaadi Jesu siino diitoco dilluuh: ¿Miico miguiinehi? nooboro.

Jaanegui diito nuuhi: Jesu Nazareooboco, noomoro.

⁸ Jaanegui Jesu nuuhi: Amiīhaico duhu: Uujoho diibo, nuucuuhi. Uco miguiinohachiji taca jitoco mejeecivedino, nooboro. ⁹Jilli nuubo: Uco adaacihinimoti saafiba mitatihu, unuuno imiyaavequi. ¹⁰Jaasumiro Pedro iniisugaco ifajutafañot iguiiyiciuboro saafico buuyaacuuhi, jahi saafi Malco onoobo sacerdotemi aivojiičbo jeecivominaafi nijimeehuco quiticisuuh imiyanaagomeehuco. ¹¹Jaanegui Jesu Pedroco nuuhi: Diniisugaco dojicuviro diihacu. ¿Nacu iičjoho gaajatihi idaasuno iicaqui uco Guihirubi atajiičbanoco? Jaanoco bu, ¿milli jaabo uujoho: Chahano, neejirahi? nooboro.

Jesuco Sacerdotem Aivojiičbo Imegavi Asatyuno.

(Mt 26.57-58; Mr 14.53-54; Lc 22.54)

¹²Jaasumiro ihamocasiminaa, diito aivojiičboma, bu judiomi sisiminaa icamo Jesuco agaayiciumoro sisuuhi. ¹³Jaamoro ticoniumo Jesuco Anas onoobo Caifas baabojaago asatyumo tusumi Caifas sacerdotem aivojiičboti iicaumaňo. ¹⁴Jaabo diibo Caifas judiomico afajiičnubo: Imino saafiro faacuumihalliviro iguijevene, nooboro unuubo.

Pedro Anas Goohasifaño Icauhi.

(Mt 26.69-70; Mr 14.66-68; Lc 22.55-57)

¹⁵Jaabo dojicuti fuumisi ijiičbogominaatisi, Simon Pedro, bu saafi icano. Jaabo saafiu sacerdotem aivojiičboco agaajacuubo. Jaamaño diibo Jesuma jicafutuuhi sacerdotem aivojiičbo goohasifaño. ¹⁶Jaarunaa Pedro iguhugaviro fitafutuuhi. Jaanegui diibo sacerdotem aivojiičboco agaajaubo ufuuboro iguhuga toomominaagoma ihiimaaboro Pedroco fañovi jiihacuuhi. ¹⁷Jaanegui diigo Pedroco nuuhi: ¿Nacu iičjoho tolliro diibo jiičbogominaafi idiicaabo? noogoro.

Jaanegui diibo nuuhi: Chahano uujoho diibo icatihu, nooboro.

¹⁸Jaanaa isiičcuneguiiha ciičigaimecuner eebasuumoro feemehicaumo jeecivominaa, sisiminaa icano. Jaamofeeneri tolliro bu Pedro icauhi efeemeubo.

Anas Jesuco Dilluhicauhi.

(Mt 26.59-66; Mr 14.55-64; Lc 22.66-71)

¹⁹Jaanaa sacerdotem aivojiičbo Jesuco dilluhicauhi ijiičbogominaaditi, ijiičbogoti icano.

²⁰Jaanegui Jesu diiboco iimusuuhi: Uujoho foovono iimaahicahi. Fahiičjivar miyaminaa imefeenevi sinagogajanofaño, templojafaño icano. Fahiičjivar jiičbeguehicahi famooro judiomi iigaivonicijahjefaaňo uujoho toovono iimaahicathi. ²¹¿Collahi jaanoco uco dilluhi? Diitoco dillu, uujoho ihiimaahicanoco uguubuhicamoco. Diito gaajahi uujoho eneehicanoco, nooboro.

²² Jesu jilli diiboco unuuunegui, saafi sisiminaafi Jesuco ihimetä gabacu-
uhi: ¿Nacu tolli iijoho aivo diimusuhi sacerdotemä aivojii**boco?** nooboro.

²³ Jaanegui Jesu diiboco iimusuhi: Imitino ihiimaahachiji, eneecata
dinoo. ¿Cono nacu imitino onoono? ¿Collahi jaabo uco daamih? nooboro.

²⁴ Jaanegui Anas Jesuco sisicini**uboco** sacerdotemä aivojii**bo** Caifas-
jaago galluuhi.

Pedro Jesuco Siino Tuunamaaiuhi.

(Mt 26.71-75; Mr 14.69-72; Lc 22.58-62)

²⁵ Jaanaa Pedro julleecini**aboro** feemehicauhiica diitoma. Jaaboco
nuumo: ¿Nacu iijoho diibo jihogominaaobo diicatih? noomoro.

Jaanegui Pedro tuunamaaiuhi: Chahano uujohoh diitoobo icatih,
nooboro.

²⁶ Jaanegui sacerdotemä aivojii**bo** jeecivominaafi nuuhi: ¿Jaaruno du
Olivohono iicagajiguino ico uujohoh diiboma atyimehinihi? nooboro.
Miiro Pedro diibo yoobo nijimeehuco Olivohono iicagajiguino iq-
uiticiubo. ²⁷ Jaarunaa Pedro siino tuunamaaiuhi. Jaasumiro ivi catava
ojicuuhi.

Pilato Imfeenevi Jesuco Satyehi.

(Mt 27.1-2, 11-31; Mr 15.1-20; Lc 23.1-25)

²⁸ Jaamoro Jesuco satyuumo Caifas iijati tomañohaivojii**bo** iijajaago.
Jaanaa seseevecuuno. Jaanegui judiomä toojafaño jicafutuutimo ijee-
vamaje onoobadi imitiri ijeebiico imihinini**umoro** Pascua machuco
amachuujitiruneguiha. ²⁹ Jaanegui aivojii**bo** Pilato ihiinuboro diitoco
nuuhi: ¿Jinejehalliti diiboco misivahi? nooboro.

³⁰ Jaanegui iimusuumo: Gaicauminaafi iicatiruva ico mahaciitirahi,
noomoro.

³¹ Jaanegui diitoco nuubo: Amiihairyo masatyomoro amiihai tajii**ba**
onoobadi momooni, nooboro.

Jaanegui judiomä diiboco iimusuhi: Miihai judiomä, miihaiñoobaco
milliti magaicaaujirahi, noomoro.

³² Jilli miyaavuuno, Jesu jilli guiveveji, nooboro eneehicauno. ³³ Jaadi
siino Pilato fañoojavä ijcrafutuuboro tahä Jesuco ocoovauboro dilluubo:
¿Hijoho naa judiomä Aivojii**bo?** nooboro.

³⁴ Jaanegui Jesu iimusuhi: ¿Dijeebiitiro nacu tolli uco dilluhi? ¿Nacu
sita uuditii ico tolli neehi? nooboro.

³⁵ Jaanegui Pilato diiboco nuuhi: ¿Nacu uujohoh judiomäoobo? Chaha,
siicumioobo. Miiro diijiinijeminaaro, sacerdotemä aivojitoma ico uco
acihi. ¿Jinejeque jana moonihi? nooboro.

³⁶ Jaanegui Jesu diiboco iimusuhi: Jijeono tahaivoji icatih. Jijeono
tahaivoji iicaruba tajecivominaa tahalliti icajirahi judiomä usefaño uco
acitimo iicaqui. Jaanoti tahaivoji jijeono icatih, nooboro.

³⁷ Jaanegui Pilato diiboco nuuhi: ¿Jaaneguihacuva iijoho aivojii**bo?**
nooboro.

Jaaneguiha Jesu diiboco iimusuhi: ¿Hijoho du eti, uco aivojii**bo**, neehi?
Tooneguiha uujohoh ifiivehini**bo** jijehallivi saahinihi miyaanocoro nee-
qui. Jaano miyaano iicanoco paryi agaajamo uujohoh onoonoco gu-
ubunicahi, nooboro.

³⁸ Jaanegui Pilato diiboco nuuhi: ¿Jineje nacu miyaano? unuuboro
siino Pilato judiomäaago saauhi diitoma ihiimaavaubo. Jaaboro
diitoco nuubo: Diibovi uujohoh iimitinobaco atyimetih, nooboro.

³⁹ Miiro amiihai amiihai jeevamaajefi uuoho Pascua jibaimosumi saafitit civojaminaafitit isinaayuno. Jaaneguiiha, ¿nnaa mihimeguehi jidiomi Aivojiboco isinaayunoco? nooboro.

⁴⁰ Jaanegui famooro sefano coovadiivuuhi: Diiboco sinaayujitihī, Barrabacoro sinaayu, noomoro. Jaabo Barraba nanivaminaafiu.

19

¹ Jaanegui Pilato Jesuco iiciuboro aamisuuhī. ² Jaadī amocasiminaa januutuno coohaiñoooco minihaiti eheetavuumoro iinigaivi diiboco javucaruumo. Jaamoro bu diiboco jihacuumo aivojibō gaachehubadī gachicohai deecano tifaibadī itifai iicachehuco. ³ Jaamoro diiboco sahaguehicaumo: ¡Judiomi Aivojibō Diica! noomoro, diiboco ihimefaño ganicichicaumo.

⁴ Jaanegui Pilato siino asaauboro diitoco nuuhi: Memeeći, eneecaū diiboco isivī sivaqui, jaamo magaajahi diibovi iimitinobaco uuoho aatyimetinoco, nooboro.

⁵ Jaanaa Jesu iinovauhi ijanuutuno minihaima, igaachehu tifaihibā iicachehuma icano. Jaanegui Pilato nuuhi: ¡Jaani diibo! nooboro.

⁶ Jaaboco sacerdotemī aivojīto, bu isisiminaa icamo aatyimeumoro sefano coovadiivuumo: ¡Diiboco imohobujehallivī metetecu! ¡Metetecu! noomoro.

Jaanegui Pilato diitoco nuuhi: Etī tahi masatyomoro metetecu. Jaanoti uuoho diibovi iimitico atyimetihī, nooboro.

⁷ Jaarunofaño judiomī diiboco iimusuuhi: Mihiama icano tajibā jaano onoobadī guijevejibō imooniqui ijeebītiro: Uuoho Moocaani Seemene, neehicaabo, noomoro.

⁸ Jillī diito unuunoco Pilato uguubuuboro janaanicī aivo iguiubo.

⁹ Jaaboro siino iijafaño ijicafutuuboro Jesuco dilluubo: ¿Cuucatibō ijoho? nooboro. Jaarunoco Jesu iimusucuutihu.

¹⁰ Jaanegui diiboco Pilato nuuhi: ¿Uco diimusujitirahi? ¿Nacu gaajatihi ico etetecusujiruno, isinaayujiruno icano mityama iicanoco? nooboro.

¹¹ Jaanegui diiboco Jesu iimusuuhi: Tahallivī mityabama chahajirahi ico Moocaani ihacitiruva. Jaamaño ico uco aaciibō aivo dijanaanicī imitima icahi, nooboro.

¹² Tollī unuunoma iicaabo Pilato diiboco isinaayuqui moonihicauhi. Jaarunaa judiomī sefano neehicauhi: ¡Diiboco isinaayuhachiji aivojibō Cesār nahaboniminaafi diicatihī! Miiro: Uuoho aivojibō, onoomo Cesārminaafitit minifetehi, noomoro.

¹³ Jaanegui Pilato diito tollī unuunoco uguubuuboro Jesuco isivi isivauboro casiivuubo ihaivojī icagahallivī. Jaano hebreomī iijiri Gabata, onoono guisibano nicuta enejiruno. ¹⁴ Jaasumi Pascua jibaimo iicaujino fiiticuuhi gadiciibarucuu iicauno. Jaaboro Pilato judiomīco nuuhi: ¡Jaani amiihai Aivojibō! nooboro.

¹⁵ Jaarunofaño diito sefano coovadiivuuhi: ¡Jaafa guijkeevebe! ¡Jaafa guijkeevebe! ¡Tetecu! noomoro.

Jaanegui Pilato nuuhi: ¿Amiihai Aivojibōcō jaabo tetecuji? nooboro.

Jaanegui Pilato nuuhi: Mohaivojibō Cesār uufocovī sifi mohaivojibō chahahi, noomoro.

¹⁶ Jaanegui diito usefaño diiboco jeevesuubo itetecuqui. Jaaboco iiciumoro satyuumo.

*Jesuco Eteteceuuno.**(Mt 27.32-44; Mr 15.21-32; Lc 23.26-43)*

¹⁷ Jaadi Jesu fuucuuhi icubujeque agafaiy*ii*cihin*ii*boroniga*ip*paajebai onoomaño*vi*. Jaanot*i* hebreom*i* ijiri Golgota onooba*vi*. ¹⁸ Jaamañovi diiboco teteccumo, tolliro bu miimisiicico teteccumo icano. Jaamisifeenevi Jesuco ficuumo. ¹⁹ Jaabo Pilato imomoco acaatiniuboro Jesu guiveje imohobujevi fucusuuh*i*: JESU NAZAREOOBO JUDIOM*i* AIVOJ*HB*O onoonoco. ²⁰ Jaanoco guiraamo saatoho judiom*i* toonoco meeciuhi. Jesuco eteteccumaño tuucuumi*ti* ifiit*iu*maño. Jaano toono imomo caatiniciniuhi hebreo ijiri, griego ijiri, latin onoojiri icano. ²¹ Jaanegui judiom*i* sacerdotem*i* aivojito Pilatoco nuuhi: Judiom*i* Aivoj*ii*bo nooboro, caatinidino. Jill*i*: Judiom*i* Aivoj*ii*bo uujoho, eneehicaabo nooboro, caatini, noomoro.

²² Jaarunofaño diitoco Pilato iimusuuh*i*: Acaatin*ib*adiro icacuujino, nooboro.

²³ Jaamo ihamocasiminaa Jesuco eteteccunobuunati Jesu gaachehuco dugaacuumo sano nahabovacasidino. Jaamoro sanohosa itcovovi ifocasiumo. Tolliro bu icamooja falluuratino sadaahere caamoti guinovi ni*icin*ijaco *ii*ciumoro ²⁴ noocasiumo: Jichehuco mas*ii* ifocasitimo*ro* tochehuhall*iv*i suerteque meheetavequi: ¿Naa cajaani tochehuco *iciji*, noomoro. Jill*i* moon*ium*o Caatin*ih*aamefaño onono imiyaavequi: Tagaachehuco ifocasiumo. Jaamoro tacamoojahall*iv*i suerteque eetavu-umo, onono. Jaabadi jill*i* ihamocasim*i* moon*iu*hi.

²⁵ Jaanaa Jesuco eteteccboguino icaahicaugo seeji, bu diigo nago Maria onogo Cleofa taaba, bu Maria Magdalena onogo icano.

²⁶ Jaanaa Jesu seejico aatyimeuboro, bu tolliro aivo agaijhicaubo ij*ib*bogominaafico ihuufocori icauboco aatyimeuboro seejico nuubo: Gaha, diiburucuji daachibadi *ii*ma iicajibo, nooboro.

²⁷ Jaadi bu tolliro ij*ib*bogominaafico nuubo: Diigurucuji diiseejibadi *ii*ma iicajigo, nooboro. Jaasumitiro diigoco ij*ib*bogominaafi *ii*jafaño satyuuh*i*.

*Jesu Iguijeveuno.**(Mt 27.45-56; Mr 15.33-41; Lc 23.44-49)*

²⁸ Toonobuunati Jesu idudicamaajeque iimivucuunoco agaajaciuboro nuuhi: Adujirahi, nooboro Caatin*ih*aamefaño onono imiyaavequi.

²⁹ Jaamañeri guirihillufaño icaufaihu iquigaño aivofaihu *ii*dicufaihu. Jaafaihufaño faatata icanoco amatyusumoro hisopo onooho usuho. Jaaho aafeque *ii*ciumoro tootaataco toohaafe nijequevi ificuumoro diibo ij*if*an*o* cabuyaacuumo. ³⁰ Jaanoco Jesu aaduuboro nuuhi: *Ivi* pary*i* imivocafutucuuno, nooboro. Jaadi acanuvuuboro guijevetuubo.

*Jesu Mecuhuco Ahaam*iu*no.*

³¹ Jaanaa Pascua *ji*baimo seseevedi iicacuujinegui*ii*ha. Tufucu jaguisifucu iicaunegui*ii*ha judiom*i* imuuguut*ii*hi diito ifiino tubujejevi*ro* iicaunoco. Miiro diito jaguisifucu*vi* jinejeba aivo eheetavorahi-cautimaño. Jaanegui Pilatoco dilluumo saatohoco itaj*ib*aq*vi* id*in*oco agafaryucumoro diitoco toonoti sihigovi ificuuqui. ³² Jaanegui amocasim*i* asaaumoro saafico id*in*oco gafaryucuumo. Jaadi bu tolliro saafico moon*ium*o Jesu coj*iv*i eteteccin*iu*mísico. ³³ Jaadi Jesuv*vi* *ii*futuurumaaca chuumucuubo. Jaanoma iicaumo diibo id*in*oco gafaryucuutimo.

³⁴ Jaarunaaca diitoti saafi Jesu mecuhuco ihaamigari cafatyicaruuh. Jaasumiro diibofañotí iinuuno tñijoho, nifaihu icano. ³⁵ Jaanoco atyimeubo miyaanocoro jiibeguehi. Jaabo gaajahi toono miyaano iicanoco. Jaamo amiihai tolliro bu mimiyaaveguehi. ³⁶ Jillí icauno Caatinihamefaño: Dibacino quisicurajitihi, onono imiyaavequi. ³⁷ Jaabadiro bu samañoohaamefaño noono: Cafatyicaruciniboco mahatymeji, noonoro.

Jesuco Iciuuno.

(Mt 27.57-61; Mr 15.42-47; Lc 23.50-56)

³⁸ Toonobuunati Jose Arimatea cuumioobo Jesuma efeehicauruubo judiomí ñihicutí toovono ufuuboro Pilatoco dilluubo Jesu ifico ihiciqui. Jaaneguiha Pilato: Jii, nuuhi. Jaaneguiha ufuuboro Jesu ifico icijeubo. ³⁹ Tolliro bu Nicodemo fuuhi iticoní Jesuma fucu ihiimaa-jeubo. Jaabo guiraano facicfafihuco sivauhi treinta kilo ticovovi. Tofafihuco mirra, aloe iicaneri eetavuuhi. ⁴⁰ Jaamisiro gaachehubaanoco tooneri afacisumisiro Jesu ifico minuhi, judiomí jeevamaaje tolli icinibadi. ⁴¹ Jaano diiboco etetecumañeri icauno bajigayi. Jaamañeri bohoji cihojia icaahi mihaiñobaco tohojifaño icihutihoji. ⁴² Jaahojifaño Jesu ifico ciuumisi tohoji tomañotí ifiitiumaño judiomí jaguisifucu iticovacuuneguiha.

20

Jesu Siino Ubuheeteuno.

(Mt 28.1-10; Mr 16.1-8; Lc 24.1-12)

¹ Jaanaa judiomí jaguisi iicauno seseevedi Maria Magdalena onoogo Jesu cihojija fuuhi fucugayiro civonaacaro. Jaago atyimeuhi icihojico afabaacuba iguiisiba sihigovi aacaubaco. ² Jaanegui Simon Pedro, bu saafi Jesu agaijhicaubo ijibogominaafi icamisijaa ijinafatyugoro diitisico nuuhi: Aivojiboco icihojifañotí cuucahacho satyucuumo. Jaanoco magaaatih, ¿cuucahacho fine ficuumo? noogoro.

³ Jaaneguiha Pedromisi icihojijaago ⁴ jinoomisiro fuuhi. Jaanaa saafi Pedro imegaro icihojivi ifutuuh. ⁵ Jaaboro tohojifañoco idiji vuuboro emeeciubo atyimeuhi iminitaacoro. Jaaruubo tohojifaño fuutih. ⁶ Jaanobuunati jari Simon Pedro gaseuhi diibo dojicuti. Jaabo tohojifaño ijicafutuubo atyimeuhi iminita tomañeriro acaaciniunoco. ⁷ Tolliro bu Jesu imequ iminiubaryu imino miniciniubaryu ijeevadi acaaubyuco atyimeubo. ⁸ Jaanegui bu tolliro saafi jicafutuuh tohojifaño, iticoní tohojivi agaseubo. Jaabo toonoco aatyimeuboro miyaavuguuh. ⁹ Jaarumisi gaajautimisihiica Caatinihamefaño: Jesu iguijevebe siino buheeteji, onoonoco. ¹⁰ Jaadí Pedromisi siino dojicuviro ijajaago uumicuuh.

Jesu Maria Magdalena Onoogovi Jafeveuhi.

(Mr 16.9-11)

¹¹ Jaanaa Maria iinoro fitafutuuh tohoji imega taagoro. Jaago taagoro dijivuugo tohojifañoco emeeciugo. ¹² Jaago atyimeuhi miimisiici Moocaani toomominaatisico seseechehunofaño icamisi giciniuhi saafi Jesu nigai iicaunaagonovi, jaanotí saafi itihai iicaunaagonovi icano icäumisico.

¹³ Jaamisi diigoco nuuhi: ¿Jinejeri jaago ijoho taahi? noomisiro.

Jaanegui diigo nuuhi: ¿Cuucahacho tahaivojiboco asatyomoro ificuuner? noogoro¹⁴ ibujinaagoco emeeciugo Jesuco atyimeuhi. Jaarugo diibo Jesu iicaunoco gaaajautihi.

¹⁵ Jaagoco Jesu nuuhi: ¿Jinejeri jaago taahicahi? ¿Miico guiinehi? nooboro.

Jaanegui diigo tobajigayi toomominaaficoro eesiciniumaño nuugo: Aivojiboo, ijohoh baacho asatyooboro, ¿cuucahacho ficuuhi? Uco diibogo iiciitogoro satyequi, noogoro.

¹⁶ Jaanegui Jesu diigoco dilluuhii: Maria, nooboro.

Jaanegui diigo diiboco emeeciugoro hebreomi ijiri nuuhi: Raboni, noogoro; jibogominaafi, eneejiruno.

¹⁷ Jaanegui Jesu diigoco nuuhi: Uco duduicidino; uuoho caamo Guihirubijaago footihiica. Jilliro foogo tañahabomico diibogoto: Guihirubi, bu tolliro amihaiti amihai Caani iicaabojaago feehi. Taacaani Moocaani iicaabojaago feehi. Jilli noogoro diibogoto, nooboro.

¹⁸ Jaanegui Maria Magdalena onoogo fuuhi ijibogominaajaago Jesuco aatyimeunoco, bu diibo unuunoco icano diitoco ijibogotuugo.

Jesu Ijibogominaavi Jafeveuhi.

(Mt 28.16-20; Mr 16.14-18; Lc 24.36-49; Hch 1.8)

¹⁹ Jaafucuro ijicuuvi ijibogominaa igaiciniuhi samecufañoro judiomíñihicuti iguhuganoco cuhufono ofoboociumoro icaushi. Jahi Jesu ijicafutuuboro diitofeenevi ujulleeveuboro diitoco dilluubo: Sajeebiimihica, nooboro.

²⁰ Tollí unuuboro diitoco iffusuubo ihuseneque etetecuunopaa-jeneque, bu imecuhuti ahaamíupaajeque icano. Jaaneri ijibogominaa imo imo minifutuuhii Ihaivojiboco aatyimeumoro. ²¹ Jaadi siino Jesu diitoco nuuhi: Sajeebiima mihica; Guihirubi uco agalluubadiro bu uuoho amihai galluuhii, ²² nooboro diitohallivi fuunaruubo. Jaaboro nuubo: Magaayici Moocaani Gaijaco, nooboro. ²³ Jaamo cajaatyocohacho iimitico mubuusumo iimitima chahacuji. Jaanoti mubuusutimo imiti buusuracujitihi, nooboro.

Tomas Miyaavogoti.

²⁴ Jaarunaa Tomasco Gaatyaba eneehicaubo diitoma chahauhi Jesu diitovi ajafeveusumi. ²⁵ Jaaboco saatoho ijibogominaa jibuguuhii: Aivojiboco mahatyimehi, noomoro.

Jaarunofaño Tomas diitoco nuuhi: Ihusenefaño diiboco etetecuunopaa-jeneque aatyimeebere toopaajejefaño tahusegaiñioco ijihacutinohachuta, bu tolliro imecuhuti diiboco ahaamíupaajefaño ijihacutinohachuta miyaaveguejitihi, nooboro.

²⁶ Jaanobuunati sahuse juugahuseti mifucuci, safucu icano nigaciti siino ijibogominaa igaivuuhi toojafaño. Jaasumi Tomas diitoma icaushi. Jaanaa iguhugano cuhufono foboocinirunaa Jesu ijicafutuuboro diitofeenevi ujulleeveuboro diitoco dilluubo: Sajeebiima amihai mihica, nooboro.

²⁷ Jaaboro Tomasco nuubo: Ifaaji ivi jisumi dihusegaico jinofaño dihacu. Jaaboro jino tahueneque meeci, bu juugaví saabo jino tame-cuhufaño dihuseque dihacu. Jaaboro mabañihi nootiboo, miyaavogo, nooboro.

²⁸ Jaanegui Tomas diiboco iimusuuhi: ¡Tahaivojiboo Moocaani! nooboro.

²⁹ Jaaboco Jesu nuuhi: Tomas jari uco adaatyimeebere miyaaveguehi. Imino icajino atyimetirumo imiyaavogomo, nooboro.

³⁰ Tolliro bu Jesu sihidi ejeevanoonoco ijibogominaa imefeenevi guiraano eetavehicauhi. Jaaruno jihaamefaño paryi caatinicinitino.

³¹ Jaanoti jinoocoro caatiniumo amiīhai mimiyaaveguequi Jesu diibrucu Cristo Moocaani Seemene iicanoco. Jaaboco mimiyaavogonofañodi diibovi ifinijitino fiivoma mihicahi.

21

Jesu Jafeveuhi Sietetimo Ijibogominaavi.

¹ Jaanobuunati siino Jesu ijibogominaavi jafeveuhi Tiberia muuaijinivi. Jilli diitovi jafeveubo. ² Jaamo samañeriro icaumo Simon Pedro, bu Tomasco Gaatyaba enehicaubo, bu Natanae Cana de Galilea onoocuumioobo, bu Sevedeo seemenetisi, bu tolliro sitisi diitootisi icamoco ³ Simon Pedro nuuhi: Uujoho fliciteji, nooboro.

Jaanegui diito nuuhi: Tolliro miīhai iima masaaji, noomoro fuumo meenegari. Jaarumo tufucu saafiiba iciutimo. ⁴ Jaanaa sesevecunaaca Jesu diitovi jafeveuhi jinigaibaahovi. Jaaruuboco ijibogominaa gaajacutihi diibo iicaunoco.

⁵ Jaabo diitoco nuuhi: ¿Sicafe, naa saafiiba mihicitihi? nooboro.

Jaanegui: Chahano, nuumo.

⁶ Jaanegui Jesu diitoco nuuhi: Amiīhai sinicuhuco amiīhai meenegati momiyanaagonovi magañii. Jaamo mihicichi, nooboro. Jaanegui tahigovi agañiumo isinicuhuco guiiyicicuutihu itaava bociri sihidi ijivusuumaño. ⁷ Jaanegui Jesu ijibogominaafico agaijihicaubo, Pedroco nuuhi: ¡Mohaivojibō jahi! nooboro.

Jaanegui Pedro Jesu jahi iicaunoco uguubuuboro igaachehuco siyaavuubo, igaachehuco ujujuuvuumaño. Jaaboro muuaifaño acutuubo. ⁸ Jaanaa sanoodimo ijibogominaa isinicuhuco meenegari guicimoro ijinijaagovi sivaumo ijiniti cien metrohachutaro iicaumaño. ⁹ Jaamo isivi ihiinuumo atyimeuhi cijigaihalliri taavaabo gaarucinibō aacaaboco maahuma.

¹⁰ Jaamoco Jesu nuuhi: Toono taavaco mihicimoti juu misiva, nooboro.

¹¹ Jaanegui Pedro imeenegafaño ufuuboro isinicuhuco isivi guiiyicubō sihidi queefimo taavaco ciento cincuenta y tresdimo icaurumoma isinicuhu gallivuutihu. ¹² Jaamoco Jesu nuuhi: Masaamoro mamachuva, nooboro.

Jaaruuboco ijibogominaati saafiiba dilluutihu: ¿Mijoho ijoho? noomoro Ihaivojibō iicaunoco agaajaumaño. ¹³ Jaadi Jesu asaauboro itaavaaboco iicuboro diitoco aciubo, bu tolliro imaaahuco aciubo icano.

¹⁴ Toonoma mifooći, safo icano icacuuno Jesu ijibogominaavi ajafeveuno iguijeveubo siino ubuheeteunobuunati.

Jesu Simon Pedroco Atajibauno.

¹⁵ Jaamo amachuunobuunati Jesu Simon Pedroco nuuhi: ¿Simon, Jona achi, uco gaijihī jino janaanicivī? nooboro.

Jaanegui Simon Pedro iimusuuhi: Jiihi, Aivojibō, iiro gaajacuhi ico agaijinoco, nooboro.

Jaanegui Jesu diiboco nuuhi: Jaaneguiha taca oono tomominaafi ihoveja seemeque ojoobinibadi oono uco imiyaavogomoco diibeguehica, nooboro.

¹⁶ Jaadì bu siino diiboco dilluubo: ¿Simon, Jona achi, uco gaijìhi? nooboro.

Jaanegui Pedro iimusuuhi: Jiìhi, Aivojìbo, iiro gaajacuuhi ico agaijìnoco, nooboro.

Jaanegui diiboco nuubo: Taañocota toomo ovejamico otoomonici badi, nooboro.

¹⁷ Jaadì bu siino diiboco dilluubo: ¿Simon, Jona achi, uco gaijìhi? nooboro.

Jaaneri Pedro idaasuvuuhi diiboco mifooci, safo icano: ¿Uco gaijìhi? nooboro idillucuuneguiha. Jaaboro nuubo: Aivojìbo, iiro paryì gaa jacuuhi ico agaijìnoco, nooboro.

Jaanegui Jesu nuuhi: Taañocota diibeguehica ovejamico ojoobinici badi. ¹⁸ Miyanotiro, miyanotiro ico neehi: Sicafefi idicausumi digaachehuco idicafotooboro idiomogohigovi feehicauhi. Jaanoti amiyaabo idicacuudi dihuseque gañiiyiciiboco ico sita digaachehuco jìhacuji. Jaamoro ico satyejimo idiomogotiruhigovi, nooboro.

¹⁹ Jillì nuubo Jesu Pedro coyomo guijkeveri iguijeveujinoco agaaja suubo neehicauhi. Tooneri Moocaani bocico agaajasuujinoco. Jaadì diiboco nuubo: ¡Tadyojìcuti disaa! nooboro.

Ijìbogominaafico Agaijìhicaubo.

²⁰ Jaanaaca Pedro idojicuco emeeciubo atyimeuhi Jesu agaijìhicaubo ijìbogominaafi idojicuti ufuunoco niinoono amachuusumi diibovi ifituvuuboro: ¿Aivojìbo, cajaani ico aaciijiibo? nooboro idilluubo. ²¹ Jaaboco Pedro atyimeuboro Jesuco nuuhi: ¿Aivojìbo, jana jaaniji milli? nooboro.

²² Jaanegui Jesu nuuhi: Iimogohachijì icajiibo uuoho siino uhuumi nohachuta. ¿Jaaruno iidi milli icatihì? Jaanoti iijoho tadyojìcuti disaa, nooboro.

²³ Jillì diiboco unuunoco inahabomi jìbocasiuhi: Diibo jìbogominaafi fine guijkejetihì, noomoro. Jaarunofaño Jesu guijkejetiiboo nuutihì. Iimogohachijì siino uhuuminohachuta icajiibo. ¿Jaaruno iidi milli icatihì? nuubo.

²⁴ Jaabo diibo jìbogominaafi jinooco jìbeguehicahi. Jaaboro caatinìubo. Jaanoco mìihai magaajahi diibo ijìbogono miyaano iicanoco.

²⁵ Tolliro bu sihidì saneheje Jesu omooni hicauno icarahi. Jaanehejeque sanohosari paryì icaatiniruva uuoho onoono fine paryì jiinjehalliri iicano aamenevi iifetejitiruno.

HECHOS

*Jilli Jesu Jii**bogominaa** Omooni**hica**uhaame*

Moocaani Gaija Asaajino.

¹ Agaijii**bo** Teofilo, iticoni acaatiniuhaamefa caatiniuhi Jesu jiinjehallivi iicaunohachuta omooni**uboro** jii**beguehica**unoco. ² Miiro niquejefa ufuucujino imega, iminisuminaaco ocoovauboro Igaijafañodi diitoco imino jii**beguehica**ubo. ³ Jaabo Jesu iguijeveunobuunati diitovi siino jafevehicaubo cuarentadi fucuva ticovovi diitoco imino igaajasuqui diibo ubuheeneque. Jaabo diitoco jii**beguehica**uhi Moocaani aivojiti.

⁴ Jerusaleti mefeedino. Moocaani Gaija asaajinoco motoomo, diibo eneehininoco amiihaico jii**beguehini**badi. ⁵ Miyaano naha Jua nifaihuri nitihicauhi. Jaanoti amiihai goovajino Moocaani Gaijari minitcafotonu, nooboro.

⁶ Jaamo toono Jesuma iicausumi diiboco dilluumo: Mohaivojii**bo**, *¿Jaanegui jisumi Israel aivojico siino dojicuviro gasesuji?* noomoro.

⁷ Jaanegui Jesu diitoco iimusuhu: *¿Collahi magaajajirahi tusumico idii**boro** Moocaani tufucuco omooni**jii**bo***** gaajahi? ⁸ Jaanoti Moocaani Gaija amiihaihallivi iniitoodi mityaco magaayiciji. Jaadi uuti mijii**begueji** Jerusalevi mihicabadiro Judea jiinjеви, Samariavi, paryi jiinjejinibaacidi icano, nooboro.

Jesu Niquejefaño Ofoono.

(Lc 24.49-53)

⁹ Jilli nooboro diito iifinicinaaca caamovi fuucuubo aimuufafeenedi niquejefaño. Jaaboco atyimecuutimo. ¹⁰ Jaanegui imino iifiniciumo atyimeuhi miimisiici gaifiimi seseechehunofa jii**cini**umisico. ¹¹ Jaamisi diitoco nuuhi: Galilea gaifiimi, *¿collahi niquejeque mihi*ifinicihi*?* Diiboro jaani Jesu jino niquejefa mihi*ifinici*naaca ofoobo siino saaji jiinjehalliti jino ofoobadiro, noomisiro.

Judabuunavi Matiaco Boobanimo.

¹² Jaanegui dojicuviro Jerusalejaa uumiumo Olivohono iicagajiti fiitino jaguisifucuvi judiomu iigonicinohachuta. ¹³ Jaamo ijii**bogominaa** dojicuviro tuucuumiv agaseudi fuumo caamovi iicamecuñaño iicahicauhigo. Jaamofeeneri icaumo Pedro, Jacoobo, Jua, Andre, Felipe, Tomas, Bartolome, Mateo, Jacoobo Alfeo achi, Simon cananistamioobo, Juda Jacoobo nahabo icamo. ¹⁴ Jaamo diito famooro igaivehicauhi Moocaanimu ihiimaaqui Jesu nahabomi, seeji Maria, bu sihidu saatoho gaigoomi icamo.

¹⁵ Jaasumi Pedro diito ciento veintedimofeeneti ujulleeveuboro nuuhi:

¹⁶ Tañahabomi, Moocaani Gaija Caatinhaamefañodi unuucuuno miyaavucuuhi Davidfeenedi Judaditi ihiimaauno: Jesuco miyaminaa usefaño aaci**jii**bo**, unuuno.^{*} ¹⁷ Jaabo Juda mi**hai**obou jino dudicamaajefa iicauruubo. ¹⁸ Jaaboco iimitihallivi ajaaduuruuno nihibamiri jiinjeque naajeumo. Jaaruubo Juda ufuuboro iinoro caamoti iinigaijaagotu acutuubo. Jaaneri paryi iiba isi aifuuhu. ¹⁹ Jaanoco Jerusale**

* **1:16** Mt 22.3-10

cuumiri iicaumo guubuuhi toono Juda nihibamiri anaajeumañoco Alcedamatí momooníumo tiijohojicici eneejirunoco. ²⁰ Jaamaño Salmoħaamefañō jilli noono: Jaafa iija sicaijarucu miiħaiñoba toojafa iicacutiqui. Jaabadiro simaño vi noono: Sifiirucu idudicamaajeque gaayiciji, noonoro. ²¹ Jaabadiro mofeeneri icamo saatoho gaifimi Mohaivojibbo Jesu miiħaima iicausumi, ²² Jua diiboco initiuotí niquejefa ufuunohachuta iicaumoti. Jaanegui cajaanhacho saafi diitotí miiħajja iminfetequi Mohaivojibbo ubuheeteunoco ijibeguequi, nooboro.

²³ Jaanegui miimisiiciti diitotí coovaumo Jose Barsaba Justo onoobo, Matia icamisico. ²⁴ Jaamoro diitishallivi Moocaanima iimaáumo, jilli noomoro: Moocaani iijoho famoojeebiico agaajaabo. Miiħaico gaajasu, qnaa diitisi cajaanicò diiċhi ²⁵ Judabuunavi iicaqui? Jaabo Juda imitinoco omooniubo inaagonovi fuuhi, noomoro.

²⁶ Jaamoro suerteque agañiūno Matiav iſfutuuhi. Jaabo tusumiro diito fahuseeci motihaiti saafi iicaumofa minifutuuhi.

2

Moocaani Gaija Asaano.

(Jn 7.37-39)

¹ Jaanobuunati Pentecostefucu agaseusumi famooro samañoviro igaiciniuhi. ² Jaanaa sefano guibuhubabadi niquejefañotí guubuvusuuno ifajafañovi diito iciniuhigo. ³ Jaasumiro famoovahallivi niituuno ciijigaiguihunobadi jeevano. ⁴ Jaamo Moocaani Gaijari paryi gahafuuhi. Jaamoro sijijeri iimaáumo Moocaani Gaija ihimaasubadì.

⁵ Jaasumi Jerusalevi icaumo judio gaifimi. Jaamo judio iijico imino imiyaaveguehicaumo fahigova jiinjeti agaseumo ⁶ toonoco uguubu umoro sihidì miyaminaa igaivuuhi. Jaamo sihidiro eetyeuhi faaboho iijineri ihimaunoco saafi sifi iijiri, bu saafi sifi iijiri icano ihimaunoco uguubuumoro. ⁷ Jaaneri eheetyeumoro dillucasihicaumo: ⁸ ¿Milli jaamo galileaminaa iicarumo mojineri iimaamoco muguubuuhi muucuumi iijiri ihimaanoco? ⁹ Jimaño vi icamo Partia miyaminaa, Media jiinjeo miyaminaa, Elam jiinjeo miyaminaa, Mesopotamia jiinjeminnaa, judeaminaa, capadociaminaa, Ponto jiinjeminnaa, Asia jiinjeminnaa, ¹⁰ frigaminaa, panfiliaminaa, Egipto jiinjeminnaa, Africa cuumino Cirene janaanicò iicacuumijeminaa, bu tolliro romaminaa icahi, saatoho judiomì, jaanotí saatoho judiomì jibogoco agaayicicumo. ¹¹ Tolliro bu icamo Creta miyaminaa, Arabia miyaminaa icano. Jaarumo paryi faajivari iimaanoco muguubuhi Moocaani mityati ihimaanoco, noomoro.

¹² Famooro jaaneri ajabafituumoro sihidì esamaaimoro dillucasihicauhi: ¿Milli fine jino iicanò? noomoro.

¹³ Jaarunaa saatoho dejecuhicaudi: Jilli guiriicavomo, noomoro.

Pedro Ihiimauno.

¹⁴ Jaanegui Pedro paryi fahuseeci motihaiti saafi icamoma ujulleevve boro sefano nuuhi: Judea miyaminaa, Jerusale cuumiri mihicamo icano imino uco muguubu. Jaamoro magaaja, nooboro. ¹⁵ Jito miyaminaa guiriicavotimo amiiħai monoobadi miiħaiñoba fucuro guiriicavotatihì. ¹⁶ Jino Moocaani iimaaminaafì Joel, jilli unuucuuno:

¹⁷ Moocaani neehi: Niinosumi paryi miyaminaahallivi Tagajaco nitusuji. Moseeme ufucu jilli iicajinoco jjibegueji. Sicafe atyimeji Moocaani Gaija ifusunoco. Quillahuto tigaji. ¹⁸ Tagajaco nitusuji tusumi tajeecivominaahallivi ufucu iicajinoco ijibeguequi. ¹⁹ Caamo niquejefaño ifusuji jabafiranoco, baavi jjinijehallivi ifusuji toono jjibogoco, tijoho, cijigai, aimuufaiguuihu icano. ²⁰ Cuujeo nihiba civeteji, fucuo nihiba tijohobadi minifeteji, Moocaani fucu iñihicufucu imegavi. ²¹ Jaasumi paryi Moocaanico idillumo taajaji.

²² Muguubu jino onoonoco amiihai Israel gaifiimi: Moocaani Jesu Nazareoboco miyaaboti ifusuhinicuhi amiihai imefeenevi jabafirano mityanoco eetavonofeenedi amiihaico ifusucuunoco magaajacubadi. ²³ Jaarunofaño diiboco magaayiciumoro mahacihi Moocaani siicijetiro unuucuubadi masatyumoro magaicaauhi. Jaamoro imoho bujevi metetecusuhi iimitino gaifimi useri. ²⁴ Jaaruuboco Moocaani buheete-suhi guijkeve aivoti ataajasubo. Jaamaño diiboco guijkeve gaayiciutahi. ²⁵ Miíro aivojibo David Jesuti iimaabubo nuuhi:

Aivojiboco uuoho fahijivarо atyimehicauhи tahimefeene icaaboco. Jaabo tamiyahusenaagonovi icahi jineje uco maryibasutino iicaqui. ²⁶ Jaaneri uco tajeebi imo imo minifeteji. Taajiri imo imo iimaahi. Jaabadiro tafi sajeebii jaguisiji. ²⁷ Jaabo ijoho tajeebiico iguijevehicamo iicahi deevesujitahi. Dihimi jeecivominaafi agajijibo ifico tuucisusujitahi. ²⁸ Uco diibeguehi fiwojaa asatyono jjihai. Jaaboro uco dihime ificuuneri imo imo miniiyuji, nooboro.

²⁹ Fañi, jaanegui jino amiihaico foovono neehi: Moheedeebe David iguijeveubo cihoji jino mofeeneri icahi. ³⁰ Jaabo David Moocaani iimaaminaafiu. Jaabo gaajacuuhi Moocaani diiboco miyanotiro ufucu saafi Cristo diiyaachi miihaiti dihaivojifaño acasiivejilbo unuucuunoco. ³¹ Jaabo siicijetiro mahatyimetcubadi gaajacuubo Jesucristo ubuheeteujinoco. Jaamaño nuubo Cristoti: Tajeebiico deevesujitahi iguijevehicamo iicahigo tafico tuucisusujitahi, nuubo. ³² Jaabo jaani Jesuco Moocaani guijkevefañoti buheetesuuhi. Jaanoco paryi miihai magaajah. ³³ Jaaboco Moocaani agañiiyicuboro imiyanaagonovi ficuuhi. Jaabo Caaniti Igaijaco gaayicihi Caani unuubadi. Jaaboti jino jisumi muguubuno, mahatyimene icano saahi. ³⁴ Jaabo David niquejefa eguejeutahi. Jaaruubo jilli nuuhi:

Moocaani Mohaivojiboco Cristoco nuuhi: Tamianaagonovi casivo, ³⁵ diminaaco ditihaguino ificuunohachuta, nooboro.

³⁶ Jaanoco paryi Israel cuumiminaa imino magaaja, jaani diibo Cristoco amiihai metetecuuboco Moocaani Aivojiboti ificuunoco, nooboro.

³⁷ Jilli onoonoco uguubuumoro idaasuvuumo ijeebjifaño. Jaamoro dilluumo Pedroco, bu sajibogominaaco icano: Fañi, ¿milli jaanegui mihicaji? noomoro.

³⁸ Jaanegui Pedro iimusuuhi: Moocaani imefeenevi amiihai imitico mejeevesucu. Jaamoro Aivojiboco Jesucristo momofeenedi minitisuquimaaje amiihai imitico ibusuqui. Jaasumiro Moocaani amiihaico Igaijaco aciji. ³⁹ Jaano jino iimaa amiihaidi, ufucu icaji amiihai

seemedi icano, tolliro bu fahigova tehesino iicamedi, paryiicino Aivojiibo Moocaani ocoovagomedi icano, nooboro.

⁴⁰ Jilli sihidì nooboro Pedro diitoco fajiihiuhì: Mataaja jino miyaminaa iimitimofañoti, nooboro.

Jilli Moocaani Iija Fiivuuhi.

⁴¹ Jaamo diibo jiibogoco imiyaavuguumo nitisuquimaauihu. Jaasumiro tresmildimo Cristojaagovi minifutuhi. ⁴² Jaamoco minisuminaa jiibogobadì imino icahicaumo. Jaamoro sahì igaivehicaumo Moocaanima ihiimaamoro panco iquisicuqui.

Cristota Iticoni Jilli Icahicaauhi.

⁴³ Jaaneri famooro jabafiitehicauhi minisuminaa mytianehejeque omoonihicaunerì. ⁴⁴ Jaamo famooro imiyaavuguudimo sahì icahicauhi. Jaamoro inehjeque ifocasihicauhi. ⁴⁵ Inehjeque anaajemere inihibamico ucuujivaachudino saje ifocasihicaumo. ⁴⁶ Fafucuvaaciviro templojafa igaivehicaumo. Jaadi iijanofaño panco iquisicumoro machuhicaumo, sabadìro imo imo ijeebiiho iicamoro. ⁴⁷ Moocaanico imehicaumo. Jaamoco miyaminaa gaijhicauhi. Jaamojaagovi Moocaani gataacuhicaubo bohono imiyaavogomoco.

3

Igotiiboco Ifigusuno.

¹ Jaanaaca safoono Pedro, Jua icamisi fuuhi templojajaago imohonohalliti nihiba icaaberì Moocaanima ihiimaahicausumi. ² Jaanaa ifiivuunotiro iigotiiboco asatyumoro fafucuvaaciviro temploja guhuga imegavi diiboco ficuhicaumo imomo ovosiühuga iicahuga imegavi toojafaño ofoomoco nihibamico idilluqui. ³ Jaabo Pedromisi toojafaño ofoomisico aatyimeuboro diitisico nihibamico dilluubo. ⁴ Jaaboco diitisi emeeciudi Pedro diiboco nuuhi: Misicoro dihiifinici, nooboro.

⁵ Jaanegui diibo diitisicoro imino iifiniciuhì: Fine uco nihibamico acijimisi, nooboro.

⁶ Jaarunaa Pedro diiboco nuuhi: Nihibamima chahahi, oroma chahahi. Jaarunaa uuma iicanoco ico aciji Nazareoobo Jesucristo momfeenedi gañiivoobo, diigo, ⁷ nooboro diiboco Pedro imiyahusetì agaayiciuboro caamo gañiiyiciuhì. Jaasumiro irubuino, itihaiño icano diiboco imituhi. ⁸ Jaasumiro acasiniivuuboro ujulleeveuboro igucuubo. Jaaboro diitisima toojafa fuubo casiniinamaaiboro Moocaanico imehicaubo. ⁹ Jaaboco famooro miyaminaa atyimeuhi igooboro Moocaanico iimehicauboco. ¹⁰ Jaaneri sihidì ajabafiitomoro sihidì eetyehicaumo famooro diiboco agaajacuumäño ovosiühuga imomo iicahuga imega acasiivooboro nihibamico idilluhicaubo iicaumaño.

Pedro Iimaahi Salomon Portal Onoomañoovi.

¹¹ Jaabo Pedromisico jeevesutiiboo diitisima feehicauhi. Jaaneri sihidì miyaminaa eheetyeumoro goovano sihidì gahafuumo Salomon Portalmañoovi. ¹² Jaanoco Pedro aatyimeuboro miyaminaaco nuuhi: Israel gaifiimi, ¿collìhi misico majabafihì misiro jaanico momityari mubuheesumisiro mihigusu ivibadi mohiimihijiri mihica ivibadi? ¹³ Tollì icatino diiboro Moocaani, siicije moheedeebe Abraham, Isaac, Jacob icamo imiyaavuguubo Moocaani Illi Jesuco janaanicì miyaabotì miniyuubo amiihai magaayiciumoro amiihai aivojitoco mahaciuboco.

Jaaboco Pilato sinaayuujirunaa amiihai mihimugutih. ¹⁴ Jaabo iimitima iicatibbo limiiboco mijiiheguemere iimitibocoro gaicaauminaafico misinaayusuumoro, ¹⁵ fiivoco aaciiboco magaicaausuhi. Jaaruuboco Moocaani guijefafañoti buheetesuhi. Jaanoco miihai imino magaajahi. ¹⁶ Jino iigoobo Jesu momoco imiyaavegueneri buheeteebe amiihai mahatyimehicacuubo magaajacuubo Jesuco imiyaavogono diiboco buheesuhi jino amiihai mahatyimebadi.

¹⁷ Jaarunoco fañi, uujojo gaajacuuhu famooro amiihai aivojítoma magaicaauhi esicintimo. ¹⁸ Moocaani jilli siicije paryi iimaaminafañodi unuucuuno miyaavucuuhi Cristo idasuno iicaujinoco. ¹⁹ Jaanegui amiihai imitico mejeevesucu. Jaamoro Moocaaniaagovi masaa amiihai imiti ibuuqui. Jaadi Aivojiiboo amiihaidi galluji buheefucoco ²⁰ Jesuco agalluunofeedi sahijitiro amiihaidi Cristo unuucuuboco. ²¹ Jaarunaa Jesucristo gueenene niquejefaño icajiboo Moocaani paryi fanoovaco iimbachunohachuta ihimaaminaa siicije iicaumofeedi unuucuubadi. ²² Miíro Moise nuuhi: Aivojiiboo Moocaani galluji ihimaaminaafiico uubadi iicaaboti amiihai nahabomifañoti. Jaabo Moocaani agalluujiboo amiihaico paryi onoonoco mugubu. ²³ Jaaboco uguubutidimoco Israel cuumiti udugaacumoro paryi finisiji, nooboro.

²⁴ Miíro famooro Moocaani iimaaminaa Samuel iicaunoti jisumivi iicamo paryi jilli iicajinoco jibuguuhi. ²⁵ Amiihai jaamo Moocaani iimaaminaa iyaachimihai mihicamo. Jaamaño mootadi Abrahamco Moocaani unuunofaño amiihai mihicahi. Miíro Moocaani Abrahamco nuuhi: Abraham, paryi jiinijeminaa diiyaachimihafeenedi imino icaji, nooboro. ²⁶ Miíro jaabo Moocaani Illi Cristoco ubuheetesuboro iticoni amiihajaa galluubo amiihaico imino imooniqui. Jaamo amiihai, amiihai imitico mejeevesuhi, nooboro.

4

Pedromisico Civojaanimo.

¹ Pedromisi jilli miyaminaaco jibeguehicaunaacaro saaumo sacerdotemi temploja toomominaafi aivojiboma, saduceomima icano. ² Jaamoro sihidí sifiratuumo Pedro, Jua icamisi miyaminaaco: Jesu ubuheeteunotí ufucu siino mubuheetejinoco magaajacuuhu, noomisiro jibeguehicaunoti. ³ Jaamoro diitisico agaayicúmoro civojafa ficuumo seseevedi iinusuqui mihiijicuuneguihi. ⁴ Jaamisico uguubuumotí sihidí saatoho miyaavuguuhi. Jaamo imiyaavoguunoco sano gaifimicoro ihoovo fine cinco mildimo ifutuuhu.

⁵ Jaano sifucu Jerusalevi igaivuumo judiomí aivojito, iquillahuto, caatiniminaa icamo. ⁶ Jaamoma bu tolliro icaubo Anas sacerdotemí aivojiboo, tolliro bu Caifas, Jua, Alejandro icamo, bu paryi saatoho diibo yoto icano. ⁷ Jaamoro Pedromisico ucuuhuvaumoro ifeeneví ificuumoro diitisico dilluumo: ¿Miíjoho iijiti, miíjoho momofeedi icano jilli amíssi momoonihi? noomoro.

⁸ Jaanegui Pedro Moocaani Gaija ijeebifaño iicaabo diitoco nuuhi: Israel cuumiminaa aivojito, quillahuto icamo ⁹ iigotiboco fine mubuheesuhiníñoco misico midilluhi diibo ubuheehiníñoco magaaajaqui. ¹⁰ Jaanoco amiihai imfeeneví mijiibegueji paryi Israel miyaminaa igaajaqui. Miíro jaani amiihaifeeneri ujulleeciniboo buheeteuhi Cristo

Jesu Nazareoobo momofeenedi amiihai metetecuuboco Moocaani guivefañoti ubuheetesubofeedi. ¹¹ Jaabo diibo Jesu guisibaco amiihai iijano eetavominaa mitihisumoro magañiubo aivo iimimañovi iminfutucuubo. ¹² Jaamaño sififeenedi taaja chahahi; niquejeguiinovisimomo miyaminaafeenevi chahahi tomomofeenedi mataajajimomo, noomisiro.

¹³ Jaamisi igototimisi Moocaaniti ihiimaaunoco uguubuumoro, bu aamenefaño icautirumisi sihidi agaajaunoco iicaneri aivojito eheetyeu-moro gaajauhi Jesuma iicaunoco. ¹⁴ Jaanomaryo iigotiboco ubuheesu-ubo diitisifeeneri julleciniuhi. Jaamaño milli nuutimo. ¹⁵ Jaamoro Pedromisico ifeeneti gallumo diitisi ofoonobuuna iinoro toonoti iimaa-casiqui.

¹⁶ Jaamoro noocasihicaumo: ¿Milli jaamisico momooniji? Famooro Jerusale miyaminaa gaajacuhi sihidi ejeevano mityaco diitisi omooninoco. Jaanoco ¿milli bu mutuunamaajirahi? ¹⁷ Jaarunofaño paryi miyaminaafaño tobogo ifetedino masii diitisico mihibaqui. Jisumitiro diibo Jesu momofañodi miyaminaaco mijibeguedino. Musuufenitihachiji amisico momooniji, noomoro, noocasiumo.

¹⁸ Jaamoro diitisico ocoovaumoro nuumo: Jisumitiro saatohobaco mijibugucudino miyaminaaco diibo Jesu momofañodi, noomoro.

¹⁹ Jaarunaa Pedromisi diitoco iimusuuhi: Eneecata mehesamaaimoro monoo; ¿Naa imijiruno miyaminaa ijico: Jii, monoomoro, Moocaani ijico magañiino? ²⁰ ¿Milli bu jibogotimisi mihicajirahi mahatyimeumisiro muguubuunoco? noomisiro.

²¹ Jaanegui aivojito diitisico sihidi ihibaumoro ticovono suufeniuhi milliti bu diitisico moonijirumo paryi miyaminaa Moocaanico imehicauhi diitisi omoonihicaunoti. ²² Jaabo diitisi ubuheesuubo ficabano icaahi miimisiici ticovovi.

Myaavogominaa Moocaanico Mityaco Dilluhi.

²³ Pedromisico isinaayuumisi fuuhi inahaboniminaajaago. Jaamisiro diitoco jibuguumisi sacerdotem iavojito, quillahuto icamo diitisico unuunoco. ²⁴ Jaanoco uguubuumoro sabadiro famooro Moocaanico nuuhi: Moocaani Mohaivojibbo, ijoho paryi niquejeque, jinijequ, muuaico icano fanooco ifivusuubo. ²⁵ Ijoho Digaijafeenedi mootadi dijecivominaafi Davidfeenedi nuuhi:

¿Collahi cuumiminaa Moocaanijaa cajuruuvehi? ¿Jaamoro miyaminaa sicamañoooco esamaaihi? ²⁶ Jinijeminaa aivojito gañivehi, bu cuumiminaa aivojito sahi igaivehi Moocaanihallivi, bu Cristohallivi icano, nuubo David.

²⁷ Jaano myaano. Miíro Herode,* Poncio Pilato icamisi jiicumiv igaivuuhi siicuumijeotoma, israelmima icano iimiibo daachi Jesuco ijoho Moocaani ijeevadi ificuubohallivi. ²⁸ Jaamo tolli mooniumo ijoho Moocaani edeesamaaiuboro: Jilli icajibbo, nooboro unuucubadi diiboco mooniumo. ²⁹ Jaaneguiha ijoho Moocaani idiicaabo, jino dijecivominaaco omoonigonoco meeci. Jaaboro miíhaico daamusu igototimo diijico miyaminaaco mijibeguequi, bu ³⁰ jaamoro dihuse mit-yari iguihuvamoco mubuheesuqui, bu iffusuco ajabafiranehejeque momoni qui iimiibo daachi Jesu momofeenedi, noomoro.

* ^{4:27} Herode Antipa onoobo. Meeci Mc 6.14; Lc 3.1; 23 6.

³¹ Jillí iimaaumoro lliivimaacaro tomaño diito iigaicinüumaño sefano maryibauhi. Jaasumiro paryí famoojeebíifañoro Moocaani Gaija gahafuuhi. Jaamoro nucufeguetimo Moocaani jíibogoco jíibeguehicaumo.

Iticoni Jillí Cristota Icauhi.

³² Jaasumi sihidí Cristoco imiyaavuguumo jeebiino sabadiro icahicauhi, bu sabadiro ihesamaajene jeevahicauhi icano, bu saatohoneheje iino icaruno fameedirehicau. ³³ Jaanaa minisuminaa sihidí Moocaani mityari Jesu ubuheeteunoco jíibeguehicauhi. Jaamo Moocaani imihuseri jinejetí cuujivaachutímo icahicauhi. ³⁴ Diitofeene siinoti ucuujivaachuboba chahahicauhi. Iijanoma ijinijenema iicadimo anaajemere nihibamico isivamoro minisuminaaco acivahicauhi. ³⁵ Jaanoco ifocasihicaumo ucuujivaachudineheje. ³⁶ Jaanaaca bu Jose icaruuboco minisuminaa Bernabetí omomoníubo jacusuminaafi eneejiruno Levitaminaafi Chipre onoochugaivi ifivuubo. ³⁷ Jaabo ijinijejerque anaajeuno nihibamico isivauboro minisuminaaco acivauhi.

5

Ananiamisi Imiti.

¹ Jaanaa saafi Anania onoobo, Safira onoogo mogaima ijinijejerque anaajeumisiro ² samañooco iicumisiro samañoonoco minisuminaajaago satyuuhu fanooro iicahivibadi. Jaanoco mogai gaajauhi.

³ Jaanegui Pedro diiboco nuuhi: Anania, ¿collíhi Satanás dijeebíifañó jícafetehi Moocaani Gaijaco ibañisuqui? ¿Jaaboro diijijejerque anaajene nihibamico samañoonoco diicíqui? ⁴ ¿Nacu diije jiinje icahinitíhi? Bu jaajeque anaajecuuno, diino inihibami. ¿Collíhi dijeebíifañó deesamaaihi tolli omooninoco? Miyaminaaco bañisutíhi. Moocaanico bañisuhi, nooboro.

⁵ Unuunoco Anania uguubuuboro baaví aacutuuboro chuumuubo. Jaanoco paryí miyaminaa agaajaumoro sihidí iguiumo. ⁶ Jaaboco sicafe iminumoro satyuuhu iciíqui.

⁷ Jaanobuunati minooci, sano idiino nihiba oovobuunati mogai fuuhi aiji tolli iicaunoco gaajatigo. ⁸ Jaagoco Pedro nuuhi: Uco diibogo, ¿naa miya tonoodineri amiisi ijinijejerque manaa jehinihi? nooboro.

Jaanegui diigo: Jíhi, tonoodineri, nuuhi.

⁹ Jaanegui Pedro nuuhi: ¿Collíhi sabadiro mihicamisiro Moocaani Gaijaco minisujirahi? Oono jahisi gasecuumo ditajeque iicijeme. Jaamo tolliro ico ciíteji, nooboro.

¹⁰ Jaasumiro diigo acutuugoro chuumucuuhi Pedroguiino. Jaamo sicafe faño agaseumo atyimeuhi diigo chuumucuugoco. Jaagoco asatyumoro itaje cojiví ciíjeumo. ¹¹ Jaanoco Moocaani iijaminaa, bu sihidí miyaminaa icano agaajaumoro sihidí iguiumo.

Mityaco Omoonino.

¹² Jaamo minisuminaafeenedi sihidí ejeevano iifusu ajabafirano moonicafete hicauhi miyaminaafeenevi. Jaamoro igaivehicaumo Salomon Portal onoomaño. ¹³ Jaarunaa saatohoba minisuminaavi fitivehicautihi. Jaarumo famooro miyaminaa diitoco gaijihicauhi. ¹⁴ Jaamo sihidí miyaminaa Moocaanico miyaaveguehicauhi gaifimi, gaigoomi icano. ¹⁵ Jaamoro iguihuvamehejeque jíihaiñojininovi ficuhi-caumo cigaijienefaño, siucinitajefáno icano Pedro tomañodí afatyooobo

iji ihallidi afatyeneri ibuheequi. ¹⁶ Jaabadiro uufocoo cuuminooto Jerusalejaa saahicauhi iguihuvamehejeque, emeimivatomehejeque icano isivaumo. Jaamoco paryi buheesuhicaumo.

Pedroco Sacerdotemi Aivojito Jiihevehi.

¹⁷ Jaanoma iicamo sacerdotemi aivojiiboma saduceomioti iicamo diitoco sihidi jiiheveuhi. ¹⁸ Jaamoro minisuminaaco agaayiciumoro civojafaño ficuumo. ¹⁹ Jaarumoco Moocaani tomominaafi fucu iguhuganoco afayaubyoro diitoco iinusuuhi.

²⁰ Jaaboro diitoco nuubo: Mofoo. Jaamoro Moocaani ijafafaño mujuleevetemere miyaminaaco mijibogo Cristo fiivoco aacinoco, nooboro.

²¹ Jaanegui seseevedi fucuro templojafaño ufuumoro miyaminaaco jiibeguehicaumo.

Jaanohachuta sacerdotemi aivojiibbo diiboma iicaumoma, igaiyiciumo fagominaaco, paryi Israel cuumiminaa quillahutoco icamoco. Jaamoro jiibegominaaco cuuhuvaumo civojafañoti isivaqui. ²² Jaanegui sisiminaa ufuurumo sicaijaco emeeciyeumoro ijibogoma saauhi. ²³ Civoja cuuhu-fono fabaacinijacomo memeeciyejehi imegari paryi itoomominaa icarahi icano. Jaadi mafaayicimoro fañoco memeecirumo miihaiñobaco matyimetih, noomoro.

²⁴ Jaanoco sacerdotemi aivojiibbo, temploja toomominaa aivojiibbo, paryiicino sacerdotemi icamo uguubumoro igituuhi. Jaamoro noocasimo: ¿Mihachuta fine jino jilli feeji? noomoro.

²⁵ Jaanaaca saafi agaseuboro diitoco noovauhi: Amiihai civojafaño mificuhinimo Moocaani ijafafaño icahi miyaminaaco jiibegommo, nooboro.

²⁶ Jaanegui toomominaa aivojiibbo isisiminaama ufuboro diitoco sivauhi, milli moonitiibbo, miyaminaaco iiguimoro diitohalliti guisiri diitoco ahaamijiruneguiha. ²⁷ Jaamoco isivaumoro gasesuumo fagominaa imfeenevi. Jaanoco sacerdotemi aivojiibbo nuuhi: ²⁸ Amiihaico du aivo imino mafaguuhi tomomotijiibeguedino, noomoro. Jaano icanaaca aivo magahafusucuhi paryi Jerusale cuumico amiihai jiibegueri. Jaamoro mohallivi majavucarujirahi diiboo Jesu tiijohoco agañiumoro agaicaaunoco, nooboro.

²⁹ Jaanegui Pedroma famooro iimusuuhi: ¿Milli bu Moocaani ijico magañimoro miyaminaa ijico: Jii, meneejirahi? noomoro. ³⁰ Miir mootadi imiyaavuguubo Moocaani buheetesuuhi Jesuco amiihai magaicaumoro imohobujevi metetecuuboco. ³¹ Jaaboco Moocaani caamo imiyanaagonovi ficuuhi Aivojiiboti Taajasuminaafiti Israel cuumiminaa diibofeedi imitico ijeevesuqui. Jaabo diito imitico ibusuusuqui. ³² Jaano gaajaminaa miihai tolliro Moocaani Gaija gaajaminaafi. Jaaboco Moocaani acihi diiboco imiyaavogomoco.

³³ Unuunoco fagominaa, quillahuto icamo uguubumoro sihidi diitoja sifiratummo. Jaamoro diitoco gaicaaujirumo. ³⁴ Jaarunaa diito aivojitofeeene icaubo saafi fariseoobo Gamaliel onoobo Moise tajiba jiibegominaa aivojiibbo paryi miyaminaa agaijhicaubo. Jaabo diitofeeneti ujulleeveuboro iminisuminaaco diitofeeneti buhigovi gal-luubo jihachutagayi. ³⁵ Jaaboro ihaivojito nuubo: Israel gaifiimi, mehesicini jito gaifiimico momoonijninoco. ³⁶ Eneecau bu mehesafoto amiihai, miir safoono Teuda onoobo agañiuuboro nuuhi:

Uujoho aivo sihidí jeevahi, nooboro. Jaaboma minifutuumo cuatro cientodimova. Jaarumo paryí finiuhi diiboco agaicaunobuunati imiyaminaa paryí gavaranaamaaiuhi.³⁷ Jaanbuunati miyaminaa momonoco acaatiniusumi bu gañivuubo Juda galileaoobo. Jaaboma sihidí minifutuumo. Jaaboco agaicaunobuunati tolliro diibo dojicuti efeehicaumo gavaranaamaaiuhi.³⁸ Jaanegui amiihaico neehi: Diitoco mejeevesu. Jaamoro milli momoonidino. Jino miyaminaa iijicoro omoonino iicahachiji finijino.³⁹ Jaanoti Moocaani iiji iicahachiji amiihai mifinisujitih. Mehesicini, Moocaanimaryo momoonicasidino, nooboro.

⁴⁰ Jaanoco famooro miyaavuguuh. Jaamoro minisuminaaco ucuuhuvaumoro jillí diitoco aamiuhi. Jaamoro siino Jesu momofeededí miijibeguedino, noomoro diitoco suufeniuhi.⁴¹ Jaamo minisuminaa aivojitofteneti imo imo iinuhi Moocaani diitoco agaijiboro imitino covamomovaumo Cristo momohalliti.⁴² Jaamorofafucuvaaciviro suufenitimo jibogomoro iimaahicaumo Jesucristotí Moocaani ijafaño, bu iijanofaño icano.

6

Diaconomiti Ficuumo. (1 Ti 3.8-13)

¹ Jaasumi imiyaavogomo sihidí guiraatomoro feehicauhi. Jaamoti saatoho griegomi iijiri ihimaamo judiomí iijiri iimaamoditi sisifiratumoro noocasiuhi: Mofibajitoco imino moonihicatimo amachusumi, noomoro.

² Jaanegui motihaití miimisiici idímo minisuminaa iicaumo, paryí miyaavogominaaco iigaiyiciumoro nuuhi: Imijitiruno miihai Moocaani iijico mijibogonoco mejeevesumoro machutaaco mahacino.³ Jaaneguiha fañi, amiihaifeenetí iimihuemetí mihicí sahuse juugahusetí miimisiici idíno Moocaani Gaija ijeebiifaño agahaficinimoti. Jaamoro toonofa mifiku ijeechievequi.⁴ Jaanoti miihai Moocaanim iimaamoro mijibegueji Moocaani iijico, noomoro.

⁵ Jaanoco paryí iimugumoro iciumo Esteba onooboco ijeebiifaño miyaavogo, Moocaani Gaija icano agahaficiniboco, bu Felipeque, Procoroco, Nicanoroco, Tiomooco, Parmenaco, Nicolo antioquiaobo, juidomi iijico agaayiciuboco icano.⁶ Jaamoco sivaumo minisuminaajaago. Jaamohallivi ihuseneque ificuumoro Moocaanim iimaumo.

⁷ Jaanaa Moocaani iiji janaaniciviro jusinoro feehicauhi. Jaaneri Jerusalevi sihidí guiraatehicaumo miyaavogominaa tolliro sihidí juidomiti sacerdotemí Cristoco gaayicihicauhi.

Esteba Onooboco Civojanimo.

⁸ Estebafaño sihidí Moocaani mitya icahicauhi sihidí imiyaavogomaño Moocaani noojiri sihidí mityanoco miyaminaafeeneví moonihicaubo.

⁹ Jaanaa sinagogaja momo Taajaminaaja onooja. Taajaoto cireneminaa, bu alejandriaminaa, Cilicia jiinijeminaa, Asia jiinijeminaa icamo ticovauhi Estebama ejenaaucusiumo.¹⁰ Jaarumo diibovi ifetehicautihi Moocaani Gaija diiboco sihidí gaajaco aacineri ihiimaahicaumaño.

¹¹ Jaanoma iicamo iimitimoco tajibaumo ibañiqui: Mihihi mugubuuhi Moiseti, Moocaaniti icano imitino ihiimaaboco, noomoro ineequi.

¹² Jilliti Estebahallivi miyaminaaco sisifiratusumo quillahutoco,

caatiniminaaco icano. Jaamoro asaaumoro diiboco agaayiciumoro satyuumo fagominaa imega. ¹³ Jaamoro diibohallivi saatohoco ficuuhi sicamañooco ibañiqui: Jaani aivo suufenihicatihi Moocaani iija templojati, Moise tajibati icano iminootino ihiimaabo. ¹⁴ Jaabadirova diibo Jesu Nazareoobo toojaco ifinisuboro mihaiico Moise atajibauno mojeevamaajequeva buunanijiibonoonoco mugubuhi, noomoro.

¹⁵ Jaanegui paryi fagominaa Estebaco emeeciümo atyimeuhi ihimeque Moocaani tomominaafi imebadi jeevahimeque.

7

Esteba Onoobo Fagominaa Imefeene Iimaahi.

¹ Jaanegui sacerdotemi aivojibbo Estebaco dilluuhi: ¿Naava miyaano paryi jino diito onoono? nooboro.

² Jaanegui diibo iimusuuhi: Amihai agaijino nahabomi, bu amihai caanimihai icamo, uco mugubu. Miyo Moocaani ihaivojima buhugaavuhi Mootadi Abrahamvi Mesopotamia jiinijeri iicausumi Haran jiinijevi fuutibaacaro. ³ Jaaboo diiboco nuuhi: Diijiinijeque deeesu paryi diyotoma. Jaaboro difo ico uuoho ijibeguejino jiinijeaagoví, nooboro. ⁴ Jaaneguiha Abraham fuuhi Caldea jiinijeti. Jaaboro icatuubo Haran jiinijevi jahi caani chuumuuhi. Jaadi Moocaani Abrahamco sivauhi jino jiinijevi jino amihai jisu mihicajevi.

⁵ Jaaruuboco jinejebati aciuiboo jiinijebaco itihaiico ificujirumañobaco. Jaaruubo diiboco aciguuhu iguijevenebuuna diseemedi iicaqui, nooboro. Jaarunaa tusumi Abraham iseemenebama chahaunaaca

⁶ Moocaani diiboco nuuhi: Diiyaachimihai sita jiinijehallivi icaji sitafeenevi. Jaamoco jijuvusujimo. Jaamoro imitino moonijimo cuatro cientodi ficabava ticovovi, nooboro. ⁷ Jaaboro bu nuubo Moocaani: Jaaru jiinijeminaaco uujoho mooniji diitoco ijijuvusu jiinijeque. Jaadi tahigoti asaamoro uco jeecivejimo jimañovi, nooboro. ⁸ Moocaani ijico aciuhi Abrahamco iimeeheque iquiticiqui Moocaani unuubadi. Jaaneguiha Abraham Isaaco eseemevausumi iimeeheque quiticiubo juugahuseti mifucuci, safucu icanoti. Jaabadiro bu Isaac mooniuhi Jacobco eseemevausumi. Jaabadiro Jacob mooniuhi iseemeque Israel cuumiva mothaiti miicuumicidimo iicajimo caanimihai.

⁹ Jaamo diito Jacob seeme moheedete iicamo inahabo Joseque jiheweuhu. Jaamoro sitaaco naajeumo. Jaaboco Egipto jiinijevi satyumo. Jaaruuboma Moocaani icaushi. ¹⁰ Jaaboro diiboco ihidaasuti ataajasuboro sihidi diiboco gaajati aciuhi. Jaanoma iicaubo Egipto aivojibbo diiboco sihidi agaijuboro Egipto aivojiboti ficuuhi, tolliro bu iija aivojiboti ficuuhi icano.

¹¹ Jaanobuunati paryi ajeba icaushi Egipto jiinijevi, Canaan jiinijevi icano. Jaaneri moheedetemihai idaasuno machutabama chahauhi.

¹² Jaanaa Jacob guubuuhi Egiptovi machutaaco ucuuhuniuno iicaunoco. Jaaboro iseemeque tahi galluubo moheedetemihai iicaumoco jilliti fuumo tahigo aivo iticoni. ¹³ Jaanohallivi ufuumovi Jose inahabomivi ihimeque imino jafeniuhi. Jaanoti jari Egipto aivojibbo gaajauhi Jose yotoco. ¹⁴ Jaanobuunati Jose caanico cuuhuvauhi paryi famooro iyotoma setenta y cincodimoma. ¹⁵ Jilliti Jacob icatuushi Egipto jiinijevi jahigo guijeveubo. Jahi tolliro moheedete paryi guijeveuhu. ¹⁶ Jaamo

bacinoco buunati asatyumoro ciituumo Siquem onoomañoñvi Abraham Hamor seemeti nihibamiri anaajeuciñhojifaño.

¹⁷ Jaanaa Moocaani Abrahamco unuuno ifiitivucuudi Egiptovi Israel cuumi sihidiro ifiivuumo guiraatucuuh. ¹⁸ Jaasumi Egiptovi bohaivojiñbo icauh Joseque agaajautiñbo. ¹⁹ Jaabo muucuumiotoco abañiuboro idaasuno mooniuhi moheedeteque atajibaubo iseemeque ijeevesuqui bohono ifiivomo iguijevequi, nooboro. ²⁰ Jaasumi Moise fiivuhi. Jaabo Moocaanidi ovosiñuhi. Jaaboco caanimi jaahetumuuh minihibaci, sanihiba icanohachuta. ²¹ Jaasumi ejeevesuuboco Egipto aivojiñbo aicigai aatyimeugoro iicuboco fiivusuuh iseemenebad. ²² Jaamaño Moiseque egyptominaa paryi agajanoco jibuguumo. Jaamaño mityano ihimaaboro icahicaubo.

²³ Jaabo cuarentadi ficabava iicacuudi imogooboro fuubo iyoto israelminaaco emeecitoobo. ²⁴ Jahi jaabo atyimeuhi saafi egyptominaafi Israel cuumiooboco idaasuno omooniuñoco. Jaabohalliti Moise ijadaco ihiciqui diiboco gaicaauhi. ²⁵ Jaabo esamaaihicauh: Tayoto israelmina fine gaajacuumo uujohofeedi Moocaani diitoco ataajasujinoco, nooboro. Jaarunoco iyoto gaajaciutih. ²⁶ Jaano sesevedi Moise atyimeuhi samisi Israel cuumiotisi omoonicasiusnoco. Jaamisico faguubo: ¿Collahi jaamisi samisiro mahamocasihi musuufenicas? nooboro. ²⁷ Jaanegui inahaboco ahaamiubo Moiseque ichimucaruuboro nuuhi: ¿Mijoho ico mohallivi aivojiñboti, fagominaafiti icano fikuhi? ²⁸ ¿Nacu uco gaicaaujirahi iiji egipcioco agaicaauhinibadi? nooboro. ²⁹ Jillidiboco onoonoco uguubuuboro Moise gaauhi. Jaaboro fuubo Madia jiinjеви. Jahi misecico gaifiimisico seemevaubo siicumifeenevi.

³⁰ Jaabovi cuarentadi ficabavabuunati sicaihigovi Sinai gaji fiitino Moocaani toomominaafi jafeveuhi ciijigaiguihu imohogayihallidi jiganofeedi. ³¹ Jaanoco aatyimeuboro Moise jabafituuh. Jaaboro faño imino ihatyimequi ifiitivuubo guubuuhi Moocaani icooco: ³² Uujoho Moocaani, dihedeete Abraham, Isaac, Jacob icamo uco ejeeçivuubo onoonoco. Jaaneri Moise sihidi veveveve igituuboro meeciutih. ³³ Jaaboco Moocaani nuuhi: Ditihaipaajeque dujuuvoo jino uujooho Moocaani iicamaño imino jiinje. ³⁴ Uujoho atyimecuuhi taacuumiminaa idaasuno Egiptovi iicanoco idaasuno acanifonoco guubuucuuh. Jaanegui niitehi diitoco taajasuqui. Jaanegui difo ico Egiptovi galluuh, nooboro.

³⁵ Moiseque diito itihsuumoro: ¿Mijoho ico aivojiñboti, fagominaafiti icano mohallivi fikuhi? unuuboco Moocaani galluuh aivojiñboti, taa-jasuminaafiti, Moocaani toomominaafi imohogayihallidi ciijigaiguihu jiganoco aatyimeunofeedi. ³⁶ Jaabo Moise Egiptoti moheedeteque iinusuuhi sihidi ejeevano mityaco Egipto jiinjеви Tifai Muuaifeenevi omooniuñuboro. Tolliro sicaihigofeenevi cuarentadi ficabava ticovovi mooniubo. ³⁷ Jaabo diiboro Moise israelmico nuuhi: Moocaani galluji amihaidi iimaaminaafico amihai nahabomifeenet uco iicabadi. Jaaboco: Jii, meneeji, nooboro. ³⁸ Jaabo Moise sicaihigofeenevi igaiomyiciumofeeneri iicaubo. Sinai gajivi Moocaani toomominaafi diboma ihimaubo moheedeteferri iicaubo. Jaabo fiivo iimaaco miñhaidi agaayiciubo.

³⁹ Jaaruuboco moheedete: Miyaano, nootimo Moocaanico imuguutimo. Jaamoro ijebiñnofañodi imuguumo Egiptovi dojicuviro

uuminoco.⁴⁰ Jaamoro Aaronco nuumo: Mihamiguehi miihaidi diosmico edeetavonoco mohimega isiiguequi. Magaajathi millihacho Moise miihaico Egipto jiinjeti isivahiniiboo icaahi,⁴¹ noomoro oroco iiicumoro niivigai seemenet iheetavumoro asimico gaisiraiciumo ihijinita jecicivoti. Jaamoro diibohallivi imo imo icaumo ihuse eetavotahallivi.⁴² Jaanoma iicaubo Moocaani diitoti buhigovi minifutuuhi. Jaaboro diitoco niquejeo meeciricoro jecicibusuubo. Jilli Moocaani iimaaminaa aamefaño noocinino:

¿Nacu amiihai Israel miyaminaa uco mejeecivequi asimico magaisir-
aciuhu cuarentadi ficabava ticovovi sicaihigovi?⁴³ Tollu icatino.
Jilli Moloc onooboco dios noomoro, magaayiciuhu. Tolliro Refan
onoobo meecirigaico magaayiciuhu amiihairyo mihijininehejeque
mejeecivehicauhu. Jaanoma iicaabo uuoho amiihaico amiihai
jiinjeti sihi tehesino gañiji Babilonia janaanicivi, nooboro.

⁴⁴ Miilo moheedete Egipto jiinjeti agaaumo Moocaani unuuneguiiha
jiinijejaagovi imevaurumo sicaisituviro icahicaumo iigomoro.* Ja-
mañeri Moocaani iijama iicaumo toojafaño tajiba guisiba bujeque ifi-
cuhicauja. Jaaja eetavociniuhu Moocaani Moiseque iffusuboro: Jilli
jei deetavo, unuubadi. ⁴⁵ Jaajaco moheedete gaayiciuhu. Jaamoro Jo-
suema ufuusumi satyuumo sita jiinjeneque udumitiicituusumi juvivu-
umo. Moocaani diito imegati agaasuumo jiinjeque. Jilli iicaunaa David
fiivuhi. ⁴⁶ Jaabo David Moocaani imefeenevi imihuene icauhu. Jaabo
eedeebe Jacob Moocaanico miyaavuguuhu. Jaaneguiiha David Moocaani
iijaco eetavuujiruubo Moocaani toojafaño iicaqui. ⁴⁷ Jaajaco Salomon
eetavuuhu Moocaani iijaco. ⁴⁸ Jaarunaa Moocaani caamovono iicaabo
miyaminaa userio eetavotajafaño icatihi. Ihiimaaminaafi unuubadi:
⁴⁹ Niqueje tagicinita jiinije tatyihai jaguisisuta. ¿Jineje iijaco uudi mehee-
taveji? noobo Moocaani. ¿Nacu comañovi uuoho jaguisiji?⁵⁰ ¿Nacu
uuoho tahuseri paryi fanoovaco eetavehinitihi? nooboro.

⁵¹ Jaano icanaaca amiihai aivo jihovoto, amiihai Moocaanico agaa-
jatimobadi, cuhufono aivo amiihai jeebii, amiihai nohojino, amiihai aivo
Moocaani Gaijaco mejenaauhicahi. Amiihai caanimihai iicaubadiro
amiihai momoonihicahi. ⁵² ¿Cojibogominaafico nacu amiihai edeete
idaasuno mooniutih? Diito gaisiraiciuhu siicijetiro diibo Iimiibo asaau-
jinoco ijibuguumoco. Jaabo jino diibo asaaboco amiihai mahacimoro
magaicaausuhi. ⁵³ Amiihai Moocaani toomominaafeenedi tajibaco ma-
gaayichinirumo miyaano meneehicatihi, nooboro.

Esteba Onooboco Gujeniumo.

⁵⁴ Jilli diibo unuunoco uguubuumoro sihidi isifiratumoro igaiñooco
ojisumo Estebajaago. ⁵⁵ Jaarunaa Estebafaño Moocaani Gaija
gahaficiniboo caamo niquejeque emeeciubo Moocaani imi aricucho
atyimeuhu Jesu Moocaani miyanaagueneri julleeciniboma.

⁵⁶ Jaaboro nuuhi: ¡Memeeci! Niqueje afayacafotonoco atyimehi
Miyaminaafibadi Ifiivuubo Moocaani miyanaagonovi icaaboma,
nooboro.

⁵⁷ Jaarunaa diito inohojinoco cuhufono afabaacuumoro sefano
coovadiivuhi. ⁵⁸ Jaamoro diiboco itigabaacuumoro tuucuumiti
buhigovi satyuumo. Jaamoro saafi sicafefi Saulo onooboco

* ^{7:44} Toono jibogogayi Exodohaamefaño iicabogocoro jimañovi ficuuhu imino igaajaquí.

igaachehunoco utuumusumoro diiboco guisibaneri aamiumo. ⁵⁹ Jaabo diiboco aamimaaca Moocaanima iimaaubo Esteba: Aivojibbo Jesu, tagajaco gaayici, nooboro.

⁶⁰ Jaadi ememuivuuboro sefano gaihivuubo: Aivojibbo, jino imitico diitohallivi fikuudino, nooboro guijevecuubo.

8

Saulo Miyaavogominaaco Bucasihi.

(Ga 1.13-14)

¹ Jaamo diiboco agaicaumofañodi Saulo icaahi. Jaamo tufucuro ticovacuumo Cristoco imiyaavogomoco idaasuno omooniumo Jerusalevi.

Jaanoti gaaciniumo fahigovavi Judea cuumineri, Samaria cuumineri icano idimoro minisuminaa fitafutuuhi. ² Jaanaa Estebaco saatoho iimihusene gaifimi iciumoro sihidi taaumo. ³ Jaano ticovo Saulo Cristoco imiyaavogomoco bucasiiboro feehicauhi iijanofañodi feehicaubo gaifimi, gaigoomi icamoco iiçiboro civojafaño isatyequi.

Moocaani Iijico Samariavi Jibogomo.

⁴ Jaanaa Jerusaleti ofoocinimo Moocaani ijico jibogomoro fahigovadi feehicauhi. ⁵ Felipe Samaria jiinjeri iicacuumivi ufuuboro tuucuumivi Cristoti jibeguehicaubo. ⁶ Jaanoco sihidi miyaminaa igaivomoro guubunichihaumo Felipe ijibogonoco, sihidi ejeevano mityaco omooninoco atiyimemere icano. ⁷ Bu sihidi ijimima iicamoco buheetesuhicaubo. Jaamo ihijimi diitoti iinehicauhi gaibacini moro, bu ifiino isifañineri iigotimehejeque buheesuhicaubo, itihaiño ifilluumoco buheesuhicaubo icano. ⁸ Jilliti tuucuumio miyaminaa imo imo icahicauhi.

⁹ Jaanaa tolliro tuucuumiri icaubo Simon onoobo apichuminaafi iticoni ihapichuco omooniboro Samaria miyaminaaco abañihicaubo: Aivo uujojo miyaabo, nooboro. ¹⁰ Jilliti famoro diiboco guubunichihauchi ihaivojitejemaryo. Jaamoro neehicaumo: Jaani aivo miyaano Moocaani mitya, noomoro.

¹¹ Jaabo onoonoco miyaano neehicaumo siicijetiro ihapichuri diitoco abañihicaumaño. ¹² Jaarunaa Moocaani jibogoco Cristoti Felipe diitoco ijibuguunegui gaifimi, gaigoomi icamo imiyaavuguumoro nitisuquimaaiuhi. ¹³ Jaanoma iicaubo Simon imiyaavuguumoro nitisuquimaaiuhi. Jaaboro Felipema gataavuubo sihidi ejeevano mityaco, bu ifusunoco icano omoonihicaunerai ajabafiuuboro.

¹⁴ Jaanoco minisuminaa Jerusaleri iicaumo guubuhi samariaminaa Moocaani jibogoco agaayiciunoco. Jaanegui tahi Pedro, Jua icamisico galluumo. ¹⁵ Jaamisi tahi ifutuudi Moocaanima iimaaumisi Samaria miyaminaa Moocaani ijico imiyaavuguumohallivi, Moocaani Gaijaco diito igaayiciqui. ¹⁶ Tusumihiica saatohoba diitoti Moocaani Gaijaco gaayiciutihiica; Jilliro nitisuquimaaiumo Aivojibbo Jesu momofeedi. ¹⁷ Jaadi Pedromisi diitohallivi ihuseneque ificuunerai jari Moocaani Gaijaco gaayiciumo.

¹⁸ Jaanoco Simon apichuminaafi minisuminaa miyaminaahallivi ihuseque ificuunerai Moocaani Gaija iniitehicaunoco aatyimeuboro nihibamico aciguubo: ¹⁹ Uco mahaci toono mityaco, tolliro uujojo

tahuseque saatohohallivi ificuumo Moocaani Gaijaco igaayicihicaqui, nooboro.

²⁰ Jaanegui Pedro diiboco nuuhi: Paryi dinihibamima ijohoh fini; Moocaani aacinoço nihibamiri magaayicihi, neehi fine. ²¹ Idi jino icatino jinofaño ijohoh diicatihi. Moocaani imefeene dijeebih ticovotih. ²² Toono dihimitico deeesu. Jaaboro Moocaanico dillu toono dijeebihfaño edeesamañoço ico buusujirubeheje. ²³ Miirro uujoho ico iifinicihi aivo sihidihimiti faafañofaño idiicanoco, aivo imitifaño cuuhuno isisicinicuunoco, nooboro.

²⁴ Jaanegui Simon apichuminaafi iimusuuhi: Moocaanima tahallivi mihiimaa. Toono uco monoonafoño idaasuno icadino, nooboro.

²⁵ Jaadi Pedromisi Jesuti, Moocaani iijiti icano ihimaahicaudi jiibeguehicaumisi taajasuhijico Samaria jiinije cuuminovi. Jaadi dojicuviro uumiumisi Jerusalejaago.

Felipe Etiopia Jiinijeminaafima.

²⁶ Jaanobuunati Felipeque Moocaani toomominaafi nuuhi: Gañivoobo, difo gadiciibahachuta Jerusaleti sicaihigo Gasa onoomañodi ofocinijiri, nooboro. ²⁷ Jaanegui Felipe agañivooboro ufuboo atyimeuhi gai-goooco agaajatiibo etiopiaoboco; aivojigo tajibaminaafi Candace onogo, etiopiaminaa aivojigo, nihibami ficuminaafi Jerusalevi Moocaanima ihimaaquifi ufuubovi. ²⁸ Jaabo dojicuviro ijiinijejaago uhuumiubo ijeejimi meenegafaño giciniiboro iifinicihicaahi Moocaani iimaaminaafi Isaia aameque. ²⁹ Jaanaa Moocaani Gaija Felipeque nuuhi: Fitiivo diibovi, nooboro.

³⁰ Jaanegui Felipe diibovi ifisitivuubo Isaia aameque ihimaasunoco gubuuhi. Jaanegui diiboco dilluubo: ¿Naa gaajahi toono idiimaasunoco? nooboro.

³¹ Jaanegui diiboco iimusubo: ¿Miijoho bu uco ijibegueneri gaajajirahi? nooboro Felipeque iicojivi coovaubo.

³² Jaano jilli toohaamefaño onoonoco iifiniciiboro feehicaubo, jilli noonoco:

Ovejaco igaicaauqui iicanicibadi satyuumo; ajashu ovejaco ijeeneque iquitimoguino iimaatiibo iicanicibadi diibo iimaautihi. ³³ Diiboco guinoniumo, miyaano iicatineri. Ifico agaicaaumoro jiinijehalliti gañiumo. ¿Jaabo iyaachimihaiti miijoho ijibeguejirahi? onoonoco.

³⁴ Jaaboro diibo ihetiopiaobo Felipeque dilluhi: Uco diibogo. ¿Miiditi jilli iimaabubo Moocaani iimaaminaafi, ifitiro nacu sifiti? nooboro.

³⁵ Jaanegui diibo ihimaasumañoti Felipe ticonihu Jesuti diiboco ijibuguubo. ³⁶ Jaamisi nifaihu iicaumañodi afatyuhijetiopiaobo Felipeque nuuhi: Jimaño nifaihu icahi fine uco nitijitirahi, nooboro.

³⁷ Jaanegui Felipe diiboco nuuhi: Paryi dijeebihmaryo imiyaavogohachiiji, nooboro.

Jaanegui diibo iimusuuhi: Miyaaveguehi Jesucristo Moocaani Achi iicanoco, nooboro.*

³⁸ Jaanegui imeenegaco jullehacusubo. Jaadi samisi teehifa inituudi Felipe diiboco nitihu. ³⁹ Jaanaa iteehifañoti ihinuudi Moocaani Gaija Felipeque satyuubi. Jaaboco ihetiopiaobo siino atyimecuutihu jilli imo imo fuucuubo ijihairi. ⁴⁰ Jaanaa Felipeque Azoto onoomañovi

* **8:37** Sahaamefaño toversiculoco ficutimo.

atyimeumo. Jaabo fuuhi tuucuumijeri taajasubogoco jibogooboro Ce-sareavi ifutuubo.

9

Jilli Saulo Moocaani Gaijari Fiivutuuhi.

(Hch 22.6-16; 26.9-18)

¹ Jaanohachuta Saulo suufenitiiboo Jesuco imiyaavogomoco gaicaaugoooboro feehicauhi. Jaaboro fuubo sacerdotem iivojiboojaago.

² Diiboco aameneque acaatiniiiboro ihaciqui Damasca sinagoga-jaminaafico ihaciteque. Jaaboro Jesu jibogo ijifañodi iicamoco

gaigoomi, gaifiimi icamoco isisiiiboro Jerusalevi civojafaño isatyequi.

³ Jaabo ufuubo Damascati fiitciuruubaaca imimañobati niquejefañoti diiboco achiciuno. ⁴ Jaaneri Saulo baaví aacutuubo guubuuhi niquejefañoti diiboco unuunoco: Saulo, Saulo, ¿collahi uco bucasih? unuunoco.

⁵ Jaanegui Saulo iimusuuhi: ¿Miijoho nacu ijoho aivojiboo? nooboro.

Jaanegui diiboco iimusuno: Uujoho diiboro Jesu ijoho uco ubucasi-ibo.*

⁶ Jaanegui Saulo iimusuuhi: Aivojiboo, ¿nacu milli iicanoco diimeguehi? nooboro.

Jaanegui diiboco nuuno: Gañiivoobo difo tuucumijaago tahí ico ijibeguequi omooniinoco, noonoro.

⁷ Jaaneri Sauloma ufuumo sihidí igutuuhi. Tollí onoonoco ugu-ubuumoro jaarumo miihaiñoobaco atyimeutihi. ⁸ Jaadi Saulo baati agañiivuudi emeeciuruubo atyimecuutihi. Jaanegui diiboco ihuseti agaayiciumoro Damascajaa satyuumo. ⁹ Jahi icaubo mifucuci, safucu idíino jinejebaco machutiiiboo, adutiiiboo, atyimetiiiboo icano.

¹⁰ Jaanaa Damascaví icaubo saafi Anania onoobo Cristoco imiyaaveg-uehicaubo. Jaaboví Jesu buhugaavuhi. ¡Anania! nooboro.

Jaanegui diiboo iimusuuhi: Juu icaahi Aivojiboo, nooboro.

¹¹ Jaanegui Aivojiboo diiboco nuuhi: Gañiivoobo difo jihai ticovojo onoojiri. Jaaboro Juda ijafa foobo dillu Saulo tarsoobo Moocaanima ihiimaaboco. ¹² Jaabo gaijafaño Anania onooboco atyimehi asaaboro ihuseque ifihalliví ificuunerí siino aatyimeneque, nooboro.

¹³ Jaanegui Anania nuuhi: Aivojiboo, famoova uco diiboti jibeguehicahi paryí Jerusalevi ico imiyaavogomoco imitino omooniicanoco. ¹⁴ Toonegui saabo juuga sacerdotem iivojito ijima paryí dimomoco imiyaavogomoco isisiqui, nooboro.

¹⁵ Jaaruna Jesu diiboco nuuhi: Difo, diiboco uujoho iicicuubo si-ijinijeminaaco ihaivojitoce tolliro israelmi icamoco taajico ijibeguequi. ¹⁶ Jaaboco uujoho gaajasuji tahalliti sihidí idaasuno iicajinoco, nooboro.

¹⁷ Jaanegui Anania ufuuboro Saulo iicauhigo jicafutuubo. Jaaboro ihuseque ihalliví ificuuboro diiboco nuubo: Nahabo Saulo, Aivojiboo Jesu iivi jihaivi asaahinisu ajafevehiniiboo uco dija galluuhi, jaabo siino daatyimehi, jaabo Moocaani Gaijaco gaayicíhi icano, nooboro.

¹⁸ Jaasumiyo Saulo aallifañoti aifuuno taavaabo meehebadí jeevano. Jaasumiyo Saulo agañiivuuboro nitisuquimaaiubo. ¹⁹ Jaadi jari siino

* ^{9:5} Sahaamefaño janaanicí jilli ficuumo: Iro difico daivuvusuhi oono Buey ihabajaabo imogobadí iicanoco imogotiboro iinoro fegai nijequaque itivadiivooboro icanicibadi, nooboro, onoonoco.

amachuudi sefatuubo. Jaadi gueenejisuno icaubo Damascavi Cristoco imiyaavogomoma.

Damascavi Saulo Jibeguehi.

²⁰ Jaasumitiro Saulo jicafutuhi sinagogajanofaño ijibogoobo: Jesu Moocaani Achi, nooboro. ²¹ Jaanoco paryi uguubuumo ajabafitomoro neehicaahi: ¿Nacu jaani icatiibbo Jerusalevi Jesu momoco imiyaavogomoco idaasuno omoonihicaubo icatino? Miilo tooneguita juu saahiniibbo jimañootoco isisiiboro sacerdotem i aivojitojaago isatyequi. noomoro.

²² Jaarunaa Saulo gaajano jibeguehicaahi Jesucristo iicanoco. Jaabo Damascavi iicamo judiomico ihimaaari mitasuhicaubo.

Saulo Judiomiti Taajahi.

²³ Jaanobuunati goovacuutinoti sanoomiro judiom iimaacasiuhi Sauloco igaicaauqui. ²⁴ Jaamoro fucuhachuta, cuujehachuta icano tuucuumi guhugaco casicuhicaumo diiboco igaicaauqui. Jaanoco Saulo gaajaciuh. ²⁵ Jaanegui miyaavogominaa jiiibaifaño diiboco ijihacuumoro fucu tuucuumi mecuhallidi baavi iniitusuner taajaubo.

²⁶ Jaadi Saulo Jerusalevi ifutuudi tomaño miyaavogominaama igataavequi mooniuruubo. Jaarunaaca diiboco nihicuguumo: Fine miyaavogominaafi icatiibehiica, noomoro. ²⁷ Jaarunaa Bernabe diiboco minisuminaajaa saatuuhi. Jaaboro diitoco jibuguubo Saulo jihaii Cristoco aatyimeuboro uguubuunoco, Damascavi Cristot nihicugotibbo ijibeguehicaunoco icano.

²⁸ Jaadi jari Saulo Jerusalevi ifitafutuudi diitoma gataavuubo. ²⁹ Jaabo nihicugotibbo Jesucristot iimaahicaubo. Judiom, griego iijiri ihimaahicaumoma jenaaucasiiboro feehicaubo. Jaanoma iicamo diiboco gaacauguumo. ³⁰ Jaanoco inahabomi agaajaciumoro Sauloco satyuumo Cesareavi. Jaamañoti diiboco Tarsov galluumo.

³¹ Jaamaño faacuumivavi miyaavogominaa famooro imino icacuhi, judeaoto, galileaoto, samariaoto icamo quehecutomoro feehicaahi Moocaani nihicufaño icamoro, Moocaani Gaija aamusuneri guiraatomoro feehicaumo.

Enea Onooboco Buheetesuhi.

³² Jaasumi Pedro inahabomico meeciboro efeehicaubo ifutuhi Lidavi, tomañeri iicamoco emeecituubo. ³³ Jahi atyimeubo Enea onooboco ifi iniinovaneri sahuse juugahuseti mifocabaci, saficaba icano ticovovi igotibbo iicahicauboco. Jaabo icigaijefafañoro siuciniboco. ³⁴ Jaaboco Pedro nuuhi: Enea Jesucristo ico buheesuhi, gañiivoobo dicigaijeque dimibachu, nooboro.

Jaasumi Pedro inahabomico meeciboro efeehicaubo ifutuhi Lidavi, tomañeri iicamoco emeecituubo. ³⁵ Jaanoco paryi lidaminaa, sarominaa icamo aatyimeumoro iheedehijico ejeevesuumoro Cristoco miyaavuguumo.

Dorca Iguijevegueque Buheetesuhi.

³⁶ Jaasumi Jope cuumivi icaugo Cristo miyaavogominaago Tabita imomo iicagoco griegomi iijiri Dorca eneehicaugo. Jaago imino miyaminaaco moonihicaahi idaasumehejeque sinehejeque acihicaugo. ³⁷ Jaasumi Dorca iguihuvaugo guijkeveuhi. Jaagoco imino ejeesuumoro caamo iicamecufaño ficuumo. ³⁸ Jaanaa Jope cuumi, Lida cuumiti fiitihuhi. Jaacuumiri Pedro iicaunoco miyaavogominaa uguubuumoro

miimisiicico gallumo diibogaago ijibeguetequi: Jopevi goovano disaa, noomoro.

³⁹ Jaanegui Pedro diitísima fuuhi. Jaabo iifutuudi Dorca ifi icahigovi diiboco satyumo. Jaabohallidi paryi fibajito gaigoomi meeciguuhi taamoro igaachehunoco Dorca ubuheesusumi diitedi eheetavehicaunoco ifusuhicaumo. ⁴⁰ Jaanegui Pedro paryi famoocoro jahisi iinusuhi. Jaadi ememuiivuuboro Moocaanima iimaaubo. Jaaboro diigo chuumuhuco emeeciuboro nuuhi: Tabita gañiivo, nooboro.

Jaasumiro emeeciugo Pedroco aatyimeugoro casiivuuhi. ⁴¹ Jaanegui ihuseti diigoco agaayiciuboro gañiyiciubo. Jaaboro inahabomi, bu fibajito icamoco ocoovauboro iifusuubo buheecuugoco. ⁴² Jaanoco paryi Jope cuumiminaa uguubumoro saatoho sihidi Cristoco miyaavuguuhi. ⁴³ Jaadi Pedro tuucuumivi gueenene icaahi asimimeehene imibachuminaafi Simon onoobo ijafáño.

10

Cornelio Onoobo Pedroco Cuuhuvahia.

¹ Jaanaa Cesarea cuumiri icaubo Cornelio onoobo italianomi Amocasiminaa onoomo aivojibo. ² Jaabo paryi iijaminaama Moocaani nihicufaño icahicaahi. Jaabo sihidi nihibamico acihicaubo judiomiguiha iidaasumoco ihamusuqui. Jaabo saicino Moocaanima iimaahicauhi. ³ Jaanaa safucu imohonohalliti nihiba iicaaberri gaijafaño imino atyimeubo Moocaani toomominaafi diibojaa asaaunoco. Jaabo diiboco: ¡Cornelio! noovaubo.

⁴ Jaaneri Cornelio sihidi iigutuuboro diiboco ihiifiniciuboro dilluuhi: ¿Milli Aivojibo? nooboro.

Jaanegui itoomominaafi diiboco nuuhi: Moocaanima idiimaahicanoco guubuucuubo, judiomí iidaasumoco adaamusuhicanoco gajacuubo icano. ⁵ Jaanegui gallu Jope cuumivi saatohotí Simon Pedroco ihicitequi. ⁶ Oono Simon onoobo asimimeehene imibachuminaafi iija muuaijiniri iicajafaño iicaaboco. Jaabo ico jibegueji omoonijinoco, nooboro.

⁷ Jaanegui itoomominaafi diiboma ihiimauboro ufuunobuunati Cornelio coovauhi saafi soldaomioboco Moocaani iijiminaafi inahaboniminaafico, bu miimisiicci iicojiminaatisima. ⁸ Jaaboro diitoco imino ijibuguuboro Jopevi galluubo.

⁹ Jaano seseivedi diito Jopeti fiiticuunaaca Pedro caamovi fuuhi iijahallivi gadiciiba Moocaanima ihiimaQUI. ¹⁰ Jaaboco sihidi ajeba aivuuneguiha imachuqui diibedi eheetavuumaaaca gajaco atyimeubo, ¹¹ niqueje afaayacafotonofañoti niituuno baavi gaachehubaryuty:gababadi jeevano fahigovati duujecinino. ¹² Jaanofaño faaboho asimi icaahi igueenemeheje itihaiño iicameheje, faaboho joomi, faaboho jiinimomi icano. ¹³ Jaanaa Pedro guubuuhu niquejefañoti diiboco unuunoco: Pedro, gañiivohi diitoti gaicaaubo diidu, onoonoco.

¹⁴ Jaanegui Pedro iimusuuhi: Chahano Aivojibo, uujoHO duutatihí jihovonoco idicunoco, nooboro.

¹⁵ Jaanegui siino diiboco nuuno: Moocaani: Imino, onoonoco ijoho: Idicuno, needino, noonoro.

¹⁶ Mifooci, safo icano iniituunoro caamo niquejefaño fuucuuno.
¹⁷ Jaano esamaajeri Pedro: ¿Milli fine eneejiruno? nooboro icaunaaca Cornelio agalluumo Simon ijaco dilluumoro ufuumo iguhugavi ifutuuh. ¹⁸ Jaamoro sefano dillumo: ¿Naa jijafaño Simon Pedro onoobo icaahi? noomoro. ¹⁹ Jaanaa Pedro gaijaco aatyimeuno esamaajeri icauboco Moocaani Gaija nuuhi: Meeci johono miimisiici, saafi icamo ico guinehehi. ²⁰ Gañivo. Jaaboro niitoobo bañimo nootibbo diitoma difo. Uujoho diitoco agalluumo, nooboro.

²¹ Jaanegui Pedro niituuh baaví Cornelio agalluumojaago. Jaaboro diitoco nuubo: Uco amiihai miguiinehi. ¿Jaamo jinejefiri masaahi? nooboro.

²² Jaanegui diiboco nuumo: Aivojibbo Cornelio agalluumeguiha. Imihuseebe Moocaani ñihicufa iicaabo. Jaaboco famooro judiomí agaijibbo. Jaaboco Moocaani toomomináafi nuuhi: Pedroco cuuhuva. Jaabo ijico guubuuhi, eneeneguiha masaahi, noomoro.

²³ Jaanegui Pedro diitoco jaahevesuuhi. Jaamo tufucu toono diiboma cigaumo. Jaano seseivedi Pedro diitoma fuuhi. Jaaboma saatoho inahabomi gataavuuhi Joperi iicaumo.

²⁴ Jaano seseivedi iifutuumo Cesareavi Cornelio iyotoma igataavominaaco iigaiyiciumoma diitoco utuumuuhigo. ²⁵ Jaanaa Pedro Cornelio ijaví iifutuuh. Jaaboco Cornelio idilluuboro iguiino memuiivuubo Pedroco iimequi. ²⁶ Jaarunaa Pedro diiboco gañiyicuhi: Dulleve, uujoho tolliro iibadiro miyaminaafi, nooboro.

²⁷ Jaaboma ihiimaaboro fañoojaví ufuboo atyimeuehi sihidí miyaminaa igaicinimoco. ²⁸ Jaanegui Pedro nuuhi: Amiihairyo magaajahi sacerdotemí neefihi imijitiruno judiomioobo siicuuornelio ijaví iifutuuh. Jaaboco Cornelio idilluuboro iguiino memuiivuubo miooboma agataavooboro diibo ijafá ofoono onoonicinoco. Jaarunofaño uco Moocaani jibeguehi sitaaco idicumo mihinivamo needino, nooboro. ²⁹ Jaaneguiha amiihai uco mucuuhuvanoco milli nootibbo saahi. ¿Jaamo jinejeguiha uco mucuuhuvahí? nooboro.

³⁰ Jaanegui Cornelio iimusuuhi: Igueenemeheje fucuva mihicacuhi jisumi ñihiba icaaberí jaahe machutibbo ijicuuví Moocaanima iimaanaaca uuví jafevehiniibbo gaifi aricuchehufa jicinibbo. ³¹ Jaabo uco neehiníhi: Cornelio, Moocaani guubuuhi idiimaanoco gaajacuubo iidaasumoco adaamusuhicanoco. ³² Jaanegui gallu Jope cuumivi saatohotí Simon Pedroco ihicitequi asimeehene imibachuminaafi tolliro Simon onoobo iija muuajiniri iicajafa icaaboco. Jaabo asaadí iima iimaajiibbo, nooboro. ³³ Jaanegui galluhi tusumiro ico ihicitequi. Jaabo imino saahi. Jaanegui jino famooro Moocaani imefeene mihicahi. Moocaani ico atajibbanoco mihimeguehi mugubunoco, nooboro.

Cornelio Ijafaño Pedro Jibeguehi.

³⁴ Jaanegui Pedro ticonihu nooboro: Jari jisu gaajahi Moocaani sabadiro miyaminaaco agaijinoco. ³⁵ Sabadiro agaayicinoco fahigova miyaminaati diiboco ñihicugomoro imino iicamoco. ³⁶ Miíro Moocaani iimaauhi Israel cuumiminaaco sajeebi icano jibogoco ijibuguubo Jesucristo feenedi. Jaabo diibo famoo Aivojibbo. ³⁷ Amiihairyo imino magaajacuhi paryí judiomí jiinijevi iicaunoco. Miíro Jua jibogooboro initihicaunobuunati. ³⁸ Galileaví jilli ticovauno Moocaani Jesu

Nazareooboco Gaijaco imityama aciubo. Jaaneri feehicaubo imino mooniiboro iimitino ijima iicamoco taajasuboro feehicaubo. Jill mooniiboro feehicaubo Moocaani diiboma iicaumaño.³⁹ Jaanoco miihai magaajahi Jesu Jerusale cuumifaño, paryi Judea jiinijevi icano omoonihiacaunoco. Jaaboco agaicaaumoro imohobujevi teteccumo.⁴⁰ Jaaruuboco Moocaani buheetesuuhi mifucuci, safucu icanoti. Jaabo miihaiivi jafeveuhi.⁴¹ Jaaruno famooviro jafevetiiboo miihaiiviro jafeveubo miihaiico iticonitiro Moocaani toono gaajaminaati iiciumovi. Jaaboma miihai mamachumoro mahaduhicauhi iguijeveubo ubuheeteunobuunati.⁴² Jaabo miihaiico galluuhi miyaminaaco mijibeguequi Moocaani diiboco iguijevemehallivi, ubuheemehallivi icano Aivojiboti ificuunoco mijiibeguequi icano.⁴³ Tolliro famooro siicjetiro Moocaani iimaaminaa Jesuti iimaauhi: Paryi diiboco imiyaavogomo diibofeededti taajaji, noomoro. Jaanoco Pedro nuuhi.

Judiomi Icatirumo Moocaani Gaijaco Gaayicihi.

⁴⁴ Pedro ihimaunaacaro Moocaani Gaija niituuh paryi diibo jibogoco uguubuniciumohallivi.⁴⁵ Jaaneri sihidi jabafituumo judio miyaavogominaa Pedroma asaaumo, tolliro judiom icatirumoco, Moocaani Igaijaco aaciuneri,⁴⁶ bu tolliro sijiijeri ihimaamoro Moocaanic imehicaumo icanoco uguubuumoro.⁴⁷ Jaanegui Pedro nuuhi: Jaanegui, ¿mijohobu collahi neejirahi nifaihuri nitiratimo iicaqui miihaibadiro bu Moocaani Gaijaco agaayicicum? nooboro.

⁴⁸ Jaanegui tajibaubo diito initisuquimaaqui Jesucristo momofeededti. Jaadi Pedroco ifiitounegui diitoma gueenejisuno icaubo.

11

¹ Jaanaa saatoho minisuminaa, inahabom iamo Judeari iicaumo guubuuhi tolliro siicuumioto icarumo Moocaani jibogoco agaayiciunoco.

² Jaanaa Pedro Jerusalevi agaseuboco saatoho judiom miyaavogominaa itihisuumoro, nuuhi: ³ ¿Collahi judiom icatimojaago edeeguejeebere diitoma machuhi? noomoro.

⁴ Jaanegui Pedro diitoco jibuguuhi fanootiro nijequevi tah iicaunoco.

⁵ Jill nooboro: Uujoho Jope cuumivi iicahinisumi Moocaanima ihimaahiniiboo atyimehinihai gaijafaño gaachehubaryutyigababadi jeevanoco fahigovati duujecinino niquejefañot tajaa iniitonoco.⁶ Jaanegui imino atyimequi emeeciiboo atyimehinihai fanoo asimi igueenemeheje itihaiño iicamehejeque, ifihicuflimoco, jiinimomico, agahafomehejeque icano.⁷ Jaanaa niquejefañot uco onoonoco guubuuhi: Pedro gañiivo. Jaaboro diitoti gaisiraiciiboo diidu, onoonoco.⁸ Jaarunaa uujoho neehinihi: Chahano, Aivojiboo, uujoho duutatihi jihovono iidicunoco, nooboro.⁹ Jaanegui niquejefañot siino uco noono: Moocaani iimbachucuunoco ijoho: Idicuno, needino, noonoro.¹⁰ Jaanoro mifooci, safo icano niituuh. Jaanoro niquejefa siino fuucuuno.¹¹ Jaanaaca miimisiici, saafi icamo ifutuuh uujoho iicaujav uco iicivamo Cesarea cuumiti agallumo.¹² Jaanegui Moocaani Gaija uco diitoma galluuhi bañigotiboo difo, nooboro. Jaanegui sahuse juugahuseti saafi icamo uuma fuuhi. Jaamoma saafi ijafa majaaheveuhi.¹³ Jaabo miihaiico jibeguehi Moocaani tomominaafico aatyimehiniboo ujulleeveebere diiboco eneehininoco: Saatohot Jope cuumivi gallu Simon Pedro onooboco ihicitequi.¹⁴ Jaabo ico jibegueji diijaminaama ataajajinoco,

nooboro eneehininoco.¹⁵ Jaanegui uujoho ihiimaabo ticovahininaacaro Moocaani Gaija diitohallivi niitehinihi iticoni miihaihallivi iicaubadi.¹⁶ Jaanoti uujoho esafetehinihi Jesu unuunoco: Miyaano Jua nifaihuri nitiuhi. Jaanoti amiihai minitcafeteji Moocaani Gaijari, unuunoco.¹⁷ Miihai Aivojiibbo Jesucristoco mimiyaavuguusumi aacicuubadiro ditoco aacicuunoco. Jaanegui uujoho miyaminaafiro, ¿milli Moocaanico jenaaqjirahi? nooboro.

¹⁸ Jaanoco Jerusaleri iicaumo inahabomi uguubuumoro lliviuhi. Jaamoro Moocaanico imuomo: Jaanegui tolliro Moocaani siicuumioto icarumo iheedehifiico ejeevesumoco acihi ifinijitino ifico, noomoro.

Antioquia Cuumivi Moocaani Iija Iicano.

¹⁹ Esteba onooboco agaicaaunotiro saatoho miyaavogominaaco idaasuno omooniunoti sanoodimo gaaciniuhi Feniciaivi, Chiprevi, Antioquiaivi icano. Jahi jaamo Moocaani ijico jjibeguehicaahi saatohocoro judiomico sitaaco jjibogotimo.²⁰ Jaarunaa saatoho Chipre, Cirene icano miyaavogominaa Antioquia cuumivi iifutuomo judiomni icatirumoco jjibuguuhi Jesucristo Moocaani Achi jjibogoco.²¹ Jaamoma Moocaani mitya icahicauhi. Jaamaño sihidi saatoho iheedehijico ejeevesuumoro Aivojiibbo Jesuco miyaavuguumo.

²² Jaanoco Jerusaleri iicaja Moocaani iijaminaa uguubuumoro Bernabeque galluumo Antioquiaivi.²³ Jaabo Bernabe iifutuubo atyimeuhi Moocaani imihuseri diito imino iicanoco. Jaaneri imo imo iminfutuuboro diitoco fajiiubo sefano ijeebiico omooniomoro Aivojiibbo Jesucristo ijifañoro iicaqui.²⁴ Jaabo Bernabe imihuseebe Moocaani Gaija ijeebiifa icaabo sihidi miyaavogoobo. Jaamaño sihidi miyaminaaco Jesucristodi ictihicaubo.

²⁵ Jaanobunati Bernabe fuuhi Tarso cuumivi Sauloco iicituubo. Jaaboro Antioquiaivi satyuubo.²⁶ Jahi Cristoco imiyaavuguumoma icaumisi saficaba Antioquiaivi sihidi miyaminaaco jjibogomisiro. Jaamañovi iticoni Antioquiaivi momoniumo miyaavogominaaco Cristotati.

²⁷ Jaasumi Moocaani iimaaminaa Jerusaleti fuumo Antioquiaivi.²⁸ Jaanaa diitoti saafi Agabo onoobo inahabomifeenet iujulleeveuboro Moocaani Gaija diiboco unuunoco nuubo: Fanoo jjinjeviro aivo sihidi ajeba icaji, nooboro. Jaano icaahi aivojiibbo Claudio onoobo atajibausumi.²⁹ Jaanegui Antioquiari iicau miyaavogominaa esamaaumoro inahabomi Judeari iicaumoja nihibamico galluumo inehejema iicaudimo aaciunehejeque icano.³⁰ Tolliro bu Moocaani iija quillahutojaago galluumo nihibamico Bernabe, Saulo icamisima.

12

Cristotaco Idaasuno Moonimo.

¹ Jaasumi aivojiibbo Herode* ticoniuhi Cristotaco idaasuno omooniubo.² Jua nahabo Jacooboco aamigari gaicaausuubo.

³ Jaano judiomidi iimiunegui Herode Pedroco sisisuubo Pascua jjibaimosumi.⁴ Jaaboco isisisuuboro civojafaño ficusuubo. Jaaboco igueenemehejedihaiava icamo toomominaa teemehicaahi ifahaiva ticovovi igueenemehejedimova icamo. Jaaboco Pascuabuunati miyaminaa imfeenevi iinusuguubo.⁵ Jaabo Pedro civojafa icaaboco

* **12:1** Herode Agripa onoobo. Jaabo Herode Imityaaboo onoobo iyaachi.

imino teemehicaumo. Jaarunaa Cristota diibohallivi suufenitimo Moocaanico dilluhicauhi.

Moocaani Pedroco Civojafañotí Inusushi.

⁶ Jaanaa Herode Pedroco miyaminaa imega ihiinusujino ijicuuviñofucu Pedro miimisiici soldaomisifeene cigahicauhi mihici jigañehiiciri sisiciniibbo tolliro saatoho icivoja guhuga imegaco teemehicaudi. ⁷ Jaanaa Moocaani toomominaafi icivojafaño jafevevauhi. Jaaneri paryi icivojafaño achicuhi. Jaadi Moocaani toomominaafi Pedroco imecuhuti ganiiçiuhi ihaiquequi. Goovano gañiivo, nooboro.

Jaasumiro Pedroti ijigaiñehi ihuseti acutuuhi.

⁸ Jaaboco Moocaani toomominaafi nuuhi: Diniivigai meeheque cuhufono siyaavoobo ditihapajeneque dicamaje, eneenegui Pedro jicamaaiuhi.

Jaadi siino Pedroco nuubo: Simon, diijeebutachehuco gafaivoobo tadyojicuti disaa, nooboro.

⁹ Jaanegui Pedro idojicuti saaushi: Fine jilli tigahi, nooboro itoomominaafi omooniñunoco. ¹⁰ Jaamisi ticoniuhu afatyumisi imegari iicautoomominaaco. Jaanohallivi iicaumoco icano afatyuudi ifutuumisi jigañio guhuga jahisivi ifotocinihugavi jaahuga iinoro faayacafutuuhi. Jaaneri ihiinuumisiro jiihairi fuumisi. Jaanaa itoomominaafi diiboti imimañobati sihi minifutuuhi.

¹¹ Jaadi jari Pedro imino eesafutuuboro nuuhi: Jari gaajacihi miyaano iicanoco. Moocaani jahi itoomominaafico galluuhi uco Herode useti, judiomti omooniñirunotí icano itaajasuqui, nooboro.

¹² Jaanoco esamaaiboro Pedro fuuhi Maria, Jua Marco onoobo seeji ijajaago. Jahi sihidti miyaminaa igaiciniuhu Moocaanima ihiimaaumo.

¹³ Jaabo ifutuuboro jahisio guhugaco tutucutuubo. Jaanegui bagocaja Rode onoogo iinuuhi: ¿Miijoho fine? noogoro emeecitogo. ¹⁴ Jaago Pedro ico iicanoco uguubuugoro imo imo iminifutuugoro iguhugaco faayiciutigoro jinafatyuugo ijibogotogo Pedro iguhuga imegavi iicaunoco. ¹⁵ Jaanegui diigoco nuumo: Jilli fine degavehi, noomoro.

Jaarunaa diigo: Miyaano, noogoro jenaauhicauhi.

Jaanegui nuumo: Diibo icatino fine jilli diibo gaija, noomoro.

¹⁶ Jaarunaa Pedro suufenitiibbo iguhugaco tutucuhicauhi. Jaanegui iguhugaco afayiciumo diiboco aatyimeumoro jabafituuhi. ¹⁷ Jaanegui Pedro diitoco ihuseri faguuli lliivi iicaqui. Jaaboro diitoco jiibuguubo Moocaani diiboco civojafañotí ihiinusuuñoco. Jaaboro jilli Jacooboco, saatoho monahabomico icano mijibogo, nooboro sihigovi fuubo.

¹⁸ Jaanaa meseseeveudi icivoja toomominaa ñaaivocasiuhi: ¿Milli Pedro cuuca icahi? noomoro. ¹⁹ Jaamoco Herode guinusuuhu. Jaarumo aatyimeutinegui diitoco: ¿Milli jana taajaabo? nooboro itoomominaaco gaisiraicisubo. Jaaboro Herode Judeati ufuuboro Cesarea cuumivi icatuubo.

Herode Guijevehi.

²⁰ Jaabo Herode sifiiratuuhu Tiro, Sidon icamo miyaminaajaago. Jaanegui diito sabadiro ihiimaaçasiumoro saaumo Herodejaago. Iticoni Herode iija aivojibbo Blasto onooboco nihibamico jaaduumo diitohallivi ihiimaaqu. Jaabofeedi Iherodeque dilluumo sajeebi iicaqui diibo jinijetí machutaaco agaayichicauneguiha. ²¹ Jaanegui Herode diitoco

tufucu jei masaa unuufucu, ihaivojí gaachehuco ijicafutuuboro ihaivojí gicinitafa casívuubo. Jaaboro diito imefeenevi iimaubo. ²² Jaaneri miyaminaa coovadiinamaaiuhí: Jino ihimaabo miyaminaafi icatiibó Moocaaniro! noomoro.

²³ Jaasumiro Moocaani toomominaafi diiboco chuumusuuhí Moocaanico iimuunoco diiboro agaayicíumaño. Jaasumiro guijeveubo jíjoho uduunerí.

²⁴ Jaano ticovo Moocaani iiji guiraatonoro feehicauhi fahigovadí ijibeguenerí.

²⁵ Jaadi Bernabemisi idudicamaajeque imivuudi Jerusaletí dojicuviro uhumiúumisi Jua Marco onooboco satyumiási.

13

Bernabe, Saulo Icamisi Ticonihi Siicuumijaa Ofoomisi.

¹ Jaanaa Moocaani iimaaminaa icaushi Antioquiari iicaja Moocaani ijafáño. Jaamou diito jíbogomináa Bernabe, Simon Cívucu onoobo, Lucio cireneobo, Manae onoobo Galilea aivojíbo Herode* cojívi ifivubo, Saulo icamo. ² Jaamo safucu igaivuumo Moocaanima machutimo iimaaqui. Jaamo machutimo Moocaanima ihiimaumaaca Moocaani Gaija nuuhi: Bernabe, Saulo icamisico ijeevadí uudi mudugaacu diitisico toono dudicamaajejaaa ucuhuvaunojaago, noonoro.

³ Jaanegui saatoho jíbogomináa machutimo Moocaanima ihiimaunobuunatí ihuseneque diitishallívi ificuumoro diitisico galluumo.

Jíbogomináa Chipre Chugaivi Jíbeguehi.

⁴ Jaamisico Moocaani Gaija agallunegui Bernabe, Sauloma icamisi fuuhi Seleucia cuumivi. Jaamañotí muuairi fuumisi Chipre chugaivi.

⁵ Jaamisi Salamina cuumivi ifutuudi judiomí sinagogajanofáño Moocaani ijíjico jíbeguehicaumisi. Jaamisima Jua Marco onoobo fuuhi diitisico ihamusuqui. ⁶ Jaamo tuchugairiro efeehicamo Pafo cuumivi ifutuuhí. Jahi atyimeumo judiomioobo BarJesu onoobo maaimoco. Jaabo bañihicauhi: Uujoho Moocaani iimaaminaafi, nooboro.

⁷ Jaamaaimo Sergio Paulo onoobo aivojíbo fanoovaco gaajaabo cojíri icahicauhi. Jaabo ihaivojíbo cuuhuvauhi Bernabe, Saulo icamisico Moocaani ijíjico iguubuqui. ⁸ Jaarunaa tomaaimo griego ijíjiri Elimas onoobo diitisico jenauhicaushi ihaivojíbo imiyaavugujiruneguiha.

⁹ Jaanegui Saulo icaruubo Pablo onoobo Moocaani Gaija ijeebífaño gahaficiniibó diiboco imino ihifiniciuboro nuuhi: ¹⁰ ¡Bañifiraminaafi ijí seemene idiicaabo, idiimitiibó miyaano jíheveminaafi idiicaabo! Iticovojí Moocaani jíhaico, ¿collíhi suufenítibó círyu círyu mooníboron diicahicahi? ¹¹ Jisu ico Moocaani use aamiji dihaallí ico ijaabavequi. Jaabo nihiba seseeque atyimetíbo diicahi queenene, nooboro.

Jaasumiro cívono diibedi minifutuuno aimuufaibadi. Jaaneri duduivi icaubo. Jaanegui saatohoco guiuuubo ihusetí agaayicímoró diiboco isatyequi. ¹² Jaanoco ihaivojíbo aatyimeuboro miyaavuguhi. Jaaboro Moocaani ijíjico ijibogonoco uguubuuboro eetyehicauhi.

Pablomi Pisidia Jíiníjeri Iicano Antioquiaivi Ifetehi.

* **13:1** Herode Antipa onoobo. Mc 6.14; Lc 3.1; Hch 4.22.

¹³ Jaadi Pablo mi amarero Pafo cuumiti ufuumo ifutuuhí Pergevi Panfilia jiinjevi. Jaamañovi Jua Marco onoobo diitisico ejeevesuboro uumiuhí dojicuviro Jerusalevi. ¹⁴ Jaanobuunati diitisi Pergeti fatyuuhí Antioquiavi Pisidia jiinjevi. Jahí judiomí jaguisisumi sinagogajafaño ufuumisiro casiivutuumisi. ¹⁵ Jaadi Moise tajiba aameneque, bu Moocaani iimaamina aameneque icano emeeciudi sinagogaja aivojito atajibaunegui dilluomo: Fañi, fagojibogoma mihicahachiji Miyaminaadi jisu mihiimaa, noomoro.

¹⁶ Jaanegui Pablo agañiuuboro ihuseri faguubo lliivi iicaqui. Jaaboro nuubo: Israel miyaminaa muguubu; amiihai tolliro Moocaani jeeчивоминаа. ¹⁷ Moocaanico amiihai Israel cuumiminaa mimiyavogoobo moheedeeteque iciuhi. Jaaboro diitoti ajashuti cuumi eetavuubo siicuumifeenevi Egipotori iicausumi. Jaadi toojiinijeti imityari diitoco iinusubo. ¹⁸ Jaadi Moocaani miimisiici ticosovi ficabano sicalhigo diitoco jaabiciuhi. ¹⁹ Jaaboro sahuse juugahuseti miicuumiici icano jiinje miyaminaaco Canaan jiinjevi ifinisuboro moheedeeteque ijiniijeneque aciubo. ²⁰ Jaadi cuatro ciento cincuentadi ficabavabuunati diitoco fagominaafeenedi tajibahicaubo. Jaanobuunati Moocaani iimaaminaafí Samuel iicausumi ²¹ Moocaanico dilluomo aivojiboti diitoco ihaciqui diitoco itajibahicaqui. Jaanegui Moocaani diitoco aciuhi miimisiici ficabanhachuta ticosovi aivojiboti Saul onooboco Sis onoobo achico, Benjamin cuumiooboco. ²² Jaadi Moocaani Saulco ihaivojiti gañiuhi. Jaaboro aivojiboti Davidco ficuubo. Jaaboti Moocaani nuuhi: Isai achi Davidco atyimehi: Tajeebii onoobadi iicaaboco uujojo iimogobadi iicajiboco, nooboro. ²³ Jaabo David iyaachimihaioobou Jesu, Moocaani Israel cuumiminaaco itaajasuqui ificuubo diibo unuubadi. ²⁴ Jaabo Jua Jesu saautinaacaro jibeguehicaudi paryi Israel cuumiminaaco: Minitisuquimaaje amiihai eedehifico mejeevesumoro, nooboro. ²⁵ Jaabo Jua ijbogoco imivucuujino fitino nuubo: Amiihai uco diiborucu, noomoro mehesicinibó icatihu. Tabuunati saajibó tajanaanicivi iicaabo. Jaabovi ifototihu diibobadi sihidí jeevahi. Jaabou, diibo tihipaaje duujeque isinaayujiruunova, nooboro.

²⁶ Jaamo amiihai tañahabomi Abraham yoto seeme mihicamo, tolliro amiihaifeene siicuumioto Moocaanico mejeeчивомо icano. Amiihaidi iicano jino taajasujibogo. ²⁷ Miíro Jerusaleri iicamo paryi ihaivojtomá Jesuco gaajautihi, Moocaani iimaamina aameque fahijivaró jaguisisumi iifinicírumo gajahicautimo. Jaamoro diitoro Jesuco iguijeniguusumi toohaamefaño onoonoco miyaavusumoo. ²⁸ Toonohalliti agaicaaujirunoco diibovi aatyimeutinegui Pilatoco dillumo diiboco igaicaauqui. ²⁹ Jaamoro diiboti aamefaño onoobadi iicacuusumi ihimohobujeti iniitusumoro ciíumo. ³⁰ Jaaruuboco Moocaani guivevefañoti buheetesuuhi. ³¹ Jaabo gueenene fucuva jafevehicaubo diiboma Galilea jiinjeti Jerusale cuumivi ufuumovi. Jaamo diito jisumi diiboti miyaminaaco jibeguehicahi.

³² Jaamo miíhai amiihaico mijibeguehicahi iimino jibogoco Moocaani moheedeeteque unuunoco. ³³ Miíhai diito iyaachimihaí mihicamedí diibo unuuno miyaavehi Jesuco ubuheetesuubo Salmo onoohaamefaño capitulo dos onoobadi: Ijoho taseemene jifucu uubadiro idicaabo, noonoro. ³⁴ Moocaani diiboco ifi tuucitino iicaqui ubuheete-

suujinoco jilli nuubo. Jaabo ico uujoho aciji Davidco unuunoco, nooboro. ³⁵ Jaabadiro bu Sisalmovi noono: Agaijibo dijecivominaafi ifico deeesujitih iuucitino iicaqui, noonoro. ³⁶ Jaabo David isumiotoco imino mooniubo Moocaani onoobadi: Jaabo iguijeveuboco iheedete cojivi ciiumo. Jaabo tuuciuh. ³⁷ Jaanoti Moocaani ubuheetesubo tuuciutih. ³⁸ Jaanegui fañi, magaaja diibo Jesufeneedi imiti buusuco amiihaico mijibogonoco. ³⁹ Miyo Moise tajibaco omoonirumo taajatimo iicahicamo paryi Jesuco imiyaavogomo diibofañodi taajaji. ⁴⁰ Jaanegui imino mehesicini; Moocaani iimaaminaa jilli unuuno amiihaihallivi icadino:

⁴¹ Memeeeci amiihai dejecuminaa, majabafitomoro mifinicini uujoho Moocaani iicaabo amiihai mihicasumi sihidi ejeevanoco eetaveji. Jaarunoco saatoho amiihaico ijibogorunoco miyaano meneejitirahi, onoono.

⁴² Jaadi Pablomisi inahaboniminaama judiomi sinagogajati ihiinumoco judiomi iicatimo nuuhi: Sijaguisivi jei miihaito siino mijibogo, noomoro. ⁴³ Jaadi Pablomisi jahisivi iinuucuumisi dojicuti fuumo sihidi judiomoto, siicumio miyaavogominaa icamo. Jaamoco diitisi fajinjhicauh: Moocaani imihijiguinoro mihica, sefano noomisiro.

⁴⁴ Jaadi sifoo jaguisivi fiiticuujiruno faacuumiro ufuuno Moocaani ijico iguubuqui. ⁴⁵ Jaanegui judiomi sihidi miyaminaa ufuunoco aatyimeumoro diitohalliti Pabloco jihheveuhi. Jaamoro Pabloco ejenaaumoro dejecuhicaumo. ⁴⁶ Jaarunaa Pablomisi igitotimisi nuuhi: Iticoni amiihai judiomico Moocaani ijico mijibeguejirahi. Jaarunoco magaayicitimoro ifinijitino ifiima mihicagotih. Jaanegui amiihai cojiti siicumiotajaagoviro mefeeji, noomisiro. ⁴⁷ Jill nooboro Moocaani mihaico tajibauhi:

Ico ficuuhi faajinijeminaahallivi judiomi icatirumoco gaajasuqui. Amiihaifeenedi taajasujibogoco jiinijejinibaaciv galluuj, nooboro.

⁴⁸ Jaanoco siicumiot uguubuumoro imo imo minifutuhi. Jaamoro: Moocaani ijii aivo imihi, noomoro miyaavugumo, paryi fiivo ifiima iicaqui iicicuudimo. ⁴⁹ Jill paryi toojiinijevi Moocaani ijii jibogocafutuhi. ⁵⁰ Jaarunaa judiom iimaacasiuhi Moocaani iija gaigoomi obocifimoma, tuucuumio gaifimi obocifimo icamoma. Jaamoro ticoniuh Pablomisico ijihhevemere idasuno omooniomo. Jaamoro diitisico toojiinijeti gañiromo. ⁵¹ Jaanoma iicaumisi diitohallivi itihipaaje jiinico tatacumisi toono jibogobadi iican. Jaamisiro Iconio cuumijaa fuumisi. ⁵² Jaarunaa Cristotaco ejeevesuumo imo imo icauhi Moocaani Gaija ijeebihnofaño iicaumaño.

14

Pablomisi Iconio Cuumivi.

¹ Jaadi Iconiov Pablo, Bernabe icamisi judiomi sinagogajafaño fuuh. Jaamisiro jibeguehicauh. Jaanoco sihidi miyaavugumo judiom griegomioto icamo. ² Jaarunaa saatoho judiom imiyaavuguutimo siicumiotoco esaayusuhi inahabomico ijihevequi. ³ Jaarunoco igitotimisi tuucuumiv gueenene icaumisi Moocaanit jibogomisiro. Jaabo

Moocaani iimihuseti ihiimaanoco miyaavugusuhicaudi iffusunoco, sihidi ejeevanehejeque icano omoonihiicanofeedi. ⁴ Jaarunaa tuucuumio miyaminaa dugaciniuhu saatoho judiomijaagodi, saatoho minisuminaajaagodi icano. ⁵ Jaanoma iicamo judiom, siicuumioto icano aivojitoma jicucusiuhi diitoco idaasuno omoonimoro guisibaneli ihaamiqui. ⁶ Jaanoco Pablomisi agaajaciumisiro gaauhi Listra, Derbe icanovi, Licaonia jiinije uufocono cuuminovi icano. ⁷ Jahi tolliro taaja-subogoco jiibeguehicaumisi.

Listra Cuumivi Pabloco Guiisibaneli Aamimo.

⁸ Listra cuumivi icaubo saafi ifilivuunotiro igitiibo iicaubo. Jaabo giciniuhu igitiibo itihai iimiutineri. ⁹ Jaabo Pablo iimaanoco imino guubunicihicaudi. Jaanegui Pablo diiboco imino emeeciubo gaajaciuhu: Uujoho buheeji, nooboro imiyaavuguunoco. ¹⁰ Jaanegui Pablo sefano nuuhi: ¡Sano ticotoro dithihahallivi dulleeve! nooboro. Jaanegui sefano casiniivuubo.

Jaaboro igooboro fuubo. ¹¹ Jaano Pablo omooniunoco miyaminaa atyimeumoro sefano coovadiivuumo Licaonia iijiri: ¡Diosmi, miyaminaa ifibadi iflivotomoro mojaago niitehi! noomoro.

¹² Jaamoro Bernabeque Jupiter neehicaumo. Jaanoti Pabloco Mercurio neehicaumo, diibo ijibeguehicauneguiha. ¹³ Jaanegui Jupiter sacerdote Jupiterque iimehicauja cuumi imegari iicaja abajaaboo sivaahi niivimico deecaneri imino iimibachuhicauboro. Jaamisico sihidi miyaminaa diitisico iimomoro jecivuujirumo iniivimico agaisiraiciumoro. ¹⁴ Jaanoco iminisuminaatisi Bernabemisi agaajaciudi igaachehunoco agallicumisiro jicafutuhi miyaminaafeenedi coovadiicinimisiro: ¹⁵ Amiihai, ¿collahi tolli momoonihi? Amiihaibadiro misi miyaminaatisi, tooneguiha misi masaahi. Toll iicanheje jihovonehejeque mejeevesuqui. Jaamo idiboro Moocaani iicaaboaago miminfetequi, niquejeque, jiinjeque, muuaiñoco icano paryi faabohoco iflivusuubojaago. ¹⁶ Siicijenaha Moocaani paryi cuumiminaaco ficuhi iimogobadi iicaqui. ¹⁷ Jaaruubo fahijivar: Uujoho iicanoco igaajaqui, nooboro imino mooniiboo, nijabaco aigusuubo, basutaaco noovasuubo, mamachujidinoco aciiboo imo imo mihicaqui. ¹⁸ Jill noomisiro diitoco faguumisi. Jaarunofaño suufeniutirumo iniivimico agaisiraicimo diitisico ijecivequi.

¹⁹ Jaanaa gaseumo judiom Antioquia, Iconio icanoti. Jaamo tomaño miyaminaaco diitisihallivi abañiumo miyaavugusuuh. Jaamoro Pabloco guisibaneli aamiuhu. Jaaboco: Fine guijevetuubo, noomoro tuucuumiti buhigovi iguiyiciumoro gañijieuhi. ²⁰ Jaabohallivi Cristota igaivuuhi. Jaanaa Pablo agañiivuuboro siino tuucuumifaño fuuhi. Jaano seseevedi Bernabema Derbe cuumivi fuumisi.

²¹ Jaacuumivi taajasujibogoco jiibeguehicaumisi. Jaadi sihidi Cristota iicacuudi dojicuviro uumiumisi Listra, Iconio, Antioquia icanovi. ²² Jaacuumijevi Cristota iicaumoco quehecutusuumisi. Jaamisiro fajiihiacaumisi quehecuno miyaavogofaño iicaqui. Moocaani aivojifaño mefeejimoco idaasuno moonijimo, noomisiro. ²³ Jaamisiro Moocaani iijanohallivi iquillahutoti ficuumisi. Jaadi machutimo Moocaanima iimaahicaumo Moocaanico imiyaavuguudimohallivi Moocaani iteemequi.

Pablomisi Siino Uumihi Siria Jiinjeri Iicano Antioquiavi.

²⁴ Jaanobuunati fatyuumisi Pisidia jiinijfeenedi. Jaamisi ifutuuhi Panfilia jiinijevi. ²⁵ Jaamisiro Perge cuumivi jiibeguehicaumisi. Jaadi fuumisi Atalia cuumivi. ²⁶ Toonoti ijicafutuumisiro muuairi fuumisi Antioquiaivi iticoni diitisico Moocaani imihijifañodi idudicamaaiqui ificucuumivi. Jaanoco toono imivucuumisi. ²⁷ Jaamisi Antioquiaivi agaseudi igaiyiciumisi paryi Cristotaco. Jaamisiro jiibeguehicaumisi paryi Moocaani diitisima omoonihicaunoco judiomi icatirumedi Moocaani iguhugaco faayiciuhi diito imiyaaveguequi. ²⁸ Jaamañovi Pablo misi gueenene icauhi Cristotama.

15

Jerusalevi Igaivuumo.

¹ Jaasumi saatoho Judeati Antioquiaivi ufumo inahabomico ijibogomo ticoniuhi: Mataajaqui iticoni amiihai meeheque miquiticiji Moise atajibaubadi, noomoro. ² Jaamoma Pablo misi sihidiro idillucasiumisiro jenaaucasihicauhi. Jaanofeenevi Pablo misico ficuumo saatoho icano Jerusalevi ifeequi minisuminaama, Jerusaleri iicaja Moocaani iija quillahutoma tobogoco ihiimaaequi.

³ Jaamoco Antioquiai iicamo Cristota agallumo fuuhi. Jaamo fatyuuhi Fenicia jiinije, Samaria jiinije icanofeenedi. Jaamo inahabomico ijibogomoro feehicauhi siicuumioto icarumo iheedehijico ejeevesumoro Moocaanico agaayiciumoco. Jaabogoco uguubuumoro sihidri imo imo icaumo.

⁴ Jaanaa Pablo misi Jerusalevi iifutuumisico paryi Cristota, minisuminaa, iquillahuto icamo imo imo diitisico gaayiciuhi. Jaamoco diitisi jiibeguehicauhi Moocaani diitoma omoonihicaunoco. ⁵ Jaarunaa saatoho fariseomiototi imiyaavuguumo ujulleeveumoro nuuhi: Imijiruno tolliro judiomi iicatirumo imiyaavogomo miliheneque miquiticino. Jaamoro mataajibano Moise atajibaubadi iicaqui, noomoro.

⁶ Jaanegui igaivuumo paryi minisuminaa, iquillahuto icamo toonoco ihiimaaqui. ⁷ Jaanoco sihidri ejenaaucasihicaunobuunati Pedro agañivuboro diitoco nuuhi: Tañahabomi, amiihairyo magaajacuhi iticoni uco Moocaani iciuhi amiihaifeenet, taajasujibogoco judiomi iicatirumoco jiibeguequi jaamo imiyaaveguequi. ⁸ Jaabo Moocaani famoo jeebinocoro agaajaabo ifusuuh tolliro diito agaayiciunoco Igaijaco aaciunofeenedi miihaico iicaubadiro. ⁹ Moocaani diitoco miihaifañoti guinovi ficuutahi. Jaamo jeebinocoro niticuubo diiboco imiyaavuguumaño. ¹⁰ Jaamo ¿collahi amiihai mimiyavogothi Moocaani omooininoco? Jaamoro jito imiyaavogomohallivi obocitajibaco mifikuhi, moheedeete, miihai icarumo meheetavejirunoco. ¹¹ Jaanoco diitobadiro miihai mataajajinoco magaajahi Jesucristo imihijifeenedi.

¹² Jaanegui famooro illivuumoro Bernabemisi ijibogonoco guubunicumo gaajataco, ajabafiranehejeque icano diitisifeenedi Moocaani omooinhicaunoco siicuumioto feenevi. ¹³ Jaanoco ihiimaaunobuunati Jacoobo nuuhi: Tañahabomi, uco muguubunici, nooboro. ¹⁴ Simon Pedro miihaico jiibeguehi, iticonibbo Moocaani judiomi iicatirumoti iyotot iicinoco. ¹⁵ Miirro jilli noono Moocaani iimaaminaa acaatinjuno:

¹⁶ Jinobuunatí uumiji. Jaaboro siino gañiiyiciji aacutuuja David ii-jaco. Aacutuunoco siino iimibachuuboro eetaveji. ¹⁷ Jaano coovooto paryi Moocaanico iguiinequi paryi jiinijeminaa tamomoco ijeeceivequi icano. ¹⁸ Jilli noobo Moocaani jinooco agaajasubo siicijetiro.

¹⁹ Jaanegui uujoho amiihaico neehi: Judiomí iicatimoco gañuhusuno momoonidino iheede hijico ejeevesucuumoro Moocaanijaagoviro iicacuumoco. ²⁰ Imicuujino aameque macaatinihaamefaño jilli meneeji: Ijinita jeecivoco deetavucuudino, saatohoba ataabavatimo buhiguejedi gaigoomima icadino, bu asimico udusuucineri amacanisumehejeque duucuudimo, tiijohoco aducuudimo. Jilli noomoro ²¹ faacuumivariro icamo siicijetiro Moise tajibaco ijibeguehicamo sinagogajanofaño fahijivararo jaguisifucuva ticovoocivi, nuubo Jacoobo.

²² Jaanegui minisuminaa, quillahutomihai, paryi Moocaani iijaminaama ihimaacasiumoro saatohoti ifeeneti ictuhi. Juda icaruuboco Barsaba eneehicaubo, Sila onoobo aivo diitofeeneti imiyaamisi iicamisico ictumo Pablo, Bernabe icamisima Antioquiaivi igalluuqui. ²³ Jaamoma aameque galluumo: Miihai minisuminaa, quillahuto, paryi monahabomi icamo moojico magalluuhi, monahabomi judiomí iicatirumo Antioquiari, Siria, Cilicia icano jiinijeri iicamojaago. ²⁴ Miihai mugubuubihi jimañoti saatoho ofoomovaha amiihaico ihimaari gañuhusuno moonihicahi miihai matajibatimo. Jaamo amiihaico mitasuhicahi: Amiihai meeheque miquitici. Jaamoro Moise atajibabadi mihica, eneehicamo. ²⁵ Jaanoma mihicamo sabadiro mono momoro moofeeneti saatohoti mihicihi amiihajaa magalluuqui magaijino nahabomisi Bernabe, Pablo icamisima. ²⁶ Jaamisi nihicunofeedi ifiico ficuuhi Jesucristo momohalliti. ²⁷ Jaanegui amiihajaago magalluuhi Juda, Sila icamisico. Jaamisi amiihaima ihimaamisiro imino amiihaico jibeguejimi. ²⁸ Jilli Moocaani Gaijadi imino, miihaidi imino icano janaanicí siinoco amiihaico matajibatihu. Jino idiinocoro amiihaico meneehi: ²⁹ Ijinitaco ejecivucuunoco meheetavucuudino. Jaabadiro udusuucineri amacanisumehejeque muduudino, tiijohoco mahaduudino, saatohoba ataabavatimo jahisihijedi gaigoomima icadino. Jilli mihicahachiji imino momooniji. Tahi imino mihica, noomoro.

³⁰ Jaamoco agalluumo fuuhi Antioquiaivi. Jaamañootoco iigaiyiciumoro toohaameque aciuhi. ³¹ Jaahaameque inahabomi emeeci umoro sihidí imo imo minifutuuhí toohaamefaño diito ajacusunoco aatyimeumoro. ³² Jaamisi Juda, Sila icamisi Moocaani iimaaminaatisi icauhí. Jaamaño inahabomico sihidí iijiri afajinimisiro diitoco quehecutusuuhí. ³³ Jaanobuunati gueenene iicauno nijequeti inahabomi diitoco galluuhi: Sajeebiima mofoo, noomoro dojicuviro diitoco agalluumojaago. ³⁴ Jaarunaa Sila toonoviyo fitafutuuhi.* ³⁵ Tolliro Pablo, Bernabe icamisi Antioquiaivi fitafutuuhi. Jaamo sihidí saatohoma jibogomoro icahicauhi Jesucristo jibogoco.

Pablo Siino Allinihi Ijibogotoobo.

³⁶ Jaanobuunati goovacuutinotí Pablo Bernabe que nuuhi: Maha siino faacuumivavi monahabomico memeecitequi, ¿naa milli iicamo? nooboro.

* **15:34** Sahaamefaño toversiculoco ficuutimo.

³⁷ Jaanegui Bernabe satyujirahi Jua Marco onooboco. ³⁸ Jaarunaa diibo diitisico Panfiliavi ejeevesuboro uumiuhdi diitisico idudicamaajeque amusutiboo. Jaaneguiha, Pablo diiboco imuguutihdi asatyunoco. ³⁹ Jaanoco sihidi ejenaaucasiunoma iicaumisi dugaavocasiuhi. Bernabe Marcoma ijicafutuumisiro Chipre chugaivdi fuuhi. ⁴⁰ Jaanoti Pablo Silaco iičuboma fuuhi Moocaani imihijifañodi inahabomi agalludi. ⁴¹ Jaamisi fatyuuhdi Siria jiinije, Cilicia jiinije icanofeedi inahabomico quehecutusumisiro Cristotaco.

16

Pablomisima Timoteo Gataavehi.

¹ Pablo, Sila icamisi ifutuuhi Derbe, Listra icano cuuminovi. Jahi atyimeumisi miyaavogominaafi Timoteo onooboco miyaavogominaago judiomigo griegooboma iicaugo achico. ² Jaaboti inahabomi Listrari, Iconiori icano iicaumo imino iimaahicauhi. ³ Jaaboco Pablo imuguuhdi diitisima igataavequi. Jaaboro iimeeheque quiticisuhdi tahi iicaumo judiomii imuguujitiruneguiha famooro diibo caani griegoobo iicaunoco agaajaumaño. ⁴ Jaamisi faacuumivafañodi ufuumisi inahabomico jibogomisiro feehicauhi Jerusaleri iicaumo minisuminaa, iquillahuto icamo diitisico unuubadi. ⁵ Jaaneri paryi Cristota quehecumio minifutuuhi miyaavogofaño. Jaaneri Cristotafafucuvaaciviro guiraatomoro feehicauhi.

Pablo Macedonia Jiinjeominaafi Gaijaco Atyimehi.

⁶ Jaanaa Moocaani Gaija jibugusuutihdi Moocaani iijico Asia jiinjevi. Jaanegui fatyuumo Frigia, Galacia icano jiinjefeenedi. ⁷ Jaamo ifutuuhi Misia jiinjejiniivi. Jaamañotis esamaaiumo Bitinia jiinjevi ifeequi. Jaarunaa Jesu Gaija imuguutihdi. ⁸ Jaanegui Misia jiinjefeenedi sanoticovoro afatyumo ifutuuhi Troa micuvi. ⁹ Jaamañovi Pablo fucu gajajaña atyimeuhdi macedoniaminaafi julleeciniboco. Jaabo diiboco neehicauhi: Macedonia jiinjevi disaa. Jaaboro miihaico daamus, nooboro. ¹⁰ Jaanoco Pablo aatyimeunegui mihimibaivo Macedoniaiabi mefeequi: Fine Moocaani miihaico coovahi tahi taajasubogoco mijibeguequi, munuuhi.

Pablo Filipo Cuumivi.

¹¹ Jaaditroa micuti mijicafutuumoro sanoticovoro mufuumo mihifutuuhi Samotracia chugaivi. Jaano seseevedi mihifutuuhi Neapolis micuvi. ¹² Toonoti mufuuhi Filipovi Roma cuumi Macedonia jiinjeri iicacuumi imiyacuumivi. Jaamañovi gueenejisuno mihicauhi. ¹³ Jaamo jaguisifucusumi tuucuumiti jahisivi mufuuhi muuaijinivi tomañovi Moocaanima ihiimaanicimañovi macasivuumoro Moocaani iijico mijibuguuhi gaigoomi igaivuumoco. ¹⁴ Jaamotis saafigo Lidia onoogo Tiatira cuumiigo. Jaago iiminoono gaachehunoco tifaihiba iicacheunoco naajehicaugo. Jaago Moocaanico ejecivehicaugo mijibogonoco guubunicihicauhi. Jaago jeebiico Moocaani faayiciuhi Pablo ijibogonoco imino iguubuniciqui. ¹⁵ Jaago paryi iijaminaama nitisuquimaaaiugo. Jaagoro miihaico neehicauhi: Miyaano uujoho Cristotaha iicahachiji taajafa masaamoro mihicava, noogoro miihaico iijavidi fiitihuhi.

¹⁶ Jaanaa safoono Moocaanima ihiimaahicaumañovi mufuumo mahatyimeuhi saafigo bagocajaco. Jaagofañoti gaajaci ijí gaajacihicauhi. Jaaneri diigo abajato sihidi nihibamico gaayicihicauhi diigo agaajacinohallivi. ¹⁷ Jaago miihai Pablo mufuumo dojicuti fuugo coovadiicinigoro: Jito Moocaani caamovohi iicaabo jeeчивominaa. Jaamo amihaico taajasu jiihaico jiibeguehi, noogoro feehicaugo fahijivaro.

¹⁸ Jaanofeene Pablo agañuhusuvuuboro dojicuviro diigojaa acafesaavuuboro igaajaci ijico nuubo: Jesucristo momofeedi ico tajibahi. Diigo-fañoti diino, nooboro.

Jasumiro diigoti ihiji iinuuhi.

¹⁹ Jaanoco diigo abajato atyimeuhi diigofeedi nihibamico iičihicaurumo iičicuujitinaa iicamo Pablomisico agaayiciumoro satyuumo aivojitojaago naajetehasifeenevi. ²⁰ Jaamisico fagominaa imega ifutusumoro nuumo: Jitisi judiomisi iicamisi muucuumico gañuhusuno ūaaisuvahı ijibegueneri. ²¹ Jaanoco miihai magaayicimoro minisugothi romanomi mihicamaño, noomoro.

²² Jaanoma iicamo sihidi miyaminaa Pablomisijaa sifiratuuhı. Jaanegui ifagominaa tajibauhi igaacheheunoco ujujuucumoro diitísico imeiñeri ihaamiqui. ²³ Jaamisico sihidi ahaamihicaumoro civojafaño ficuumo. Jaamoro itoomominaafico tajibamu imino iteemequi. ²⁴ Jaanegui itoomominaafi diitísico aivo fañoomecufa iicauhimonobafáño cuhufono jihacuuhi.

²⁵ Jaafucu fucufeene Pablomisi Moocaanima ihiimaamisiro Cristo masinoco masivahicauhi. Jaanoco sacivojaminaa guubunicihicauhi. ²⁶ Jaanaa imimañobati sefano icivoja nicuta maryibauhi. Jaaneri paryi icivoja guhugano faayanaamaaiuhi, bu icivojaminaa sisita ijigaiñehino sinanamaaaiuhi icano. ²⁷ Jaanaa itoomominaafi aaicuboro meeciurunaaca paryi icivoja guhugano faayiciniuhi. Jaanoco itoomominaafi aatyimeuboro ihaamigaco guiiyiciuhi ifico iinoro igaicaauqui: Paryi fine icivojaminaa gaacuuhi, nooboro.

²⁸ Jaarunaa Pablo diiboco sefano nuuhi: Milli difico moonidino. Famooro mihicahi, nooboro.

²⁹ Jaanegui itoomominaafi cuugahuco dilluuhi. Jaaboro goovano jicafutuubo icivojafaño sihidi vivivi iigituuboro Pablomisiguino memuiyutuubo. ³⁰ Jaanegui fañoomecuti diitísico ihiinusuuboro nuubo: Aivojitis, ¿milli uujoho mooniji niquejefaño taajaqui? nooboro.

³¹ Jaanegui diitisi iimusuuhi: Aivojiboo Jesucristoco miyaavogo. Jaabo taajahi paryi diijaotoma, noomisiro.

³² Jaamisiro diiboco paryi iijaotoma jibuguumisi Moocaani ijico.

³³ Jaafucuro itoomominaafi diitísico ahaamihicauno tujaavonoco nituboo. Jaadi paryi iijaminaama nitisuquimaaíumo. ³⁴ Jaadi diitísico iijajaago asatyuboro machusuubo. Jaabo paryi iijaminaama imo imo icaudi Moocaanico imiyaavuguuneri.

³⁵ Jaanaa fucuro ifagominaa sisiminaaco galluuhi icivoja toomominaafijaago diitísico isinaayuqui. ³⁶ Jaanegui itoomominaafi Pablomisico nuuhi: Fagominaa uco tajibahi amisico sinaayuqui. Jaanegui sajeebi mihiinucu, nooboro.

³⁷ Jaarunaa Pablo isisiminaaco nuuhi: Misi romanomiotisi mihicamisico miyaminaafeenevi ahaamihicamoro. ¿Misivi iimitinoco

aatyimetimoro misico toovono sinaayujirahi? Jaafa iinoro asaamoro misico iinusuvamo, nooboro.

³⁸ Jaanoco isisiminaa ufuumoro ifagominaaco jiibugutuuhi. Jaanoco romanomiotisi diitisi iicaunoco uguubumoro sihidi iguutumo.

³⁹ Jaanegui ufuumoro diitisima toonoco iimibachujeumoro diitisico iinusumo. Jaamoro diitisico: ¿Jiicuumiti collihí mufuucuutíhi? nuumo.

⁴⁰ Jaadi icivojafañotí ihiinuudi Lidia onoogo ijajaa fuumisi. Jaamisiro inahabomico emeecijeudi diitoco equehecutusumisiro tuucuumiti fuumisi.

17

Tesalonica Cuumivi Ñaaivomo.

¹ Jaanaa Pablo misico Silama ufuumisi Anfipoli, Apolonia icano cuuminofeenedi afatyumisi Tesalonica cuumivi ifutuuhi judiomí sinagogaja icamañovi. ² Jaajafaño Pablo ijeevamaje iicanicibadi sinagogajafaño feehicaahi mijagusici, sajaguisi idíino fucuva diitoma iimaahicaubo. ³ Jaabo Caatinhaamefañodi diitoco jiibeguehicaubo Cristo idaasuno iicauboro iguijeveebe ubuheeteunoco. Jaaboro diitoco neehicaubo: Diibo jaani Jesuco uujojo amiihaico jiibeguehicahi. Jaabo diibo Cristo, nooboro.

⁴ Jaanoco saatoho judiomítí imiyaavuguumoro Pablo, Sila icamisijaa minifutuuhi, tolliro sihidi griegomi Moocaanico ejecivehicaumo miyaavuguuhi, bu sihidi ajashutino obocifino gaigoomi miyaavuguuhi icano. ⁵ Jaanoma iicamo judiomí imiyaavuguutimo ataquivuumoro iimitino gaifimico iigaiyiiciumoro tuucuumico gañuhusuno ñaaisumo. Jaamoro Jason onoobo ijaco cabociumo Pablo, Sila icamisico agaayicimoro miyaminaaco ihaciqui. ⁶ Jaarumo Pablo misico aatyimeutinegui toojao abajaabo Jason onooboco satyuumo saatoho inahabomima tuucumi aivojitojaago. Jaamoro sefano coovadiivuumo Pablo misiditi: Jito faajiiñequere rugueenimoro efeehicamo juu gasecuuhi. ⁷ Jaamoco Jason ijafaño ficuuhi. Jaamo famooro romano aivojibó* tajibaco imino moonitimo: Sifi aivojibó icahi Jesu neehicamo, noomoro.

⁸ Jaanoco paryi miyaminaa aivojito icamo uguubuumoro sihidi ñaaivuumo. ⁹ Jaanegui Jason, bu saatoho icamo fagomijaago inihibamico ificumoro iinuuhi.

Pablomisi Silama Berea Cuumivi.

¹⁰ Jaasumiro inahabomi Pablo misico fucu Berea cuumivi galluuhi. Jaadi tahí ii futuumisiro judiomí sinagogajafaño fuuhi. ¹¹ Jaamo tomaño judiomí Tesalonica cuumiri iicaumo janaanicí imihuseuhi. Jaamaño Moocaani iijico imino agaayiciumoro fafucuvaaciviro Caatinhaamefañó onoonoco iifinichicaahi: ¿Naa miyaanoco mihaico noomisi? noomoro.

¹² Jaamoro sihidi saatoho diitoti miyaavuguuhi. Tolliro griegomítí sihidi gaigoomi obocifimo miyaavuguuhi, bu sihidi gaifimi icano. ¹³ Jaanoco Tesalonica judiomí Pablo tolliro Bereaví Moocaani iijico ijibogonoco uguubuumoro tahí fuuhi. Jaamoro tomaño miyaminaaco ñaaisutuuhi.

¹⁴ Jaarunaa Bereari iicaumo inahabomi Pablo goovano galluuhi muuaijiniví ifeequi. Jaanotí Sila, Timoteo icamisi Bereaví fitafutuuhi.

¹⁵ Jaamo Pablo ufuumo diiboco satyuumi Atena cuumivi. Jaamo

* 17:7 Cesar onoobo.

uhuumiumoco Pablo nuuhi: Sila, Timoteo icamísico mijibogo goovano tajaa isaaqui, nooboro.

Pablo Atena Cuumivi Icahi.

¹⁶ Jaabo Pablo Timoteo, Sila icamísico Atenati otoomoobo atyimehicauhi faacuumifañoro ijinítia iicanoco. Jaaneri sihidí idaasuvehicaubo. ¹⁷ Jaanoma iicaabo judiomí siicumioto Moocaanico ejecivehicaumoma sinagogajafaño iimaahicaubo. Jaabadirofafucuvaaciviro goohasinofaño iicamoma ihiimaaboro feehicaubo. ¹⁸ Jaanoti saatoho gaifimi epicureo onoono jibogoco nisuquimaa hicaumo. Jaanoti saatoho estoico onoono jibogoco nisuquimaa hicaubi. Jaamo ticoniuhi Pabloma ihiimaamo. Jaamoro saatoho neehicaubi: ¿Milli fine mihaico neejiruubo, jaani ihiimaafifiibo? noomoro. Jaanoti saatoho neehicaubi: Fine siomo diosmi jibogominaafi, neehicaubi Pablo Jesu ubuheeteunoco ijibeguehicauneguiiha. ¹⁹ Jaanoma iicaumo diiboco satyumo Areopago onoobaivi: Mihaico diibogo jino bojibogoco isivanoco. ²⁰ Magaajatinehejeque mihaico diibeguehicaahi, ¿milli iicanehejeque neehicahi? noomoro.

²¹ Jaamo atenaminaa, siicuumijeoto icamo jinejbaco moonitimo toono iimaariro icahicaumo bohonoco uguubuuneriro.

²² Jaanegui Pablo Aeropagobaivi diitofeeneti ujulleeveuboro nuuhi: Amihai atenaminaa diosmi jeecivominaa mihicamo. ²³ Miíro amihai diosmico mejecivehicaamañehejedi afatyooobo samañovi atyimehi, jilli noonoro acaatinicinonoco: Dios Agaajaratiiboco, onoonoco. Miíro diiboco gaajatimo mejecivehicaaboti jino uujoho iimaahicahi.

²⁴ Jaabo diibo Moocaani jiinijeque paryi fanoova icanoco eetavuubo. Jaabo jiinije, niqueje icano abajaabo. Jaabo miyaminaa eetavotajafaño icatiiboo, miyaminaa jeecivo sefari icatiiboo, ²⁵ jinejeti cuujivaachutiboo icano. Jaabo mihaifamoocoro fiivoco aciiboo, guibuhubaco majaguisiqui aciiboo, fanoovaco aciiboo icano.

²⁶ Jaabo miyaminaaco saafi tijotiro faacuumiva miyaminaaco fivusuubo fanoojiinijehalliviro iicaqui. Jaaboro jino paryi mihicajisumije, mihicajimañeje icanoco ohoovooboro ficucuubo.

²⁷ Jaamo Moocaanico miguiinehi dudiivi mahatyimequi famoova cojiti tehesijitiruuboco. ²⁸ Jaabo Moocaanifeenedi mihiguehi, mihicahi. Tolliro amihai poeta caatiniminaafi: Mihaic Moocaani yoto, nooboro, unuubadi. ²⁹ ¿Milli bu Moocaani yoto mihicamo mehesamaaijirahi, Moocaani oro eetavota, nihibami eetavota, guisi eetavota icano iicanoco? Jilli gaifimi: Jilli fine jeevaabo, noomoro ijeebiifañodi esicinimoro eheetavonoco. ³⁰ Siicijenaha miyaminaa gaajatimo iicaunoco Moocaani aatyimetibobadi icaushi. Jaanoti jisumi Moocaani paryi fahigova miyaminaaco tajibahi iimitico ijeevesuqui. ³¹ Jaabo Moocaani oovicicuhi miyaminaaco ijaadaco aacijifucuco. Jaafucugui saafico ificuubofeenedi miyaminaaco miyaajiri jaadusijiiboo. Jaanoco diibo guijevefeenetü ubuheeteunofañodi Moocaani gaajasucuhi, nooboro.

³² Jaanoco diito miguijevenebuunati siino mubuheetejinoco uguubu- umoro saatoho diiboco dejecuhi. Jaanoti saatoho nuuhi: Jei cusumiha- cho siino toonoti muguubuji, noomoro.

³³ Jaanoma iicaabo Pablo diitoco jeevesuhiniuhi. ³⁴ Jaarunaa saatoho imiyaavuguumo diibo dojicuti fuuhi. Jaamofaño icaubo Dionisio Aeropagobaivi efeefimo bociibo iicaubo, bu tolliro saafigo gaigo Damari onoogo, bu saatoho icamo.

18

¹ Jaanobuunati Pablo Atena cuumiti fuuhi Corinto cuumijaago. ² Jahi atyimeubo saafi judiomioobo Aquila onoobo, Ponto jiinjeoboco, bohonoro mogaima Pricila onoogoma Italia jiinjeti asaaumisi gaseuhi. Tahigo aivojiboo Claudio onoobo iinusuuhi paryi judiomico Roma jiinjeti ifeequi. Jaamisico Pablo baatuuhi. ³ Jaabo diitisi ududicamaaiño yomonocoro bu dudicamaaihicaahi carpa ijano eetavoco. Jaanegui diitisima fitafutuubo sano idudicamaaiqui. ⁴ Jaabo Pablo fajagusivaviro sinagogajafaño feehicaubo. Jaabo diitoma ihiimaaboro judiomii, griegomi icamoco miyaavugusuhicaubo.

⁵ Jaanaa Sila, Timoteo icamisi Macedonia jiinjeti asaaumisi gaseunaa Pablo judiomico ijibogohigoviro icacuuhdi diitoco foovono neehicaubo: Diiburucu Jesucristo amiihai meteemehicaabo, nooboro. ⁶ Jaarunaa diito ticovauhi diiboco ijihhevemere idicunoono onoomo. Jaanoma iicaabo Pablo diitojaago igaachehuco gaivirisuubo diitoco ejeevesuno ijibogobadi iicanoo. Jaaboro diitoco nuubo: Amiihai tijohoh amiihaihalliviro icaji, tahallivi icajitino. Jisumitiro judiomii iicatimojaagoviro fuucuji, nooboro sinagogajati iinuubo.

⁷ Jaaboro Justo onoobo Moocaanico ejeeceivehicaubo iijajaa fuubo sinagogaja uufequeriro iicaujajaago. ⁸ Jaarunaa Crispoo onoobo sinagogaja aivojiboo Jesuco miyaavuguuhdi paryi ijari iicaumo iyotoma. Tolliro bu sihidi Corinto cuumiminaa uguubuumoro miyaavuguumo. Jaamoro nitisuquimaauiuhi. ⁹ Jaanobuunati Jesu, fucu gaijafeenedi Pabloco nuuhi: Diiguetejirahana, suufenitiiboo diibogo. ¹⁰ Ima uujooho icahi, miihaiñoooba ico milli moonijitihii, jiicuumiri sihidi tamiyaminaa iicamaño, nooboro.

¹¹ Jaanoma iicaabo Pablo fitafutuuhdi Corintovi saficaba, sificabatifeenedi icano Moocaani ijico diitofeenevi ijibogooboro.

¹² Jaarunaa Galion onoobo Acaya jiinjevi aivojiboti iicaudihivi. Judiomii ijicucasmusoro Pabloco satyuumo ihaivojiboo itajiba icagahalliri giciniubojaago. ¹³ Jaamoro diiboco nuumo: Jaani miyaminaaco miyaano nuusuuboro feehicahi Moocaanico siibadiro ijeeceivequi tajibafa onootibadi, noomoro.

¹⁴ Jaanegui Pablo iimaacuujirunaa ihaivojiboo Galion onoobo judiomico nuuhi: Jaani imitino iicaaboro sitaaco imooniruva amiihai judiomii monoonoco miyaano uujooho guubunijirahi. ¹⁵ Jilli ticovo iimaano, bu ticovo momonoro, bu jilli amiihai tajibaro icano iimaanoco: ¿Milli bu uujooho moonijirahi? Tahii amiihairyo mihimibachucasi imogotihii uujooho tonehejeri ihiimaanoco, ¹⁶ nooboro diitoco tomañoti galluubo. ¹⁷ Jaanoma iicamo paryi griegomi, sinagogaja aivojiboo Sostene onooboco agaayiciumoro aamiumo Galion imefeene. Jaarunoco Galion milli nuutihii.

Pablo Siino Uumihi Antioquiaivi.

¹⁸ Jaanobuunati Pablo toonovi gueenene icauhdi. Jaadi inahabomico ifitacuuboro Pricila, Aquila icamisima fuumo Cencrea cuumivi. Jahigo iinigaico ciidaubo Moocaani unuunoco ihifutusuqui. Jaadi

ijicafutuumoro Siria jiinjevi muuairi fuumo. ¹⁹ Jaamo Efeso cuumivi iifutuudi Aquilamisico ificuhiniuboro sinagogajajaago fuubo. Jaaboro judiomima iimaahicaubo. ²⁰ Jaaboco inahabomi fiihi. Jaarunaa diibo imuguutih. ²¹ Jaaboro diitoco ifitacuubo nuuhi: Moocaani iimogohachiji siino uumiji, nooboro fuucuubo Efesoti. ²² Jaabo Cesarea micuvi iifutuudi Jerusalejaa fuubo Moocaani iijaminaaco idillutuubo. Jaadi Antioquiavi fuubo. ²³ Jaanobuunati queenene nijequeti tuucuumiti fuubo siino dojicuviro. Jaabo Galacia, Frigia icano jinije cuumineri iicamo Cristotaco quehecutusuuboro feehicauhi.

Apolo Onoobo Efeso Cuumivi Jiibeguehi.

²⁴ Jaasumi Efeso cuumivi gaseubo Apolo onoobo judiomioobo Alejandria cuumioobo iicaubo. Jaabo Caatinihaamefaño onoonoco imino agaa-jauboro jiibeguehicauhi. ²⁵ Jaabo imino jiibeguehicauhi Moocaani jiihaiti. Jaabo imo imo foovono Jesuti jiibeguehicauhi Jua niticoro gaajauruubo. ²⁶ Jaabo Apolo sinagogajafaño quehecuno jiibeguehicauhi. Jaanoco Princiamisi uguubuumisiro iijajaago diiboco asatyumisiro imino jiibuguuhi Moocaani jiihaiti. ²⁷ Jaabo Apolo Acaya jiinjevi uufuujinegui inahabomi aamusuumoro diibedi aameque caatiniuhi. Tahi iicaumo Cristotaco ihaci qui diiboco imino igaayici qui. Jaabo Acayavi iifutuudi sihidu amusuhicaubo Moocaani imihiijiri imiyaavuguumoco. ²⁸ Jaabo mityano judiomico miyaminaafeenevi taajahicaubo, Caatinohaamefeenedi diibrucu Jesu, Cristo iicanoco diitoco jiibeguehicaubo.

19

Pablo Efeso Cuumivi.

¹ Apolo Corinto cuumivi iicaunaaca Pablo ifagajinofeenedi ofocinijiri fuubo Efesovi. Jahi atyimeubo fiavaamova Cristotaco. ² Jaamoco dilluubo: ¿Amiihai Moocaani Gaijaco magaayiciuhi mimiyaavuguusumi? nooboro.

Jaanegui diito iimusuuhi: Miihai magaajatihi Moocaani Gaijaco magaayicinoco, noomoro.

³ Jaanegui siino Pablo diitoco dilluubi: ¿Coyomo nitico jana amiihai magaayiciuhi? nooboro.

Jaanegui iimusuumo: Eti bu Jua initiuoco, noomoro.

⁴ Jaanegui Pablo nuuhi: Jua miyaminaaco nitihicauhi iheedehifico ejeevesuno jiibegobadi iicanoco. Jaabo tolliro bu neehicauhi tabuunati asaaboco mimiyaavegueji neehicauhi Jesuditu.

⁵ Jaanoco uguubuumoro nitisuquimaaiuhi Jesucristo momofeenedi.

⁶ Jaadi Pablo ihuseque diitohallivi ificuuneru Moocaani Gaija diitohallivi niituuh. Jaaneri diito sijijeri iimaaumo. Jaamoro Moocaani iijico jiibeguehicaumo. ⁷ Jaamo paryi fahuseeci motihaiti miimisiicidimou.

⁸ Jaabo Pablo toonovi minihibaci, sanihiba icanohachuta sinagogajafaño feehicauhi nihicugotiboo miyaminaaco ijibeguequi. Jaabo ihiimaaboro miyaminaaco miyaavugusuhicauhi Moocaani aivoji iijico. ⁹ Jaarunaa saatoho mityano ifiico eesiciniumoro miyaavuguutih. Jaamoro Jesu jiibegotiboo miyaminaafeenevi imitino iimaahicauhi. Jaanoma iicaubo diitoti sihigovi fuubo. Jaaboro Cristotaco iicuboro satyuubo Tiraano onoobo aameneque ijibeguehicajafaño. Jaamoma fafucuvaaciviro iimaahicaubo mifocabaci ticovovi. ¹⁰ Jaamaño paryi Asia jinijeri iicaumo Moocaani iijico guubuuhi Jesuti ijibeguehicaunoco

judiomí, bu judiomí iicatimeheje icano. ¹¹ Jaabo Pablofeenedi Moocaani sihidi ejeevano mityaco moonihicauhi. ¹² Jaamaño filluchehuno, bu gaachehuno icaruno diibo ifiivi ijivonehejeque asatyeneri iguihuvameheje buheehicauhi, bu iimitino ijimi diitoti iinehicauhi icano.

¹³ Jaarunaa saatoho judiomí gaifimi iiguefifimo: Miihai ijimico ma-gañififi, noomoro feehicauhi. Jaamoro Aivojibbo Jesu momoco nisuumo iimitino ijimico igañiqui.

¹⁴ Jilli moonihicaumo sahuse juugahuseti miimisiici idiimo icamo saafi Esceva onoobo seeme. Jaabo judioobo, sacerdotemi aivojibou. Jaanofeene safoono ijico nuumo: Ico matajibahi Pablo ijibeguehicaabo Jesu momofeenedi saafiti dihiinequi, noomoro.

¹⁵ Jaarunaa diitoco ihiji iimusuuhi: Jesuco uujoho gaajahi, tolliro Pabloco gaajacuuhi icano. ¿Jaanotí nacu miijohno amiihai? nooboro.

¹⁶ Jaasumiro ihijima iicaubo diitohallivi tigaifiivuhi. Jaaboro diitoco guinoniubo sefano diitoco ahaamiboro ijati gaasuubo diitoco utujaacuuboro sicaimehejeque. ¹⁷ Jaanoco paryi Efeso cuumiri iicaumo judiomí, bu judiomí icatimo icano agaajaumoro sihidi iguiuhi. Jaamoro Jesu momoco sihidi imehicaumo.

¹⁸ Tolliro bu sihidi imiyaavuguumeheje iticoni imitino iicahicaune-hejeque jibogomoro saahicauhi. ¹⁹ Jaabadiro bu sihidi apichuco ihimaahicaumo ihapichuno aameneque isivaumoro miyaminaafeenevi jegasuhicauhi ijaada cincuenta mildino ticosovi nihibami icanoco. ²⁰ Jilli Moocaani iiji guiraatonoro feehicauhi imityafeenedi.

²¹ Jaanobuunati Pablo fuuguuhi siino Macedonia, Acaya icano jiinijejaago. Jaamañoti Jerusalevi fatyuguubo. Jaanobuunati tolliro Roma cuumivi feeji, nuubo. ²² Jaaboro Macedoniavi galluubo Timoteo, Erasto icamisi ihamusuminaatisico. Jaanobuuna diibo Asia jiinijevi ifitafutuubo tomañovi gueenene icauchi.

Efeso Cuumivi Ñaaísomo.

²³ Tusumi sihidi ñaaíumo Jesu jibogoti. ²⁴ Saafi Demetrio onoobo Jesuco iimogotiboro miyaminaaco fajinuibo Jesujaagodi iicatimo iicaqui. Jaabo nihibamiri eetavehicaudi diosa Diana onoogo* ijia ijinitagayinoco. Jaaneri sahomonocoro diibobadi ududicamaaimo sihidi nihibamico gaayicihicauhi. ²⁵ Jaamoco paryi sano iigaiyicuboro nuubo: Amiihairyo magaajahi jidudicamaajehallivi sihidi miihai nihibamico magaayicihicanoco. ²⁶ Jaano icanaaca amiihairyo maatyimemere mugubuhicacuuhi diibo Pablo: Miyaminaa eetavomo diosmi icatimo, nooboro efeehicanoco. Jaamaño miyaminaaco: Miyaano, nuusuuboro feehicabao. Jaano jiicuumiviro icatino fahigovaviro jino Asia jiinijevi. ²⁷ Jaamaño mududicamaaje gañicafeteji. Jaabadiro bu sihidi ejeevago diosa Diana jecivo iija ibocima chahacuuji. Jaadi jilliti diigoco bocigucuujitirumo paryi Asia jiinijeminaa, bu paryi jiinijeminaa icamo ejecivehicarugoco, nooboro.

²⁸ Jaanoco uguubuumoro, sihidi sifiratuuh. Jaamoro sefano coovadivuomo: ¡Imino diica Diana efesiomi aivojigo idicag! noomoro.

²⁹ Jaaneri faacuumiro añaaívumoro Gayo onoobo, Aristaco onoobo icamisi macedoniaotisi Pablo gataavominaatisico agaayiciumoro

* **19:24** Griego ijiri, Artemis onoogo.

satyuumo sinehejeque ihiimaaqui iigaivojafaño. ³⁰ Jaanegui Pablo diitojaa fuujirahi miyaminaama iimaaqui. Jaarunaa Cristota diiboco galluutahi. ³¹ Jaabadiro bu saatoho Pablo nahabovaminaa Asia jiinije aivojito iicaumo saatohoma jii**bogoco** galluuhi: Diitofaño feediibo, noomoro. ³² Jaanohachuta iigaivumo coovadiicinihicaudi saatoho siibadi onoono, saatoho siibadi onoono icano ñaaicinihicaumo. Jaanoco sihidí samañoto gaajautimo jinegefiri fine iigaivuunoco. Jaamoro sicamañehejeque coovadiinamaaihicaumo. ³³ Jaanegui diitofeeneri iicaumo Alejandro onooboco toonoti imino jii**buguumo**. Jaamoro judiomí diiboco chimucumoro satyuhi miyaminaama diitohallivi ihiimaaqui. Jaanegui imiyaminaaco ihuseri faguuruubo illiivequi. ³⁴ Jaarunaa Ihalejandro judiomiyoobo iicaunoco agaajacumoro sefatuumo janaaniciviro famooro ocoovadiinamaaiumo, siino minooci nihibo oovo ticovoocivi: ¡Imino diica Diana efesiomi aivojigo idicagō! noomoro.

³⁵ Jaamo illiivuudi tuucuumio aivojito nahaboniminaafi miyaminaaco nuuhi: Efeso miyaminaa, miiro famooro miyaminaa gaajahi jiicuumivi sihidí ejeevago diosa Diana caamoti Mercurio onoobo[†] iicahigotí ihiji iniitugoco. Jaago iija abajacuumi Efeso. ³⁶ Jaanoco bu ¿mijohoh tuunamaajirahi? Jaanegui millivucu. Jaamoro imino esamaaitimoro siibadi momoonidino. ³⁷ Miiro jiitisi gaifimisico amiihai misivahi amiinhai diosa Dianati imitino omoonimisiro idicuno ihiimaatimisico. ³⁸ Jaanoti Demetrio, bu diiboma ududicamaaihicalo icano sitahallivi ihiimaajihachiji jaafa fagominaama toneheje imibachujafaño toonoco iimaamo iimibachucasiqui. ³⁹ Jaanoti sinehejeque mihigaivomoro mihiimaajihachiji aivojito atajibanicibadi iminoro mihigaivomoro mihiimaa. ⁴⁰ Jilli ñaaimoro mihicamaño jimañoo jiinije aivojiboo miihaiditi imitino neejirahi. ¿Jaanoco milli miihai mihiimusujirahi jino mañaainoti? nooboro.

⁴¹ Jilli nooboro diitoco lliicaruubo.

20

Pablo Macedonia Jiinije, Bu Grecia Jiinije Icanoco Meeciboro Fuuhi.

¹ Jaamo illiivuudi Pablo Cristotaco coovaubo ijibeguequi. Jaaboro diitoco ifitacuuboro fuucuubo Macedonia jiinjevi. ² Jaabo paryi Macedonia jiinjeotoco emeeciiboro, equehecutusuuboro icano fuuhi. Jaadi ii**futuubo** Grecia jiinjevi. ³ Jahigo icaubo minihibaci, sanihiba icano. Jaadi meenegari fuujiruubo Siria jiinjevi. Jahigo judiomí diiboco agaicaauguunoco agaajaciuboro dojicuviro Macedoniaavi uumiubo siino. ⁴ Jaaboma gataavuumo Sopater onoobo Berea cuumioobo, bu Aristacu, Segundo icamisi Tesalonica cuumiotisi, bu Gayo, Timoteo onoomisi Derbe cuumiotisi, tolliro bu Tiquico, Trofimo onoomisi Asia jiinjeotisi icano. ⁵ Jaamo imegavi ufuumoro ii**futuumo** Troa micuvi miihai Pablomima mihicauumoco iteemetequi. ⁶ Jaadi jari miihai ijicutaama achahano maahuno, jibaimobuunati, Filipo cuumiti meenegari mufushi. Jaamo sahuse fucuvati Troa micuvi mihi**futuuhi**. Jahigo sajaguisi toono mihicauhi.

Pablo Troa Micuco Meecituubo.

† 19:35 Sahaamefaño ficuumo Jupiter. Jaanoti sihaamefaño imomoco ficuutimo.

⁷ Jaanaa jaguisibuuunati Cristota igaivuumo panco iquisicuqui. Jaanaa Pablo ufuucujinegui jiibogooboro fucuvuubo. ⁸ Jaamo igaiciniuhí caamo mecuafáñ sihidi cuugahuno aachiciníhigo. ⁹ Jaanaa saafi sicafeñ Eutico onoobo giciniuhí iventanavi. Jaanaa Pablo gueenene ijibugumaño sihidi diiboco cigara aivuuhi. Jaaneri icigaubo tercer pisotí caamoti acutuuhi. Jaaboco gañiyicimo chuumucuuboco. ¹⁰ Jaanegui Pablo iniituboro diiboco ihibiciuhí. Jaaboro nuubo inahaboniminaaco: Mihiguedino. Jaani buheebe, nooboro.

¹¹ Jaadi Pablo caamo ufuuboro ipanco iquisicuuboro iifunoco machumo. Jaanobuunati siino ihimaaboro seseeveubo. Jaadi fuubo. ¹² Jaanaa isicafefico satyuumo buheecuuboco. Jaaneri famooro sihidi imo imo icauhi.

Pablo Troa Micuti Miletu Cuumivi Fuuhi.

¹³ Jaanaa miihai imegavi mufuuhi meenegari Ason cuumivi toonoti Pabloco meteemequi, diibo jihairi asaaajiiboco. ¹⁴ Jahi diiboco mahatymedi Asonti meenegari saano mufuucuhi. Jaamo Mitilene cuumivi mihibutuuhi. ¹⁵ Jaano seseeedvi Quio cuumi cojidi mafatyuuhi. Jaano sifucuti Samo micuví mihibutuumo majaguisihi Trogilio cuumivi. Jaano sifucuti mihibutuuhi Miletu cuumivi. ¹⁶ Jilli momooniuhí Pablo gueenene Asia jiinijevi icanoco iimuguutimaño Efeso cuumivi footiibó iicaqui goovano Jerusalevi ihifetequi, tahí Pascua jiibaimoco ifatyequi.

Efesovi Pablo Moocaani Iija Quillahutoco Jiibeguehi.

¹⁷ Jaabo Miletu cuumiti Pablo cuuhuvaahi Efesojaagovi Moocaani iija quillahutoco. ¹⁸ Jaamo asaaumoco Pablo nuuhi: Amiihairyo magaajahi Asia jiinijevi icausumi iicahicaunoco. ¹⁹ Miirro fahiji varo amiihaifeenevi icahicauhi Aivojiibó Jesuco jeecivooboro: Uujoho sihidi gaajahi, nootiiibo. Jilli icahicauhi sihidi idaasuno icahicauhi jidiomi uco aamigueneri tahaallii tofaihuco filluuboro. ²⁰ Jaarunaa suufenitiibo jiibeguehicauhi amiihaidi iiminoco miyaminaafeenevi, bu tolliro ijanofaño icano. ²¹ Judiomico, bu tolliro judiomí icatimoco icano ijibogoooboro neehicauhi: ¡Amiihai eedeehifiico mejeevesu Moocaani imefeenevi! Jaamoro Aivojiibó Jesucristoco mimiyaavogo! nooboro. ²² Jaabo jisumi uuoho Jerusalevi feeji Moocaani Gaija tajibari, tahigo uco omoonijinoco gaajatiiboro. ²³ Jaarunaa Moocaani Gaija uco faacuumivavi ijibogoooboro neehicahi: Hijo Jerusalejaago idaasuno civojafaño diicaji, nooboro. ²⁴ Jaarunoco uuoho esamaaitihi. Tafico gajitihí, idinocoro imeguehi tajihai niquejevi iifotonoco, bu tolliro uco Aivojiibó Jesu imino jiibogoco atajibahinino Moocaani imihuseti jiibogonoco imivequi icano.

²⁵ Jisumi gaajacuuhi uuoho saatohobati amiihaifeenevi Moocaani aivoji ijico ijibogomoti siino uco mahatyimecujitinoco. ²⁶ Jaanegui jisumi uuoho amiihaico neehi: Amiihai imiti jaadaco jisu amiihaihalliviro icacujino, tahallivi icacujitino. ²⁷ Jilli amiihaico jiibeguehicahi paryi Moocaani ijico tuunamaaitiibó. ²⁸ Jaanegui amiihairyo mehesicini. Tolliro imino motoomo igaivominaaco Moocaani Gaija amiihaico tajibauhi diitoco meteemequi atajibaunoco. Aivojiibó Jesu imiyatiijeheri diitoco ajaaducumoco. ²⁹ Jaanoti bu gaajahi uuoho, ofoonobuunati saatoho amiihaifeenevi gaseji amiihaico ifinisuqui jicu ovejamico ifinisunicibadi. ³⁰ Miirro amiihaifañoti saatoho

agañiivomoro jiibeguejimo sicamañehejeque miyaanobadi, toonoguiinodi amiihai mimiyaavogonoco mejeevesuqui. Jaanegui mehesicini,³¹ majabajevedino mifocabaci, saficaba icano ticovovi paryi amiihaico fafucuvaaciviro tahaallii tofaihuco gañiboro jiibeguehicaunoco.

³² Jaaneguijisumi tañahabomi Moocaanima mihica. Diibo imihiji jiirogoco mehesicini. Jaano toonofeedi sefano mihicahi, jaano amiihaico Moocaanico ejecivehicamofeenevi ificuqui. ³³ Uujoho saatoho nihibamico, gaachehuco icano imaguehinitihi. ³⁴ Amiihairyo magaajahati tahuseri ududicamaaiboro ucuujivaachunoco iicihicanoco, tolliro bu uuma iicamedi iicihicanoco icano. ³⁵ Miilo saicino amiihaico jiibeguehicaahi jilli mududicamaaiqui. Jaamoro ucuujivaachuuboco tooneri mahamusuqui Aivojiibo Jesu unuubadi: Imicani icaabo sitaaco aaciibo, toonoco agaayiciibo janaanicivi, unuubadi. Jaanoco mehesicini, nooboro.

³⁶ Jaaboro ememuiivuuboro diitoma Moocaanima iimaubo. ³⁷ Jaadi famooro Pabloma ihiobiccasiumoro taaumo, ³⁸ sihidii daasuvumoro Pablo diitoco: Ofoodi uco mahatyimecujitihi siino, unuuner. Jaamoro diiboco ficujeumo meenegafaño.

21

Pablo Fuuhi Jerusale Cuumivi.

¹ Jaamo monahabomico mejeevesuumoro meenegari sanoticovoro mufuuhi Cos onoochugaivi. Jaano sifucuti Roda cuumivi. Jaamañoti Patara cuumivi mihifutuuh. ² Patarati Fenicia cuumijaa ufuugaco mahatyimeugari mufuuhi. ³ Jaamo mafatyuumo mahatyimeuhi Chipre onoochugaico monaninaagonovi iicachugaico. Jaamo mufuuhi Siria jiinijevi Tiro cuumijaago sinehejeque ificuugari. ⁴ Jaamo tahi Cristotaco mahatyimeuhi. Jaamoma toonovi mihicauhi sajaguisi ticovovi. Jaamo diito Pabloco jiirogooji Moocaani Gajari: Jerusalevi feejirahana, noomoro. ⁵ Jaadi tojaguisi ifiniudi mufuumo famooro mogaimima, iseemema icano mihaico ficutuumo. Jaamo mihifutuhi tuucuumijinivi. Jaamoro jiinigaibaahohallivi mememuiinamaaiumoro Moocaanima mihiimaauhi. ⁶ Jaamoco mifitacumoro mijicafutuhi meenegafaño. Jaanoti diito dojicuviro uumiumo ijanojaago.

⁷ Jaamo Tiro cuumiti mufuumo mihifutuhi Tolemaida cuumivi. Jahi monahabomi Cristotaco midilluhi. Jaamo diitoma mihicauhi safucu ticovovi. ⁸ Jaano sifucuti miihai Pabloma mufuumoro Cesarea cuumivi, Felipe Cristo iiji jiirogominaafi iijafaño mijicafutuhi, sahuse juugahuseti miimisiici idinomoobo diaconomiboro iijafaño. ⁹ Jaabo Felipe igueenemehejedimo iseemema icaushi sano gaigoomiro ataajevatimo. Jaafigueje Moocaani diitoco onoonoco iimaahicauhi. ¹⁰ Jaamo miihai toono fiiva fucuva mihicaunaaca, Moocaani iimaaminaafi Agabo onoobo Judea jiinjeti gaseuhi. ¹¹ Jaabo miihaico emeeciiboro Pablo niivigai meeheque iciuhi. Jaaboro toomeeheri ifico itihaiño, ihusene icanoco isisuboro nuuhi: Moocaani Gaja jilli neehi: Jerusalevi judiomijimeehe abajaabo ofooboco jilli sisiji. Jaamoro siicuumiotoco acijimo, nooboro. ¹² Jaanoco mugubumoro Pabloco munuuhi, Jerusalevi ifootiqui. ¹³ Jaarunaa Pablo iimusuuhi: ¿Colihi uuri mataahi, uco mihidaasuvusuqui? Jaarunoco uujoho iguitihi uco isisimoro agaicaajinoco Aivojiibo Jesu momohalliti, nooboro.

¹⁴ Jaanoco gaajacuruubo imuguuhi ofoonoco. Jaanegui milli munuu-cuuthi. Jilliro: Jii, munuuhi tahi Moocaani Aivojiibo jeebii onoobadi diica, noomoro.

¹⁵ Jaanobuunati mihimibaivumoro Jerusalevi mufuuhi. ¹⁶ Jaamoma saatoho Cesarea cuumiri iicaumo Cristota gataavuuhi. Jaamofaño bu saafi icaahi Chipre onoochugaiobo Mnason onoobo. Jaabo ijafaaño mihibutuumoro gueenene mihicahicauhi siicijetiro Cristoco imiyaavuguubo iicaubo ijafaaño.

Pablo Jacooboco Meecituuhি.

¹⁷ Jaamo Jerusalevi mihibutuumodi monahabomi imo imo miibhaico gaayiciuhi. ¹⁸ Jaano sifucuti miibhaima Pablo fuuhi Jacooboco memeecitequi. Jahigo tolliro icaumo famooro quillahuto. ¹⁹ Jaanoco Pablo idilluuboro jiibuguhi, paryi Moocaani diibo jiibeguefeenedi judiomii iicatinumofeenevi omooniunoco. ²⁰ Jaanoco uguubumoro Moocaanico imuumo. Jaamoro Pabloco nuumo: Fañi, imiruno aivono. Jaarunaaca iiro gaajacuuhi judiomiti sihidi ajashutimo, imiyaavugucuumo famooro Moise atajiiubaubadi iicaqui ejenaauhicanoco. ²¹ Jaamoro neehicahi iiyohova diibeguehicahi paryi judiomii siicuumijeja iicamoco, Moise atajiiubaunoco mimiyaaveguedino. Tolliro bu seeme meeheque miquiticujihi, siino mojeevamaajebadi momoonicujihi, iiyohova neehicahi, noomoro. ²² ¿Milli jaanoco momooniji? Iijojo jinovi agasecuunoco agaajacumoro ñaaivejimo. ²³ Jaanegui jilli mooni: Miibhaifaño icamo igueenemehejedimo gaifiimi Moocaanico unuucuunoco omooniijimo. ²⁴ Jaanegui diitoma ofooboro sacerdotemi unuubadi amiihai ifinoco mihibachu. Jaaboro toonoco diitedi daadu. Jaanobuunati inigañoco ciidasujimo. Jaanoti famooro gaajajimo iiiditi miyaano iicatinoco ihiimaahicanoco. Jilli iiyohoho imihusene Moise tajiiabajico edeetavehicanoco gaajajimo. ²⁵ Jaanoti saatoho judiomii iicatinimo imiyaaveguemedi, aameneque magalluumoro matajiibahii: Ijinitaco ejecivucuunoco meheetavucudino. Jaabadiro tiiyohoco mahaduudino, bu udusuucimoro amakanisumehjeque muduudino, bu saatohoba ataabavatimo jahisihijedi gaigoomima icadino icano, noomoro.

Pabloco Templojafaño Agaayicimoro Civojaanimo.

²⁶ Jaanegui Pablo diito igueenemehejedimo iiccamoco iiiciuboro satyu-uhi. Jaano sifucuti diitoma ifinoco iimibachumoro fuumo templo-jafaño jiibeguequi, ifinoco iimibachuno imivocafutuujinoco. Jaadi ijeeecivonoco ificujinoco.

²⁷ Jaamo sajaguisico imivusutimaacaro judiomii Asia jiinijeti agaseumo atyimeuhi Pablo templojafa icaaboco. Jaamoro tuucuumio miyaminaaco añaaisumoro Pabloco gaayiciumo. ²⁸ Jaamo agaibacasimoro nuuhi: Israel miyaminaa, miibhaico mahamusu. Jaani fahigovadi feehicahi imitino jiibeguefeenedi israelminaahallivi, bu Moise tajiiabajihallivi icano. Jaaboro jino saatoho griegomico jiija templojafaño sivaabo toojaco imihibininiqui, noomoro.

²⁹ Jilli neehicaumo Efeso cuumioobo Trofimo onooboco Pabloma tuucuumivii aatyimeumoro: Fine diiboma templojafaño foobo, noomoro.

³⁰ Jaanoco famooro tuucuumioto imiyaavuguumoro Pablojaaa saaumo jinoomoro. Jaadi diiboco agaayicimoro templojati sihigovi sefano satyuumo. Jaamoro goovano foboociumo temploja

guhuganoco. ³¹ Jaamoro diiboco gaicaaujirumo. Jaarunaa jíibogo gaseuhi amocasiminaa aivojíibogaago, famooro Jerusale cuumioto añaaiunojíibogo. ³² Jaanegui ihaivojíiboo, ihamocasiminaama, saatoho ihaivojítoco icano igaiyíiciubo. Jaamo jinoomoro fuuhi imiyaminaa iicauhigo. Jaamo miyaminaa imiya aivojíiboco, bu amocasiminaaco icano aatyíimeumoro Pabloco aamicuutimo. ³³ Jaanegui imiya aivojíiboo ifitívuuboro tajíibaubo Pabloco civojaminaafiti isisiqui mihiciri jígaiñohiciri. Jaadí dilluubo: ¿Míijoho diibo? ¿Jinejeque mooníiboo? nooboro. ³⁴ Jaanegui coovadiinamaaihicaumo saatoho siibadi onoono, bu saatoho siibadi onoono icano. Jaanoco imiya aivojíiboo guubutíiboo diito iimauno toovodi. Jaanegui diibo galluubo esefano civojano iicauhigo. ³⁵ Jaadí toojafaño ifutuudi goovano cuuhuri, isoldao mi Pabloco ihuibimoro satyuhi miyaminaa diiboco agaicaaujiruneguiiha. ³⁶ Jaamo sihidí miyaminaa idojicuti bucasiuhi: ¡Magaicaau! noomoro sefano.

Pablo Miyaminaa Imfeenevi Iimaauhi.

³⁷ Jaabo Pabloco toojafaño ijíhacucuuneguiiha nuubo ihaivojíiboco: Imguehi iíma ihiimaanoco, nooboro.

Jaanegui iimusubo: ¿Nacu ijoho gaajahi griego ijico? ³⁸ ¿Nacu ijoho egipciobo diicatihi? ¿Johono safoono aivojitojaago isifiratuuboro cuatro mildimo gaicaaujinaaco sicaihigovi asatyuubo diicatihi? nooboro.

³⁹ Jaanegui Pablo nuuhi: Uujoho judiomínaafi Tarso cuumi, Cilicia jiinijeocuumi obocicumio. Jaanegui uco musuufení miyaminaama iimaaquí, nooboro.

⁴⁰ Jaanegui ihaivojíiboo Pabloco iimaasuuhí. Jaabo cuuhuti ujulleeveuboro ihuseri faguubo miyaminaa illíivequi. Jaadí illíiviudi iimaubo hebreo ijíri:

22

¹ Caanimi, bu tañahabomi icamo muguubunici amiíhaifeenevi jino ihiimaanoco, nooboro.

² Jaanoco uguubumoro hebreo ijíri ihiimaunegui llíviúmo.

Jaanegui Pablo janaanicivi ihiimauboro nuuhi: ³ Uujoho judiomioobo Tarso cuumi Cilicia jiinijevi ifiivoobo. Jaaruubo jusihi jino Jerusale cuumivi. Jaabo uco Gamaliel jíbeguehicauchi imino siícjeminaa tajíbabjico. Jisumi amiíhai Moocaanico sefano imino mejeeecivobadiro uujoho jeecivehicali. ⁴ Jaabo uujoho safoono Cristotaco ubucasiuboro gaicaauhicauchi, bu isisiiboro satyehicauchi gaifiimi, gaigoomi icamoco civojafaño diitoco ijíhacuqui. ⁵ Jaanoco sacerdotemí aivojíiboo, famooro quillahuto iicamo miyaano iicanoco gaajahi. Jaamo aameneque uuma galluuhi monahabomi judiomidi. Jaanegui uujoho Damasca cuumivi ufuuboro Cristotaco sívaujirahi Jerusalevi idaasuno imooniquí.

Pablo Imiyaavuguunoco Jíbeguehi.

(Hch 9.1-18; 26.9-18)

⁶ Jaabo uujoho jíhairsi fuunaaca gadiciiba Damascatí fiiticurunaaca imimañobati niquejefañoti uco sefano achiciuno. ⁷ Jaaneri uujoho baaví aacutuubo guubuuhi, niquejefañoti uco unuunoco: Saulo, Saulo, ¿collíhi uco bucasihu? noonoro. ⁸ Jaanegui iimusuuhí: ¿Míijoho ijoho, aivojíiboo? nooboro. Jaanegui uco iimusuuno: Uujoho Jesu Nazareoobo iicaaboco, ijoho bucasihu, noonoro. ⁹ Jaaneri uuma ufuumo

sihidi igutuuhi, tolli onoonoco uguubuumoro. Jaarumo miihaiñobaco atyimeutihi. ¹⁰ Jaanegui uujooho nuuhi: Aivojiboo, ñjaanegui milli iicanoco diimeguehi? nooboro. Jaanegui Jesu uco nuuhi: Gañiivo. Jaaboro difo Damasca cuumijaago tahi ico idiicajinoco ijibeguequi, nooboro. ¹¹ Jaabo uco aachicinueri tahaallii jaabatuuh. Jaanegui tañahaboniminaa uco tahuseti agaayiciumoro feetuucumoro satyuuh. Damascavi ihifutusuqui.

¹² Jaanaa tahi icaubo saafi Anania onoobo sihidi imiyaaveguehi-caubo Moise tajibajico. Jaabediti judiom*i* Damascav*i* iicamo famooro imino iimaahicaumo. ¹³ Jaabo Anania uco emeecivaubo tajaago ujulleeveuboro uco nuuhi: Tañahabo Saulo, imino siino daatyime, nooboro. Jaasumiro uujooho diiboco atyimecuuh. ¹⁴ Jaanegui Anania uco nuuhi: Motadimi Dios ico ficuhi diibo jeebii iimogobadi iicanoco gaajaqui, bu iimiiboco ihatyimequi, bu diibo iimaaco guubuqui icano. ¹⁵ Jaabo ijohfaabohoco diibegueji paryi adaatyimeebere uguubunoco. ¹⁶ Jaanegui jisu, ¿collihi gafiiivoobo nitisuquimaaitihi? Imino miyaavo-goboo, Aivojiboo Jesu memeri dihimiti initicafetequi, nooboro Anania uco nuuhi.

*Pablo Judiom*i* Iicatimoco Ijibeguehi.*

¹⁷ Jaadi Jerusalev*i* dojicuviro uhumiudi fuuhi templojafaño Moocaanima iimaaqui. Jaabo iimaanaaca gajijafañodi Aivojiboco atyimeuhi. ¹⁸ Jaabo uco nuuhi: Goova difo Jerusaleti. Uuti ijohfaabohoco miyaaveguejitulo, nooboro. ¹⁹ Jaanegui Ihaivojiboco nuuhi: Diito paryi gaajahi uujooho sinagogajafaño ofooboro ico imiyaavogomoco civojafaño asatyooboro ahaamihicaunoco. ²⁰ Jaabadiro Esteba dihiimaaminaaf*i* tiijohoco agañiusumi uujooho ujulleeciniboro diiboco agaicaaumofañodi icaahi, diito gaachehunoco utuumuubo. ²¹ Jaaruuboco Aivojiboo Jesu uco nuuhi: Difo. Ico galluji tehesino judiom*i* iicatimojaagovi, nooboro.

Pabloco Amocasiminaa Aivojiboo Civojaniji.

²² Jaanoco jihachutaro uguubuniciumoro sefano nuumo: Diiboco magaicaau. Mihimogotih*i* diiboco iicanoco, noomoro.

²³ Jaamoro sihidi ocoovadiivumoro igaachehunoco sefano caamovi gavaracumo, bu baiguijinoco iicimoro gaifificihicaumo caamovi icano. ²⁴ Jaanegui ihamocasiminaa aivojiboo tajibauhi Pabloco civojafaño isatyequi. Jaaboro saatohoco tajibau Pabloco niivigai meeheri ihaamiqui. Jaaneri ijibeguequi collihi diiboti sihidi miyaminaa añaainoco. ²⁵ Jaaboco ihaamiqui sisiumo. Jaanegui Pablo sahaivojiboo ifitino iicauboco nuuhi: ¿Nacu ijohfaabohoco niivigai meeheri dahanamijirahi romanomiooboco, iticoni milli iicanoco gaajatiiboro? nooboro.

²⁶ Jaanoco diiboco uguubuuboro imiya aivojiboco jibegutuubo. Deesicini omoonijinoco. Jaani romanoobo, nooboro.

²⁷ Jaanegui ihaivojiboo Pablovi ifitivuboro dilluuhi: ¿Naava miyaano ijohfaabohoco? nooboro.

Jaanegui Pablo: Jiihi, nuuhi.

²⁸ Jaanegui ihaivojiboo nuuhi: Uujoho sihidi jaaduhinicuuhi romanoobo icaqui, nooboro.

Jaanegui Pablo nuuhi: Jaanoti uujooho romanoobo sahijitiro fiivuuhi, nooboro.

²⁹ Jaanegui aamitímoro diibediti sihigovi minifutuumo. Jaanoco ihaivojíibó romanoboco isisinoco agaajauboro ñihicugucuuhi.

Pablo Judiomí Fagominaa Imefeenevi Icaaubo.

³⁰ Jaanoco sifucuti ihamocasiminaa aivojíibó imuguuhi agaajanoco; milliti Pabloloditi judiomí ihiimaahicanoco. Jaanegui sacerdotemí aivojítoco, famooro fagominaaco icano tajíibaubo iigaivequi. Jaadi Pabloco ijigaiñohinoco isinaayuuboro satyuhi diito imefeenevi.

23

¹ Jaabo Pablo diito judiomí fagominaaco aatyimeuboro nuuhi: Amíihai tayoto, uujoho imino icafihí imino tajeebiíco esicinimañovi sajeebíí Moocaani imefeenevi icahi jisumihachuta, nooboro.

² Jaanegui Anania onoobo sacerdotemí aivojíibó tajíibauhi Pablo cojiri iicaaboco Pabloco ihaamíqui ijiti. ³ Jaarunaa Pablo iimusuhí: Moocaani ico aamiji. Ijoho miyaminaa imefeenevi imiibobadí difiico omooniñicaaboco. ⁴Jaabo nacu toono gicinihi Moocaani tajíibafañodi tahimitíco daatyimequi? Jaamoro bu uco mahaamisuhí Moocaani tajíiba onootibadi, nooboro.

⁴ Jaanegui saatoho nuuhi: ¿Tollí aivo ijoho neehi obociíbo Moocaani sacerdotediti? noomoro.

⁵ Jaanegui Pablo nuuhi: Tayoto, uujoho gaajatihi diibó jahi obocino sacerdote iicanoco. Miíro Moocaani Caatiniñaamefaño noono: Diicuumi aivojíibotí imitino diimaajirahana, noonoro, nooboro.

⁶ Jaabo Pablo, diito fagominaati saatoho saduceomí iicaumoco, bu saatoho fariseomí iicaumoco icano agaajauboro sefano nuuhi: Tayoto, uujoho fariseomíoboo guihirubimi fariseomí iicaumaño. Jaaruubo uujojo uchuumuumo siino ubuheetejinoco miyaaveguehi. Jaanegui fine uco mocoovahi toonoco uco midilluqui, nooboro.

⁷ Jaanoco uguubuumoro fariseomí, saduceomí iicamo jenaaucasiuhi sanoomiro. Jaamoro ijeevadí dugaavocasíumo ifariseomí isaduceomíti. ⁸ Miíro saduceomí noonichi uchuumucuumo buheetecuujitíhi, bu Moocaani toomominaa chahahi, bu gajjamí chahahi, noonichi. Jaanoti fariseomí fanoocoro miyaavogonicíhi. ⁹ Jaadi famooro sefano ocoovadiivuunobuunati saatoho caatiniminaa gañiivuuhí fariseomíjaagodí iicaumo. Jaamoro nuuhi: Jaani imitino moonitihi. Jaabofañodi baacho gaija iimaahi, Moocaani toomominaafi baacho iimaahi. Jaanegui Moocaanimaryo momoonicasidino, noomoro ¹⁰ sefano jenaaucasihicaumo. Jaaneri ihamocasiminaa aivojíibó ñihicuguuhi Pabloco fahigovati agallicujirunoti. Jaaboro ihamocasiminaaco tajíibaubo diitofeeneti Pabloco iicimoro cívojafaño siino isatyequi.

¹¹ Jaano sifucuti Pablojaa Aivojíibó Jesu asaauboro nuuhi: Quehecuto Pablo. Uudití jino Jerusalefaño idiimaabadi tolliro Roma cuumijaago diimaateji, nooboro.

Pabloco Igaicaauqui Afajíinicasiuno.

¹² Jaanaa sifucuti sanoodímo judiomí iimaacasiuhi Pabloco igaicaauqui. Jaamoro imitino unuunofañodi nuumo: Mamachujitíhi, mahadujitíhi icano diiboco magaicaautinohachuta, noomoro. ¹³Jaamou tollí unuumo cuarentadimou tollí esamaaimo. ¹⁴ Jaanobuunati sacerdotemí aivojíiboaago, judiomí quillahuto icamojaago ufuumoro

diitoco nuumo: Miihai munuucuuhi iimitinofañodi Pabloco magaicaautinohachuta mamachujitihī, noomoro. ¹⁵ Jaanegui amiihai fagominaama mofoomoro amocasiminaa aivojiboco cívohogo midilluto diiboco isivaqui amiihai imefeenevi, siino imino diiboco midilluqui, noomoro. Jaabo Pablo gasetibō imegaro miihai mihimibaivucuuji diiboco magaicaauqui, noomoro.

¹⁶ Jaanoco Pablo nago achi uguubuuboro icivojafa fuubo Pabloco ijibeguequi. ¹⁷ Jaanegui Pablo saatohoti aivojítoco ocoovauboro nuuhi: Jaanico sicafeñico masatyō imiya aivojiboaago siinoco diiboco ijibeguequi, nooboro.

¹⁸ Jaanegui tosicafeñico ihaivojiboojaaa asatyuuboro nuuhi: Pablo civojafatibō uco galluhi jaani sicafeñico dijaago sivaqui icova siinoco ijibeguequi, nooboro.

¹⁹ Jaanegui ihaivojibō tosicafeñico ihuseti agaayiciuboro sihigovi diiboco asatyuuboro dilluhi: ¿Milli uco neejirahi? nooboro.

²⁰ Jaanegui isicafeñico nuuhi: Judiomí esamaaihi ico idilluqui cívohogo Pabloco satyequi fagominaa imefeenevi. Jaamo jilli ico neeji: Siino mihimeguehi imino diiboco midillunoco, noomoro. ²¹ Jaarumoco miyaaveguejirahana, sihidí cuarenta janaanicivi icamo teemeji Pabloco. Jaamo imitino onoonofañodiva machujitimo, adujitimo icano Pabloco agaicaautinohachuta. Jaamo imibaicinicuumo ijohova: Jiihi, Pabloco galluji, eneejinoco otoomomo, nooboro.

²² Jaanegui ihaivojibō isicafeñico ifitacuuboro nuuhi: Dibeguedino miihaiñnobaco jino uco idibogonoco, nooboro.

Pabloco Galluumo Felix Onoobojaago.

²³ Jaadi ihaivojibō coovauhi saatisi aivojítisico. Jaaboro diitisico nuuhi: Mihimibaivusu doscientodimo amocasiminaa baadi efeejimoco, bu setentadímo jeejimirí efeejimoco, bu doscientodimo aamiganoma efeejimoco icano Cesarea cuumivi tufucuro ifeequi, nooboro. ²⁴ Jaamoma ihaivojibō galluhi Pabloco jeejiri ifeequi. Imino Pablo tahí ihifetequi aivojibō Felix onoobojaago. ²⁵ Jaaboro diitoma galluubo aameque jilli onoohaameque:

²⁶ Uujoho Claudio Lisio, imino ijicó galluuhí ijoho idiimihusene aivojibō idiicaabo Felixjaago. ²⁷ Jaani Pabloco judiomí icivojanimoro diiboco gaicaaujirahi. Jaarunaa romanoobo iicanoco uguubuuboro, soldaomima ofooboro diiboco taajasuhi judiomí useti. ²⁸ Jaadi diiboco judiomí fagominaa imegaví satyehinihi jinejeque diibediti ihimaanoco gaajaqui. ²⁹ Jaarunaa judiomí tajibajihalliti idilluhicaunoco agaajauboro milli nuutihí: Toonohalliti magaicaaujirunoco, micivojaanijirunoco icano uujoho atyimetihí. ³⁰ Jaarunaa diiboco agaicaaujinoco uguubuuboro jino galluuhí dijaago. Tolliro bu jito diibediti ihimaahicamoco dijaa galluuhí tahí dihimefeenevi diibediti ihimaaquí. Tahí imino diica, nooboro.

³¹ Jaanegui ihamocasiminaaco ihaivojibō unuubadi fucu satyumo Pabloco Antipatri cuumivi. ³² Jaano sifucuti ihamocasiminaa baadi ufuumo uumiumo dojicuviro icivojajaago. Jaanotí jeejimirí ufuumo Pabloma fuuhi. ³³ Jaamo Cesarea cuumivi ifutuudi aivojibō Felix onooboco aciúmo Pabloco toohaamema. ³⁴ Jaahaameque emeeciuboro ihaivojibō dilluhi Pabloco: ¿Cuucaoobo ijoho? nooboro. Jaadi gaa-jaubo Cilicia jiinjéoobo iicanoco. ³⁵ Jaanegui nuubo: Jisumi uco

idiibogonoco guubunicithi. Jaanoti jarihiica iediti ihiiamaamo asaadi iijoho onoonoco bu guubuniciji, nooboro Pabloco ficusuubo Herode palaciojafaño, toomominaa diiboco iteemequi.

24

Pablo Aivojiiboo Felix Imefeenevi Iimaahi.

¹ Jaadi sahuse fucuvabuunati Anania onoobo sacerdotemí aivojiiboo ifutuuhi sanoodimo quillahutoma Cesarea cuumivi. Jaamoma saafi iimaaminaafi Tertulo onoobo saauhi. Jaamo agaseudi aivojiiboo imefeenevi ujulleecamaaiumoro Pablohallivi imitino iimaauomo. ² Jaanaa Pabloco agasesuudi Tertulo onoobo ticovauhi ihiiamaubo jilli nooboro: Aivojiiboo Felixco, imino aivo iijoho aivojiiboo miihaico teemehi. Jaamaño aivo sajeebii mihicahi imino miihaico atajibamaño. ³ Jaanoco fanooro aivo imino magaayicahi fahigova iijoho aivojiiboo Felix idimihuseebe idiicanoco. ⁴ Jaabo uuchuvotiboo diicatiqui imeguehi ajashuno iima ihiiamaanoco. ⁵ Miihai jaani Pabloco magaajacuhi gañuhusuno isiramaahicanoco. Jaabo fahigovavi judiomico dugaacusuboro feehicahi, nazarenomi dugaavominaa aivojiiboo iicamaño. ⁶ Jaamaño templojaco mihininiiruubo. Jaarunaa miihai diiboco magaayiciuhi diiboco midilluqui motajibaji onoobadi. ⁷ Jaarunaa amocasiminaa aivojiiboo Lisio onoobo assauboro sefano dumitiiciuhi miihaiti. ⁸ Jaabo ihamocasiminaa aivojiiboo galluuhi, Pabloditi ihiiamaamoco, dihimefeenevi diibediti ihiiamaaqui. Jaabo eneecaú iiro diiboco dillu. Jaabo iiro gaajahi miihai monoono miyaano icanoco, nooboro.

⁹ Jaanoco paryi judiomí: Aivo miyaano, neehicauhi. ¹⁰ Jaanegui ihaivojiiboo Felix Pabloco tajibauhi ihiiamaaqui.

Jaanegui Pablo nuuhi: Aivo imeguehi dihimefeenevi ihiiamaanoco. Ico uujojo gaajahi siicjetiro jiicuumi aivojiiboo idiicanoco. ¹¹ Jaabo eneecahicau bu iiro dilluubo gaaja uujojo Jerusalevì Moocaanico imequi asaahiniiboo agasehininotí fahuseecí motihaiti mifucuci idiino fucuvaro iicanoco. ¹² Jaaruubo uujojo ejenaubo templojafaño, sinagogajafaño, tuucuumifeenevi buhigueeje icano ñaaísuuboro ofoonoco atyimetimo. ¹³ Jaamo jino uudití iimaano miyaano icatino. ¹⁴ Jaanoti naha miyaano uujojo tadmihai Caani Moocaani iicaaboco jeecivehicahi bohono jiihai onoobadi. Jaanoco oono diito dugaacuminaa neehicahi. Jaarunaa jilli uujojo Moocaani iimaaminaa aamenefaño, bu Moocaani tajibano aamenefaño iicanoco miyaaveguehi. ¹⁵ Jaabo uujojo tolliro Moocaanico miyaaveguehi diitobadiro. Jaabo teemehi paryi uchuumucumo iimifiimo, bu iimitifimo icano ubuheetejinoco. ¹⁶ Jaamaño uujojo quehecuno tajeebiico ficuhicahi Moocaani imefeenevi, bu miyaminaa imefeenevi icano imino icaqui.

¹⁷ Jaabo uujojo siicuumijeri igooboro efeehicadi taacuumijaago saahinihi judiomico nihibamico aciqui, Moocaanidi jeecivoco ficuqui icano. ¹⁸ Jaanoco uujojo eheetavuubo templojafaño icaunaaca judiomí Asia jiinjeti asaaumo uco templojafaño atyimeuhi tafico iimbibachuuboco. Jaaruubo miyaminaama sihidi igaivuutihu, ñaaísuuboro icauthi icano. ¹⁹ Jaamo judiomí Asia jiinjeeto collihu saatihu jinoovi dihimefeenevi ihiiamaavamo uudití imitino iicanoco eesicinihachijii? ²⁰ Jaanoti jito asaamoco dillu ¿Naa milli judiomí fagominaa imefeenevi

iicahinisumi uco gaajacihinimo imitino iicanoco? ²¹ Ivi idiiñoro uujoho diito imefeenevi iicahinisumi sefano nuuhi: Uujoho uchuumucumo ubuheetejinoco imiyaavogonoco fine magaajaqui uco midilluhi jaachiji, ivi uujoho nuuhi diito imefeenevi iicasumi, nooboro.

²² Jaanoco Felix uguubuuboro milli nuutiibbo. Cristota imiyaavogonoco agaajauboro nuubo: Jari amocasiminaa aivojibbo Lisio asaadì toonoti imino uujoho gaajaji, nooboro.

²³ Jaaboro Felix saafi aivojiboco galluuhi Pabloco palaciojafaño ijihacuqui. Jaaruubo civojaminaafibadi icautahi. Jaabo toojafa icauno-hachuta igataavominaa diiboco meecitehicauhidiiboco siinoco ihaci qui.

²⁴ Jaadi goovacutinotì Felix mogai judiomìogo Drusila onoogoma saauhi. Jaaboro Pabloco cuuhuvauhi diibojaa asaaboro Jesucristoco mimiyaavogonotì diiboco ijibogonoco iguubuuqui. ²⁵ Jaabo Pablo iticovono ifiti, bu moficoro miguiinonotì, bu ufucu Moocaani ihmimiti jaadufucu icajinotì icano Pablo ijibuguunotì Felix ihigutuuboro nuuhi: Difo. Ufucu jei, ¿cusumihacho ico siino cuuhuvaji? nuubo.

²⁶ Jaadi Felix esamaaihicauhì: Fine Pablo uco nihibamico acijiboo diiboco sinaayuqui, nooboro Pabloco fiiva foova cuuhuvahicaubo diiboma ihimaaqui. ²⁷ Jaadi mifocabaci afatyudì Felixco bohobavaubo saafi aivojibbo Porcio Festo onoobo. Jaanegui Felix judiomìma imino iicaqui Pabloco civojafañoro ficuubo iinusutiboro.

25

Festo Onoobo Imefeenevi Pablo Icauhì.

¹ Jaabo Festo mifucuci, safucu idiiño aivojiboti icacuudi fuubo Cesareati Jerusalevi. ² Jahigo sacerdotemì aivojito judiomì obocifimo iicamo, Pablohallivì imitino iimaamou. ³ Jaamoro Festoco dillumò Pabloco Jerusalejaagovi ihicitequi, iifurumo Pabloco jihaiivi igaicaausuqui. ⁴ Jaarunaa Festo iimusuhì: Pablo Cesareavì civojafaño icahi. Tolliro uujoho goovano feeji tahigo. ⁵ Jaanegui amiñhai aivojito uuma Cesareavì feeji diibediti imitino iicahicanoco ihimaaqui. Miyaano diibo imitino iicahicahachiji, nooboro.

⁶ Jaabo Festo Jerusalevi fahuseeci fucuva ticovoviro fine icacuhi. Jaadi siino Cesareavì uumiubo. Jaano sifucuti ihaivoji icagahallivì acasiñvuuboro Pabloco cuuhuvaubo. ⁷ Jaabo Pablo agaseudi, Jerusaleti asaamou judiomì diibojaa igaivuhi. Jaamo iimaacasiuhi siibadijere aivo imitino Pabloditi. Jaarunoco inisuurunofaño miyaano icautino. ⁸ Jaanegui Pablo ihallivì iimaauhi: Uujoho judiomìditì, templojaditì, bu romanomì aivojibbo Cesarditì icano imitino iimaatatihi, nooboro.

⁹ Jaanegui Festo Pabloco dilluhi judiomìma imino iicanoco iimuguuboro: ¿Naa dimeguehi Jerusalevi ofoonoco ico uujoho tahì dilluqui? nooboro.

¹⁰ Jaanegui Pablo iimusuhì: Uujoho jinoovi aivojibbo Cesar onoobo tajibamañeri icahi imino uco idilluqui iiro imino gaajacuhi imitino judiomitì ihimaaatinoco. ¹¹ Jaanotì miyaano imitino omoonihachiji jaafa uco magaicaau. Jaanotì sicamañooco ihimaaahicahachiji diito usefaño miiñhaiñooba uco acijitihì. Jaanegui imeguehi romanomì aivojibbo Cesar onoobo uco idillunoco, nooboro.

¹²Jaanegui toonobuunati Festo ifajiiniminaama ihiimauboro Pabloco nuuhi: Ico romanomi aivojiibo imefeenevi idillunoco dimegueuehi. Jaanegui romanomi aivojiibojaago ijohoh feeji, nooboro.

Pablo Aivojiibo Agripa Onoobo Imefeenevi Icauhi.

¹³Jaanobuunati aivojiibo Agripa onoobo Berenice onoogoma ii futuhi Cesareavi Festoco abaatumisi. ¹⁴Jaamisi tahi gueene fucuva icauchi. Jaabo Agripa onooboco Festo Pabloditi ijibuguuboro nuuhi: Jineeri icaabo saafi Felix civojafaño ificuhiniibo. ¹⁵Jaabohallivi sacerdotemi aivojito, quillahuto icamo dilluuhi diiboco imitino imooni qui Jerusalevi uujoho iicahini sumi. Jaamo imuguuhi uujoho diiboco agaicaausujinoco. ¹⁶Jaanegui uujoho nuuhi: Mi:hai romanomi mejeevamaaitihi ticovono miyaminaafico magaicaaunoco. Iticoni diiboco diibohallivi imitino ihiimaano imefeene ifihallivi ihiima aqui, mificuutinohachuta, nooboro. ¹⁷Jaanegui diito jimañovi asaahini sumi uujoho gueenene icatiiboo sifucuti tatyajibamañoti cuuhuvauhi diiboo Pabloco. ¹⁸Jaabediti diito iimauno aivo iimitinoco nuutih uujoho esamaaiubadi icautino. ¹⁹Idiinocoro diibediti neehicaumo jilli diito iimaa ijitiro, bu tolliro Jesu uchuumuuboco Pablo buheebe eneehicaunotiro icano. ²⁰Jaanoco, uujoho milli fine mooniji, onoomaño Pabloco dilluhi: ¿Naa Jerusalevi diimegueuehi ofoonoco, tahi ico idilluqui? nooboro. ²¹Jaarunaa Pablo imuguuhi aivojiibo Cesar Augusto onoobo diiboco idillunoco. Jaanegui uujoho diiboco civojafañoro ficuuhi. ¿Cusumihacho diiboo Cesar Augustojaago galluuqui? nooboro.

²²Jaanegui Agripa onoobo Festoco nuuhi: Uujoho tolliro diiboco uguubuunicinoco imegueuehi, nooboro.

Jaanegui Festo ihiimusuuboro nuuhi: Civohogo diiboco jei gu ubuuni ci, nooboro.

²³Jaano sifucuti Agripa, Berenice icamisi atajibafimañovi aivo si hidu jeevano ii futumisi miyaminaa diitisico iimuunofeededi. Jaamisima saaumo amocasiminaa aivojito, bu tuucuumio bocifimo icano. Jaanobuunati Festo Pabloco cuuhuvauhi. ²⁴Jaaboro Festo nuuhi: Aivojiibo Agripa, famooro jino mi:haima mihicamo, memeeci jaanico. Jaaniditi sihidu judiomni Jerusalevi, bu Cesareavi icano uuma iimaahinihi. Jaafa guijeveebe, sefano noomoro. ²⁵Jaarunaa uudi jinejebaco imitino mooni hiciatiibo. ¿Milliti bu jaaboco magaicaaujirahi? Jaabo inoro imeguehiniiboo aivojiibo Augusto diiboco idillunoco. Jaanegui diiboco diibojagaago galluuji. ²⁶Jaarunaa chahano diiboo aivojiibojaago acaatinijiruno diibohallivi. Jaanegui tahaivojiibo, Agripa, dihimefeenevi diiboco sivahi. Jaabo ijohoh diiboco idilluudi fine diibohallivi iicanoco caatiniji. ²⁷Mi:ro uudi imitino civojaminaafico agalluuno aivojiibojaago milli diibediti icanoco jibogotiibo, nooboro.

26

Pablo Aivojiibo Agripa Imefeenevi Iimaauhi.

¹Jaanegui Agripa Pabloco nuuhi: Hiro diimaa, nooboro.

Jaanegui Pablo ihuseque agañiiyiciuboro ticovauhi jilli iimaubo:

²Aivojiibo Agripa aivo imo imo icahi dihimefeenevi tafihallivi ihiimaaboro jibeguequi famooro judiomni uudit ihiimaahicanoco.

³Fanoocoro ijohoh imino gaajahi paryi judiomni jeevamaajeque, tolliro

fanooro mihiimaanicinoco icano. Jaanegui ico dilluhi uco guubuniciqui siicuno.

⁴ Míiro famooro judiomí uco seemenetiro gaajauhi. Itíconí taacuumiví iicahicaunoco, bu Jerusalevi iicahicaunoco icano. ⁵ Jaanoco bu diito gaajahi jaafa jaanoco imogohachiji imidusumi fariseobadí iicaunoco jíibogomo. Jaamo miihai fariseomí mihicamo Moocaanico saatoho janaanici aivo imino mejecivonicíhi. ⁶ Jaanegui uujoho miyaaveguehi Moocaani uchuumucumoco siino ubuheetesujinoco. Mohimegaotoco Moocaani unuubadi. Jinohalliti jino uco sivamo ihaamiqui. ⁷ Jaamaño miiro Israel cuumino fahuseecí motihaití miicuumiici icano iicamo. Toono imiyaavejinoco otoomomo Moocaanico jeecivehicahi cuuje-hachuta, fucuhachuta icano. Jaanoco uujoho imiyaavogonohalliti uudití judiomíjisumimimitino iimaahi. ⁸ Ijoho aivojíbo Agripa, ¿nacu amiihai ju-diomímimiyaavogotihí Moocaani uchuumucumoco ubuheetesujinoco?

Pablo Cristotaco Idaasuno Omooni hicaunoco Jíbuguhi.

⁹ Míiro uujoho itíconí imino moonihi nooboro Jesu Nazareoobo momohalliti sihidí imitino miyaminaaco moonihicauhi. ¹⁰ Jílli uujoho moonihicauhi Jerusalevi, sacerdotemí aivojito iijiti cívojafáñoficuhi-cauhi sihidí Cristoco imiyaavogomoco. Jaamoco agaicaaumofañodi uu-joho icahicauhi. ¹¹ Jaaboro Cristotaco sihidí aamihicauhi paryí sinagogajanofaño, imiyaavogoco jeevesusuqui, nooboro. Bu uujoho aivo sihidí isifiratooboro diitoco bucasihicauhi fahigova jiinjenedi.

Pablo Siino Jíbeguehi Cristoco Agaayiciunoco.

(Hch 9.1-19; 22.6-16)

¹² Jaabo tooneguiiharo fuuhi Damascaví sacerdotemí aivojito iijico uco aaciumoro agalluuneguiha. ¹³ Jaabo aivojíbo Agripa, uujoho jíihairi fuunaaca gadiciiba niquejefañoti uco sefano achiciuno sano uuma ufuumoma, nihiba aachicino janaanici icano sefano namecuno. ¹⁴ Jaaneri famooro baaví mahaifuuhi. Jaanobuunati niquejefañoti guubuuhi uco hebreo ijiri unuunoco: Saulo, Saulo, ¿collíhi uco bucasihí? Iíro difiico daivuvusuhi oono Buey ihabajaabo iimogobadí iicanoco imogotíboror iinoro fegaí niqueque itívadiivooboro iicanicibadi, unuunoco. ¹⁵ Jaanegui uujoho nuuhi: ¿Míijojo ijoho, aivojíbo? nooboro. Jaanegui Aivojíbo uco nuuhi: Uujoho Jesu. Jaaboco ijoho uco bucasihí. ¹⁶ Jisumiro gañivo. Toonegui iivi uujoho buhugaavehi uco deecivequi fanoocoro uudití adaatyimecunoco, tolliro adaatyimejinoco icano diibeguequi. ¹⁷ Jaabo ico uujoho taajasuji judiomíusetí, bu judiomí iicatimo useti icano. Jaamojaago ico galluhi jisumi diito aallíinoco faayicisuqui. ¹⁸ Jaamo imitino icacutimo iicaqui cívonoguiinodí igitimo sesechí iicacuuqui Satanasco ejeevesumoro Moocaanima iicaqui. Jaamo uco imiyaavogomoro agaayicimo imitico buusuji Moocaani icíumofeenevi iicaqui, nooboro.

Pablo Gaijafáñoficuhi Unuunoco Miyaavuguuhi.

¹⁹ Jaanegui, aivojíbo Agripa, uujoho niquejetí gaijafáñoficuhi aatyimeunoco miyaavuguuhi. ²⁰ Jaaboro jíbeguehicauhi itíconí Damasca cuumivi. Jaadi jíbeguehicauhi Jerusalevi cuumivi, bu fahigova Judea jiinjeví icano, bu tolliro judiomí iicatimoco icano. Jaamo famoocoro jíbeguehicauhi iimitico ejeevesumoro Moocaanijaagovíro iicaqui. Jaamoro imino iicanoco toonofañodí ihifusuqui. ²¹ Jinohalliti judiomí

uco templojafaño agaayiciumoro gaicaaujirahi. ²² Jaarunaa Moocaani uco aamusuner ijisimo imino jibeguehi paryi miyaminaaco obocifitimoco, obocifimoco icano. Jaanoco tolliro fahijivaro jibeguehicahi siibadi jibogotiboo Moocaani iimaaminaa, bu Moise icamo jillii iicajino unuubadi. ²³ Cristoditi nuumo Cristo asaadidi idaasuno icajilbo. Jaadi chuumucuruubo buheetejiibo, uchuumucumo ubuheetejinoco iticoniibo. Jaanoco jillii jibuguubo mataajajinoco judiomidi, bu tolliro judiomii iicatimedi icano, nooboro.

Pablo Imuguuhi Agripa Onoobo Cristoco Agaayicinoco.

²⁴ Jillii Pablo unuunegui Festo sefano nuuhi: Pablo fine ijohohi jillii deegavehi. Toono sihidii agaajano ico jeegavusuhi, nooboro.

²⁵ Jaanegui Pablo nuuhi: Idiimihuseebe Festo, uuoho jeegavotihii. Imino eesamaaiboro miyaanoco neehi. ²⁶ Jaani jino aivojilbo Agripa iicaabo toonoco imino gaajahi. Jaanegui jino diibo imfeenevi nihicugotiboro iimaahi. Jaanoco diibo tolliro gaajahi fanooro toovono iicatinoco. ²⁷ Jaanegui aivojilbo Agripa ico dilluhi: ¿Naa Moocaani iimaaminaa unuunoco miyaaveguehi? Fine miyaaveguehi, nuubo.

²⁸ Jaanegui Agripa Pabloco nuuhi: ¿Milli nacu ajashuno idiimaaneri uco fine miyaavugusiji? nooboro.

²⁹ Jaanegui Pablo nuuhi: Uujoho Moocaanico dilluhi, sihidii ihimaaneri, ajashuno ihimaaneri icano mimiyaveguequi. Jaabo iiro icatino, paryi jaachijii jino uco uguubuunicimo, bu tolliro uubadi iicaqui. Jaarumo jillii uubadi jigaiñehiri sisicinitimo iicaqui, nooboro.

³⁰ Jillii Pablo unuunobuunati aivojilbo Agripa, bu aivojilbo Festo, bu Berenice, bu famooro toono iicaumo icano agañiivumoro ³¹ fuumo sihigovi. Jaamoro toonoti sanoomiro ihimaacasimoro noocasihicaumo: Jaani imitino moonihicatiibo. ¿Milliti bu jaaboco magaicaaujirahi? ¿Milliti bu micivojanijirahi? noomoro.

³² Jaanegui Agripa nuuhi Festoco: Fine misinaayujirahi jaanico inoro romano aivojilbo Cesar uco idillunoco imeguehi, inuutiruva, nooboro.

27

Pabloco Galluumo Roma Cuumijaago.

¹ Jaadi miihaico Italia jiinjevi igalluuqui aciumo Pablo saatoho civojaminaa iicamoco saafi aivojilbo Julio onooboco. Jaabou Julio ijeevadio amocasiminaa Augusto onoomo amocasiminaa aivojilbo iicaubo. ² Jaamo Adramitio cuumi meenegari mufuuhi, Asia cuuminoco muuajjiniri iicamicujeque emeecituugari. Tolliro Aristacu onoobo Tesalonica cuumioobo, Macedonia jiinjeoobo miihaima fuuhi. ³ Jaano seseevedi Sidon onoomicuvi miihifutuhi. Jaamañovi Julio Pabloco imino omoonuboro galluuhi inahaboniminaaco imeechtequi diiboco sinehejeti ihaciqui. ⁴ Jaadi tomicuti mufuumo Chipre onoochugaico mafatyuhu monaninaagueneri iicachugaico sihidii guibuhuba miihaico sihigoviro asatyuneri. ⁵ Jaadi Cilicia jiinjeque, bu Panfilia jiinjeque icano mafatyumoro miihifutuhi Mira unuucuumivi, Licia jiinjevi.

⁶ Jahigo amocasiminaa aivojilbo Alejandria meenegaco atyimeuehi Italia jiinjevi ufuugaco. Jaaboro miihaico togafaño jicafutusuubo mefeequi. ⁷ Jaadi guiraafucuva miihiguunobuunati sihidii jeevanoti miihifutuhi Gnido cuumi onegueehivi. Jaanaa guibuhuba sihidii iicaunegui sihigodi

mufuumo Salmon onoocuumi onegueehidi, Creta onoochugaihallidi mafatyuh. ⁸ Jaarunaa sihidí jeevaneri mufuumo mihibutuuhi Imimicu onoomicuví Lasea cuumi fítino.

⁹ Jaamo gueenene tahi mihicaumaño ñihicucuuno muuairi mufuujino jiñija guibuhubama iicacuujino ifitícumáno. Jaanegui Pablo diitoco afajíñuboro nuuhi: ¹⁰ Amíhaico gaifimico neehi: Ñihicuno aivo sihidí jeevaneri mefeeji. Jaaneri meenega ifiimaaveneri sihidí sineheje gañícafeteji, jaabadiro saatoho miyaminaa ifino gañícafeteji icano, nooboro.

¹¹ Jaarunoco Pablocó ihamocasiminaa aivojíbo miyaavugutíhi. Jaaboro imeenega abajaabo, toga ticuvusuminaafí icano unuunocoro miyaavuguuh. ¹² Jaanaa guiraamo nuuhi: Imitatímicu jiñijadíhivi. Jaanegui masíigo mufuucuqui jinootí Creta jiñíjevi Fenice micuví mihibetequi, noomoro. Tomañotí noreste, sureste icahigo iifuvusuhicauneguiha, tomicuví jiñijaco mafatyequi.

Sihidi Guibuhuba Muuaifeenevi.

¹³ Jaadí guibuhuba siicuiba surjaagotí iguibunegui: Imino fine mefeeji, noomoro mufuuhi Creta chugai fítinodi. ¹⁴ Jaanobuunati gueenejisunotí momeenegahalliví sefano guibuhuba saauhi, aivo ese-fano guibuhuba Noreste onoguibuhuba. ¹⁵ Jaano sefano guibuhuba miíhaico agaayicinoro iigusuutinegui mejeevesucuuhi. Jaaneri miíhaico iguibuhuba sihigoviro satyucuuhi. ¹⁶ Jaamo mafatyuhí ajashuchugai Claudia onoochugai bujinaagodí iguibuhuba sefano achahauhigodí. Jaamoro sihidí jeevanoti imíidi meenegaco imino mudujeniuhi iguiraagati. ¹⁷ Jaadí ihajashugaco caamo iguiraagajinibaaví duujeníumo. Jaamoro iguiraagaco sisíumo gaibaineri ifaaga agallivujiruneguiha. Jaamoro muuaifaño jiñigaibaaho Sirte onoobaahohalliví ifigatyujirunoco ñihicugumoro imeenega gaachehuco niitusuumo guibuhuba sihigoviro diitoco isatyequi. ¹⁸ Jaano sifucuti guibuhuba icauhíca sefano. Jaanegui imeenegafañoonoco gaifificíumo muuaifaño. ¹⁹ Jaano sifucuti bu famooro siino magaifificuhi togaonehejeque muuaifaño. ²⁰ Jaamo fiiva fucuva mahatyiméhicautihi ñihibaco meeciri icanoco sihidí guibuhuba iicaumaño. Jaamoro Mataajajitihi fine, munuuhi.

²¹ Jaamo gueenene amachucutinegui Pablo diitofeenevi ujulleeveuboro nuuhi: Imino uujoño eneehinínochó mugubuhiníruva Creta chugaiví masajitirahi. Jaarunaa masaamaño idasuno mihicahi monehejeque magaifificihi. ²² Jaarunaa ñihicugotimo quehecuno mihica. Saatohobati miguijevejitihi idigaaro meenega fiimaveji. ²³ Jaanoco uujoño gaajacihi Moocaanico ejecivehicaabofañodi uujoño icamaño. Jaabo itoomominaafico tajaago agalluubo fucu uco neehi: ²⁴ Pablo diguetejirahana, romano aivojíbo imfeenevi dihibeteji. Tolliro difañodi iiri Moocaani taajasuji famooro iima meenegafaño iicamoco, nooboro. ²⁵ Jaanegui quehecuno mihica ñihicugotimo. Uco Moocaani itoomominaafifañodi onoobadi iicajinoco miyaaveguehi. ²⁶ Jaarunaa miíhaico sachugaiví gañíjino guibuhuba, nooboro.

²⁷ Jaadí mijaguisicíhachuta mihibucuudi Adria muuaiví mihibutuuhi. Jaamañovi sihigoví agañíno, sihigoví agañíno fuuhi. Jaanaa toga dudicamaajeminaa fucufeenevi gaajacuhi jiñijeti ifitívuunoco.

²⁸ Jaamoro uuvumo imuuai faicuvaco. Jaarunaa treinta y seis metrohachuta inifaihu faicuva icauhí. Jaano janaanicí siino uuvumo.

Jaarunaa veintisiete metrohachuta inifaihu faicuva icauhí. ²⁹ Jaanegui guiishallivi imeenegaco agañiijirunoco iiguumoro igueenemehejedino obocinoonoco toga dojicuogati udujeniumoro muuaifaño gañuumo sihi footiga iicaqui. Jaamoro tuumuumo iseseevequi. ³⁰ Jaamoro toga dudicamaajeminaa togati itaajaqui mooniuhí ihajashugaco togati muuaifaño iiniitusuumoro isivi ifeequi. Jaamoro ibocisutaco niitustumobadi nijequoegati mooniumo abañisumo. ³¹ Jaanegui Pablo ihamocasiminaa aivojiboco nuuhi: Diito meenegati ofoothachiji amiihai mataajajitihi, nooboro.

³² Jaanegui ihamocasiminaa ihajashuga sisitaaco iquitiúmoro togaco muuaifaño gañuumo.

³³ Jaadi Pablo cuujetavi diitoco nuuhi: Aivo gueenene mijaguisici micigacutíhi, bu mamachucutíhi icano. ³⁴ Jaanegui amiihaico neehi: Mamachuqui. Jaamo mamachumoro mataajahi. Miiro saatohoba milli icacujitíhi, nooboro ³⁵ Pablo maahuco agaayiciuboro Moocaanima iimaauhi diito imefeneevi. Jaadi toonoco iquisicuuboro machuubo, ³⁶ bu tolliro famooro amachumoro imo imo minifutuhi. ³⁷ Jaamo miihai meenegafaño mihicauhi dosciantas setenta y seisdímo miyaminaa. ³⁸ Jaadi machuta iicaunoco muuaifaño gañuumo imeenega ijadijetequi.

Meenega Niituhi Muuaifaño.

³⁹ Jaanaa eseseeveudi toga dudicamaajeminaa gaajautimo comañoo jiinjerihacho mihicauoco. Jaadi ifadicaico atyimeumo. Jaamañovi jiinigaibaaho icauhí. Jaanegui: Tomaño macañaveji, nuumo. ⁴⁰ Jaadi imeenega duujeneque quitiúmo. Jaaneri ibocisutano muuaifañoro fitanamaaiuhi. Jaasumiro sinaayumo ibuhuduganoco imeenegaco iticivusuqui. Jaamoro imegaogaachehuco guibuhuba naagonovi miniyyumo. Jaaneri fiftivuga jiinigaibaahojaagovi. ⁴¹ Jaadi ii futumo samaño fahigovaciti sefano cucuumañovi. Jaaneri jiinigaibaahohallivi nijequoega fiigatyuhí cuhufono. Jaaneri dojicuoga gatahunamaaiuhi sefano tyuucai icaunerí. ⁴² Jaanegui ihamocasiminaa gaisiraiciujirahi icivojaminaaco isimoro ataajaujiruneguiiha. ⁴³ Jaarunaa diito aivojibó Pabloco itaajasuqui milli moonisuutíhi. Jaaboro iisico agaajamoco iticoni tajibaubo muuaifaño acasiniivomoro ijiniija iisiqui. ⁴⁴ Jaadi saatoho agaajatimoco tajibaubo cubujeneri, bu imeenega udujavana-maaiubujeneri ifeequi. Jaaneri famooro ataajaumoro jiinijevi ii futumo.

28

Pablo Malta Onoochugaivi Icauhi.

¹ Jaamo famooro mataajacuudi tuchugai Malta onoochugai iicanoco magaajaciuhí. ² Jaamo toojiinijeoto imino miihaico gaayiciuhí. Jaamoro sihidí nijia siicura icaneri mihicahicauneguiiha cijigaico miihaidi ebasumo. Jaamoro miihaico famoocoro feemesuumo. ³ Jaanaa Pablo icuhi cuuhafene ifiigañoco. Jaaboro cijigaifaño cabicuubo. Jaanaaca toono aiguucuri toonoti jiinimo iinuuhi. Jaaboro Pabloco ihuseti eheedumañovi gueenene feetuciniubo. ⁴ Jaanoco tuchugai miyaminaa atyimeuhi ijiniimo Pablo useti efeetuciniunoco. Jaamoro ihiimacasiumoro nuumo: Miyaano jahi jaani gaicaauminaafi. Jaamañovi muuaifaño ifimaavonoti ataajacuruuboco Moocaani imucugai icasu-jithi, noomoro.

⁵ Jaaboco Pablo cijigaifaño ijiinimoco efeefaiquiyuuboro milli icautihi.
⁶ Jaarunaa famooro esiciníumo: Fine ujuurineri cheemejiibo, noomoro. Jaarumo gueenene ihesicinicuuruhi milli iicacutinegui boobaníumo ihe-samaajeque. Jaamoro Pabloti nuumo: Fine diibo saafi dios, noomoro.

⁷ Jaano fiitino tuchugai aivojibbo Publio onoobo faguino icaudi. Jaabo miihaico imino gaayiciuhi mifucuci, safucu icano ticovovi imino miihaico ficuubo. ⁸ Jaabo Publio caani iguihuvaubo icigaiijefaño icaudi. Jaabo sihidi guihuvari, fatiiciri icano icaudi. Jaanegui Pablo diiboco meecituuh. Jaaboro Moocaanima ihiimauboro diibohallivi ihuseque ficuubo. Jaaneri tusumiro buheeteubo. ⁹ Jaanobuunati tolliro tuchugairi iicaumo iguihuvamo Pablojaago saauhi diitoco ibuheesuqui. ¹⁰ Jaamoco ubuheesuunoma iicaumo miihaico imino jee civuuhi. Jaadi bohoga meenegafaño mijicafutuudi aciúmo miihaico sihidi duvirucuco.

Pablo Ifetehi Roma Cuumivi.

¹¹ Jaanobuunati minihibaci, sanihiba icanoti tuchugaiti meenegari mu-fuuhi jiiñjaco tuchugaivi afatyugari. Jaagau Alejandria jiiniye meenega. Jaagahallivi eetavociníumo jihovo diosmi Casto onoobo, Polu onoobo icamisi ijimi. ¹² Jaagari mufuumo mihifutuuh Siracusa onoomicuvi. Jaamañovi mifucuci, safucu idino mihicauhi. ¹³ Toonoti mufuuhi Italiajini fiitino. Jaadi mihifutuhi Regio cuumivi. Jaano sifucuti guibuhuba saauhi surjaagoti. Jaano sifucuti mihifutuhi Puteoli cuumivi. ¹⁴ Jaamañovi mahatyimeuhi Cristotaco. Jaamo miihaico gajijiuh diitoma mihicaqui sajaguisi ticovovi. Jaadi mufuuhi Roma cuumivi. ¹⁵ Jaanoco Romari iicaumo Cristota gaajacuuhi miihai tahi mufuunoco. Jaamoro saaumo miihaico otoomovaumo. Jaamovi macabivuhi jiihaivi, Apio naajehasi Tres Tabernas onoomañovi. Jaamoco Pablo aatyimeuboro Moocaan-ico imuuh. Jaaboro quehecutuubo. ¹⁶ Jaadi Romavi mihifutuudi ihamocasiminaa aivojibbo icivojaminaaco aciuhu Roma civojaminaa toomominaa aivojiboco. Jaanoti Pabloco ijeevadí ficuumo saafi amo-casiminaafima diiboco iteemequi.

Pablo Romavi Ijibogono.

¹⁷ Jaabo Pablo mifucuci, safucu idino iicauno nijequeti cuuhuvaubo Romari iicaumo judiomí aivojitoco. Jaamo igaivuumoco Pablo nuuhi: Tañahabomi, uuoho judiomiditi milli iimaatihi, tolliro motadimi jeevamaajediti milli iimaatirahi icano. Jaarunaaca Jerusalevi uco romano civojafaño ficuumo. ¹⁸ Jaadi uco idilluumo uvvi imitico atyimeutih: Jaamoro ¿milliti bu magaicaaujirahi? onoomoro uco sinaayujiru-umo. ¹⁹ Jaarunaa judiomí sihidi uuditi imitino ihiimauneguiha uuoho imuguuhi Roma aivojibbo uco idillunoco. Jaaruubo uuoho taacuumiminaahallivi, ¿milli noothi? ²⁰ Jaanegui amiihaico cuuhu-vahi amiihaico aatyimeebere iimaaqui. Jaano israelmi imiyaavogobadi uuoho imiyaavogomaño uco jino mahatyimehi jigaiñeri sisiciniboco, nooboro.

²¹ Jaanegui nuumo: Miihai aamebaco magaayicitih Judea jiinijeti iediti iimaanoco. Tolliro saatohoba monahabomi judiomí tahigoti agaserumo imitino idiicanoco miihaico jibogothi. ²² Jaanegui mihimeguehi iijojo edeesamaaiñoco magaanjanoco. Toono bohono iijiti fahigovavi imitino ihiimaahicanoti mugubuhicanoti, noomoro.

²³ Jaanegui safucuco uuvumo. Jaafucu sihidí miyaminaa gaseuhi Pablo iicaujafaño. Jaamoco fucurotiro Moocaani aivoji ijiti ijibogoobo suufeniuhi ijicuuví. Jaabo Moise tajibafañodi, bu Moocaani iiamamina aamenefañodi Jesudití jjibeguehicaubo diitoco imiyaavugusuqui.

²⁴ Jaanoco saatoho miyaavuguhi, jaarunaa saatoho miyaavugutíhi icano. ²⁵ Jaamaño sabadiro ihesamaaje iicautímaño Pabloditi fuumo. Jaanegui diitoco Pablo nuuhi: Imino jahi motadimico Moocaani Gaija nuuhi ihiimaaminaafi Isaiafeenedi. Jillí nooboro:

²⁶ Foobo tomiyaminaaco dinoo: Amíihai fine mugubuji. Jaarunoco magaajajitihi. Fine bu mahatyimeji. Jaarunoco mehesicinijitihi.

²⁷ Amíihai jeebií cuhufono iminifotomaño, imitino mugubumo. Amíihai aallíno mihiciciníhi. Jaaneri amíihai aallíneri aatyimetimo mihicají. Bu amíihai nohojiri guubutimo mihicaquí. Bu jaamo amíihai jeebiíri gaajatímo mihicaquí. Jaamo tajaago masaamoco uujoho ubuheesujiruneguiha, nooboro. nuubo.

²⁸ Jaanegui amíihai magaaja,jisumitiro Moocaani taajasu jjibogoco juidomi iicatímediro iicacuujinoco. Jaanoco diito imino guubuji, nooboro.

²⁹ Jillí Pablo unuunoco uguubumoro toonoti fuumo sanoomiro jenaaucasimoro.*

³⁰ Jaanobuuna Pablo icaudi mifocabaci ticovovi sita iijaco iicanohachuta jaaduuboro. Jahí diiboco imeecitomoco imino gaayicihicaubo toojafaño. ³¹ Jaaboro ñihicugotíbo jjibeguehicaubo Moocaani aivoji ijico. Tolliro Aivojíbo Jesucristoditi jjibeguehicaubo. Jaaruuboco miihaiñooba Pabloco millí neehicautíhi.

* **28:29** Sahaamefaño toversiculoco ficuutimo.

ROMANOS

Pablo Romanomidi Acaatiniuhaame.

Pablo Caatinuhi Romari Iicaja.

Moocaani Iijaminaadi.

¹ Uujoho Pablo Jesucristo jeecivominaafi, Moocaani uco ucuuhuvaubo diibo minisuminaafit iqaqui, Moocaani ijico jibeguequi uco ii ciubo.

² Jibogoco Moocaani siicijetiro ihimaaminaafeenedi Caatinuhaamefaño unuu cuuno. ³ Moocaani Achi Aivojibbo Jesucristoditi ihimaano jibogo diibo miyaminaa ifiti iicausumi ijibogono, Jesucristou aivojibbo David iyaachimihaooboti icaubo. ⁴ Jaarunaa iimino Gaija imityari jafeniuhi, diibo Moocaani Achi iicanoco. Jaamaño iguijevemefeeneti ubuheeteubo. ⁵ Jesucristofañodi Moocaani miihaico iminoco acihi diibo momofañodi miihaico igalluqui, jaamofeeded fahigova jiinijeminaa uguubumoro imiyaavogomo iqaqui. ⁶ Jaamofeeneri tolliro amiihai mihicahi Jesucristota miicaqui Moocaani amihaico ucuuhuvamo.

⁷ Jino aameque amiihai i caatinuhi paryi Roma cuumiri mihicamed. Jaamoco Moocaani agajibboron ucuuhuvamo iimino ifima diibedi iicaqui. Moocaani, bu Mohaivojibbo Jesucristo iicamisi imihuse, sajeebi icanoma mihica.

Pablo Roma Jiinijeminaaco Abaatonoco Imeguehi.

⁸ Imegaviro tiiconiji Jesucristofeeded paryi amiihaihallivi Moocaanico iimehicanoco aaciibo amiihai miyaavogoti fahigova jiinijeminaa ijibogocasimaño. ⁹ Moocaani uu johoh diiboco tajeebimaryo ejeeccivehicaabo Illi jibogoco jibogooboro iicahicaabo gaajahi diiboma ihimaahicasumi amiihaiditi esafetehicanoco. ¹⁰ Moocaanico dilluhicahi diibo imogohachiji milliti hacho tahi jisumi amiihaico baateji. ¹¹ Imeguehi amiihaico aatyimeebere amiihai jeebimocoo Moocaani Gaijari sefatusuqui. Jaamo janaanic iefano mihicahi. ¹² Tollri imeguehi uu johoh fahigovavi mahamusucasinoco jino momiyaavogofañodi mihicamo.

¹³ Tañhabomi, imeguehi amiihaico fahijivarao abaateguehicanoco magaajanoco. Jaarunofaño fanova uco tihitutuhicahi. Imeguehicahi ofoonoco amiihaifeenedi saatohoco miyaavugusuqui fahigova jiinihev omoonihicabadi mooniqui. ¹⁴ Uco Moocaani tajibahi famooovahalliviro jibogooboro feequi añiminaa ijico agaajamoco, bu agaajatimoco icano. Tollri bu fanovaaco agaajamoco, agaajatimoco icano jibogooboro feequi. ¹⁵ Jaamaño uu johoh imeguehi taajasubogoco amiihaico ijibogonoco paryi cino amiihai Romari mihicamoco.

Jesucristo Jibogo Mitya.

¹⁶ Uujoho nucufevetih Jesucristo jibogo iiminot Moocaani mitya iicamaño paryi cino toonoco imiyaavogomoco ataajasuno iicamaño iticoni judiomico, bu tolliro judiomti iicatimoco icano. ¹⁷ Jibogo miihaico jibeguehi Moocaani miihaico gaayichi momiyaavogoti, Caatinuhaamefaño onoobadi: Jaamaño Moocaani agaayichi ibo imiyaavogofeeded icaji.

¹⁸ Jaamaño Moocaani sifiira paryi iimitimo miyaminaahalliví ñihicuno niquejefañoti saahi. Jaamaño diito iimiti diitoco miyanoco gaajasutihu. ¹⁹ Iimuguruvu imino gaajajirumo Moocaaniti magaajajirunoco. Jaanoco diiboro iifusucuhi, ²⁰ Moocaaniti aatyimeratino gaajacafetejirahi diibo fanoovaaco eheetavuunofeedi. Foovono mahatyimejirahi jiinjeque ifiivusuusumi, diibo Moocaani imityaaboo fahijivaroo iicanoco. Jaamaño diito siinohalliví agatyavequimaajirunoma chahahi. ²¹ Jilli Moocaanico gaajacurumo imino diiboco jeeecivotih bu tolliro diiboco imotimo. Jilliro ajaaducafototino esamaajeneriro ijeebiino mitahi. Jaamaño iguubutijeebii diitoco cívono minifetehi. ²² Magaajahi, unuurumo gaajatihi. ²³ Jilliro Moocaani sihidi ejeevaabo ufucuro ifinijitiboco ejeeecivotimoro cafaryuhacumo, miyaminaafi ifinifiibo ijimiriro, bu tolliro joomi ijimirri, jiinimomi ijimirri, paryiicino faaboho asimi* ijimirri icano.

²⁴ Jilliti Moocaani diitoco iimiti iimogoviro jeevesuhi toonocoro imegueneguiha. Jaamaño nucufesunoonoco fahigova moonimo. ²⁵ Moocaani miya iijico iimiyaavogotimoro sicamañehejequere miyaavogomo. Jaamoro Moocaani ifiivusuunocoro ejeeecivomoro imehicamo, Moocaanico imotimoro idibocoro naaha diiboco fahijivaroo mihimejiruubo. Fine.

²⁶ Jilliti Moocaani diitoco jeevesuhi unucufesuneheje imogoviro; aivo gaigoomiti miihaiñomaryo gaifiimima iicanicinoco ejeevesumoro sano gaigoomiro fahigovaví icacasihicahi. ²⁷ Jaabadiro buunaji gaifiimima iicanicinoco ejeevesumoro aivo sihidi imogomo sifima sano gaifiimiro iicacasinoco. Sano gaifiimiro nucufesunoonoco moonihicahi fahigovaví. Jaamaño toono iimiti jaada ifihalliviro guihuvanehejeque icimo Moocaani afajaneri.

²⁸ Moocaanico eesafototimao; diitoco iimiti esamaajefanoviro jeevesuubo momoonitatinehejeque imooniqui. ²⁹ Fanoova imitima icamo ifiico idicunonoomoneheje, imitineheje, sitaanoco imoyiçineheje, sitaaco imitino omoonineheje icano. Siinohalliti sitaaco jiheveme, gaicaaufifimo, ibacasififimo, bañififimo, sitaaco jihevemifimo, sicamañehejeque jibocasififimo. ³⁰ Sitaaditi iminotino iimaamo, Moocaanico jiheveme, sitaaco gaijítimo, uujoho sihidi jeevahi noomoro ifico cahacisumo, imitino omoonijinehejequere esamaaimo, caanimico: Jii, nootimo. ³¹ Aivo esicinitimo, unuuucuunoco eheetavotatimo, gaijítimo, sitaaco imitino omooninoco iimibachunoco gaajatimo, sitaaco idasugotimo. ³² Moocaani atajibananoco imino gaajacurumo. Tollri omoonifimo ifinijitino guijeveque gaajacurumo. Jaarumo suufenitimo moonihicahi, tolliro sita omooninoco atyimemere imo imo icahicahi.

2

Moocaani Imino Dugaacufihi.

¹ Jilli iicamaño agatyavequimaajirunoma chahahi, iijoho sitaaco imitico udugaacuubo. Iijoho cajaanihacho idicarubo, sita: Imitico, onooboro udugaacuubo, iiro bu difficoro toonofaño gafiiisuhi sita: Imitico, onooboro bu iijoho tobadiro moonihicahi. ² Magaajacuhi

* **1:23** Griego iijiri: faaboho asimi igueenemeheje itihaiño iicamo, noono.

Moocaani imino udugaacuuboro tolli omoonimoco ijaadaco acifinoco. ³ ¿Nacu ijohoh fine deesicinihi: Moocaani idaasuno omooninoti taajaji, onoobo? Jaaboro ijohoh sitaaco iimitihalliti idaasuno omoonihicaabo, bu diito omooni**badiro** moonihicahi. ⁴ ¿Nacu ijohoh diimogotih Moocaani imihuseque, bu ijaab*cififihicanoco*; ijohoh gaajatih diibo imihuse ico dihimitico ejeevesusujirunoco? ⁵ Dijeebii aivo ico ucuhufomaño dihimitico deevesugotih. Jaamaño dihalliviro sihidi titibanihi Moocaani ico idaasuno omoonijinoco ufucu atyimecafetejino Moocaani imino udugaacuuboro ijaadaco acijifucuvi. ⁶ Tusumi jari jaadujiibo famoovaaco iticovoociv iiminoco omooni**boco** iimineri, bu iimitinoco omooni**boco** iimitineri icano. ⁷ Jaamoco Moocaani imico, bu bocico icano iguiinomoco, ifinijitino fiivofeenedi iiminoco suufenitimo omoonimoco ifinijitino fiivoco acijiibo. ⁸ Jaanoti sefano idaasuno moonijiibo: Uujoho sihidi jeevahi, onoomoco, jaamoro miyaanoco ijivotimoro iimitinocoro eheetavomoco ⁹ sihidi aivoma idaasuno icajiparyi**cino** iimitinoco omoonihicamed, imegavi judiomidi, tolliro bu judiomidi iicatimedi. ¹⁰ Jaanoti Moocaani acijiibo imico, bocico, sajeebiico icano paryi**cino** imino iicahicamoco, imegavi judiomico, bu jaabadiro judiomidi iicatimoco icano.

¹¹ Moocaanidi miyaminaa sabadiro iicamaño. ¹² Paryi**cino** Moise tajii**bama** achahamo imitico omoonimo finiji totajii**bama** chahamo. Jaanoti Moise tajii**bama** iicacuurumo imitico omoonimo totajii**bafeenedi** dugaacucafetejimo ifiniqui. ¹³ Moocaani gaayicitih totajii**baco** jilli ticovono uguubumoco. Jaanoti imino uguubumocoro imino iicamoco gaayiciibo. ¹⁴ Jaanoti siicumioto Moise tajii**bama** chaharumo ijeebii**tiro** Moise tajii**ba** onoobadi moonimo. Jaamo Moise tajii**bama** chaharumo, tolli ijeebii onoobadi omoonino. Toono diitedi tajii**babadi** jeevahi. ¹⁵ Iimihiicafeenedi gaajasumo ijeebii**faño** Moocaani tajii**bama** iicanoco ijeebii diitoco jii**beguehi** miyaano icano. Jaamoco ihesamaajere ufucu jii**begueji** iiminoco, bu iimitinoco icano omoonihicanoco. ¹⁶ Ufucu Moocaani paryi**cino** miyaminaa toovono omoonihicanoco emeeci**bor** jaaduji Jesucristofeenedi taajasujibogoco uujoho ijibogooboro eneehicabadi.

*Judiomi Moise Taji**baguiino** Icahi.*

¹⁷ Jaanoti cajaatyohacho: Uujoho judiomioobo, onooboro Moise tajii**bafañodi** icahi, bu Moocaani uco gaijih, neehicahi. ¹⁸ Jaabo ijohoh Moocaani jeebii onoobadi iicanoco gaajahi. Jaaboco ico Moise tajii**ba** gaajasuhu iimino ifiico diiciqui. ¹⁹ Jaabo: Uujoho aivo gaajahi, onoomaño diito Moocaanico agaajatimoco jii**beguejirahi**, bu imitifaño iicamoco gaajasujirahibadi deesicinihi. ²⁰ Agaajatimoco jii**beguejirahi**, bu uguubutimoco fajii**nijirahi**, nooboro deesicinihi, tajii**bafaño** miyaanoco, bu agaajanoco icano agaajamaño. ²¹ Jaarunofaño ijohoh sitaaco idibeguehicaabo, ¿collihi jaabo dificoro diibeguehicitih? Ijohoh sitaaco: Mananidino, nooboro idibeguehicaubo, ¿collihi jaabo nanivahicahi? ²² Ijohoh sitaaco: Sifigoma diicajirahana, eneehicarubo, ¿collihi jaabo ijohoh sifigoma diicahicahi? Ijohoh sitaaco: Ijinitaco jii**heguehi**, eneehicarubo, ¿collihi jaabo jihovono caanimi ijano busumijeque nanihicahi? ²³ Taji**bafañodi** quehe quehe diicarahi. Jaaruubo Moocaanico nucufevesuhicahi diibo tajii**ba** onoobadi omooni**tiamaño**. ²⁴ Miiro

Caatinihaamefaño noono: Amiihai tolli mihicamaño judiomí iicatimo Moocaaniditi imitino iimaahicahi, noonoro.

²⁵ Moise tajibaco imino mooniruva dimeehe nijeqeque iquiticino iidi imijirahi. Jaanotí Moise tajibaco imino omoonitihachiji Moocaanita iicatimobadi diicahi. ¿Jaanegui imeehe nijequa iquiticinoti jinehejebaco mihicijitirahi? ²⁶ Jaanotí iquiticiratiruubo tajiba onoobadi omooniboo imeehe nijequa iquiticinibobadi gaayicafetehi quiticiratiruubo. ²⁷ Imeehe nijequa quiticiratiruubo tajiba onoobadi omoonihicaabo ico dihimitico atyimesuji, ijoho tajibaco: Jii, eneehicitimaño toohaamema diicaruubo, dimeehe nijequa quiticiniruubo icano. ²⁸ Jaabo judioru jaaruubo Moocaani iimogobadi omoonitimaño miya judiobadi jeevatiibo. Jaano tolliro quiticinirumo ijeebiifañodi imino imiyaavogotimo miya quiticima icatino. ²⁹ Jaanotí naha miya judio iicaabo Moocaani iimogobadi ijeebiifañodi omooniboo miya quiticima iicaabo. Jilli aamefaño acaatinibadiro iicaqui icatino, bu mojeebiifaño Moocaani Gaija onoobadi miicaqui. Jilli omooniboco miyaminaa imotihhi, idiboro Moocaani imehi.

3

¹ ¿Jaanegui collihi judioti mihicajirahi? ¿Collihi bu miquiticijirahi? neejirumo. ² Jaarunofaño aivo sihidí imino judiomítí mihicano judiomico Moocaani ijibogoco aaciumaño. ³ ¿Janaa millijiru, diitoti saatohi imino imoonitiruva? ¿Nacu jilli diito iicanotí Moocaani diitoco aaciguunoco dumitacijirahi? ⁴ ¡Cha, tolli icatino! Tollí icarunehejhaca Moocaani iimihuseque jeevesutíhi. Jilli Moocaani imino paryi miyaanoco onoobadi eetavehi, paryicino miyaminaafi bañififirunaaca. Miíro Caatinihaamefaño noono:

Iimiiboti diicaji dihimi icafeenedi, bu ico inisumoro emeecirunotí imino dihiineji, onoonoro.

⁵ Jaanotí mohimitifeenedi Moocaani iiminoco saatohi gaajahi. Jaanoco jilli: Moocaani imithi, monoonicihi miíhaico idasuno diiboo omoonimaño. Jilli miyaminaa esamaaje imitacimimo noonicihi. ⁶ ¡Jaarunaa tolli icatino! Moocaani imitiminaafi iicaruva, ¿milli bu jaabo miyaminaaco iimitihalliti idasuno moonijirahi?

⁷ Jaanotí saatohi esamaaje imitaciniiboo neejirahi: Uujoho abañififiboti saatohi Moocaani miya iijico onoonoco agaajamoro janaanicí diiboco acahacisuhashchiji, ¿collihi jana uco imitiminaafibadi idasuno moonijiibo? ⁸ Jaaneguiha iimitacino momooniqui iiminoonoo isaaqui, nooboro. Jilli saatohi imitino esamaaimoro neehicahi miíhaiva iminotino mijibeguehicanoco. Jaarumo tolli eneehicamo idasuno moonicafeteji toonovi iifotomo.

Famooro Mihimiflhi.

⁹ ¿Milli jaanoco meneejirahi? ¿Nacu miíhai judiomí diito janaanicí mihimiflhi? ¡Cha, tolli icatino! Miíro: Judiomí imitico, munuucuhi, bu famoovaaco monoobadiro, imitiguino paryi famoovaro mihicahi. ¹⁰ Miíro Caatinihaamefaño noono:

Imimo chahahi, aivo saafiiba iiminoco omooniboo chahahi. ¹¹ Miíjoho agaajamo chahahi. Miíjoho chahahi Moocaanico iguiinomo.

¹² Famooro mitacuhu, iimitijiri famooro iimitihigoviro fuucuuhi. Miíhaiñooba iiminoco omoonimo chahahi, aivo saafiiba chahahi.

¹³ Oono iiji ciihojico mafaayicijirubadi jeevahi aivo idicuno ihimaamaño. Jaamo bañififihicamo, ihimaa jiinimo namitabadi jeevano imitino moonisumo. ¹⁴ Sano iminotinocoro iimaamo aivonoonocoro. ¹⁵ Sitaaco iguijenijinojaagoviro goovano foomo.

¹⁶ Idasuno moonimoro finisumoro igomo. ¹⁷ Jaamo sajeebii icaco gaajatimo. ¹⁸ Moocaanico iñihicugonoco esamaaitimo, noono Caatininhaamefaño.

¹⁹ Jaanoco magaajacuhi paryiicino Moise tajiba bafano iicanoo totajiibaguiino iicamedi noono. Jaanoti famooro illivomoro Moocaani aivojiguiino iminifetequi. ²⁰ Miíhaiñooba Moocaani imefeene gaayicicafetejtihia tajiba onoonoco omooninofeenedi. Jilli tajiba miíhaiico mohimitico gaajasuhi.

Myaavogofañodiro Mataajatahi.

²¹ Jaanoti jisumi tajiba uufocodi magaajahi milliti Moocaani miíhaiico agaayicinoco. Jaarunofaño tajiba aamefaño, bu Moocaani iimaaminaa aamefaño icano toono mataajajinohalliti ihimaacuno.

²² Jaanoti jino naha Moocaani miíhaiico agaayicino Jesucristoco mimiyavogonofeenedi. Chahamo saatoho sita janaanicivi iicamo icano. ²³ Famooro imitico momooniuhi. Jaamaño Moocaani imi iijiti tehesino mihicahi. ²⁴ Jaarunaa Moocaani famoocoro jilli iimihuseri ticovono gaayicihi, Cristo Jesufañodi ataajasucumaño.

²⁵ Moocaani Cristoco miyaminaa imitihallivi guijenisuhi. Jaamaño diito imiyavuguusumi diitoco taajasuubo. Jilli mooniubo iimihuseque igaajasuqui siicjeo imiti icarunoco ajaabiciuboro jeecivotiubo fatyuubo.

²⁶ Jilli mooniubo diibo Moocaani jisumihachuta iimihu森neque igaajasuqui. Jaabo Jesuco imiyavogomoco agaayicunofeenedi gaajasuubo jisumihachuta iimihu森neque.

²⁷ ¡Jaamaño milli bu moficoro quehe quehe mehesicinijirahi? Tollí mihicahicano chahacuhi. ¿Collíhi jaano tolli icatino? Cha, tajiba onoonoco momooninotí icatino jilli Jesucristoco mimiyavogonotí.

²⁸ Jaamaño magaajahi miyaavogofeenediro Moocaani miñnoco agaayicinoco. Jilli tajiba onoonoco momoonimaño icatino.

²⁹ ¿Nacu Moocaani saatohoro judiomítahere? ¿Nacu bu tolliro judiomí iicatimotahe icatino? ¡Janabuu! Tolliro bu diitotahe. ³⁰ Idiiboro Moocaani saafiro iicamaño miyaavogofeenedi gaayiciubo judiomico, bu judiomí iicatimoco icano.* ³¹ ¿Jilli miyaavogofañodi mataajahi, monoomaño jaanegui nacu Moise tajibaco imitino meneehi? ¡Cha, tolli icatino! Jilliro janaanicivi tajiba miyaano iicanoco meneehi.

4

Abrahamti Magaajano.

¹ Masii Abraham miíhai judiomí eedeebediti mehesamaaiqui. ¿Nacu jinejeque fine gaayiciubo? ² Siinoco omooniunofeenedi Moocaani diboco igaayiciuruva quehe quehe icaujiruubo. Jaaruubo Moocaani imefeneevi icatino. ³ ¿Naa milli noono Caatininhaamefaño? Abraham Moocaanico miyaavuguuhi. Jaamaño diiboco Moocaani gaayiciubi, noonoro. ⁴ Jaanoti saatoho idudicamaaje jaadaco agaayicino ticovono

* ^{3:30} Griego iijiri: miyaavogofeenedi gaayiciubo iimeehe nijequ iquiticinimoco, bu iq-uiticiniratimoco icano, noono.

diiboco aacino icatino. Jilli idudicamaajeque ajaaduno. ⁵ Jaanoti saatoho jinejeque moonitirumo Moocaanico miyaaveguehi. Jaabo Moocaani iimitirumoco agaayiciiboco miyaavogomo. Jaamoco Moocaani gaayichihi jilli ticotono diiboco imiyaavogomaño. ⁶ Tolliro bu David nuuhi: Imo imo icaabo saafico Moocaani agaayiciiboo. Jaaruno iimihuseti agaayicino icatino. ⁷ Jilli David nuuhi:

Imican icamo jaatyö diito imitico Moocaani ubuusumo; diito imitico esafototiboo ejeeccivucuutino. ⁸ Imican icaabo diibo imitico Moocaani ejeevesucuubo, nuubo.

⁹ ¿Nacu fine jino imo ica saatohoro imeehe nijeque iquiticinimedi? ¿Nacu bu fine tolliro iquiticiniratimedi? Miirro munuucuuhi, Abraham imiyaavuguumaño Moocaani diiboco agaayiciunoco. ¹⁰ Jaaboco, ¿cusumi gaayiciubo iimeeheque iquiticinobuunati? ¿Nacu imegaviro? Toonobuunati icatino, imegaviro. ¹¹ Buunati Abraham meehe quiticico gaayiciuhi imiyaavuguunofeedi diiboco Moocaani agaayiciuno jibogobadi iican. Jilliti Abraham paryicino imiyaavogomo caaniti icahi. Jaamo imeehe quiticiratirumoco Moocaani tolliro gaayichihi. ¹² Miyaano Abraham imeehe iquiticinimo caaniti icahi. Moheedebe Abraham iquiticirautisumi imiyaavuguubadi, imiyaavogomo caani enejiruno. Jaamaño diito caani icatiiboo, iimeehequere iquiticiumaño.

Moocaani Unuunoco Magaayichihi Miyaavogofeedi.

¹³ Miirro Moocaani: Amihaico jiiijequem aciji, nuuhi Abrahamco, iyaachimihai ican; atajibaco omooniumaño aciguutiboo. Jilli imiyaavuguumaño Moocaani diiboco agaayiciuboro: Jiiijequem aciji, nuuhi. ¹⁴ Jaaneguiha Moise tajibaco omoonimo idiomoro Moocaani aaciguunoco igaayiciruva. Jaaneguiha jahi miyaavogo miyaano icacuutih, tolliro bu Moocaani aaciguuno miyaano icacuutih jahi. ¹⁵ Miirro tajiba mihaico gajasuh Moocaani mohimitihalliti miinoco idaasuno omoonijinoco. Jaanoti tajiba achahahigo magaajatih imitino mihicanoco.

¹⁶ Jaamaño miyaminaa imiyaavegueneguiha Moocaani unuunoco aciguubo ticotono, paryicino Abraham iyaachimihaidi aivo miyaano iicaqui. Jino Moocaani aaciguuno idiomoro Moise tajibaco omoonimediro icatino, tolliro buunaji Abraham imiyaavuguubadi paryi imiyaaveguemedi. Jaamaño diibo Abraham paryicino imiyaavogomo caaniti icahi ¹⁷ Moocaani imfeenevi, diiboco Abraham imiyaavuguubo imfeenevi. Jilli Moocaani Abrahamco Caatinihamefaño neehi: Ico fikuuh ajashutimo miyaminaa caaniti, nooboro. Jaabo Moocaani iguijevecuurumoco fiivoco acihi. Jaabadiro bu ifivejirunehejeque fiivusuubo.

¹⁸ Abrahamco Moocaani unuunoco aatyimeratirunoco eesiciniuboro miyaavuguubo. Imiyaavogoma iicaumaño ajashutimo miyaminaa caaniti icaabo. Moocaani diibo iseemema iicautiruuboco: Tonoodimeji diiyaachimihai, unuunoco imiyaavuguumaño. ¹⁹ Jaasumi Abraham icauh ciendino ficabavano ticovoocivi. Jaaruubo jeevesuutih imiyaavogoco, diibo mogai Sara ican aivo amiyatisi iicacuumaño eseemevacuujitirunoco ²⁰ guucibautiboo. Bu tolliro bañiguutiboo Moocaani unuunoco. Jilliro imiyaavuguuboro esiciniubo. Jaaboro Moocaanico imuuboro ²¹ esiciniubo Moocaani imityari aaciguuno imiyacarujinoco

iyaachimihaiditi. ²² Jilliti diibo imiyaavogoco agaajauboro Moocaani diiboco gaayiciuhi.

²³ Tollti diibo miyaavogoco Moocaani gaayiciuhi, toono diibo Abrahamditiro caatinirautihi, ²⁴ tolliro bu miihaidi caatiniumo. Miihai miyaavogoco tolliro Moocaani gaayicihi miihai Jesu Mohaivojiboco guijevefañoti ubuheetesuboco mimiyaavogomaño. ²⁵ Jaabo Jesu mohimitihallivi acicafutuhi iguijevequi. Jaaruubo siino buheeteuhi diibofeedi miihaico Moocaani igaayiciqui.

5

Mohimitico Jesu Jaaducuuhi.

¹ Jaamaño Moocaani miihaico momiyaavogofeedi mohimitico ubusuuboro agaayicicuumo, sajeebii Moocaanima mihicacuuhi, Mohaivojiboco Jesucristofeedi. ² Diboco mimiyaavogonofeedi Moocaaniv mifilitivehi, diibo imihuseque magaayiciqui. Jaanofeedi quehecuno mihicahi. Jaamoro imo imo mihicahi ufucu Moocaani imifaño mihicajinoco magaajamaño. ³ Toonotiro imo imo mihicatihi, tolliro bu idasuno mihicarunofeedi imo imo mihicahi, toono fanoovaaco majaabicinoco miihaico agaajasumaño. ⁴ Jaano majaabicinofeedi Moocaani imefeenevi imino mihiinehi. Jaamo imino mihiinomaño mehesicinhi Moocaani miihaico imino omoonijinoco. ⁵ Jaanoco mehesicinino miihaico jeevesutuhi Moocaani mojeebiinoco igaijiri gahafusucuuhi Igaijaco aacinofeedi.

⁶ Miihairyo mosfico mataajasujitirahi. Jaaneguiha Cristo guijeveuhi paryicino imitiminaahallivi. ⁷ ¿Cajaani fine guijevejirahi sifi Moise tajiba onoobadi omooniibohallivi, nacahajiru? Jaarunaa fine tahi icaabo saafi iimihuseebbehallivi iguijevejiruubo. ⁸ Jaanoti na ha Moocaani miihaico agaijinoco ifusuuhi, mihiimifiitirumohallivi Cristo iguijeveunofeedi. ⁹ Jaamaño jisumi Cristo iguijeveunofeedi miihaico Moocaani agaayicicumaño, diibofeedi mataajacuuhi idasuno miihaico Moocaani omoonijirunoti. ¹⁰ Iticoni iminaati mihicaurumo Moocaanima sajeebii miminifutuhi Illi mohallivi iguijeveunofeedi. Jaamo sajeebii mihicacuumamaño magaajahi mataajinoco diibo ubuheeteubofeedi. ¹¹ Jaano toonoro icatino. Tolliro bu Moocaanifaño imo imo mihicahi Mohaivojiboco Jesucristofeedi. Miilo diibofeedi Moocaanima sajeebii mihicacuuhi.

Adan, Cristo Iicamisiditi Pablo Iimaano.

¹² Jaamaño saafi Adan onoobofeedi jinijehallivi imiti jicafutuhi. Jaano imitifeenedi, bu tolliro guijeve jicafutuhi. Jaano guijeve paryi miyaminaavi fatyuuhi famooro imitico eheetavuumaño. ¹³ Tajiiba cha-haunaaca imegaviro imiti jinijehallivi icacuuhi. Jaasumi tajiba acha-humaño imitico omooniuno gaajaveechurautihi. ¹⁴ Jaanoti tusumi Adan iicaudihiti Moise iicaunohachuta guijeve imityama icacuuhi imitico omooniuumohallivi. Moocaani tajibaco Adan ijihivuutimaño imitico omooniubadi diito miyaminaa imiti icatihu. Jaabo Adan jaadi Cristo asaaujiibo jibogobadi iicaubo.

¹⁵ Jaaruno Adan imiti oovicicafoton fototihu miihaico Moocaani aacinovi. Miilo saafi Adan imitifeenedi famooro guijeveuhi. Jaanoti Moocaani miihaico ticovono taajasuco acihu, saafiro Jesucristofeedi. Jino aivo allinoocivi guiraahi, ajashutimoco imino omooniijino. ¹⁶ Saafi

imitiro ifototih Moocaani miihaico taajasuco aacinovi. Saafiro imitico omooniuno famoohalliviro javuvehi. Jaabadiro bu miyaminaa sihidi imitico moonirumoco Moocaani ticovono taajasuco achihi.¹⁷ Miiro saafi imitifeenediro guijeve mityatehi famoohalliviro. Jaano janaanici imi ticovono Moocaani agaayicimo mityano icaji bohofifaño saafiro Jesucristofeeded.

¹⁸ Jaamaño saafiro Adan imitifeenedi famooro idaasufaño icahi. Jaanoti Jesucristofeeded famoocoro Moocaani agaayiciboro bohofico achihi, diiboro Cristo omooniuno Moocaanidi iiumumaño.¹⁹ Miiro saafi guubutifeenedi ajashutimohallivi imiti javuvuuhi. Jaanoti bu saafi guubufeenedi ajashutimoco Moocaani gaayiciji.

²⁰ Jaamaño tajiba saauhi imitico omoonino ihatyimecafetequi. Imiti ajashutrunaaca, Moocaani miihaico agaijino aivo allinoocivi.²¹ Jaabadi imiti imityari guijeveque isivaubadiro bu Moocaani imi ijji mitya iguiraatono miihaico diibovi ifiitivusuqui. Jaano miihaico ifinijitino fiivoco ihaci qui Mohaivojibbo Jesucristofeeded.

6

Mohimiti Ififico Mifinisucuuhi, Cristodiro Mihicacuuhi.

¹ ¿Jaanoco milli meneej? ¿Imitico moonimoro mihicaji toonoti miihaima Moocaani gaiji iguiraatequi? ² ¡Toll i catino! Miinhai mohimiti ififico miguijenicuumo, ¿milli bu jaamo imitifaño icamoro mihicajirahi? ³ ¿Nacu amiihai magaajatihi nit Cristo Jesujaago miihaico iminiiyuno eneejirunoco? Jaabadiro diibo guijevefaño miihaico iminiiyuno eneejiruno. ⁴ Jaamaño nitisumi Cristoma sano miguijевемere micicafotonobadi jeevahi. Jilli mohimiti ififico mejeevesucuunoco, eneejiruno. Bu tolliro mubuheetemere bohono ifiima mihicano siino imitico momoonijitino eneejiruno oono Cristo Caani mitya imiri guijevefañoti ubuheeteubadi.

⁵ Cristofaño mihicacuuhi. Jaanegui mihicacujitih mohimiti ifi onoobadi. Jaanoti bohono ifi onoobadiro mihicacuhi, oono Cristo iguijeveunoti ubuheeteubadi. ⁶ Miinhai imino magaajacuuhi iticoni mihicauno ifi Cristoma etetecucafutucuunoco, miihai ifi iimitinoco iimeguehicano ifinicuuqui. Jaamoro siino imiti jjiovoto icacuutimo miicaqui, miiño aivojibbo atajibanco momooninibadi moonicuutimo miicaqui. ⁷ Miiro iguijevacuumo imiti mityati sihigovi icacuuhi. ⁸ Miinhai mohimiti ififico mejeevesusumi Cristoma sano miguijевеме mobadi jeevahi. Jaanoti mehesicinhi diiboma sano mihicajinoco. ⁹ Jaamaño magaajahi safooro Cristo guijevefañoti ubuheeteubo siino uchuumucuujitinoco. Guijeve diibohallivi janaanici imityama chahacuuhi. ¹⁰ Miiro Cristo sano paryicino imitihallivi safooro guijevacuuhi. Jaabo ubuheeteubo Moocaanidiro icacuuhi. ¹¹ Jaabadiro bu amiihai imitico momonicudino. Jaarumo Moocaani iimogobadiro mihicaji Cristo Jesufaño mihicamaño.

¹² Jaaneguiha amiihai ifi iguijeveji ifihalliv iimitico mimityacarusucudino, amiihai ifi iimoyicinehejeque momooninofañodi. ¹³ Amiihai ififico imitiguiinovi mificuudino. Jilliro Moocaanijaagoviro miminifoto iguijevacuumo siino ubuheeteme iicanicibadi. Amiihai ififico Moocaanidi

mificu iiminocoro momooniqui. ¹⁴ Miiro imiti amiihaihallivi mityacuu-jitih. Amiihai tajiibaguiino mihicacuutihi Moocaani gaijifaño mihicacu-umaño.

Jeeчивоминаави Oovicino.

¹⁵ Jaaneguiha milli meneeji? Imitico momooniji tajiibaguiino icatimo Moocaani imihusefañoro mihicacumaño? ¡Cha, tolli meneejitirahi!

¹⁶ Amiihairyo imino magaajacuuhi sifiguino jijovonotì miminifutusumi diibo atajiibanocoro: Jii, meneehi. Jaabadi mihicatahi ifinijitino gujeveque aacinoguiino. Jaanoti Moocaani atajiibanoco: Jii, monoohachiji iticovono ifirma mihicaji. ¹⁷ Jaamaño uujoho Moocaanico imehi; iticoni amiihai imiti jijovoto mihicaurumo, amiihai jeebiifañodi magaayicicuuhi toono jibogojaagovi miminifutucumaño. ¹⁸ Imititi mataajacuumo imino jeeчивоминаатиро mihicacuuhi. ¹⁹ Miyaminaa ihimaanicibadi iimaahi amiihai jeebiitiro magaajajitirahi jinooco. Jaabadi amiihai iticoni amiihai ifinoco, fanoova iidicunoono iimitinoco icano momooniqui mificubadiro, bu jisumi amiihai ifinoco mificu iticovono ifi eetavoguiiharo ijeevadì Moocaanidiro iicaqui.

²⁰ Amiihai imiti jijovototì mihicausumi iticovono ifi ica eetaveguitihi mihicautihi. ²¹ Jinejeque nacu mihicuhi tonehejeti toono amiihai jisumi munucufegueneti? Miiro toono gujevejaagoviro miinoco asatyono. ²² Jaanoti jisumi imiti miinoco ijijuvusunoti mataajacuumo Moocaanigu-iitaro mihicacuuhi. Jino naaha idinocoro amiihaidi iimino. Miiro amiihaico Moocaanigu-iitaro ficuuno. Jaanoro ifinijitino fiivojaago satyono. ²³ Miiro imiti jaada ifinijitino gujeve. Jaanoti Moocaani aacino ifinijitino fiivo Cristo Jesu Mohaivojibofeenedi.

7

Taabavavi Oovicino.

¹ Tañhabomi, amiihai tajiibacu magaajacuumo, magaajahi tajiiba mityaguiino mihicafinoco mochoomotinohachuta. Jaanoti miguijevenebuunati toojiinije tajiibatì mataajacuumo. ² Miiro gaigo atajevacuugo aijivi gataacinihi tajiiba onoobadi aiji iguijevetinohachuta. Jaanoti aiji iguijevecuudi toono tajiiba, diigoco diibovi agataacinisuhicanoti taajacuugo. ³ Jillì iicamaño aiji icanaaca sifima iicago ajeva imitico eetavehi. Jaanoti aiji iguijevecuudi tcovono minifutucuugo. Jaadi ivi siflico atajevaruno, toono ajeva icatino.

⁴ Jaabadiro bu amiihai tañhabomi, jisumi Cristotaro mihicacuuhi, uchuumucuumo tajiibaguiino iicacuutibadi mihicacumaño, Cristojaagoviro miminifutucuuhi. Jaamo jisumi Cristo gujevefañoti ubuheeteubotaro mihicacuuhi Moocaanidiro imino momoonimoro mihicacuqui. ⁵ Jaanoti miihai moheedehifi iimogobadi momoonihicausumi tajiiba nuuhi: Momoonidino, unuurunoco janaaniciviro momoonihicauhi. Jaano miihaico gujevefaño satyuhi. ⁶ Jaarumo jisumi uchuumucuumo tajiiba mityaguiino iicacuutibadi, mihicacuuhi. Jaamaño toonoti mataajacumaño Moocaanicoro mejeechivucuuji bohofiri Moocaani Gaijafeenedi eedeetajiiaba acaatinicinnofañodi mihicacuutimo.

Imiti Miño Ififaño Iicano.

⁷ ¿Jaanoco, milli meneeji? ¿Tajiba nacu imitih? ¡Toll icatino! Uujoho imitico gaajajitirahi tajiba: Imiti, inootiruva. Miijo uujoho gaajajitirahi sitaanoco mihimogono imiti iicanoco, tajiba: Sitaanoco diimeguejirahana, inootiruva. ⁸ Toonofeenedi imitico gaajacuruubo mejeevesutano janaanic imeguehicaudi imitinocoro. Jaanoti tajiba achahahigo gajaratino imitino mihicaruno. ⁹ Safoono uujoho tajibaco agaajautisumi imono icaurahi. Jaanoti tajiba agasecuudi uco imitico esaayuvauhi. Jaanoti uujoho gaajacuuhi iguijeveujinoco. ¹⁰ Jill mooniuno tajiba fiivoco aacivauruno. Jaaruno aacitinoro jilliro uco ifinijitino guijevefaño ficuuhi. ¹¹ Tajibaco imino omooniboro ifinijitino fiivoma fine iicaji, nuurunaaca tahimitico gaajasuuno. Jaaneri cijigaifaño efeejinoco gaajacuuhi. Jilli tahimiti toono tajibafeenedi uco bañiuhi.

¹² Jaaruno toono Moise atajibauno imitino icatino. Jilliro aivo imino paryi Moocaani unuuno imino ticovono. ¹³ ¿Jaaneguiha nacu fine jino imi tajiba uco guijeniuhi? ¡Cha, toll icatino! Imiti uco guijeniuhi. Jaanoti tajibafeenedi magaajahi toono imiti aivo iiimitinoco.

¹⁴ Magaajacuuhi tajiba Moocaani Gaijati asaanoco. Jaanoti tafi jilli ticovo miyaminaa ifi imiti jjovonoti iicano. ¹⁵ Uujoho gaajatih millitihacho fine tolli iicanoco. Iimogonoco omoonitiiboro, iimogotinocoro ijihegueneque moonihicahi. ¹⁶ Uujoho: Imitino, onoobadi bu tajiba: Imitino, onoomaño tajiba miyaano. ¹⁷ Jaamaño uujoho toono omooninoco imogotirahi. Jaarunaa imiti tafano iicano moonisuhicahi. ¹⁸ Uuro gaajahi tafifaño imino aivo achahanoco. Iliminocoro omooninoco imogorahi. Jaaruubo moonihicatihi. ¹⁹ Iliminoco iimugurunoco moonihicatihi, iimitinoco iimogotirunocoro moonihicahi. ²⁰ Jaabo iimogotinocoro omooniboro, uujoho moonihicatihi imiti tafifaño iicano moonisuhicahi.

²¹ Jaamaño jilli uudi icahicano; iiminoco omoonijirusumi iiimitinocoro moonihicahi tafifaño sano imitiro iicamaño. ²² Tajeebii fañodi Moocaani tajibaco imogorahi. ²³ Jaarunaaca tafifaño iicano tajeebii fañodi iimugurunoco tihiisuhicahi; imiti tafico isisisinoro atajibacumaño.

²⁴⁻²⁵ Miijo tajeebii tajibahicahi Moocaani onoobadi mooniqui. Jaarunaaca tafi uco imitijaagoviro satyehicahi. Idasucaniji fine uujoho. ¿Miijo fine uco taajasuji jino ifinijitino guijevefaño asatyono ifiiti? Idiboro Moocaani uco taajasujirahi, Mohaivojiboo Jesucristofeenedi. Jaamaño ¡Moocaanicoro mihimehi!

8

Moocaani Gaijafañodi Iicano Ifi.

¹ Jaanoti jisumi Cristo Jesufañodi iicacuumo idaasuno mooniracuujitih. ² Miijo Moocaani Gaija fiivoco Cristo Jesufeenedi aaciiboo tajiba uco taajasuhi imiti jjovooboti, ifinijitino guijeve myityati icano. ³ Miijo Moise tajibafeenedi miihaiñoba taajajitirahi. Tajibaco saatohoba miyaminaa imino moonijitirahi ininovamaño. Jaanoti naa Moocaani idibocoro Illico galluuhi miyaminaafi ifiiti iminiiyuboro. Jaabo iguijeveunofeenedi imitico guinonibobo, miihaico imiti guinonicuutino iicaqui. ⁴ Jill mooniubo Moise tajiba onoobadi meheetavehicaltineguitiha, jilliro tajiba onoobadi imino miicaqui. Miijo mofi onoobadi mihicacuutihu, Moocaani Gaija onoobadiro mihicacuuhi.

⁵ Miiro ifi onoobadiro iicamo ifi onoonehejequere moonifihi. Jaanoti Moocaani Gaija onoobadi iicamo toonojaagoviro ijeebii icahi. ⁶ Mofi onoonocoro momoonino guijkevejaagoviro miinoco satyehi. Jaanoti Moocaani Gaija onoonoco momoonino miinoco satyehi sajeebii, bu fiivo icanujaago. ⁷ Jaanoti ifi onoonocoro omoonihicamo Moocaaniminaati icahi. Jaamo iimogotimo, bu imityama chahamo diibo tajibaco omoonijurumo. ⁸ Jaamaño ifi onoobadiro iicahicamo Moocaanico imo imo moonitihu.

⁹ Jaanoti amiihai, amiihai ifiguiiharo mihicatihu, Moocaani Gaijadiru mihicahi diibo Gaija amiihaifaño iicacuumamaño. Jaamaño Cristo Gaijama iicatimo Cristota icatimo. ¹⁰ Jaanoti Cristo amiihaifaño iicahachiji amiihai ifi imitiri guijkeveji. Jaarunaaca amiihai jeebii buheehi, Moocaani agaayicicumaño. ¹¹ Cristoco guijkevefañoti ubuheete-suubo Gaija amiihaifaño iicahachiji, diiboro Moocaani amiihai ifi echeemejirunoco bohofiti acijiibo diibo Moocaani Gaija amiihaifaño iicanofeededi.

¹² Jaamaño tañhabomi, miihai Moocaaniguuiharo mihicacuuhi.

¹³ Jaanoti amiihai, amiihai ifi onoobadiro mihicahachiji miguijeveji. Jaanoti Moocaani Gaijafeenedi amiihai ifi imitinoco atajibahicanoco mejeevesuhachiji mihicaji.

¹⁴ Paryi famooro Moocaani Gaija onoobadi iicamo Moocaani seemeti icahi. ¹⁵ Miiro amiihai miinoco ijijuvusuno gaijaco magaayicihinitihu, siino toonofañodi miñihicuguequi icatino, miinoco Moocaani seemeti eheetavono Gaijaco magaayiciuhi. Jaamo Togajafeenedi Moocaanico meneehi: Hjoho Guihirubi, monoonicahi. ¹⁶ Jaabo diiboro Moocaani Gaija jjibeguehi mojeebiñaño miihai Moocaani seeme mihicanoco. ¹⁷ Jaamo miihai diibo seeme mihicamaño magaayiciji Moocaani aacigonoco. Jaamo toonoco magaayiciji sano Cristoma. Jisumi diibo idaasuno iicaubadi mihicamo tolliro ufucu diiboma ihaivojifaño sano imo imo mihicaji.

¹⁸ Jisumi idaasuno mihicaruno sihidi jeevatihu ifototino aivo ufucu imino mihicajinovi. ¹⁹ Paryi fanoova Moocaani ifiivusuudino, Moocaani seeme ihifusucafetejifucuco ihatyimequi sihidi iimogonoro teemehicahi miyaminaa icatiruneheje. ²⁰ Jaaruno paryi fanoovaaco Moocaani ifiivusuuruno Adan imitinoco omooniusumi Moocaani afajacuuno imicuutihu. Jaarunofaño esicinino, ²¹ toonoco unucusuhicanoti, ifinisuhicanoti icano ufucu ataajasucafetejinoco. Jaano Moocaani seeme ufucu imino ataajasucafotonofeededi, bu tolliro fanoova taajasucafetejino. ²² Magaajacuuhi paryi fanoovaaco Moocaani eheetavuuno jisumihachuta, acanifehicanoco gaigo iseemevaqui aivogo acanifonicibadi. ²³ Jaano idinoro toono idaasuno icatihu. Tolliro bu miihai, ufucu sinehejeque sihidi magaayiciji. Jaanoti jisumi Moocaani Gaijamaryehiica mihicahi. Mojeebiñañodi mahaivovomoro meteemehi Moocaani ufucu iseemeti miihaioco agaayicijifucuco. Jaaneri mofi ataajacafetejinoco. ²⁴ Miiro Moocaani Jesufeededi mataajaji, eneehicanoco mehesicinihicanofeededi mataajahinicuuhi. Jaanoti mahatyimecuunoco mehesicinino toono esicini icatino. ¿Mahatyimecuunoco collihu bu mehesicinijirahi? ²⁵ Jaanoti mahatyimetinoco mehesicinimo tolli icarunofaño majaabimoro meteemehi.

²⁶ Jaamaño Moocaani Gaija miihaico miniinovarumoco amusuhicahi, Moocaanima imino mihiimanoco magaajatimaño. Jaabo Moocaani Gaija mohallivi dilluhicahi Moocaanico sijiri magaajatirujiri. ²⁷ Jaabo Moocaani famoo jeebinofañooco agaajaabo gaajahi milli Igaija enejirunoco. Jaabo Igaija diiboco ijeebii onoobadi dilluhicahi diibota iicamohallivi.

Fanoohallivi Mimityano.

²⁸ Magaajacuuhi Moocaani diiboco agaijimedzi fanoovaaco imino omooninoco, jaamo diitoco cuuhuvaubo ijeebii onoobadi. ²⁹ Siicijetiro Moocaani agaajacuumoco imegaviro ijeevadzi dugaacucuubo, Illibadiro iicaqui. Jaamo ajashutimofeeneti, Illi diito amiyaaboti iicaqui. ³⁰ Jaamoco Moocaani siicijetiro udugaacucuumoco bu tolliro coovaubo. Jaamo ocoovaumoco gaayiciubo. Jaamo agaayiciumoco, bu tolliro ihaivojico aciubo.

³¹ ¿Jaanoco bu milli meneejirahi? Moocaani bu mojaagodi iicacunofoña, mominaa miihaico guinoncujitirahi. ³² Miíro Moocaani Illi icaruuboco miihaiditi gajitiibo paryi mohallivi aciubo iguijevequi. ¿Milli bu jaabo miihaico sano Illima fanoovaaco acitiibo ica-jirahi? ³³ ¿Miíjoho bu Moocaani ananicuumoco: Iimiti, neejirahi? Idiboro Moocaani agaayiciibo iimimo unuucuumoco. ³⁴ ¿Miíjoho bu jaamoco iimiti neejirahi? Idiboro Cristo mohallivi iguijeveubo ubuheeteubo. Jaabo Moocaani miyanaagonovi jisumi iicaabo mohallivi Moocaanima ihiimaaqui. ³⁵ ¿Miíjoho nacu miihaico Cristo gajiti dugaacujirahi? ¿Nacu fine idaasuno miinoco omoonineheje? ¿Nacu fine miinoco itihisuhicaneheje? ¿Nacu fine Moocaani iijihalliti miinoco ijjheveneheje? ¿Nacu fine ajeba? ¿Nacu fine gaachehuti mucuujivaachuneheje? ¿Nacu fine mutujaavoneheje? ¿Nacu fine guijeve? Cha, chahano. ³⁶ Caatinihaaamefaño onoobadi mihicahi. Jilli Caatinihaaamefaño noonon:

Moocaanihalliti miihaico fahijivaro gujeniguehicamo. Ovejamico igui-jeniqui asatyonicibadi miihaico moonihicamo, noonoro.

³⁷ Jaarunehejefañoti mityano mihicahi, jaadi Jesu miihaico agaijiubo feenedi. ³⁸ Jaamaño uujojo gaajahi chahano jineje miihaico Moocaani agaijinoti udugaacujiruno guijeve icaruno, bu fiivo icaruno, bu Moocaani toomominaa icarumo, mityano icaruno, bu iimitino gajiano icaruno, jisumi iicaneheje, bu ufucu iicajineheje icaruno, ³⁹ bu caamo iicaruneheje, jiiñe dojibaví iicaruneheje icaruno, chahano aivo sanooba Moocaani ifiivusuuno miihaico udugaacujiruno Moocaani Cristo Jesu Mohaivojibofeenedi miihaico agaijinoco iifusuunoti.

9

Moocaani Israel Cuumico Ficiumo.

¹ Miyaanoco neehi, Cristoco imiyaavugucuumano bañitihu. Miíro tahesamaajeque Moocaani Gaija iticuvusuubo uco jiibeguehi miyaano iicanoco. ² Aivo idaasuno icahi tajeebii faño fahijivaro idaasuno aivo icahicahi. ³ Jaaneguiha uuro taacuumiotohallivi Cristotí sihigovi, bu Moocaani imucugaiguino icajirahi toono tolle iicano tayotoco itajasujiruva. ⁴ Miíro diito Israel iyaachimihai. Jaamoco Moocaani iseemeti agaayicicummo. Miíro diitofeenevi Moocaani icaushi ihaivoji

ifiima. Jaaboro diitoco unuunoco aciubo, Moise tajibaco, Moocaanico iijafaño iimejinehejeque, imino mooniji unuunehejeque icano aciubo. ⁵ Jaamo motadimihai iyaachimihai diito iicamofañoti Cristo imiyaminaafivuuboro saauhi. Jaabo Moocaani fanoohallidi iicaabo. Jaaboco fahijivarо mihimo. Fine.

⁶ Jaabo Moocaani iiji imiyaavotino icatino. Paryi Israel cuumifaño ifiivurumo miya israelmibadi icatihi. ⁷ Jaabadiro Abraham seeme paryi imiya seeme icautihi. Miiro Moocaani diiboco nuuhi: Isaacfeenediro diiyaachimihaima diicaji, nuubo. ⁸ Jilliti magaajahi tuucuumiti ifivomo paryi Moocaani seeme iicatinoco. Jilli idiomoro Moocaani unuuboti ifivomo Abrahamti imiya iyaachimihai iicamo. ⁹ Miiro jino Abrahamco Moocaani unuuno: Ico unuufucu gaseji. Jaasumi diitaaba Sara gaifiico seemevaji, nuubo.

¹⁰ Jaano toonoro icatino, Rebeca achimisiu saafi seemenetisiruu moheedeebe Isaac seemenetisi. ¹¹⁻¹³ Jaamisi fiivuutinaaca bu iimino, iimitinoco icano mooniutimisahaaca Moocaani Rebecaco nuuhi: Diitisiti ihamiyaabo iguihooboco jeeciveji, nooboro. Jaano jino bu tolliro Caatininhaamefaño onoobadiro neehi: Jacobco gaijiji. Jaanoti Esauco jihueguehi, nooboro. Jilliti magaajahi Moocaani miyaminaaco omoonirunehejeque jecivotiboro iimogobadi iicinoco.

¹⁴ Jaanoco bu milli: Moocaani imitihи, meneejirahi? ¡Tollu icatino! ¹⁵ Miiro Moiseque nuubo: Iimogomoco gaijiji bu diitocoro iidaasugueji, nooboro. ¹⁶ Jaamaño miyaminaa mihimogonoti, bu toonegui mesefaquimaañoti icatino. Jilli Moocaani iidaasugomaño. ¹⁷ Miiro Caatininhaamefaño Moocaani Faraoco nuuhi: Ico aivojiboti ficuuhi, tamityaco iivi iifusuqui. Jaanofañodi tamomoco gaajasuqui fanoojiinjeri, nooboro. ¹⁸ Jaamaño iimogomoco iidaasugoobo. Jaabadiro bu saatoho jeebiico Moocaani iimogobadi cuhufutusuubo.

¹⁹ Jaano bu tolli icanaaca, ¿milliti jaabo Moocaani miyaminaa imitico neejirahi? ¿Nacu miijoho diibo onoonoco: Chahano, neejirahi? Jilli fine uco saatoho noonicihi. ²⁰ ¿Nacu miijoho iijoho, Moocaanima de-naauqui? ¿Nacu nifaquihillu tohilluco eheetavooboco: ¿Collihi uco jilli deetavehi? neejirahi? ²¹ Miiro guirihilluno nicuminaafi sabaatiro siibadije iimogobadi eetavejirahi; sabaatiro eetavejiruubo sahilluco iimihilluco, bu tobatiro sihilluco eetavejiruubo oovosittihillu fanoova etavoguiiha.

²² Jaanoco bu milli Moocaaniditi meneejirahi? Jaabo imitino iicahicamo ufucu ifinisujimoco iidaasuno moonijiruubo. Jaaruubo jaabicihihi imityaco igaajasuqui. ²³ Jilli mooniibо ihaivoji sihidiejeevanoco igaajasuqui. Miiro miihaico iidaasugooboro siicijetiro ificucuumo ihaivojifaño miicaqui. ²⁴ Miiro miihaico Moocaani judiomifañoti icihi, bu tolliro saatohoco judiomи iicatimofañoti iciibо icano. ²⁵ Oseas onoobo aamefaño jilli caatininicinino:

Ufucu: Taacuumi, Moocaani neeji diibo cuumi iicautirucuumijeque. Jaacuumijequere agaijutirucuumijeque: Amiihaico gaijiji, neejibо. ²⁶ Amiihai taacuumi mihicatihi, unuurumañoviro mihicarumoco: Moocaani uujoho iicaabo seeme, monoocafeteji, noono.

²⁷ Jaanoti Isaia israelmiditi nuuhi: Israel iyaachimihai ajashutino muuaijinio jiinigayihaidimo icarumoti miiidimoro taajasucafeteji.

²⁸ Miiro Aivojiibo jiinijehallivi paryi unuunoco goovano moonijiiboo, nooboro. ²⁹ Miiro iticoni tolliro diiboro bu Isaia nuuhi: Niqueje Aivojiibo sihidi ejeevaabo miihaico ihatyucaruutruva, Sodoma, Gomorra icano iicaubadi mihicajirahi, nooboro.

Miyaavogofeenedi Imino Omoonino.

³⁰ ¿Milli bu jaanoco meneejirahi? Judiomii iicatimo tajiibateenedi Moocaani diitoco igaayiciqui guiinotirumo gaayicicafetehi miyaavogofeenedi. ³¹ Jaanoti israelmi moonihicauhi diitoco Moocaanivi iiifutusujiruno tajiibacu. Jaarumo toonovi ifutuutihu. ³² ¿Jaamo milliti iiifutuutimo? Eti bu diitoco agaayicisuuuiruno miyaavogojaagovi ijeebii iicautimaño jilli iinoro omooniinojaagoviro ijeebii no iicaumaño. Jaamaño nanigaiva guisibavi ananigaivamoro iiifutcuutimo, ³³ Caatinihamefaño onoobadi:

Uujoho Sion cuumivi ficuuhi saafico nanigaiva guisibati, aacoto guisibati icano. Jaaboco imiyaavogomo jeevevetimo taajajimo Moocaanivi ifeteji, noono.

10

¹ Tañahabomi, imeguehicahi israelmi ataajanoco. Jaamaño uujoho Moocaanima diitohallivi iimaahicahi. ² Uujoho neehi diito Moocaani jaagodi aivo iicanoco. Jaarumo imino moonihi agaajatimaño. ³ Miiro gaajatimehiica milliti miyaminaafico Moocaani agaayicinoco, jilli iinoro: Jilli magaayicicafetehi, onoomaño tolli moonimo. Moocaani miyaano toonofañodi agaayicijirunoco imiyaavogotimoro. ⁴ Miiro Moise tajiibacu saafiro Cristo imino moonihi. Jaaboco imiyaavogomocoro Moocaani gaayicihi.

⁵ Jaanoti tajiibateenedi Moocaani agaayicinoco iimogomoco Moise jilli caatiniuhu: Tajiibacu aivo imino omooniiboo toonofañodi taajajirahi, nooboro. ⁶ Jaanoti miyaavogofañodi Moocaani agaayicinoti jilli noono: Cristo iiti tehesino iicaaboco deesamaaiboro dijeebiiifañodi needino: ¿Miijoho caamo niquejefaaño feeji Cristoco iniitusuqui? nooboro. ⁷ Bu ¿miijoho jiinije dojbavi feejirahi Cristoco guiveefañoti siino isivaqui? Jilli meneedino. ⁸ ¿Jaabo fine jinejeque neehi? Jilli du Caatinihamefaño neehi: Uujoho Moocaani taajasu iimaa iiti fiiticuuhi diijifañoti, bu dijeebiiifañoti icano, nooboro. Jino iimaa miyaavogojii:bogoco miihai mii:bogono. ⁹ Jaamaño Jesu Aivojiibo iicanoco diijiri idibogooboro diiboco Moocaani guiveefañoti ubuheetesuunoco dijeebiiifañodi imiyaavogohachiji taajaji. ¹⁰ Miiro mojeebiiifañodi mimiyaavogomaño miiñoco Moocaani gaayicihi. Jaabadiro bu moojiri monootahi Jesucristo miyaabo iicanoco mataajaqui.

¹¹ Miiro Caatinihamefaño noono: Diiboco imiyaavogomo jeevevetihi, noono. ¹² Judiomii icarumo bu saatohobadiro jeevahi. Jaabadiro bu Aivojiibo Jesucristo famoo Aivojiiboro. Jaaboco ejecivomoco guiraano imino mooniiboo. ¹³ Jilli Caatinihamefaño noono: Paryi famooro diiboco ejecivomo taajaji, noono. ¹⁴ Jaaboco bu ¿milli jeecivejirumo imiyaavogotii:boco? ¿Milli jaaboco miyaaveguejirumo diiboti ijibogonoco agaajatii:boco? ¿Milli jaanoco gaajajimo miijoho diitoco ijibogotinoco? ¹⁵ ¿Milli jaanoco jibeguejirumo, miijoho diitoco: Miijibogoto, noomoro agalluutinoco? Caatinihamefaño jilli noono: Ovosii:cani sajeebii:co

aacino jii**bogoma** asaamo, bu iimino jii**bogoco** isivamo icano agasesumi, noono.

¹⁶ Jaaruno toono taajasubogoco famoovaro miyaaveguehicihi. Jaamaño Isaia jilli nuuhi: Aivojii**bo**, chahamo aivo moji**bogoco** imiyaavogomo, nuubo. ¹⁷ Jilli iicamaño muguubunofañodi miyaavogo saahi. Jaano toono muguubuno Cristo jii**bogo**.

¹⁸ Jaanoco uujoho dilluhi: ¿Nacu fine guubuutimo tobogoco? Cha, imino du guubucuurumo. Miiro toonoti Caatinihaame jilli neehi: Diito ijii**bogono** fanoojiinijeri guubuvusurahi, diito iimaa jiinijejinibacivi ifutucuurahi, noono.

¹⁹ Jaarunaaca siino bu dilluhi: ¿Nacu fine Israel cuumiminaa jaanoco gaajatihi? Cha, Moise unuunoti diito gaajacuurumo. Jaabo Moise jilli nuuhi:

Moocaani neehi: Uujoho amiihaico cigueguesuji siicuumi taacuumi icaticuumihalliti. Bu tolliro amiihaico sifiratusuji igaajati munuu-rucuumiditi, nooboro.

²⁰ Jaabadiro bu Isaia guucibati**bo** nuuhi:

Jilli Moocaani neehi: Uco iguiinuutirumo, jisumi uco iguiinomoro atyimehi, uuti idillutirumo, jisumi idillumovi jafevehi, nooboro.

²¹ Jaanoti israelmiditi Isaia ihiimaubo nuuhi: Fahiji**varo** coovaaboro icahicahi uguubutino, iicajisuno miyaminaaco, Moocaani noobo, nooboro.

11

Israelmiti Ataajacuumo.

¹ Jaanegui jisumi dilluhi: ¿Nacu fine Moocaani icuumi Israel cuumico jeevesucuuhi? ¡Tollí icatino! Miiro uujoho Pablo israelmioobo, Abraham iyaachimioobo, Benjamimio cuumioobo. ² Siicijetiro Moocaani israelmi ita iicanoco gaajacuuhi. Jaamaño jisumi diitoco jeevesutiboo. ¿Nacu amiihai magaajatihi Moocaani iimaaminaafi Eliaditi ijii**bogohaame** Caatinihaamefañodi jilli onoonoco? Diibo Elia Moocaanima ihiimaunofañodi israelmi imitico nuubo: ³ Aivojii**bo**, dihiimaaminaaco gujenicuumo, bu jaabadiro dijecivomañehejeque finisucuumo. Jaanoti uujoho saafiro atyuovooboco gujenigomo, nooboro. ⁴ Jaanegui Moocaani diiboco iimusuuhi: Cha, iiro diicatihi. Ajashutimo siete mildimoco uujoho ijeevadi dugaacuhi Baal onoobo jihovo caani ijinitaguiino ememui**votimoco**, nooboro. ⁵ Jaabadiro bu jisumi miidimoco Moocaani iidaasugoboro gaayicahi. ⁶ Jaano Moocaani iidaasugomaño agaayicino. Jaaneguiha miihai imino momoonimaño miihaico agaayicino icatino. Jaanoti miihaico mohimihuseti igaayiciruva, toono Moocaani iidaasugono icajitirahi.

⁷ ¿Nacu milli? Miiro israelmi iguiinuunoví ifutuutahi. Jaanoti sanoodimoco Moocaani iiciumo toonovi ifutuuhi. Jaanoti sanoodimo ijeebiino ucuufomoco nuubo: Jilli mihimogobadi mihica, nooboro. ⁸ Jilli Caatinihaamefañodi onoobadi:

Moocaani diito jeebihinoco cuhufutusuhi ihaallii**noco** jabacaruubo atyimetimobadi iicaqui, inohojinoco jabacaruubo guubutimobadi iicaqui. Jaamaño jisumihachuta tolli iicamoro Moocaani jii**bogoco** gaajatimo, noonoro.

⁹ Jaabadiro bu David nuuhi:

Jaafa diito jibaimono jegañibadi, sinicuhunobadi icano minifeteji toonoti ananigaivamoco idaasuno imooniqui. ¹⁰ Jaafa ihaalliiño ajabayitobadi Moocaani iimaanoco gaajatimo iicaqui, tolliro bu iyoobaiño diitoco iimitibociri ijebiivequi ufucuro gañiivucuutimo iicaqui, nooboro.

Judiomi Iicatimo Ataaajano.

¹¹ Jaaneguiha dilluhi: ¿Nacu fine judiomí ananigaivaumoco Moocaani siino gaayicicuujitih? ¡Cha, tolli icatino! Diito tolli guubutimo iicamaño judiomí iicatimo itaajaqui diitofeenedi Israel cuumiminaa eesafotomoro diito iicabadi iicaqui. ¹² Jaanegui judiomí imitino iicauno jiinijeminaadi imino minifutuhi, bu diito Moocaani iimugunoti aacutuuno judiomí iicatimedi aivo imino iminifutuuno. Imi fine janaanicí imijino paryi judiomí siino iimitoodi.

¹³ Jaanegui amiihai judiomí mihicatimoco neehi, judiomí iicatimojaago Moocaani uco agallumaño: Uuro tadyudicamaajeque cahacisuhi. ¹⁴ Jaaneguiha imeguehi saatoho taytoti amiihaibadi iicanoco imogomoro ataajanoco. ¹⁵ Diitoco Moocaani ejeevesuunofeenedi jiinijeminaaco sajeebi Moocaanima iminiyyuuno. Jaanegui fine imi diitoco Moocaani siino agaayicidi guijevefañoti siino ubuheetemebadi icajimo. ¹⁶ Moocaani judiomí eedetemihaiico iiciuneguiha, jisu bu paryi judiomí iicicafotomo icano. Miiro iticoni meheetavohica maahu Moocaani jeecivoguiha iimibadiro bu iisihi faasihiro Moocaanidi imihi. Jaabadiro bu imohohife Moocaanidi iimibadiro bu ihaafenema imihi.

¹⁷ Jaabadi judiomiti saatoho miya olivohohaafeneque iquitinicibadi quiticafutuhi. Jaanobuuna iijoho siicuumioobo jihoro olivohohaafe diicaruubo tooho aafeneque iquitunobuuna camayaacucafetehi. Jaabo tohifefañodi idicamaño toohoti diicahi. Toono jilli enejiruno: Moocaani judiomico uufocovi ificuuboro judiomí iicatimoco igaayiciqui, onoono. ¹⁸ Jaarunaa: Toohohaafe imiyahaafe janaanicivi sihidi sihidi jeevahi, needino. Jaanoti tolli onoochachiji imino deesicini, disefari tohife icatih, iijoho tohife sefari diicahi.

¹⁹ Jaanoco fine: Jiihi, neejirahi: Jaarunaa ihaafene quiticafutuhi iibuuna uujoho tohoví camayaacucafetequi, nooboro. ²⁰ Jiihi; miiro toohaafeje quiticafutuhi imiyaavuguutimaño. Jaanoti iijoho tohoti diicahi imiyaavogomaño. Jaaruubo difico: Uujoho aivo sihidi jeevahi, needino. Imino deesicini. ²¹ Buhicaga imiyahaafe icaurunoco Moocaani gaijijutih. Jaabadiro imi ico gaijijitiruubo. ²² Magaaja Moocaani iimihuseneque. Jaaruubo bu iimitimoco gaijijitiruubo. Jaamaño aacutuumoco idaasuno mooniubo. Jaaruubo amiihaima imihuseebe. Jaanegui iimihusefaño imino diiboma diica. Jaanoti imino mihicatihachiji, tolliro bu amiihainco iquiticiiboro gañijiibo. ²³ Jaanoti bu judiomí siino imiyaavogohachiji diitoco siino tohoví camayaacujiibo, Moocaani sihidi imityamaño diitoco siino dojicuviro camayaacujiruubo diito siino diibota iicamo iicaqui. ²⁴ Jaabadi iijoho judio diicatiruuboco jihovo olivohohaafeti iquiticiuboro imiya olivohoví ico camayaacuubo. Jaanegui judiomí imiya olivoho aafe iicamo siino dojicuviro camayaacucafeteji.

Israel Cuumico Ufucu Ataaajasujino.

²⁵ Tañahabomi, imeguehi amiihai jino agaajarautinoco magaajanoco: Jaamo amiihai: Aivo sihidi miihai magaajahi, nootimo mihicahi. Miiro

israelmiti sanooodimo cuhufutusucafetehi, israelmi iicatimo Moocaani jaagovi paryi ijicamañohachuta. ²⁶ Jaanobuunati jari paryi famooro israelmi taajasucafeteji, Caatininhaamefaño onoobadi:

Taajasuminaafi saaji Sion cuumiti. Jaabo israelmi* imitico buusiji.

²⁷ Jinoco diitoma uujoho ihiimaano icaji, diitoco imitico ubusuudi, nooboro.

²⁸ Taajasujibogoco agaayicitimaño judiom i Moocaaniminaabadi icahi, amiihai Moocaanijaagovi miminifetequi. Jaamoco Moocaani gaijih diito eedeeteque diibo iiciumaño. ²⁹ Miiro Moocaani aacicuunoco dumitiicitatiboo, bu tolliro diito ucuuhuvacuumoco sihgovi siino jee-nesutatiboo. ³⁰ Amiihai iticoni Moocaanico mugubutih. Jaarumoco jisumi Moocaani idaasuguehi judiom i diiboco uguubutimaño. ³¹ Jaamaño jisumi diito Moocaanico guubutih, tolliti Moocaani diitoco ihidaasuguequi amiihaico iicabadiro. ³² Miiro famoovaro guubutih. Jaamoco Moocaani: Mugubuhicatih, nuuhi diito famoovaa-coro sabadiro ihidaasuguequi.

³³ Guiraacani icano Moocaani esamaaje, igaaja, ihaivoji icano icahi, aivo diibo esamaaje jibogoratino, aivo diibo jihai gaajaratino. ³⁴ ¿Nacu miijoho Moocaani esamaajeque gaajajirahi? ¿Miijoho nacu diiboco jibeguejirahi? ³⁵ ¿Cajaani nacu Moocaani Aivojiboco jinejeque acijirahi toono jaadaco igaayiciqui? ³⁶ Miiro paryi fanova Moocaaniti saahi diibo useti fanova eetavocafutuuhi. Jaano paryiicino diibonoro. Imican Moocaani fahijivaro. Fine.

12

Moocaanidiro Iicano Ifi.

¹ Jaaneguiha tañahabomi, amiihaico aivo neehi Moocaani idaasugofeeded: Amiihairyo amiihai ifi ubuheeneque Moocaanico mahaci jecivobadi diibediro iicaqui diiboco imo imo imooniqui. Tollri aivo Moocaanico imino mejecivotahi mojeebiñañodi. ² Jaanegui Moocaanico agaajatimo onoobadi* siino mihicacuudino. Jilliro amiihai esamaajeneque paryi siibadi mubuunani tolliti amiihai ifiino paryi ibuunanicafetequi. Jaadi jari magaajaji conoocohacho Moocaani iimogonoco, bu paryi iiminoco, bu diiboco imo imo omooninoco, bu aivo iimicuunoco icano.

³ Uco Moocaani iimihusefeenedi atajibananegui famoocoro amiihaico neehi: Amiihaiti saatohoba amiihai ifitiro janaanic mehesamaaidino. Jilliro imino mehesamaaje amiihaico Moocaani dudicamaajeque aacino ticosviro. Jino dudicamaajeque miyaavogofeedediro meheetavejirahi.

⁴ Miiro mofiivi oovicinino; mofi saafiro mihicaruuboti fiivaano icano. Sano mohaallii, bu sano motihai, bu janaanic sihidi icano. Jaaruno saneguiharo icatino. ⁵ Jaabadiro paryi miihai miyaavogominaa saafibadiro mihicahi Cristofaño. Jaamo famooro sahi magataacinihi saafi ififañoro.

⁶ Jaanot Moocaani mihaico dudicamaajeque acihi saatohoco siibadi, saatohoco siibadi icano, diibo iimihusefeenedi aacibadi. Jaano diibo aacinoco imino momooni. Moocaani iimaaco mijibeguejinoco magaayiciiboo mimiyaavogono ticosvovi momooni. ⁷ Jaabadiro sitaaco

* **11:26** Griego ijiri: Jacob iyaachimihai, noono. * **12:2** Griego ijiri: Jaanegui jiinje onoobadi, noono.

mejeeccivejinoco magaayiciibo imino mejeeccivo, mijibogonoco magajamo toonojaagoviro miminifoto. ⁸ Sitaaco mequehecutusunoco magaajamo, toonojaagoviro mihica. Jaanoti saatohoco mahacimo, amiihaguiiharo gaijitulo mahaci. Sitahallivi aivojiibotii mihicamo, esicinimoro momooni. Jaanoti sitaaco mahamusumo, imo imo hamusu.

Cristota Jill Iicano.

⁹ Miyaanoro imino fahigova magajicasi, iimitinoco mijihegue, jaamoro iiminocoro momooni. ¹⁰ Fahigova magajicasi momiyana-haboco magajiihboma mihicanicibadi, goovano mobocigocasi.

¹¹ Mequehecu. Majaparyadino. Jaamo Aivojiibbo Moocaanico quehcuno jeebiiri mejeeccivehi.

¹² Imo imo mihica mataajajinoco mehesicinineri, majaabicihica idaasuno mihicarunoco, Moocaanima mihiimaanoco mejeevesudino.

¹³ Miyaavogominaaco ucuujivaachunehejeti mahamusuhica, amiihaico abaamoco imino magaayichihi.

¹⁴ Amiihaico idaasuno omoonirumoco imino momooni diitohallivi Moocaanico iimitinoco dillutimoro iiminocoro midillu.

¹⁵ Imono iicamoma imo imo mihica. Jaanoti ataacasimoma bu mataacasi.

¹⁶ Fahigovavi sabadiro mihicacasi. Aivo miihai sihidii mejeevahi, meneedino. Amiihai jeebiico siicuno miminiyu. Aivo magaajafihii, meneedino.

¹⁷ Sita amiihaico imitino omoonimoco bu iimitineri macabiiacudino, iiminocoro momooni famooova imegavi. ¹⁸ Fanoovaviro imimo mihica. Jaamo famooovama sajeebii mihicahi. ¹⁹ Agajimo tañhabomi, amiihairyo, amiihaiño jaadaco mihicidino. Jilliro Moocaani usefaño mejeevesu diibo toonoco ijaadaco ihiciqui. Miirlo Caatininhaamefaño noono: Uujoho toono jaadaco iciji. Uujoho toonoco jaaduji, noobo Moocaani. ²⁰ Jaabadiro bu noono: Diminaafi ajebawahachiji machusu. Jaanoti bu adufirari iicahachijii diisu; tolli momoonino diiboco inucevesuqui, noono. ²¹ Jaaneguiha iiminotino amiihaico sahigotiro guinonidino, sahigotiro iimiteri iimitinoco miguinoni.

13

¹ Famooro aivojito tajiibaguiino miminifoto, chahano aivojito mitya Moocaanijaagoti asaatino, paryicino aivojito mitya iicamo Moocaani ificuumo. ² Jaamaño aivojito ejenaauumo Moocaani atajiiabanoco jenaaauuhi. Jaamo ejenaauumoco idaasuno moonimo. ³ Miirlo aivojito, imino omoonimoco iigutusuqui icatimo. Jaanoti imitino iicamocoro iigutusuqui iicamo. ¿Nacu diimeguehi aivojiteti iguitiibbo idiicanoco? Imino diica ico aivojito icahacisuqui. ⁴ Diito Moocaani atajiiabanoco omoonimo, ijoho imino diicaqui. Jaanoti imitino idicahachijii ivi digui. Sicamañoti iicajitino ico aivojito idaasuno omoonijino, Moocaani dudicamaajeminaa iicamaño miyaanolahalliti imitino iicamoco idaasuno moonijimo. ⁵ Jaaneguiha aivojito onoobadi mihicatahi, miinoco idaasuno omoonijirunoti mihiguimoro icatino, jilli diito atajiiabanoco: Jii, monoono imino momooninoco magaajamaño. ⁶ Jaamaño amiihai impuestoco majaaduhicahi aivojito Moocaani dudicamaajeminaa iicamaño tonehejeque tajiibambo.

† **12:19** Griego iijiri: Aivojiibbo, noono.

⁷ Majaadu paryi medebemeque siomo impuesto nihibamico aivojito idillunoco mahaci, impuestoco medebeneque majaadu. Jaanoti mobocigomoco mobocigo, magaijjimoco magaiji. ⁸ Sitaaco medebedino idinoro sitaaco magaijjinehejequere miguiino. Miiro sitaaco agaijimo Moocaani Moisefeenedi atajibanco imino moonicuuhi. ⁹ Miiro Moise tajiba jilli neehi: Sifigoma diicadino, gaicaaudino, nanivadino, sitaaditi sicamañoco diibeguedino, sitaanoco diimeguedino, noono. Jaano paryi tajibano icaruno sanooviro jinoovi ifetehi: Sitaaco gaiji difiico agaijibadiro, onoonovi. ¹⁰ Gaijima iicaabo sitaaco imitino moonitih. Jaamaño sitaaco magajinovitajiba onoobadi paryi momoonicuuhi.

¹¹ Jaanegui paryi tonehejeti mehesicinicu jino mihicasumico cigaabobadi iicatimoro jilliro aaicucuubobadi Cristodiro mududicamaaje. Miiro mataajacuujinojisumi mihaiti aivo fuitivucuuhi. Iticoni taajasujibogoco mimiyavuguunotiaivojisumi fuiticuuno. ¹² Toojiinijehallivi queenene mihicacuuhi. Motaajasuminaafi Jesucristo asaajino fuitivucuuhi. Jaamaño mejeevesucu civohigo imitico momoonifinehejeque. Jaamoro sesehi momoonifinehejeque mijicamaaicuqui amocasiminaa moonicasi gaachehunoco ijicamaainicibadi. ¹³ Iminoro mihiguequi cuuje mihigonicibadi guiriicavofaño icacuutimo miicaqui, bu jibaimono agaňuhusunofaño icacuutimo miicaqui, bu gaigoomima imitino icanehejefaaňo icacuutimo miicaqui, bu iiminotino imoyibico, bu amocasinehejefaaňo, bu sitaaco iinohallitiro mijiheguenehejefaaňo icano icacuutimo miicaqui. ¹⁴ Jilliro Aivojiboo Jesucristocoro amiinhailhallivi mifiku amocasigaachehuco mohallidi mijicafotonicibadi. Jaamoro amiinhai ifi imiti atajibanco momooniqui mehesamaaicuudino.

14

*Dinahabediti Imitino Diimaadino.
(1 Co 8.1-13; 10.23-33)*

¹ Saatoho imiyaavogo equehecutimoco magaayici. Jaarumo diiboma mejenaaucasidino diibo imino agaaajatinohallivi. ² Miiro saatoho imiyaavogomo icaahi fanoovaaco uduujirumo. Jaanoti saatoho icaahi asimico duutimo boti basutaacoro amachumo imiyaavogo ajashumaňo. ³ Jaamo fanoovaaco uduumo, fanoovaaco uduutimoco dejecujitirahi. Jaabadiro fanoovaaco uduutimo uduumoco medejecudino Moocaani diitoco agaayicumaňo. ⁴ ¿Nacu mijoho ijoho sita jeecivominaafico dejecuqui? Idiiboro diiboco ihaivojiboo: Jino imino, jaanoti jino imitih, neejirahi. Jaamo imijirahi. Jaaboco idiiboro Aivojiboo imityari imitusuji-rahia.

⁵ Jaanoti bu saatoho safucuco sifucu sihidjiveahibadi esicinimo. Jaanoti saatoho miyaaveguehi fafucuva sabadiro iicanoco. Jaanegui tonociti sanoocoro mimiyavogonojaagoviro mihicacuqui. ⁶ Jaabo safucuco ificuubo Aivojiboo Moocaanicoro iimequi ficuuh. Jaanoti bu safucu sihidjiveahibadi ificuutiboo, bu: Aivojiboo Moocaani jilli bachu imogoobo, noobo. Jaabadiro bu fanoovaaco uduubo: Aivojiboo Moocaani jilli bachu imogoobo, nooboro duuhi, toonohallivi Moocaanicoo iimomaňo. Jaabadiro bu fanoovaaco uduutiboo: Aivojiboo Moocaani jilli bachu imogoobo, nooboro duutihi, amachujinohalliviro Moocaanicoo iimooboro.

⁷ Miiro miihaiti saatoho ifiguuiharo icatih, bu jaamo ifiguuiharo guijevetih icano. ⁸ Jaamaño mihicasumi Aivojiibo Cristoguuiharo mihicahi. Jaanoti bu miguijevecuudi Aivojiibo Cristojaagovi mefeeji. Jaamaño mubuheerumo, bu miguijevecuurumo icano Aivojiibo Cristotaro mihicaji. ⁹ Miiro Cristo iguijevecuubo siino buheeteuhi, ubuheeme, bu uchuumucuumo icamo Aivojiiboti iicaqui.

¹⁰ Jaabo ijoho, collih: Dinahabo imitico, neehi? Collih jaaboco diiheguehi? Miiro famooro ufucu Cristo imefeenev ihihaico diibo imeeciqui. ¹¹ Miiro Caatininhaamefaño noon:

Uujoho iicaabo noobo Aivojiibo, Moocaani tahimefeenevi paryi miyaminaa memuiveji. Jaadi paryi famooro uujojo Moocaani iicanoco neeji.

¹² Jaamaño paryi miihai Moocaanico jijehallivi mihicahicadino mijiibegueji.

Dinahaboco Gañisudino.

¹³ Jaaneguiha fahigova tihisucasicutimo mihica. Jaamo amiihai nahaboco nanigaañisutimo mihicahi, bu imitifaño gañisutimo mihicahi icano. ¹⁴ Uujoho Aivojiibo Jesuco imiyaavogomaño gaajahi, chahano jinejeba iinoro iimitino. Jaanoti saatoho toono iimitino iicanoco eesamaaimedi bu imicutino. ¹⁵ Jaanoti ijoho uduunoco dinahabo aatyimeebere iimitinobadi eesiciniiboro idasuvohachiiji diboco imino gajitih. Jaaneguiha dinahaboco mitasudino fanoovaaco uduunofeeded diibohallivi Cristo iguijevecuboco. ¹⁶ Jaanegui toono amiihaidi iiminoco momoonidino, sita amiihaiditi: Imitinoco mooniiboo, eneejiruneguiha. ¹⁷ Miiro Moocaani aivoji mamachujiruno, mahadujiruno icanhallivi mejenaaucasiqui icatino. Jilli iticovono ifi ica, sajeebi ica, imo imo ica icano Moocaani Gaijafeenedi mihicahi. ¹⁸ Jilli Cristoco ejeecevoobo Moocaanico imo imo moonihi. Jaabo miyaminaa imega imino iinehi.

¹⁹ Jaaneguiha masii guinomoro mefeequi sajeebi ica aacincoco. Jaaneri fahigova mahamusucasiqui miihai miyaavogo jeebi iijusiqui.

²⁰ Jaaneguiha Moocaani sita jeebiifaño omooninoco ijoho fanoovaaco amachunoco aatyimenefeenedi mitasudino. Miiro paryi machutaano idicunoothi. Jaarunofaño mamachunofañodi siflico imitifaño magañisuno imitih. ²¹ Imijiruno asimico duutiiboo idicano, bu vino aivofaihuco adutiibo idicano icano, bu saneheje toonofañodi dinahaboco imitifaño agañisujirunoco icano. ²² Iiro dimiyaavogoma diica ijeevad Moocaani imegavi. Imicani icajiboo ijeebiifañodi imino iicanoco eesiciniiboo. ²³ Jaanoti siinoco nihicugooboro uduubo imitico icihi miyaavogooboro uduutimaño. Jaamaño imiyaavogotimoro esamaaimoro omoonino imiti.

15

Sitaguiiharo Mooni Imo Imo Iicaqui.

¹ Miihai momiyaavogo mequehecumo saatoho imiyaavogo iniinovamoco mahamusuji miihaiguiharo moonitimo. ² Jaanegui paryi miihai sitaaco imo imo momoonisu diitedi imino momooninofeeded imiyaavogo iquehecutequi. ³ Miiro Cristo icauruubo ifiguuiharo icautihi. Jilliro Caatininhaamefaño onoobadi icaubo: Ico Moocaanico imitino eneehicano tahallivi jifaiftehi, nuubo Cristo. ⁴ Miiro

siicjetiro Caatinihamefaño paryi unuunoco caatiniumo toonoti miihaico ijibeguequi toonofeededi Moocaani miihaico aamusunoco mehesicinimofeededi fanovaaco majaabicihi. Jaanofañodi majacuscufetehi. ⁵ Moocaani miinoco fanoova jaabicico, jacusuco icano aaciibo, jaafa amiihaico amusuhi. Jaamo imo imo sajeebii fahigova mihicacasih Cristo Jesu onoobadi. ⁶ Jaamo sano mihimahi Moocaanico Mohaivojiblo Jesucristo Caanico.

Judiomi iicatimoco Taajasujibogoco Acimo.

⁷ Jaaneguiiha Moocaani imiguiiha fahigova sitaama magaayicicas, miihaico Cristo agaayicibadi. ⁸ Miiru uujoohi amiihaico neehi: Cristo saauhi judiomico ejeevovaubo, moheedetemihai unouno imiyaavequi. Jaanoco Cristo igaajasuqui Moocaani onoonoco abañitatinoco.

⁹ Tolliro bu saaubo judiom iicatimo Moocaanico iimequi miyaminaaco iidaasugueneguiiha, Caatinihamefaño onoobadi:

Jaamaño Moocaanico imeji judiom iicatirucuumiminaafeenevi, bu diibediti imino masivaji, noono.

¹⁰ Jaabadiro bu simañoohaamefañovi noono:

Judiomi iicatirucuumiminaa imo imo mihica, Moocaani cuumiminaama.

¹¹ Jaabadiro bu simañoovi noono:

Aivojiblo Moocaanico mihimo, paryi cuumiminaa diibo mityaco famooro miyaminaa macahacisu, noono.

¹² Jaabadiro bu Isaia caatinihuhi:

Isai onoobo iyaachimihaiobo agañiivooboro cuumiminaa Aivojibot icaji.* Jaabo diitoco ataajasujinoco esicinijimo, nooboro.

¹³ Moocaani miihaico taajasu, esicini icanoco aaciibo. Jaafa Moocaani amiihaico imo imo omooniiboro sajeebii icaco acihi diiboco mimiyaavogonofeededi, amiihai sihidi janaanicivi mimiyaaveguehi Moocaani Gaija mityari.

¹⁴ Tañahabomi, uujoohi imino gaajacuuhi amiihai mihimihuseneque, sihidi magaajanoco, bu fahigova mafagocasinoco magaajanoco icano. ¹⁵ Jaaneguiiha jihaamefaño amiihaidi caatinihai nucufeguetiiblo ijibogonoti. Jaanoco jaamo jabajeevetimo mihicahi Moocaani uco iimihusefañodi atajibaaboro acihi mooniqui, ¹⁶ Jesucristoco jeecivequi judiom iicatimofeevevi. Diiboco ejeevooobo uujoohi jibeguehicihi Moocaani jibogoco taajasuguiiha judiom iicatimoco Moocaanijaagovi satyequi, ijeevobadi igaayiciqui Igaijafeenedi ijeevadi iiguiiharo ificucuumoco.

¹⁷ Cristo Jesuco imiyaavogonofeededi imo imo icahi Moocaani dudicamaajeque omoonimaño. ¹⁸ Uujoohi jinejeti iimaatihi idinoro Jesucristo tafañodi omooninoti. Judiom iicatimoco Moocaani onoonoco: Jii, nuusuqui. Jaanoco uujoohi moonihi tafañodi Jesucristo ihiimaaneri, bu iiminoco omoonineri, ¹⁹ bu gaajasu mityafeenedi, bu aatyimeratino eetavofeededi, bu Moocaani Gaija mityafeenedi icano. Jibadi Cristo taajasujibogoco jibuguucuuhi Jerusaleti fahigovadi ifutusucuuhi Iliricu jinijevi. ²⁰ Jaanoco iimogooboro jilli jibeguehi taajasujibogoco johono Cristo momo agajaraticuumijefano sita iticoni ijibogonohallivi

* **15:12** Griego ijiri: Isaia onoobo caacamiti ruutuji. Jaabo agañiivooboro cuumiminaa Aivojibot icaji, noono.

ijibogonoco iimogotimaño. ²¹ Jilliro moonihi Caatinihaamefaño onoobadi:
Jaatyö diiboti agajatimo atyimeji, bu diiboti uguubutatimo gaajaji,
noono.

Pablo Roma Cuumijaagovi Feeguehi.

²² Jilliti jimañovi sihidi dudicamaaje iicamaño uujoho feehicatihi fahijiva amiihaico abaateguehicaruubo. ²³ Jaarunaa jisumi jiicu-umijefaño tadyudicamaajeque iimivucumaño, bu siicijetiro amiihaico abaatonoco iimeguehicamaño, ²⁴ España jiinijejaago ofoodi amiihaico baahiniji. Jaadi imino mahatyimecasinobuunati uco mahamusu Españavi feequi. ²⁵ Jaanoti jisumihiica feehi Jerusalejaago, tahí iicamo monahabomico mahamusunoco asatyooobo. ²⁶ Miiro Macedoniari, Acatari icano iicamo allacaruhi nihibamico Jerusaleri monahabomi iidaasumoco ihamusuqu. ²⁷ Tollri moonimo judiomioti imiyaavogomo Cristo jibogoco diitojaagovi asatyuneguiha. Jaaneguiha diito juidomiti imiyaavogomoco inehejeti acimo. ²⁸ Jaaneguiha jinehejeque paryi iimivooboro toono nihibamico diitoco aacidi Españajaago ofoobo amiihaico meecihiniji. ²⁹ Imino uujoho esicinihi, tahigo iffotoodi Cristo iimihuseri imino uco mooniji.

³⁰ Tañahabomi, Mohaivojibbo Jesucristofeedi amiihaico neehi, bu Moocaani Gaija gajico aacinofeedi: Tajaagovi miminifoto. Jaamoro mesefaqifoto Moocaanima tahallivi mihiimaamo. ³¹ Tahallivi Moocaanico midillu Judeari iicamo Cristoco imiyaaveguehicati mediti uco itaajasuqui. Jaabadiro jino monahabomi Jerusaleri iicamedi asatyonoco imino igaayiciqui. ³² Jaabadiro bu Moocaani iimogohachiji uiujoho imo imo amiihaico atyimequi, bu jaabo amiihaico abaatonofeedi jaguisiqui icano. ³³ Jaafa sajeebiico aaciibbo Moocaani amiihaima icahi. Fine.

16

Iijico Agalluuno.

¹ Amiihaico neehi, monago Febe onoogohallivi siicijetiro Cencrea cuumiri iicaja Moocaani ijafáño ejecivehicagoti: ² Jaagoco imino magaayici Mohaivojibbo momofeedi miyaavogonahabomima mihicancibadi. Diigoco mahamusu ucujiivaachunehejeti, miiro diigo sihidi saatohoco amusuhicahi, bu uco tolliro amusuhicago.

³ Tolliro bu Aquila, itaabä Pricila icamisi taajico mahaci Cristo Jesu dudicamaajeti uco anahabonihicamisico. ⁴ Diiitsi ififico fihiunofaño tahallivi ficuuhi uco agaicaaujirunoti itaajasuqui. Jaamisico uujoho toonohallivi imehi. Jaabo uuro icatino, tolliro bu famooro monahabomi Moocaani ijiaminaa judiomti iicatiimo icano. ⁵ Tolliro bu paryi monahabomico taajico mahaci Aquilamisi ijafáño iigaivehicamoco. Tolliro bu tagataavominaafi Epeneto onooboco taajico mahaci diibo aivo iticoni Acaya jiinijeji Cristoco imiyaavuguubo. ⁶ Tolliro bu Mariaco taajico mahaci amiihaifeenevi sihidi ududicamaaihicagoco. ⁷ Tolliro bu tajaagoobo Andronicu, Junias icamisico taajico mahaci, civojafáño iicausumi uco anahaboniumisico, Jesucristo minisuminaafeenevi aivo obocimisi, diitsi Cristoco iticoni tahimegaro imiyaavuguumisi.

⁸ Tolliro Ampliatu onooboco Aivojibbofañodi agaijibbo tagataavominaafico taajico mahaci. ⁹ Jaabadiro bu Urbano Cristo Jesu

dudicamaajequemiihaico aamusuhicaaboco taajico mahaci, tolliro bu agaijiboo Estaqui onooboco. ¹⁰ Tolliro bu taajico mahaci Apele onooboco sihidi Cristoco imiyaavogonoco iifusuhicaaboco. Jaabadiro bu Aristobulo yotoco. ¹¹ Tolliro bu tayoobo Herodio onooboco taajico mahaci, tolliro bu Aivojiboco imiyaavuguumo Narciso yotoco taajico mahaci. ¹² Tolliro bu taajico mahaci Trifena, Trifosa icamifeque Aivojiboo dudicamaajefano ududicamaaimifeque. Tolliro bu magaijigo monago Persidaco sihidi Aivojiboo dudicamaajefano ududicamaaihigagoco. ¹³ Tolliro bu Rufo onoobo miyaavogofaño obociiboco taajico mahaci. Tolliro bu seejico tamiya seejibadi uco omooniuugoco. ¹⁴ Tolliro bu taajico mahaci Asincritoco, bu Flegonte onooboco, bu Hermas onooboco, bu Patroobo onooboco, bu Herme onooboco, bu paryimonahabomi diitoma iicamoco icano. ¹⁵ Tolliro bu Filoloobo onooboco, bu Julia onoogoco, bu Nereo onoobo, inago icamisico. Tolliro bu Olimpo onooboco, bu famooro miyaavogofeenedi monahabomi iicamoco taajico mahaci icano.

¹⁶ Fahigova mihibicasimoro midillucas Moocaani sajeebiico ihifusuqui. Paryiicino Cristo iijaminaa amiihaijaago iijico galluuhi.

¹⁷ Tañahabomi, amiihaico neehi: Imino mehesicini miyaavogominaaco udugaacumoro agañiisuhicamoti. Diito omoonino amiihaico miihai mijibeguehicabadi icatih. Jaamoti buhigovi mihica. ¹⁸ Tollri omooniiboo Mohaivojiboo Jesucristoco jeecivotihi ifi onoobadiro omooniimoro bañihicamo civojeebiiba iicamehejeque imo imo ihiimaanehejefeedi bañihicamo. ¹⁹ Famooro gaajacuuhi amiihai mimiyaaavogonoco. Jaamaño uujocho imo imo icahi. Imeguehi amiihai iiminocoro momooniqui mihimibaicininoco imitinocoro momooniqui icatino. ²⁰ Jaanofañodi sajeebiico aaciiboo Moocaani saajiboo ijí Satanasco ifinisuvaqui* amiihaiguiino. Jaabo Mohaivojiboo Jesucristo jaafa amiihaico imino moonihi.

²¹ Tolliro buunaji Timoteo tadyudicamaaje nahaboniminaafi amiihaijaago iijico galluuhi. Tolliro bu Lucio, bu Jason, bu tolliro Sosipatu onoobo icamo tayoto.

²² Uujoho Tercio jihaamefaño Pablo uco onoonoco acaatiniiiboo amiihaijaa taajico galluuhi Mohaivojibofeenedi.

²³⁻²⁴ Tolliro bu Gayo onoobo amiihaijaago iijico galluuhi jino diibo ijafaaño uujocho iicaabo, tolliro toojaco acifiiboo Moocaani iijaminaaaco. Tolliro bu Erasto onoobo jiicuumi nihibami ficuminaafi, bu tolliro monahabo Cuarto icamisi.†

Moocaanico Iimono.

²⁵ Jaanegui masii Moocaanico mihimequi. Diibo amiihai miyaavogoco equhecutusujiruubo uujocho ijibeguehicaabogo onoobadi, bu Jesucristoditi ijibeguehicabadi, bu siicijetiro jiinije ifiivuusumi iicauno agajaratinoco ificuunoco Moocaani agaajasuuno onoobadi icano. ²⁶ Jaaruno jisumi gaajacafutucuuno Moocaani ifinitiiboa tajiba onoobadi, Moocaani iimaaminaa Acaatiniuhaamefeenedi. Jaano toono agaajarautiruno jisumi gaajacafutucuuhi paryi faacuumivariro. Jaanoco uguubumoro imiyaaveguequi.

* **16:20** Griego iijiri: ijimatajeruqui, noono. † **16:23-24** Sahaamefaño janaanicijilli ficuumo: Jaafa Mohaivojiboo Jesucristo amiihaico imino moonihi, onoonoco.

27 Jaanegui jaafa idiboro Moocaani sihid gaajama iicaabo, Jesu-cristofeedi diiboco mihimono ufucuro finijitihi. Fine.

1 CORINTIOS

Pablo Caatiniuhi Corintominaadi.

¹ Urujoh Pablo Jesucristo minisuminaafiti icahi, Moocaani onoobadi, bu nahabo Sostene onoobo icano ² Moocaani iija Corintori iicajaminaadi caatinihu. Jaamo Cristo Jesufeeded Moocaanita iicacuumo diibediro iicaqui ucuuhuvamo, bu paryi fahigova jiinjevi Mohaivojiibo Jesucristo, bu diito Aivojiibo icaabo momoco mihiimaahicamo icano. ³ Jaamo imino sajeebiima mihica Moocaani Diosfañodi, bu Aivojiibo Jesucristofeeded icano.

Cristofeeded Moocaani Imino Omoonino.

⁴ Fahijivaro amiihaialliivi Moocaanico imehicahi; Cristo Jesufeeded Moocaani amiihaico imino omooninohallivi. ⁵ Miir Cristofañodi mihicamaño Moocaani amiihaico aciuhi mojeebib gajjadi fanova busumijebadi fanohiijico, bu fanogaajaco icano. ⁶ Oono amiihaivi Cristotii jibogo miyaano iicanimo imino agaajacafotobadi. ⁷ Jaamaño amiihaiditi jinehejeba cuujivaachutih Moocaani aacinehejeonoti Mohaivojiibo Jesucristo asaajinoco motoomonohachuta. ⁸ Jaabo amiihaico imino teemejiibo ni-inofucuvi. Jaamo imino mihinivatimo mihicahi Mohaivojiibo Jesucristo agasejifucu. ⁹ Bañitatiibo Moocaani. Jaabo amiihaico cuuhuvahinihi Illi Jesucristo Mohaivojiibojaagodi miicaqui.

Moocaani Iijaminaa Udugaacamaaiuno.

¹⁰ Jaanegui jino amiihaico neehi; Tañahabomi, Mohaivojiibo Jesucristo momofeeded, famooro sabadiro sayomonocoro mihiima, bu amiihaifeenevi dugaavocasineheje icadino. Jilli iminoro sahigoviro minifoto sano eesamaajejaagoviro sabadiro miminifoto. ¹¹ Tañahabomi, miir amiihaiditi uco jibogomo Cloe onoobo yoto, amiihaifeeneviva iibacasi iicanoco. ¹² Toonoti jilli amiihaico neejirahi: Amiihaiva jilli menehicahi: Saatohova uujoho Pabloobo, menehicahi. Jaanotivaha bu saatoho uujoho Apoloobo, bu saatoho uujoho Pedroobo, bu jaanoti saatoho uujoho Cristoobo, menehicahivaha. ¹³ ¿Nacu Cristo dugaacinihi? ¿Nacu uujoho Pablo amiihaihallivi tetecuacfutuhi? ¿Nacu amiihai uujoho Pablo memeri minitcafutuhi? ¹⁴ Miir uujoho, amiihaiti miihaiñoobaco nitihinitihi, ivi idimisiicoro nitihuhi, Crisplo onooboco, Gayo onooboco icanoro. Jaaneguiha toonohallivi uujoho Moocaanico imehi. ¹⁵ Jaamo miihaiñooba: Uujoho Pablo memeri niticafetehinihi, nootimo mihicahi, ¹⁶ bu tolliro nitihuhi Estefanoco iijaminaama. Jaanoti saatohobaco gaajacuutahi tahi fine cajaatyocohacho nitihuhi. ¹⁷ Miir uco Cristo nitifiiri galluutahi, iimino jibogocoro jibeguequi uco galluubo. Jaaruno bu sihidi gaaja ijiri jibeguequi icatino jilli Cristo imoholliigavi iguijeveuno sicamañovi minifototino iicaqui.

Cristo Moocaani Mitya, Gaaja Icano.

¹⁸ Jaamaño miir Cristo imohohallivi iguijeveuno jibogo jilli jihovonobadi jeevahi ciijigaifaño efeejimed. Jaanoti ataajajimed, jino miihaidi, Moocaani mitya icahi. ¹⁹ Miir Caatinhaamefaño noono: Finisuji gaajaminaa gaajaco, bu thiisiji gaajaciminaa esicinico, noono.

²⁰ ¿Nacu cuuca icaabo gaajaminaafi? ¿Cuuca icaabo jii**bogominaafi**? ¿Cuuca nacu icaabo jisumio jenaauminaafi? Miiro Moocaani jeegavusuuci jiinijeminaa gaajaco. ²¹ Imooniqui jiinijeminaa, Moocaani gaajafeenedi, Moocaanico gaajacihinitihi. Jaabo Moocaani igaajafeenedi dibedi imineguita taajasuubo miyaavogominaaco iimino jii**bogofeenedi** saatehedi tobogo jihovonobadi iicarunofañodi.

²² Miiro judiom*i* dilluhicahi sihidi ejeevano gaajataco. Bu tolliro griegomi jiije gaajacoro guinehicahi. ²³ Jaarunaaca miihai mijiibeguehicahi Cristo etetecucini**boco**. Jaanoco judiom*i* unucufeguemere tiimejetasuhicamo. Tolliro judiom*i* iicatimedi jilli jihovono. ²⁴ Jaanoti naha ucuuhuvacinimed*i*, judiom*i*, bu judiom*i* iicatimedi icano, Cristo Moocaani mitya iicaabo, bu Moocaani gaaja iicaabo icano. ²⁵ Miiro Moocaani gaajati iicarunovaha miyaminaa gaajahallinohocivi sihidi jeevahi, bu Moocaani niinova iicaruno miyaminaa sefa janaanici sihidi jeevahi. ²⁶ Eneecau magaaja, tañahabomi, Moocaani amiihaico ucuuhuvaumoti bu miidimo jijeogaajaminaotot*i*. Jaabadiro bu miidimo aivojima iicamootou miyaamo uyaachimihaiotot*i*. ²⁷ Jaanoti naha Moocaani iciuhi jiinijeminaadi miihifomo iicamoco agaajaflimoco inucufevesuqui, tolliro bu Moocaani jiinijeminaadi iniinovafimoco iciuhi esefafimoco inucufevesuqui, ²⁸ tolliro bu iciubo jiinijehallivi jihovono iicanoco, miihifomo iicamoco icano jijehallivi miyaamo iicamoco inucufevesuqui. ²⁹ Jilliti diibo imfeenevi miihaiñoba: Uuoho aivo sihidi jeevahi, nootimo iicaqui. ³⁰ Miiro Moocaani amiihaico Cristo Jesujaagovi miniiyuhi, tolliro bu mooniubo Cristo miihai gaaja iicaaboco. Diibofañodi Moocaanima sajeebi miicaqui, mataajacuumoro diibediro miicaqui. ³¹ Jaanegui Caatinhaamefaño onoobadi: Difico iidiimuuruubo; Aivoji**bocoro** diimo.

2

*Cristo Etetecucini**boco** Miji**bogono**.*

¹ Tañahabomi, miiro Moocaanit*i* jiibeguequi amiihaijaago eeguejesumi iimino ihimaajinoma, bu gaaja iimaama icano fuutihu. ² Jilliro amiihaifeenevi jinejebaco gaajati**bobadi** minifutuuhi idibocoro Jesucristoco jaani etetecucini**boco** gaajauhi. ³ Jaabo uuoho amiihaifeenevi niinovano icauhi. ¿Milli fine diitoco jiibegueji? nooboro sihidi iguiboro veveveve. ⁴ Jaabadiro bu tahiimaa, tojii**bogo** icano miyaminaa gaajasuri icautino. Jilliro Moocaani Gaijari, mityari icano ifusuhiniihi. ⁵ Jilliti amiihai miyaavogo miyaminaa gaajafañodiro icatino Moocaani mityafañodiro iicaqui.

Moocaani Gaijafeenedi Magaajacino.

⁶ Jaarunofaño mihiimaahi gaajaco miyaavogofaño ujusicumofeenevi. Jaaruno jijeo gaajari icatino, bu jidihijeo aivojito iimitimo gaaja goovano ifinifineri icatino. ⁷ Jilli Moocaani gaajaco mihiimaahi agaajaratino itihinoco toovonono iicano gaajaco. Jaanoco Moocaani siicijetiro ficucuuhi miihai taajasuco. ⁸ Jaanoco cajaatyoba saatohoti jijeo aivojito gaajaciutihu. Miiro igaajaciuruva tetecejirumo niquejeo imi Aivoji**boco**. ⁹ Jilliro jilli, Caatinhaamefaño onoobadi:

Miyaminaa aatyimeutinehejeque, bu uguubutinehejeque, bu miyaminaa jeebifaño ijicafetehinitinoco icano, Moocaani imibachucuuhi diiboco agaijimeguiha, noonoro.

¹⁰ Jaarunoco Moocaani miihaico gaajasuhi Igaijafeenedi. Miiro Igaija paryi fanoocoro gaajahi, bu Moocaani jeebii faicuvah iicarunoco.

¹¹ ¿Nacu, cajaani gaajahi sifi esamaajeque? Idiiboro igaija diibofaño iicaabo gaajahi. Jaabadiro buunaji miijoho gaajatih Moocaani esamaajeque, idiiboro diibo Gaija gaajahi. ¹² Jaabadi miihai magaayichinitihi jiinijeo gaijaco, idiiboro Moocaaniti asaano Gaijaco magaayichinihi, tonoti magaajaqui Moocaani miihaico iimihuseri aacihininoco. ¹³ Jaanehejeque miihai mihiimaahi Moocaani Gaija miihaico ijibogobadi. Jaano miihai gaajariro magaanoco icatino. Jilli mijibeguehi Moocaani jibogoco miyaavogominaaco.

¹⁴ Jaanoti Moocaani Gaijama achahaabo gaayicitih Moocaani Gaijaonehejeque, diibedi jilli jihovonobadi icano, agaaatimaño. Jaanoco Moocaani Gaijariro magaajacitahi miyaano iicanoco. ¹⁵ Jaanoti naa Moocaani Gaijama iicaabo paryi fanoovaaco agaajaaboro dugaacuhi. Jaabo imitico, miijoho neejitirahi. ¹⁶ Miiro Caatinihaaamefaño noono: ¿Nacu, miijoho gaajaciuh Moocaani esamaajeque? ¿Nacu, Moocaanico miijoho conooco jibeguejirahi? Jaanoti naa miihai Cristo esamaajema mihicahi.

3

Moocaani Amusuminaa.

¹ Jaamaño tañahabomi, uujojo amiihaima Moocaani Gaijama iicamoma mihicanicibadi iimaatih, jilli Moocaani Gaijama achahamoma mihicanicibadi iimaahi, Cristojaagodí seemehiica iicamoma mihicanicibadi iimaahi. ² Amiihaico itihitinocoro jibeguehinihi oono seemeneque machuco acitimoro mifañocoro ihiisunicibadi. Itihitinocoro jibeguehinihi magaayiciujitiruneguiha, bu jisumihiica magaayicitihica icano. ³ Jilli amiihaihiica ticovomiyaminaarehiica. Miiro amiihaifeeneri icanehejehiica siinohalliti sitaaco mijiiheveneheje, iibacasineheje, dugaacamaajeneheje icano. Jilli ticovomiyaminaarehiica mihicahi. Jaamaño paryi miyaminaa omooninicibadiro momoonihicahi. ⁴ Miiro saafi: Uujojo naa miyaano Pabloobo, meneehicahi. Jaanoti bu saafi: Uujojo naa Apoloobo, meneehicahi. Jilli meneehicamaño ticovomiyaminaarehiica mihicahi.

⁵ ¿Nacu miijoho Pablo? ¿Nacu miijoho Apolo? Jilli miihai Moocaani amusuminaa toonofeenedi amiihai mimiyaaveguehini. Jaano toonoco meheetavehi moticovohocivi miihaico Aivojiboo aacidineheje. ⁶ Miiro uujojo basuuh. Jaanoco Apolo maaisuuh. Jaanoco Moocaani jisisuuh. ⁷ Jaamaño abasuubo sihid ejeevano icatino, bu amaaisuubo sihid ejeevano icatino. Jaanoti naa Moocaani fanooco omooniiboo toohoco ujisisuubo. ⁸ Miiro jaamaño abasuubo, amaaisuubo icano sabadiro jeevahi. Jaarunaaca ijeevadisahaje idudicamaajedino ijaadaco Moocaaniti gaayiciji. ⁹ Miiro miihai Moocaani nahabonimina. Jaanoti amiihai Moocaani dudicamaaje faguibadi mihicahi. Jaanoti bu tolliro Moocaani ijaco eheetavojabadi mihicahi.

¹⁰ Jaamaño Moocaani imihuseti uco aacidino, uujojo aivo iijano eetavoco agaajaabobadi ihimahacinoco cuhufono basuhi. Jaanohallivi sita

ifajaaco majaanijihachiji imino esicinimoro majaani. ¹¹ Miiro siino sita ihmahaci ficuucuujitirahi ihmahaci Jesucristo iicacuumaño. ¹² Jaanoti diibo iicacuunohallivi saatoho orori, nihibajeneri, sihidi ijaadama icano guisiyineri icano ijaco eetavoobo. Jaanoti saatoho imohoneri, jaaineri, jihuneri icano ajaanijihachiji ¹³ eheetavodiibo dudicamaaje gaajacafeteji foovono, ufucu dugaacfucusumi; miiro cijigairi nisucafetejino. Jaadi gaajacafetejino naa cajaani myaanoco eheetavuunoco. ¹⁴ Jaanoti cajaani dudicamaajehacho Moocaani nisufañodi afatyooobo ijaadaco gaayiciji. ¹⁵ Jaanoti cajaaninocohacho finisujino diibo dudicamaaje gañiçafeteji. Jaarunofaño diiboro taajaji oono cijigai ijaco ijigasunoti ataajanicibadi.

¹⁶ ¿Nacu magaajatihi amiihai Moocaani iija mihicanoco? ¿Bu Moocaani Gaija amiihaifaño iicanoco? ¹⁷ Jaanoti bu cajaanihacho Moocaani ijjaco ifinisuboco, bu Moocaani diiboco finisuji. Miiro amiihai Moocaani iija. Jaaja mihinivatija.

¹⁸ Jaanegui cajaani amiihai ifico jilli mabañisudino. Cajaanihacho amiihaifañoti: Jidihiví uujojo gaajaminaafi, monoobo gaajatiibobadi miminifoto. Jaabo miya gaajaminaafiti minifetehi. ¹⁹ Miiro jijeo gaaja Moocaanidi jilli jihovono. Miiro Caatininhaamefaño noocinino: Moocaani gañiçsuhi agaajamoco abañificamañovi, noonoro. ²⁰ Tolliro bu noono: Aivojiibo gaajahi gaajaminaa esamaaje jilli sicamaño iicanoco, onono. ²¹ Jaanegui miihainooba miyaminaafi jiibegueri amiihai ifico mitya mitya momoonidino. Miiro paryi sabadiro amiihaifheje. ²² Miiro uujojo Pablo icaruubo, Apolo icaruubo, Pedro icaruubo icano amiihaico miihiguequi fanooro Moocaani amiihaico aacino jiinjehallivi mihicanohachuta, jisumi iicaneheje, bu ufucu iicajineheje icano paryi amiihaiguiha. Tolliro guijevefeenedi Moocaanijaago mihifetejingueuiha icano. ²³ Jaanoti amiihai Cristota, bu Cristo Moocaanitahe icano.

4

Minisuminaa Dudicamaaje.

¹ Jaaneguiha amiihai miihaino Cristo jecivominaati mehesicini, bu Moocaani jiibegueji itihino jiihogominaati icano. ² Jaamo paryi diito toono tajibama iicamo imino omoonifimoti mihica. ³ Jaanoti naha uudi milli icatino miyaminaa tahimiti unuuruno, bu miyaminaa aivoji icagavi tahimitico unuuruno icano, bu uuro tahimitico neejitirahi. ⁴ Jinejeti uujojo tahesamaaje imitino icatirahi. Jaaruno toonoti uujojo imitusucafototihu. Jaanoti naha idiboro Aivojiibo Moocaani uco tahimitico neejirahi. ⁵ Jaanegui amiihaico neehi: Imegaviro sifi imitico, meneedino Aivojiibo Jesu asaatinohachuta. Jaabo diibo jari foovoiiaruji, bu tolliro civoguiino toovono iicarunehejeque. Bu tolliro jaabo jiibeguejiiboo miyaminaa jeebiino eesamaaiñehejeque. Jaadi naha jari iticovoocivi Moocaanití gaayicijimo diitoco acahacisunoco.

⁶ Tañahabomi, jilli amiihaico neehi amiihai imiguuiha Apoloti, uuti icano, jaamo magaajahi. Jaanoco misiti magaaja. Jaamoro oono Caatininhaamefaño onono janaanicivi esamaaicuutimo mihicahi. Jaamo saafiditi mitya mitya mihicamoro sifico tihisutimo mihica. ⁷ ¿Nacu miijoho ico miyaaboti ficuuhi? ¿Nacu cono iima chahahi agaayicitino? Jaano bu agaayicicunoco, ¿collihi sifiti agaayicitibobadi: Aivo uujojo mityahi, neehi?

⁸ Miiro paryiicino toonoma mihicacuuhi. Miiro sihidi mubusumi jevacuuhi. Miihai aivo aivojitorucu, monoomoro miihaico uufocovi miminiiyuhi. Jaanova miyaano mahaivojiivejirahi, miihai amiihaima bu sano mahaivojiivequi. ⁹ Miiro jilli tahesicini neehi: Moocaani miihai minisuminaaco famooguiinoviro ficuuhi iguijeniguucuumoco iicanicibadi. Miiro miihaico miyaminaa iimogotimoro ajabafinovi mihifutucuuhi, Moocaani toomominaa ihatyimequi, miyaminaa ihatyimequi icano. ¹⁰ Miihaico na ha jihovotobadi esiciniumo Cristohalliti. Jaanoti na ha amiihaico Cristoti: Aivo gaajafimo, neehicamo. Miihai miniinovafifi. Jaanoti amiihai mequehecufifi. Amiihaico: Miyaamo, noomo. Jaanoti miihaico jilli: Mihifomo, noomo. ¹¹ Jisumihachuta ajebanoco jaabicimoro mihicahi, adufirari mihicahi, gaachehuma machahahi, maganiiicicafetehi, moojanoma machahahi, ¹² miniinovatehicahi, muhuseneri mududicamaaimo. Miihaico iminootino noomo. Jaarumoco imineeriro meneehi. Miihaico idaasuno omooninehejeque majaabicihicahi. ¹³ Miihaiti aivonoono neehicamo. Jaarumoco siicuno mihiimusuhicahi. Jiinje beevabadi miihaico moonihicamo beemeubadi jisumihachuta mihicahi.

¹⁴ Jino amiihaico nucufevesuqui jilli caatinitihi. Jilli amiihaico fajiiquipi agaijimo taseemeque icabadi. ¹⁵ Miiro diez mildimo amiihai jiirogominaa Cristoti amiihaico ijibogomo icarunaaca, diito amiihai caanimibadi icatih. Miiro uuro amiihaico seemevahinhi Cristo Jesu-fañodi iimino jiirogofeedi. ¹⁶ Jaanegui amiihaico neehi: Uujoho jino iicabadiro mihica.

¹⁷ Toonegiiharo bu amiihaijaago Timoteoco galluuhi taseemenebad iagaijibo Aivojiibofañodi imino iicaabo. Jaabo diibo amiihaico imino esaayuji Cristofañodi uujoho omooninoco, fahigova iicajahaje Moocaani iijanofaño jiirogoboro efeehicabadi. ¹⁸ Saatohovaha amiihaiti mitya mitya icahicahi uujoho amiihaijaago ufucuro ufuucujitiivibadi. ¹⁹ Jaanegui amiihaijaago goovajino ofoono Aivojiiboo iimogohachiji. Jaadi jari gaajaji diito mitya mitya iicahicamo ihiimaarunoco, omoonitinoco icano. ²⁰ Miiro Moocaani aivoji jilli ticovo iimaa icatino, mityaono. ²¹ Jaanegui jijinejeque mihimeguehi? ¿Amiihaija feeji imeima, nacu gaijima, siicu ifi gaijama?

5

Ajevati Onoono.

¹ Miyaano amiihaifeeneviva ajeva iicano guubuvusuhicahi. Jaano toono ajevaco ajashuno muguubusudino Moocaanico agaajatimofeenevi. Miiro saafivaha caanimi taabamima icahi. ² Jaamo amiihai mitya mitya mihicahicahi. Jilli toonoti munucufevemere idaasuno mihicatano. Tollu omooniboco amiihaifeneti buhigovi magañii. ³ Miiro uujoho, tafi sihigo icarunaaca tajeebii amiihaifeeneri icahi. Jaamaño: Tollu iicaabo imitico, nuucuuhi amiihaifeeneri iicaabobadi. ⁴ Mohaivojiiboo Jesucristo momofañodi amiihai mihigaicinimoma sano tajeebii icahi, bu tolliro Mohaivojiiboo Jesucristo imityama amiihaima icaji icano. ⁵ Jaabo diibo iimitiboco Satanasco mahaci ifi iimogonoco ifinisuqui oomooniruubo, idaasuno iicaneguiha dojicuviro Moocaanijaago asaaboro ufucu Mohaivojiiboo Jesu asaajifucu iicasumi ijeebii itaajaqui.

⁶ Aivo imitino toono momooninoti mitya mitya mihicano. ⁷ Nacu magaajatihi ajashuruno levaduraguiji paryi ifaasi:hifaño acaisecafetefinoco. ⁷ Jaanegui toono eedeelevaduraguijico magañiiinicibadi toonoco amiihaifeeneti magañii. Jaamo boosihu toguijima achahasihibadi mihicahi, toono amiihai mihicabadi. Miiro siicijeminaa oveja seemeneque gaicaaujibuumo Pascua jibaimo iicajisumi. Jaanotí jisumi Cristo Jesuco gujeniumo safooro miihai imitihallivi. ⁸ Jaanegui masii Pascua jibaimoco meheetavequi tohimiticó magañiimoró, oono eedeelevaduraguiji iimitiguijico mihicanicibadi. Jaamoro ivi toguijima achahano maahuneriro meheetavequi abañitino jeebiiri, miyaaneri icano.

⁹ Miiro amiihaico juufajji acaatiniuhaamefañodi nuucuuhi: Aaje-vafiumoma magataavedino, nooboro. ¹⁰ Jaaruno tolli onoobo paryi jiinjehalliri iicamo aajevafiumoti, ifiguuiharo fanoovaaco imeguefimoti, bu ananivafifimoti, oono bu tolliro ijinitaco ejecivefimoti icano nootih. Miiro tolli diitoma iimaatimo mihicaruva toojiinijeti siijiinijevi mefeejirahi. ¹¹ Jaanotí cajaanihacho: Miyaavogominaafi uuoho, unuuruubo ajevaco imoyi:iboo, ifiguuiharo fanoovaaco imeguififiboo, ijinitaco ejecivefifiboo, sicamañooco ijibocasififiboo, bu iguiriiicavefifiboo, bu ananigaififiboo icano, icaaboma magataavedino eneejirunoco, jilli neehi. Tollí iicaaboma ajashuno safooba mamachudino. ¹²⁻¹³ ¿Milliti bu uuoho imiyaavogotimo: Iimitico, neejirahi? Idiiboro Moocaani diito: Iimitico, neeji. Jaanotí naha amiihai miyaavogominaa mihicacuumo: Iimitico, meneejirahi. Jaaneguiha diibo iimitiboco amiihaifeeneti buhi magañii.

6

Dugaacuminaa Imfeenevi Dinahaboco Satyedino.

¹ Amiihaiti saatoho amiihai nahaboma imitino mihicacuminaa mihimibachuqui miyaavogominaajaagovi footimoro, ¿collihi miyaavogominaa iicatimo dugaacuminaajaagovi mofoonicahi? ² ¿Nacu amiihai magaajatihi miyaavogominaa jiinjeminaaco udugaacujinoco? Jaano bu jii nije amiihairi udugaacucafetejino icanaaca, ¿collihi toono sihidi ejeevatinoco amiihaifeeneviro mihimibachutih? ³ ¿Nacu magaajatihi Moocaani toomominaaco miihai mudugaacujinoco? Jaano bu icanaaca? ¿Milliti jijeonoco dugaacutimo mihicajirahi? ⁴ Jaamo bu amiihai jijeonehejehalliti mihiibacasinoma mihicamo bu, ¿collihi jaamo miyaavogominaa iicatimojaagovi tonehejeque mihimibachuqui mefee hicahi? ⁵ Jino amiihaico nucufevesuqui neehi: ¿Nacu amiihaifeenevi gaa-jaminaafi saafiba chahahi inahabomifeenevi udugaacujiruubo? ⁶ Jaano icanaaca, ¿collihi masatyehicahi amiihai nahabomico miyaavogominaa iicatimo dugaacuminaa imfeenevi?

⁷ Amiihaifeenevi iibacasima mihicamaño aivo imitino mihicacuhi. ¿Collihi jilli tolli icarunoco majaabicitih? Jaafa jilli amiihaico nanimo. ⁸ Jaarunaa amiihai sahigotiro imitino momoonihicahi, mananihicahi amiihai nahabomicoro.

⁹ ¿Nacu amiihai magaajatihi iimifiitimo Moocaani aivojico agaayicijitinoco? Amiihai ififico mabañisudino, ajevaminaa, jihovo caanimico ejecivefimo, sifigoma iicafifimo, bu sano gaifiimmaryo iicafimo, ¹⁰ ananivafifimo, fanoovaaco iiguiharo iimoyi:icififimo, bu

iguiriicavefifimo, bu sitaaco imitino eneefifimo, bu sitaaco imitino omoonififimo icano Moocaani aivojifaño feejitíhi. ¹¹ Jillí icauno amiihaiti iticoni saatoho. Jaarumo jisumi imibachucafutucuhi, Moocaanidiro iicacuqui diiboma sajeebii icacuumo Aivojiibo Jesu momofeeded, bu Moocaani Gaijafeenedi icano.

Mofico Moocaanidiro Mificuno.

¹² Paryí fanoovaaco uujoho moonijirahi. Jaarunaa paryí fanoovaro tamiyaavogoco uco amusutino. Uujoho paryí fanoovaaco moonijirahi. Jaarunotí conooba uco guinonijitíhi. ¹³ Miyaanoco noonicimo: Machuta miino jeebiiguiha, mojeebii machutaguiha icano. Jaarunohocico sabadiro Moocaani finisiji. Jaanotí mofi ajevaguuiha icatihi Aivojiibo Cristoguiiharo icano. Jaabadiro bu diibo mofiguiiha iicaabo. ¹⁴ Jaabo Moocaani Cristoco siino ubuheetesubadiro bu mihaico imityari tolliro buheetesujiboo.

¹⁵ ¿Nacu amiihai magaajatíhi amiihai ifiino Cristo ifioneheje iicanoco? ¿Nacu Cristo ifiti iiciiboro ajevaminaago ifiví ficuji? Cha, tollí icatinino. ¹⁶ ¿Nacu bu amiihai magaajatíhi ajevaminaagoma iicicasíibo diigoma saafi ifibadiro iminfetefinoco? Jaano toono imiti ifi. Miíro Caatinihaame neehi: Famisiciro sahucurucuuji, noonoro. ¹⁷ Jaabadiro Aivojiiboaja iminfotoobo sagajarucuji diiboma.

¹⁸ Jaanegui ajevati magaa. Paryí oono cohimitihacho iicanoco miyaminaafí moonifíhi mofifañodí iicatinoco. Jaanotí ajevaco omooniíbo ificoro imitino mooníhi. ¹⁹ ¿Nacu magaajatíhi amiihai ifiino Moocaani Gaija iijano iicanoco? Jaabo amiihaifaño iicaabo, Moocaani amiihaico aaciíbo. Jaamo amiihai, amiihai ifi abajatoro mihicatihi. ²⁰ Miíro amiihaico ajashutino jaadari Cristo guijeveri Moocaani jaaducuuhi. Jaanegui Moocaanico amiihai ifiri macahacisu.*

7

Taabavaditi Onono.

¹ Jaanotí oono uco aamefaño meneehininediti amiihaico neehi: Aivo imijiruno gaifi gaigooco dudiicitíbo iicanoo. ² Jaarunofaño ajevahaño iicamaño amiihai ticovohocivi amiihai taabamima mihica. Jaabadiro bu gaigoomi amiihai ticovohocivi amiihai tajemima mihica. ³ Amiihai tajemi amiihaico iimugusumi imino: Jii, monoo. Jaabadiro bu amiihai taabami amiihaico iimugusumi imino: Jii, monoo. ⁴ Miíro mogai ifi abajagoro icatihi, idíiboro aiji abajaaboo. Jaabadiro bu aiji ifi abajaaboro icatihi, idíigoro mogai abajago. ⁵ Jaanegui: Chahano, meneedino mihimogocasisumi iví idisumiro famisiciro sabadiro mihiimaacasimisiro: Jillí ticovono miicaqui Moocaanima mihiimaanolachuta, munuusumi iví ticovono mihicaji. Jaanobuunati siino dojicuviro mihicacasi ijí Satanas onoobo amiihaico abañineri sitama imitico momoonidino.

⁶ Jillí, jillí amiihaico uujoho neehi, tajiba icatinino. ⁷ Aivo imeguejirahi famooro gaifimi jino uujoho iicabadi iicanoco. Jaarunofaño iticovoocivi Moocaani aacihibadí icamo. Saatohoco siibadi, bu saatohoco siibadi icano.

⁸ Jaanegui neehi: Ataabavatimehejeque, fibaijigomihaiico icano imicanijiru aivo jino uujoho uuro iicabadiro mihicano. ⁹ Jaanotí saatoho

* ^{6:20} Sahaamefaño janaanicí jillí ficuumo: Moocaanico amiihai ifiri, amiihai gajari icano macahacisu. Jaano toonoci fanoociro Moocaaninohoci, onoonoco.

ticovono mihicajitiruumo siino matajeva. Jilli imicanijiru siino atajevacuno mihicano, majaabicijiruner idaasuno mihicatiqui.

¹⁰ Jaanoti bu mogaimima iicacuumoco tajibahi. Jaaruno uujoohi icatino Aivojibo tajibahi, mogai aijico jeevesutigo iicaqui. ¹¹ Jaanoti mejeevesuhachiji siino tajevacuutino mihica. Jaanoti jilliro siino dita-jema dojicuviro dimijiivo. Jaabadiro aijimi mogaimico mejeevesudino.

¹² Jaanoti bu jino uujoohi onoono, Aivojibo onoono icatino: Miyaavogominaati saafi taaba miyaavogominaago icatirugo diiboma imino iicagogoco mejeevesudino. ¹³ Jaabadiro bu saafigo miyaavogominaago taje miyaavogominaafi icatiruubo diigoma imino iicagohachiji mejeevesudino. ¹⁴ Miir oiji imiyaavogotiruubo mogafañodi Moocaanidi imicubobadi icahi. Jaabadiro bu imiyaavogotigo gaigo aijifañodi Moocaanidi imicugobadi icahi. Jaanoti tolli mihicaova amiihai seeme imifijitirahi imiyaavogotimo seemebadi icajirahi. Jaanoti saafi imiyaavogomaño toseeheje Moocaanidiro icacuuhi. ¹⁵ Jaanoti oono imiyaaveguehicitimo ejeevesugohachiji, jaafa jeevesumo. Jilliti tolli iicaabo ejeevesugo, bu tolli iicago ejeevesuubo icano sajeebi icacuuhi. Miir Moocaani mihica sajeebi guiharo cuuhuvauhi. ¹⁶ ¿Nacu fine ijoho gaigo ditajeque miyaavugusujirahi itaajaqui? Jaabadiro bu, ¿ijoho gaifi diitaabaco fine miyaavugusujirahi itaajaqui?

¹⁷ Oono amiihai ticovohocivi amihaico Aivojibo aaciuno iicabadi, bu Moocaani amiihaico ucuuhuvauusumi mihicaubadiro icano mihica. Jilli tajibahi paryicino Moocaani ijjanofaño. ¹⁸ Saatoho mucuuhuvacafutuhi amiihai meehe quiticinimo mihicamo, tobadiro quiticinimo mihica. Jaabadiro bu saatoho quiticiratimo mihicamo mucuuhuvacafutuhi tobadiro quiticiratimo mihica. ¹⁹ Miquiticinino sihidi jeevatih. Jaabadiro bu miquiticiratino sihidi jeevatih. Idiinoro Moocaani tajibaco meheetavano naha sihidi jeevah. ²⁰ Jaanegui famoovaro mucuuhuvacafutusumi mihicaubadiro mihica. ²¹ ¿Sifi jijovono diicaabo cuuhuvacafutuhi? Jaarunoco deesicinidino. Jaanoti bu toonoti ataa-jajino iicahachiji, tolli mooni. ²² Miir sifi jijovono iicauboco ucuuhuvauabo jisumi Aivojibo ataajasucuuborucu. Jaabo jilli sajeebi diiboco jecivucuji. Jaabadiro bu sajeebi iicauboco ucuuhuvauabo jisumi Cristo jijovonurucu. ²³ Miir ajashutino jaadari Cristo guijeveri ma-jaaducafutuhi. Jaanegui miyaminaa jijovotot amiihai ifico mehee-tavedino. ²⁴ Jaanegui tañhabomi, oono amiihai mucuuhuvacafutusumi mihicaubadiro, bu jisumi Moocaanima mihica.

²⁵ Jaanoti ivi bagocajamihalliv Aivojibo tajibama chahahi. Jaarunaa jino eesicininoco neehi, uco Aivojibo idaasugonofeeded imihuseebe iicamaño, jilli amiihaico neehi: ²⁶ Uudi imino gaifi oono iicabadiro iicano jisumihije jino idaasuno mihicaneheje iicamaño. ²⁷ Gaigooma idicacuubo, diigoti dugaavedino. Gaigooma achahaabo, ataabavanoco diimeguedino. ²⁸ Jaaruubo bu ataabavahachiji, imitico diicijitih. Jaabadiro bu bagocaja atajevago imitico icithi. Jaarumo idaasuno icaji. Jaanoco jedi uujoohi amiihai buhigovi miniiyujirahi.

²⁹ Tañhabomi, jilli uujoohi eneejiruno: Jijehalliv gueenene mihicajitih. Jaanegui amiihai taabamima mihicamo mataabavatimobadi mihica. ³⁰ Jaanoti bu mataamo mataatimobadi mihica, bu imono mihicamo imono mihicatimobadi mihica. Jaanoti bu manaajeme siinoma

mihicatimobadí mihica. ³¹ Jaanotí bu jijeonehejeque anaajeme tooneri mutuvavotimobadí mihica. Miíro jijeononeheje jillí ihifuvusuro icaruno finifíhi.

³² Uujoho imogotíhi sineheje esamaajeri mihicanoco. Ataabavatiíbo Aivojíbo Cristo nehejeque imino teemehi, Aivojíboco imo imo imooníqui. ³³ Jaanotí ataabavacuubo jiinjeonehejejaagoviro icahi mogainco imo imo imooníqui. ³⁴ Jaabadiro bu atajevacuugotí atajevatimo siibadíro diitotí icahi. Atajevatigo Aivojíbo nehejeque imino mooníhi; ijeebíi, ifi icano imino Moocaanidiro iicaqui. Jaanotí bu atajevacuugo jiinjeonocoro imino moonífihi aijíco imo imooníqui.

³⁵ Jaanoco jillí neehi amíihaidi iimíqui, amíihai ímega jegaiteereque fi cuuqui icatino, jillí iminoro miicaqui neehi. Jaamo Aivojíboco miyaano fanoovari jeećivomoro mihicahi.

³⁶ Ivi jaanotí saatehedi ille bagocaja ujusicugo, tajevatigo iicanó imitiíhachíiji, matajeni. Matajenino imiti icatino. ³⁷ Jaanotí ijeebíifañodi quehecuno eesiciníbo: Jinejetí ucuujivaachutíbo ifi, onoobadiro iicaabo ijeebíifañodi ille bagocajaco imino ificugoobo aivo imino mooníhi. ³⁸ Jaanotí bu atajeníbo imino mooníhi. Jaanotí bu atajenitíbo aivo sihimi mooníhi.

³⁹ Gaigo atajevacuugo tajíbari aijimaryo icaji diibo iicanohachuta. Jaanotí aiji iguijevehachíiji, toonotí taajacuugo. Jaadí iimogooboco tajevajirugo ivi miyaavogominaafi iicaabocoro. ⁴⁰ Jaanotí ivi uudi, aivo imijiruno iinoro iicanó. Miíro uujoho taflico esiciníhi, tollíro bu fine Moocaani Gajama iicanoco.

8

Jihovocaanimico Ejecivono.

(Rm 14.1-23)

¹ Jaanotí ivi jisumi jihovo caanimico ejecivéhicanotí amíihaiico neehi: Miyaano famoovaro aivo toonoco magaajacuuhi. Jaaruno togaaja miihaico moficoro mitya mitya momooninoviro jisisuhi. Jaanotí naha saatohoco magaijimo diito miyaavogoco mujusuhu. ² Jaanotí bu saatohó: Uujoho aivo gaajahi, unuurumo miya gaajaquehiica gaajatimo. ³ Jaanotí saatohó Moocaanico agaijíboco, bu Moocaani diiboco gaayicíhi.

⁴ Jaabadi ijinitaco machutari ejecivucuunoco mamachunotí neehi: Miyaano ijinita jiinjehallívi sihidi jeevatíhi ivi idíboró saafiro Moocaani. ⁵ Jaarunaa niquejefáno, bu jiinjehallívi icano bu sihidi jaatyo diosmi onoomo icahi, tollí eneehicamedí icamo sihidi diosmi onoomo, bu sihidi aivojíto onoomo icano. ⁶ Jaanotí naha miihaidi icaabo saafiro Dios Moocaani. Jaabo Moocaani paryí fanoovaaco eetavuhi. Jaabeguiha miihai mihicahi. Tollíro bu icaabo saafiro Aivojíbo, Jesucristo, diibofeenedí paryí fanoova icahi, bu miihai mihicahi icano.

⁷ Jaaruno jinooco paryí famoovaro gaajatíhi. Jaanotí saatohó ijinitaco ejecivibuumáño, ijinitaco ejecivucuunoco amachusumi, ihesamaaje iniiinovamaño, toonotí ijeebíico mímihininiábadí esicinimo. ⁸ Miíro mamachunotí Moocaani miiñoco gaayicíthi. Miíro mamachunotí mojeebíi imitejítíhi, bu mihinivatejítíhi icano. ⁹ Jaarunoco mehesicini, amíihai siibadí esicinitimo mamachunofañodi, sifi imiyaavogo iniiinovaaboco

imitifaño magañiisudino. ¹⁰Eneecau bu amiihaico neequi: *H*joho tonehejeque agaajacuubo ijinitaco ejecivehicamañovi acasiivooboro amachuboco, saafi miyaavogominaafi miyaadi imiyaavogo equehecutiiboo aatyimeebere, bu machujiruubo ijinitaco ejecivucuunoco. ¹¹Jaamaño jilliti *H*joho agaajacuubo saafi dinahabo imiyaavogo equehecutiiboco mitasujirahi diibohallivi, bu tolliro Cristo iguijevecuuboco. ¹²Jaamaño jilliti amiihai nahabomi miyaavogo iniinovamo jeebiico mimitasumaño amiihairyo Cristoco imitino momoonihicahi. ¹³Jaaneguiha uduunofañodi tañahaboco imitifaño igañiisujiruva uujoho ufucuro asimico duujitihi.

9

Minisuminaafi Dudicamaaje.

(Ga 1.11–2.10)

¹ Miiro uujoho sifi jijovono icatihi, uujoho minisuminaafi. Uujoho Aivojiboo Jesuco atyimehinicuuh. Jaamo amiihai Aivojibedi ududicamaaiñofañoti mihicamo. ²Saatehedi uujoho minisuminaafi icatihi. Jaanoti naha amiihaidi uujoho minisuminaafi. Amiihai Aivojiboco magaayicimaño uujoho miyaano minisuminaafi iicanoco magaajasuhi.

³Jilli uujoho neehi imitino uuditte eneehicamoco: ⁴Miiro famoovadiro imino. Jaanoco misi paryi magaayicihi machuqui aacinoco, aduqui aacinoco icano. ⁵Tolliro bu imuguruva imijiruno miyaavogominaagoco ataabavano uuma ihiguequi. Tolliro bu Bernabe ihiciruva diiboma ihiguequi, oono saatoho minisuminaa iicabadi, oono bu Aivojiboo Jesu nahabomi iicabadi, bu oono Pedro iicabadi icano. ⁶Jaanegui fine amiihai mehesicinihi idiimisiro misi Bernabe, uujoho icano dudicamaajeque jeevesutimisiro, bu jibbegueriro mihicanoco. ⁷¿Nacu cajaani amocasiminaafiti iicaabo iinoro inehejeque naajenicihi? Jaabadiro bu, ¿cajaani nacu baacuco abasuubo inoovatite gueenetiboo icanicihi? Jaabadiro bu, ¿cajaani nacu ihovejamico imifañoco amaaamiboo toonoti adutiboo icanicihi? ⁸Jilli onoonoco miyaminaaro onoono noomoro mehesicinidino. Miiro bu tajibafaañ tolliro noono. ⁹Moise tajibahaame jilli neehi: Buey itrigohallidi iigoneri jehetiiboo. Jaabo iijico siyaacudino. Jaafa machuubo ududicamaaimaño, noonoro. Jaaruno jilli bueymicoro agajiumaño nuutiiboo. ¹⁰Miihaiditi unuunoco jilli nuubo. Miihai imiguiha totajibaco eetavuubo. Miiro jiinjeque acaaajaabo, bu itoogaiñoco ejehetiiboo icano ufucu inoovataco iicijinoco esiciniboro moonifihi. ¹¹Jaaneguiha amiihaifeenevi Moocaani dudicamaajeque meheetavomo. ¿Milli bu jaamo busumijeque gaayicitimo mihicajirahi? ¹²Buhicaga sita icarumo amiihaiti ijaadaco gaayicihicahi. Jaanegui imi miihai.

Jaarumo miihai toonoco midillutih. Jilliro paryi jaabicimoro mihicahicahi Cristo iiji jibogoco jeevesutimo miicaqui. ¹³Miiro amiihairyo magaajahi temploja jeevicominaa tooja jeevivo sefari iicafinoco. Jilli eneejirunoco jilli neehi: Tooja jeevivo asimico agaicaumoro ejecivefimo toonoti duufihi. ¹⁴Jaabadiro bu Aivojiboo nuuhi: Cristo jibogoco iibogomo Moocaanicco ajaaduno sefari iicaqui. ¹⁵Jaarunoco uujoho safooba dillutih, bu jilli nooboro caatinitihi

uco siinoti mahaciqui. Imeguehi aivo miihaiñooba uuti: Miīhaico dilluhicaabo, nootimaacaro iguijeneque.

¹⁶ Uujoho Cristo jiibogoco ijibogonoti tafico sihidí mityano esicinitihi. Miīro toono dudicamaajeque Moocaani uco tajibauhi. Jaamaño idasucanijiru uudi toonoco jiibogotibó icaruva. ¹⁷ Jaamaño jilli uuro iimogooboro toonoco mooniruva ijaadaco gaayicijirahi. Jaanoti tajibari omonimaño jino toono tadyudicamaaje Moocaani uco atajibauno. ¹⁸ ¿Cono nacu ijaadaco uujoho agaayicino? Ijaada uudi Cristo jiibogoco ijibogono sitaaco toono jaada busumijeque dillutiibó iican.

¹⁹ Miīro uujoho sifi jijovono icatiruubo famoojijovonotí minifetehi Cristodi sihidí miyaminaaco iciqui. ²⁰ Judiomifaño iicasumi judiomibadi minifetefihi diitoco Cristodi iciqui. Oono judiomí Moise tajibba onoobadi iicamo iicabadi icaifihi, diitoco iciqui; miyaano totajibaguiino icatiruubo. ²¹ Jaabadiro bu Moise tajibaguiino iicatimofaño iicasumi diitobadiro minifetefihi miyaano Moocaani tajibaguiino icaruubo, Cristo tajibaguiinodí iicamaño. ²² Jaanoti bu iimiyaavogo iniinovamofaño iicasumi diitobadi minifetefihi diitoco Cristodi iciqui. Jillí oono famoova iicabadiro minifetehicahi tolliti diitoti saatohobaco taajasuqui. ²³ Paryi jilli moonihicahi taajasujibogoguiiha, tobogo iminoco isivanofañodi icaqui.

²⁴ Amiīhairyo magaajacuuhi jinafatyofaño iicamo paryi famooro jineefihi. Jaarumotí saafiro ijaadaco gaayicifhi. Jaaneguiiha tolliro amiīhai Cristo iimogobadi imino momooni. Jaamo ijaadaco magaayicíhi. ²⁵ Miīro paryi bañamaajefaño iicamo diitoco iniinovatusujirunoco moonitatihí. Jaamo tolli moonifíhi ijaada miniháico igaayicíqui, jilli queenene iicajitirunoco. Jaanoti naħa miihai momoonihi ufucuro ifinijitino jaadaco magaayicíqui. ²⁶ Jaanoti naħħa uujoho mihiciciniboro ijiinobobadi icatihi. Jaabadiro bu sicamañehejeque aganihicibobadi amocasithi. ²⁷ Jilliro ivi tafico uuro tajibafíhi uujoho imogobadi iicaqui, uujoho saatohoco ijibogonobuunatí uujoho imitino ihinejiruneguiiha.

10

Ijinitaditi Afajinino.

¹ Tañahabomi imeguehi amiīhai magaajanoco moheedete paryi famooro Moocaani aimuufaihaciguiinodi efeehicaunoco. Jaamaño famooro Tifai Muuai oono muuaico fatyuuhí. ² Moise dojicutí Moocaani aimuufaihaciguiinodi, Tifai Muuafeenedi icano ufuunofeededí Moise nitiminaabadi minifutuuhi. ³ Jaabadiro bu famooro sabadiro machuumo Moocaani aaciuno machutaaco, ⁴ bu paryi famooro aduumo Moocaaniti asaanonifaihuco. Miīro diito Cristotí sefaco agaayicinotí quehecutehicaumo, nifaihuti, mahadunotí mequehecutonicibadi. Jaabehicau Cristo diitoma ofoobo. ⁵ Jaarumotí ajashutino sanoodimo Moocaani imefeeneví imitino icauchi. Jaamaño jihaifeeneviro sicaisituví finiúmo ofoohigovi iifototimoro ijiiniíjevi.

⁶ Jillí icauno toonoti miihai magaajaqui. Jaamoro iimitinoco mihimogomoro moonítimo miicaqui diito omoonibadi. ⁷ Jaaneguiiha amiīhai ijinitaco mejecivedino diitoti saatoho ejecivubadi. Miīro Caatinhaame neehi: Jaamoro machuumo, aduumo icano. Jaadi jibaiminicuumo, noonoro. ⁸ Ajevaco momoonidino, diitoti saatoho ajevaco omoonibadi. Jaamoco safucuro finisuubo sano ajashutino

veintitres mildimoco. ⁹ Bu Moocaanico minisudino, diitoti saatoho inisubadi. Jaamoco jiinimomiri eheedusuneri finiumo. ¹⁰ Bu imitino Moocaaniditi mihiimaadino, diitoti saatoho iimaaubadi. Jaamoco gujeve abajaabo, Moocaani toomominaafi, finisuuh.

¹¹ Jilli icauno moheedetemihaima. Jaanoco Caatinhaamefaño ficummo toonot iñihai mihiuguicivomoro magaajaqui. Jino niinosituvi mihicamo. ¹² Jaaneguiiha: Uujoho imino aivo sefano icahi onoobo, deesicini daaquetedino. ¹³ Amiihaico ijí inisunicibadiro bu paryi famoovaaco nisuhibo. Jaasumi Moocaanicoro mehesicini, diibo amiihaico teemeji ijí janaanicí amiihaico inisunofaño gañisutiboo iicaqui. Jaano toono nisu amiihaiivi agasesumi toonoti mataajajino icahi. Jinooco Moocaani amiihaico aciji. Jaamo majaabicihi.

¹⁴ Tañahabomi, jaaneguiiha ijinitanoco mejecivedino. ¹⁵ Jilli amiihaico neehi, gaajaminaa mihicacuuneguiiha. Jaanoco jino amiihaico afajinonoco amiihairyo mehesamaaje. Jaamoro magaajaci. ¹⁶ Jesu guijeveque mehesafotomoro imi adutahilluco mahadumoro Moocaanico mihimonicíhi, Cristo itijohoco etetecuafutusumi agañiunofañodi, famooro sahigoviro saafibadiro mihicano eneejirunoco. Jaamoro bu imaahuco miquisicarunicíhi Cristo ifiico itetecuafetequi aaciunofañodi saafibadiro mihicahi eneejirunoco. ¹⁷ Miiro miihai Mohaivojiboo Jesucristo Machuta onoonoco meheetavusumi mahajashutírumo tomaahuti famooro mamachuhi. Jaahica tohica idihicaro sahicaro. Jaamaño saafibadiro miihai Jesucristoco mimiyaavogonicíhi.

¹⁸ Eneecau oono Israel cuumiminaati magaaja, oono jeecivo asimiti uduumo imitino gaijamima saafibadiro icamo toonoco uduunofañodi. ¹⁹ Jilli onoobo: Ijinita miyaamo iicanoco, nootihí. Jaabadiro bu: Diitoco ejecivonicimaño asimico ificunicimaño sihidi jeevano, nootihí. ²⁰ Jaanoti naha jilli neehi: Saatoho Moocaanico agaajatimo jeecivoco eheetavomo jihovo gaijamicoro jeecivefhi Moocaanico jeecivotimoro. Jaaneguiiha uujojo imogotíhi amiihai imitino gaijamifañodi mihicano. ²¹ Jaamaño imijitiruno Moocaani imi adutahilluti mahadumoro, bu ijimi adutahilluti mahaduno. Jaabadiro bu imijitiruno Aivojiboo imi machutati mamachumoro, bu ijimi machutati mamachuno. ²² Mohaivojiboco misifiratusudino. Miihai diibo janaanicivi sihidi mejeevatihí.

Jilli Cristotaco Magajineri Imino Mihicano.

(Rm 11.1-23)

²³ Miyaanoco noonicimo: Jilli mihimogonoco paryi fanoovaaco momoonijirahi, onoomo. Jaaruno paryi fanoovaro miñnedi imitatihí. Jiihi, miyaano fanoovaaco momoonijirahi. Jaaruno momiyaavogoco ujisunoco amusutihí. ²⁴ Ivinaca naha moficoro imino moonitíromo sitaacoro imino momoonijirahi.

²⁵ Jaabadiro bu paryi fanoovano machuta naajehasivi anaajenehejeque mamachujirahi. Jaarumo dillutimo: ¿Naha tohasimi jihovocaanidi ejecivugucuuno asimi iicanoco? magaajaruva amiihai esamaajedi imijitiruneguiiha. ²⁶ Miiro paryi jiinjehalliri iican Aivojiboo Moocaanino.

²⁷ Jaanoti bu saafi miyaavogominaafi iicatiboo amiihaico diiboma mamachuqui ucuuhuvatasumi, mamachu paryi fanoovaaco amiihaico aacinehejeque dillutimo, amiihai esamaajedi imijitiruneguiiha.

²⁸ Jaanoti saatoho amiihaico: Jino asimi ijinita jeeчиво, noomoro ijibogohachiji muduudino, diibo amiihaico ijibegueebedi imijitiruneguiha, bu ihesamaajedi imijitiruneguiha.

²⁹ Jaanoco saatoho dillujirahi: ¿Collahi sifi esamaajedi imitirunoco, uudi iminoco uuoho moonitiiboo icajirahi? ³⁰ Uuoho bu amachunohallivi Moocaanico graciaco aacicunoco, bu ¿collahi sita uuoho amachunoti: Imitino, neejirahi? noomoro. ³¹ Ji, mamachusumi, mahadusumi, bu fanoovaaco momoonisumi icano paryi Moocaani imiguiharo momooni. ³² Mihiainooobaco toonofañodi imitifañovi magañisudino judiomico, bu judiomti iicatimoco, bu Moocaani iijanominaaco icano. ³³ Jaanoti naa uuoho paryi famoovaaco fanoovavii imino mooniiboro icaji. Tafiguuiharo imino omooninoco imogotih, sitaaco imino omooninoco imeguehi, Moocaani diitoco itaajasuqui.

11

¹ Jaaneguiha jino uuoho iicabadiro mihica, jino bu uuoho Cristo iicabadi iicanoti.

Jilli Gaigooni Cultofaño Mihica.

² Tañahabomi, amiihaico sihidii imehi, fahijivaro uuti mehesafotomoro, amiihaico ijibeguehinibadi mihicahicaneguiha. ³ Jinooco bu imeguehi magaajanoco Cristo gaifimi abajaabo. Jaabadiro bu mogai abajaabo gaifi. Jaabadiro bu Cristo abajaabo Moocaani. ⁴ Jaamaño gaifi iinigaico afabaacuuboro Moocaanima cultofaño ihiimaajisumi, bu diibo iimaaco ijibeguejisumi icano imooniruva Cristo ihabajaabo iicaabedi nucufesujiruno. ⁵ Jaabadiro bu gaigo iinigaico fabaacutigo Moocaanima cultofaño ihiimaasumi, bu diibo iimaaco ijibugusumi icano imooniruva ihabajaabo iicaabo aijidi nucufesujiruno diibo omoonibadiro iican. Oono iinigaico iciidaruva iicajirubadi. ⁶ Jaamaño gaigo iinigaico afabaacugotihachiji jilliro paryi iinigaico iciidacuqui. Jaanoti gaiguedi iinigaico iquiticino, bu iciidano icano unucufesuhachiji, jilliro ifoboociqui. ⁷ Jaanoti gaifi foboocijitirahi, diiboco Moocaani ifibadiro ifivusumaño, bu diibo iminehejequere omooninofañodi Moocaani imi ifuvusucafotomaño icano. Jaanoti naa gaigo iminehejequere omooninofañodi gaifi imi ifuvusucafetehi. ⁸ Miñro Moocaani gaifico eheetavusumi gaigo baciti diiboco eetavutiiboo. Jaanoti naa gai-goooco gaifi baciti eetavuubo. ⁹ Jaago gaigo gaifiguuiha eetavocafutuhi. Jaanoti gaifi gaigooguiha eetavocafutuhi. ¹⁰ Jaamaño jilliti gaigo iinigaico fabaacunicihai aiji mityaguiino iicanoco Moocaani toomominacoo ihifusuqui. ¹¹ Jaarunaaca Cristofañodi mihicamaño magaajahi gaigo ichaharuva gaifi chahajirahi, bu gaifi ichaharuva gaigo chahajirahi icano iicanoco. ¹² Jaamaño miyaano gaigo gaifiti eetavocafutuhi. Jaabadiro bu gaifi gaigooti fiivehi. Jaaruno paryi Moocaaniti saahi.

¹³ Eneecata amiihairyo monoo: ¿Naa imino gaigo iinigaico fabaacutigo Moocaanima iimaano? ¹⁴ Mifiivucubadiro mihicano mahaajahi gaifi imeebaiguima iicanoo unucufesunoco. ¹⁵ Jaanoti naa gaiguedi imino imeebaiguima iicanoo iinigaico tooneri ifabaacuqui aaciumaño. ¹⁶ Jaanoti saatoho toonoti ejenaauhachiji igaajaqui miihai, bu Moocaani iijanominaa iicamo magaajatihi uufocovi siinoco.

Aivojiibo Imi Machu Onoonovi Miyaminaa Imitino Omoonino.

¹⁷ Jaanoti naha jinooco amiihaico onoonovi amiihaico imotihu. Miiro amiihaivaha mihiigaivusumi imino moonitimore imitino momoonihicahi. ¹⁸ Miiro uco jii**bogomo** cultcovaha meheetavequi mihiigaivusumi sabadiro icatimo mafeehicahi. Jaano fine miyaano. ¹⁹ Jaano miya tolli iicahachiji ijeevadi diitoti mudugaavo miya miyaavogominaa iicamo igaajacafetequi. ²⁰ Jaamaño tolli mudugaacinimaño Aivojiibo Imi Machuco meheetavono miyaano Aivojiibo Imi Machu icacutino. ²¹ Miiro mamachucujisumi saatohova ijeevadisahaje imegaviro mamachuhicahi. Jaamaño saatoho ajebama icanaaca saatoho mutuvamoro miguiricavocinihicahi. ²² ¿Nacu amiihai iijano chahahi mahadujiruhigo, mamachujiruhigo icano? Jaamaño jilliti Moocaani iijaco jihovonobadi momoonihicahi, bu imachutama achahamoco munucufervesuhicahi icano. Jaanoco ¿milli fine uujojo amiihaico neeji? ¿Nacu toonoti amiihaico imeji? Chaha, imotihu.

Aivojiibo Imi Machu.

(Mt 26.26-29; Mr 14.22-25; Lc 22.14-20)

²³ Jilli uco Aivojiibo ijibugunoco amiihaico jii**buguhi**: Miiro Aivojiibo Jesuco aacijifucu ihusefaño maahuco gaayiciubo. ²⁴ Jaaboro Moocaanico toonohallivi iimuudi iquisicuuboro nuuhi: IfaaJI, mamachu. Jino taahucu amiihaihallivi iquisicuafoton. Jilli momoonihica. Jaamo uco mehesafetehicahi, nooboro. ²⁵ Jaabadiro bu toonoco amachunobuunati ihusefaño ihadutahilluco agaayiciuboro nuubo: Jihillu bohono iimaaco miyanotiro eheetavono tatyijohofafiodi. Jaanoco fahijivarо mahaduno ticosovivi uco mehesafetehica, nooboro. ²⁶ Jaaneguiiha amiihai fahijivarо tohicaco mamachusumi, tohilluco mahadusumi icano toonofañodi magajasuhicahi Aivojiibo Jesucristo iguijeveunoco, diibo siino asaajino-hachuta.

Jilli Mamachu Aivojiibo Imi Machuco.

²⁷ Jaamaño Aivojiibo Jesucristo Imi Machu onoonoco meheetavusumi cajaatyohacho Aivojiibo maahuco imitino amachumo, bu ihaduhilluti imitino Aadumo icano imitino moonihi Aivojiibo ifiico, itijohoco icano. ²⁸ Jaaneguiiha iticoni paryi amiihai imitico mehesamaaimoro Moocaanico mijibogo. Jaadi jari tohicati mamachu, bu tohilluti mahadu icano. ²⁹ Jaanegui toono Aivojiibo ifi eneejirunoco gaajatimo toonoco amachumo, Aadumo icano ifihalliviro imitino iicajinoco icihi. ³⁰ Jaamaño amiihaiti ajashutimo saatoho guihuvahi, bu saatoho niinovahi, bu saatoho guijevecinicuhi icano. ³¹ Jaaneguiiha imino miihai mofiico mehesamaaimoro Moocaanico mijibogomoro momooniruva Moocaani miihaico tolli moonitiiboo iicaqui. ³² Jaamaño Moocaani miihaico mohimitihalliti jilli moonifihi miihaico ahaamiiboo sano Moocaanico imiyaavogotimoma miihaico ciijigaifaño igañijiruneguiha.

³³ Jaaneguiiha tañhabomi, Aivojiibo Imi Machuco mamachuqui mihi-gaivusumi motoomocasimoro sano mamachu. ³⁴ Jaanoti saatoho sihidti mahajebavahachiji iticoni amiihai iijafafierehiica mamachu, amiihaico Moocaani imitino mihiigaivomoro momooninohalliti aamidiiboo. Jaanoti sanehejeque ufucu amiihaico uujojo Pablo abaatodi imibachuji.

12

Moocaani Gaija Aacino.

1 Tañahabomi, imeguehi jinooco magaajanoco Moocaani Gaija miihaico aacifinehejeque.

2 Amiihairyo magaajacuhi Moocaanico mimiyaavugutisumi jilli jihovoto ijinita ihimaati moco mejeecievehicaunoco. **3** Jaaneguiha imeguehi jisumi magaajanoco: Cajaatyohacho Jesuco afajamo Moocaani Gaijari toono ihimaano icatino. Jaanoti naha saatoho: Jesu Aivojiboo, onoomo naha jino Moocaani Gaija mityariro ihimaamo.

4 Miiro icano siibadihije Moocaani Gaija aacinoco miyaminaafi agaayicino. Jaaruubo saafiro Moocaani Gaija toonoco aaciibo.

5 Jaamaño siibadihije omoonino dudicamaajeri Aivojiboco jeecivefimo. Jaaruno saafiro iicaaboco Aivojiboco mejeecievehi. **6** Jaabadiro bu Moocaani dudicamaajeque momoonimo fanoovaaco siibadihije momooninichi. Jaarunoco saafiro Moocaani famoovafeenedi tolli moonihi. **7** Moocaani famoovaaco siibadihije aacinoco momoonihi Igaija diitoma iicanoco igaajasuqui famoova imiguiharo. **8** Moocaani Igaijafañodiro saatohoco aciibo gaaja iimaaco. Jaabofeedediro bu saatohoco aciibo sihidí gaajari ihimaanoco. **9** Jaabofeedediro bu saatoho gaayicihi miyaavogoco. Jaabofeedediro bu saatoho gaayicihi iguihuvamoco ubuheesuno mityaco. **10** Jaanoti bu saatoho gaayicihi sihidí ejeevano mityaco omoonijninoco. Jaanoti bu saatoho gaayicihi Moocaani iimaaco ijibogonoco. Jaanoti bu saatohoco Moocaani acihi agaajacijino mityaco jihovo gaijaco, miya Gaijaco icano, cono miya Gaija iicanoco. Jaanoti saatoho gaayicihi agaajarati jiri ihimaano mityaco. Jaanoti bu saatoho gaayicihi toojiri ihimaanoco agaajaciiboro ijibogono mityaco. **11** Jaano paryi jinehejeque omooninoco idiboro Moocaani Gaija acihi. Diibo famoovaaco ijeevadisahaje omoonino mityaco acihi diibo imogobadi.*

Saafi Ifihotoro Miihai.

12 Miiro mofi sanooro icaruno fiivaano miino ifiti sihidí dugaacacineneheje iicanobadi, bu Cristota famañova jeecivomañehejeque meheetavorahi. Jaarumo saafitaro mihicahi. **13** Jaabadiro miihai judiomí mihicarumo, griegomí mihicarumo, sifi jiovoto mihicarumo, bu sifi jiovoto mihicatrumo icano, sagaijariro minitcafotonofeenedi saafi ifibadiro miminifutuuhi bu sagaijacoro paryi miihai magaayicicumaño.

14 Miiro mofiti fiivaano inonohocinihi sanooro icatino. **15** Jaamaño tihai: Uujoho use iicatimaño ifiono icatihai, neejiruno. Jaaruno bu toofisionoro. **16** Jaabadiro bu nohoji: Uujoho aallii iicatimaño ifiono icatihai, neejiruno. Jaaruno bu toofisionoro. **17** Jaamaño paryi mofi sano aalliiro iicaruba, ¿milli bu mugubujirahi? Jaabadiro bu mofi paryi sano nohojiro iicaruba, ¿milli mininihicijirahi? **18** Jaamaño Moocaani mofionehejeque iimogomañehejevi ficuubo. **19** Jaanoti sanooro muhusere iicaruba, ¿cuuca mofi icajirahi? **20** Miiro mofioneheje fiavaahi. Jaaruno mofi sanooro.

* **12:11** Meeci Col 4.7-16.

²¹ Jaamaño mohaallii muhuseque: Ico imogotih, neejitirahi. Jaabadiro bu monigai motihaco: Ico imogotih, neejitirahi. ²² Toll icatino. Mofiono ajaaparyanehejeque janaanic magaijih. ²³ Jaabadiro bu mofiti miiviro magaijinehejeque imino gaachehuri mijicunicih. Jaabadiro bu oovosiiitimañehejeque imino mofoboocih gaachehuri. ²⁴ Jaanoti naha oovosiiimañehejeque mofoboocitih oovosiiamaño. Jill Moocaani mofico eetavuhi, mofi oovosiiitimañehejeque janaanic magaijiqui. ²⁵ Toonoti mofioneheje ijeevadi dugaacamaaitino iicaqui. Jilliro fanoovaro sabadiro igaijicasiqui. ²⁶ Jaaneguiha samaño aaivuvusumi, bu paryi faabohoro aivevehi. Jaabadiro bu samañooco imino momoonisumi paryi faabohoro imo imo icahi.

²⁷ Jaamaño jaabadi amiñhai Cristo ifi mihicamo. Jaamo famooro diiblo ifiotioneheje mihicamo. ²⁸ Jaamaño Moocaani famooco saafisari iticovoocivi acihi Moocaani iijafaño dudicamaajeque: Iticoni minisuminaaco, jaanohallivi Moocaani iimaaco agaayicinoco ijibeguefimoco, jaanohallivi ijibogominaaco, jaanohallivi sihidi ejeevanehejeque omoonifimoco, jaanohallivi iguihuvamoco ubuheetesufimoco, bu aamusuminaaco, bu aivojitoco, bu agaajaratino iijineri ihimaafimoco icano. ²⁹ ¿Nacu jaamo famooro minisuminaa? ¿Nacu famooro Moocaani iimaaminaa? ¿Nacu bu famooro ijibogominaa? ¿Nacu famooro sihidi ejeevano eetavominaa? ³⁰ ¿Nacu bu famooro iguihuvamoco ubuheesuno mityama icahi? ¿Nacu famooro iimaafih agaajaratino iijineri? ¿Nacu bu famooro ijibeguefih toojiri ihimaanoco? Chaa, toll icatino. ³¹ Jaaneguiha janaanic iiminoco Moocaaniti magaayicinoco miguiino. Jaarunaaca uujoho amiñhaico ijibegueji aivo janaanic jino imino esamaajeque.

13

Gaijima Mihica.

¹ Miíro uujoho miyaminaa iijineri, bu Moocaani tomominaa iijineri icano iimaaruubo, gaijima chaharuva, jill ciimibaco ahaamino ticosvono ojibadi jeevajirahi, bu jigaino meeuhuco mohojisuno idicuno iicabadi jeevajirahi. ² Jaabadiro bu Moocaani iijico ijibuguruubo, bu fanoova itihinehejeque gaajaruubo, bu fanoova gaajama icaruubo, bu sihidi miyaavogoma iicanofeedi ifabainoco sihigovi afatyusunoma icarubo, gaijima chaharuva, jill uujoho mihibojejiru. ³ Jaabadiro bu paryi tabusumijeque sitaaco ifehicaruubo, bu tolliro tafico gaijitiibo acijirahi Moocaanico imogobadi ijigasuhachiji, jaarunaa gaijima chaharuva, jill tolli omooniruno uudi jinehejeguiha imijitirahi?

⁴ Jaanoti naha gaijima iicaabo, bu fanoova jaabicima icahi. Jaabo bu imihusehi, sitaaco inohallitiro ijhevetaiibo, uujoho sihidi jeevahi nootatibo, tafico mitya mitya moonitatibo icano. ⁵ Bu tolliro idicunoono moonitatibo, gaijififatatiibo icano. Tolliro bu sifiratotatiibo, bu imitino omooniñoco queenene ijhevetaiibo. ⁶ Bu tolliro sita imitico omooniñeri imo imo icatatiibo miyaaneriro imo imo iicafib, ⁷ fanoovaaco miyaavogooboro jaabicifib toomooboro siiçueebiiri.

⁸ Gaiji ufucuro finijitih. Jaanoti naha ufucu iicajinoco ijibogoneheje finiji. Jaabadiro bu agaajaratino iijineri ihimaa lliveji. Jaabadiro bu

gaajahaño finiji. ⁹ Miiro Moocaani ijiti sasitusacohoro magaajahi. Jaasitusacoro mijibeguehicahi. ¹⁰ Jaanoti fanoocoro imino magaajacuudi toono miidimañehejequere magaajahicano finiji.

¹¹ Uujoho seemene iicausumi seemene iicanicibadi iimaahicauhi, esamaaihicauhi, esicinihicauhi icano. Jaaruubo amiyaabo iicacuudi seemenebadı iicahicaunoco jeevesucuhi. ¹² Jaabadiro jisumi mijhai jaabaiba mahatyimehi oono meeceimafaño jaabaiba mahatyimenicibadi. Jaarumo ufucu imino foovono mahatyimeji. Jaabadi jisumi uujojo paryiicino gaajatihi. Jaaruubo ufucu paryiicino gaajaji, uco Moocaani imino agaajabadi. ¹³ Jaamaño idinoro Moocaani miyaavogo, bu diibo onoono miyaavogo, bu gaiji icano ufucuro finijitihu. Jaarunehejeti aivo gaiji janaanicci jeevahi.

14

Agaajaratino Iijineri Iimaanoco Onoono.

¹ Jaaneguiha gaijima miicaqui imino miguiino. Tolliro bu Moocaani Gaija aacinoco miguiino. Jaano janaanicci miguiino Moocaani ijico mijibeguejinoco amiihaico ihaciQUI. ² Jaanoti agaajaratino ijiri ihiimaabo Moocaanidiro iimaahi miyaminaaguiha iimaatiibo, mijhaiñoba toonoco uguubutimaño. Jilli Moocaani Gaijariro iimaabo toovono iicaruno iiminuru iicanoco. ³ Jaanoti naha Moocaani ijico ijibogoobo sitaaco jibeguehi. Jaanofeedi diito miyaavogoco jusicuubo, bu quehecutusuubo, jacusuubo icano. ⁴ Jaanoti agaajaratino ijiri ihiimaabo ifiguiharo iimaahi. Jaaneri diibo miyaavogoro jusihhi. Jaanoti Moocaani ijico ijibogoobo paryi Moocaani ijiaminaa miyaavogoco jusicuubi.

⁵ Uujoho imogorahi paryiicino amiihai agaajaratino ijiri mihiamaanoco. Jaano janaanicci imeguehi Moocaani ijico mijibogonoco. Miyo Moocaani ijiji jibogo aivo janaanicci imihi. Jaanoti agaajaratino ijiri iimaano miyaadi jeevatihu. Toojiri onoonoco saatoho ijibogotiruva aivo sihidı jeevajitiruno. ¿Milli bu Moocaani ijiaminaa uguubunerı imiyaavogo jusijirahi? ⁶ Jaabadi tañhabomi amiihaico abaatoobo agaajaratino ijiri amiihaima iimaaruva, ¿jinejeque toonoti magaayicijirahi? Jaanoti naha mijhai Moocaani agaajasunoti, bu amiihaico miyaanoti jibuguruva, Moocaani ijico jibuguruva icano naha amiihaidi imijirahi.

⁷ Eneecau bu masii oono ifiima achahano siruubavi, arpavi icano mohooviciqui. Jaanoco jilli ticovono mohojisuruva, ¿milli bu magaajajirahi imasijico?, ¿cojico ojisunoco? ⁸ Jaabadiro bu corneta jilli ticovono ihojiruva, ¿mijoho bu imibaivejira imoonicasiqui? ⁹ Jaabadiro bu amiihaidi magaajatijiri onoonoco, ¿milli bu muguubujirahi? Jilli sicamañoma ihiiamaobadi jeevajiruno. ¹⁰ Fine jinijehallivi ajashutino ijino icahi. Jaaruno paryi fanooro gaajaveechuhi. ¹¹ Jaanoti uujojo agaajatino ijiri saatoho uuma ihiiamaamedi diitedi uujojo siijiinijeobobadi jeevajirahi, uuti bu diibo siijiinijeobobadi jeevajirahi. ¹² Jaamaño amiihai Moocaani Gaija aacinoco mihimogomaño, miguinomoro magaayici oono Moocaani ijiaminaa miyaavogoco ujusisunoco.

¹³ Jaanoti bu agaajaratino ijiri ihiiamaabo toono iimaahallivi Moocaanico idilluqui. Jaanoco agaajaaboro ijibeguejino mityaco Moocaani diiboco ihaciQUI. ¹⁴ Jaanoti uujojo agaajaratino ijiri Moocaanima

iimaaruva miyaano tagajafañodiro iimaahi. Jaaruno imino eesicinino icatino. ¹⁵ Jaaneguiha fine, ¿milli moonijirahi? Jilli fine Moocaanima ihimaasumi tagaijari, bu tahesicinima icano sano iimaajirahi. Jaabadiro bu Moocaani masinoco amasivasumi tagaijari, bu tagaaajama icano sano masivajirahi. ¹⁶ Jaamaño ijoh Moocaanico digajariro diimuruva, saafi jilli t̄covono iicaabo, ¿milli bu ico nahabonijirahi? Mīro ijoh onoonoco gaajatiibō. ¹⁷ Jaano toono ijoh Moocaanico idiimono aivo imijirahi. Jaarunofeeded̄ diibō miyaavogo jusijitirahi. ¹⁸ Jaaneguiha Moocaanico uujoho imehi, paryi amihai janaaniciv̄ agaajaratino ijiri iimaanohalliv̄. ¹⁹ Jaaruubo Moocaani ijafāñō imeguehi ajashunogayi ihimaarunoco imino mugubunoco, toonoti sitaaco gaajasuqui. Aivo jino sihidi imihi, agaajaratino ijiri diez mildino munuuruno janaaniciv̄.

²⁰ Jaaneguiha tañahabomi, fine seemebadi mehesamaaiño. Jaanot̄ iimitinojaagodiro seeme agaajatisejebadi mihica. Jaarumo amiyatobadiro mehesamaaje iiminojaagodiro. ²¹ Mīro Moise tajiba Caatinhaamefaño jilli neehi: Jiicumiminaaco siicuumiminaa ijiri neeji siicuumiotofeeded̄. Jaarunaaca uco: Miyaano neejitimo, noobo Moocaani, noonoro. ²² Jaamaño agaajaratino ijiri iimaano imiyaavogotimocoro igaajasuqui iican; imiyaavugucumoco igaajasuqui iicatino. Jaanot̄ bu Moocaani ijibogo mitya imiyaavugucumoco agaajasuno. Jaanot̄ imiyaavogotimoco agaajasuno icatino. ²³ Jaabadiro bu paryi Moocaani ijaminaa sahigoviro iigaivomoro sabadiro agaajaratino ijineri ihimaamofeenevi saafi agaajatiibō, bu imiyaavogotibō icano ijicafuturuva: Jilli fine jito jeegavehi, neejiruubo. ²⁴ Jaanot̄ famooro Moocaani ijico mijibogomofeenevi imiyaavogotibō, bu agaajatiibō icano ijicafuturuva, diibō imitino iicahicanoco gaajacujiruubo, toono paryi amihai monoonoco uguubunofeeded̄. ²⁵ Jilliti jari diibō jeebijfaño iican agaajarahicatino foovoiveji. Jaadi jari ememuiivooboro Moocaanico imeji: Miyaano jahi amihai feenevi Moocaani icahi, nooboro.

Moocaani Iijafāñō Mufuu sumi Imino Meheetavo.

²⁶ Jaaneguiha tañahabomi, jilli amihai co neejirahi: Mihigaivusumi amihaiti saatoho masima iicahachiji, bu ijibeguejinoma iicahachiji, bu Moocaani agaajasunoco ijibeguejinoma iicahachiji, bu agaajaratino ijiri ihimaanoma iicahachiji, bu toojiri ihimaanoco ijibeguejinoma iicahachiji icano, imino momooni Moocaani ijaminaa miyaavogoco ujusisujino iicahachiji. ²⁷ Jaamo bu agaajaratino ijineri ihimaajisumi miimisiiciro mihiimaa; sihidi iicasumi miimisiici, saafi idinoro mihiimaa. Jaarumo sano icatino, saafisariro mihiimaa. Jaanoco bu saatoho ijibequi diito onoonoco. ²⁸ Jaanot̄ toonoco ijibeguejirumo achahahachiji sijjeri mihiimaadino mihiivausumi. Jilliro amihai fañodiro mihiimaa Moocaanimaryo. ²⁹ Jaabadiro bu Moocaani ijico mijibeguejino iicahachiji miimisiiciro mihiimaa. Jaanot̄ iguiraasumi miimisiici, saafi idinoro mihiimaa. Jaanoco saatoho mugubunicimoro mehesamaaje: ¿Naa miyaanoco? noomo, noomoro. ³⁰ Jaanot̄ bu igiciniboco sabogoco Moocaani igaajasuruva imegavi ihimaabo illivequi. ³¹ Jilliti paryi amihai Moocaani ijico magaayicihicamo saafisari mijibogo, famooro imino uguubumoro iquehecucafetequi. ³² Jaaneguiha Moocaani ijico ijibogomo

ihesamaajeque iguiinoniqui saafi ihiimaanohachutahiica. ³³ Miiro Moocaani sajeebii icaco aaciibo imitasuubo icatino.

Oono fahigova iicamo miyaavogominaa Moocaani iijanofaño iicanicibadi. ³⁴ Jaabadiro bu gaigoomi cultofaño lliivi iimaatimo iicaqui, Moise tajibafaaño onoobadi iicaqui. ³⁵ Jaanoti agaajanoco iimogohachiiji jari ijafaño ofoodi aijico idilluqui. Imijitiruno gaigo cultofaño ihiimaano.

³⁶ Jaabadiro bu magaaja Moocaani iiji amiihaiti ticovahinitihi, bu idiomoro amiihai toonoco magaayicihinimo mihicatihu. ³⁷ Amiihaiti saatoho: Moocaani iijico ijibogonoco aivo gaajahi, monoomo, bu Moocaani Gajafeenedi gaajahi, noomoro mehesicinimo iicanoo. Jinooco magaaja jihaamefañodi jilli amiihaico onoono jino Aivojiboo Moocaani tajiba iicanoco. ³⁸ Jaanoti jinooco imiyaavogotiboo onoonoco: Miyaano, meeedino.

³⁹ Jaaneguiha tañahabomi, Moocaani iijico mijibeguejinocoro aivo miguino. Jaamoro bu agaajaratino iijineri iimaaco mafaguedino.

⁴⁰ Jaanoco ivi iminoro meheetavo mitasutimo.

15

Cristo Siino Ubuheeteunoti Ijibogono.

(Mt 26.1-10; Mr 16.1-8; Lc 24.1-12; Jn 20.1-10)

¹ Jaaneguiha tañahabomi, imeguehi taajasujibogoco amiihaico uujojo ijibeguehininoco mehesafotonoco. Tobogoco amiihai magaayicihinibogofaño quehecuno mihibogoco. ² Jaabogofeenediro bu amiihai mataajacuhi amiihaico ijibeguehinibadiro mihibahachiiji miyaano mimiyaaveguehinihachiiji.

³ Miiro amiihaico iticoni jibeguehinihi Moocaaniti agaayicihinibogoco: Cristo mohimitihalliv iguijeveunoco, oono Caatinhaamefaño unuubadi. ⁴ Jaaboco iciicuruubo siino mifucuci, safucu icanoti buheeteubo, oono bu Caatinhaamefaño unuubadi. ⁵ Jaabo Pedrovi jafeveuhi. Jaadi bu tolliro saatoho pary famooro iminisuminaavi icano. ⁶ Jaabadiro bu tolliro safoono saatoho miyaavogominaavi jafeveubo ajashutimo quinientodimo janaanicivi icaumovi. Jaamehiica icaciniji, Pablo unuusumi. Jaanoti saatoho diitoti choomocinicuhi. ⁷ Jaanobuunati bu Jacoobovi jafeveubo. Jaadi bu pary iminisuminaavi icano.

⁸ Jaanobuunati bu ninoonoro uuv jafeveubo. Jaabo uco sisituviro minisuminaafiti iciuhu, oono oovago isseemeneque sisituviro agañiinicibadi iicauboco. ⁹ Miiro uujoho minisuminaati sihidi ejeevatiiboo uco minisuminaafi monootatiruubo Moocaani iijaminaaco imitino omoonihiinimaño. ¹⁰ Jaaruubo jino uujoho diiboti icahi Moocaani uco agaijimaño. Jaamaño diibo uco imino omooniuno sicamañovi footihi. Miiro pary diito janaanicivi dudicamaaihi. Jaaruno uujoho omooniuno icatino, jilli Moocaani iimihuseri tafafiodi omooniino. ¹¹ Jaanoco uujoho, diito icano sabogocoro mijibeguehi. Jaabogoco amiihai mimiyaavuguuhi.

Uchuumucuumo Siino Ubuheetejino.

¹² Jaano bu mojibogo Cristo uchuumucumofeeneti siino buheeteuhi onoono bu iicanaaca, bu qmili amiihaiti saatoho siino mubuheetejino chahahi, neehicahi? ¹³ Jaano bu tolli iicaruva, qiana milliti bu Cristo siino buheeteuhi? ¹⁴ Jaanoti miyaano Cristo siino ubuheeteutihachiiji

jino mojibogo jilli sicamañovi, bu oono amihai miyaavogo jilli sicamañovi icano.¹⁵ Jaaneguiha jahi bu mihai Moocaanit sicamañoooco mijibeguehicahi, Moocaani Cristoco guijevefañoti buheetesuhi, monoomo. Jaanoti miyaano uchuumucuumo siino buheetesuracutimo iicajiruva, jaanaa ¿milliti bu siino Cristo buheeteuhi?¹⁶ Jaaneguiha uchuumucuumo siino buheetesuracutimo iicajiruva, Cristo siino buheetesurautihi.¹⁷ Jaanoti bu Cristo siino ubuheetesurautihachiji, amihai miyaavogo jilli sicamaño. Jaaneguiha jahi amihai imitifañerehiica mihicahi.¹⁸ Jaaneguiha jahi bu Cristoco imiyaavogomo iguijevecumo taajacujitihu.¹⁹ Jaaneguihacu Cristoco mehesicinino jilli jijehalliviro mihicaquiguiiharo iicahachiji mihai famoo janaanicivi idaasuno mihicahi.

²⁰ Chaha, tolli icatino miyaano aivo Cristo uchuumucuuuboco siino Moocaani ubuheetesuuno. Jaamaño Cristo imegaoboo ufucu siino ubuheetejimoti ubuheetecuubo. ²¹ Miiro oono saafi Adan onoobofañodiro guijeve asaaubadiro, bu saafi Cristofañodiro iguijevecumo siino ubuheetejino saahi.²² Oono paryi Adanoto iicamaño iguijevenicbadiro, bu oono paryi Cristooto iicamaño fiivoma icaji.²³ Jaarumo sano diiboma icajitino; iticoni diibo buheetehinicuuhi. Jaadi jari diito, diibota iicamo, buheeteji diibo asaadi.²⁴ Jaadi jari jiinije ifinijino icaji. Jaasumi Cristo finisiji paryi jihovo tajibaco, bu fanooro paryi aivojico, bu paryi mityaco icano. Jaadi Moocaanico ihaivojico acijiiboo.²⁵ Miiro Cristo aivojiveji jari paryiicino Moocaani iminaaco iguiinomicudi.²⁶ Jaadi bu guijeveque niinoono finisijiiboo. ²⁷ Miiro Moocaani paryiicino Cristoguiinovici cuuhi. Jaaruno Caatinihamefaño paryi diiboguiino ficucafotonu nuurunaaca idiboro Moocaani diiboguiino ficucafototihu. Miiro diibo paryi fanoovaaco Cristoguiinovici cuuhi.²⁸ Jaadi paryiicino Cristoguiinovici cuucafutucuudi, Cristo Illi iicaabo Moocaaniguinovici cuucafeteji; miiro diibo Cristoguiinovici fanoovaaco ificuubo. Jaamaño jilliti Moocaani fanoovahallivi icaji.

²⁹ Jaanoti bu saatoho ochoomocinihicaumeguiiha ifinoco nithicahi. ¿Collahi bu jaamo tolli moonihicahi? Miiro diito siino ubuheetejinoco imiyaavogotiruva tolli moonihicajitrumo.

³⁰ ¿Nacu milliti mihai fahijivaro ñihicunofaño mihicahicahi?³¹ Miiro uujojo fahijivaro guijevefaño icahicahi. Jaano aivo miyaano, tañahabomi, oono amihai Cristoco mimiyaavogomaño uujojo imo imo icahicano miyaano iicabadi.³² Uujojo jilli onoomaño Efeso cuumivi jicumbadi iicahinimo miyaminaama moonicasihinihi. Jaaneguiiha, ¿toonoti jinejeque icijirahi, miyaano uchuumucuumo siino buheetecuutimo icajiruva? Jaaneguiha saatoho eneehicabadi imijiruno mihicano: Mamachuqui, bu mahaduqui icano cívohogo miguijevecujimaño, noomoro.

³³ Amihaiico sita bañidino. Miiro noonicimo: Imitino gataavominaa imino iicafiruuboco imitino jeevamaaisufihi, noomoro.³⁴ Jaaneguiha amihai iminoro mihica iticovono ifiima. Jaamoro imitico momoonidino. Miiro oono amihaiti saatehehiica Moocaanico gaajatihi. Jillti amihaiico neehi, jaanoti jaamo munucufevehi.

*Jilli Uchuumucuumo Siino Buheeteji.
(1 Ts 4.14-17)*

35 Fine saatoho dillujirahi: ¿Milli fine uchuumucuumo siino buheeteji? ¿Milli jeevano ifiinoma fine icajimo? noomoro. 36 Jeedi fine aivo agaajatimo. Miiro siino toogaico mabasuno ochoomonobuunati ifaho iinefihi. 37 Miiro trigoco, bu tobadi iicanoco mabasujisumi, ifahooco mabasuno ihiinotatihhi itoogaico mabasuno iinefihi. 38 Jaano mabasunoco Moocaani iimogobadi fivusufihi siyomono toogaico siibadi, bu siyomono toogaico siibadi icano. 39 Miiro sabadiro ifiino icathih: Siibadiro miyaminaa ifi, bu siibadiro asimi ifi, bu siibadiro joomi ifi, bu siibadiro taava ifi icano. 40 Jaabadiro bu icano niquejeminaa ifi, bu jiinijeminaa ifi icano. Jaarunaa niquejeminaa ifi ovosii siibadiro, bu jiinijeminaa ifi ovosii siibadiro icano. 41 Jaabadiro bu cuujeo nihiba sesee siibadiro, bu fucuo nihiba sesee siibadiro icano. Jaabo sesee bu meeciri seseeti siibadiro. Jaabadiro bu meeciri sesee saafi sesee siibadi, bu sifi sesee siibadi icano. 42 Jaabadi bu jeevano uchuumucuumo siino ubuheetejimo. Jaamo utuucifino ififico miciinicihi. Jaanobuunati siino mubuheeteedi utuucicujitino ifima mihicaji. 43 Hidicunoco miciinicihi. Jaaruno siino ubuheetecudi ovosiicinicuhi. Bu niinovanoco miciinicihi. Jaaruno siino ubuheetecudi sefacuno. 44 Miyaminaafi ififico miciinicihi. Jaaruno siino ubuheetecudi gaija ifiirucu iicanoo. Jaamaño miyaminaa ifi iicabadiro, bu gaija ifi icahi.

45 Miiro jilli Caatinihaamefaño noono: Iticonio miyaminaafi Adan onoobo fiivo ifiima eetavocafutuhi. Jaanobuunati Cristoco: Niinoo Adan, neehicaumo jilli Gajafeenedi fivoco aacineguihi. 46 Jaaruno Gaija ifi iticoni mihicatih. Jilli miyaminaa ifiiti iticoni mihicahi. Jaadi jari Gaija ifiiti mihicatahi. 47 Iticonio miyaminaafico jiinjeti eheetavuubo jiinijeminaafiu. Jaano allivioobo iicaabo Aivojibbo Jesucristo niquejeoobo. 48 Jaamaño jiinijeminaa ifiino johono jiinjeti eheetavuubo ifibadi jeevahi. Jaanoti niquejeoto igajano johono niquejeoobo igajabadi jeevahi. 49 Jaabadiro miihai oono jiinjeti eheetavuubo ifibadi mejeevamaño, bu ufucu oono niquejeoobo ifibadi mejeevajhi.

50 Tañhabomi, jilli amiihaico eneejirunoco neehi: Oono ihuucuma, itiijohoma icano iicamo Moocaani aivojifaño feejitihi. Miiro oono queenene iicatino ufucuro ifinijitinafaño icajitih, eneejiruno. 51 Imeguehi bu jino agaajaratinoco magaajanoco: Famooro miguijevejitihi. Sano famooro siibadi mifiiveteji. 52 Jilli goovanogayi oono miiho aalliiico mimichihiyaacuno iicanicibadi, niinoono trompetaco ojisucudi. Jaasumi toono trompeta ojidi uchuumucuumo siino buheeteji ufucuro chuumucuutimo iicaqui. Jaanoti miihai sifiiti miminfeteji. 53 Oono mofi queenene icatino ifi, ufucuro milli iicajitino ifiiti fiveteji. Jaabadiro bu mofi iguijevefino ifi iguijevefitino ifiiti fiveteji. 54 Jaano oono mofi queenene iicatino ifi, ufucuro milli iicajitino ifiiti ifiivutucuudi, bu oono mofi iguijevefino ifi iguijevefitino ifiiti ifiivutucuudi icano, Caatinihaamefaño onoono miyaaveji:

Guijkeveque Moocaani mitya guinoniji. 55 Guijkeve, ¿cuuca icano dimitya miihaico iguijenihicano? Guijkeve, ¿cuuca icano dimitya guinoniji enehicano? Caatinihaamefaño onoono.

56 Miiro imiti, guijkeveque mityaco acihicahi, miihaico iguijeniqui. Jaabadiro bu Moise siicjego tajiba imitico mityaco acihicahi.

57 Jaanoti nahia jisumi miihai Moocaanico mihimehi, Mohaivojibbo

Jesucristo feenedi miihai guivecuento mihicajino mityaco aacino hallivi.

⁵⁸ Jaaneguiiha agaijimo tañahabomi quehecuno sefano mihica, fahijivaro janaaniciviro Mohaivojiibodi dudicamaajeque eetavomoro mihica. Miiró amiihairyo magaajacuuhi Mohaivojiibedi mududicamaaiño sicamañovi iicatinoco.

16

Cristofañodi Monahabomi Iicamedi Nihibamico Mahallacaruno.

¹ Jaanoti bu amiihaico neehi Cristofañodi monahabomi iicamedi nihibamico mahallacarunoti: Johono Galacia jiinigeri iicajano Moocaani iijanominaaco ijibuguubo unuubadi momooni. ² Fajaguisivaviro famooro amiihai magaayicinoti ijeevadi mudugaacumoro mifichuhica magaayicidinoti gaajacimoro. Jaamo uujoho iifotodi toonoco eheetavotimo mihicahi. ³ Jaabo uujoho iifotodi amiihai monoomoco galluji Jerusalevi aamenema, diito isatyequi monahabomi tahigo iicamedi amiihai mahallacaruno nihibamico. ⁴ Jaanoti bu uuro ofoono uudi iimihachiji, uuma feejimo.

Pablo Efeejinoco Ifitacamaaño.

⁵ Jaabo amiihaijaago ofoodi, iticoni fatyeji Macedonia jiinijefañodi. Jaadi jari amiihaivi Corinto cuumivi ifeteji. ⁶ Jaabo amiihaima gueenejisuno iicahachiji. Jaanoti bu paryiicino jiinijaco toonoviro afatyohachiji. Jaachiji uco mahamusu efeejihibogi ofooboco.

⁷ Imogotihí amiihaijaago ofoobo jilli ifatyodi ofoonoco. Imeguehi amiihaima gueenene iicanoco Mohaivojiibodi Jesucristo iimogohachiji.

⁸ Jaaruubo jino Efeso cuumivi icajijiica Pentecoste jiibaimo afatyonohachuta. ⁹ Jisumi jimañovi aivo imino Moocaani dudicamaaje eetavo, aivo imino ofoomaño, bu sihidí saatoho imogotimo uco ijihegueme iicamaño icano.

¹⁰ Jaanoti Timoteo amiihaivi iifotohachiji imino diiboco magaayici sajeebi iicaqui. Diibo bu uubadiro Mohaivojiibedi ududicamaaibo.

¹¹ Jaaneguiiha amiihaiti saatohoba diiboco mitihimejetasudino. Jilliro diiboco mahamusu sajeebi ofooboro uco imeecivaqui. Jinoti diiboco teemehi, bu saatoho monahabomi asaaajimoco icano.

¹² Jaanoti Apolo onooboti amiihaico jiibeguehi: Monahabomima diiboco galluucuurai amiihaico ibaatequi. Jaaruubo foogotihí. Jaaruubo iimugusumi feejiibo.

Niinoono Afajiinino.

¹³ Jaaneguiiha allivano mihica, bu quehecuno mihica miyaavogofaño, gaifimi mihica, sefano mihica. ¹⁴ Paryi fanoovaaco meheetavonoco sitaaco magaijinofañodiro meheetavo.

¹⁵ Tañahabomi, amiihairyo magaajacuuhi Estefano iijaminaama iticoni Acaya jiinjeki Jesu jibogoco agaayicimoco, bu tolliro miyaavogominaaco ejecivehicamoco icano. ¹⁶ Jaaneguiiha uujoho imeguehi diito onoobadi momooninoco, bu saatoho diitobadi iicamo onoobadi, bu jaamoco aamusumo ududicamaaimo onoobadi icano momooninoco. ¹⁷ Aivo imo imo icahi diibo Estefano onoobo, bu Fortunato onoobo, bu Acaico onoobo icamo tajaago asaaneri. Jaamo uco amusuhi amiihai uco mahamusutinoco, juuga machahamaño.

¹⁸ Jaaneri uujoho aivo imo imo icahi, oono amiihaico abaahini sumi amiihai mihicahinibadiro. Jaaneguiha diitobadi iicamoco mobocigo.

¹⁹ Moocaani iijano Asia jiinjeri iicajahajeminaa amiihaija iijico galluuhi. Jaabadiro bu Aquila onoobo, bu mogai Pricila onoogo iicamisi, bu diitisi ijafaño iigaivehicamo icano, amiihaijaago Aivojiibo momofañodi iijico galluuhi. ²⁰ Bu paryi monahabomi jino uuma iicamo iijico agallunoco magaayici fahigovavii midillucasii ihibicicasimoro.

²¹ Jaanoco uujoho Pablo onoonoco saafi caatinihi cauhi. Jaanoti jari jinooti uujoho caatinihi tahuseri. Amiihaijaago taajico galluuhi.

²² Jaanoti cajaatyohacho Mohaivojiibo Jesucristoco agaijitimo imitino iicaqui.

Jaanoti Mohaivojiibo, moja disaa.

²³ Jaafaa amiihaico Mohaivojiibo Jesucristo imino moonihi. ²⁴ Paryi amiihaijaago galluuhi Cristo Jesufañodi tagaiji iicanoco. Fine.

2 CORINTIOS

Pablo Caatinihuhi Corintori Iicaja Moocaani Iijaminaadi.

¹ Uujoho Pablo Jesucristo minisuminaafi Moocaani jeebii onoobadi. Jaabo uujoho onoonoco nahabo Timoteo caatinihu jihaameque monahabomi Moocaani iijaminaa Corintori iicamed, jaabadiro bu paryi Acaya jiinjeri iicamo, paryi Moocaanita iicamed icano. ² Jaamo amiihai magaayiciqui imi icaco, sajeebii icaco icano Moocaaniti, bu Mohaivoji bo Jesucristoti icano.

Pablo Idaasuno Iicano.

³ Masii Moocaani, Mohaivoji bo Jesucristo Caanico mihimequi. Miirido diibo Moocaani miihaico iidaasugoobo, bu jaabo diibo Dios miihaico fahijivaro ajacusuhicaabo. ⁴ Miirido Moocaani miiinoco jacusufihi paryi fanoovari idaasuno mihicamoco. Jaabadiro bu miihai idaasuno iicamoco majacusuqui, oono miihaico Moocaani ajacusubadiro. ⁵ Miirido miihai Cristo idaasufañodi mihicamañio, bu diibo Cristofañodiro ajashutino majacusucafetehi. ⁶ Jaamo miihai amiihaico taajasujibogoco mijibogonoti idaasuno mihicahi. Jaanoti amiihai majacusucafetequi, mataajaqui icano. Jaabadiro bu miihaico Moocaani ajacuneri amiihai bu majacusucafetequi. Jaamo bu tolliro amiihai siiçujeebiři majaabicih jino miihai idaasuno mihicanehejeque majaabicihicabadi. ⁷ Jaamaño amiihaico miihai imino mehesicinihi. Oono miihai idaasuno mihicano fañodi tolliro amiihai mihicamañio, bu tolliro Moocaani ajacunerafañodi mihicajinoco icano.

⁸ Monahabomi, mihimeguehi amiihai magaajanoco sihidiro imitineri Asia jiinjevi miihai mihicahicahininoco, sihidri jeevano idaasuno mihicahicaunoco. Jaaneri mosefama machahacuuhi majaabicujitih: Fine aivo muchuumucuuji, munuurahi. ⁹ Iguijenicuujiimo iicanicibadi mihicahicauhi. Jaaruno fine jillimofiviro esicinitimo Moocaani uchuumucuumoco ubuheetesufibocoro mehesiciniqui iicauno. ¹⁰ Jaabo Moocaani miihaico toonoti taajasuuhi, bu jisu miihaico taajasuuboro icahi, toono sihidri ejeevano miihaico iguijenijirunoti. Diiboviro miihai mohesicinico mificuuhi miihaico taajasuuboro iicajinoco. ¹¹ Amiihai miihaico mahaamus, mohallivi Moocaanima mihiimaa. Jaaneguiha ajashutimo mohallivi Moocaanima ihiimaahachiiji, diibo miihaico imino mooniji. Jaanoco aatyimemere ajashutimo Moocaanico imeji, miihaico Moocaani imino omooninohallivi.

Jilliti Pablo Corintovi Fuutih.

¹² Miirido icano sano miihaico imo imo omoonino; jijehallivi miihai miyanotiro Moocaani imogobadi imino mihicano magaajaneri imo imo mihicahi. Jaamo aivo amiihaifeenevi imino mihicahicahi. Moocaani miihaico iimihuseri amusuhicahi tolli imino miicaqui. Jaaruno miihai gaajariro tolli mihicano icatino. ¹³ Miirido amiihaidi paryi aameneque macaatinahaamenefaño meneehicahi amiihai memeecimoro magaajajidinoco. Jaanoco imeguehi imino magaajanoco. ¹⁴ Oono samañosacoro magaajacuubadi, jaamo ufucu, Mohaivoji bo Jesucristo asaajifucu, miihaiti imo imo mihicahi, bu miihai amiihaiti mihicajibadi icano. ¹⁵ Jino miyanoco eesiciniiboro iticoni

esamaaihinirahi amiihaico mifoooci abaahinijinoco, amiihaico imo imo mooniqui. ¹⁶ Uujoho esamaaihinih Macedonijaago ofoobo amiihaico abaahinijinoco, bu siino tahigoti uhuumiibo amiihaico abaahinijinoco icano. Jaamo amiihai uco mahamusuhimino Judeavivi feequi. ¹⁷ Jillinooboro uujoho esamaaihurunoco, fine uco bañibobadi mehesicinihi? Nacu fine uco amiihai mehesicinihi oono imiyaavogotimo saatohoco: Jiihi, onoomoro, bu saatohoco: Chahano, onoonicimobadi? ¹⁸ Miiro Moocaani gaajahi miihai amiihaico: Jiihi, monoomoro, bu siino: Chahano, monootatinoco. ¹⁹ Miiro miihai Silvano, Timoteo, uujoho, icamo Cristo Jesu Moocaani Achi jibogoco mijibeguehicaabo: Jiihi, onooboro, bu siino: Chahano, neejibuutihu. Miiro Cristofañodi paryiicino miyaano miihaiñoobaco bañitatiiboo. ²⁰ Miiro diibovi paryi miyaavono Moocaani unuuno. Jaamaño Moocaanico mihiimusumi: Aivo Miyaabo idicaabo, monoonicichi Cristo Jesuco magaajacuunofeedeni. ²¹ Jaabo diibo Moocaani miihai, bu amiihaico icano Cristofaño quehecuno ificuboro itaatimiiqaui ijeevadificuuh. ²² Jaaboro miihai, igaajataco ificuboro Igaijaco mojeebiñofaño ficuubo, toonoti magaajaquifufucu niquejefaañomagaayicijinoco.

²³ Jaanoti eesamaahinibadi Corintovihiica footihi amiihaico agaijimaño. Jaano miyaano iicanoco Moocaani gaajahi. Jaanoti miyaano iicathachiji imijiruno uudi uco Moocaani agaicaauno, uujoho iguijevene icano. ²⁴ Jaarumo miihai mihimogothi amiihaico: Jillimimiyavogo, noomoro amiihaico matajibananoco. Miiro amiihairyo, miyaavogofaño quehecuno mihicacuuhi. Ivi jilliro mihimeguehi amiihaico janaanicimo imo imo momoonisunoco.

2

¹ Jilliti imguehinitihi amiihaico siino abaatonoco siino idasuno amiihaico omoonijiruneguiiha. ² Jaabo uujoho amiihaico idasuno mooniruva, miijoho bu uco imo imo moonijirahi? Amiihaico bu uujoho idasuno omooninobuuna. ³ Jilliti amiihaidi jino uujoho aameque jilli caatinuuhimiihaago ofooboco, uco amiihai imo imo momoonijirumo, jilliro idasuno momoonijirunoco iimogotimaño. Jaamaño amiihai imitico mejeevesuhachiji uujoho imo imo icaaji. Jaaneri tolliro amiihai imo imo mihicaji. ⁴ Miiro toohaameque amiihaidi acaatiniusumi idasuno iicaneri tafi uco niji niji iicahicauneritahicauhi. Jaarububo toohaameque caatinuutihu amiihaico idasuvusuqui icatino, jilli amiihaico gaajasuqui sihidi amiihaico agaijinoco.

Imitino Omooniuboco Iimibachuno.

⁵ Jaanoti oono saafi idasuno omooniubo saaficoro uco idasuno mooniutihu. Tolliro bu paryi amiihaico mooniubo. Jilliro miiviro neehi. Imogotihu janaanicisefano ihibananoco. ⁶ Miiro amiihai Moocaanico mihiimuusumi diiboco amiihaifañoti mihiinusucuuhi. Jaanoti eesafotooboro gaajacuubo. ⁷ Jaaneguiiha jilliro ivi jisumi diiboma mihimibachumoro diiboco majacusucu, sihidi idasuno iicaneri janaaniciviro imitino icaadiiboo. ⁸ Jaaneguiiha amiihaico neehi: Siino diiboco magaajasudii-boco magaijinoco. ⁹ Miiro iticonio aamefañodi toonoti amiihaico nooboro caatinuuhimiihaico gaajasuqui naa uujoho onoobadi moonijimo? onoomaño. ¹⁰ Jaanegui jisumi amiihai oono iimiutiiboco mihimibachucuuuhachiji, bu uujoho tolliro diiboco imibachucuuhi. Miiro uujoho

iimibachuuboco imibachuhi Cristo imefeenevi amiihaico agajiiiboro.
¹¹ Toonoti miihaico Satanas quehevediino iguiinoniboro, miiro diibo omoonigonoco miihai imino magaajahi.

Troa Cuumivi Pablo Jeebii Niji Niji Icauhi.

¹² Jaanoti Troa micuvu Cristo jii**bogoco** jii**beguequi** ufuubo ii**futusumi**, aivo uudi imiuno Aivojiboo dudicamaajeque toonovi eetavuujino.
¹³ Jaarunofaño tajeebii uco sajeebii icautihi, monahabo Titoco toonovi aatyimeutimaño. Jaaneguiha diitoco ifitacuuboro toonoti fuuhi Macedonia jiinjejaago.

¹⁴ Jaanegui uujoho Moocaanico imehi, diibo miihaico Cristo Jesuta ijimitaco iguiinonimoro miyaminaa mitya mitya agaimuaivomofaño miihaico asatyefinohallivi. Bu jaaboro miihaifeenedi ijii**bogoco** jii**bugusuhicaabo**. Oono facici uusuno fahigovadi ofoonicibadi icaqui.
¹⁵ Miiro miihai oono aimoguijico, Cristo Moocaanico ejecivoobo, ijigasuno uusu fahigovadi ataajajimofañodi, bu ataajajitimofañodi icano ofoonicibadi miihai paryi miyaminaa iicadimoco mijii**beguehicahi**.
¹⁶ Jaano ataajajitimedi namita uusunicibadi jeevahi. Jaanoti ataajajimedici facicino uusuno, fiivoco aacino uusubadi jeevahi. ¿Jaanoco miijoho fine iinoro eetavejirahi? ¹⁷ Miiro miihai nihibamiguiharo Moocaani ijico mijii**bogotih**, saatoho iicabadi simañehejediro iinoro ubuunanimoro ijii**beguehicabadi**. Miyanotiro naha miihai mijii**beguehicahi** Moocaani imefeenevi, diibo Moocaani miihaico agallumo mihicamaño, bu Cristo jeecivominaa mihicamaño icano.

3

*Bohono Iiji Jii**bogo**.*

¹ ¿Nacu miihai jilli munuuusumi fine amiiahaidi, miihai mofuitiro imino mihiimaamo meneehicahi? Cha, ¿collahi jaamo mihimeguehi miihaiditi sita aameri: Diito aivo iimihuseme, onoonoco? Amiihairyo imino miihaico magaajacuuhi. Jaabadiro miihai magaajagotih sita aameri amiihaiditi ijii**bogonoco**. Jaamaño uujoho ¿collihica aamema icajirahi uuditii sita: Imiibo, noomoro acaatiniihaamema? ² Miiro uujoho amiihaico ijii**bugusumi**, amiihai jeebiifaño mimiyaavuguumoro imino miminifutucuumoco aatyimemere tadyudicamaaje imino iicanoti gaajajirumo. ³ Miiro amiihai toohaamebadii mihicahi, Cristo acaatiniihaamebadii mihicacuuhi. Miiro miihai mijii**bogomo** amiihai jeebiifaño macaatinicuunobadi mificuhicacuuhi. Jaanoti caatiniiiri macaatinicinithi. Jilli Moocaani iicaabo Gaijariro macaatinicinithi. Guiisbabujehallivi Moise tajii**bano** acaatinicinobadi icatino. Jilli miyaminaa jeebiifañoro acaatinicinikuuno.

⁴ Jaano miihaidi toono miyaano iicanoco miihai magaajahi Moocaanifañodi, bu Cristofañodi icano. ⁵ Jaamaño miihai momityariro siinoco momoonino icatino. Paryi*cino* fanovaaco momoonino Moocaaniti saahi. ⁶ Miiro diibo miihaico mityaco aacineri bohono iiji onoobadi diibedi mududicamaaihi. Jaano toono bohono iiji oono eedeetajii**bano** acaatinicinino iicabadi icatih. Jilli Moocaani Gaijati magaayicinotioro iicamaño. Miiro oono acaatinicinino tajii**ba** Moise tajii**ba**, guivefaño satyefihi. Jaanoti naha Moocaani Gaija mii**noco** fiivoco acihi.

⁷ Jaano toono Moise tajiba guisibabujehallivi acaatinicinino aricuno saauhi. Jaamaño israelmi Moise imequ meecihicautihi ihime sihidi aricuno ifuvusuhicaumaño. Jaaruno toono iharicu jaabavonoro fuhi jaano totajiba guijevefaño asatyefiruno sihidi iimima saauhi. ⁸ Jaanegui fine, aivo sihimi icano oono Moocaani Gaija ijibogoco mojaago isivano. ⁹ Buhicagaha oono miinoco guijevefaño asatyefiruno tajiba iimima icauhi. Jaanegui fine aivo sihimi icano, oono Moocaani jibogo mihaico: Amiihai imitima machahacuhi, onoobogo. ¹⁰ Miiro totajiba iticoni iimima iicaruno jisumi miyaadi jeevacutih, jino sihidi iimima iicanogu-iinodi. ¹¹ Jaano toono gueenene iicaujiruno iimima icauhi. Jaano janaanicci aivo imijino ufucuro ifinijitino iimima icahi.

¹² Jaamaño mihai toonoco imino magaajamaño, nucufeguetimo mijibeguehicahi. ¹³ Jaamo mihai Moise omoonubadi momoonitihi diibo na ha ihimeque gaachehubaryuri fabaacuhi israelmi toono gueenene iicajitino aricu ajaabavonoco atyimetimo iicaqui. ¹⁴ Jaarunoco diito gaajatih. Jaabadiro bu jisumi toono eedeetajibaco emeecisumi tobaryuro diito esamaajeque afabaacucinino iicabadi jeevamo gaajatimo. Miiro tobaryu diitoti gañicafototihica idiboro na ha Cristofañodi tobaryu gañicafetejirahi. ¹⁵ Miiro jisumihachuta Moise tajiba aameneque emeecisumi tobaryubadi diitoco ihesamaajeque fabaacuhicahi gaajatimo iicaqui. ¹⁶ Jaano na ha jari gañicafetefihi Aivojibogaagovi imini-futusumi. ¹⁷ Jaabo Moocaani Gaija iicano, bu Moocaani iicaabo. Jaaneguiha diibo Moocaani Gaija iicahigo sajeebii icahicahi. ¹⁸ Jaamaño paryi mihai tobaryuri mohimeque mafabaacucinicuutimo. Mofivi Mo-haivojiboo imi ifuvusuhi, oono meecimefaño mofi ifuvusunicijadi. Jaamaño mihai janaaniciviro diibobadi minifotomoro mafeehi fahijivarо janaaniciviro diibo imibadi minifotomoro mofoomaño. Jaano toono Aivojiboo Gaija iicaabo eheetavono.

4

¹ Jaanegui masii suufenitimo momooniqui, Moocaani mihaico iidaasugooboro idudicamaajeque atajibaunoco. ² Miiro mihai toovono omooni finehejeque, bu unucufesunehejeque icano mihimugucuutih. Bu tolliro sitaaco bañimoro mofootihi, bu Moocaani ijico simañehejediro buunanimoro mofootihi icano. Jilli miyanocoro meneehicahi. Jaamaño jilliti Moocaani imfeenevi saatohoco magaajasuh, mihai Moocaani imfeenevi imino miicanoco. ³ Jaanoti jino Moocaani taajasujibogoco mijibogono toovono iicahachiji, oono cijigaifaño ufuuuuji mediro toovono. ⁴ Miiro diito imiyaavogotimo, jiije caani ijijeebii noco mitasuuhi. Jaaneri gaajacuutimo Cristo jibogo imico. Jaabo bu Cristo Moocaani iicaabo. ⁵ Jaamo mihai Moocaani jibogoco mijibugusumi, mofiiditiro mijibeguehicatihi, idiboro Jesucristo amiihai Aivojiboo iicaabediti mijibeguehicahi. Jaanoti na ha mihai jilll amiihai jeevicominaa mihicamo Cristoco magajimaño. ⁶ Miiro diiboro Moocaani: Icivuuneguiha daachicisu, nuubo. Jaaboro jisumi bu diiboro mojeebiinofaño achicisuhi. Tooneri Moocaani imico magaajaqui Jesucristo imefañoti ifuvusunoco.

*Miyaavogofeenedi Mihicano.
(1 Co 2:1-5)*

⁷ Jaano toono Moocaani Gaija mofifaño icahi, oono aivo iiminoço nifaqui eetavotahillu guirihillufaño mificujirubadi jeevano. Toonoti igaajaqui toono sihidí ejeevano mitya mihihaiti saatinoro Moocaaniti asaanoco. ⁸ Jaamaño fanoovari imitino mihicarumo, toonoti mataajanicihi, bu fanoovari gaihuibaro mihicarumo, aivo tooneri idasuno mihicatatihi, ⁹ bu mihiaco sihidí ijiheverumo, Moocaani mihiaco jeevesutatihi, bu mihiaco iguiinonirumo, miguijevetatihi icano. ¹⁰ Jaamaño fahigovadí mofoomoco gaicaaujirumo Jesuco agaicaumaño. Jaaneguiha mofifañodi bohono ifico Jesu aacinoco mihifusuhicahi. ¹¹ Miîro mihihai jino mihicanoħachuta fafucuvaaciviro ñihicunofaño mihicahi mihiaco agaicaaujirunofaño Jesuco magajimaño. Toonofeededí bohono ifico Jesu aacino ihifusucafetequí. ¹² Miîro taajasujiibogoco mijiibeguehicanohalliti mihiaco sita gaicaaujirahi. Jaanofeededí amihai mataajajino ifico magaajaqui.

¹³ Miîro Caatinihaamefaño noono: Miyaaveguehi, jaamaño iimaahi, noonoro. Jaabadiro bu mihihai tomiyaavogofañodiro, mimiyaavogomoro mihiimaahi. ¹⁴ Jaamaño mihihai magaajahi Moocaani Mohaivojibó Jesuco ubuheetesuubo, bu mihiaco sano amihiaina buheetesujibó, Jsuma miicaqui. ¹⁵ Jaaneguiha jilli fanooñihicufaño mihicahi amihihai iiminofaño miicaqui. Jaamo sihidí Moocaani imino omooninoco agaayicimo, toonohallivi ajashutimo Moocaanico sihidí ihiimequi.

¹⁶ Jaamaño mihihai suufenitimo momoonihicahi. Jaamo mihiaco mofiino niinovatonoro fuurunaaca, mogaija jilliro fafucuvaaciviro buheetenere feehi. ¹⁷ Miîro jino jijehallivi idasuno mihicaruno goovano fatyonoro feehi. Jaanofañoti magaayiciji ifinijitino imi, aivo aaakashutinoco. ¹⁸ Jaamo mihihai mahatyimenehejequere mehesamaaitihi. Jillijisumi mahatyimetinehejequere mehesamaaihi. Miîro mahatyimeneheje gueenene icatatihi. Jaanotijisumi mahatyimetineheje ufucuro finitino iicajino.

5

¹ Miîro mihiairyo magaajahi oono mofi iija goovano unucufijabadi ejeevanoco. Jaarumo ufucu mihicaji, Moocaani mihihai niqefajaño ifinijitino ifico aacinoma. Toonoco miyaminaati saafiiba acijitirahi. ² Miîro miyaano jino mofiima mihicanoħachuta macanifehicahi, niqefajaño ifinijitino fiivoma mihicacujirunoti. ³ Jaanofaño mijicafeteji mofi gaachehufaño iicanicibadi. Jaanegui mojeebi sicaimobadi iicatiquí. ⁴ Miîro jino mofifaño mihicanoħachuta macanifehicahi, idasuno mihicanneri. Jaaruno moheedehifico mujujuuvequi icatino. Jilli bohono ififaño mijicafetejinoco mihimeguehicahi. Jino jijeo ifi echeemefino ifi bohofiti iminifetequí. ⁵ Jineguiha Moocaani mihiaco iimbachuuboro Igajjaco aciuhi ufucu magaayicijino gaajatabadi iicano.

⁶ Jaamaño mihihai imino magaajamoro mehesicinhi jino jijehalliri muuhucuma mihicanoħachuta toofiti buhigovi mihicanoħoco. Aivojiboma niqefajaño mihicatinequehiica. ⁷ Jaamaño miyaavogofañodiro mihicahi. Jijeonoco mahatyimenejaagodí mihicatatihi. ⁸ Jaamaño mihihai mesefaquifotomoro mihimeguehi jijeo iffafiaño mihicanoħoco mejeevesumoro Aivojiboma mihicatonoco. ⁹ Tooneguiha mihimeguehi fahijivar Mahaivojiboco imo imo momooninoco, jifima

mihicanohachuta, bu bohono ifiima mihicacuudi icano. ¹⁰ Miiro pary famooro Cristo aivoji icaga imegavi mihihaiveji paryiicino moticovoocivi momoonihicano jaadaco magaayiciqui, jijehalliri mihicausumi imino momooniuno jaadaco, bu imitino momooniuno jaadaco icano.

Sajeebiico Aacino Jibogo.

¹¹ Jaamaño miihai Aivojibbo nihicuno omoonijinoco magaajamaño paryiicino miyaminaaco mimiyavugusuqui momoonihicahi. Miiro Moocaani miihaico gaajacuuhi. Jaabadiro bu mihimeguehi amiihai miihaico magaajanoco. ¹² Jilli monoomo, miihaiditiro siino imino mihiimaano icatino. Jilli amiihaico meneehi. Jaamo miihai imino momooninoco amiihai magaajamoro quehe quehe miicaqui. Jaamo saatoho ijeebifañoonoco esicinitimo ificoro: Aivo miihai sihidí mejeevahi, onoomoco mejenaaujirahi miihahalliti. ¹³ Jaamo miihai mejeegavomo mihicahachiji, jaafa Moocaaniguiiharo mejeegavehi. Jaanoti jeegavotimo mihicahachiji jaafa amiihaidi mihimimo. ¹⁴ Miiro Cristo miihaico agaijinoguino mihicahi, saafiro famoothalliviro iguijeveunoco magaajamaño. Jaaneri bu famooro iguijevecuunoco. ¹⁵ Jaabo Cristo famoothalliviro guijeveuhu ubuheeme diito ifiguiiharo icacutimo iicaqui, diibo uchuumuuboro diitedi siino ubuheeteubeguiiharo iicaqui. ¹⁶ Jaamaño miihai saatohoco jijeo miyaminaa eesicinibadi mehesicicuutihi, iticoni naha miihai Cristoco jijeo miyaminaa iicabadi mehesicinihicauhi. Jaarumo jisu tolli mehesicinicuutihi. ¹⁷ Miiro Cristoma iicacuubo bomiyaminaafirucu eedeeneheje finicuuhi, jisu paryi bonehejerucu.

¹⁸ Jinehejeque paryi Moocaani eetavehi Cristofañodi miihai diiboma sajeebii miicaqui. Jaaboro miihaico tajibaubo famoovaaco diiboma sajeebii miminiyuuhicaqui. ¹⁹ Oono Moocaani Cristofañodi jiinijeminaaco ifivisajeebii iminiyuuhicaabo diito imitico jecicivotiib. Jaabo miihaico tajibauchi toono sajeebii ica jibogoco miyaminaaco magaajasuqui. ²⁰ Jaamaño miihai Cristo galluminaa mihicamo. Jaamo miihaifeenedi Moocaani amiihaico cuuhuvahi. Jaaneguiiha amiihaico miihai meneehi Cristo miihaico atajibaneguiiha: ¡Moocaanima sajeebii miminifoto! meneehi. ²¹ Jaabo Cristo imitico ajashuno mooniutahi. Jaaruuboco mohalliti Moocaani iimitiiboco mihicanicibadi mooniuhu, diibojaagovi miihai miminifotomoro iticovono ifiima mihicaqui Moocaani imogobadi.

6

¹ Jaaneguiiha miihai Moocaani dudicamaaje nahaboniminaa mihicamaño amiihaico meneehi: Sicamañovi magañisudino Moocaani imihuseque aacinoco. ² Miiro Caatinhaamefaño jilli Moocaani noobo: Jino iimihusesumi ico guubuhi. Jino taajasufucu iicasumi ico amusuhi, nooboro. Jaaneguiiha miihaidi jisumi jino Moocaani imihusefucu, taaajasufucu icano.

³ Jaamaño miiico miihai mihiijevesutahi, miihai dudicamaajediti miihaiñooba imitino iimaatimo iicaqui. ⁴ Jilliro ivi fanoovaví Moocaani jecicivominaa mihicanoco mihifusunoco mihimeguehi: fanoovari idaasuno mihicanoco, fanooti mucuujivaachunoco, fanoovari iminotino mihicaneri icano, siicuno jeebíri fanoovaaco majaabicinofeenedi. ⁵ Miiro miihaico aamihicamo, miihaico civojaanihicamo, miihaiditi

ñaa hicamo, bu sihidí jeevano dudicamaajeneri mihicahicahi, bu cigaraco jaabícimoro mihicahicahi, bu sihidí ajebaco jaabícimoro mihicahicahi icano. ⁶ Jaanoco miihai mihipusuhicahi mohimi icafañodi, miyaanoco magaajanofañodi, bu mosiicujeebíri majaabícicahicahi, mohimihusefañodi, bu mosifáñó Moocaani Gaija iicanoco mihipusunofañodi, bu miihai miya gaijima mihicanoñañodi, ⁷ bu miyaavogoco mijibogonofeendi, bu miihaifañó Moocaani mitya iicanofeenedi icano. Jaamo toono iticovono icaco magaayicinihi, mahamocasiqui niisugaco magaayicinicibadi. Jaamoro tooneri mofico magaihuñimoro mafeehi imitímehejediti, bu mahamocasihi imitínehejema icano. ⁸ Jaamo safo miihaico imino obocigomoco iicanicibadi magaayicihi. Jaanoti safo miihaico aatajagomoco iicanicibadi magaayicihi. Safo miihaiti imino iimaamo. Jaanoti safo miihaiditi imitino iimaamo. Safo miihaico abañififimoco iicabadi moonimo. Jaarunofaño miihai abañififimo mihicatíhi. ⁹ Jaamoco miihaico agaajaratiñoco iicabadi moonimo. Jaarunofaño miihai imino agaajacumo mihicahi. Safo iguijevecuumoco iicanicibadi miihaico moonirumo. Jaarumo ¿milli mihicatíhi? Safo miihaico aamimo. Jaarumo miguijenicafototíhi. ¹⁰ Idasuno mihicarahi. Jaarumo fahijivaro Cristofañodi imo imo mihicahicahi. Siinoti mucuujivaachurumo, ajashutimoco mubusumijenihí niquejeo busumijeri. Jinehejebama machaharumo, fanoova iminonoma mihicahi icano.

¹¹ Monahabomi, corintominaa, aivo amiihaico imino miyaanoco meneehi, paryi mojeebiñaño iicanoco. ¹² Chahacuuno mojeebiñaño amiihaico meneejiruno. Jaanoti naha amiihai jeebiñaño icano miihaico amiihai meneejiruno. ¹³ Jaaneguiha amiihaico neehi. Oono caani iseemeque paryi miyaanoco onoonicibadi, paryi amiihai jeebiñaño iicanoco uco monoo, oono amiihaico uujoohi iicabadi.

Miihai Moocaani Iijati Mihicahi Mojeebiñaño Diibo Iicamaño.

¹⁴ Amiihaico neehi: Imiyaavogotimehejema magataavocasidino. Tollí mihicaruva sabadiro mihicajitirahi. ¿Milli bu iimino iimitinoma gataavejirahi? Jaabadiro bu, ¿milli cuuje fucuma gataavejirahi? ¹⁵ Jaabadiro bu ¿milli Cristo ijima gataavejirahi? Jaamaño ¿milli imiyaavogoobo imiyaavogotiboma gataavejirahi? ¹⁶ Miíro Moocaani jecívoo ijafaño ijinitama sano diibo jecivotatimo. Miíro miihai Moocaani iicaabo iija mihicamo, diiboro jillí unuubadi: Diitofaño iicaaboro diitoma igueji. Uujeheji diito Caani, bu diiteji taacumiminaa icano, nooboro.

¹⁷ Jaadi bu jillí noobo Aivojíbo:

Diito iimitimofeeneti mihiinomoro sihigovi mudugaavo! Jaamoro iídicunoco mududíciuudino! Jaachiji amiihaico gaayiciji. ¹⁸ Jaaboro amiihai caanití icaji. Jaanoti amiihai taseemeti mihicají, noobo Aivojíbo sihidí ejeevaabo.

7

¹ Jaaneguiha agaijimo tañahabomi, jillí Moocaani nuuhi. Jaaneguiha miihaico mofico, mojeebiñaico icano imihinijirunoco moonitímo miicaquí, bu Moocaanicó mihiqumoro diibeguiharo ijeevadí mofico mificuuqui icano.

Corinto Cuumiminaa Iimitono.

² Jaanegui miihaima imino mihica. Miiro miihaiñobaco miihai imitino momoonitihi, bu miihaiñobaco imitino mejeevamaaisutih, bu miihaiñobaco mabañihicatihi icano. ³ Jaaruubo jilli onoobo amiihai imitico onoono icatino. Miiro iticoni amiihaico unuucubadi: Amiihaico uujoho sihidi gaijih. Tacidiiti muduujecinihi sano mihicamoro, bu sano mecheemequi. ⁴ Amiihaico imino eesiciniboro aivo amiihairi imo imo icahi. Jaamaño jino sihidi idaasuno mihicarunofaño aivo imo imo iicaaboro, quehecuno icahi.

⁵ Jino Macedonia jiinjevi magasehininotiro aivo mojaguisibama machahahi. Jilli fahigovavi mofoohigo idaasuno mihicahicahi, saatoho miihaico aaminer, bu mojeebiffañoti mihiaginehejeri icano. ⁶ Jaarunaaca Moocaani iniinovafimoco equehecutusufiibo, miihaico imo imo miniiyuhi Tito agaseneri. ⁷ Jilli agaseneriro icatino, bu diibo Tito amiihaiti imo imo iicaneri icano. Jaabo miihaico jibeguehi amiihai miihaico mahatyimegueneque sihidi mihimogonoco, bu tolliro jibogoobo idaasuno mihicanoti, bu tahalliti mihicagonoti icano. Jaaneri sihidi janaanic aivo imo imo icahi.

⁸ Amiihaijaago agalluhinahaame amiihaico idaasuvusuhinirunaaca jaaruneru uujoho idaasuvotih. Iticoni naha idaasuvehinirahi amiihaico toohaame idaasuno omoonihiinineri. Jaaruno jilli jihachutarehini. ⁹ Jaamaño jisumi imo imo icahi. Jaaruno oono amiihai idaasuno mihicaneri imo imo icatih, jilli toono idaasuno mihicahinineri amiihai imitico mejeevesumaño. Jaanoco amiihai majaabiciuh Moocaani iimogonicibadi. Jaamaño miihai amiihaico imitino momoonino icatino. ¹⁰ Miiro oono miiño imitico mehesafotomoro mihidaasuvonoco Moocaani imeguehi. Jaaneri miiño imitico mejeevesuhi. Jaano jino taajasuco miticonino. Jaaneri mihidaasuvotatihi. Jaanoti naha idaasuvurumo Moocaanico agaayicitimo ifinijitino guivevefaño feeji. ¹¹ Miiro amiihai imitico mehesafotomoro mihidaasuvehinih Moocaani iimogonicibadi. Jaamaño amiihai miyaanocoro mehesamaaiuh. Jaamaño magaajacuuhi iimitiboco. Bu amiihai jaabojaago misifiiratucuuhi. Bu jaamoro amiihai mihigutuuhi. Jaamaño uco mahatyimeneque mihimeguehi. Bu jaamoro tohimitico omooniiboco toonohalliti miiibaumoro Moocaani iijati magañiuhi. Jaamaño miihai magaacuuhi amiihai diibo omoonihiibadi momoonihinitinoco. ¹² Miiro uujoho toohaameque acaatinihinisumi toono imitico eheetavuuboti eesamaaiumaño icatino, bu saafuico imitino omooniiboco eesamaaiumaño icatino. Jilli miihaico sihidi aivo amiihai magaijinoco, Moocaani imfeeneevi magaajasuqui. ¹³ Jaanoco miihai mugubumoro imo imo miminifetehi.

Jaano bu iicanaaca aivo janaanic imo imo mihicahi Tito aivo imo imo iicanoco mahatyimeneri. Miiro amiihai diiboco mahamusuhinih sajeebi iicaqui. ¹⁴ Jaamaño amiihaiti uujoho: Imihuseme, diiboco unuunot nucufetetih. Miiro paryi amiihaico menehicano miyaano. Jaabadiro bu amiihaiti Titoco: Imimo, munuuno miyaanoti icahi. ¹⁵ Jaamaño amiihaico sihidi gaijiboo, paryi amiihaico onoonoco meheetavehicaunoco eesafotooboro, bu diiboco mobocigumoro imihuise magaayiciumaño icano. ¹⁶ Jaamaño amiihaico imino imiyaavogooboro aivo imo imo icahi.

8

Miyaavogominaa Gaijitulo Aacino.

¹ Tañahabomi, mihimeguehi amiihaico mijibogonoco Macedonia jinjeri iicajaje Moocaani ijaminaavi Moocaani imihuse ifusufotonoco. ² Miiro idasuno iicaneri nisucafuturumo aivo imo imo icauhı, bu aivo idasufirumo gaijitulo aciuhi sihidi inihibamima iicamobadi. ³ Jaanoco uujohoh imino gaajahi aivo gaijitulo iicadınoco aacunoco. Jaarunofaño bu aivo janaanicivı aciumo. ⁴ Jaamoro bu imogomoro dillumo monahabomı Cristofeedenı Judeari iicamojaa uujohoh nihibamico asaatyonoco inahaboniqui. ⁵ Jaamo aivo miihai imino mehesicinuno janaanicivı moonıumo. Miiro iinoro Mohaivojibogaagovi minifutuumo. Jaadi mojaagovi minifutuumo, Moocaani imuguubadi. ⁶ Jaaneguiha Titoco sihidi munuuhi toono amiihai mihimihusemaño mahacinoco igaayiciqui, bu toono nihibamico ticonihinicuubo iicinoco tahimega ificuqui. ⁷ Miiro amiihai sihidi janaanic fanoovama mihicahi; sihidi miyaavogoma mihicahi, bu mijibogonoco imino magaajahi, bu sihidi gaajama mihicahi, bu sihidi imogoma mihicahi, bu miihaico magaijinoma mihicahi icano. Jaabadiro bu toono sitaaco magaijimoro mahamusunovi janaanicivı mihicahia.

⁸ Jillı uujohoh onoobo toonohallıvi amiihaico atajibano icatino. Jillı imeguehi amiihai imino momooninoco, toonoti amiihai miyaano sitaaco magaijino igaajacafetequi. ⁹ Miiro amiihairyo magaajacuuhi Mohaivojibobo Jesucristo imihuseeque. Miiro diibo sihidi busumijeevauruubo amiihaico agaijimaño iidaasubotı minifutuhi. Jaamo amiihai diibo iidaasufañodi sihidi mubusumijeevahi.

¹⁰ Jaaneguiha amiihaidi iimi qui toonoti jino eesicinoco neehi: Miiro amiihairyo juufajijo ficabatiro miticovaumo imino momoonihicahi. Jaaruno tıcovono momoonihicautihi. Jillı mihimogomoro momoonihicauhi. ¹¹ Jaaneguihajisumi tollı momooninoco mihimivusu, oono iticoni mihimugumoro momoonıbadıro, amiihaima iicadınoti acimoro. ¹² Miiro saafi sitaaco imogooboro diiboma iicadınoco aacino Moocaanidi aivo imino. Jaaruubo Moocaani miiñoma achahano janaanicivı miiñoco dillutatiiboo.

¹³ Jaamaño uujohoh nootihı: Saatohoco mahacimoro amiihai idasuno miicaqui. ¹⁴ Jillı sabadıro miicaqui neehi. Jisumi amiihaima sihidi icano. Jaaneguiha diitoma achahanoco mahaci. Jaabadiro bu safo amiihai mu-cuujivaachusumi diito amiihaico aciji. Jillı jaamo sabadıro mihicahi. ¹⁵ Oono Caatınıhaame onoobadi iicaqui: Sihidi iiçubedi atyuvuutıno. Jaabadiro bu miiñino iiciuruubedi, cuujivaachutıno, onoobadi.

Tito Inahaboniminaa Iicano.

¹⁶ Aivo uujohoh Moocaanico imehi, diibo Tito jeebijfaño amiihaico agaijiboro amusunoco ificuunohallıvi jino uco iicabadiro. ¹⁷ Jaabo uujohoh diiboco onoonoco imino guubuhi, bu diiboro imeguehi amiihaico aamusunoco. Jaabo iinoro imogooboro feejiboo amiihaico emeecitoobo.

¹⁸ Jaaboma magalluhi saafi monahaboco. Jaabo diibotı fahigova iicajaaje Moocaani ijaminaa imino ihiimaahicaaboco, taajasujibogotı aamusuhicamaño. ¹⁹ Bu tollıro diiboco Moocaani ijaminaa iicimoro galluuhi miihaico iigooboro miihaico ihamusuhicaqui, jino sitaaco magaijino dudicamaajeque meheetavomoco ihamusuhicaqui. Jaanoco jino meheetavehicahi Mohaivojiboco mihimequi, bu amiihai

mihimogomoro momoonihicanoco magaajasuqui icano. ²⁰ Jilliti miihaiditi miihaiñooba jino nihibamico mahallacarunoti imitino iimaatimo iicaqui. ²¹ Miiro miihai mihimeguehi imino momooninoco Mohaivojiibo imefeeneviro imino momoonino icatino. Tolliro bu paryi miyaminaa imefeenevi imino momoonihicahi.

²² Jaamisima bu tolliro monahabomiti saafico magalluhi. Jaabo fanoovaaco momooninoco iimogooboro miihaiico amusuhicahi. Jaabo bu jisumi amihaico imino eesicinicumaño aivo imeguehi amihaico aamusunoco. ²³ Jaanoti saatoho amihaico Titoditi idilluhachijiji diitoco monoo: Pablo gataavominaafirucu diiboma dudicamaaibo amihaico ihamusuqui, noomoro. Jaabadiro bu oono saatoho monahabomisiti idilluhachijiji monoo: Moocaani ijiaminaa agalluumisi, Mohaivojiibo Cristoco iimehicamisi, noomoro. ²⁴ Jaaneguiiha diitoco magaayici amiha gajijima mihicanoco fahigova Moocaani ijafaño iicadimo igajaqui, bu amihaiti miihai imo imo mihicahicano miyaano iicaqui.

9

Moocaani Iijaminaadi Nihibamico Mahallacaruno.

¹ Jaanoti miyaavogofeeded monahabomi Judeari iicamedi nihibamico mahallacarunoti siino amihaidi caatinicujitihi. ² Miiro amiha imihuseque uujoho imino gaajacuhi. Fahijivaro amihaiditi imo imo iicaaboro Macedonia jiinijeminaaco neehicahi: Amiha Acaya jiinijeminaa juufajijo ficabati mehesicinihicauhi monahabomi Judeari iicamoco mahamusuqui. Toonoti saatoho sihidi Macedonia jiinijeminaa agaajamoro imeguehi tolliro diitoco aamusunoco. ³ Jaaneguiiha jito monahabomico amihaijaago galluuhi, amihaiditi toonoti imino eneehicano sicamaño iicajiruneguiiha. Jaamo onoobadi tolli momooniqui mihimibaicinicuuhi. ⁴ Jilli amihaico neehi saatoho Macedonia jiinijeminaa uuma ofoomo amihaico atyimedino mihimibaivotimoco. Jaaneri miihai munucufevejirahi sihidi amihaiditi imino mihiimaahicarumo. ¿Milli bu amiha nucufesuco neejirahi? ⁵ Tooneguiiha jito monahabomico imegavi galluuhi amihaico ibaateequi. Jaamo amiha mahallacaruji, munuunoco ihamusuqui. Jilliti amiha mahallacaruno imitucuno. Tolliti amiha imihuse igaajacafetequi, miha amihaico midilluneguiiha mahacino iicatiqui.

Jaaneguiiha amiha ⁶ olli onoonoco mehesafoto: Miidino abasuubo, bu miidino iciji. Jaanoti bu guiraano abasuubo guiraano iciji. ⁷ Jaaneguiiha famooro mahaci amiha jeebij onoodino, gajimoro icatino, bu sita idilluneguiiha icatino. Miiro Moocaani gajiji gajitiibo imo imo aacifiiboco. ⁸ Miiro Moocaani amihaico fanoovaaco sihidi acijirahi. Jaamo jinehejebati cuujivaachutimo mihicahi. Jaamoco bu janaanicivi acijiib, tooneri iminoono dudicamaaje eheetavomoco mahaci. ⁹ Miiro Caatinichaame jilli neehi:

Jaabo imihuseebe gajitiibo iidaasumoco acifihi. Jaani iimihuse ufucuro finijitihi, noonoro.

¹⁰ Jaabo Moocaani fanoova toogainoco mabasuqui aacifiib, bu amihaico machutaaco aciji. Jaaboro bu amihaico aciji paryi diib, dudicamaajeque meheetavejinoco. Jaaboro bu toonoco ujusiuuboro guiraatusujiib, ajashutino iiminoono dudicamaajeneti. ¹¹ Jaamo tolliti amiha fanoova imima mihicaji. Jaamo gajitimo

mahacihicahi. Jaano toono nihibamico mahallacarunoco mofeedeni magalluunohallivi monahabomi Moocaanico imeji. ¹² Jaano toono nihibamico monahabomico mahacino ucuujivaachuneguiharo mahacino icatino, bu tolliro toonohallivi Moocaanico sihid iimequi icano. ¹³ Miiro diito Moocaanico imeji. Jaamoro toonofeeden gaajajimo, amiihai Cristo jibogo onoobadi momoonihicanoco. Jaanohallivi bu Moocaanico bociguejimo amiihai gaijimmo diitedi, fameeguiharo icano mahacinohallivi. ¹⁴ Jaamoro amiihaico sihid agaijimoro amiihaihallivi Moocaanima iimaajimo amiihaifeenedi Moocaani iimihuseque ifusumaño. ¹⁵ Jaaneguiha Moocaanico mihimo Illi sihid ejeevaaboco miihaico aacinohallivi.

10

Pablo Idudicamaajehalliti Iimaahi.

¹ Uujoho Pablo amiihaico dilluhi Cristo siiucujeebiiri, imihuseri icano. Miiro uco neehicamo, amiihaima iicasumivaha, uujoho siiuno iimaahicahi. Jaanotivaha sihigo iicasumi mityaabobadi amiihaima iimaahicahi icano. ² Jii, jaaneguiha amiihaico neehi: Uujoho amiihaico emeecitodi, uco misifiratusudino, oono amiihaiti saatoho miihaico: Jilli ticovo jiinije miyaminaa iicahicabadiro moonihicamo, eneehicamohallivi. Miiro diitoma iibacasijinoco imibaicinicuuhi. ³ Jii, miyaanoco, noomo miihai miyaminaa mihicanoco. Jaarumo miihai jilli ticovo jiinijeminaa aamocasinicibadi mahamocasitihi. ⁴ Miiro miihai jiinijeminaa iibacasinineri, abañineri, bu fanoovari omoonicasinicibadi momoonicasitihi. Jilli Moocaani mityariro miyaminaa sefa eesamaaiñehejeque mifinisuhu. ⁵ Jaabadi mifinisuhu miihaiditi iminootino eneehicanehejeque, bu comityanehejehacho icano Moocaanico agaajasujitirunehejeque icano. Jaamoro paryi miyaminaa esamaajeque Cristoguiinovi mifinuhi, diiboco imityaguequi. ⁶ Jaamo amiihai imino muguubucuudi, saatoho uguubutinehejeque miihai mahaamiji.

⁷ Miiro amiihai allionocoro magaajahi. Jaanoti saatoho Cristotahe icanoco imino agaajamo, bu igaajaqui tobadiro miihai Cristota mihicanoco. ⁸ Jaabo uujoho Cristo miihaico aacino mityama miicanoti sihid ihiimaaruubo, uujoho toonoti nucufevetihu. Miiro Mo-haivojiboo miihaico jino mityaco aciuhi amiihai miyaavogoco mujisusuqui, jilli mifinisuqui icatino. ⁹ Jaanegui uujoho amiihaico aamene-fañodi jilli iigetusuuno, noomoro saatoho eesamaaiñoco imogotahi. ¹⁰ Miiro neehicamo: Tahaamenefañodivaha sefano, mityano iimaahicahi. Jaanoti amiihaimavaha iicasumi niinovano icahicahi, siiuno iimaahicahi icano, noomoro. ¹¹ Jaamo tolli meneehicamo magaaja, miihai sihigoti aameneque magalluhaamejefaño mihiimaahicabadiro, bu amiihafeenevi mihicadi momoonijinoco.

¹² Miiro miihai mofico momoonitihi, oono saatoho ifiiditiro imino ihiimaahicamo ticovovi mihifetequi icatino, bu diitobadi mejeevaqui icatino icano. Diito jilli miihifomo icamo, ifiviro ifico ohoovicimaño, bu saminaaro fahigova ohoovicicasimaño icano. ¹³ Jaanoti naha miihai mofico mitya momoonitihi miihaiño iicatineri. Jaanoti naha idiboro Moocaani miihaico onoodinoro meheetavehi. Jaabo bu onoobadi amiihajaago mihifetehi Corintovi. ¹⁴ Jaamaño miihaico Moocaani atajibano janaanicivi mafatyotahi. Jaanoti naha amiihaivi

mihifututiruva naha, Moocaani unuuno janaaniciví mafatyejirahi miiro miihai iticoni amiihaijaago Cristo jii**bogoco** masatyuuhi.¹⁵ Jaamaño miihai sita dudicamaajeriro quehe quehe mihicatih. Ivi jilliro mihimeguehi amiihai miyaavogo iguiraatonoco. Bu tolliro mihimeguehi amiihaifeenevi janaanicí mududicamaaiñoco. Jaarumo Moocaani miihaico uhuuvuunoco mafatyejitih. ¹⁶ Jaadí bu janaaniciví mafatyeki amiihai janaanicí iicamojaago, diitoco taajasujibogoco mijiibeguequequi icano. Jaamaño uujoho sita dudicamaajeriro quehe quehe icatih.

¹⁷ Jaanoti cajaatyohacho ifico quehe quehe omoonihachiji, Aivojiboditiro quehe quehe iicaqui. ¹⁸ Miiro ificoro: Uujoho aivo imino icahi, onoobo diibo iimiibo icatino. Jaanoti naha idiboro Aivojiboo diiboco: Imino icaabo, onoobo naha iimiibo.

11

*Pablo Jihovo Minisuminaaditi Iji**bogono**.*

¹ Jaanovaha uco majaabicijirahi sicamañoti mihiimaabadi ihimaaaboco. Jilli tolli icarunofaño uco majaabici. ² Miiro amiihaico uujoho cigueguehi Moocaaniti asaano cigueegueri. Miiro amiihaico uujoho Cristodi ficucuuh. Jaamaño diiboco amiihaico aciguehi, oono bagocaja imino iicago saaficoro atajevago iicanicibadi. Jaamo mihicahi. ³ Jaarunofaño oono jiinimo ibañifirari Evaco abañiubadi, bu amiihaico mabañicafetejirunoco iguihi. Jaaneri imino miyanotiro Cristoco mejeehivehicanoco mejeevesujirahi. ⁴ Miiro sita asaamoro miihai mijibogoyomoobo iicatiibo siyomo Jesuti ijibogonoco mugubunicihichi. Jaamoro bu magaayichinicuubo iicanaaca siyomo gajaco imo imo magaayichichi. Bu tolliro magaayichinicuubogo iicanaaca, bu siyomo jibogoco imo imo magaayichichi. ⁵ Bu oono diito ificoro: Sihidi mejeevano minisuminaa, eneehicamo onoonoco: Jii, meneehicahi. Jaarunaa uujoho diitoguiinovi icatih. ⁶ Tahimaaajaagotí naha siicuno iimaarahi. Jaaruubo takesamaajejaagotí sihidi gaajahi. Miiro jaanoco amiihaico magaajasuhicahi fahijivaró fanoovaaco momoonihicanofeedi.

⁷ ¿Nacu fine imitino mooniuhi, oono taajasujibogoco amiihaico ijibuguusumi jaadusutiboo iicaumaño, bu amiihaico bocigusuqui tafico guinoví ificuumáno icano? ⁸ Miiro fahigova iicajahaje Moocaani iijaminaa nihibamico tajaa agallunoco mudumitiicinicibadi gaayichicauhi, toono sefatí amiihaico amusuqui. ⁹ Jaabo amiihaima iicausumi siinoti cuujivaachuuruubo miihaiñoobaco dilluutih. Miiro monahabomi Macedonia jiinjeti agaseumo uco aciuhí ucuuivivaachuunoco. Tollí iicauboro idilluutibadiro, bu icaji. ¹⁰ Miiro Cristo miyanoco imino agaajano tajeebiñaño iicabadiro, bu toono idilluutineri imo imo iicanoco miihaiñooba paryicino Acaya jiinjeri iicamo dumitiicijitih. ¹¹ ¿Jaanoco milliti fine jilli uujoho neehi? ¿Nacu fine amiihaico agaijítimaño? Chaa, tolli icatino. Miiro uujoho amiihaico guiraano agajinoco, Moocaani gaajahi

¹² Jaabo jino uujoho iicahicabadi moonihicaj. Jaaneri: Diitobadi mududicamaaihi, eneehicarumo abañino gaajacafeteji. ¹³ Miiro jaamo diito jilli jihovo minisuminaa, jilli bañisuminaa iicamo, Cristo minisuminaabadi minifetehicahi. ¹⁴ Jaano jilli agaajaratino icatino. Miiro iji Satanas Moocaani toomominaafibadi iminifotooboro saajirahi.

15 Jaabadiro bu tihitino diiboco ejecivomo iminoco omoonimobadi minifetejirahi. Jaamo oono omoonino jaadaco iicineri finiji.

Pablo Moocaani Minisuminaafi Idaasuno Iicano.

16 Jaaneguiha siino amiihaico neehi: Miinhaiñooba uco jilli jeevagoobo needino. Jaanoti tolli uco mehesicinihachiji, mugubunicihica amiihaima iimaanoco, toonofañodi uujoho mitya mitya iicanoco magajaqui. 17 Jaaruno uco Aivojiibo atajiibaneguiha tolli nootihu. Jilli ejeegavoobobadi neehi mitya mitya iicanoco. 18 Miiro sihidi saatoho mitya mitya icahicahi jijeo nehejeditiro. Jaabadiro bu uujoho tooneri mitya mitya icajirahi. 19 Miiro amiihai: Sihidi magaajahi, munuurumo. Jaarunaa paryi ejeegavomoco imino mugubunicifihi. 20 Miiro amiihai imino mugubunicifihi, oono: Miinhaiico mejecivo, noomoro amiihaico atajibahicamoco, bu amiihaico ananihicamoco, bu amiihaico iguinonihicamoco, bu amiihaico jihovotobadi omoonihicamoco, oono bu amiihai imefaño amiihaico agabacuhicamoco icano. 21 Jaanoti naha miinhai tolli momooniutihu mesefautimaño. Jaano nucufesurunoco jino neehi.

Jaanoti saatoho nucufeguetimo ihiimaabadiro bu uujoho iimaahi; jino jilli ejeegavoobo iicanicibadi. 22 ¿Nacu jaamo hebreomi diito? Jaabadiro bu uujoho hebreomioobo. ¿Nacu Israel jiiniyeoto diito? Jaabadiro bu uujoho? ¿Nacu bu Abraham iyaachimihai diito? Jaabadiro bu uujoho icahi. 23 ¿Nacu diito Cristo jecivominaa? Miiro diito janaanicivi uujoho icahi. Jino ihiimaano ejeegavoobo onoonicibadi neehi. Miiro diito janaanicivi uujoho dudicamaaihi, bu diito janaanicivi uujoho gaicicafetehi, bu diito janaanicivi uujoho civojanicafetehi, bu fiiva foova uujoho guijeveti fatyehicahi, 24 bu sahusefoova uco judiomiaamihuhi treinta y nuevedifoova gaicihicaumo. 25 Bu mifooci, safo icano aamicafutuhi imeiri. Jaanoti safooro uco guisibaneli aamiúmo. Bu tolliro mifooci, safo icano ufuuboma ciijigaimenenene fiamacamaaihi. Jaabo safoono imuuaifaño icaushi fucu, cuuje icano fatyuuhinifaihufaño. 26 Bu ajashutino igooboro feehicahi teehino ñihicunofañodi, bu tolliro nanivaminaa ñihicumehejefañodi, bu tolliro taajiinijeminaa, bu sijijinijeminaa icamo ñihicumehejefañodi feehicahi. Bu tolliro cumino ñihicunehejefañodi feehicahi. Tolliro buhigueeje muuaiño icano ñihicumehejefañodi feehicahi. Bu tolliro miya gataavominaa iicatimo, ñihicumehejefañodi feehicahi. 27 Tolliro bu sihidi dudicamaiboro feehicahi, bu fanoova uco iidaasuvusunofañodi feehicahi. Fiiva foova cigaraco jaabiciiboro feehicahi. Ajebanoco, adufiraco icano jaabiciiboro feehicahi. Guiraaflova machutiibo icaushi. Bu siicuraco jaabiciihicauhi, gaachehubama chahahicauhi icano.

28 Jaana janaanicivi bu iicarunehejeque nootihu. Miiro fafucuvaacivi paryi Moocaani ijaminaati eesamaaiñeri tajeebiñi niji niji icahicahi. 29 Miiro saatoho iniinovasumi, uujoho bu niinovano icahicahi. Bu saatohoco sita imitnofaño agañsusumi, uujoho sifirari idaasuno icahicahi. 30 Jaanocoro toneheje tañiinovaco iifusunocoro uujoho iimaajirahi. 31 Miiro Moocaani Mohaivojiibo Jesucristo Caanico fahijivaro iimono ufucuro finitino icaji. Jaabo gaajahi uujoho jino miyaanoco onoonoco. 32 Miiro Damasca cuumiri iicausumi, tuucumi aivojiiboti, imiya aivojiiboo Aretas onoobo ificuubo itoomominaaco tuucuumi guhuganovi ficuuhi, uco agaayicimoro civojafaño isatyequi.

³³ Jaarunaaca uco jiiibaifaño ijihacuumoro tuucuumi mecuhallidi jahisivi niitusumo. Jaamaño jilliti taajauhi diibo useti.

12

Gaijanoco Pablo Aatyimeuno.

¹ Miinoditiro imino mihiimaano jilli mihifono. Jaarunofaño iimaaji Aivojiboo uco gaijaco ifusuhicanoco, bu agaajasuhicanoco icano. ² Miiruuujoho gaajahi saafico Cristoco imiyaavogooboco. Jaabo satyocafutuhi niquejefaño, aivo janaanici iicajefaño, siicije toonoti fahuseeci siino mificabaci, mificabaci idiiino ficabanoco mafatyucuuhi. Jaanoco gaajatihi fine ifiima baacho fuubo, igaijaro baacho fuuhi. Jaanoco iidiboro Moocaani gaajahi. ³ Jaarunoco uuujoho gaajahi diibo ufufunoco; ifiima baacho, igaijaro baacho idiboro Moocaani toonoco gaajahi. ⁴ Miiru Moocaani iicahigo niquejefaño satyocafutuubo. Jahigo guubuubo agaajaratino iimaaco aivo miihaiñooba ijibeguejitirunoco. ⁵ Jaabediti uuujoho: Aivo mityaaboo, neejirahi. Jaanotia tafiditiro: Aivo mityahi, nootihu; idinoro naha tañinovati iimaajirahi. ⁶ Jaanoti naha tafiditiro imino jiboguruva, bu sicamaño icajitiruno, miyaanehejequere ijibogomaño. Jaaneguiiha tafiditiro imino jibogotihu, saatoho uuditijaanaanici eesamaajiruneguiiha. Jilli uco aatyimenetiro, bu tahiimaaco uguubunotiro icano igaajaqui.

⁷ Jaano toono Moocaani uco ifusuno, aivo uudi sihidi ejeevauno. Jaaneri uuujoho sihidi tafico mitya mitya omoonijiruneguiiha tafifaaño aivoco Moocaani ficuuhi. Jaano taahucufaño icahi januutu macafatyicinibadi. Jaanoco ijiro juvivehi, tooneri uco idaasuno imooniqui. ⁸ Jaano toonohallivi mifooci, safo idiiino Aivojiboco dillucuurahi toono aivoco uuti ibuusuqui. ⁹ Jaarunofaño Aivojiboo uco neehi: Ico agajinofañodi fanoovari diica. Miiru ifi iniinovamofañodi tamitya aivo janaanici ifusucafetehi, nooboro. Jaamaño jino iniinovaneri imo imo icahi tafifeenedi Cristo mitya ihifusucafetequi. ¹⁰ Jaamaño tañinovaneri imo imo icahi, bu tolliro uco imitino onoonehejeri, bu fanoovati ucuujivaachunehejeri, bu uco ijiheguenehejeri icano. Miiru uuujoho niinovaabobadi iicasumi aivo janaanici Cristo sefama icahi.

Pablo Corintominaaco Agaijiboro Esamaaihi.

¹¹ Amiihai uuditii imino mihiimaaujirahi. Jaaruno iicanaaca uuro tafiditiro ihiimaamaño jeegavominaafibadirucu. Miiru uuujoho sihidi jeevatiruubo, oono amiihai: Sihidi ejeevano minisuminaa, noomoro diito dojicuti mefeehicamo guinovi icatihu. ¹² Miiru oono amiihaifeenevi sihidi fanoovaaco jaabiciboro ududicamaaihicauno imino gaajacafutuhi ifusuner, aatyimeratatinhejeri, ajabafiranehejeri icano. Jaanotia magaajahii uuujoho miya minisuminaafi iicanoco. ¹³ Miiru sijahaje Moocaani iijanominaaguiinovi amiihaico moonitirahi idinoro naha tafiguiiha nihibamico amiihaico dilluutihu. Jaaneri fine amiihaico imitino omooniunoco mihimibachucasiqui sajeebii miicaqui.

¹⁴ Miiru amiihaico mifooci baajecuuhi. Jaabo siino bu amiihaico baatequi imibaivucuuhi. Jaabo amiihaico uuujoho jinejebaco dillujitihu. Miiru amiihai nehejeguiiha feejitihi, jilli amiihaiguiiharo feeji. Miiru caanimi

iseemeguiha nihibamico allacarufihi, iseeme caanimiguiha allacarutatihi. ¹⁵ Jaabadi uujoho paryi tañehejeque amiihaihallivi gañijirahi imo imo. Jaabadiro bu tafico uujoho finisujirahi amiihai jeebiinohallivi. Miiro uujoho amiihaico sihid i agajitonaaca, amiihai uco guinoviro miidino magaijahi.

¹⁶ Miiro amiihaiti saatoho, uujoho amiihaico jinejebaco idilluutinoco, imino gaajarumo neehicahi: Amiihaico abañiuborovaha tacuraihufaño gañisuuh, noomoro. ¹⁷ ¿Nacu amiihaico bañiuhi amiihajaago oono saatohoco agalluumofeedi? ¹⁸ Miiro Titoco uujoho tajibauhi amiihaico ibaatequi. Jaaboma bu saafi monahaboco galluuhi. ¿Nacu Tito amiihaico bañiuhi? Miiro misi sabadiro mihicafhi, bu sagajafeenediro.

¹⁹ Fine amiihai mehesicinhi; jilli mofeenevi ifiguuiharo icamisi, noomoro. Jaaruno tolli icatino. Miiro misi Cristotaotisi Moocaani imefeenevi mihiimaahi. Jaamo paryi agajino nahabomi, amiihai miyaavogoco amusuqui. ²⁰ Miiro uujoho ñihicuguehi amiihaico emeecitodi, uujoho iimogobadi mihicatimoco aatyimeneque, jaabadiro bu amiihai mihimogobadi iicaaboco mahatyimejitinoco icano. Bu tolliro ñihicuguehi amiihaifeenevi iibacasino iicanoco, bu sitaaco inohallitiro mijiiheveneheje, bu icajisuhaño, bu gaijiraneheje, bu sicamaño jiibogoneheje, bu dejecuneheje, bu mitya mitya icaneheje, bu igaivusumi imino momoonitineheje icano iicanoco. ²¹ Bu tolliro ñihicuguehi jino siino amiihaico abaatoobo, Moocaani amiihai imitico aatyimeneri unucufeveneque. Bu jaabadiro ajashutimo saatoho amiihaiti siicijetiro imitico omoonihicamo; toono iimitico jeevesutimo iicahicamoditi, bu oono ajevanehejeque, bu fanoova iimitino imogonehejeque icano omoonihicamoditi uujoho aivo idaasuveji.

13

Afagoono, Niino Iimaa Icano.

¹ Miiro amiihaico mifooci baajecuuhi. Jaabo siino bu jino amiihaico baateji. Jaamo saatoho imitico omoonimohallivi mijibogodi miimisiici, saafi idimo diibohallivi mijibogohachiji miyaavegueji. ² Jaamo siicijetiro imitico omoonihicaumoco faguucuuhi siino eeguejeusumi. Bu paryi famoocoro jino siino tehesinoti neehi: Jino siino amiihaico abaatodi amiihaico idaasugucujitih. ³ Jaadi jari magaajajji, Cristo tafeenedi ihimaanoco, magaajaguehicanoco. Jaabo Cristo amiihaico omoonidi niinovajitibo miiro amiihaifeenevi isefaco gaajasujilbo. ⁴ Miiro miyaano iniinovaaboco iicanicibadi teteccumo. Jaaruubo oono icaiki Moocaani mityari. Jaabadiro bu miihai diibo niinovajaagodi mihicahi. Jaarumo diibofañodi mihicacumaño Moocaani mityari mihicaji, toonofeedi amiihaico mahamusuqui.

⁵ Jaaneguiha amiihairyo amiihai ifico magaajaci. ¿Naa imino miyaavogofaño mihicanoco? Amiihai ifico imino minisu. Miiro amiihairyo magaajahi Jesucristo amiihaifaño iicanoco, miya miyaavogominaa mihicahachiji. ⁶ Jaabadiro bu uujoho imeguehi amiihai magaajanoco, miihai miya miyaavogominaa mihicanoco. ⁷ Jaamo miihai amiihaihallivi Moocaanima mihiimaahicahi, imitico amiihai moonitimo miicaqui. Jaaruno miihai imino mihicanoco magaajasuqui icatino, jilli amiihai iminocoro momooniquiguiha, jilli miihaiditi imitino mehesicinirunaaca. ⁸ Miiro miihai miyanoditi imitino momoonitatihu,

miyajii**bogoguiiharo momoonihicahi.** ⁹ Jaamaño miihai niinovano mihicarunaaca amiishai sefano iicamaño miihai imo imo mihicahicahi. Jaamo miihai Moocaanima amiishaihallivi iimaamoro mihicahi, aivo amiishai imitibama ufucu chahamo miicaqui. ¹⁰ Jaaneguiha jihaameque amiishaidi caatinihu amiishaico abaatejino imegaviro. Jaabo amiishaijaago ufuusumi sefano amiishaico moonitiibo icaqui, jino tamitya Aivojiibo uco aacihinino mytaryi. Tooneri amiishaico jusisuqui aacihinino, jilli amiishaico finisuqui icatino.

¹¹ Jaaneguiha tañahabomi, tahigo imino mihica, bu amiishai jeebiifaño iimitinobama chahamo mihicajinocoro miguiino, bu amiishaico afajiiinoco magaayici, bu sabadiro imo imo mihicamoro sajeebii milhica icano. Jaafa Moocaani gaijico, sajeebii icaco icano aaciibo amiishaima icahi. ¹² Fahigovavi midilluucasi ihiibicasimoro. ¹³ Jimañeri iicamo miyaavogofafiodi monahabomi paryi ijico amiishaijaago galluuhi.

¹⁴ Mohaivojiibo Jesucristo imino omooninoco magaayici, bu Moocaani gaijico, bu Igaija amiishaima iicajinoco icano.

GALATAS

Galacia Jiinijeri Iicamedí Pablo Acaatiniuhaame.

¹ Uujoho Pablo minisuminaafi, miyaminaa uco iicimoro agalluubo icatino. Jesucristoro uco agalluubo, bu diiboco guijevefeenetü ubuheete-suubo Moocaani uco agalluubo. ² Jaamo miihai, uujoho, bu paryi monahabomi icamo jihaameque macaatinihü Galacia jiinijeri iicajano Moocaani iijanominaadi. ³ Jaamo amiihai Moocaani, bu Mohaivojiibö Jesucristo icamisi aacino sajeebii imino omooniño icanoma mihica. ⁴ Jaabo ifico mohallivi aaciuboro guijeveuhü mohimitihallivi, miihaico itaajasuqui jihimitü jiinijeti; Dios Moocaani jeebii onoobadi. ⁵ Jaabo Moocaanico mihimo fahijivaro. Fine.

Chahabogo Sibogo Taajasujibogo.

⁶ Uco aivo sihidü meheetyesuhi gueenene icatimoro Moocaanico mejeevesuneri Cristo miihaico agaijinofeedü amiihaico ucu-uhuvahiniiboco. Jaamoro siibadi iicano jii**bogocoro** magaayicihi.

⁷ Sibogo chahahi miya taajasujibogo. Jillü iifurumo sita amiihaico casivusuhi. Jaamoro imogomo Cristo taajasujibogoco sibogotü ubuunananinoco. ⁸ Jaanoti amiihaico taajasujibogoco mahacihirinobuunati uujoho, bu niqejefañoti asaabö Moocaani toomominaafi iicaruubo, bu saatoho sita iicaruva icano siibadi iicabogoco mijibogohachiji, miihai Moocaani afajianoguiino mihicajirahi. ⁹ Jaanoco uujoho fone nuucuhi. Jaarunoco bu jino siino neehi: Amiihai taajasubogoco magaayicihinicubogohallivi sita amiihaico sibogoco ijibogohachiji diito Moocaani faijaguiino icahi.

¹⁰ ¿Nacu jillü onoonotü miyaminaa uco cahacisuhi? Cha, tolli icatino Moocaani uco acahacisunoco imeguehi. Uujoho jaanoti imogotihü uco miyaminaa acahacisujirunoco omooniñoco. Jaanoti miyaminaaco cahacisuva, uujoho Cristo jeeчивominaafi icajitirahi.

*Jillü Pablo Minisuminaafiti Minifutuuhi.
(Hch 8.1-3)*

¹¹ Jaanegui magaaja jinooco tañahabomi: Uujoho taajasujibogoco ijibogono miyaminaafi esamaajere icatino. ¹² Toonoco uujoho cajaani miyaminaafiti gaayicihinitihi. Miihaiñooba uco jiibeguehinitihi. Jesucristoro uco jinooco gaajasuhiniihi.

¹³ Amiihairyo magaajacuuhi iticoni judiomü ijico omooniñicausumi imino omooniñicaunoco. Amiihairyo magaajacuuhi uujoho Moocaani iijanominaaco finisuqui idaasuno omooniñicaunoco. ¹⁴ Jaabo uujoho judiomü ijico aivo tayoto tatyicovoviro ificabano iicaurumo janaanicivi imino mooniuhi. Uujoho aivo imino mooniñicauhü moheedetemihai ijico. ¹⁵ Jaaruuboco uco Moocaani sahijitiro icihu fiivutibocoro, sihidü agaijimaño uco iciubo. ¹⁶ Tollü iimuguuboro uco Illico gaajasuubo, uujoho diibo taajasujibogoco jiibeguequi judiomü iicatimofeenevi. Jaabo jillü iicausumi miihaiñoobajaago fuutihi toonoti uco ijibeguequi. ¹⁷ Bu Jerusalevü fuutihi iticoni tahimegavü minisuminaati iicacuumoco toonoti idillutoobo. Jilliro gueenene icatiboro fuuhi Arabia jiinijevi. Jahigoti uhumiubo gaseuhü Damasca cuumivü.

¹⁸ Jaabo mifocabaci, saficaba icanobuunati jari Jerusalevi fuuhi. Jahigo jari Pedroco gaajauhi. Jaaboma fahuseeci satihai idino fucuvaro icauhi.

¹⁹ Jaaruubo bu saatohoba minisuminaaco atyimeutahi idibocoro Ja-coobo Aivojibo Jesu nahaboco atyimeuhi. ²⁰ Moocaani imefeenevi miyanotiro jino neehi acaatinibo.

²¹ Jaanobuunati fuuhi Siria, Cilicia icano jiinjevi. ²² Jaaboco uco monahabomi Cristota Judea jiinjeri iicamo imino atyimeutahi. ²³ Jilliro uguubuumoro uuditii neehicauhi: Iticoni miihaico toonohalliti idasuno omoonihicaubo, jisumi taajasujibogoco jibogooboro feehicahi toonoco iticoni ifinisuqui omoonihicaurunoco, noomoro. ²⁴ Jilli noomoro uuditii Moocaanico imehicaumo.

2

Saatoho Minisuminaa Pabloco Gaayichi.

(Hch 11.1-30)

¹ Jaanobuunati fahuseeci motihaiti igueenemeheje idino ficabavabuunati siino fuuhi Jerusalevi, Bernabe onooboma. Jaabo uujoho satyuhu tahigo Tito onooboco. ² Tahii fuuhi, Moocaani uco tahii difo unuuneguiha. Jahi Jerusalevi Moocaani ijiaminaa imiyaamoma ijeevadi mihigaivuuhii diitoco imino jibuguuhii taajasujibogoti judiomii iicatimofeenevi jibeguehicaaboti. Jilli mooniuhii ududicamaaihicauno jihovonobadi iicajiruneguiha. ³ Jahigo uuma ufuubo Tito judiomioobo icautiruboco iimeeheque miihai miquiticisuutahi. ⁴ Jaarunaa miya nahabomi icautimo mofañodi toovono ijcafutuomo imuguuhii diibo meeheque iquiticiunoco. Jaamo diito mofeenevi jicafutuhi gaajaminaati ufumo, Cristo Jesuma mihicacuunofeedi judiomico atajibahicanoti mataajacuunoco agajatuumo. Jaamoro miihaico siino Moise tajiba jijovototi imoonisuqui ufumo. ⁵ Jaarumoma sihidii mejenaaucasiuhi. Amiihai taajasujibogoco miyanoco magaayicicuunoco jeevesutimo toonofañoro miicaqui.

⁶ Jaarumo diito imiyaamo iicaurumo uco bohobogobadi iicanoco ajashuno jibuguutahi. Jaaruno diito tolli iicano uco milli moonihi, Moocaani miyaminaaco udugaacutimaño. ⁷ Jaamo uco bohonobati jibogotimoro jilliro gaajaciumo uco Moocaani judiomii iicatimajaago taajasujibogoco satyequi aaciuboro atajibaunoco, Pedroco diiboro tobogocoro judiomijaago isatyequi aciubo. ⁸ Miñro diiboro Moocaani Pedroco minisuminaafiti judiomifeenevi agalluubo, uco minisuminaafiti galluhi judiomii iicatimofeenevi.

⁹ Jaamaño Jacoobo, Pedro, Jua iicamoco aivo imiyaamo eneehicaumo gaajaciuhii Moocaani uco toono dudicamaajeque aaciunoco. Jaamoro misico ihuseneque aciumo uco, Bernabeque icano. Jilli mooniumo magajicasimoro manaharovacasajinoco. Jaamoro bu imuguumo misi judiomii iicatimofeene mududicamaaituujinoco. Jaanoti diito judiomiguiha toonoviyo fitafutuhi diitofeenevi idudicamaaiqui. ¹⁰ Jaamo misico idinocoro tajibauhi iidaasumoco mehesafetehicajinoco. Jaanoco uujoho jabajeevetiibo imino moonihicahi.

Pablo Iibahi Pedroco Antioquia Cuumivi.

(Hch 11.1, 2)

¹¹ Jaanobuunati Pedro Antioquia cuumivi ufuuboco ihimefeenevi uuoho iibauhi, imitino omooniunohalliti. ¹² Iticoni machuhicaubo sano judiom*i* iicatimehejema. Jaanaa Jacobojaagodi iicaumo saatoho judiom*i* agasecuudi diito judiom*i* iicaumot*i* udugaavuuboro siino diitoma machucuut*i*bo, diito ibai meehe quit*i*c*i* taj*i*baminaa iicaumaño diitoco iiguiuboro. ¹³ Jaabadiro bu saatoho judiom*i* Cristoco imiyaavugucuurumo Pedro abañisubo omoonihicabadiro minifutu-umo, bu Bernabe icauruubo diitobadiro minifutuhi. ¹⁴ Jaamo diito miyaano taajasuj*i*bogo onoobadi icat*i*mo iicaunoco aatyimeuboro Pedroco famoohimefeenevi nuuhi: *H*ijojo judiom*i*oobo diicaruubo judiom*i* iicanicibadi icat*i*bor*i*, judiom*i* iicat*i*mo iicabadi diicahicahi. Bu, *¿*milli jaabo toono judiom*i* iicat*i*moco judiom*i*bad*i* iicaqui taj*i*bahicahi? nooboro nuuhi.

Judiomi, Saatohobadiro Miyaavogofeenedi Taajahi.

¹⁵ Miihai naha mifiivuunotiro judiom*i*. Jaamo miihai sijijiijeoto imitmina*i* iicabadi mihicatihi. ¹⁶ Jaarunofaño magaajahi, Moise taj*i*baco omoonirumoco miihaiñoobaco Moocaani agaayicijitinoco. Jaanoti idiiotiro miihaico gaayicijilbo Jesucristoco mimiyaavogonefeneedi. Jaamaño bu miihai Jesucristoco mimiyaavuguuhi miihaico toonofeenedi Moocaani igaayiciqui. Jaamo miihai taj*i*baco momooninoti magaayicicafototih*i*. Jaamaño miihaiñoobaco Moocaani gaayicijitih*i* taj*i*ba onoonoco omooniomoco.

¹⁷ Jaanoti Cristofeededi miihaico Moocaani agaayicinoco momooninaaca saatoho miihaico neehicahi: Imitimo, Moise taj*i*ba onoobadi moonitimo, noomoro. *¿*Nacu fine Cristo miihaico imitminaati eetavehi? *I*cha, tolli icatino! ¹⁸ Jaanoti naha ifinisucuuno taj*i*baco, bu siino dojicuviro eetavuruva uuoho imitminaafiti icajirahi. ¹⁹ Miiru uuoho taj*i*bat*i* iguijevecuubobadi icacuuhi; toonoro taj*i*ba uco gaajasuuhi toonofeenedi taajati*i*bo iguijevejinoco. Jaaneguiha jisumi uuoho Moocaani imogobadi moonihicahi diibeguiharo iicacumaño. ²⁰ Jaabo Cristo imohohalliv*i* iguijevehinisumi uuma sano guijkevhinicuubo. Jaaneguiha uuoho iguijevecunobadi. Jaamaño uuoho diibo icacutihi, Cristorucu jino tafifaño iicano. Jino uuoho iicano ifima icahi, Moocaani Achico imiyaavogonofeenedi. Diibo uco agajijuboro tahalliv*i* ifico aciubo guijkevefaño. ²¹ Jaamaño Moocaani imihuseque uuoho tihisutahi. Jaanoti taj*i*ba onoonoco momooninoti miinoco Moocaani igaayiciruva, Cristo iguijeveuno jaaduveechujitirahi.

3

*¿Taj*i*ba Nacu Imihi? ¿Nacu Miyaavogo Imihi?*
(Rm 4.1-25)

¹ *Ay!* Aivo jihovoto ami*i*hai Galata cuumioto. *¿*Miijoho ami*i*haico bañihi miyabogo taajasuj*i*bogoco miyaavogotimo miicaqui? Miiru ami*i*haico mij*i*bogomoro imino ami*i*haico mihibusucuhi diiboro Jesucristo etetecucini**iboco** foovono magaajaqui. ² Eneecata jinoti uco mij*i*bogo: *¿*Milliti ami*i*hai Moocaani Gaijaco magaayicihin*i*hi? *¿*Nacu Moise taj*i*ba onoonoco momoonihicaunoti? *¿*Nacu muguubuhin*i*noco miihyaaveguehini*i*not*i*? ³ Milliti jaamo ami*i*hai jihovotobadi mejeevahi. *¿*Nacu Moocaani Gaija sefari miticonihin*i*noco, jilli mosefariro mihibutusaji, noomoro mehesicin*i*hi? ⁴ Sicamañobadiro

mafatyusudino toonohalliti idaasuno mihicanoco. Tollí fine icajitino. ⁵ ¿Nacu milliti amiihaico Moocaani Igajaco aaciiboro amiihaifeenevi aatyimeratinehejeque moonihicahi? Tajiiba onoonoco momoonihicamaño icatino, mugubunoco mimiyaavuguumaño.

⁶ Miíro Abraham Moocaanico imiyaavuguumaño diiboco Moocaani gaayiciuhi. ⁷ Toonoti amiihai magaaja, paryi imiyaavogomo miyaano Abraham iyaachimihai. ⁸ Miíro Moocaani siicijetiro judiomí iicatimoco imiyaavogofeenedi agaayiciujinoco aatyimeuboro Abrahamco siicijetiro jíibugucuuhi jino iimino jíibogoco Caatininhaamefaño: Difeenedi paryiicino jiiniye cuumiminaa imino moonicafeteji, nobororo. ⁹ Jaamaño paryi imiyaavogomo, Abraham imiyaavuguuboma sano imino moonicafotonicino.

¹⁰ Jaamaño paryi Moise tajiiba onoonocoro imiyaavogomo Moocaani afaijanoguiino icahi. Miíro Caatininhaame neehi: Paryi tajiiba Caatininhaamefaño onoonoco imino iifutusutimo Moocaani afaijaunoguiino icahi, noonoro foovono aivo icano. ¹¹ Jaamaño miíhaiñoobaco Moocaani gaayicithi tajiiba onoonoco omooninoti. Miíro Caatininhaame neehi: Moocaani agaayicimo, imiyaavogofeenedi icaji, noonoro. ¹² Jaamaño Moise tajiiba miyaavogoyomono icatihi. Miíro noono: Jinehejeque paryi imino omoonimo toonofeenedi icaji, noonoro.

¹³ Jaano toono tajiiba fajjati Cristo miíhaico taajasucuuhi. Miíro diibo mohalliti fajjaguino minifutuuhi. Miíro Caatininhaamefaño noono: Afajacimimo paryi imohohalliví etetecucafotomo, noonoro. ¹⁴ Jillí icauno Abrahamco imino omooniguunoco Jesucristofeenedi judiomí iicatimo igaayiciqui, bu famooro miyaavogofeenedi Moocaani Igajaco aaciguuboco magaayiciqui icano.

Tajiiba, Bu Aaciguuno Icano.

¹⁵ Tañahabomi, miyaminaa ifiví ooviciiboro jino amiihaico jíibeguehi. Saafi miyaminaafi onoonoco eheetavoobo toonohalliví imomoco acaatininoco miíhaiñooba siino toonohalliví cuhubarutatihi, bu buusutatihi icano. ¹⁶ Jaabadi Moocaani Abrahamco, iiyaachico icano aacijinoco eetavuuhi. Miíro Caatininhaamefaño: Ajashutimoco monoonicibadi, diiyyaachimihai, nootino. Miíro: Diiyyaachico, noonoo. Jaabo saafiro diibo Cristo. ¹⁷ Jaanoco jino uujoho neehi: Moocaani Abrahaama ihiimaauboro diiboco aaciguunoco eetavuubo miyanotiro iicaqui. Jaamaño toonobuunati Moise tajiiba cuatrocientos treintadí ficabavabuunati agaseuno, toonoco finisuvajitirahi Moocaani aciji unuunoco jaaduveechucuutinobadi moonijitirahi. ¹⁸ Jaano bu Moocaani aaciguuno Moise tajiibafeenedi isaaciniruva, ticovono aaciguuno icajitiruno. Jaarunaa miíro Abrahamco Moocaani aciguuhijillí ticovono.

¹⁹ Jaanegui, ¿nacu, collíhiicaqui Moise tajiiba icahi? Jillíro imitino mihicanoco igaajasuqui. Jaaruno Abrahamco: Diiyyaachi, unuubo asaautinohachutaro Moise tajiiba iicaqui. Jaano tajiibaco Moocaani itoomominaafeenedi Moiseque jíibugucuuhi diibo miyaminaaco ijíibeguequi. ²⁰ Jaanoti saafiro jillí ticovono aaciguunoco aacimaño sififeenedi acitatiboo. Jaabo Moocaani saafiro ihaciguunoco jillí ticovono aciiboo.

Tajiiba Onoono.

²¹ ¿Nacu jino Moise tajiba Moocaani aaciguunojaagodi icatihu, enejiruno? Cha, icano. Miiro fiivoco ihaci qui tajibaco ihaciruva Moocaani miinoco gaayicijirahi tajiba onoonoco momooninofeeded. ²² Miiro Caatinhaamefaño noono: Paryi famooro miyaminaa imiti jijovoto, noonoro. Jaano tolli icamaño Jesucristoco imiyaavogomo imiyaavogofeeded Moocaani aaciguunoco gaayiciji.

²³ Iticoni jino miyaavogo agaseutisumi tajiba miinhaico iiguiinovi jijovototi ficuhicauhi, miyaavogoco aacino agaajacafutuutinohachuta.

²⁴ Jaamaño tajiba, seeme toomominaabadi jeevauhi. Seemeque mihicanicbad iihaiotoco jibeguehicauno Cristo asaautinohachuta.

Jaamo miihai diiboco mimiyaavogomoco Moocaani igaayiciqui.

²⁵ Jaamañojisumi Cristoco mimiyaavogono agasecumaño tajiba miinhaico otoomonoguiino mihicacuutahi. ²⁶ Miiro miyaavogofeeded paryi famooro amihai Moocaani seemeti mihicahi Cristo Jesuma mihicacumaño.

²⁷ Paryiicino famooro amihai Cristo Jesujaagovi miminfetequi minitica futuumo diiberi mijicinihi gaachehuco mohallidi mijicinibadi.

²⁸ Jaamaño judiom, griegomi monoono chahacuuhi, bu jijovoto, bu jijovoto iicatimo, bu gaifimi, bu gaigoomi oono icamo. Miiro Cristo Jesujaagodi mihicacumaño paryi famooro saafiro mihicacuuhi.

²⁹ Jaamo Cristota mihicacumaño Abraham iyaachimihaiti mihicacuuhi. Jaamo magaayiciji Moocaani aaciguunoco.

4

¹ Jaamaño uuoho neehi: Miiro seemene caanimi busumijeque agaayiciji bo seemene iicasumi jijovoobobadi icafih, paryi toneheje abajaabo icajiruubo.

² Miino saatoho tonehejeque otoomonomo imino ficufih caanimi: Jino dinoo, noomoro ohoovicijifucu agasenehachuta.

³ Jaabad miihai mihicauhi momiyaavogo seemebadi ujusitinohachuta. Jilli miyaminaa esamaaje onoonoguiino mihicahicauhi.

⁴

Jaarunaa tufucu agasecuudi Moocaani Illi Cristoco galluuh gaigooti ifiivuuboco.

Jaabo jijehallivi saauhi judiom tajibaguiino iicaubo.

⁵ Jilli saaubo miihai toono tajibaguiino toono jijovototi mihicamoco itaajasuqui; Jaadi miinhaico Moocaani iseemeti igaayiciqui.

⁶ Jaamo amihai Moocaani seeme mihicacuunoco igaajasuqui Ilifeenedi Igaijaco* amihai jeebiifaño galluubo. Jaabo Igaijafeenedi meneehicahi: Moocaani, ijoho Taacaani, noomoro.

⁷ Jaamaño ijoho Moocaani seemenerucu, jijovono diicacuutahi.

Jaabo ijoho iseemene idiicamaño ico Moocaani ibusumijeque aaciguunoco aciji Cristofeeded.

Pablo Jeebij Miyaavogomin aajaagoviro Icahi.

⁸ Iticoni naha amihai Moocaanico magaajautisumi, jihovoto caanimi jijovototi mihicauhi.

⁹ Jaarumojisumi Moocaanico magaajacuuhi. Cha, tolli icatino, imiga amihai Moocaani agaajacuumo.

¿Collahi jaamo siino dojicuviro miminfetehi toono iniinovan esamaajefano, bu

idaasunofaño icano siino toonoguiinov jijovotobadi?

¹⁰ Amihaihiica suufenitimo mifichicahi siibadi iicafucujeque, bu nihibanoco, bu ifafucuvaaco, bu ficabanoco icano Moise tajiba unuubadirehiica.

¹¹ Aivo nihicuguehi tadyudicamaaje amihai feenevi sicamañovi ofoomañovi.

* **4:6** Griego ijiri: Illi Gaijaco, noono.

12 Tañhabomi, amiihaico neehi: Jaamo uubadi miminifetehi, uujoho amiihaibadi iminifotobadiro. Amiihai uco imitino momooniuno icatino. 13 Amiihairyo magaajacuuhi iticoni amiihaico taajasujibogoco iguihuvaumaño sihigo footiibo amiihaico ijibuguunoco. 14 Jaano toono iguihuvauno jilli amiihaico insuuno. Jaaruuboco amiihai uco mitihisutahi, mijiihegueutihi icano. Jilliro Moocaani toomominaafico, bu Cristo Jesuco icano mihicanicibadi uco magaayiciuh. 15 Tusumi imo imo mihicauno. ¿Cuucu jaano jisumi icahi? Amiihaiditi neehi: Sihidi jeevatino iicauruva amiihai aallinoco tusumi mihiciumoro uco mahacijirahi sihidi uco magaijumaño. 16 ¿Nacu jaabo jisumi amiihaiminaafiti minifutucuuhi, amiihaico miyaanoco onoonohalliti?

17 Diito Moise tajiba jjibogominaa amiihaico imeguehicahi, jilli amiihaico imino imooniqui icatino. Jilliro amiihaico miihaiditi sihigovi udugaacunoco imogomo. Jaamo amiihai diito onoonocoro mihimeguequi. 18 Imijiruno saatoho amiihaico agaijinoco mihimogono. Jaarunofaño amiihaima iicasumiro icatino uujoho iicabadi fahijivar. 19 Taseemegayimi, siino bu uujoho aiveneri idaasuno icahi amiihaiditi, gaigo iseemevaqui aivogo iicanicibadi. Jaabo idaasuno icaaboro icaji amiihaifaño Cristo jjibogo ujusitino, bu diibobadi mihcatinohachuta icano. 20 Jaachijiro amiihaima iicacuujirahi, simañodi amiihaima iimaaqui. ¿Jaaruubo milli bu amiihaico neejirahi tahi iicatimaño?

Sara, Agar Icamifevi Ohoovicino.

21 Amiihai Moise tajibaguiino mihicanoco mihimogomo jinooco uco monoo: ¿Nacu amiihai muguubutahi toono tajiba onoonoco? 22 Miilo Abraham miiseeciiico seemevaahi noono. Saseequ seemevaubo ijijovogo Agar onoogoma. Jaanoti saseequ seemevaubo imiyataaba Sara onoogoma jjijovogo iicautigoma. 23 Ijjovogo seemene fivuuhi paryi famoova seeme ifiivonicibadiro. Jaanoti imiyaago seemene fivuuhi diibofeedi Moocaani aaciguuno imiyaavequi. 24 Jaano jino jilli diitifevi oovicicafetehi minooci unuuno. Agar oovicicafetehi Sinai onoogajivi unuunoco. Tusumivi unuuno seeme fivehi tajiba jjijovotot iicaqui. 25 Jaago Agar oovicicafetehi Arabiari iicagaji Sinaigajivi, bu Jerusale cuumi jisumi iicacuumiv icano. Jaamaño tuucumi paryi judiomima toono tajibaguiino jjijovotot icahi. 26 Jaanoti niquejefano iicano Jerusale sajeebiima iicacuumi. Jaacuumi seeme miihai. 27 Miilo Caatinhaame neehi:

Imo imo diica ijoho achiba idiicago, eseemevatigo. Imo imo idicaneri janaaniciviro coovadiinamaahicahi ijoho seemeva aivoco agaa-jatiguehiica. Miilo ijoho edeevesucafutuugo sihidi disseemema diicaji, aijima iicago janaanicivi, noonoro Moocaani aaciguuno Moise tajiba janaanicivi sihidi jeevahi, enejiruno.

28 Tañhabomi, jaamaño miihai Isaac iicabadi mihicamo. Miihai Moocaani aaciguuno seeme. 29 Jaamaño miilo Agar achi Ismael onoobo johono jisumi famooseeme ifiivonicibadi fivuubo. Jaanoti Sara achi Isaac onoobo, Moocaani Gaija Abrahamco unuubadi ifiivuuboco Ismael jjiheguehicauhi. Jaabadiro bu jisumi Ismael yoto jjiheguehi Isaac yotoco. 30 ¿Nacu milli Caatinhaame neehi? Miilo noono: Buhi gallu diijiovogoco illima. Miilo ijijovogo seemene ibusumijeque gaayicijithi sano imiyaago seemenema, noono. 31 Tañhabomi, jaamaño miihai ijijovogo seemebadi mihcatihi. Imiyaago seemebadi mihicahi.

5

Sefano Mihica Mataajacuunofaño.

¹ Miiro mi:haico Cristo taajasuhin:cuuhi sajeebii mihicacuuqui. Jaanegui toonofaño sefano mihica. Jaamoro siino taj:baguiino j:iovotot: miminifutucuudino.

² Uujoho Pablo jino ami:haico onoonoco muguubu. Siino ami:hai meehe quitici: eetavoguiino miminifotochachiji:, Cristo ami:haico taajasu-jitirahi. ³ Siino bu neehi: Cajaanihacho ami:hai meeheque miquitic:bo mataj:bacafetehi paryi Moise taj:ba onoonoco imino momooniqui. ⁴ Taj:baco imino momoonimaño Moocaani mi:haico gaayiciji, noomoro mehesicinimo. Cristoditi sihigovi miminifutucuuhi, bu Moocaani gaijiti sihigovi miminifutucuuhi icano. ⁵ Jaanoti mi:hai Moocaani Gai-jafeenedi, bu miyaavogofeeded: icano mehesicinihi Moocaani mi:haico agaayicicuunoco. ⁶ Jaamo Cristo Jesufañodi mihicacumaño mi:haidi sihidi jeevacuutino miquiticinino, bu miquiticiratino icano. Jaanoti naha miyaano ijaadama iican magajimoro mimiyaavogono.

⁷ Iticoni ami:hai imino mufuuhi. Jaarumoco, ñmi:jojo ami:haico miyaanoco jeevesusuhi? ⁸ Toono ejeevesusuno ami:haico ucuuhuvaubo Moocaanit: asaano icatino. ⁹ Mehesicini, ajashuruno levaduraguiiji si:hifaño paryi adicifihi. ¹⁰ Uujoho aivoj:boco ami:haiditi esicinihu. Jaamo ami:hai siino simañodi esamaaicuutimo mihicahi. Jaanoti ami:haico ni:ji ni:ji omoonisuhicamoco Moocaani ñdaasuno mooni:, ca-jaaninhacho icaruuboco.

¹¹ Tañahabomi, mi:ro uujojo quiticicoro j:buguruva judiom: uco j:ihevejirahi. Jaanova bu Cristo guijkeve imoho j:ibogo diitoco taficu-gusujitiruno. ¹² Jaamaño oono ami:haico quiticico j:ibogomoro efeehi-camo. Jaanova paryi jisumiro finicuujirumo fanuucu!

¹³ Tañahabomi, mi:ro ami:hai mi:hicicafutuuhi taj:ba mytaguiinoti mataajaqu. Jaarumo: Mi:hai jisumi mihimogobadi momoonijirahi, me-needino. Jilliro fahigovavi mejeecivocasi magajicasinofañodi. ¹⁴ Mi:ro paryi:cino taj:ba onono jinoovi sano ifetehi: Sitaaco gaiji difiico agajibadiro, onoonovi. ¹⁵ Jaanoti ami:hai meheeducasimoro muduu-casihachiji, imino mehesicini sanomiro mifinisucasidino.

Moocaani Gaija Aacino.

(Rm 8.5)

¹⁶ Jino ami:haico onono: Moocaani Gaijafeenediro mihica. Jaachiji: ami:hai ifi iimogonoco momoonijitih. ¹⁷ Mi:ro mofi iimogono Moocaani Gaijajaagod: icatihi. Jaabadiro bu Moocaani Gaija mofi iimogonojaagod: icatihi. Jaamaño ami:hai mihimugurunoco momoonijitih. ¹⁸ Jaanoti Moocaani Gaija ami:haico isi:gohachiji taj:baguiino mihicacuuthi.

¹⁹ Tihittino magaajacinichi mofi ataj:banocoro omoonimo omoonifinoco: Jahisihi:edi mogaimi iicatimehejema icamo, i:dicuneheque moonimo, fanoova imogocoro, ²⁰ jihovocaanimico iimomoro jeeчивomo, gaibanicoro eetavomo, sitaaco j:hegueme, i:bacasififimo, cigueeguefifimo, chahanoti sifiratefimo, dugaacufifimo, ijeevadi sitaama dugaavefimo, ²¹ sitaaco iinohallitiro j:ihevefimo, sitaaco gaicaaufifimo, guriicavefifimo, machufifimo jilli iicane-hejequere moonifimo. Jaanoco jino ami:haico nuucuuhi iticoni

eneehinibadi: Paryi jinehejeque omoonihicamo Moocaani aivojifaño feejitihi.

²² Jaanoti naha Moocaani Gaija onoovasuno toono naha gaiji, imo ica, sajeebi ica, jaabici, sitaaco magajjino, imihuse, miyaavogo icano, bu ²³ siicujeebi mihicano, mofi esamaajeheneque miguiinonino icano. Jinehejehallivi chahano tajiba tolli momoonijirahana onoono. ²⁴ Jaamaño Cristota iicamo sano diito ifinoma fanoova imitico iimeguehicanehejeque jeevesucuhi iguijevecuunobadi. ²⁵ Jino Moocaani Gaijafeenedi mihicabadiro bu jaafa miihaico diiboro ticuvusuhi paryi meheetavonehejefaño.

²⁶ Jaaneguiha moficoro: Aivo mimityahi, noomoro sitaaco fiivusuutimo miicaqui, bu iinohallitiro sitaaco jiihevecuutimo miicaqui icano.

6

Fahigovavi Mahamusucusi.

¹ Tañahabomi, saafi imitifaño aacotooboco mahatyimesumi amiihai miyaavogofaño imino mihicacumo tolli iicamoco mahamusu siino miyaavogofaño quehecuno miicaqui. Jaamo siicuno amiihai jeebiico miniiyumoro momooni. Amiihai ifico gaihuinimoro, tolliro bu amiihai toonofaño mahaquetedino. ² Fahigovavi mahamusucusimoro sifi iidaasuno iicanoco mahamusu sifi bocinoma ofooboco mihicanicibadi. Tolliti jaamo imino Cristo tajibaco mihibutusuhi.

³ Jaanoti saatoho: Uujoho aivo sihidi gaajahi, noomoro ifico esicinimo. Tollit iicamo ificoro bañihi. ⁴ Famoovaro amiihai ifinoco imino magaaja. Jaadi jari imo imo mihica, amiihai ifidititro sita ifidititro icatino. ⁵ Miíro famoova ijeevadisahaje iticovoociv iibocico imiti jaadabadi iicanco bocico satyeji.

⁶ Jaaneguiha amiihaico taajasujibogoco ijibogomo amiihai jibogominaa iicamoco amiihai busumijet fanoovat mahaci.

⁷ Amiihai ifico mabañisudino: ¿Miijoho Moocaanico dejecutahi? Paryi miyaminaa abasuno, paryicino icicafeteji. ⁸ Jaanoti saatoho ifico imo imo omooninocoro abasumoco toono ifiro diitedi ifinijitino guijkeveque noovasaji. Jaanoti Moocaani Gaijaco imo imo omooninoco abasumoco Moocaani Gaija ifinijitino fiivoco onoovasuboro aciji. ⁹ Jaaneguiha suufenitimo iiminoco momooniqui. Jaamo suufenitimo imino momoonihachiji ufucu inoovaco mihiciji. ¹⁰ Jaaneguiha fahigovaro imino momoonijino iicanohachuta famoovaacoro imino momooniqui, imi janaanicci miyaavogofañod iicamo monahabomico imino momooniqui.

Afagoono, Niinohiimaa Iicanoco Pablo Inoro Acaatinicuuno.

¹¹ Memeecci cono noono tyigabaje jino amiihaidi tahuseri caatinahi. ¹² Amiihaico meehe quiticiguinovi ificuunoco iimeguehicamo moonihicahi, jilli miyaminaa diitoco iimeguequiero, bu jaamoco miijoho Cristo guijkeve imohohalliti jiihevetimo. ¹³ Jaarumo diito meehe quiticiguinovi icarumo tajiba onoonoco imino moonihicatihi. Jaarumo imeguehicahi amiihai tolliro amiihai meeheque miquiticinoco. Jaamoro toonoti ifico quehe quehe imooniqui amiihai ifi tolli iicanoco agaajacimoro. ¹⁴ Jaanoti naha uujoho jinehejeti tafico quehe quehe omooninoco imogotahi, idinoro Mohaivojibbo Jesucristo imohovi iguijeveuneru imo imo icahi. Miíro Cristo guijkeve imohofeenedi

uudi paryi jiinjeoneheje finihinicuuhi. Jaabadiro bu uudi toojiinije imitico iimeguehicauno finihinicuuhi. ¹⁵ Jaamaño Cristo Jesufañodi mihicacuumedi jaaducafutucuutino miquiticinino, miquiticinitino icano sabadiro idinoro naha ajaaducafotonon bohono ifiima mihicano. ¹⁶ Jaanegui amiihai sajeebiima, Moocaani idaasugonoma icano mihica. Amiihai jibadi iicanoco momoonimo, bu paryi famooro miyanotiro Moocaani cuumiminaa mihicamo icano.

¹⁷ Jaaneguiha jisumi imugucuutahi miihaiñooba uco siino itihisunoco. Miiro jino tahalliri iicanoo tatyujaavono jibeguehi uujojo Aivojibbo Jesu jeeecivominaafi iicanoco.

¹⁸ Tañahabomi, jaafa paryi amiihaico Mohaivojibbo Jesucristo imino moonihi. Fine.

EFESIOS

Efeso Cuumiri Iicamedi Pablo Agalluhaame.

¹ Uujoho Pablo Moocaani iimogobadi Jesucristo minisuminaafiti icahi. Jaabo uujoho jihaameque caatinihī Moocaanita iicamo Jesucristoco imiyaavogomo Efeso cuumiri iicamedi. ² Jaamo amiihai magaayici Dios Moocaani, Aivojiibo Jesucristo icamisi imino omooninoco, sajeebiico aacinoco icano.

Moocaani Cristofeeded Iiminoco Aacino.

³ Mihimo Dios Moocaanico Mohaivojiibo Jesucristo Caanico, miiro Cristofeeded miihaico Moocaani niquejefañoonehejeri imino moonihi.

⁴ Miyo miihaico Moocaani Cristofañodi icicuhi siicijetiro jiinije fiivutinaacaro, aivo imimo mihiñivatimo diibo imega miicaqui.

⁵ Igaijifeenedi siicijetiro miihaico ficuboo, Jesucristofañodi miihaico iseemeti igaayiciqui ijeebii unuubadi. ⁶ Jaamaño Moocaanico fahijivaro mihimehicahi iimihuse ovosiñhallivi. Jaano iimihuseri miihaico imino omoonimaño agaijiibo Illima sano miihai mihicahi. ⁷ Jaamaño ajashutino Moocaani gajji iicanofeeded Illi miihaico taajasuhu iguijeveunofeeded mohimitico ubusuuboro. ⁸ Jaabo Moocaani miihaico ajashutino igaiji iicanoco ifusuhi fanoovaaco magaaajaqui gaajaco aacinoafeenedi. ⁹ Jaamaño miihaico gaajasuubo diibo iimogono agaajarautinoco ijeebiiñañodi eesamaaiuboro iinoro omoonijnoco.

¹⁰ Jaano toono ufucu ficabano ifinijino oovovi ifotodi eetavocafetejino. Jaasumi Moocaani igaijiiñiboo Cristo tajibaguiino, paryi fanoovaaco niquejefaño iicanehejeque, paryi jiinijehalliri iicanehejeque icano.

¹¹ Jaamo Cristofaño mihicamaño siicijetiro miihaico Moocaani iiñiboro ficuhi ufucu diibo aacijinoti magaayiciqui, Moocaani ijeebii iimogobadi fanoovaaco omoonimaño. ¹² Jilli mooniubo miihai iticoni Cristoco mimiyaavogomo Moocaanico mihimequi fanoova imihallivi. ¹³ Jaabadiro bu amiihai taajasujibogoco mugubuuusumi Cristoco mimiyaavuguumo diibojaagovi miminifutcuuhi. Moocaanitaro miicaqui Igaijaco aciji unuubofeeded Moocaani amiihaifaño igaajataco ficucuhi. ¹⁴ Moocaani Gaija mosifaño iicacumaño ufucu Moocaani miihaico aacinooco magaayiciji ufucu niquejefaño mufuucuudi. Jaabo Moocaanico sihidi ejeevanohallivi mihimequi.

Pablo Miyaavogominaaguiha Moocaanico Gaajaco Dilluhi.

¹⁵ Jaaneguiha uujoho, Aivojiibo Jesuco amiihai mimiyaavogonoti, bu Moocaanita iicamoco magaijinoti icano uguubuuboro ¹⁶ suufenihicatihi amiihaihallivi Moocaanico iimoobo, diiboma fahijivaro ihimaano ticovoocivi, ¹⁷ iimino Moocaanico dilluhicahi, Mohaivojiibo Jesucristo Caanico, amiihaico gaajaco ihaciqui. Jaamo Moocaani ijibogonoco imino magaajahi. ¹⁸ Tolliro bu Moocaanico dilluhi amiihai esamaajeque foovono iminiiyuqui. Jaamo imino magaajahi toonoco meteemehicanoguiha amiihaico ucuuhuvanoco, tolliro bu aivo sihid iimino busumijeque Moocaani ita iicamoco aacijinoco magaajahi icano. ¹⁹ Guiraacanino imitya, aivo nijequebav iifotoratino. Jaano toono mitya miihai diiboco mimiyaavogomofaño dudicamaaiño. Jaano

tomityaco Moocaani ifusuuhi sihidi sefano ²⁰ Cristoco guijevefañoti ubuheetesuuboro imiyanaagonovi casiihacuubo niquejefaño. ²¹ Fanoo aivoji janaanici, fanootajiiiba iiji janaanici, fanoomitya janaanici, fanoovaro jjiehallivi iicano aivoji janaanici icano, jisumi iicano janaanici, ufucu iicajino janaanici icano iicaqui. ²² Paryi fanoovaaco Cristoguiinovi ficuubo. Tolliro bu Moocaani ijiaminaaguiha Cristoco aciubo diito nigaibadi iicaqui. ²³ Jaanotí miihai Moocaani ijiaminaa Cristo ifibadi mihicahi. Jaamo miihai ifinofaño Cristo gahafehi. Jaabo fanoovaaco eheetavooboro fahigovaví icaabo.

2

Moocaani Gaijiri Mataajano.

¹ Miiró Moocaani Cristo feenedi amiihaico fiivoco acihi amiihai imitifaño muchuumucuurumoco. ² Jaamo jijeonocoro momoonihicauhi niqueje feenesituo aivojiibo iimitino gaija iimogonocoro. Jaabo diibo quehe cutusuhicahi Moocaani onoonoco: Jii, nootimo iicahicamoco. ³ Jaabadiro bu paryi miihai iticoni tolliro mihicahicauhi mofi iimogonocoro momoonihicauhi, toono onoobadi meheetavehicaumaño, bu mohesamaaje onoobadiro momoonihicauhi icano. Jaamaño, saatoho iicabadiro, ñihicuno idasuno Moocaani omooniñinofaño mihicauhi. ⁴ Jaarunofaño Moocaani miihaiico iidaasugono aivo ajashutihí. Jaamaño miihaiico sihidi agaijiboro, ⁵ Cristo feenedi miihaiico fiivoco aciubo, mohimitifaño muchuumucuurumoco. Jaabo Moocaani imihuseri amiihaico taajasucuhi. ⁶ Miiró diibo Moocaani miihaiico sano Cristo Jesuma buheetesucuhi. Jaaboro miihaiico sano diibo cojiví niquejefaño casiihacujiboo. ⁷ Jillí mooniiboo ajashutino miihaiico agaijinoco ufucu ihifusuqui Cristo Jesufañodi miihaiico iimihuseque aacihicancoco. ⁸ Miiró Moocaani gajiri amiihai mataajacuuhi mimiyaavogonofeenedi. Jaano jino amiihairyo meheetavono icatino. Jillí Moocaani amiihaico aacino. ⁹ Miihairyo siinoco meheetavono jaadaco magaayicino icatino. Jaano jeevari miijoho tonoti ifico quehe quehe esicinijiruno. ¹⁰ Miiró Moocaani fiivusutamo miihai Cristo Jesufeenedi miihaiico fiivusuboo iiminoonocoro momooniqui siicijetiro Moocaani eheetavucuunoco imino momooniqui.

Cristofañodi Sajeebii Mihicano.

¹¹ Jaaneguiha mehesafoto iticoni mihicahicaunoco. Amiihai judiomí cuumioto mihicautihi. Jaamaño judiomí gaifico iimeeheque iquiticifimoro ificoro: Miihai miquiticinimo, neefihi. Jaamoro amiihaico iquiticiratimo, neehicahi. ¹² Tusumi naha amiihai Cristoma machahaumaño israelmi cuumiti buhigovi mihicauhi, Moocaani unuuboro aaciguunoco gaajatimo, jjiehalliri mihicahicauhi jinehejebaco esicinitimo, Moocaanibama chahamo icano. ¹³ Jaarumo jisumi Cristo Jesuma mihicacumaño iticoni tehesino mihicaurumo fitino mihicacuuhi Cristo iguijeveubo tijohofañodi. ¹⁴ Miiró Cristo sajeebii miihaiico omooniiboo. Jaabo saacuumiro eetavehi judiomíma judiomí iicaticcumico, fagajityigaba iicano diitoco udugaacunoro iminaanisuhicauoco ifinisucuuboro. ¹⁵ Jaabo Cristo ifiivi finisucuuhí judiomí tajiba enehicanoco. Jaaboro tuucumicico saacuumiro eetavucuubo diibofañoro iicaqui. Jillí sajeebii icaco eetavuubo.

¹⁶Tuucuumicico iminaanisuhicaunoco Cristo imohohalliv i gijkeveuneri finisucuhi. Jaaboro tuucuumicico Moocaanima sajeebii ficuubo saacuumiro tuucuumicico eheetavuuboro.

¹⁷ Cristo asaauboro famoocoro imibogo sajeebiico aacino jibogoco jibuguuhi, amiihai tehesino mihicaurumoco, bu judiom iiftino iicaurumoco icano. ¹⁸ Jaamaño Cristofeenedi Sagajariro Moocaanijaagovi mififtivehi judiom mihicarumo, bu judiom iicatirumo icano. ¹⁹ Jaamaño amiihai jisumi siicuumiotobadi mihicacuutih, icaminaatiro mihicacuuhi, Moocaanita iicamo iicabadiro mihicacuuhi, Moocaani yotorucu. ²⁰ Miyaminaa iijaco imitoohaci jehalliv eheetavonicibadi, Moocaani imitoonohalliv amiihaico ficuubi iminsuminaa, bu ihimaaminaa icamo ijibuguucuunohalliv. Jaabo Jesucristo tooja imiyahacibadi iicaabo. ²¹ Jaabohalliv momiyaavogo imino ifeequi. Jaamo miihai mimiyaavogomo Moocaani ijabadi mihicahi. Diibediro imino mihicahi Aivojibofañodi. ²² Jaabadiro bu amiihai Cristoma magataacini nofeenedi paryi saatohma famoomaryo sano magataacini. Jaamo sajaabadiro Moocaani iijaminaati miicaqui. Jaamofaño Moocaani Gaija iicaqui.

3

*Pablo Judiom iicatimocoro Jibeguehi.
(Col 1.24-27)*

¹ Jilliti uujoho Pablo amiihaico jibeguehi Cristo Jesu jibogoco amiihai judiom mihicatimoco. Jaanohalliti civojafaño icahi. ² Amiihairyo magaajacuuhi uco iimihuseri Moocaani amiihaiguuiha taajasujibogoco atajibahininoco. ³ Jaabo Moocaani agaajaraautinoco uco ifusuuboro gaajasuhi toonoti amiihaidi jihaamefaño miidino unuucubadi. ⁴ Jaanoco memecidi magaajaji uujoho Cristono agaajaraautinoco agajanoco. ⁵ Jino agaajaraautinoco siicije cajaatyobaco agaajasuutinoco, jisumi Moocaani Igaijafeenedi gaajasuhi iminsumaaco, ihimaaminaaco icano. ⁶ Jino toono agaajarautinoco: Jesucristo taajasujibogofeenedi judiom iicatirumo, bu gaayiciji judiomico aacijinoti saafi ifotoro mihicamaño magaayiciji Moocaani Cristo Jesufaño aaciguunoco. ⁷ Toono jibegueuiha uujoho icicafutuuhi Moocaani mitya toonoco tcovono uco aacimaño. ⁸ Jaabo uujoho Moocaanita iicamot aivo famooguiinovi iicaabo janaanicguiinovi uujoho icaabo. Jaaruuboco uco acibo judiom iicatimoco jibeguequi taajasujibogoco aivo ohoovoratino Cristo busumijeti. ⁹ Amiihaico gaajasuqui Moocaani fanoova fiivusuminaafi esamaajeque siicijetiro iicauno agaajarautinoco. ¹⁰ Jilli icano jaanoco jisumi Moocaanico imiyaavogomofeenedi paryi niquejefaño iicano aivojito, bu tajibaminnaa icamo igajaqui, paryi Moocaani sihidi agajanoco. ¹¹ Jilli Moocaani moonihi sahijitiro eesamaaicuunoco Mohaivojibbo Jesucristofeenedi. ¹² Jaamaño Cristofaño iguitimoro Moocaanijaagovi mififtivehi nucufeguetimo diiboco mimiyaavogonofeenedi. ¹³ Jaaneguiiha amiihaico neehi: Mejeevesudino, jilli uujoho idasuno amiihaihalliti icarunaaca. Jilli uujoho iican, amiihai miyaamo miicanoco nuusuhi.

Cristo Miihaico Agajino.

¹⁴ Jaaneguiiha uujoho Mohaivojibbo Jesucristo Caaniguiinovi memuiivehicahi, ¹⁵ diiboti saamo paryi cuumiminaa jiinijehalliri iicamo, paryi niquejefaño iicamo icano. ¹⁶ Jaaneguiiha Moocaanico

uujoho amiihaiguiha dilluh; iimi busumijeti mityaco, sefaco icano amiihaico ihaci qui Igaijari amiihai jeebi faño, ¹⁷ bu Cristo amiihai jeebi faño iicaqui diiboco mimiyaavogonofeenedi amiihai gaiji sefano Moocaanifaño ibacocoovaqui. ¹⁸ Jaamo famooro miyaavogominaama magaajahi, ajashutino Cristo gaiji iguiraanoco tehesino ofoocin noco, afaicuvanoco, acaamovonoco icano. ¹⁹ Amiihaico neehi: Jaamo toono Cristo gaijico magaajahi, amiihai ifinofaño gatyuuci Moocaani igahafequi. Jaarunofaño aivo ufucuro mihibetejirahi fanoocoro Moocaani gaijico magaajamo.

²⁰ Jaaneguiha Moocaanico mihimo miihai midillunoco mehesicinino janaanicivi eetavoobo, imitya mofifaño iicanofeenedi. ²¹ Jaaboco mihimo diibo ijaminaa Cristo Jesueenedi fahijivaro ufucuro finitino. Fine.

4

Moocaani Gaijafeenedi Sano Magataacinihi.

¹ Jaaneguiha jino uujoho, Aivojibbo Cristohalliti civojafaño iicaabo, amiihaico neehi: Iminoro mihica Moocaani amiihaico iicicuumo. ² Siicuno amiihai jeebi co momooni, imihu sene mihica, fanoovaaco fahigovavi majaabicasi magaijicasimoro mequehecu. ³ Jaamo Moocaani Gaija amiihaico aamusuneri sabadiro mihicahi, sajeebii ica amiihaico agataacunofañodi. ⁴ Saafiro, Sagajaro icano icahi. Jaabadiro oono meteemehicano sanooro iicabadi tooneguiha Moocaani amiihaico ucuuhuvano. ⁵ Saafiro Aivojibbo, sanooro miyaavogo, sanooro niti, ⁶ saafiro Dios Moocaani famoocaaniro iicaabo icano. Jaabo famoohalliviro icahi, famoofañodiro icaabo, fahigova fanoovafaño icaabo icano.

⁷ Jaaboti miihaico iimihuseti acihi Cristo miihaico aaciuno ticovovi.

⁸ Jaamaño Caatinihaamefaño jilli noono:

Caamo niquejefaño ufuubo satyuuh; ajashutimo civojaminaaco.

Jaaboro miyaminaaco aciubo fanoovaaco, noonoro.

⁹ Jaano toono: Caamo niquejefaño fuubo, onono, ¿milli eneejiruno? Miíro jilli eneejiruno: Iticoni niituubo jiinje dojibavi aivo faicuvano ¹⁰ diiboro jiinje dojibavi eeguejeubo, bu caamo niquejefaño fuuhi, iimihifiri paryi fanoovaaco igahafusuqui. ¹¹ Jaabo fanoovaaco famoovaa-coro acihi saatohoco aciubo Moocaani minisuminaa iicajimoco. Jaanoti saatohoco aciubo Moocaani iimaaminaati iicajimoco. Jaanoti saatohoco aciubo taajasujibogoco jibogomoro efiejimoco. Jaanoti saatohoco aciubo Moocaani ijaminaa tomominaati iicajimoco. Jaanoti saatohoco aciubo jibogominaati iicajimoco icano. ¹² Jilli imibachuubo ita iicamoco, ijecivominaa idudicamaajeque eheetavejimoco, Cristo ifi ujusibadi diiboco imiyaavogomoco ijesisuqui ¹³ famooro mihibetequi sano miyaavogofaño, bu Moocaani Achi gaajafaño icano. Tolliti imino mujusiji miguireateji Cristo ifidino. ¹⁴ Jaadi seemebadi mihicacuujitihi sibogoguiinodí agaajacuunoco ejeevesunicimobadi, sita iimitimo miihaico abañimoro iimitino jihajaagovi asatyonoco mimiyaavugucuujitihi. ¹⁵ Jilliro miyaanocoro mihiimaamoro magaijicasi. Jaamo mujusiji Cristo mitya ticovovi, diibo Moocaani ijaminaa Aivojibbo inigaibadi iicaabodimo miicaqui. ¹⁶ Jaanoti miihai Cristo ifibadi mihicamoco diibo imino igaiyiicisuhi. Tolliro bu paryi miihai imino Moocaani iimogobadi

meheetavomoro fahigova mahamusucasihi. Jaaneri paryi Moocaani iijaminaa imino iicamoro iijusiqui gajima guiraatonoro.

Cristofañodi Bohono Ifima Mihicano.

¹⁷ Jaanegui jino amiihaico miyaano iicanoco onooboro jiibeguehi Mo-haivojibbo momofeeded: Siino mihicacujirahana Moocaanico agaa-jatimo iicanicibadi, diito imiihifo esamaaje onoobadiro icahicamo. ¹⁸ Jaamoco ihesamaaje civono minifutucuuhi. Jaamo Moocaaniti asaano fiivoma chahahi aivo gaajatimo ucuhufojeebiimaño. ¹⁹ Inucufeguem aachahacumaño iimitinoono imogocoro ifico acimo. Jaamoro fanoova imitico imo imo moonimo. ²⁰ Jaanoti amiihai tolli Cristoti magaa-jahinitihi. ²¹⁻²² Diibofaño miyaano iicabadi, miyaano diiboti mugubuhinihachiji, bu miyaano diiboti magaajahinihachiji icano, amiihai eedeehifi imitiri utuucicu ifico mejeevesucu imiti abañihicahifico. ²³ Amiihai jeebisco, esamaajeque icano bohofiti miminiyyu ²⁴ bohoboti siino miminifoto Moocaani iimogooboro eheetavobadi. Jaanofeeded mihibusu miyaano ifico, iticovono ifico, aivo iimino ifico icano.

²⁵ Jaamoro sicamañoco siino mihiimaacuudino. Famooro sitaama miyaanocoro mihiimaa miiro famooro miihai saafi ifiotoro.

²⁶ Misifiraturumo janaanici imitico mihicidino, bu amiihai icajisuco gueenene mificuudino. ²⁷ Toonofañodi ijico amiihai ififaño mijihacusudino.

²⁸ Ananivahicaubo siino nanivacuudino. Jilliro dudicamaaje. Jaabo ududicamaajeebere idicinot iucuujivaachumoco daacihi.

²⁹ Iimitino iimaaco mihiimaadino iiminocoro mihiimaa miyaavogoco ujusisuno iimaaco, jaanoco uguubumoco imino imooniqui. ³⁰ Moocaani Gajjaco mihindaaasuvusudino. Diiberi amiihaico, Moocaanita miicaqui ihovoco ificucuumäno amiihaico ataajasujifucu iicadi, mihicicafetequi.

³¹ Fanoova iibacasiti buhigovi miminifoto, bu sifiratoti, sitaaco mihiibamo mocoovadiwonoti, sitaaco aivonoono monoonti, fanoova imititi icano buhigovi miminifoto. ³² Toll icatimoro imino mihica fahigova mihindaaasugocasi. Fahigovavi amiihai iibacasico mihimibachu-casi, amiihaico Moocaani Cristofeeded amiihai imitico iimibachu-cubadi.

5

Jilli Moocaani Seeme Mihicamo Mihicahi.

¹ Miiro amiihai Moocaani seeme agajimo. Jaamo diibo iicabadiro mihica. ² Gajjima mihica, oono Cristo miihaico agajibboron mohallivi aacicafutuuboro guijeveubo asico agaicaaumoro Moocaanico ejecivono imono usuhicaubadi Moocaanidi aivo imino.

³ Jaamaño amiihai Moocaanitaro mihicacumaño ajashuno amiihaifeenevi miguiyicicuudino gaigoomima ica iimaaco, bu siomo imitibaco, bu fanoova imogo imitibaco icano. ⁴ Munuucuudino unucufesuno iimaaco, bu sicamañehjeque, bañifiranehejeque icano, imino iicamo tolli icatatihi. Jilliro Moocaanico mihimo fanoovahallivi. ⁵ Jaanoti saatoho fanoovaaco iimogomo jihovo caanimico ejecivefimobadiro jeevahi, saatoho jahisihijedi gaigoomima iicafimo, bu fanoova imitico omoonino icano Cristo Moocaani icamisi aivojifaño, efeejitinoco amiihairyo magaajacuuhi. ⁶ Amiihaico sita bañidino ibañifira iimaari, toneheje imithalliti Moocaani ñihicuneri

idaasuno mooniji diiboco uguubuhicatimoco. ⁷ Jaaneguiha amiihai diitojaagodi toonofañodi mihicadino.

⁸ Iticoni naha amiihai cïvonoguiino mihicabadi mihicahicaahi Moocaanico magaajautisumi. Jaarumo jisumi seseehi mihicacuuhi Aivojibbo Cristoma mihicacumaño. Jaanegui seseehi iicamobadi mihica. ⁹ Miiro seseehigo iicamo imihusehi, miyaanoco iimaamo, bu iticovo ifiima icamo icano. ¹⁰ Magaaja cono Aivojibboco imo imo omooninoco. ¹¹ Mihifono ifijaagodi mihicajirahana; cïvonoguiino iicamo omoonifinoco. Jaanoco jilliro eseseehigoviro miminiyyu. ¹² Aivo nucufesuno diito toovono eetavonehejeti mihiimaano. ¹³ Jaaruno paryi fanoovaaco seseene aachicicuuno foovohi icafih, sese fanoovaaco aatyimesufimaño. ¹⁴ Jaamaño jilli noono:

Iijoho Moocaanico uguubutibbo cigarama iicaabobadi idiicaabo, deesicini. Jaaboro Moocaanico agaajatimo uchuumucuumobadi iicamofeeneti sihigovi diica. Jaadi ico Cristo gaajasuji, noonoro.

¹⁵ Jaaneguiha imino mehesicini amiihai icaco, agaajatimo iicabadiro mihicadino, agaajamo iicabadiro mihica. ¹⁶ Jifucuje iminootihi. Jaaneguiha ifafucuvaaco sicamañovi mafatyusudino. ¹⁷ Jaanegui fine jihovotabadi mihicano, magaaja conooco Mohaivojibbo Moocaani iimogonoco.

¹⁸ Guiriicabobaco meheetavedino toono miinoco imitasuno. Jilliro Moocaani Gaijari amiihai jeebiico magahafusu. ¹⁹ Fahigova imono midilucasí Moocaani masinoco mamaasiva paryi amiihai jeebinofañodi, Mohaivojibboco mihimo, masivamoro. ²⁰ Fahijivarо Moocaanico fanoovahallivi mihimo Mohaivojibbo Jesucristo momofeenedi.

²¹ Fahigovaví sifi guinovi miminifotocasi Moocaanico mobocigomoro.

Jilli Miyaavogominaa Iijaminaama Iicano.

²² Gaigoomi amiihai tajemi ijiguiinovi miminifoto Mohaivojibbo ijiguiinovi mihicabadi. ²³ Miiro aiji mogai aivojibbo inigaibadi, oono Cristo Moocaani iijaminaa Aivojibbo inigai iicabadi iicaabo. Miiro monigai onoobadi meheetavonicahi. Jaabo bu Cristo, Moocaani iijaminaa Taajasuminaafi. ²⁴ Jaanegui oono Cristo mityaguiino Moocaani iijaminaa iicabadiro, gaigoomi amiihai tajemi mityaguiinovi fanoovaví miminifoto.

²⁵ Jaabadiro bu amiihai taabamico magaiji oono Cristo Moocaani iijaminaaco agaijiboro diitohallivi ifico aciubo. ²⁶ Jaamaño jilli mooniuhdi diitoco iimibachuwboro ijeevadì ificuuqui, inifaihuri, itaajasujibegueri icano ifilluuboro, ²⁷ imino iijaminaati ihimefeenevi ificuuqui, imihinibama ichahaqui, ajashunogayi añahiicinimañobama ichahaqui icano, ajashuno tobadi iicanobama chahamo iicaqui, jilli imimo ijeevadì diibedi ificucafetequi. ²⁸ Jaabadì amiihai taabamico magaiji amiihai ifico magaijibadiro. Mogaico agaijibbo ifico gaijiji. ²⁹ Miiro cajaatyoba ifico ijibeguemeba chahahi. Jilliro amachusumoro imino toomomo. Jaabadiro Cristo moonihi Moocaani iijaminaaco, ³⁰ miihai diibo ifibadi mihicamaño.* toofioito diibo uucu, diibo bacì icano, onoonoco. ³¹ Miiro Caatinihaaamefaño noono: Jilli iicamaño gaifi caanico, seejico icano jeevesuji mogaima sano igataavequi. Jaamisi saafirucuji, noonoro. ³² Jino aivo sihidi ejeevanoco miyaminaa gaajatihiica. Jaanoco bu uujojo jibegueji jilli eneejiruno neeji: Jino miyaano gaifi

* **5:30** Sahaamefaño janaanicí jilli ficuumo: Jaamo miihai

mogaico ataabavasumi iicanicibadi mihica. Jaanoro bu Cristo Moocaani ijiaminaaco ataabavaabobadi iicanoti noono.[†] ³³ Jaaneguiha famooro amiihai, amiihai taabamico magaiji miino ificoro magajinicibadi, bu jaabadiro gaigoomi amiihai tajemico mobocigo icano.

6

¹ Seeme amiihai caanimico: Jii, monoo Cristofeenedi jino aivo iimino. ² Jino aivo tajiba aivo iticoniono aacigonomia iican: Diicaani, diiseej, icamisico bocigo. ³ Jaabo imino diicahi, bu jaabo gueenene jiinjehalliri diicahi icano, noonoro.

⁴ Jaabadiro bu amiihai caanimi amiihai seemeque misifiratusudino. Jilliro fajinimoro mujusisu jibogomoro Aivojiboo Cristoco imiyaaveguequi.

⁵ Jaabadiro bu amiihai jeecivominaa, amiihai aivojito: Jii, monoo jijehallivi mihicano hachuta, bocigomoro, nihicugomoro, miyanotiro Cristoco mejeeecivomo mihicabadi. ⁶ Imino mejeeecivo, diito amiihaico ihifinicisumiro diito imfeenevi imimobadi mihicaquiro icatino. Jilli Cristo jeecivominaabadiro mihica, paryi amiihai jeebiifañodi imino meheetavo Moocaani iimogobadi. ⁷ Imo imo amiihai dudicamaaje que meheetavo, miyaminaaco mihicabadi icatino. Jilli Mohaivojiboo Moocaanico mejeeecivono iicabadi. ⁸ Amiihairyo magaajacuhi famooro iiminoco meheetavono jaadaco, jaabadiro Aivojiboti magaayicijinoco jiovoto icarumo, bu jiovoto icatirumo icano.

⁹ Jaabadiro bu amiihai diito aivojito, tobadiro bu diitoma mihica, diitoco aamigotimo. Mehesafoto diitobadiro bu amiihai Aivojiboo niqefajañi iicaaboguiinovi mihicahi. Jaabo miyaminaaco dugaacutih.

Moocaani Moonicasi Gaachehuno.

¹⁰ Tañhabomi, jaaneguiha quehecuno miminifoto Aivojibofañodi, diibo sefa mityari. ¹¹ Mijicamaaje Moocaani moonicasi gaachehunofaño. Jaamo quehecuno mihicahi iji amiihaico abañijiruneguiha. ¹² Miiro ihuucuma, itiñohoma icano, miyaminaama mahamocasitihi, imiti gajjam iityama momoonicasihi, caamo jisituo gajjama, icivo jiinje aivojitoma, jisumi jijehallivi atajibamoma icano.

¹³ Jaaneguiha mijicamaaje paryi Moocaani moonicasi gaachehunoco. Jaamo majaabicihi iimitifuku iicasumi. Jaamo toono afatyoodi quehecuno mihicahi. ¹⁴ Amiihaifeeneebeti miyaanoco misiyaavo niivigai meeheque mihicanicibadi, miya iijiri amiihai feeyijeque mafabaacu amocasiminaafi cuhfeneri ifeeyijehallidi ijicafetefibadi,

¹⁵ mihimibaivomo mijibeguehi sajeebiico aacino jibogoco amocasiminaafi iimibaivoobo itihaipaajeque ijicafotonibadi. ¹⁶ Aivo fanoohalliviro miyaavogoma mihica. Jaamo toono ticovo mafataniiivehi iji inisunoti oono amocasiminaa ijagabamaaje bujeque ihusevari cijigaima icaneri diitoco itihibunoco ijagabamaaiqui asatyonicibadi.

¹⁷ Taajasuco amiihai nigaihallivi majavuuvu amocasiminaafi jigaiño njegaco ajavuvonicibadi. Jaamoro Moocaani iijico magaayici aamigabadi iicanoco Moocaani Gaija amiihaico aacinoco. ¹⁸ Paryi jinooco meheetavo Moocaanima iimaamoro suufenitimo midillu Moocaanico Igaijafeenedi. Jaamo paryi jinooco momoonihi mehesicini.

[†] 5:32 Griego iijiri ficuumo: Jino aivo sihidi ejeevano agaajarati. Jino uujoho Cristoditi, Moocaani ijiaminaaditi icano, onoonocoro.

Jaamo niinovatotimo mihicahi. Moocaanima mihiimaa famooro miyaavogominaahallivi. ¹⁹ Tahallivi bu tolliro Moocaanima mihiimaa uco Moocaani iimaa hijico ihaci qui, ihiimaasumi quehecuno iimaaboro gaajasuqui agaajaratino taajasujibogoco. ²⁰ Miirro uco Moocaani tobogoguiha agalluubo tobogohalliti civojaminaafitijino icahi. Jaanegui Moocaanima tahallivi mihiimaa quehecuno jibogoco jibeguequi.

Niino Iimaa.

²¹ Magaijibbo monahabo Tiquico onoobo Mohaivojibbo dudicamaaje amusuminaafi amihaico uuditiparyi imino jibegueji, bu jisumi eetavonehejeti icano. ²² Toonegуйиha diiboco amihaijaago galluuh, amiihaico, jilli miihai mihicahi, ineequi. Jaamo toonofeenedi mequehcutehi.

²³ Jaafa Moocaani, Mohaivojibbo Jesucristo icamisi monahabomico acihi sajeebii icaco, gaijico miyaavogoma. ²⁴ Bu jaafa Moocaani imino moonihi paryi famooro Mohaivojibbo Jesucristoco agaijimoco, milli iicajitino gaijiri.

FILIPENSES

Filipominaadi Acaatiniuhaame Civojafañoti Pablo Jihaameque Caatiniuhi.

¹Uujoho Pablo, Timoteo icano Jesucristo jeeчивоминаатијиhaameque macaatиниhi paryи monahabomiguiha, bu tolliro Moocaani iija aivojitedi, bu tolliro diito nahaboniminaa diaconomи onoomedi icano. Filipo cuumiri iicamo Moocaanita Jesucristofaњodi iicamedi. ²Moocaani Mohaivojиbo Jesucristo icamisi iimihuse, isajeebii icanoma mihica.

Pablo Moocaanima Iimaahi Miyaavogominahallivi.

³ Amiihaiditi fahijivarо eesafutusumi Moocaanico imehicahi amiihaihallivi. ⁴ Moocaanima fahijivarо ihimaasumi imo imo paryи amiihaihallivi dilluhicahi. ⁵ Miiro amiihaima sano miyaavogofaњo mihicamoro mijibeguehi miticoniunoti jisumihachuta. ⁶ Uujoho imino gaajahi, Moocaani amiihai jeebijfaњo iimihiijico ificuunoco. Jaabo suufenitiibo eetavejiibo imino ujusisunohachuta Jesucristo siino jijehallivi asaadи. ⁷ Imino aivo jilli uujoho amiihaiditi eesamaaiњo, amiihaico agaijimaњo, bu tolliro tajaagotи uco Moocaani imino omooninoma mihicamaњo. Jaamaњo uujoho civojafaњo icarunaaca, bu aivojito imega uco asatyurunofaњo jilli diitoco jibegueji taajasujibogoco, bu miyaano iicanoco neeji. ⁸ Moocaani gaajahi amiihaico uujoho paryи sihidi agaijinoco Jesucristo gajiri. ⁹ Moocaanico amiihaihallivi dilluhicahi amiihai gajи sihidi iguiraatequi sihidi gaajama mihicamoro paryи Moocaani agaijibadi sitaaco magajiji qui. ¹⁰ Jaamo magaajahi aivo iiminoco mihicinoco. Jaamo mihiinvatino ifiima mihicahi. Jaadi Cristo asaasumi iimitino amiihaihallivi chahaji. ¹¹ Jaachijii Jesucristo amiihai ifinoco imino eetaveji. Jaamo iiminoonocoro miguireatusuhi Moocaani sihidi ejeevaaboco magaajasuqui, mihimequi icano.

Pablo Neehi: Jijehalliri Iicanohachuta Cristo Iimogonocoro Moonihi, Noobo.

¹² Taњhabomi, imeguehi magaajanoco uuma jilli iicanofaњodi janaanicci taajasujibogo ijibogocafotonoco. ¹³ Jaamaњo toomominaa paryи tuucuumi aivojiibo iijaco eteemehicamo, bu sitahaje icamo gaajacuuhи Cristoti ijibeguehicanohalliti uco icivojaaninoco. ¹⁴ Civojafaњo iicaruubo imo imo iicanoco taњhabomi aatyimemere quehecutehi Moocaani jjibogoco Aivojibofeenedi iguihitimo ijibeguequi.

¹⁵⁻¹⁶ Jaanoti saatoho Cristoti jjibeguehicahi uco ijihhevemere uuma ijibacasimaњo. Jaamo Cristoti jjibeguehicahi jilli imiyaavogomoro icatino. Jilli iifurumo civojafaњo iicaaboco uco janaanicci idaasuno imoonisuqui. Jaanoti saatoho miyanotiro jjibeguehicahi. ¹⁷ Jaamo uco agaijimoro imino moonihicahi, gaajamo uujoho taajasujibogohalliti jineeri iicanoco. ¹⁸ Jaaruno uudi milli icatino. Tollи icarunaaca saatoho miyanotiro jjibeguehicahi. Jaanoti saatoho jilli miyaavogotirumo jjibeguehicahi. Paryи jaaruno uudi imino Cristoditi ijibogono. Jaano uco imo imo moonihi, imi janaanicci imo imo icaqui. ¹⁹ Uuro gaajahi paryи tollи fanoova icarunofaњoti civojafaњoti ihiinejinoco

amiihai tahallivi Moocaanima mihiimaahicanofeededi, bu Jesucristo Gaija uco aamusunofeededi icano. ²⁰ Uujoho sihid iimogoboro esamaahicahi nucufeguetiboo icaqui, iguitiboo jibeguequi jisumi, fahijiva iicahicabadiro janaanic Cristo sihid ejeevanoco fahijivar uuvihifufusuqui uujoho iicaabovi, bu iguijevercuudi icano. ²¹ Uujoho jijehalliri iicanohachuta Cristo iimogonocoro moonihi. Jaabadiro bu iguijevedi janaanic iiminoco gaayiciji. ²² Jaanegui guijevetiiboo icaruva Aivojiboo Jesuguiha dudicamaajirahi. Jaamaño gaajatih conooco uujoho iimogonoco. ²³ Uudi tihino toonoociti conoocohacho iimogono. Saanaagoobo imguehicahi iguijeverneque Cristoma icacuuqui toono aivo uudi iimino. ²⁴ Jaanoti saanaagoobo imguehicahi iicanoco toono amiihaiguiha iimimaño. ²⁵ Jaabo jinooco iimogonoco imino agaajacumaño, gaajahi jijehallivi amiihaima gueenene iicajinoco amiihaico amusuqui. Jaamo janaanic mefeehi, bu jaamo janaanic imo imo mihicahi amiihai miyaavogofaño. ²⁶ Jilliti amiihaima uujoho gueenene icaji imo imo miicaqui Cristo Jesufañodi.

²⁷ Jaanegui amiihai ifico imino momooni Cristo Jesu jibogo onoobadiro miicaqui. Jaaneguiha amiihaico meeciturunaaca, bu tolliro amiihaiti tehesino icarunaaca sabadiro imguehi amiihai quehecuno sahigoviro mihicanoco. Bu tolliro imguehi amiihai miyaavogo taajasujibogofañoti asaanohallivi quehecuno mihicanico jibogoco uguubunoco. ²⁸ Amiihaico amiihai minaa omooniñoti mihiguatedino. Toono diito omooniñoti foovono magaajajirahi diito ifinijihigo efeejinoco. Jaabadiro bu diito amiihaico omooniñoti foovono ifusumo amiihai mataajacuudimoco. Jino amiihai mataajacuuno Moocaaniti asaano. ²⁹ Miñiro Cristo amiihaico acihi diiboco mimiyaavogonocoro icatino, tolliro bu amiihaico diibohalliti sita idasuno omooniñinoco. ³⁰ Amiihai, bu uujoho icano sabadiro idasunofaño miicaqui. Amiihairyo mahatyimehinicuuh toonohallivi equehecucafetehininoco. Jisumi bu jaamo uudit muguubuhicahi toonohalliti quehecuno iicaaboro iicanoco.

2

Cristo Iimogobadi Ifico Iguiinonisuno, Bu Sihidi Ejeevasuno Icano.

¹ Jaanegui Cristo amiihaico equehecutusuhachiji, diibo gaiji amiihaico ajacusuhachiji, diibo Gaija amiihaima iicahachiji, gaijico, idasugoco icano magaajahachiji, ² uco sihid imo imo miminiiyu famooro sabadiro mihicanofeededi, gaijifaño sahigo mihicanofeededi, bu sagajafeenediro, bu sabadiro momooninofeededi icano. ³ Amiihaiguiharo momoonidino, bu quehe quehe amiihai ifico mehesicinimoro momoonidino. Jilli siicuno amiihai jeebiico miminiiyumoro momooni. Amiihaiti famooro amiihai janaanicivi diitoco mejeevasu. ⁴ Paryi amiihai imino mihicajinocoro miguiinedino, sita imino iicajinocoro miguiino.

⁵ Amiihaifaño mifiku, Cristo Jesu esamaaje iicaubadi iicanoco. ⁶ Miñiro diibo Moocaani ifima icauruubo Moocaanibadi iicanoco gajjutiiboo ⁷ uufocovi ficuubo iino iicaurunoco. Jaaboro jeeçivominaafi ifibadiro ifico miniiyuuh iifivovaunofeededi. ⁸ Jaabo miyaminaafi ifibadi iicauboro ifico guinoví miniiyuubo ejenaautimaño guijevefaño fuubo. Jaamaño guijeve imohobujehallivi guijeveubo. ⁹ Jaamaño Moocaani

diiboco aciuhi janaanicí allinoociví bocico, bu fanoohallinoociví sihidi ejeevano momoco aciubo icano. ¹⁰ Jaamo ufucu Jesu momoco mugubumoro mememuiivequi paryicino niquejefañi iicamo, jiinijehalliri iicamo, bu jiinijeguiino iicamo icano. ¹¹ Jaamo famooro Jesuco magaajamoro: Jesucristo Mohaivojíbo, meneequi, Dios Moocaani obocicafetejinoguiha.*

Cristota Jiinijehallivi Aachicin nobadi Iicamo.

¹² Jaaneguiha agaijimo tañahabomi, amiihaiama iicasumi uco: Jii, meehicabadiro jisumi uco: Jii, monoo tehesino icaruuboco. Amiihaiaco ataajasunofañoro mududicamaaje. Amiihai jeebiico siicuno miminiyu-moro iñihicunoguiinoro mihica. ¹³ Miiro Moocaani amiihaiaco acihicahi iimineheje imogoco. Jaaboro amiihaiaco amusuhicaabo meheetavequi diibo jeebii iimogobadi.

¹⁴ Paryi fanoovaaco imino meheetavo gaiquirari canifobamaaitimo, bu jenaautimo icano. ¹⁵ Amiihaiivi miihaiñooba amiihai imitico atyimejitihi. Jilliro iimitino jihovotobadi iicano miyaminaafeenevi Moocaani seemetiro mihica. Amiihai diiotopeenevi imino mihicaneri mahachicini, meeciri icivono jiinijehallivi aachicinicibadi. ¹⁶ Fiivo jibogoco masatyonofeedi tolliro uujojo Cristo asaasumi imo imo icaji amiihaiti, sicamañovi ijibeguehicatimaño, bu sicamañovi tadyudicamaaje ofootimaño icano. ¹⁷ Bu tafiico guijenisujirahi amiihai miyaavogofeedi Moocaanico mejecivonoco ifutusujirahi. Jaaneri uujojo imono icahi. Jaanoco paryi amiihaiama uujojo dugaacuhi. ¹⁸ Amiihai bu tolliro imo imo mihica. Jaamoro uujojo imo imo iicanofañodi mihica.

Timoteo, Epafradito Icamisico Pablo Agalluuno.

¹⁹ Aivojíbo Jesu iimogohachijí Timoteoco goovano galluji amiihaiaco imeecitequi. Jaabo amiihaiditi uhuumiibo uco ijibogonoco uguubuuboro imo imo icaqui. ²⁰ Uuma chahamo saatoho uujojo eesamaabadi eesamaaimo, bu chahamo saatoho miyanotiro amiihai imino mihicajinoco aivo iimogomo. ²¹ Famooro imeguehicahi ificoro imino omooninoco. Jaamo imogotimo Cristo Jesuguiha imino omooninoco. ²² Jaanoti amiihairyo magaajacuhi Timoteo iimihuseque iifusuhicanoco, jaabo caanico illi aamusunicibadi uco amusuhicaabo taajasujibogoco ijibeguehicaaboco. ²³ Jaaneguiha millihacho uco omooniinoco agaajacudi diiboco amiihajaago galluaji amiihaiaco imeecitequi. ²⁴ Jaabadiro bu Aivojíbo Jesufeenedi esiciníhi uujojo bu amiihaiaco goovano emeecitejinoco.

²⁵ Tolliro bu aivo uudi imino monahabo Epafradito onooboco amiihajaago agalluuno, tadyudicamaajeque, tajibogoco icano uco anahabonihicaaboco amiihairyo uco ihamusuqui magalluhiniboco.

²⁶ Jaabo imogoobo amiihaiaco aatyimeneque guiraano idasuvehiniibo diibo iguihuvaunoco amiihai mugububuhinnoti. ²⁷ Miyaano guihuvaliniboo guijevehiniicuruubo. Jaaruuboco Moocaani

idaasuguehinihi, diibocoro icahinitino, tollirehini bu uco. Jino idasuno iicano diibo iguijevehinineri janaanicí idasuno iicajiruneguiha.

²⁸ Jaaneguiha imeguehi diiboco agalluunoco. Jaamo siino diiboco maatyimemere imo imo mihicahi, toonoti uujojo sihidi

* **2:11** (Apocalipsis 5.13-14)

idaasuno icatibō icaqui. ²⁹ Jaanegui imo imo diiboco magaayici Aivojiboco mimiyaavogonofeenedi monahabo iicamaño. Jaanegui fahijivaro mobocigusuhica diibobadi iicamehejeque. ³⁰ Jaabo Cristoco ejecivonofañodi iguijeveruubo miyaminaa agaicaaujirunoti iiguitimaño uco amusuubo amiihai uco mahamusujitirunoti.

3

Miyaano Iticovono Ica.

¹ Jaaneguiiha tañahabomi Mohaivojiboco mimiyaavogomo, imo imo mihica. Jaamaño uudi gaiquivveechutino sano iivicoro amihaidi acaatinino amihaico imino ificuuqui. ² Mehesicini jicumibadi iicamoti, iimitinocoro omoonihicamo ii meehequere iquitihicamo judiomiditi. ³ Jaanotí mihai miyanotiro mojeebifañodi Moocaanico mejecivehicamo. Jaamaño imo imo mihicahi Cristo Jesuta mihicamaño. Jaamaño mosflicoro macahacisujitirahi. ⁴ Uujoho naa tafico acahacisujiruubo, mihaiñooba tajanaanici tonehejeque eetavejirumo chahahi. ⁵ Miilo uco judiomiooboco tameeheque quiticiumo ifiivuunoti sahuse juugahuseti mifucuci, safucu idino icauboco. Miilo uujoho israelmioobo, Benjamin cuumioobo. Uujoho ifiivuunotiro hebreomioobo, hebreomitisi seemene. Jaabo uujoho fariseo. Jaamaño judiomí tajibaco imino miyaavuguuhi. ⁶ Jaanohalliti iicaaboro Jesujaagodi iicamoco idaasuno moonihicauhi, tajiba onoobadi imino iicahicaumaño. Jaamaño mihaiñooba uuti milli neehicautihi. ⁷ Jaano jino uudi iticoni sihidi aivo miyaano iicahicauruno jisumi uudi sihidi jeevacutihu Cristomaryo icacuuqui. ⁸ Jaamaño paryicino fanoovaaco jeevesucuhi, toono janaanici iicanoco Cristo Jesu Tahaivojiboco agaajacumaño. Cristoguiinodi paryi fanoovaaco ejeevesucuunoco jihovonobadi esicinicuhi Cristoco agaayiciiboro diibomaryo icacuuqui. ⁹ Moise tajibanoñodi iticovono ifiima icacutibō icaqui. Jilli Moocaani uco igaayiciqui Cristoco imiyaavogonofeenedi. Miilo Moocaani imiyaavogomoco gaayichi. ¹⁰ Uujoho imeguehi Cristoco agaajanoco, bu diibo ubuheeteuno mityama icaqui, tolliro bu diibo idaasuno iicaubadi icaqui, bu diibo iguitiboro iguijeveubadi guijkevequi, ¹¹ diibo guijkevefañoti siino ubuheeteubadi buheetequi icano.

Niquejefaño Efeejimo Jilli Jisumi Icahi.

¹² Paryi tonehejevi ifutucuhi, bu aivo imicuuhi onoonoco imogotihu. Jilli gaimiciníhi ofoobo toonovi iffetequi Cristo Jesu iticoni uco ii ciamaño.

¹³ Tañahabomi: Uujoho toonovi imino ifutucuhi, nootihu. Dojicuví iminifotonoco iimogotiboro sefaquifetehi tahimega iicanovi iffetequi,

¹⁴ nijequevi iffetequi sefanó mooníhi ijaadaco gaayiciqui. Tooneguiha Moocaani mihaico niquejefaño cuuhuvahi Cristo Jesufañodi.

¹⁵ Paryi famooro imino mimiyaavugucuumo sabadiro mehesicinicuhi. Jaanotí siibadiro mehesiciníhachiji, Moocaani amiihaico tolliro gaajasuji. ¹⁶ Jaanotí oono mihi futucuunofañoro masii sabadiro quehecuno mihicacuuqui.

¹⁷ Tañahabomi, jino uujoho iicabadiro mihica. Jaamo maatyimemere magaaja, ¿naa miijoho imino amiihaico monoobadi icahi? ¹⁸ Fahijivaro amiihaico neehicacuuhi. Jaarunoco bu siino jino neehi taaboro. Ajashutimo icahi Cristo imohohallivi iguijeveubo jibogoco jiheguemere

iicamo. Jaamo ufucu finiji. ¹⁹ Jaamo Moocaanico caanivahicatih. Jilli ifi iimogonocoro moonihicamo. Unucufeguejirunoco nucufeguetimoro: Aivo sihidi mimityahi, noomo. Jilli jiinijehallionocoro esamaaimo icano. ²⁰ Jaanotí na ha miihai niqueje cuumiminaa, tahigoti Motaajasuminaaфи Aivojiibo Jesucristo asaaajiiboco meteemehicahi. ²¹ Diibo miihaico mohimiti ifinijino ifico iimino ifiiti miniiyuji. Jaabo diibo ifi ovosiibadí iicaqui, imityari tolli moonijilbo paryi jiinijeque iguiinonijino mityari.

4

Aivojiibofaño Imo Imo Mihica.

¹ Jaaneguiha agaijimo tañahabomi, amiihaico sihidi aivo aatyimeguehicamo, amiihai tahimohica, tadyudicamaaaje jaada mihicamo, agaijimo quehecuno Aivojiibofaño mihica.

² Evodia onoogo, Sintique onoogo icamifeque neehi: Sabadiro minifoto Aivojiibofañodi. ³ Bu iijohno tadyudicamaaaje nahaboniminaafico neehi: Diiitifeque daamusu. Miilo diitife sihidi jenaauo dudicamaaiuhi uuma, taajasujibogoco ijibuguuboma, tolliro Clemente onooboma, bu saatoho sano uuma ududicamaaliumoma icano. Jaamo momono niquejefaaño fiivohaamefaño caatinicinicuuhi.

⁴ Jaaneguiha Aivojiibofaño imo imo mihica. Siino bu neehi: Imono mihica, ⁵ famoovaro amiihai imihuseque igaajaqui. Jaanegui mehesicini, Mohaivojiibo fiiticuuhi.

⁶ Fanoovati idasuvotimoro toonohallivi Moocaanima mihiimaa. Dibocoro midillu. Jaamoro toonohallivi diiboco mihimo. ⁷ Jaachiji amiihaico Moocaani isajeebiico aciji, miyaminaafi eesicinino janaanicivi afatyocininoco. Jaano amiihai jeebiico, bu amiihai esamaajeque icano imino teemeji Cristo Jesufañodi.

Iiminocoro Mehesamaaje.

⁸ Niinoono jino ijibogono: Tañahabomi, paryi miyaano iicanocoro mehesamaaje: Paryiicino miinoco obocigusunehejeque, paryiicino iticovonehejeque, iiidicutinehejeque, aivo oovosiihejeque, miinoditi imino unusuhejeque, paryiicino iiminehejequere mehesamaaje miinoco acahacisusunehejequere icano.

⁹ Amiihaico ijibeguehicanoco momooni ifusuhicanoco, uujooho eheetavonoco, mahatyimehicano mugubuhicanoco icano. Tollri momoonihachiji Moocaani sajeebiico aaciiboo amiihaima icaji.

Filipominaa Pabloco Aacino.

¹⁰ Jaanegui Aivojiibofañodi imo imo icahi uco siino mehesafeteneguiha: Uco majabajeevecuuhi, uujooho nootih. Gaajacuuhi uco mahamusujiruno nihibamima machahanoco. ¹¹ Ucuujivaachumaño, nootih. Uuma iicadynomaryo imo imo iicanoco jeevamaaicuuhi. ¹² Gaajacuuhi idasuno iicajirunoco, bu sihidi sinehejema iicajirunoco icano. Jeevamaaicuuhi fanoovavi iicanoco utuvanovi, bu ajebaco ajaabicinovi, sihidi iicanovi, achahanovi icano. ¹³ Fanoovavi jeevamaaicuuhi Cristo uco mityaco aacimaño. ¹⁴ Jaarunofaño amiihai uco imino momoonihi tahidaasufañodi mihicamaño.

¹⁵ Miilo amiihai Filipo cuumiminaa magaajacuuhi taajasujibogoco ijibuguubo iticoniunoco. Jaabo Macedonia ufuusumi idiomoro amiihai Filipori iicaja Moocaani iijaminaa tajaa magalluuhi uco mahamusuno

nihibamico tafeenedi Moocaani amiihaico aamusunoco magaayicino jaada. ¹⁶ Miiro uujoho Tesalonicarirehiica icaunaaca amiihai tajaa nihibamico magalluhicauhi; ¹⁷ uuro gaayiciqui icatino, tolliro bu amiihai ufucu toono jaadaco Moocaaniti magaayiciqui. ¹⁸ Jaanoti uujoho iimogono janaanicivi gaayicicuuhi. Epafroditoma tajaa magalluuno uudi imino ifutucuuhi. Jaano uudi Moocaanico ejecivobadi jeevano. Miiro siicijeminaa Moocaanico afacinceri ejecivuunoco Moocaani imo imo gaayiciuhi. Jaabadi uco mejecivonoco Moocaani imo imo gaayichihi. ¹⁹ Jaanegui amiihai Cristo Jesuco imiyaavogomoco Moocaani jaafa acihi paryi mucuujivaachudinoco, diiboma niquejefaño fanoo ajashutino iicamaño. ²⁰ Jaanegui Moocaanico mihimo fahijivarо. Fine.

Niino Fitacu.

²¹ Jesucristofeenedi tajico paryi famoocoro mahaci Moocaanita iicamoco. Paryi monahabomi uuma iicamo amiihaijaago iijico galluuhi. ²² Tolliro bu iijico galluumo famooro jimañeri Moocaanita iicamo, bu tolliro imi janaanicu Roma aivojibо Cesar onoobo iijaminaa amiihaijaago iijico galluuhi.

²³ Jaafa amiihaico Mohaivojibо Jesucristo imino moonihi.

COLOSENSES

Colosa Juinjeri Iicamedi Pablo Acaatiniuhaame. Pablo Caatiniuhi Colosa Cuumiri Iicaja Moocaani Iijaminaadi.

¹ Uujoho Pablo Moocaani jeebii iimogobadi Cristo Jesu minisuminaafi, diibo agalluubo enejiruno. Sano monahabo Timoteoma ² jihaameque macaatinihi Colosa cuumiri iicamo Cristoco imiyaavogomo Moocaanita iicamedi. Jaafa Dios Moocaani amiihaico imino omooniiboro isajeebiico acihi.

Pablo Moocaanima Iimaahi Miyaavogominaahallivi.

³ Fahijivaro Moocaanico Mohaivojiboo Jesucristo Caanico mihimehicahi diiboma amiihaihallivi mihiimaamoro. ⁴ Mihai amiihaiti mugububuhi Cristo Jesuco mimiyaavogonoco, tolliro bu paryi Moocaanita iicamoco magaijinoti icano. ⁵ Jilli amiihai momoonihicahi, amiihaidi niquejefaañi ificuucinonoco motoomoro. Jaamo amiihai toono eesicinonoma mihicahi taajasujibogoco mugububuunofaño. ⁶ Tobogocoro amiihaico ijibuguubogo jino guiraatobogoro ofoobogo fanoojiinjeriro guiraatobogoro feehi, oono amiihai Moocaani gajiti amiihaifeenevi ihiimaaunoco mugububuuno iicaubadiro. Jaanoco amiihai magaajauhi toono gaji miyaano iicaunoco. ⁷ Jaano toonoco amiihaico magaijiboo monahabo Epafra onoobo ijibuguuh. Diibo miihaima ududicamaaiubo. Jaaboma miihai mihicahi Cristoco jeevesutiboo ejecivehicaaboma. ⁸ Diibo miihaico jibeguehi amiihaiditi, bu amiihai Moocaani Gaija aamusunofeenedi magajicasinoditi icano.

⁹ Jaamaño miihai toonoco amiihaiditi mugububuhinotiro suufenitimo Moocaanima mihiimaahicahi amiihaihallivi, dilluumoro amiihaico Moocaani igaajasuqui imino iimogonoco. Jaaboro amiihaico fanoovaaco igaajasuqui, bu fanooheedene Moocaaniti asaanoco igaajasuqui icano. ¹⁰ Tolliro bu midilluhicahi jaamo imino mihicahi Aivojibota iicamo iicanicibadi fahijivaro momooni diiboco imo imo omooniinoco fanoova imico sihidi eetavomoro. Jaamo imino Moocaanico magaajahi. ¹¹ Tolliro bu midilluhicahi amiihaico sefano imooniqui ihovosi mityari. Jaamo imo imo fanoova icarunoco majaabicahi. ¹² Jaamoro Moocaanico mihimo miihaico iimibachuuboro ufucu ita iicamoco foovohi aacijinoti niqejefaañi magaayicijinohallivi. ¹³ Jaabo Moocaani miihaico taajasucuuhi icivono mityati. Jaaboro miihaico agaijiboo Illi aivojifaño ficuucuubo. ¹⁴ Diibo miihaico taajasuhinicuhi mohallivi iguijeveunofañodi mohimitico ubusuuboro.

*Moocaanima Sajeebii Mihicacuuhi Cristo Iguijeveunofeenedi.
(Jn 1.3; Heb 1.2)*

¹⁵ Moocaani otoovoobo foovono saauhi jijehallivi Illi ifiri. Jaabo diibo sahijitiro iicacuubo, fanova chahaunaacaro iicacuubo.

¹⁶ Diibofeenedi Moocaani paryi fanoovaaco eetavuuhi niqejefaañi iicanehejeque, jinijehalliri iicanehejeque icano; iifuvusunehejeque, bu iifuvusutinehejeque icano. Tolliro bu paryi aivojinoco, paryi guinoninehejeque, bu paryi tajibanehejeque, paryi gaijano mityanehejeque icano, paryi diibofeenedi eheetavocafutuuno

diibeguiiharo. ¹⁷ Cristo fanoohimegaviro icacuuhi. Jaabofeenedi paryi fanoova sahigo imino icahi. ¹⁸ Jaabadiro buunaji miihai Moocaani iijaminaa mihicamo. Jaanoti Cristo Moocaani iijaminaa Aivojibo inigaibadi iicaabo. Jaabo sefari miihai mihicahi. Jaabo aivo iticoni guijevefañoti buheeteuhi fanoova mityahallivi diibo iicaqui. ¹⁹ Miiro Dios Moocaani Jaabo achi Jesucristo tolliro bu Dios. Jaaneri Moocaani imo imo icahi iimogobadi iicamaño. ²⁰ Tolliro bu Moocaani imuguuhi Cristofañodi paryicino fanoovaaco sajeebii ificuunoco, paryicino jiinjehalliri iicanehejeque, bu paryicino niquejefaño iicanehejeque icano. Paryicino sajeebii fanoovaaco Cristo imohovi itijohoh ucuunofañodi ificucuuboro.

²¹ Iticoni naha amiihai, amiihai jeebiifañodi Moocaaniminaati mihi-cauhi, iiminotinoco momoonihicaumaño. Jaarumoco jisumi Moocaani ifimaryo sajeebii ficucuuhu, ²² Cristo idasuno ifiiri iguijeveunofeeded. Jill mooniubo diiboco amiihaico diibo imefeenevi ihifusuqui iimbachuboro mihinivatimoco, imitibama chahamoco icano. ²³ Jaaneguiha quehecuno mihica miyaavogofaño faicuvano mabacoocovamoro taa-jasujibogoco mimiyaavuguunofeeded mehesicininoti buhigovi minifotimo. Jaabogo jibogocafetehi paryi fanoojiinjeri. Jaabogoco uujocho Pablo amusuh iibogooobo.

*Pablo Moocaani Iijano Jeecivominaafiti Ficucafetehi.
(Ef 3.1-11)*

²⁴ Jaabo jisumi amiihaihalliti idasuno omooniruneru imo imo icahi. Jaamaño jilliti ifutusuuboro feehi tafivivi, oono Moocaani iijaminaaguiha Cristo dudicamaajeque eheetavomaño idasuno iicanofeeded. ²⁵ Jaamaño uujoho Moocaani iija jeecivominaafiti icahi amiihaico imino mooniqui Moocaani uco atajibaumaño, bu tolliro paryi jiinjemaaco imino Moocaani jibogoco jibeguequi icano. ²⁶ Tolliro bu aivo siicijetiro agaajaratin, paryi siicijeminaadi toovono iicanoco gaajasuqui. Jaanoco bu Moocaani ita iicamoco gaajasucuhi. ²⁷ Diitoco nahe Moocaani imeguehi agaajasunoco ihovosi busumijeque, toono agaajaratinofaño iicanoco judiom iicatimedi. Jaano toono agaajaratin Cristo amiihaifaño iican. Jaabo diibo imino niquejefaño mihicajinoco mehesiciniiboo.

²⁸ Jaamaño miihai Cristoti mijibeguehicahi, bu famoovaaco mafajiihicaahi. Famooovaaco magaajasuhicahi imino igaajaqui. Jaamo famooro imino Cristofañodi ijesiqui. ²⁹ Tooneguita uujoho sefano ejenaauuboro Cristo uco mityaco aacinofeeded dudicamaaihicaahi.

2

¹ Jaanegui imeguehi magaajanoco sefano amiihaihalliti omoonicasinoco, bu tolliro Laodicea cuumiri iicamohalliti, bu paryi uco tahimeque aatyimetimohalliti icano. ² Imeguehi amiihai diito jeebiiñoco mequehecutusunoco sano gajifafaño iminifotomoro paryicino gaajaco igaayiciqui. Jaamoro imino Cristoco igaajaqui diibo Moocaani iiji gaajaratin iicauboco. Jaarunofaño jisumi diiboco magaajacuhi. ³ Miiro diibofaño paryi gaaja, bu gaajaci icaneheje busumije paryi ficucinicuhi. ⁴ Jill amiihaico neehi miijoho amiihaico ihiimaari bañitimo iicaqui. ⁵ Amiihaiti tehesino icaruubo tahesamaajeri amiihaifeenevi iicajirubadi icahi. Jaaboro imo imo icahi amiihai

sabadiro mihicamoro quehecuno Cristoco mimiyaavogonofaño mihicanoco agaajaaboro.

⁶ Jaanegui Jesucristoco amiihai jeebii aivojiiboti magaayiciuhi. Jaaneguiha jisumi sano diiboma mihica, ⁷ diibofaño di amiihai ifico quehecuno mabacoconimoro mifiku, sefano amiihai miyaavogoma oono amiihaico ijibuguubadi, fahijivarо Moocaanico imomoro.

Cristofaño di Bohono Ifima Mihicano.

⁸ Jeedi mehesicini. Amiihaico sita sicamañehejeque onoomoro abañinoco miyaano meneedino diito Cristofaño di icatihu. Jilli miyaminaa jeevamaajequere sivamo, miyaminaa ejecivefinocoro sivamo icano.

⁹ Jaanotи Moocaani Dios. Jaabo achi Cristo, tolliro bu Dios. ¹⁰ Jaamaño amiihai paryi fanoomaryo mihicahi diiboma mihicamaño. Diibogui-inovi icano paryi tajibaneheje, gaijano mityaneheje icano. ¹¹ Jaabadiro bu amiihai miquiticafutuuhi. Jaaruno ifico iquiticifibadi icatino, jilli amiihai ifi iimogonotи mataajacuuner. Jino naha Cristoti asaano quitici. ¹² Miilo minitcafotoneri amiihai sano Cristoma micihacafetehi. Jaamoro bu sano diiboma mubuheetesufatetehi, Moocaani mitya dibo guijkevefañotи siino ubuheetesuunoco mimiyaavogomaño. ¹³ Iticoni naha amiihai muchuumucuuhi amiihai jeebiifaño di amiihai imitiri, bu miquiticiniutimaño icano. Jaarumoco jisumi Moocaani fiivoco acicuuhi sano amiihaico Cristoma, paryi amiihai imitico ubuusuuboro. ¹⁴ Moocaani paryi mohallivi jaaducuuhi. Mihaico mohimitico eneehicaunoco finisucubo imohovи eteteceuuner. ¹⁵ Miilo Cristo imohovи iguijeveuner paryi guinonicuuhi tajibanoco, gaijano mityanoco icano miyaminaa imfeenenevи guinonicuuhi. Jaanoco icivojaaniuboro satyuubo imohovи iguijeveuner toonoco iguinoniboro.

Niquejeonehejequere Miguiino.

¹⁶ Jaaneguiha miihaiñooba amiihaico mamachunoti, mahadunoti icano amiihaico dejecudimo, bu tolliro bohono nihiba iinuusumi jibaimonoco meheetavonoditi, bu jaguisifucujediti icano amiihaico dejecudimo. ¹⁷ Toneheje jilli asaaujino ijino iicauno. Jaanotи naha miyaabo iicaabo Cristo. ¹⁸ Jaanegui mehesicini, oono saatoho siicujeebiimobadi iicahicarumo Moocaani toomominaacoro ejecivehicamo, amiihaico ufucu ajaadunoco magaayicijirunoco icsutimo icadino. Diito jilli aatyimetinehejeque omoonimoro: Aivo sihidi mejeevahi, noomoro quehequimaañihicamo, jilli sicamañocoro ifiitiro tolli jeevanobadi eesamaaimoro. ¹⁹ Jaamo diito, Cristo monigaibadi iicaaboma gataacinitihi. Jaanotи miihai Cristo ifibadi mihicamoco diibo aamusuuboro ujusisubadi ficuubo, Moocaani esamaaje onoobadi icano.

²⁰ Jaanotи naha amiihai sano Cristoma miguijevecuumoro sinehejequere miyaminaa esamaajequere momoonicuutihu. Jaamaño ɿcollihu jaamo jiinijeminaa agaajatimobadi mihicahicahi, jiinijeoneheje atajibanoguiinovи miminifotomoro? ²¹ Oono:

Jinooco dudiçidino, toonoco machudino, dihusefaño gaayicidino, onoonehejequere momoonimo.

²² Paryi toneheje jilli miyaminaa tajibanehejere. Jaano paryi finijino itajiba omoonihicanehejema. ²³ Jaaneheje aivo gaajama iicanehejebadi

jeevajirahi, sihidí ejeevano iijicoro atajíibamaño siiucujeebíi icanehejequere, sihidí jeevanehejeri ifiinoco omooninehejequere. Jaaruneri mofí iimogonehejeque miguiinonijitirahi.

3

¹ Jaanegui amíihai Cristoma sano mubuheetehinicuumo miguiino niquejefañoonocoro, oono Cristo Moocaani miyanaagueneri igiciniohigonehejequere. ² Jiiñeonehejequere esamaaitimo niquejeonehejequere mehesamaaje. ³ Miíro amíihaima sano Cristo miguijevehinicuuhi. Jaamaño jisumi amíihai ifi diiboma sano Moocaanifaño fatanicinícuuhi. ⁴ Jaabo Cristoro jino mihai mihicano ifi. Jaamaño diibo ubuhugaavusumi amíihai sano diiboma bu mubuhugaaveji. Jaamo diibo ovosíhaivojifaño mihicaji.

Eedeehifi, Bohono Ifi Icano.

⁵ Jaaneguiiha jiiniyeono amíihai ififaño iicanehejeque miguijeni. Miíhaiñoba buhigueejedi amíihai taabamí iicatimehejema mihicadino, bu tolliro iídicunehejeque momoonidino, fanoovaaco iimeguehicanehejeque, imitino imogonehejeque icano momoonidino. Fanoovaaco saatohoro mujuvihicinidino toono jihovo caanimí jecivobadiro jeevahí. ⁶ Tonehejehalliti ñihicunerí idasuno Moocaani omoonino saahi, paryí diibo onoonoco: Jii, onootimohallivi. ⁷ Tonehejeque amíihai paryí momoonihicauchi eedeehifima mihicausumi. ⁸ Jaarumo paryí jinehejeque jisumi mejeevesucu. Sifiratedino, icajíisunehejeque mifinisu, bu imitino momoonidino, sitaaco aivono noojohoco, iídicuno iimaaneheje amíihai iijiti ihiinejirunehejeque icano mifinisu. ⁹ Fahigovavi mabañicasidino. Amíihai eedeehifico, bu itíconi momoonihicaunehejeque icano mejeevesucuunoco siino momonicuudino. ¹⁰ Bohono ififaño mijicafutucuno janaanicivi imitonoro ifeequi miyaabo Moocaani toonoco eheetavuubo ifi iicabadi. Jaamo imino diiboco magaanjanovi mihifetehi. ¹¹ Diibofaño chahano diito griegomi, diito judiomí, diito iquiticinímo, bu iquiticinímo, siijinijeoto, bajiminaa, jijovoto, bu sajeebií iicamo oononeheje. Jillí paryíicino fanoovaro Cristo. Jaabo paryí famoovafafáñoro icahi.

¹² Amíihaiico Moocaani gaijíhi diibotaro miicaqui amíihaiico iicicuumo. Jaaneguiiha idasugo mityanofaño mihica, imihuema, famooguiinovíro iicasunoma mihica, siiucujeebíba omooninoma, bu fanoova jaabicima icano. ¹³ Jaamoro sabadiro fahigovavi majaabícicasi, fahigovavi amíihai iibacasico mihimbachucasi. Jaanoti bu saatoho sitaama imitino iicahachiji oono Cristo amíihai imitico iimibachucubadiro mihimbachucasi. ¹⁴ Fanoohallíviro aivo gaijíma mihica. Toono paryí fanoovaaco sahi agataacunoro imino fanoovaaco iifutusuno. ¹⁵ Jaaneguiiha jaafa amíihai jeebiínoco Moocaani isajeebíri ticuvusuhi. Tooneguita amíihaiico cuuhuvaubo saafi ifiitiro miicaqui. Jaamo diiboco mihimehicamotí mihica.

¹⁶ Tolliro bu jaafa Cristo jibogo amíihai jeebiínoco paryí imino gahafusuhi. Jaaneri fahigovavi mijibogocasi, bu fanoogaajari fahigovavi mequehecutusucasi. Tolliro bu Moocaanico iimono masinoco mamasiva, bu Cristo masinoco mamasiva, fanoova Moocaaniguicha iicano masinoco, diiboco amíihai jeebiífañodi imomoro mamasiva. ¹⁷ Paryí fanoovaaco monoonehejeque, meheetavonehejeque icano momooni

Aivojíbo Jesu momofeededí, diibofeededí fanoovahallíví Moocaanico imomoro.

Cristota Jillí Iyotoma Iicano.

18 Gaigoomi amíihai tajemí iijiguiinoví miminifoto. Jillí mooní Aivojíbo Cristoco imiyaavogomo tollí icafíhi. 19 Jaabadiro bu amíihai gaifimi amíihai taabamico magaiji. Jaamoro diitoma misifiolatedino. 20 Jaabadiro bu amíihai seeme amíihai caanimi, seejímí icano atajíibanco: Jii, monoo. Toono mohaivojíboco imo imo omooníno. 21 Caanimi amíihai seemequé misifiiratusudino, diito ifico mejeevevesudino. 22 Jaabadiro amíihai jeecivominaa amíihai aivojítoco fanoovavi: Jii, monoo, jíjehallíví mihicanochuta diitoma imino mihicapiro. Diito ihífinicisumiro icatino, jillí miya jeebíri Moocaanico miñihicugomoro. 23 Paryí fanoovaaco momooninoco imo imo momooní Aivojíbo Jesuco mejeeecivonicibadi, miyaminaaco mihicanicibadi icatino. 24 Amíihairyo magaajacuuhi toono jaadabadí iicano Aivojíbo ibusumijeque amíihai aacijinoco. Miíro amíihai Cristoco mejeeceivehica hi amíihai miya Aivojíbo iicaaboco. 25 Jaabadiro bu iimitinoco omoonihicaabo toono jaadaco gaayicijí. Miíro Moocaani miyaminaaco dugaacutíhi ijeevadisahaje.

4

1 Jaabadiro bu amíihai aivojito, amíihai jeecivominaaco imihuseme omoonibadi, imino momooní. Mehesafoto tolliro bu amíihai, amíihai Aivojíbo niquejefaño iicaaboma mihicahi. 2 Suifenítimo Moocaanima mihiimaa imino mehesicinimoro, bu Moocaanico fanoovahallíví imomoro mihica icano. 3 Tolliro bu miíhaihallíví Moocaanima mihiimaa, Aivojíbo miíhaico aamusunofeededí taajasujíbogoco mijíbeguequi, Cristo jiibogo agaajaraautinotí mijíbeguequi icano. Miíro tobogohallítí jino uuoho civojafaño icahi. 4 Jaanolahallíví Moocaanima mihiimaa imino foovono uuoho toonoco gaajasuqui omoonijibadi. 5 Quehecuno mihica miyaavogominaa iicatimoma sicamañovi ifafucuvaaco mafatyusudino. 6 Fahíjívaro imino mihiimaaahica imo imo. Imino magaaja sitaaco mihiimusuhicajinoco.

Niino Iimaa.

7 Magajíjíbo monahabo Tiquico onoobo miíhaico jeevesutíbo aamusuhicaabo, bu uuma sano Aivojíboco ejeeceivehicaabo, amíihai paryí uuti imino jiíbegueji. 8 Tooneguiha amíihaijaago diiboco galluuhi amíihaiico jillí mihicahi ineequi, bu amíihaiico iquehecutusuqui icanouno mihica miyaavogomi. 9 Tolliro bu diiboma foobo magaijíbo miíhaicoro ejeevesuhicatiíbo monahabo Onesimo diibo amíihaiti saafi iicaabo. Diitisi amíihaiico jiíbegueji paryí juu iicanoco.

10 Tacívojati uco anahaboniíbo Aristaco onoobo amíihaijaago iijíco galluuhi, tolliro bu Marco Bernabe nahabo icoomoobo achi amíihaija iijíco galluuhi. Diibo amíihaiico ijiíbeguehicaubo. Jaabo amíihaiico abaatochachíji diiboco imino magaayici. 11 Tolliro bu Justo onooboco bu Jesu eneehicaabo iijíco amíihaijaago galluuhi. Jito idíimoro judiomiti imiyaavugucuumotí Moocaani aivojiguiha uuma sano ududicamaaimo. Jaamofeededí uuoho tafíco jacusufetehi. 12 Tolliro bu Cristo jeecivominaafi Epafra onoobo amíihaijaago iijíco galluuhi, diibo, bu saafi amíihaiobo iicaabo. Diibo fahíjívaro sihidí amíihaihallíví

Moocaanico dilluhicahi diiboma ihiimaaboro. Jaamo amiihai quehe-cuno mihicamoro aivo imino amiihai jeebiico miminiyuhi Moocaani iimogonocoro meheetavejinojaagoviro.¹³ Uujoho imino gaajahi Epafra amiihaiditi ifico niji niji omooniicanoco, bu tolliro Laodicea cuumiri iicamediti, bu Hierapoli cuumiri iicamediti icano iicahicanoco.¹⁴ Tolliro bu magaijiboo taabuminaafi Lucas ijico amiihaijaa galluuhi, tolliro bu Demas onoobo icano.

¹⁵ Tolliro bu monahabomi Laodiceari iicamoco taajico mahaci. Tolliro bu Ninfa onoogoco taajico mahaci, bu tolliro diigo ijafaño iigaivehicamoco icano.¹⁶ Jaamoro jihaameque amiihaifeenevi memeecdí magallu, bu tolliro Laodiceari iicaja Moocaani ijafaño imeeciqui. Tolliro bu amiihai memeeci uujoho Laodicea iicamediciacaatinicuuhaameque.¹⁷ Bu jinooco mijibogo Arquipo onooboco: Meeci, jaaboro imo dihifutusu Aivojiboo ico diibo jeecivo dudicamaajeque aacihininoco.

¹⁸ Uujoho Pablo jino ico idillunocoro, caatinih i jino tahuseri. Uco mehesafotomoro Moocaanima mihiimaa jino civojaminaafiti iicanohallivi. Jaafa amiihaico Moocaani imino moonihi.

1 TESALONICENSES

Pablo Inahaboniminaama Caatinihuhi Moocaani Iijaminaadi.

¹ Uujoho Pablo, Silvano, Timoteo icamisima caatinihuhi jihaameque monahabomi Tesalonica cuumivi iicajahaje Moocaani iijaminaadi. Moocaani, Aivojibbo Jesucristo icamisima sano agataacimed. Jaamo amiihai Moocaani, Aivojibbo Jesucristo icamisi iiminoco aacinoma, sajeebiima icano mihica.

Tesalonicaminaa Miyaavogoco Agaajasuhicauno.

² Fahiiivarо miihai Moocaanico graciaco mahacihicahi paryi amiihaihallivi Moocaanima mihiimaasumi. ³ Mehesafetehicahi suufenitimo Moocaani imfeeneevi guiraano amiihai miyaavogofeenedi mududicamaaihican, sihidи amiihai gaijifañodi mejeecivehicahi, amiihai Aivojibbo Jesucristoco mehesicinihican quehecuno iicaneguiha. ⁴ Tañhabomi, Moocaani amiihaico gaijihи. Jaamaño diibo amiihaico iicuboro ificuunoco miihai magaajahi, ⁵ amiihaico taajasujibogoco mijibuguusumi ticovohijiri mijibuguutihи, Moocaani Gaija mityari. Tobogo miyaano iicanoco imino magaajamoro mijibuguuhi. Amiihairyo magaajahi amiihaifeenevi miihai imino mihicaunoco, amiihai imino miicaqui.

⁶ Jaamo amiihai, miihaiti, Aivojibbo Jesucristoti icano magaajauhi. Jaamoro miihaibadiro mihicahi. Jaamoro tobogoco magaayiciuhи imo imo amiihaico Moocaani Gaija aaciuneri, idaasuno sihidи mihicaurunofeenedi. ⁷ Amiihaiti paryi imiyaavugucuumo Macedonia jinijeminaa, Acaya jinijeminaa icamo igaajaqui. ⁸ Jilliti amiihai magaajasuhи Aivojibbo Jesu jibogoco. Macedonia, Acaya icano jinijeviro icatino. Tolliro fahigova jinijeminaa gaajacuhi, amiihai Moocaanico mimiyaavogonoco. Jaamaño miihai diitoco milli munuucujitirahi. ⁹ Diitoro miihaico sahigotiro jibeguehicacuhi, miihai amiihaijaago mihigutuumoco imino magaayiciunoco, bu tolliro amiihai ijinitaco mejeecivehicaunoco mejeeesuumoro Moocaani iicaabo miyaabocoro mejeecivequi diibogaagovi miminifutuumoco, ¹⁰ tolliro bu jibeguehicamo amiihai, Jesu niqejefañoti asaaajiiboco motoomonoco. Jaabo Jesu Moocaani Achi. Jaaboco, Moocaani iguijevecuuboco siino buheetesuuhi. Jaabo diibo Jesu miihaico taajasujiboc idaasuno mihicajirunoti.

2

Pablo Tesalonica Cuumivi Ududicamaaihinino.

¹ Tañhabomi, amiihairyo magaajahi, amiihaico mabaajeunoco sicamañovi icautinoco. ² Iticoni Filipo cuumivi miihaico: Imitino, unuumoro idaasuno mooniurumo amiihairyo magaajacuno. Jaarunofaño miihaico Moocaani amusuuhitaajasujibogoco amiihaico iguitimoro mijibeguequi sihidи jeevarunofeenedi. ³ Tobogoco sicamañodi mijibuguutihи imitino momooniqui icautino, bu mabañiqui icautino. ⁴ Iticoni Moocaani miihaico inisuuboro aciubo tajibaubo fiivo jibogoco. Jaabadi miihai mijibeguehicahi. Jilli miyaminaaco imo imo mihicasuqui icatino Moocaanicoro imo imo mihicasuqui

mojeebiinoco agaajaciiboco. ⁵ Amiihairyo magaajacuuno miihai amiihaico mabañamaaihicautihi oovosiinoono ihiimaaneri. Jilli nihibamicoro amiihaiti mihiiciqui icahicautino. Jaamoco Moocaani gaajahi. ⁶ Tolliro bu miyaminaa miihaico obocigonoco miguiinotih amiihaiditi, bu sitaaditi icano. Miihaico Cristo agalluumoco amiihai mobociguejiruno icarunaaca, ⁷ jilli amiihairyo miihusuno momoonihi gaigo iseemegayimico otoomonicibadi. ⁸ Sihidi amiihaico magajimaño Moocaani jibogocoro mahacitih, tolliro bu amiihaihallivi mofico mahacijirahi sita iguijeniqui, amiihaico sihidi magajicumaño. ⁹ Tañhabomi, amiihairyo magaajacuhi miihai dudicamaajeque sihidi jeevarunofaño; fucu, bu cuuje icano mududicamaaihicaudi toono sefatii miicaqui, amiihaiñoco mudumitiiciqui icatino Moocaani ijico amiihaico mijibeguehicaunohachuta.

¹⁰ Jaanoco amiihai magaajahi, bu tolliro Moocaani gaajahi, amiihai mimiyaavogomofeenevi mojeebi imino iicaunoco imino momoonihihihi, miihaiñoba miihaiti: Imitino, nootimo iicaqui. ¹¹ Tolliro bu magaajahi amiihaico saafisari mafajinihicaudi, majacushicaudi icano caani iseemeque iicanicibadi. ¹² Amiihaico meneehicaudi imino miicaqui Moocaanita iicamo iicanicibadi. Jaabo amiihaico cuuhuvahi diibo bocigiino ihaivojifaño miicaqui.

¹³ Jaamaño jilliti miihai fahijivarо Moocaanico graciaco mahacihicahi amiihai Moocaani ijico miihaiditi mugubuuusumi magaayicihihi miyabogo Moocaani jibogoco; miyaminaatiobogobadiro icatino. Jaabogo amiihai miyaavogominaafeeneri sihidi ejeevanoco eetavehicaudi. ¹⁴ Monahabomi, amiihai yotoro amiihaico idasuno moonihi. Moocaani iijaomo Judeari iicajahajeminaa Cristota iicaubadi mihicahi. Diitoco tolliro iyotoro judiom iidaasuno moonihi. ¹⁵ Diito judiom, Mohaivojiibо Jesuco guijeniuhi. Tobadiro bu iticoni Moocaani iimaaminaa iicaurumoco guijeniumo. Jaamoro miihaico buhigovi gañimo. Moocaanidi imino moonitimo. Jaamoro paryicino miyaminaaco jihheveme. ¹⁶ Jaarumo bu judiom iicatimoco itaajaqui mijibeguejirunaaca imeguehicitimo. Jilliti janaaniciviro imitico guiraatusumo. Jaamaño jisumi imino Moocaani ñihicuno omooniijino gasecuhi diitohallivi.

Pablo Tesalonicaminaaco Abaatonoco Siino Imeguehi.

¹⁷ Tañhabomi, amiihaiti sihigovi miminifutusumi, amiihaico fafucuvaaciviro mahatyimetirumo mojeebiñodi amiihaico mehesicinihihihi. Tolliro bu sihidi mihimeguehi amiihaico mabaatonoco. ¹⁸ Jaamoro mafeeguehicarahi, fiiva foova uujojo Pablo, fiiva foova feequi moonihihicaurihi. Jaarunofaño iji miihaico casivusuhihihi. ¹⁹ ¿Nacu cono miihai esicini, cono miihai imo ica? ¿Toono jinejeti nacu miihai imo imo mihicahi? Fine toono, Mohaivojiibо Jesucristo asaabo imefeenevi amiihai mihicajineguiha miihai imo imo mihicahi. ²⁰ Amiihaiti miihai macahacisucafeteji, imo imo mihicaj.

3

¹ Jaamo amiihai mihicanoco magaajagonoco majaabicicuutimoro Atenaviro mifitafetehi. ² Jaamoro monahabo Timoteocoro amiihaijaago magalluuhi Moocaani jeecivominaafi iicamaño, bu mohamusuminaafi Jesucristo jibogoco mijiibogonoco meheetavehicañovi. Jaabo

amiihaico afajiniboro iquehecutusuqui amiihai miyaavogoco. ³ Jilli iicanoti saatohoba Moocaani ijico jeevesutimo iicaqui, amiihairyo magaajahi tolli iicanehejeri idasuno mihicanoco. ⁴ Jaanoti amiihaima mihiacsumi mijibugucuuhi idasuno mihicajinoco, jaabadi icauno magaajacuubadi. ⁵ Jaarunaaca jaabicicuutihi uujoho galluuhi amiihaico idilluqui, amiihai miyaavogoti gaajaqui, ijí amiihaico iimitinofaño agañisujirunoco iiguiboro. Jaanoti miihai dudicamaaje sicamañovi iicajiruneguiha. ⁶ Jaarunaaca Timoteo amiihaijaagoti uhuumiubo miihaico imino amiihai miyaavogo iicaunoti miihaico jjibuguuh, tolliro bu amiihai gajiti icano. Tolliro bu miihaico magaijimoro mehesafetehicano mahatyimeguehicanoco icanoti. Tolliro bu miihai amiihaico mihicabadiro. ⁷ Tañahabomi, tobogotí miihai, iminootino idasuno mihicahicaurumo imo imo miminifutuhi amiihai miyaavogo imino iicanoti. ⁸ Jaamaño miihai bohono ifima mihicabadi mihicahi amiihai Aivojjibofañodi sefano mihicahachiji. ⁹ Jaamo miihai sihidí janaanicí graciaco Moocaanico mahaciji amiihaihallivi, amiihaiditi Moocaani imfeenevi sihidí imo imo mihicaneguiha. ¹⁰ Fahijivaro suufenitimo Moocaanimá iimaaqamoro mihicahicahi miihaico amiihaico ihatyimesuqui. Amiihaico imino mihifutusuqui amiihai miyaavogo imino iifototinoco. ¹¹ Mihimeguehi Moocaani, Mohaivojjibo Jesucristo icano aamusunoco, amiihaico mabaatequi. ¹² Jaabo Aivojjibo amiihai gajico iguiraatusuqui. Jaamo magajicasihi fahigova jino miihai amiihaico mihicabadi. ¹³ Amiihai jeebiinoco diibo quehecuno ijeevadí ificuqui Moocaani imfeenevi iimitinobama icatino iicaqui, ufucu Aivojjibo Jesucristo asaasumi famooro diibotama iicaqui.

4

Moocaanico Imo Imo Momoonino.

¹ Tañahabomi, tooneguiha amiihaico monoomoro matajibahicahi Aivojjibo Jesufañodi. Imino mihicamoro Moocaanico imo imo momooniqui amiihaico mijibeguehicabadi amiihai momoonihicaqui janaanicí.

² Amiihairyo magaajacuhi amiihaico Aivojjibo Jesu onoobadi mijibeguehicanoco. ³ Moocaani imeguehi amiihai ifinoco diibogaagoviro miminiyumoro saatohoba buhigueejedi gaigoomima icacuutimo mihicanoco. ⁴ Tolliro bu famooro amiihai taabamima iminoro mihicamoro magajiqui. ⁵ Sihidi aivo iimitinoco mihimogomoro icatino, siicumije miyaminaa Moocaanico agaajatimo iicanicibadi icatino. ⁶ Mehesicini, miihaiñooba amiihai nahaboco imitino momoonidino, toonohalliti Aivojjibo Jesucristo aivono aamijirahi amiihaico meneehicacubadi. ⁷ Moocaani miihaico imitigui cuuhuvatihi, imino mihicaquiro cuuhuvaabo. ⁸ Jibogoco agaayicigotijibo miyaminaafico guubutijibo icatihi jilliro Moocaanicoro guubutijibo. Jaabo Moocaani miihaico Igajaco aaciuboco guubutihí.

⁹ Jaanoti amiihai nahabomima magajicasiqui amiihaidi caatinitihi; amiihairyo Moocaaniti magajicasinoco magaajacuuneguiha.

¹⁰ Jaamoro tolli momoonihicahi famoomaryo monahabomima Macedonia jiinjeri iicamoma. Jaarunofaño monohabomi, amiihaico meneehi: Janaaniciviro amiihai imihuseque miguiraatusu. ¹¹ Jaamoro sajeebij mihicamoro amiihai dudicamaajeeneriro mihica amiihairyo

dudicamaaimoro mihica amiihaico munuubadi. ¹² Jaamo Moocaanico imiyaavogotimo amiihaico imityaguequi, bu amiihai jinejebati cuujivaachutimo mihicahi.

Aivojiibbo Asaajino.

¹³ Monahabomi, iguijevecumo milli iicajinoco gaajatimo iicanicibadi mihicadino. Jaamo idaasuvotimo miicaqui saatoho Cristoma niquejefaño iicajinoco eesicinitimo iicanicibadi icatimo mihicahi. ¹⁴ Jesu iguijeveubo siino ubuheeteunoco mimiyaavogobadiro, bu diitoco Moocaani buheetesuhi Jesuco iicaubadiro diiboco imiyaavogomoro iguijeveumoco. ¹⁵ Jilli iicanegui amiihaico meneehi Aivojiibbo jibogo onoobadi: Miinhai jino Aivojiibbo asaajinohachuta guijevetimo mihicajimo, iguijevehinicuumoco misiiguejitihi. ¹⁶ Aivojiibbo Jesu ticoniji niquejefañoti initioobo imitya ijima. Jaasumi Moocaani tomominaa aivojiibbo mityano sahagueji. Moocaani miriicuco iguisinofeeded niitejilbo. Jaasumiro Jesucristoco imiyaavuumoro iguijevecinumo ticoniji siino ubuheeteme. ¹⁷ Jaasumiro miinhai miguijevetimo jiinjehalliri mihicamo sano diitoma magañiiveji aimuufaifeenedi Aivojiibbo Jesuma mahatyimecasiqui caamovi. Jaamo tolli fahijivaro diiboma mihicacuji. ¹⁸ Jaanegui fahigovavi mequehecusuquimaje jinofeeded.

5

¹ Tañahabomi, jaanotí diibo asaajisumiti ifafucu oovotí icano amiihaico caatiníthi. ² Amiihairyo imino magaajacuuhi, Aivojiibbo asaajifucu gaseji imimañobati fucu nanivaminaafi agasenicibadi. ³ Jaasumi miyaminaa sajeebii mihicahi, imino mihicahi nuurunaaca diitohallivi imimañobati aivo gaseji, gaigo iseemevacuuqui aivonicibadi, aivo ifinisujinoti taa-jajitimo. ⁴ Jaanoti tañahabomi, amiihai gaajatimo mihicatihu. Jaamaño amiihaiivi tufucu nanivaminaafi iicanicibadi iicafucu gasejitihi iiguitusuqui. ⁵ Jaamo paryi amiihai magaajacumo cuuje eseseneñefañodi mihogobadi mihicacuumo. Miinhai fucu icivonofaño mihicacutihi. ⁶ Jaanegui saatoho miyaanoco agaajatimobadi micigadino imino esicinimoro motoomo. ⁷ Jaanoti icigamo fucu cigahi, tolliro iguiricavomo fucu guiriicavehi. ⁸ Jaanoti miinhai Cristoco magaayicicumo imino mehesicinihu miyaavogo, gaiji icaneri mofico mofoboocihu, amocasiminaafi jigaiño meeħuri ifico ofoboocinicibadi. Tolliro mataajajinoco mehesicinineri, monigañinoco mofoboocihu amocasiminaafi jigaiño njegari iinigaico ofoboocinicibadi. ⁹ Moocaani miinhai idaasuno imooniqui ficuutihu jilli Mohaivojiibbo Jesucristofañodi mataajaquiro fi-cuubo. ¹⁰ Diibo Jesucristo mohallivi guijeveuhi diibomaryo miicaqui mubuheerumo, miguijevecuurumo icano. ¹¹ Jaanegui mesefaqifoto. Jaamoro fahigovavi mequehecutusucasi toono mihicabadi.

Pablo Inahabomico Fajinhi.

¹² Tañahabomi, amiihaico meneehi: Jaamo amiihaifaño ududicamaaimoro amiihaico Aivojiibbo Jesufañodi ijibogomoro afajinimoco mobocigusu. ¹³ Jaamoro diitoco mihimogomoro guiraano magaiji toono dudicamaajeminaa iicamaño. Jaamoro sajeebii fahigovavi mihica.

¹⁴ Tañahabomi, tolliro bu amiihaico meneehi: Mafago ududicamaaiñoco iimogotimoco, bu tolliro imiyaavogotí iniinovamoco mequehecutusu

iniinovafimoco mahamusu fanoovaaco jaabicimoro famoomaryo mihica.

¹⁵ Mehesiciní saatohoba mīhaiñoobacó imitino omooniñomoco, bu imitino moonidimo. Tolliro moonitímoro iminoro mihica fahigovavi, bu famooovamaryo icano.

¹⁶ Fahijívaro imo imo mihicahica. ¹⁷ Fahijívaro Moocaanima iimaamoro mihicahica. ¹⁸ Fanoohalliviro graciaco acimoro jilli Moocaani iimogono amiñhaiditi Cristo Jesufañodi.

¹⁹ Moocaani Gaijaco mojeebiiñañoti miguihanisudino. ²⁰ Moocaani Gaijari Moocaani iimaaminaa ijibogonoco mitiñsuguedino. ²¹ Fanoonisuco iimino magaajamoro iiminocoro jeevesutímo toonoma mihica. ²² Paryi iiminotinotí amiñhai ififico magaihuini.

²³ Diiboro Moocaani sajeebii iicaabo amiñhai ififico imino ijeevadi ificuuqui, paryi amiñhai ififico amiñhai jeebiico, amiñhai gaijaco icano miñhinvatino ificuuqui Mohaivojiñbo Jesucristo asaajino ñmega. ²⁴ Jeevesutatiñbo amiñhaico ucuuhuvaabo. Jaabo miñnoco bañisutatiñbo jilli mooniji onoonoco.

Niño Imaa.

²⁵ Monahabomi, Moocaanima mohalliví fahijívaro mihiimaahica.

²⁶ Moojico mahaci paryi monahabomico imino ijiri.

²⁷ Amiñhaico tajibahi Mohaivojiñbo mityari. Jaamo jihaameque paryi monahabomidi mihiimaasuhí.

²⁸ Mohaivojiñbo Jesucristo jaafa amiñhaico imino teemehi.

2 TESALONICENSES

Pablo Inahaboniminaama Moocaani Iijaminaadi Caatiniuhı.

¹ Uujoho Pablo, Silvano, Timoteo icamo Moocaani iijaminaa Tesalonicari iicamedi macaatinhi Moocaani, Aivojibbo Jesucristo icamisifeenedi.
² Jaamo amiihai imino mihica, sajeebiiima mihica icano Dios Moocaani, Aivojibbo Jesucristo icamisifeenedi.

Moocaani Dugaacuji Imitiminaaco Cristo Asaadi.

³ Monahabomi, amiihaihallivi miihai fahijivaro Moocaanico graciaco mahacihicají imino aivo jilli momoonino amiihaihallivi amiihai miyaavogo iguiraatomaño, tolliro fahigova magaijicasino fahijivaro janaanici iguiraatomaño. ⁴ Jaamaño miihairyo imo imo amiihaiditi mihiimaahicahi Moocaani iijanofaño amiihai, amiihai idaasuno mihicarunofañodi majaabícimoro mimiyaaveguehicanaño. ⁵ Jilliti amiihai magaajasuhı Moocaani iminoro udugaacunoco. Jaamaño amiihai diibo aivojima mefeejinoma mihicahi toonohalliti idaasuno mihicamaño.

⁶ Jaano amiihaico idaasuno omoonimoco Moocaani idaasuno mooniji. ⁷ Jaamo miihaima amiihaico sano jaguisisujibbo idaasuno mihicahicamoco ufucu Aivojibbo Jesu niquejefañoti imitya toomominaama asaadi. ⁸ Jaabo cijigaiguuhuma saajibbo idaasuno imooniqui Moocaanico agaajatimoco, Mohaivojibbo Jesucristo taajasujibogoco imiyaaveguehicitimoco. ⁹ Jaamoco idaasuno moonijiibbo ufucuro ifinijitino gujevefaño. Tehesino gañicafetejimo Aivojibboti, diibo boci, diibo mitya icanotí sihigo tehesino. ¹⁰ Jaabo Aivojiboco ita iicamo icahacisuqui asaa-jifucu tolliro diiboco imiyaaveguehinimediti itoomominaa iheetyequi miihai jjibogo amiihaifeenevi imiyaavogocafotomaño.

¹¹ Jaaneguiiha jilliti miihai amiihaihallivi Moocaanico midilluhicahi amiihaico iiçihinimo Moocaani iiçicumoo iicanicibadi miicaqui. Tolliro bu midilluhicahi, Moocaani imityari imooniqui amiihai mimiyaavogomoro meheetaveguehicanehjeque iimivusucafetequi. ¹² Amiihaifañodi Mohaivojibbo Jesucristo momo icahacisucafetequi. Tolliro bu amiihai diibofañodi miicaqui Moocaani Mohaivojibbo Jesucristo icamisi imihusefañodi.

2

Iimiti Miyaminaafi.

¹ Tañahabomi, jaanotí amiihaico meneehi, Aivojibbo Jesucristo miihaico iigaiyiciqui asaajifutti amiihaico meneehi: ² Bañigayiro mejeevesudino mihicahicabadi mihicanoco. Jihovoto igaijafeenedi jjibogono jjibogoco mugubumoro mihiquatedino. Miyaminaa onoonoco mugubumoro miihai aamenebadí iicanoco jilli noonoco: Aivojibbo asaajifuri mihicacuuhi, noomoro jjibogonoguiinodi mejeevesudino. ³ Miihaiñoba amiihaico abañinoco mimiyaavegueuedino; iticoni diibo asaajino imegavi icajino Moocaanico iminaanivamo asaajino. Jaasumi gasevajiibbo imiti miyaminaafi cijigaifaño igañiqui iicacuubo. ⁴ Jaabo diibo paryi Moocaanitaco, bu fanooce ejecivefimoco iminaanifiibo. Jaabo diibo Moocaani iicanicibadi Moocaani templojafaño acasiivooboro: Uujoho Moocaani, nooboro.

⁵ ¿Nacu mehesicinitihi amiihaico amiihaima iicausumi toonoti eneehicaunoco? ⁶ Jaarunoco amiihai jisumi magaajacuuhi saafi toonoco ugucicarunoco imegaviro ihoovovi iiidotinaacaro asaajiruneguiha. ⁷ Agaajaratino imiti myta asaano icacuuhi idiboro icaabehiica toonoco ifitiscuhicaaboco jiinjeti buhigovi icidi. ⁸ Jaadi jari tohimitiiboo gaseji. Jaabo iimitiboco Mohaivojiboo Jesu finisiji ijagabari diiboco ufunaruner, bu imino agasevaneri icano. ⁹ Diibo tohimitiiboba asaajiiboo ijijaagodi iicaabo. Jaabo saaji sihidi mityama sihidi ejeevanoono mityaco ifusunofañodi bañiboro. ¹⁰ Fanoova imitico moonijiiboo miyaminaaco ibañisuqui jaahaivofaño efeejimoco, miyaanoco ataajasujirunoco gaayicítimo iicaumaño. ¹¹ Jilliti Moocaani diitojaago bañifiira mityaco galluhi diibo abañinoco imiyaaveguequi. ¹² Jaamo cijigaifaño igañicafetequi miyaano icarunoco imiyaavogotinoma iicaabo jilliiimitinocoro iimegueneguiha.

Itaajasuqui Iicimo.

¹³ Jaanoti miihai fahijivaro amiihaihallivi Moocaanico graciaco mahacihicahi Mohaivojibofañodi amiihai magaijino nahabomi mihicaneguiha Moocaani amiihaico sahijitiro mataajaqui icicuumo Gajafeenedi amiihaico ijeevad iificuucumaño, bu miyaanoco mimiyaavogomaañico icano. ¹⁴ Tooneguiha amiihaico Moocaani coovauhi taajasujiibogoco miihai mijibogonofeenedi. Jaamo tolliro Mohaivojiboo Jesucristo bocifaño mihofetejinoma mihicahi.

¹⁵ Monahabomi, jaanogui mejeevesumoro majabajeevedino amiihaico moojiri, bu aamefeenedi icano mijibeguehicanoco. ¹⁶ Diiboro Mohaivojiboo Jesucristo, bu Dios Moocaani iimihuseri miihaico agaijiboo ifinijitino jacusuco aaciiboo, imino miyaavogo esicinicoo iimihuseri aaciiboo. ¹⁷ Jaabo amiihai jeebinnoco sefatusuji, jaamo iiminocoro monoomoro meheetavehi icano.

3

Mohallivi Moocaanima Mihiimaa.

¹ Monahabomi, jaamoro bu mohallivi Moocaanima mihiimaa Mohaivojiboo iiji goovano fahigovavi ihifetequi. Jaanoco gaijima igaayiciqui amiihai mihicabadi. ² Tolliro bu mihiimaa miihaico iimitimo miyaamo iicatimo useti itaajasuqui. Famoro miyaavogominaa icatimo. Jaanoti sanoodimoro miyaaveguehi. ³ Jaarunofaño Mohaivojiboo miinoco jeevesutatiiboo. Jaabo amiihaico esefasuuboro iimitibotii teemeji. ⁴ Miihai Mohaivojibofañodi magaajahi miihai amiihaico matajibanco suufenitimo momoonihicabadi momoonijnoco. ⁵ Jaabo Aivojiboo amiihaico amusuji. Jaamo Moocaani gajico magaajacihi, bu Cristofañodi majaabicinoco magaajahi icano.

Jilli Mududicamaaje.

⁶ Monahabomi, amiihaico matajibahi Mohaivojiboo Jesucristo momofeenedi. Jaamo imitino iicano nahabomiditi mudugaavehi ududicamaaigotimoditi, miihai mijibogobadi iicagotimoditi icano.

⁷ Amiihairyo magaajacuuhi milli mihicamoro miihai mihicabadi mihicajinoco miihai amiihaifeenedi dudicamaaitimo ticovono mihiuguutihu. ⁸ Miihaiñooba machutaaco safooba jaadutimo mamachutatihu. Tollitacatino fucu, bu cuuje icano mududicamaaihicaahi

amiihaiñoco dumitiicitimo miicaqui. ⁹ Moocaani dudicamaajeminaaco sita oobajaji Moocaani unuurunofaño miihai dillutimoro mududicamaaihicauhi, miihaiti magaajamoro miihai mihicaubadiro momooniqui. ¹⁰ Amiihaima mihicausumi jilli amiihaico matajibauhi cajaatyohacho ududicamaaiñoco iimogotimo, bu machutimo iicaqui, noomoro. ¹¹ Amiihaifañoti saatoho imino icatimo dudicamaaitimoro sitaacoro casivusumoro feehicahi onoonoco muguubuhicahi. ¹² Jaamo diitoco mijibogomoro matajibahi Mohaivojibbo Jesucristo mityafeenedi: Iinoro ududicamaaimoro sajeebii iicamoro iino sefatiro iicaqui.

¹³ Monahabomi, jaanoti amiihai imino momoonnoti muhuuchuvedino. ¹⁴ Jaanoti saatoho jihaamefañodi matajibanoco agaayicitiiboti mudugaavomoro diiboma magataavucujirahana inucufevequi. ¹⁵ Jaaruuboco amiihai minaafibadi mijihovedino. Jilliro mafajini amiihai nahabobadiro.

Fitacu Iimaa.

¹⁶ Jaabo Aivojibbo sajeebico aacifiibo amiihaico fahijivarо sajeebico aciji siibadije mihicarunaaca. Aivojibbo famoomaryo jaafa icahi.

¹⁷ Uujoho Pablo amiihaidi jino taajico jihaamefaño tahuseri jimañogayicoro caatinih. Jilli tahiimaanogayicoro caatinihicahi paryicino agalluhicahaamenefaño. ¹⁸ Jaafa Mohaivojibbo Jesucristo paryicino amiihaico amusiji iimihuseri.

1 TIMOTEO

Pablo Acaatiniuhaame Timoteodi.

¹ Uujoho Pablo Jesucristo minisuminaafi Moocaani Motaajasuminaafi atajiibaneguiha uco agalluubo, bu Mohaivojibbo Jesucristo icano, diibo mohesicini iicaabo. ² Timoteo iddi caatinihi jihaameque iijohoh tamiyaabo tamiyaavogofeenedi iicibbo taseemene idiicaabedi. Imeguehi ico Dios Moocaani, bu Mohaivojibbo Jesucristo icamisi iidaasugomaño imino omooninoma, sajeebiico aacinoma icano idiicanoco.

Sicamaño Jibogoco Sita Jjibeguejirunoditi Onono.

³ Macedonia jiinjevi ufuusumi ico unuuucubadi: Efeso cuumiviro fitafoto. Jaabo tajibahi saatohoco, sicamañoo jibogoco jibogotimo iicaqui. ⁴ Jaamoco guubunicidimo eede jibogojinoco, ifinitino siicijeminaa momono guicibadi iicanehejeque. Toneheje jilliro mihiifono jenaaucasiaagoviro satyehi. Toono miinoco amusutih Moocaani atajibano miyaavogovi imino mihiifutusuqui.

⁵ Jaano tatajiba imeguehi imihinima achahano jeebiit, bu iimino esamaajeti icano ifivono gajjiri magajjicasinoco, bu miya miyaavogoti asaaneri icano. ⁶ Saatoho jinooti imitamoro mihiifono jenaaucasi-coroonihi. ⁷ Imogomo Moise tajibano jibogominaati iicanoco. Jaarunoco gaajatimo unuurunehejeque, bu sitaaco: Aivo jilli icano, noomoro ijibugurunehejeque icano.

⁸ Mihihairyo magaajacuuhi toono Moise tajibba onoobadi mihicahachiji tajibba aivo imijino iicanoco. ⁹ Magaaja iiminoco omoonimohallivi tajibba chahahi. Jaanoti naha toono tajibba icahi iiminoco omoonihi catimeguita, uguubuhicatimeguita, iimihicatimo imitaminaaguiha, imiti esamaajeminaa, Moocaanico, bu ihiimaa ijico icano obociguehicitimeguita, bu caanico, seejico icano agaicaaufimo bu paryi gaicaauminaaguiha icano ificuuno. ¹⁰ Bu tolliro sitahajema buhigueejedi mogaimi iicatimehejema iicahicamed, bu tolliro sano gaifimiro iicacasihicamed, bu miyaminaaco ananihicamed, bu abañifimed, bu abañimoro sicamañovi Moocaani momoco iguiiyicihicamed icano ificuuno. Tolliro bu toono tajibba ficufetehi paryi oono iimino jibogoco iimeguehicitimohallivi icano. ¹¹ Jaano toono iimino jibogoco, aivo iimibogo taajasujibogoco, Moocaani uco utuumusuubogo.

Moocaani Mihaico Idaasugonohallivi Diiboco Mihimo.

¹² Uujoho Mohaivojibbo Jesucristoco imehi, diibo jinohallivi uco sefaco aaciiboco. Mihiro diiboco ejeevesujitinoco agaajaciiboro uco idudicamaajefaño ficuubo. ¹³ Paryi jilli uco imino moonibbo iticoni uujooho tahiimaari diiboco imitino omoonihi cauruuboco, diiboco iminaanihicauboro imitinoono neehicauhi. Jaaruuboco uco Moocaani idaasuguuh, tusumi uujooho miyaavogominaafi iicautimaño. Jilligaajatibbo tollihije moonihicauhi. ¹⁴ Jaamaño Mohaivojibbo aivo ajashutino uudi imino moonihi sano miyaavogoma icano, bu tolliro gajjima Cristo Jesuma sano mihicamaño toonoma mihicanneri icano.

¹⁵ Jaamaño jino aivo miyaano. Jaanoco famooro mimiyaavogo: Cristo Jesu jjiehallivi saauhi imitaminaaco itaajasuqui. Jaamo

imitimaati uujoho ihaivojibō. ¹⁶ Jaabo jineguiiha Moocaani uco idaasuguuhī, aivo guiraano tafeenedī paryī Jesucristo ijaabicico ihifusuquī, bu jaanotī uutī agaajamoro diiboco imiyaavogomo ifinijitino fivoma iicaqui. ¹⁷ Jaanegui masī fahiijivarō ufucuro ifinijitino Aivojibōco mobocigomoro macahacisuquī, ufucuro iguijeventibōco, aatyimeratiibōco, diibō idibō Moocaani iicaaboco icano. Fine.

¹⁸ Timoteo taseemene, ico jinooco tajibahi. Jaabo iimino moonicasico moonicasihī miyaavogoma, bu imino esamaajema icano iticonī monahabomi iiti ihiimaumoro Moocaani momofañodi unuubadi. ¹⁹ Jaanotī saatohō iimino esamaaje onoonoco omooniutimāñō imiyaavogotī acutuumo iimitinofañovi. ²⁰ Tollī icaumisi Himeneo, Alejandro icamisi. Jaamisico uujoho aciuhi iji Satanasco toonotī agaajamoro Moocaanico ijiri: Imitino, nootimo iicaqui.

2

Moocaanima Jillī Mihiimaaqui Jjibogono.

¹ Ticonihi jinohallivī ico atajibāabo dilluunoco iheetavequi, Moocaanima ihiimaaqui, dillumoro miyaminaahallivī Moocaanico imomoro iicaqui icano. ² Moocaanico midillu miyaminaaco atajibamo aivojītoballivī imimo miicaqui sajeebī Moocaanijaagodī mihicamoro, paryī fanoovaaco bocigomoro. ³ Jno aivo iimino Moocaani Motaajasuminaafī iimogono. ⁴ Jaabo imeguehi famooro ataajanoco, bu famooro miyaanoco agaajanoco icano. ⁵ Saafiro Moocaani icahi. Jaabo Achifeenedī mihibetejirahi, bu jaabofeededī mīhaico amusuubo. Jaabo Jesucristo miyaminaafī. ⁶ Jaabo Jesucristo guiyevefañō ifiico aciuhi famooro mataajaqui, mohallivī jaaduubo. Jaano ifusucafutuuhi ihoovovi iifutuusumi. ⁷ Tooneguiiha uujoho ficucafutuuhi jjibogo satyominaafīti, minisuminaafīti icano, judiomī iicatimoco miyaavogotī, miyaanotī icano jjibeguequi. Jaabo uujoho miyaanoco neehi bañitiibō.

⁸ Tooneguiiha imeguehi fahigovatī gaifiimi Moocaanima ihiimaanoco ihuseneque caamovi agañiyicimobadiro imino jeebīri, sifirama, iibacasima icano achahano jeebīri. ⁹ Jaabadiro bu gaigoomi unucufesutino gaachehunofañō. Tcovono, siicuno icano ijeebīco omooniimoro ijicamaaaiqui, bu iimibaiquimaaaiqui. Jaaruno siibadi iicaneheje feedamaajeeneri icatino, bu oroneri, perlaneri icano aaricunehejeri icatino, bu sihidī ijaadama iicano gaachehuneri icatino icano. ¹⁰ Jillīrō iiminoonocoro meheetavo oono Moocaanidi amīhai jeebīco mihimibachucuumobadiro mihica. ¹¹ Jaamo amīhai gaigoomi amīhaico jjibogonoco lliivi muguubunīci. Jaamoro onoonoco: Jii, monoo. ¹² Uujoho imogotīhi gaigo miyaminaafeenevi jjibogonoco, bu tolliro imogotīhi gaifico gaigo iguiinoninoco. Jillī lliiviro iicaqui. ¹³ Miirō Moocaani ticonihi Adanco iticonī eheetavuubo. Jaanohallivī Evaco eetavuubo. ¹⁴ Jaabo Adan bañicafutuuhi, igaigo bañicafutuuhi. Jaago abañicafutuuimāñō imitifañō jicafutuugo. ¹⁵ Jaaneguiiha gaigo idaasuno icafigo eseemevasumi toono jaadabadi iicano. Jaarugo ufucu niinofucusumi taajaji miyaavogoco ejeevesutihachiijī, gaijifañoro iicahachiijī, bu mihinivatino iicahachiijī, siicuno ijeebīco omoonihachiijī icano.

3

Moocaani Iija Jibogominaa Aivojito.

¹ Jino aivo miyaano: Saatoho aivo sihidi ejeevano dudicamaajeque Moocaani ijafano omooninoco iimogono, toono aivo iimino dudicamaajeque omoonigono. ² Jaamaño Moocaani iija aivojibotí iicagoobo iimino ifima iicaqui, saatoho diibotí imitino iimaatimo iicaqui. Jaabo saafgomaryo mogaima iicaqui, bu sicamañehejequere eesamaaitiibo iicaqui, imino iicaqui, famoovaro diiboco ibociguequi, fahijivaro baaminaaco imino igaayichicaqui ijafano, bu imino ijibeguequi, ³ guiriicavotiibo iicaqui, amocasico guinottiibo iicaqui, bu nihibamico gajitiibo iicaqui. Jilliro iimihusequi, siicujeebiiba iicaqui, nihibamijaagoviro ijeebii icatiibo iicaqui. ⁴ Imino ijaminaaco atajibananoco igaajaqui, iseemeque afagueeneri ijihicuqui, sitaaco ibociguehicaqui icano. ⁵ Miino iijaco imino matajibananoco magaajatiibo, bu ¿milli Moocaani iija sihidi ejeevanoco meteemejirahi? ⁶ Jaabo Moocaani iija aivojibotí bohono Cristoco agaayiciibo icajitino. Aivo uujoho sihidi jeevahi, nooboro ifico mityano eesicininoti, ifico iinoro gañisudiibo ijiaacutuuno idaasuno yomonofaño. ⁷ Tolliro bu jaaboco ibociguequi miyaavogominaa iicatimofeenevi, diiboco obocigotinehejeti aacototiibo iicaqui, bu conohacho ijiaitacuraco ificuunofaño aacototiibo iicaqui icano.

Diaconomi.

(Hch 6.1-7)

⁸ Jaabadiro bu diaconomiti iicamoco ibociguequi, unuucuunoco bañitimo iicaqui, guiriicavotimo, ajashurunoco guiraano ajaadusumoro guiraano nihibamico iicinoco imogotimo iicaqui icano. ⁹ Tolliro bu miyaavogono agaajaraautinoco imino igaajaqui, bu tolliro mihinivatino esamaajema iicaqui icano. ¹⁰ Jaamo imino inisuciniqui. Jaadi jari iimihachiji jari diaconoti icajimo. ¹¹ Jaabadiro bu diito gaigoomi sitaaco ibociguequi, bu sicamañehejeque jibocasififitimo iicaqui, sicamañehejequere eesamaaitimo iicaqui, fanoovavi iminoro iicaqui icano. ¹² Jaabo diaconoti iicaabo saafgomaryo mogaima iicaqui. Jaabo imino igaajaqui iseemeque, ijaminaaco icano atajibananoco icano. ¹³ Jaamo diaconomi imino idudicamaajeque eheetavomo ifetehi janaanici iimino obocigonehejevi. Jaamo iguitimoro Cristo Jesuco mimiyaavogonoti imino iimaamo.

Moocaani Iimaa Iiji Agaajaratino.

¹⁴ Goovajino ico emeeciton. Jaarunaaca jihaameque iidi caatinhi. ¹⁵ Jaabo uujoho goovano iifotihachiji, jaabo gaajahi Moocaanico miyaavogominaama milli mihicanicinoco. Jaamo Moocaani milliba iicatiibo ijaminaa. Jaamoco Moocaani miya jibogoco aciubo toonoco sitama ihiimaahicaqui. ¹⁶ Aivo miyaano, mihai iimaa ijiji aivo agaajarautino aivo sihidi ejeevanoco:

Moocaani miyaminaafi ifiri acavirivuuboro buhugaavuuhi, Igaijafeenedi: Iimiibo, noocafutuubo. Itoomominaa jaaboco aatyimeubo. Jaabo jibogocafutuhi fanoojiinije cuumiminaariro. Fanoojiinjeriro jaabo imiyaavogoobo, bu jaabo niquejefaño agaayicicafotoobo.*

* 3:16 (Jn 1.14) Aivo miyaano, mihai iimaa ijiji aivo agaajaraut

4

Ufucu Miyaavogoti Udugaavejimo.

¹ Miiro Moocaani Gaija foovono neehi: Niinoosumi saatoho miyaavogoti dugaacamaajiji, abañififino gaijamaryo ifeequi, jilli ijimi demoniomiti asaano jjibogocoro imooniqui. ² Jaamo diito guubunicijimo abañififimo miyaminaa abañisumo onoonehejequere, diito esamaajene aivo, iñihicugonoco gaajacuutahi. Jilli diito esamaajene miño usegaico miquiticinaagono uchuumucubadi jeevahi. ³ Jaamo diito imogotihii miyaminaa ataabavanonoco, bu tolliro machusutimo siomoneheje machutaanoco, miyaanoco agaajacumoro imiyaavogomo imachuqui Moocaani eheetavucuunoco, toonohallivi diiboco iimomoro. ⁴ Miiro paryi Moocaani eheetavuuno sabadiro iminehi. Jaanegui jinejebaco jiheguetimoro magaayici toonohallivi Moocaanico mihimomoro. ⁵ Miiro toonohallivi Moocaanima mihiimaacuno. Jaano iimibachucinícuuno, noobo.

Aivo Imino Jesucristoco Ejeecivoobo.

⁶ Jaanoti jinooco dinahabomico idibogohachiji aivo iimino jeeчивоминаафи Jesucristo jeeчивоминаафти diicaji. Jaabo miyaavogo iimaa sefari diicaji, bu toono iimino jjibogoco omoonino sefari icano. ⁷ Jaanoti jihovobogoje jiihne jjibogono onoonoco uguubuniciboro: Jii, needino. Jilliro Moocaanijaagoviro dijeebihco iminiiyunocoro nisuquimaaje. ⁸ Jaanoti naaha bu siineje bañamaajeneque mejeevamaaisuno imihi mofi isefaqiuguiha. Jaanoti Moocaaniguiha mejeevamaaisuno momiyaavogo isefaqui famooguiharo imihi. Jino jjiehalliri mihicano ifiguinha imino, bu ufucu mihicajino ifiguinha imino icano. ⁹ Jino aivo miyaano. Jaanoco famooro mimiyaavogo. ¹⁰ Tooneguiha bu mududicamaaihicahi, sita miihaico imitino onoonehejeri idaasuno mihicahicahi icano, miihai iicaabo Moocaanicoro mehesicinihicamaño. Diibo Jesucristo miyaminaa Taajasuminaafiro iicaabo, diibo miyaminaa imiyaavogomo Taajasuminaafi iicaabo.

¹¹ Jaanegui paryi jinehejeque tajibaabo diibogo. ¹² Imino mooni ico tihiisudimo aivo sicafe fiidiicanoti. Jilliro difiiri gaajasu miyaavogominaa iicamoco, imino idiimaaneri, imino idiiicaneri, gaijima idiiicaneri, bu miyaavegueri, difi mihinivatino idiiicaneri icano. ¹³ Uujoho iifototinohachuta miyaminaafeenevi Caatinihaaameque idibinicinioviro diica, monahabomico equehecutusuuboro jjibogo diica. ¹⁴ Daabajeevedino Moocaani ico deetavequi aacihininoco, oono Moocaani iija amiyato diibo noojiri dihallivi ihuseneque ificuunoco.

¹⁵ Tonehejejaagoviro dijeebihco ficu. Diflico sahigoviro miniiyu, famooro ihatyi mequi janaaniciv iimino ofoonoco. ¹⁶ Diflico imino deesicini, bu idibogonehejeque icano. Fanoovaviro quehecuno diica. Jilli idiicahachiji iiro diflico imino taajasuji, bu tolliro ico ugubunicimoco taajasuji icano.

5

Jilli Diica Miyaavogominaama.

¹ Quillahutooboco dihibadino. Jilliro fagoo diicaanico idiicajirubadiro. Tolliro bu sicafeque mooni dinahabomibadiro. ² Tolliro bu gaigoomi

quillahutoco mooni diiseejico idiicabadiro. Tolliro bu bagocajamico dinagomibadiro mooni, mihiinvatino.

³ Fibaitoco daamusu miyanotiro aivo fanoovati ucuujivaachumoco. ⁴ Jaanoti safibajito iseemema iicamoco, bu ihiyaachimihaima iicamoco icano diibogo seejimihai, bu itagomico imino iteemequi. Jaaneri diitoco ifivusunoco ajaadubadi iican. Toono aivo iimino Moocaani toonoco iimogono. ⁵ Jaanoti bu miyanotiro fibajigo iicago, bu aivo iyotobama achahago Moocaanicoro esicinififi. Jaago fahijivar Moocaanima iimaahicahi. ⁶ Jaanoti saafigo fibajigo ifiico iinoro imugusugoro iicago, imiyaavogotimobadi ica. ⁷ Toll iicagoco, bu paryi jinehejeque tajiba imino iicaqui, toonohalliti ihibajirunoma ichahaqui. ⁸ Jaanoti saatoho ijaminaa icarumoco toomotimo iicamo, bu aivo iyoto icarumoco otoomotimo imiyaavogoco jilliro tuunamaaihi. Jaamo saatoho imiyaavogotimo iicano janaanicivi imitino jeevahi.

⁹ Jaanegui fibajito toojafaño ududicamaaimo aamefaño mifiku sesentadino janaanicivi ificabano iicacugo momoco, bu jaago saafi taabaro iicaugoco, ¹⁰ bu imino omoonihicanoco magaajacuugoco, seemeque imino iimibayicigocoro ifivusuhicagoco, bu baaminaaco imino ii-jafaño agaayicihicagoco, bu miyaavogo nahabomi tihaiñoco initisugoro fanoovavi diitoco imino ejecivehicahachiji, idasuno iicamoco aamusuhicahachiji, bu conohacho sano iiminoco omoonihicahachiji icano.

¹¹ Jaanoti fibajito momono aamefaño mifikuudino saafigo fibajigoguinoviro ificabano iicagoco. Tonoodino ificabano iicagoco ifi iimogonocoro iimogogoro Cristoti buhigovi iminiyudi siino atajevanoco imguejirugo. ¹² Jaaneri imitico icijirugo diigo unuubadi imino omoonitimaño. ¹³ Jaabadiro bu iijaneriro igomoro ofoomoro gaiquiftejirumo. Jaano toonoro icatino, tolliro bu sicamañeheje jibocasicoro moonijirumo, sita iimaanehejefaño juvhicinimoro ofomo. ¹⁴ Jaanegui toll iicajiruneguiha uujoho imgueuehi fibajito bagocajami iicamo atajevanoco. Jaamo eseemevamoro iijano abajatotiro iicaqui. Jaamoro mominaafi ijico ijaagovi fitivusutimo iicaqui: Diito imiti, nuusudiibo. ¹⁵ Miiro saatoho fibajito gaigoomi udugaavomoro iji Satanas dojicutiro fuucuhi.

¹⁶ Jaanegui cajaatyohacho miyaavogominaa ifibajigoma iicamo digoco ihamusuqui Moocaani iija nihibami sefari iicatigo iicaqui. Tolliti jari Moocaani iija aivo miyaano fanoovati ucuujivaachuno fibajigoco ihamusuqui.

¹⁷ Jaabadiro bu quillahuto Moocaani iijaco imimo otoomomoco guiraano mobocigomoro imino majaadu. Jaano janaanicivi aivo mobocigo oono Moocaani jibogoco ihiimaamoro ijibogonohaagoviro iicamoco. ¹⁸ Miiro Caatininhaame neehi: Buey itrigohallidi iigoneri jehetibbo. Jaabo ijjico siyaacudino. Jaafa machuubo ududicamaaimaño, noonoro. Bu tolliro noono: Dudicamaajeminaafi idudicamaaje jaadaco gaayicihicaji, noonoro.

¹⁹ Miiro quillahutoobohallivi: Imitino icahicaabo, nooboro saafiro ijibogonoco gaayicijirahana. Jaanoti diibohallivi miimisiici ijibogohachiji jari miyaavogo. ²⁰ Jaanoti imitino icamoro iicamoco dihiba famoo imefeenevi, toonoti saatoho ihiguetequi. ²¹ Jino ico tajibahi Moocaani imefeenevi, bu tolliro Mohaivoibbo Jesucristo

imefeenevi, bu diibo toomominaa nanitamofeenevi icano. Jaabo jinooco imino moonihi miyaminaaco dugaacutiibo, bu saatohoco guiinovi miniiyutiiboo diicaqui icano. ²² Bu tolliro cajaanibaco imimañobati Moocaani iija quillahutooboti ficuudino. Sita imitifaño dicafetedino. Jaanegui paryi iimitino iicajirunoco sihigoviro jeecivotiiboo minifoto.

²³ Dihibari saicino aivo guihuvalahicahi. Jaanegui sano nifaihucoro daadudino, vino aivofaihutti bu miiidino daadu.

²⁴ Saatoho imiti foovono ifuvusuhi diitoco udugaacujihigo footimocoro. Jaanoti saatoho imiti ifuvusutathihmegaviro jaribuunati ifuvusujino. ²⁵ Jaabadiro bu imino mooni foovono ifuvusufino, atyimeratiruno toovono icajitihi.

6

¹ Jeecivominaa iicamo ihaivojito sihidi ibociguequi. Toonoti imitino nuusudimo Moocaani momoti, tolliro bu mojiiboditi icano. ² Jaanoti bu jeecivominaa ihaivojito miyaavogominaa iicahachiiji diitoco jiiheguedimo miyaavogofañodi inahabomiro iicamaño. Jilliro janaanicimino ijeeivequi; toono diitoco imino mejeecivonoco agaayicimo miyaavogominaa, magaijino nahabomi. Jaanegui paryi jinehejeque diibogo imino.

Sicamaño Jii**bogominaa**.

³ Jaanoti bu cajaatyohacho sicamañooco jii**bogomo**, miihai iiminoco Mohaivojiibo jii**bogoco** mijiibeguehicanobadi bu mohiimaahiji onoobadi iicatinoco jii**beguehichahachiiji**, ⁴ jilli diibo ificoro mitya mitya omooniiboo. Jaabo jinejeba ajashuno agaajatiiboo. Jilli sicamañeheje iimaahallivi ejenaaucasififiibo. Jaaboro toonohalliti diitoco jiihevefiibo ii**baifiibo**, sitaaco aivonoono neefiibo, sitaaco imino eesicinitiiboo, ⁵ ifinitino amocasineheje ihesamaajene iimicuutimofaño icaabo. Jaabo miyaanoco agaajacutiibo. Jaabo esicinihi: Moocaani iimaa ijico fine sihidi fine tooneri busumijequ sihidi magaayicino, noobo. ⁶ Jiihi, eti miya iimaahiji imino icasunohiji, oono diiboma iicadinomaryo janaanic sinehejeque imogotiibo. Jaabo jilliro imo imo icaabo. ⁷ ¿Miíro jii**jehallivi** jinejebaco misivautihi, bu ajashuno jinejebaco masatyejitihi icano? ⁸ Jaamo gaachehum, bu machutaama icano mihicahachiiji tonoodinomaryo imo imo miicaqui. ⁹ Jaanoti sihidi ibusumijema iicanoco iimogomo jaabicithi diitoco inisunoco. Jaamaño mihiifono fanoovama ica imogo tacurafaño aacotonoo miyaminaaco imitino omooninoro jinejebama achahanofaño, finisufaño icano ficuhi. ¹⁰ Miíro nihibamima mihicano sihidi mihimogono, aivo fanoova imititano. Jaamaño saatoho sihidi toonoco iimogomaño miyaavogoti sihigoviro minifetehinimo. Jaamaño ifico jilliro idaasuno icariro gahafusumo.

Imino Moonicas.

¹¹ Jaanegui iijohoo, Moocaani miyaminaafi, paryi jinehejeti digaa. Jaaboro iticovonocoro mooni, iminoco, miyaavogoco, gaijico, jaabicico, isiicuno jeebiico icano mooni. ¹² Imino moonicas, miyaavogoo moonicasicoro daamocasi. Ifinijitino fiivoco imino gaayici. Miíro tooneguiiha ico Moocaani cuuhuvahinhi. Jaabo iijohoo imino omooniiboro dimiyaavogoco gaajasuuhi ajashutimo imefeenevi. ¹³ Siino bu jino ico tajibahi Moocaani fanoova jii**jehalliri** iicanoco fiivoco aaciiboo imefeenevi. Bu tolliro Jesucristo imino ifico agaajasuuboro Poncio

Pilato imega miyaanocoro unuubo imefeenevi icano ico tajibahi.
¹⁴ Jaabo jino ico atajibanco: Jii, neehi. Jaaboro siibadi toonoco buunanitiboo diicahi ico toonohalliti iibatimo icaqui Mohaivojiboo Jesucristo asaatinohachuta. ¹⁵ Jaano ihoovofuku agasedi Moocaani jinooco paryi moonji diibo idiboro Moocaani imino omooniniciiboo, sihidi ejeevaabo, tajibaminaa Tajiibaminaafi, bu fanoova aivojito Aivojiboo iicamaño icano. ¹⁶ Diibo idiboro iguijevetiboo mihaiñooba ifiitivotihigo seseefeeneri iicaabo. Jaaboco cajaani miyaminaafi aatyimetiboo, bu aatyimeratiiboo icano. Jaanegui diibonoror bocigo, bu mitya icano fahijivaro. Fine.

¹⁷ Jiije busumijenema iicamoco fagoo: Toonoti mitya mitya icatimo iicaqui. Bu toono ibusumijeviro ihesicinico ficuudimo toono miyaano icatihi. Jilliro Moocaaniviro ihesicinico ificuuqui diibo iicaaboro mihaiaco fanoovaaco ajashutino aaciiboo imino miicaqui. ¹⁸ Tajiiba diitoco iiminocoro imooniqui, aivo ajashutino iimino iheetavequi, ihacififiqui, ihifefifiqui icano diitoma iicanoti. ¹⁹ Tolliti jari janaanic niquejefaño sihidi busumijevajimo. Jaaneri jari cuhufono iicamoro ufucu imino iicajino imega igaayiciqui. Jaamo ifinijitino fiivoco imino igaayiciqui.

Niinoono Timoteoco Atajibano.

²⁰ Timoteo, ico atajibanco imino toomo. Guubunicidino jiinje iimaano sicamañeheje iimaanoco, bu tolliro sicamañehejeque ejenaauuhejeque, jino miya gaaja onoonehejeque icano. ²¹ Miirsaatohosa toneheje miya gaaja onoonehejejaagoviro iminifotomaño miyaavogotimacuumo.

Jaafa ico Moocaani imino moonihi.

2 TIMOTEO

Pablo Timoteodi Acaatinihuame.

¹ Uujoho Pablo Jesucristo minisuminaafi, Moocaani iimogobadi uco agalluubo, Cristo Jesuma sano magataavonofañodi fiivoco aaciguuno onoobadi. ² Jaabo iidi jihaameque caatinihhi Moocaanifeenedi taseemene, agaijibbo Timoteodi. Imeguehi Dios Moocaani, bu Aivojibbo Jesucristo icamisi ico iidaasugomaño imino omooninoma, sajeebiico aacinoma icano idiicanoco.

Cristoditi Jjibogomo.

³ Uujoho Moocaanico imehicahi taheedemihai iicaubadi imiñinima chahano esamaajefañodi. Jaabo uujoho suufenitibbo iiti esafetehicahi dihallivi Moocaanima ihimaabo cuuje, bu fucu icano. ⁴ Bu fahijivaro uujoho asaausumi iijoho ataaunoco esafetehicahi. Jaaboro ico atyimecuujirahi sihidi imo imo icaqui. ⁵ Tolliro bu esafetehi aivo miya miyaavogoma idiicanoco. Iticoni diitaago Loida, bu diiseejii Eu-nice icamife iticoni tomiyaavogoma icaahi. Jaabadiro bu iijoho tolliro toonoma idiicanoco gaajahi.

⁶ Tooneguiiha ico tajibahi. Jaabo quehecutusuhi Moocaani ico dihallivi uujoho tahuseque ificuuusumi aaciuno dudicamaajeque diibeguehicaqui. ⁷ Miiro Moocaani gajjama mihicamo fanoovaaco miñihicugothi. Jilliro mityama mihicahi, saatohoco magaijihhi, imiti esamaajequie imino esamaajeriro miguiinonihhi. ⁸ Jaaneguiiha nucufeguejirahana Mohaivojibbo Jesucristoditi idibogonoco. Bu uuti nucufeguedino jino diibohalliti civojafaño iicanoti. Jilliro dimañoonoti gaayici taajasujibogohalliti miinoco iidaasuno omooninoco, Moocaani ico sefaco aacino ticovovi. ⁹ Moocaani miihaico ataajasuboro cuuhuvahi diibedi mosfico imino mihimibachumoro ijeevadi diibedi miicaqui. Iiminoco momooninot icatino. Jilli tolli diibo iimuguubadi, bu tolliro Cristo Jesuñañodi mihicacuunot miihaico agaijiboro. Jaabo Moocaani miihaico gaijiuhhi siijisetiro jiinije fiivutinaacaro. ¹⁰ Jaabo toono igaijico ifusucuubo jisumi Motaajasuminaafi Jesucristo asaaneri. Jaabo diibo guijke mityaco finisuuhhi, bu taajasujibogofeenedi esesehigovi icicuubo miihaico ifinisujitino ififico ihaciqui.

¹¹ Miiro uco Moocaani ficuuhi jibogoco jjibeguequi. Jaaboro uco galluubo minisuminaafit iudiomi iicatimoco jjibeguequi. ¹² Jaamaño uujoho paryi jinehejeri iidaasuno icaahi. Jaaruubo toonoti nucufevethi, cajaanivi takesicini iicanoco agaajamaño. Jaamaño imino gaajahi diibo imityama iicamaño uujoho tafico diiboco acihinicuuhi imino ificuuqui ufucu diibo dojicuvi asaajifucuguiiha.

¹³ Jaanegui suufenitibbo mooni ico iimino jjibogoco atajibahinibadi. Jaaboro diica miyaavogofaño, bu Cristo Jesuñañodi mihicacumaño gaijima mihicanofaño icano. ¹⁴ Moocaani Gaija mosfifaño icaabo. Jaaneguiiha diibo miihaico aamusuneri Moocaani ico atajibanoco imino toomo.

¹⁵ Iiro agaajacuuno paryi famooro Asia jiinijeoto uco jeevesuhinuhi. Jaamotisi bu tolliro Figelo, Hermogene icamisi. ¹⁶ Jaanotijaafa Moocaani iidaasuguehi Onesiforo onoobo yotoco. Diibo fiiva foova uco tafico

buheesuvahicauhi, civojafaño iicanotí nucufevetiiboro. ¹⁷ Jaabo Roma cuumineri iicausumi, uco iguiinehicauboro atyimeteubo. ¹⁸ Jaafa ufucu niinofucuví Mohaivojíibó Jesucristo diiboco idaasugueji. Iiro imino gaajacuuhi diibó uco Efeso cuumiví minoodino aamusunoco.

2

Imino Jesucristo Jibogominaafi.

¹ Jaanegui Cristo Jesuco mimiyaavogomaño imino moonico magaayicineri sefano diica, ijohoh taseemenebadí idiicaabó.

² Fiiavaamofeeneví eneehicanoco gaajamo; jaanoco ijohoh uuti uguubuhicanoco saatoho imihuñene gaifimico tajiba sitaaco ijibeguequi.

³ Jaaboro ijohoh Jesucristo jibogominaafi, daabici sihidi idaasuno idiicarunoco, amocasiminaafi amocasino hachuta idaasuno iicarunoco ajaabiciñebadi. ⁴ Miíro cajaatyó amocasiminaati iicamo sineheje naaje dudicamaajejaagoví minifototatíhi ihaivojíibó diiboco amocasiminaafiti iicaquí iiciibó atajibánocoro imooniquí iicamaño. ⁵ Jaabadiro bu saatoho bañamaajefáño iicacuumo toono tajiba onoobadi imino omoonimoro sefano omoonitimo ijaadaco gaayicitíhi. ⁶ Jaabadiro bu faguinofaño sefano ududicamaaimo aivo imegaviro imañoonoti gaayicifíhi. ⁷ Jino ico onoonoco deesamaaje. Jaadí Aivojíibó paryí fanoocoro ico gaajasuji.

⁸ Desafoto Jesucristo, aivojíibó David iyaachimioobo iicaubo guivevefañotí siino ubuheeteubediti, tobogo uujoho taajasujibogoco ijibeguehicabogo. ⁹ Tobogohalliti uujoho sihidi idaasuno iicarunoco jaabiciñicahi, gaicaauminaafi iicanicibadi jigañehiri isisicinenehejeque. Jaarunofaño Moocaani jibogo sisicinitíhi. ¹⁰ Jaamaño paryí uujoho jaabiciñicahi Moocaani iicicumoco jibogohalliti. Jaamo oovosiíno taajama iicaquí ufucuro ifinijitnomá Cristo Jesufañodí mihicacumaño diiboti asaanoma.

¹¹ Jino aivo miyaano:
Diiboma sano miguijevehinicuhachíiji, bu diiboma sano mihicaji.

¹² Tollíro bu idaasuno mihicarunehejeque majaabiciñicuhachíiji, sano diiboma mahaivojíiveji. Jaanotí bu diiboco mutuunamaaihi-hachíiji, miíhaico bu tuunamaaijíibó. ¹³ Diiboco mejeevesurumoco, diibó miíhaico jeevesutíhi, Moocaani ifibadi mihicacumoco, ¿milli bu ificoró jeevesujiruubo?

Imino Agaajacuuno Dudicamaaje.

¹⁴ Jinoco desaayuubo diitoco tajiba Mohaivojíibó imefeeneví jihovonehejeque jenaaucasitimo iicaquí, jilli miífonó toneheje. Jillí toonoco uguubumehejeque imitino omoónino. ¹⁵ Jaanegui quehecuno diica. Jaabo Moocaani imefeeneví iimino dudicamaajeminaafiti idicano igaajacafetequi, bu jaabo jinehejebati nucufevetiiboro diicahi, imino aivo miyaano iicano jibogoco idibeguehicamaño. ¹⁶ Sicamañeheje iimaa, jiinjeo iimaanoco diimaadino. Tonehejeque ihiimaamo jillí janaaniciviro imitifaño feefíhi. ¹⁷ Jaamo jibogono sitaavi jívonoro feehi ciñisi ijivonicibadi. Jaamootisi Himeneo, Fileto icamisi. ¹⁸ Jillí miyaanotí imitacuumisi. Jaamisi: Siino mubuheetejino, eneehicanó siicije fatyehinicuuhi, noomisiro saatoho miyaavogoco sihigoviro miniiyumisiro efeehicamisi. ¹⁹ Jaarunofaño Moocaani sefano iicaquí cuhufeneri

dojibanicuuhi. Jaamo gaajataco ificuuhaame neehi: Aivojiibo Moocaani gaajahi ita iicamoco, noonoro. Tolliro bu noonoro: Paryi famooro: Uujojo Cristota, onoomo iimitinoti sihigovi idugaavequi, noonoro.

²⁰ Miir o iguiraaja ijafaño sanooro oro eetavota, nihibami eetavota icano icatatihi. Bu tolliro imohono, bu nifaqui guirihilluno icano. Fano iimoguiiharo icatino. Sanoodinoro iiminehejeguiiharo icaifihi, bu jaanoti sanoodino iidicunonoguiih, beevanoguiiharo icaifihi icano. ²¹ Jaabad i sano imoguiiharo miicaqui imino mofico mihimibachumoro ijeevadi Mohaivojiibo dudicamaajeguiiharo mihicajimo iimitinehejeti mihinivatino mofico mificusqui. Jaachiji jari fanoova iiminoono eetavoguiiharo mihicahi.

²² Jaanegui ijoho sicafefi idiiacaabo sicafe iimogonehejeque jeecivotiib. Jaaboro iticovono ificoro deesamaaje, miyaavogoco, gajico, sajeebii icaco icano sano imino jeebiiri Aivojiibo Jesucristoco ejecivomoma. ²³ Bu mihiifono fanoova jenaaucasico deecivedino. Iiro gaajacuuhi toneheje amocasicoro omooniisufinoco. ²⁴ Aivojiibo Jesucristo jeecivominaafi sitaama aamocasiiboro igitatihi. Toll icatiboro famoovamaryo imino icaifihi. Jaabo imino jjibogminaafi fanoovaaco jaabiciiboro icaifihi. ²⁵ Jaabo siicuno jeebiiri iicajii sumoco ifagueequi, Moocaani diiboco tolli iicanoo ifico ubuunaniiboro miyaanoco agaajasujinoco esiciniiboro. ²⁶ Jaamo aaicomoro itaajaqui iji diitoco itacurahiihufaño agañiisuneri iiciiboro diitoco iimogobadi imooniqui ificuunoti.

3

Niinoosumi Jilli Miyaminaa Icaji.

¹ Tolliro bu gaaja ufucu niinoosumi icajino siibadi nihicuno iicafucuje. ² Jaasumi icajimo miyaminaa ifi imoguiiharo fanoovaaco omooniififimo, sihidi nihibamima iicanoco iimeguefifimo, ificoro sihidi jeevahi eneefifimo, mihiifonehejeque aivo fanoovama icahi, noomoro quehe quehe iicafifimo. Jaamoro Moocaaniditi iminootino ihiimaafifimo, bu caanimi onoonoco: Jii, nootimo iicafifimo, sita diitoco imino omooniunehejeque diitoco cabiacujitimo, bu jaamo Moocaani iimaahijico bociguejitimo, ³ sitaaco agaijimoro idaasuguejitimo, sicamañehejeque jjibohocasififimo, iimoyiicinocoro omooniififimo, idaasugotimo omooniififimo, fanoova imino jjihegueminaa iicamo, ⁴ iyotocoro imitino omooniififimo, guucibatimo fanoovaaco omooniififimo, sicamañeheje mihiifoneriro ijeebiino agahafucuumo. Moocaanico guinotimoro jilli ificoro imo imo omooniunehejequere iguiinomo. ⁵ Jaamo Moocaani iimaahijico jilli ihifuvusuro alliohifiiriro imino moonijimo. Jaarumo tuunamaajimo toono mityaco miyaano iicarunoco. Toll iicamoti diiflico gaihuini.

⁶ Diitoottoti saatoho iijanovaño ijicafotomoro agaajatimo gaigoomico bañihicahi. Jaamo gaigoomi imitiri ifiinoco gahafusuhicahi fanoova imogocoro efeehevemere, ⁷ fahijivarao gaajamoro icarumo miyaanovi ufucuro iifototimo. ⁸ Oono Jane onoobo, Jambre onoobo icamisi Moiseque ejenaauubadiro, bu diito miyaano iicanoco jenaauhicaahi, diitoco ihesamaajene imitacumo, iimicuutimo icano, bu miyaavogofañodi agaajaracuutimo. ⁹ Jaarunaa Moiseque ejenaauumisico gaajaciumo

jihovotisi iicaunoco. Jaabadiro bu diito bañijitihu paryi jiinije miyaminaa diito jilli jihovoto iicanoco agaajaciuudi icano.

Pablo Timoteoco Atajibano.

¹⁰ Jaanoti na ha iijojo imino uuoho ijibeguehicabadi, bu uuoho iicahicabadi, uuoho omooniguehicabadi, tamiyaavogoco, tajaabicico, tagajico icano, bu uco ijihhevenehejeque ajaabicichicano, ¹¹ bu uco idasuno omoonihiacanehejeque, iiro bu gaajacuuhi uco ijihhevenehejeri idasuno iicahicaunehejeque Antioquia cuumivi, Iconio cuumivi, Listra cuumivi icano. Jaaruno paryi tonehejeti Aivojiboo uco taajasuhinihi. ¹² Jaabadi paryi famooro Cristo Jesuguiha ifico iimibachumoro ijeevadi ificuumo. Toonohalliti diitoco ijihheveneri idasuno icaji. ¹³ Jaanoti iimifiitimo, abañififimo icamo imitifaño janaaniciviro feeji bañimoro, bu ificoro abañineri icano.

¹⁴ Jaanoti iijojo agaajahinnofaño mityano diica, iiro toonoco imino agaajacuunofaño. Iiro gaajahi jaanoco mijojo ico ijibeguehininoco. ¹⁵ Miyo seemenetiro iijojo gaajahi iimino Caatinhaamefaño onoonoco. Toono ico ijibogonoro taajasufaño ico asatyejino Cristo Jesuco imiyaavogonofeenedi. ¹⁶ Miyo paryicino Caatinhaamefaño onoono Moocaani ifusuuboro agaajasunoco acaatiniuno. Jaano miinoco jjibeguehi. Jaanoro imitino mihicanohalliti miinoco iibano, fagoono, miinoco jjibogono iticovono ifiima miicaqui icano. ¹⁷ Jaaneri Moocaani jecivominaafi imino agaajaaboro, bu imino iimibaivooboro paryi fanoova imicoro imooniqui.

4

¹ Jino ico guiraano tajibahi Moocaani imegavi, bu Mohaivojiboo Jesucristo aivojibobadi asaaboro uchuumucuumoco, ubuheemeque icano emeeciiboro ijeevadi sahaje udugaacujiboo imefeenevi. ² Jaabo diibeguehi taajasujibogoco suufenitiiboo, jaguisifucuro icatino, bu tolliro miyaminaa agaajagomo iicasumi idibeguejitursumi icano. Imino gaajasu, bu saatoho imino omooniitimoco dihiba, fanoovaaco daabiciiboo fagojibogo ijiri. ³ Miyo ufucu iicajino gaseji. Jaasumi miyaminaa jaabiciuujitihu aivo iimino jjibogo ijico. Jilli iinoro iimogobadi ajashutimo jjibogominaati iguinomoro ficujimo diitoco ijibeguequi. Jilli diito uguubunicinoco iimogonocoro. ⁴ Miyaano jjibogoco ibujinaago ificucuumoro jihovobogoje fanoova jjibogocoro miyaano onoomoro: Jii, neejimo. ⁵ Jaanoti iijojo iimino ijico imino ficu, idasuno idiicarumehejeque daabici, taajasujibogoco idibeguejinojaagoviro minifoto, imino didudicamaajeque dihifutusu.

⁶ Jaanoti uuoho tafiico acicuji Moocaani jeciveguiha idasuno imoonicafetequi, fiitivucuuno iguijevejino oovo agasene. ⁷ Jaabo uuoho iimino moonicasico moonicasicuhi, tooneguiha ijineehicaabobadi nijecivi ifutucuuhi, miyaavogoco uuoho ejeevesutiboro imino eetavucuuh. ⁸ Jaanojisumi iimino icari ajaadujino uco toomocinicuhi. Jaanoco ufucu uco acijiiboo Aivojiboo iimino emeeciiboro udugaacufiboo. Jaabo ucoro acijiiboo, bu tolliro paryi famooro diiboo asaajinoco iimogomoco icano.

Pablo Timoteoco Onoono.

⁹ Goovano jei disaa uco emeecivaabo. ¹⁰ Miyo Demas onoobo uco jeevesucuuhi jijeonehejequere janaanic aivo iimoyicimaño. Jaaboro

Tesalonica cuumivi feehinicuubo. Jaanoti bu tolliro Crescente onoobo feehinicuuhi Galacia jiiñjevi ijiibeguequi, bu tolliro Tito Dalmacia jiiñjevi feehinicuuhi ijiibeguequi.¹¹ Jaanoti idiiboro Lucas uuma icahi. Jaanegui Marcoco iguiinooboro siva juuga uco tadyudicamaajeti ihamusuqui.¹² Jaanoti uujoho Tiquicoco galluhinîhi Efeso cuumivi.¹³ Asaadî jei uudi siva tagaachehu tajeebutachehuco Troa micuvi Carpo onoobo ijijafañovi ejeevesuhinichehuco, tolliro bu tahaameneque, bu tahaamene pergaminohaamehalliví acaatinihaameneque icano.

¹⁴ Alejandro onoobo jigaiño dudicamaajeminaafi aivo uco imitino mooniuhi. Jaaboco jaafa Moocaani toono jaadaco acihi.¹⁵ Jaabotí bu ijijoho difico gaihuini, mojibogoco iimogotiiboro toonojaagodí iicatiiboti.

¹⁶ Tolliro bu iticoni aivotitoma tahalliví ihiimaausumi mihaiñoooba tahalliti icautihi uco aamusumo. Jilliro famooro uco jeevesuhinîumo. Jaarunoco uujoho teemehi Moocaani toonoco esafototibó iicaqui.

¹⁷ Jaarunotí uco Aivojibó Jesucristo uco aamusuubo sefaco aciuhi. Jaamaño uujoho imino imivehi taajasujibogoco ijibogoobo. Jaamaño faajijiñeminaacoro tobogoco guubusucuhi, judiomí iicatiimehejeque. Jillí Aivojibó uco sihidi iñihicunehejetí taajasuuhi.¹⁸ Jaaboro bu uco fanoova iimitinehejetí ataajasuuboro ficujiibo niquejefaño iicanó ihaivojiguiiha. Jaabo Mohaivojibó Jesuco macahacisu fahijivaró. Fine.

Niinoono Iijico Agalluuno, Bu Imino Onoono Icano.

¹⁹ Taajíco daaci Prisca onoogoco, bu Aquila onooboco icano, bu tolliro Onesiforo onoobo ijiaminaaco icano.²⁰ Jaanoti Erasto onoobo Corinto cuumiviro fitafetehinîhi. Jaanoti Trofi onooboco ficuuhinîhi guihuvaaboco Mileto cuumivi.²¹ Jaabo asaadí jiiñija imegavirocahi disaa. Dijaago Eubulo onoobo ijico galluuhi, bu Pudente onoobo, Lino onoobo, Claudia onoogo icano, bu tolliro paryi monahabomí icano ijico galluuhi.

²² Jaafa iima Aivojibó Jesucristo icahi, bu jaafa Moocaani famooro amihaiico imino moonihi icano.

TITO

Pablo Tito Onoobedi Acaatininuhaame.

¹ Uujoho Pablo Moocaani jeecivominaafi, bu Jesucristo minisuminaafi icano. Jaabo uujoho miyaavogojagovi sivaqui Moocaani iicimoco, bu miya iimaano iticovono imino fiivojaagovi isivajinoco igaajaqui, ² bu ifinijitino fiivoma mihicajinoco mehesicininoco igaajaqui icano. Jaanoco Moocaani abañitatibbo: Ifinijitino fiivoco aciji, nuuhi siicijetiro jiinije fiivuutinaacaro. ³ Jaamaño jino diibo unuusumi mihicacumaño, miihaico ijibogoco gaajasucuubo, jino uco Motaajasuminaafi Moocaani ijibogoco jibeguequi atajibanofeedeni. ⁴ Jaaneguiiha idi jihaameque caatinihii Tito ijohoh tamiaavogo seemene tamiaabo idicabedi. Jaano miyaavogoma imma misi mihicano. Jaabo uujoho imeguehi Dios Moocaani, bu Motaajasuminaafi Jesucristo icamisi ico imino omooninoco, bu sajeebihicaco aacinoco icano.

Tito Creta Chugaivi Ududicamaaiño.

⁵ Ico uujoho Creta chugaivi ficuuuhiniuhi oono imibachurautinoco dimibachuqui, bu quillahutoco ficuuQUI Moocaani iijano faacuumivari iicajajefaño oono ico atajibaubadi. ⁶ Jaanegui quillahutoobo imino iicaqui, sita diibediti: Imitino, nootimo iicaqui, bu jaabo saafigo tajere iicaabo iicaqui, bu jaabo seeme miyaavogominaa iicamediti sita diitoco: Iimitimo, bu guubutimo icano, nootimo iicaqui icano. ⁷ Miirro Moocaani iija toomominaafi obispo onoobo iimino ifi iticovono ifiima icanicahi. Jaabo jenaaufifitiibbo iicaqui, bu icajisutibbo iicaqui, bu guiriicavefitibbo iicaqui, amocasifitibbo iicaqui, bu ajashurunoco guiraano ajaadusuuboro guiraano nihibamico icinoco imogotibbo iicaqui icano. ⁸ Ivi jilliro baaminaaco imino ijajafaño igaayicihicaqui, bu iimino icaco iimeguequi, bu imihuseebe iicaqui, bu imino imoonihicaqui, bu Moocaanidiro ififico ificuuerqui, bu ifi imitinoco iimogonoco moonitibbo iicaqui, ⁹ bu miyaano jibogoco diiboco ijibuguunoco jeevesutibbo iicaqui icano. Jaaboro sitaaco iimino jibogori iquehecutusuqui, bu ejenauhicomoco imiyaavuvusuhicaqui icano.

¹⁰ Miirro sihidí icamo aivo uguubuhicatimo, bu aivo janaanici judiomifaño icamo icano. Jaamo sicamañooco ihimaamoro miyaminaaco bañihicamo. ¹¹ Jaamoco llinoci iimaatimo iicaqui. Miirro fajavaminaacoro mitasumoro feehicamo mijibogotatinoco ijibogomo iffurumo toonohallivi nihibamico igaayiciqui.

¹² Miirro diito Cretaminaa jihovotoco acaanivamo iimaaminaafi iyotoditiro nuuhi: Cretaminaa aivo bañififimo, bu aivo asimibadi jeevamo, aivo machufifimo, gaiquififimo icano, nooboro. ¹³ Jaabo aivo miyaanoco nuuhi. Jaanegui sefano diitoco fagoo imino imiyaavomoro iicaqui. ¹⁴ Bu jaamoro judiomti bañifira jibogoco miyaavogotimo iicaqui, bu oono miyaano jibogoti uuvuduvehicamo ijibogonehejeti icano.

¹⁵ Miirro ihesamaaje imihinivatimedi paryi fanova mihihinivatihi. Jaanotí imiyaavogotimedi, bu ihesamaaje imihinivamedi icano fanooro mihihinivano. Miirro ihesamaaje, ijeebihicaco paryi diitoco imihinivamaño. ¹⁶ Jaamo: Moocaanico magaajahi, unuuruno

omoonihicanofañodi gaajaveechuno miyaano iicatino. Miiro idicufimo, bu guubutimo, bu iimino moonico ajashuno gaajatimo icano.

2

Myaano Jibogo.

¹ Jaabo idibugusumi miyaano jibogofañodiro diibeguehica. ² Bu amiyato gaiflimico diibogo guiriicavotimo iicaqui, bu iminoro ihesamaaiqui, bu miyaavogofaño imino iicaqui, bu gaijima iicaqui, bu jaabicima iicaqui icano. ³ Bu tolliro amiyato gaigoomi Moocaani iimogobadiro iicaqui, sicamañehejeque jibohocasitimo, bu guiriicavotimo iicaqui icano. Jaaneri imino, ⁴ bagocajamico ejeevamaaisuneri diito aijimico igaijiqui, iseemeque igaijiqui, ⁵ bu diigo iminoro ihesamaaiqui, bu ajevatigo iicaqui, bu ijaco imino iteemequi, imihusegue iicaqui, aiji onoonoco jenaautigo: Jii, inehicaqui icano. Jaanofañodi miihaiñooba Moocaani jibogo imitino iimaatimo iicaqui.

⁶ Jaabadiro bu sicafeque dinoo: Imihuñene iicaqui. ⁷ Paryi ijoho omooninofañodi diitoco gaajasu. Jaamoco idibogosumi imihuñene diibogo, jejeejeje icatiiboo, ⁸ iminoro diimaa, toonofeeded ijjoho: Ico dihimiti, needino. Tolliti nucufevejimo oono paryi Moocaani jibogoco imeguehicitimo. Jaamo milliti bu miihaiti imitino iimaajirahi?

⁹ Tolliro bu jeecivominaaco fajini ihaivojito atajibananoco paryi: Jii, inehicaqui, diitoco imo imo imoonihicaqui, bu onoonoco iimusufitimo, ¹⁰ bu nanivatimo imihuñenere iicaqui. Jaanoco aatyimemere famooro igajaquai Motaajasuminaafi Moocaani jibogo oovosiinoco.

¹¹ Miiro Moocaani miihaico iimihuseque ifusuno sivahi taajasuco paryi miyaminaadi. ¹² Jaano toono Moocaani imihuse miihaico jibeguehi mohimitico mejeevesuqui, bu jiinjeo imogonehejeque icano. Jaamoro jjiehallivi imino miicaqui, ticovono ifirma Moocaanidiro. ¹³ Tolliro bu miihaico gaajasuno oono oovosiño sihidi ejeevaabo Moocaani Motaajasuminaafi Jesucristo asaajinoco oono motoomo miihaico unuunoco. ¹⁴ Jaabo miiro mohallivi guijeveuhi paryi mohimitico inituboro miihaico itaajasuqui, diibota mihicamoro imino momoonihicaqui.

¹⁵ Jaano jinooco diitoco diibogo, quehecutusuuboro, mityama fagooboro icano. Ivi saatohoti difico taajavusudino.

3

Myaavogominaa Jilli Iicano.

¹ Tolliro bu diitoco desaayu paryi aivojítoco imityaguehicaqui, bu paryi fanoova iiminoonocoro imoonihicaqui icano. ² Tolliro bu sitaaditi imitino iimaatimo iicaqui, bu sajeebiima iicamoro sitaama imihijino iicaqui, bu siicujeebiima paryi famooovamaryo iicaqui icano.

³ Miiro bu miihai iticoni tolliro miiifomo mihicauhi, bu Moocaani onoonoco: Jii, meneehicauthi, jilli mimitaciniuh, bu fanoohimiti imogono, bu fanoohimiti imo icaneheje icano jijovoto mihicauhi fanoohimitifaño mihicauhaño, bu sitaanoco mihimeguehicaudi, mijiiheveciniuh, bu fahigova sitaama mijiihevecasihicauhi icano.

⁴ Jaarunaaca Moocaani Motaajasuminaafi igaijico, bu iimihuseque icano miyaminaaco ifususumi ⁵ miihaico taajasuubo. Jaaruno miihai iiminoco momooniunoti icatino, jilli miihaico idaasuguumaño. Jaabo

miihaico taajasuubo Igaijari miihaico initiuno bohofico aacinofeenedi. Jaano Moocaani Gaija miihaico bohofima icasuhi. ⁶ Tolliro bu Motajaasuminaafi Jesucristofeenedi Moocaani miihaico Igaijaco ajashutino aciuhi. ⁷ Jaaboro iimihusefañodi miihaico igaayiciqui jaanofeenedi miihai ifinijitino fiivoco meteemehicanoco magaayiciqui.

⁸ Jaano jino aivo miyaano. Jaaneguiha imeguehi ijoho jinooco sefano atajibananoco. Jaaneri Moocaanico imiyaavogomo iiminocoro imoonihicaqui. Jino aivo paryi fameediro imino. ⁹ Jaanoti mihifono iimaaco deecivedino siicijeminaa momono guicibadi iicanehejeque, bu jiihevecasinehejeque, bu oono Moise tajibahallivi jenaaucasinehejeque icano. Toono jilli miihifoneheje, jhovoneheje.

¹⁰ Jaanoti bu saatoho Moocaani iijaminaaco siibadije udugaacuhachiji fagoo mifoociro. Jaanoco: Jii, onootihachiji diboco buhigovi gañii. ¹¹ Jaano uguubutinot gaaja diibo miyaanot iimitacuunoco, bu iimitiro diiboco: Imitino, unuucuunoco.

Titoco Ifitacuuno.

¹² Uujoho dijaago Artemas onooboco, bu Tiquico onooboco icano agalludi, tolli icarunofaño disaa Nicopoli cuumijaago uco emeecitoobo. Uujoho tuucuumivi jiinijadihico afatyonoco imeguehi. ¹³ Bu disefadino daamusu saafi abogado Zena onooboco, bu Apolo onooboco icano. Jaamisi ucuujivaachunoco daaci jinejeti cuujivaachutimisi ifeqequi. ¹⁴ Jaanoco aatyimemere mota iicamo igaajaqui imino moonico. Jaamoro ucuujivaachumoco ihaamusuhicaqui. Tolliti ifinio sinejeguiha iimiäqui.

Nüino Fitacu.

¹⁵ Paryi jino uuma iicamo dijaaj iijico galluuhi. Ijoho bu moojico daaci miyaavogofañodi monahabomi iicamoco. Jaafa Moocaani paryi amiihaico imino moonihi.

FILEMON

Pablo Filemodi Acaatinihuame.

¹ Uujoho Pablo, jino Cristo Jesu momohalliti civojafaño iicaabo jihaameque caatinihu sano monahabo Timoteoma iidi, agaijibbo Filemon mududicamaaje nahaboniminaafidi, ² bu Moocaani ijaminaa oono dijafaño igaivehicamedi, tolliro bu monago Apiadi, bu Arquipo mihaiico mududicamaajeque aamusuhicaabedi icano. ³ Jaamo amihai magaayici Moocaani, bu Aivojibbo Jesucristo icamisi imino omooninoco, bu sajeebii icaco aacinoco icano.

Filemon Gaiji, Miyaavogo Icano.

⁴ Fahijivarо uujoho Moocaanico dihallivи imehicahi. Jaabo diiboma ihiimaasumi iiti esafetehicahi, ⁵ Aivojibbo Jesuco iijoho agaijinoco, imiyaavogonoco icano, bu paryi Moocaanita iicamoco agaijinoco icano uguubuuboro. ⁶ Tolliro bu Moocaanico dilluhicahi oono dimiyaavogoco aatyimemere imiyaavogomohallivi, jaamo Cristo Jesufañodi paryi iiminoco magaayicinoco imino igaajaqui. ⁷ Jaabo tajeebii jacusucafetehi, bu uujoho sihidи imo imo icahi iijoho sihidи gaijima idiicanoti. Miiro iijoho tañahabo, difañodi miyaavogominaa jeebii jacusucafetehi.

Pablo Filemon Jijovonohallivi Filemoco Idilluno.

⁸ Jaanegui uujoho Cristo minisuminaafi iicaruubo ico tajibajitihи iijoho omoonjinoco. ⁹ Ivi jilliro gaijifeenedi ico dilluhi. Uujoho Pablo amiyaaboo iicacuubo, bu jino Cristo Jesuhalliti civojafaño iicaabo, ¹⁰ ico dilluhi jaani Onesimo onoobohallivi. Jaabo jino civojafaño miyaavogofeedi taseemeneti minifutucuhi.

¹¹ Iticoni naha Onesimo jilli mihifooobo dijijovono icauchi. Jaaruubo jisumi miyaabotiro misidi icacuushi, iidi bu uudi icano. ¹² Jaaboco dijaago uujoho siino galluhi. Jaaboco imino gaayici tafico idiicajirubadi. ¹³ Imogorahi jinoovi uuma iicanoco dibuunavi uco ijeećivequi jino Cristo jibogohalliti civojafaño iicaaboco. ¹⁴ Jaaruubo uujoho imogotihи iijoho idiimogotinoco omooninoco. Jaabo uudi iijoho omoonino uujoho atajibaneri icatino iicaqui, jilli iiro idiimogooboro omoonino iicaqui. ¹⁵ Fine Onesimo iiti dugaavuuhi gueenene sihi iicatiqui. Jaaruubo jisumi iima fahijivarо icacujiibo. ¹⁶ Jaaruubo jijovonobadi icacujitihи. Jilli jijovono janaanicivi imino icacujiibo. Jaabo agaijibbo dinahaboruuji. Jaaboco uujoho sihidи gaijihи. Imi jaano janaanicivi iijoho diiboco gaiji dijijovono iicamaño, bu Mohaivojibbofañodi dinahabo iicamaño icano.

¹⁷ Jaaneguiha digataavominaafi uujoho iicahachiji diiboco gaayici uco idiicajirubadi. ¹⁸ Jaanoti ico diibo imitino omoonihuachiji, bu ico edebehachiji icano ucoro toonoco daadusu. ¹⁹ Jaabo uujoho Pablo, jinoocoro tahuseri caatinihu: Uujoho ico jaaduji. Miiro bu uujoho ico neejirahi: Iijoho tahallivi guijevezirahi uco edebeneque daaduqui, neejirahi. Jaarunoco ico uujoho nootihu. ²⁰ Jaaneguiha tañahabo, uudi jino iminoco deetavo Aivojibbo Jesuco imiyaavogomo iicanicibadi. Jaaneguiha tajeebii ico daacusus Cristofañodi tañahabo idiicamaño.

²¹ Jilli iidi caatinihu iijoho omoonjinoco agaajaaboro, bu jino ico onoonoco janaanicivi omoonjinoco agaajaaboro icano. ²² Bu tolliro uudi uujoho ifetejimañoco tahimega dimibachu. Miiro jino teemehi amihai

Moocaanico midilluhicanoco amiihaico ihaci qui uujoho amiihaico emeecitejinoco.

Niino Fitacu.

²³ Jaani Epafra onoobo dijaago iijico galluhi, jino Cristo Jesuhalliti uuma civojafaño iicaabo. ²⁴ Tolliro bu Marco onoobo, bu Aristaco onoobo, bu Demas onoobo, bu Lucas icamo jino uco tadyudicamaajeti aamusuhicamo dijaago iijico gallumo.

²⁵ Jaafa Mohaivojiibo Jesucristo amiihaico imino moonihi.

HEBREOS

Moocaani Illifeenedi Ihiimaano.
(Jn 1.3)

¹ Siicije naha Moocaani moheedetemihaima iimaajiibuuhia saicino siibadihje, jibogominaafeenedi. ² Jaaruubo jisumi jino niinoosumi miinhaima iimaabo Illifeenedi. Jaabo Illifeenedi Moocaani paryi jiinijeneque eheetavuuboro diibo usefaño paryi fanoovaaco iicaqui ficuubo. ³ Jaabo diibo Moocaani imi aricuco ifusuubo Moocaani ifi tolli ejeevanoco ifusuubo. Jaabo sefari paryi fanoova icahi imityahiijifeenedi. Jaaboro bu mohimitico ifilluuboro casivuubo niquejefanõ Moocaani aivoji icagahallivi, imiyanaagonovi.

Moocaani Achi Sihidi Jeevahi Niqueje Toomominaa Janaanicivi.

⁴ Jaamaño Moocaani Achi sihidi jeevano minifetehi Moocaani toomominaa allinoocivi. Miircaani busumijeti gaayiciibo diito janaanicivi aivo imityamañovi. ⁵ Jaamaño cono bu Moocaani safooba itoomominaati cajaanibaco:

Iijoho taseemene, jifucu uubadiro idiicaabo, noonova.

Bu cajaanibaco:

Uujoho diibo caaniti icaji. Jaanoti diibo taseemeneti icaji, nuunova.

⁶ Jaanoti idiboro Illi iicaaboco jijehallivi isivauboro nuubo:

Mihimo diiboco paryi amiihai Moocaani toomominaa, nooboro.

⁷ Jaanoti diito itoomominaaditi nuubo:

Itoomominaaco guibuhubati eheetavoobo, bu ijeeecivominaaco chijigaiguihuti eheetavoobo icano, noonoro.

⁸ Jaanoti Illiditi noono:

Moocaani dihaivoji icaga; Jaafa ufucuro ifinitino fahijivarao icahi, bu ditajiba imino atajibano iicanoo. ⁹ Iticovonocoro idiimogooboro imitinoco diheguehi. Jaamaño Moocaani Didios iicaabo ico sihidi imono icaco acihi, digataavominaa allinoocivi, noonoro.

¹⁰ Tolliro bu noono:

Aivojiboo, iijoho aivo iticoni jiinijequetanoo fikuuhia. Bu jaaboro dihuseri niquejeque deetavuuhia. ¹¹ Jaaruno toneheje finiji.

Jaanoti iijoho ufucuro finitiiboo fahijivarao diicaji. Jaanoti toneheje queemeveji gaachehu ocoomovonicibadi. ¹² Jaanoco gaachehuco mihicanicibadi gatatahuruji. Bu jaanoco buunaniji gaachehuco siino mubuunaninicibadi. Jaanoti naha iijoho diiboro fahijivarao diicaji; ufucuro difi finijitihu, noonoro.

¹³ Jaamaño miircaani Moocaani itoomominaati cajaanibaco nuutihu:

Tamiyanaagonovi casivo, diminaaco iguinonijinohachuta, nooboro.

¹⁴ Miircaani toomominaa jilli gajjamiro Moocaanicco ejeeecivomo. Jaamoco gallufiboo taajasuco agaayicijimoco ihamusuqui.

2

Mataajajinoco Mejeevesudino.

¹ Jaano jilli iicaneguiha aivo imino muguubuniciji oono muguubuhininoco, iimino jihaiti buhigovi minifototimo miicaqui.

² Jaanoti naha siicije Moocaani toomominaafeenedi aaciuno jibogoo

sefano icaahi. Jaanoco guubuutimo imitico omooniumoco toonohalliti idaasuno moonicafutuuhi. ³ Jaabadiro bu miihai aivo aajashutino taajasuco mejeeivotihachijji, miihaico idaasuno moonijruubo. Miirto toono taajasuco iticoni diiboro, Aivojiibo jiibuguuhi. Jaanobuunati jari toonoco uguubuumo imino agaajaciumoro miihaijaagovii fatyusuuh. ⁴ Jaabadiro bu Moocaani toonoco imino gaajasuuhi miyaano iicanoco. Toonoti igaajaqui ajabafiranehejeque, sihidi ejeevano, mityano aatyimeratinehejeque omoonihicaunofeenedi, bu tolliro miihaico Igaijaco siibadihije aacinofeenedi icano ijebii onoobadi.

Jesu Inahabomi Iicabadii Minifutuuhi.

⁵ Miirto oono toojeti mihiimaaje ufucu icajino jiinejequ Moocaani itoomominaa usefaño fikuutih toojeque itaaajiibaqui. ⁶ Miirto samañoohaame Caatininhaamefaño saatoho neehi:

¿Milli ijohoh Moocaani sihidi edeevaabo miyaminaa sihidi ejeevatimediti deesamaajirahi? ¿Jaabo collihii diito iguijevefimojaago feejirahi?* ⁷ Miirto jihachutasituro diitoco diitoomominaaguiinovi fikuuh. Jaaruumoco fanoova imiri, bociri icano diitoco bocisuuhi.

Bu jaaboro diitoco mityaco daaciuhii paryi edeetavuunohallivi. ⁸ Paryi fanoovaaco diitoguiinovi fikuuh, noonoo.

Jaamaño tolli paryi miyaminaafoguiino ificuucumaño diitoguiinovi fanooro icacuuno. Jaaruno fañehiica mahatyimetihiica paryi fanoovaro diito iijico obocigonoco. ⁹ Jaarunofaño mahatyimehi Jesuco jihachutasituro Moocaani itoomominaati guuinovi ificuunoco. Moocaani sihidi igaijima iicamaño imuguuhii diibo famoohalliviro iguijeveujinoco. Jaaruubo jisumi diiboco Moocaani bocigusuhi idaasuno iicauboro iguijeveuno jaada.

¹⁰ Jaamaño Moocaanidi fanoova choomothi diibofeenedi. Jaabo Moocaani imeguehi famooro iseeme iimihigo niquejefaño ofoonoco. Tooneguiilha Moocaani Jesucristoco idaasuno moonisuuhi imi Taaja-suminaafiti iicaqui. ¹¹ Jaamaño paryi imibachucinicuumoco ijeevadi ificuucumo, bu diitoco imibachuubo icano paryi sacaanitaro. Tolliiicamaño Moocaani Achi nucufeguetihi diitoco: Tañahabomi, onoobo

¹² Caatininhaamefañodi: Hiti iimaaji uujoho tañahabomima. Jaaboro ico imeji dimasineri igaivominaafeenevi, noonoro.

¹³ Tolliro bu noonoo:

Uujoho Moocaanicoro esiciniji, noonoro.

Jaabadiro bu siino noonoo:

Jineeri icahi, jino seemeque Moocaani uco aacihinimoma, noonoro.

¹⁴ Miirto jaamo miyaminaa seemere ihuucuma, itijohoma icano iicamo. Jaabadiro bu tolliro Jesu minifutuuhi ihuucuma, bu itijohoma icano iguijeveuqui. Jaano iguijeveunerii oono gujeni mityama iicauboco ijico ifinisuqui. ¹⁵ Jaamaño jilliti taajasubo oono paryi famooro iguijeveneque iiguimoro jijovotobadi iicacuumoco. ¹⁶ Jaamaño Moocaani toomominaaco ihamusuqui saautiiboo. Jilli Abraham iyaachimihaicoro aamusuvubaubo saauhi. ¹⁷ Jaamaño diito inahabomi iicaubadiro icaubo sacerdotemi aivojiiboti iicaqui jeevesutiiiboo iicamaño, bu sihidi idaasugoma iicaqui Moocaani imefeeenevi, tolliro bu miyaminaa imitico ibuusuqui ifico idaasuno omooninofeenedi.

* 2:6 Sahaamefaño noonoo: Miyaminaafi.

¹⁸ Miiro idaasuno iicaunerifi nisucafutuuhi. Jaamaño jisumi amusuubo tolliro inisucafotomoco.

3

Jesu Moise Janaaniciví Jeevahi.

¹ Tañahabomi, amiíhai mihimibachucinícumáño ijeevadí mihicamo, Moocaani ita iicaqui ucuuhuvamooto mihicamo imino magaaja Cristo Jesu mohiimaa iiji minisuminaafití iicanoco, bu sacerdotemí aivojíbo diibo iicanoco icano. ² Jaabo Jesu Moocaanima imino icaudi. Jaaboco Moocaani jino dudicamaajehallíví ficuushi. Jaabadiro bu tolliro Moise imino icaudi Moocaani iijano miyaminaaco ejecivuunovi. ³ Jaarunofaño Jesu janaanicí toonovi ibocima icahi Moise janaaniciví; oono iijaco eheetavoobo tooja janaaniciví ibocima iicanicibadi. ⁴ Miiro iijanoco eheetavomo itícovooociví icahi. Jaarunofaño paryi fanoovaaco eheetavuubo Moocaani. ⁵ Jaabadí Moise aivo imino icaudi Moocaani iijaco ejecivehicaunovi: Ududicamaaihicaunobuunati Moocaani eheetavuujinoco iiji bogono. ⁶ Jaarunofaño aivo Cristo janaanicí imino icahi Moocaani iijaminaa miíhai mihicamoco otoomoobo. Jaamo miíhai Moocaani iijaminaa mihicamo sefano mihicamoro mehesiciniíqui, diibo onoonoco imo imo momoonimoro mimiyaaveguequi niinofucuví.

Moocaani Cuumimínaa Ajaguisijino.

⁷ Miiro jaamaño, Moocaani Gaija neehi Caatiníhaamefañodi: Jaachijí amííhai Moocaani iijico muguubuhachijí ⁸ amííhai jeebijíco mucuhufutusudino, johono sicaihigovi iicausumi Moocaanijaagoví isifiratuumoro diiboco inisuumo iicaubadi. ⁹ Tahigo amííhai eedeetemihai uco nisuushi, buhicagaha cuarentadi ficabava ticovovi tahi uujojo omoonihicaunoco atyimehicaurumo.

¹⁰ Jaanoma iicaubo diitoja isifiratuuboro nuuhi:

Jilli fahijívaro ijeebjinoco imitasumoro fahigova igomoro icahicamo, jaamoro imeguehicitimo taajíhaico agaajanoco, nooboro.

¹¹ Jaamaño uujojo toonohallítí diitoja isifiratuuboro tamomofañodi, nuuhi:

Uuma ajaguisijimañovi diitoco ifutusujitíhi nooboro, noono.

¹² Tañahabomi, jaaneguiha mehesicini cajaatyoba amííhaiti iimitino jeebjíma iicamoro toonoco mitasudino iicaabo Moocaaniditi diiboco mimiyavogotímaño. ¹³ Tollí icatimoro fahigovavífafucuvaaciviro mequehecutusucasi jisumi jino iicanohachuta. Jaamo amííhaiti cajaatyobaco imiti bañítino icadino. Jaaneri amííhai jeebjí Moocaaniditi jenaauno minifetedino. ¹⁴ Jaanoti siicijetíro mehesiciníno suufenitímo toonofañoro quehecuno mihicamoro niinofucuví mihiñphotohachijí, Cristojaagotí samañoonotí mataañovaji.

¹⁵ Miiro jilli noono:

Jaachijí Moocaani onoonoco muguubuhachijí amííhai jeebjinoco mu-cuhufutusudino, johono diibojaa isifiratuumo iicaubadi.

¹⁶ ¿Cajaatyo nacu diibo iimaaco guubucuurumo diibojaa isifiratuumo? Eti bu johono paryi Moise Egípto jiinjeti isivaumo. ¹⁷ ¿Nacu bu cajaatyoma Moocaani sifiratuuhi cuarentadino ficabava ticovovi? Eti bu diito Egípto jiinjeti isivaumo oono imitico eheetavuumoma. Jaamo diito paryi finuhi sicaihigovi, iguijeveumo. ¹⁸ ¿Nacu bu cajaatyoco

Moocaani imomofañodi nuuhi: Tafaño majagusijihigo mihifetejitihi, nooboro? Etí bu diibo unuunoco: Jii, unuutimoco. ¹⁹ Miíro magaajacu-uhí imiyaavuguutimaño diito iifutuutinoco.

4

¹ Jaamaño ufucu Moocaanima majagusijinoco aaciguunoma mihi-canohachuta imino mehesicini amíihaití saatoho toonovi iifototimo mi-hicadino. ² Miíro miíhaico bu acíumo tobogo taajasujibogoco diitoco iicaubadiro. Jaaruno diito uguubuuruno diitoco imino mooniutíhi uguubuurunoco imiyaavuguutimaño. ³ Jaanoti naha miíhai toonoco mimiyaavogomaño toono jaguisifaño miíhfetehi. Oono Moocaani jillí nuuhi:

Jaamaño diitojaago uujoho isifiiratuuboro diitoco nuuhi tamomofañodi, uuma ajaguisijimañovi iifetejítimo, nuubo Moocaani.

Jaarunofaño Moocaani jiinijeque ifiivusunotiro iticoniubo eetavuubo imivuudi jaguisiubo. ⁴ Jaamaño miíro samañoohaame Caatiníhaamefaño jillí noono jaguisifucudití:

Sahuse juugahusetí safucu icano nigacítí idudicamaajeti Moocaani jaguisiuhí, noonoro.

⁵ Siino bu Caatiníhaamefaño noono:
iifetejítimo uuma ajaguisijihigo, noonoro.

⁶ Jaarunofañehiica icamo saatoho toono jaguisifaño ijicafetejimo. Jaanoti iticoní toono taajasujibogoco uguubuurumo toonofaño iifutuuthíhi: Jii, noomoro imiyaavuguutimaño. ⁷ Jaamoma iicaubo Moocaani siino bu oovicuhi jisumico, jino mihicasumico. Miíro Moocaani miíhaima iimaahi, toonobuunati goovacuutinoti David unuunofeedeni. Oono Caatiníhaamefaño onoonoco munuucuuhi. Jaanoco bu siino meneehi: Jaachíiji Moocaani iijico muguubuhachíiji amíihai jeebiico mucuhufutusudino, noonoro.

⁸ Jaanoti Josue diito israelmico toono jaguisico ihaciuruva, Moocaani siino sifucudití iimaacuujitirahi. ⁹ Jaanegui icanehiica sano Moocaani cuumiminaa ajaguisijino. ¹⁰ Jaamaño miíro Moocaanima ijaguisiqui ijicafotoobo, idudicamaajeti ajaguisicuubo, oono Moocaani iinoti ajaguisicuubadi. ¹¹ Jaanegui masíi mesefaqifetequi toono majagusijinofaño miíhfetequi. Jaanegui saatohoba johono, imiyaavuguutímo iicaubadi mihicadino.

¹² Miíro Moocaani iiji buheehi mityama icano aivo janaanicí sijevano fanoova aamigano fahigovaacítí iijino iicano sijeva janaanicí sijevano. Jaamaño mojeebi, mohesamaaje icano faicuvano icarunoco adicíno, bu miyaminaafi ifílico faabeheri adicíno icano. Jaanoro foovono miniiyuno mohesamaajeque, mojeebi esicinico icano. ¹³ Aivo jinehejeba chahahi Moocaani ifiivusuuno toonoti afataniivejiruno. Paryí fanoovaro foovono icacuuhi faayacafutucuuno. Jaadí johono diibo imfeenenevi mohimitíco mihimibachujuibo imfeenenevi.

Jesu Aivo Janaanicí Sacerdotemí Aivojíbotí Icahi.

¹⁴ Jesu Moocaani Achi aivo janaanicí miíhai sacerdote aivojíbotí icahi. Jaabo niqueje janaanicí Moocaani imfeenenevi aivo iifotoobo. Jaanegui imino momooniqui mohiimaa iijico. ¹⁵ Miíro miíhai sacerdotemí aivojíbo miíhaico idaasuguejirahi moniinovanoti, miíro miíhaico iicabadiro diiboco fanoova inisuunerí idaasuno icaubo. Jaaruubo imítico mooniutíhi. ¹⁶ Jaanegui masíi imino

mimiyaavogomoro Moocaani sihidi gaijima iicaabovi mifiitvequi. Toonoti mihaico ihidaasuguequi, jaaboro iimihuseri mihaico ihamusuqui sihidi idaasuno mihicasumi.

5

¹ Famooro sacerdotemi aivojito iicamoco miyaminaafeenet iicimoro toonofaño ficuumo Moocaani imfeeneevi miyaminaahallivi iimaajinoco, bu diibo jeecivoco iheetavequi, asimico agaisiraicimoro Moocaanico tooneri ijeevivequi miyaminaa imithallivi icano. ² Jaabo diibo sacerdotemi aivojibbo, bu icaruubo ififañodi iniinovanoma iicamaño, bu amusujiruubo agaajatimehejeque, imino jihaiti imitamehejeque icano. ³ Jaabo bu ifi niinovama iicamaño jeevivo asiri Moocaanico iimitihallivi jeevivefihu, oono miyaminaa imithallivi iicanicibadiro.

⁴ Jaamaño aivo cajaatyoooba jilli iinoro sacerdotemi aivojiboti icatatihi. Moocaaniro iiciiboro toono obocimañovi ficufihu, johono Aaron onooboco iicaubadi. ⁵ Jaabadi tolli Cristoco mooniubo: Jilli iinoro diibo sacerdotemi aivojiboti icautihi. Jilli Moocaaniro diiboco toono bocifaño ficuuhi diiboco unuubadi:

Ijoho taseemene, jifucu uubadiro idiicaabo, nooboro.

⁶ Jaabadiro bu samañoohaame Caatinhaamefaño diiboco nuubo: Ijoho sacerdotemi aivojiboti fahijivarо idiicaabo, Melquisede onoobobadi edeevaabo, nooboro.

⁷ Jaabo Cristo jjijehalliri iicausumi sihidi Moocaanima iimaahicaubo sefano ihaallii tofafihuco gañiboro dilluhicaubo diibo Moocaani diiboco guijevefañoti ataajasuujiruno mityama iicaaboco. Jaanoco Moocaani guubuuhi diiboco idilluhicaunoco Moocaanico miyanotiro ejeevivehicamaño. ⁸ Jaamaño Cristo Illi icauruubo gaajauhi: Jii, onoonoco idaasuno iicauboro iguijeveunofañodi. ⁹ Jaaneri aivo ifiico imino ifutusucumaño ufucuro ifinitino taajasu abajaaboti iicanovi ifutuubo paryi oono diibo onoonoco: Jii, onoomedi. ¹⁰ Jaamaño Moocaani diiboco sacerdotemi aivojiboti ficuuhi Melquisedebadi ejeevaaboco.

Aivo Nihicuno Miyaavogoco Mejeevesuruva.

¹¹ Aivo ajashutino jinohallivi meneejino icahi. Jaaruno aivo tihino mijibeguejiruno, amihaico magaajagotimaño. ¹² Aivo gueenecuuno mihicanojisumi jjibogominaati mihicatacuuno. Jaarumehiica mihimeguehi siino amihaico sita jjibogonoco; Moocaani jjiji jjibogo aivo itihitinoti. Aivo jilli fañoovirō miniinovatucuhi. Aivo jilli miyaavogofaño mujustihi. Jilliro mifañofaihuco aaducuujimobadi mejeevacuhi. ¹³ Miilo Moocaani ijijo ajashunoro agaajamo seeme mifañotiotobadi iicamo. Jaamehiica gaajatihi iticovono ifi icaco. ¹⁴ Jaanoti fanoocoro imino emeecimo oono jusitamobadi ejeevacuumo, fanoovaaco udugaacunoco agaajacuumo, iimitinoco iiminofeeneti aatyimeneque ejeevamaaicumo icano.

6

¹ Jaanegui masii janaaniciviro mefeequi miyaavogofaño jusimoro Cristoditi iticoni mihaico jjibuguunocoro meesudino, siino janaaniciviro gaajamoro mofoo. Miiñoco guijevefaño asatyefinehejeque mejeevesunoco magaajacuuhi. Bu tolliro Moocaanico mimiyaavogonoco magaajacuuhi. ² Bu nitihallivi jjibogonehejeque, bu

miyaavogominaahalliv iihuseque ificujinehejehalliv ijibogonehejeque, bu uchuumucuumo siino ubuheetejinehejeque, bu ufucuro ifinijitino cijigaifaño efeejinehejeque icano magaajacuhi. Jaarunaaca janaaniciviro gaajamorohiica mofoo. ³ Jaanoco tolli momooniji Moocaani iimogohachiji.

⁴Jaamaño miiro saatoho seseequa agaayicihinicuurumo, bu Moocaani aacino imoco gaajacihinicuurumo, bu tolliro Moocaani Gaijati agaayicihinicuurumo. ⁵ Moocaani jibogo imoco gaajacihinicuurumo, bu ufucu iicajino jiinje mityaco icano agaajacihinicuurumo, ⁶ siino dojicuviro eedeehifijaagoviro uhuumimoro Cristoco ejecivucuutimo siino eedeehifi jeevesufeedi bohomoti miniiyuracuujitihi. Jaamo diitoro siino Moocaani Achico dojicuviro imohobujehalliv metetecubadi omoonimoro diiboco miyaminaa imefeneevi dejecumoro ica hicahi. ⁷ Jaamo jiinjebadi, fahijivaro toojehalliv nijaba aaigonoco adujere iicanicibadi jeevamo: Jaaje toojeque ududicamaaimedi imino basutaaco ihiinusujere inoovasuruva, toojeque Moocaani imino omooninoma icaje. ⁸ Jaanot iariimocoro, ñavahucoro icano ihiinusuhachiji jinehejebaguiha imitje. Jaamaño Moocaani: Imitino, onooboro afaijanoguiinovi aaquetejije. Jaanofeenevi jigasucafetejije. Jaabadi dojicuviro eedeehifijaagoviro uhuumimoro Cristoco ejeevesumoco Moocaani fajaji.

Mohesicini Miinoco Sefano Ficuuhi.

⁹ Agaijimo tañhabomi, jilli munuurunaaca, aivo imino magaajahi, amiihaiti ajashutino Moocaani miihaico imino omoonino mohalliv taajasuma assaanoco. ¹⁰ Miiro Moocaani aivo iimiibo. Jaamaño jabajeevejitiibo amiihai momoonihicanoco, bu diiboco amiihai gajjico mihibusumoco, miyaavogofeedi monahabomi iicamoco mahamusuhicanofeedi; bu jaanoco jisumihachutahi moonimerehi mihicahi. ¹¹ Jaanegui mihibeguehi famooro miihai toonoco mihibusumoro mofoomo nijequevi mihibotonoco. Jaamo imino mihibutusuhi oono meteemehicanoco. ¹² Miihai mihimogotahi amiihai majaparyatonoco. Mihibeguehi oono imiyaavogofeedi, bu ijaabiciifeenedi icano Moocaani aaciguunoco agaayicimoro iicabadi mihicanoco.

¹³ Miiro Moocaani onoonoco Abrahamco aaciusumi ififañodiro oovicuhi miyaano iicaujinoco. Aivo diibo janaanicivi iicamo momofeedi ohoovicujirumo achahaumaño. ¹⁴ Miiro jilli nuubo: Miyanotiro aivo ico imino mooniji. Jaaboro ico ajashujitino diiyyachimihaiti aacino, nooboro. ¹⁵ Jaanoco Abraham tuumuuhii jaabiciiboro. Jaamaño gaayicuubo Moocaani diiboco unuubadi. ¹⁶ Jaabadiro bu miyaminaa siinoco unuusumi noonicimo diito allinocivi iicaabo Moocaani momofeedi. Jaano siino miyaano iicanoco, unuusumi Moocaani momofeedi unuucuunoco, ¿milli bu janaanicivi siino mejenaaucuujirahi? ¹⁷ Jaamaño Moocaani imomofeedi nuuhi aaciguuno miyaano iicajinoco foovono ihifusuqui toono ibusumijeque aaciguunoco agaayicijimoco, bu jaano unuucuuno siino boobanicafutcuutahi iicaujinoco icano. ¹⁸ Jaamaño icano minooci diibo, bu diibo unuucuuno icano oboobaniracuutino. ¿Jaanohocifeenedi milli bu Moocaani unuucuunoco bañijirahi? Jaanofeenedi miihaico Moocaani acihi sefano majacusucafotomoro meteemehicanoco

mohimega ificuunoco magaayiciqui. ¹⁹ Jaano toono esicini sefano iicanoro mojeebiico cuhufono ficuuno. Jaano jino esicini iicanoma mīhai mihicano mīhaico cuhufono ficuuh ni quejefañ iicaja Moocaani iija gaachehubaryutyigaba ticovo.* ²⁰ Jahigo tobaryu ticovo Jesu jicafutuuhi mohallivi mīhaidi jīhaico ifaayiciqui. Jaamaño jilliti Jesu sacerdotemi aivojībo fahijivaro iicanovi ifutuuhi. Jaamaño Melquisedebadi jeevaabo.

7

Jesu Sacerdotem Aivojībo Melquisedebadi Jeevaabo.

¹Jaani Melquisede onoobou Salem cuumio aivojībou. Jaabo Moocaani caamovohi iicaabo sacerdoteu. Jaabo Melquisede Abraham minaavi jiinijene aivojito iguiinonijeuhigot uhuumiuboco acabaacutuboro diiboco: Imino, nuuhi. ² Jaaboco Abraham aciuhi fahuseecisaaje iicanoti sanoosaacoro toono abajatoco iguiinonijunoti iiciunoco. Jaano Melquisede onoono momo jilli eneejiruno: Iticoni, iimino Aivojībo, eneejiruno. Jaabo Salem aivojībo iicaumaño, bu: Sajeebii ica aivojībo, eneejiruno. ³ Jaabo buhugaavocafetehi caanima, seejima, bu iheedetemihaima icano chahaabo. Jībogoratino diibo fiivoti, bu iguijeveti icano. Jaabo Moocaani Achibadiro iicacuubo sacerdotem aivojīboti fahijivaro icacuubo.

⁴ Jaanoco jisu magaajacuhi Melquisede aivo sihid jeevaabo iicaunoco. Mīro moheedeebe Abraham icauruubo diiboco aciuhi fahuseecisaaje iicanoti sanoosaacoro moonicasivi aivojito nehejeque udumitihciunoti. ⁵ Mīro Moise tajiba onoobadi Levi iyaachimihai sacerdotem iicamo miyaminaaco inehejeti fahuseecisaaje iicanoti sanoosaacoro ajaadusuno tajibama icamo; buhicagaha diitobadiro bu Abraham iyaachimihai icarumo. ⁶ Jaanoti Melquisede Levi iyaachimioobo icautiruubo Abrahamco jaadusuhi fahuseecisaaje iicanoti sanoosaacoro. Jaabou diiboro Abraham Moocaani aaciguunoco agaayiciubo. Jaamaño jilliti Melquisede Abrahamco: Imino iicajinoco, nuuhi. ⁷ Jaanoco famooro gaajacuhi diiboco: Imino iicajinoco, onoobo diibo janaanici sihid ejeevaabo iicafinoco. ⁸ Jaanoti jino mofeeneri iicamo fahuseecisaaje iicanoti sanoosaacoro agaayicimo, jilli ticovo miyaminaaro iguijevefimoro. Jaanoti Caatininhaame iimaahi Melquisede iguijevetibobadi iicaabediti. ⁹ Jaamo paryi Levi iyaachimihai sacerdotemiti iicamo jisumi fahuseecisaaje iicanoti sanoosaacoro miyaminaaco ajaadusuhicamo, bu Levi icano tolliro Melquisedeque fahuseecisaaje iicanoti sanoosaacoro jaaduuhi sano Abraham ajaadusumiro. ¹⁰ Mīro jaasumi Abraham ififañerehiica iyaachimihai icauhi Melquisede diiboco aatyimeteusumi.

¹¹ Mīro Israel cuumiminaa tajibaco gaayiciuhi sacerdotem Levi-tami jaamoro Aaron iyaachimihafeenedi. Jaano miyanotiro toono tajibaco omoonimoco Moocaaniaagovi isatyejiruva collihicaqui, bu siino sifi sacerdote saajirahi. Jaabo Aaron yomoobo icacuujitino Melquisedebadiro iicaburucuji. ¹² Jaamaño sacerdotem sifiti ubuanancafutucubadiro, bu tajiba buunancafetehi. ¹³ Jaabo Mohaivojībo diibediti jino Caatininhaame jilli onoobo, siicuumi israelmi cuumioobo,

* **6:19** Sahaamefaño jilli ficuumo: Toono esicini sefano iicanoro mojeebiico cuhufono ficuuno, ancla cījigai meenegaco samañoviro cuhufono ificuunicibadi onoonoco.

tuucuumit i mihaiñoobahiica sacerdoteti iicati cuumioobo. ¹⁴ Miiro imino gaajaveechuno Mohaivojibbo Juda cuumiti asaauno. ¿Miiro Moise milliba nuutih ijiicumiditi, sacerdotemiditi ihiimaausumi?

¹⁵ Jaano jino aivo foovono icahi bohono sacerdote Melquisedebadi ejeevaabo ajafevene. ¹⁶ Jaamaño miyaminaa tajiba unuumäño diibo sacerdoteti icautihi. Jilli oono ifinisuratino ifi mityari diibo sacerdoteti icahi. ¹⁷ Miiro jino Moocaani jilli diibediti onoono:

Hijoho fahijivaro sacerdoteti idiicaabo, Melquisedebadi edeevaabo, nooboro.

¹⁸ Jaamaño jilliti eedeetajiba buhigovi ficucafetehiniciuhi, toono ini-inovaumaño iimiutimaño. ¹⁹ Miiro toono Moise tajiba jinejebaco imitusuutih. Jaamaño toonobuuna aivo iiminoco mehesicinonoma mihicahi, toonofeenedi Moocaaniv mifitivonoma.

²⁰ Jinooco Moocaani eetavuuhi imomofeenedi unuuboro. ²¹ Jaanoti saatoho sacerdotem iilli ticovonoro icaudi Moocaani imomofañodi unuutimo. Jaanoti naa diibo sacerdoteti iicajino Moocaani momofañodi noocafutuhi. Miiro Caatinhaamefañodi diiboti neehi:

Aivojibbo imomofañodi unuucuuno, siino boobanicafutucujitih: Hijoho fahijivaro sacerdoteti idiicaabo Melquisedebadi edeevaabo, nooboro.

²² Jaamaño Jesu bohonohiji eedeejhallivi aivo iiminoco agaajasubo. ²³ Miiro iticonio sacerdotem iavo ajashutih, iguijevehicaumaño gueenene icahtimmo. ²⁴ Jaanoti Jesu iguijevetatimaño diibo sacerdoteti iicanosifiivi siino jeenetih. ²⁵ Jaamaño fahijivaro taajasujiruubo diibofeenedi Moocaaniv ifitivomoco, ufucuro milli iicatimaño diito-hallivi Moocaanico idilluhicaqui.

²⁶ Jaamaño Jesu aivo miya sacerdotem iavojibbo mihai mihamingoobo. Diibo aivo iimiibo, idicubama achahaabo imitibama achahaabo imitimaati ijeevadudugaacuubo, bu caamovono niqueje janaanicivi agañiyicicafutuubo icano. ²⁷ Jaamaño saatoho sacerdotem iavojito iicabadi jeevatiboo diito naa asimico agaisiraicimoro fafucavaaciviro jecivoco eetavehicamo. Jaanoco iticoni sacerdote iimitihallivi jecivehi. Jaanohallivi jari miyaminaa imitihallivi jecivomo. Jaanoti Jesu sano famoothalliviro jecivucuhi, safooro ifico iinoro aaciusumi. ²⁸ Jaanoti Moise tajiba ficuuhi miyaminaa iimitimoco. Jaanoti toono tajibabuunati Moocaani imomofeenediro unuuno Illi Jesuco ficuuhi sacerdotem iavojibot. Jaamaño diibo milli iicatiboo fahijivaro iicaqui imiiboti eetavocafetehi.

8

Jesu Bohono Iijihalliti Iicaabo.

¹ Aivo jino imiyaanoco monoono, mihai sacerdotem iavojibbo Cristo jilli ejeevaabo casiivutuhi niquejefano Moocaani aivojicagahallivi imiyanaagonovi. ² Jahigo sacerdoteti jecivooobo imiyaaaja iimija Moocaani ijafano. Jaaja miyaminaao useti eheetavocafotoja icatino; Aivojibofeenediro iicaja. ³ Paryicino sacerdotem iavojitoti ificucafotomo icahi asimico agaisiraicimoro Moocaanico ijecivequi. Jaamaño bu tolliro Jesucristo iguijeveunerita iicamohallivi jecivuuhi. ⁴ Jaabo jjiehalliviro iicaruva ajashunogayi sacerdoteti icajitiruubo. Miiro icamehiica sacerdotem Moise tajiba onoono jecivocuquerehiica omoonimo. ⁵ Jaamo jito sacerdotem ijecivoco moonihicahi niquejefano

iicaja ijimico iicijahajefañoro. Magaajahi jilli ihijimiro iicanoco, mïro Moise tabernaculo onoojaco iheetavequi omooniúsumi, Moocaani diiboco nuuhi: Meeci, jaaboro imino deetavo paryi, johono ico ifagajihallivi iifusuujabadiro, nooboro. ⁶ Jaanoti naha mïhai sacerdotemí aivojibó Cristo ijecivoco eetavehi. Aivo janaanicí imiyajeecivoco eetavoobo diibo bohono ijihalliti iicaabo toono aivo imino onocinínoco aaciguunofañoti iican iicamaño.

⁷ Jaanoti iticoni unuuno iiji iimiuruva, chahajiruno siino bohono iijico eheetavono. ⁸ Jaarunaa mïro Moocaani tusumio miyaminaa imitico atyimeuhi Caatinihaamefaño diitoti unuubadi:

Aivojibó Moocaani neehi: Icajinehiica uujoho bohono iijico Israel miyaminaama, Juda miyaminaama icano eheetavono. ⁹ Diito eedeetemihaima eheetavuno iicabadi icajitino, johono diitoco ihuseti agaayiciuboro Egipto jiinjeti ihiinususumi. Jaaruno diitoco unuuno taajico imino mooniutimo. Jaanoma iicaubo diitoco jeevesuuhi, noobo Moocaani. ¹⁰ Jaanoti ufucu iicaji tufucujebuunati Israel cuumiminaama taajico eheetavejino jilliji, noobo Moocaani: Tatyajibaco ficuji diito esicinifaño. Jaaboro ijebiñofaño toonoco caatiniji. Jaadi jari uujoho diicaaniji. Jaanoti diito uuti taacuumiminaaji. ¹¹ Jaadi iticovoocivi saafis-ari igataavominaafico, bu inahaboco icano Aivojiboco igaajaqui jibogorajitino, famoovaro uco agaajajimaño. Famooro diitoti uco gaaajajimo iguiraabo, aajashuubo icano. ¹² Jaamoco uujoho iimitico imibachuji. Jaaboro siino ufucuro diito imitico esafutu-cuujitihu, nooboro.

¹³ Jilli Moocaani bohono eheetavono iiji ihiimaaboro, iticonio iijico: Eedeneti, nuucuubo. Jaano eedeneti iicacuuno unuucucuubadi iicamaño goovacuujino ifinino.

9

Moocaani Iijahaci Jiinijeja, Niquejeja Icano.

¹ Mïro iticoni unuuno iiji faño noocinino milli Moocaanico iimejine-hejeque jijehalliri iicaja Moocaani iija tabernaculo onoojafaño. ² Jaaja tooja jilli eetavociniuhi, imeganaagonovi aivo iimimaño onoomañeri icauno cijigai iicuno, sano mesa icano, tomesahalliri ijecivoco maahuno icauhui icano, ³ bu jaanohallivi iicaubaryutyigaba bujinago icauno aivo janaanicí iimimaño onoomaño. ⁴ Jaamañeri icauno Moocaani jecivoco toonohallivi ijigasuhicauno altar onoono. Jaaruno aivo faño icautino igaachehubaryutyigaba imegariro icauno jahisinaagonovi. Jaano oro eetavota imono uusuno maaniguijinoco toonohallivi ijigasuhicauno, bu Moocaani ihiimauno jibogoba cajonbabadi jeevahi arca del pacto onooba. Jaaba paryi ihallidi orori jeesuciniuhi. Jaabafaño icauhillu guirihillugayi oro eetavotahillu. Jaahillufaño icauno mana onoono. Bu tolliro icauno Aaron quesei uruhutuhi, bu tolliro icaubujeci guisi-babujeci. Tubujecihallivi Moocaani atajibaunoco acaatiniubujeci. ⁵ Bu toobahallivi eetavuumo miimisiici Moocaani toomominaatisi querubin onoomisi ijico. Diiitisiti miyaminaa igaajaqui tooneri Moocaani iicanoco. Jaamisi ijijecuhuciri toobahallidi foboocinihicaushi asimi tiijeheri efe-fachuhicamañoco miyaminaa imitico Moocaani ubuusuhicaumañoco. Jaarunoti jisumi fanooro mijibugucuutihu.

⁶ Jaajaco tolli eheetavuudi toojafaño sacerdotem fafucuvaaciviro feejiibuuhi imegaomaño imimaño onoomaño Moocaani jecivoco iheetavequi. ⁷ Jaanoti naha janaanicivi iicamaño aivo iimimaño onoohigovi saafiro idiboro diito sacerdotem aivojiboo feejibuuhi safooro saficabavi. Jaabo tahi ufuusumi asimi tiijohoco asatyooboro Moocaanico jecivejiibuuhi. Jaaneri iimitico Moocaani ibuusuqui, bu miyaminaa imitico ibuusuqui icano. ⁸ Jaano toonoti Moocaani Gaija miihaico gaa-jasuhi, oono imegaomaño imimaño Moocaani jecivoco eheetavehi-caunohachuta, aivo imimaño iifetehicautinoco. ⁹ Jaano toonoti jisumi magaajaqui. Miir oono tomaño Moocaanico ejecivono, bu asimico agaisiraicino icano. Jaamo tolli ejecivomo jeebii imiti buusucafotatihi. ¹⁰ Toono jilli ticovo machutahallivi, bu ticovo adutahallivi, bu ticovo imibachuhallivi icano onono. Jaano jilli allioneheje imibachu-coro atajibano. Jaarunoco Moocaani ubuunanicuudi sihidí jeevac-uutino.

¹¹ Jaamaño jisumi Cristo asaacuumamaño, jino iiminoono asaano sacerdoteti Cristo icacuhi, aivo imiyasacerdoteti. Jaabo diibo Cristo Moocaanico jisumi jecivucuuhi janaanicí aivo imijafaño. Jaaja miyaminaa useri eheetavoratija: Jijehalliri iicatija, eneejiruno. ¹² Miir Cristo aivo imimaño jicafutucuuhi. Jaaruubo asimi tiijeheri ijeeceivequi icatino, jilli itijeheri ijeeceivequi. Miir jaabo safooro tahigo jicafutubo famoohallivi. Jaaneri ifinjitino frivoco miihaidi iciubo. ¹³ Miir asimi tiijoho, bu niivimi seemeque altar onoonohallivi ijigasuguijino icaneri, iimitima iicamohallivi fefachufimo. Jaano imityama iicamaño ifihallinocoro imitusuno Moocaaniguíharo iicaqui. ¹⁴ Jaano toono icaruno imityama icaahi. Jaanegui fine imi Cristo tiijoho janaanicí imityama icahi. Miir milli iicatino Gaijafeenedi Cristo ifiriro Moocaanico jecivuuhi imihinibama achahano ifico iguijenuner. Jaabo tiijoho mojeebii imiti miinoco guijevefaño asatyonoco, miihaico nitihí, Moocaani iicaaboco mejeeceivequi.

¹⁵ Jaamaño Jesucristo jino bohono iimaa eetavominaafi. Miir diibo gujevefeenedi, eedeehiimaaguiinovi imitinoco omooniuno buusucafetehi. Jaamo diito Moocaani ucuuhuvuamo, ifinjitino busumi-jeque diibo unuunoco gaayiciji. ¹⁶ Miir saafi inehejediti: Jillicahi momooni, nooboro ihiiamaahaameque acaatinino. Jari diibo igui-jevecuudi toohaame onoobadi moonicafetefino. ¹⁷ Miir diibo igui-jevetinohachuta toohaame onoobadi moonicafetefino. ¹⁸ Jaamaño iticonio iimaa eetavo ticonicafutuhi tiijoho gañiifeenedi. ¹⁹ Miir Moise paryi Moocaani atajibau-noco paryi famoocoro miyaminaaco jibuguuhi. Jaaboro oveja ijeene taataco tifaiñoco iiciuboro, bu hisopo onoohohaafeque iiciuboro, toohaafe nijequevi tootaataco ificuboro, asimi tiijoho nifaihuma icanofaño acaduuhacuuboro, itajiba aameque fefachuubo, bu tolliro paryi miyaminaahallivi icano. ²⁰ Jaaboro ditoco nuubo: Jino tiijoho miyaavusuhi amiihaidi Moocaani iimaaco atajibano. ²¹ Jaabadiro bu iimija tabernaculo onoojacó, bu paryi toojafaño iicaunehejeque tooneri Moocaanico ejecivehicauji nehe-jeque icano fefachuubo. ²² Jaano toono tajiba onoobadi siiticujiruno paryi fanoovaaro tiijeheri imibachucafotonicino. Jaamaño tiijohoco igañitiruva, imiti buusurajitirahi.

Cristo Agaicaaucafutuuno Imitico Buusuuhi.

²³ Miiro toono niquejefaño iicanobadi jijehallivi iicaunoco imibachuhicaumo asimico agaisiraicinofañodi. Jaano toono niquejefaño iicaneheje asimico agaisiraicino janaanici aivo iiminocoro esuhi. ²⁴ Jaabadi Cristo miiro tooja iimija, miyaminaa useri eheetavocinijafaño jicafutuuthi. Miiro jilli tooja niquejefaño imiyaaja iicaja ijiro iicauja. Jilli niquejefañoro jicafutuubo. Jahigojisumi Moocaani imefeenevi icaabo mohallivi ihiumaaqui. ²⁵ Jaanoti judiomí sacerdotemí aivojibó faficabaciviro safooro jicafetefihi aivo iimihigo onoohogovi itijoho iicatineri Moocaanico ijeeceivequi. Jaanoti Cristo saicino iguijeveneri jeeecivotathi. ²⁶ Jaanoti tolli iicaruva, Cristo saicino guijkevehicajiruubo siicjetiro jiinije ifivuunotiro. Jaaruno tolli icatino. Miirojisumi jino niinosumi Cristo safooro saauhi fanoohalliviro. Jaaboro guijkeveubo imitico ibuusuqui. ²⁷ Jaabadi famooro miguijeveji safooro. Jaanobuunati Moocaani ajaadujino icaji. ²⁸ Jaabadiro Cristo safooro guijenicaftuuhi paryi jiinjeminaa imitico ibuusuqui. Jaanobuunati siino saajibo jijehallivi. Jaaruno tusumi imitico ibuusuqui icacuujitino. Jilli diiboco otoomomocoro ataajasuvaabo saaji.

10

¹ Jaanoti miiro Moise tajiba oono iminoono asaaujino gaijaro iicauno. Jaaruno aivo imiyaano ifibadi jeevatih. Jaamaño tajiba, toono asimi gaicaauco faficabavaviro omooninofeenedi Moocaanijaagoví ofoomoco imitusutatihi. ² Jaanoti miiro tolli tajiba onoobadi omoonino imitico ibuusufruva siino tolli moonihicacuujitirumo. Miiro tolli omoonihicamoco iimiti ibuucuuruva, iimitima iicanoco esicinicujitirumo. ³ Jaanoti tolli iicatimaño, toono asimi gaicaauco eheetavono diitoco faficabavaviro imitima iicanoco esaayusuhicahi, ⁴ toono asimi tijoho miyaminaa imitico ubuusuutimaño.

⁵ Jaamaño jiinjehallivi asaaujino imega Cristo Moocaanico nuuhi: Uuro gaajacuhi ijoho idiimogotinoco asimico iddi agaisiraicinoco, bu asimico ico aacinoco icano. Jilliro uco miyaminaafiti deetavehi.

⁶ Miiro ico imo imo moonitino iddi asimico ijigasuneheje, bu tolliro imitico ibuusuqui asimico agaisiraicineheje icano. ⁷ Jaaneguiha ico neehi: Jino saacuuhi ijoho Moocaani idiimogobadi eetavequi; oono uuti Caatinihamefaño onoobadi iicaqui, nooboro.

⁸ Miiro iticoni noobo; Moocaani imogothi, asimico diibedi agaicaunoco, bu asimico diiboco aacinoco, bu imitico ibuusuqui asimico ijigasunoco icano. Jaabadiro bu toono Moocaanico imo imo moonitih, toono tajiba onoobadi omooniruno. ⁹ Jaanohallivi bu noobo: Jino saacuuhi ijoho Moocaani idiimogobadi eetavequi, nooboro. Toono eedeehasimi gaicaauco Moocaani ifinisuboro, toonoco boobanibó bohono uujojo iguijejineri, enejirunoco. ¹⁰ Jaamaño Moocaani mihaico mohimitico buusuucuuhi, Moocaani iimogobadi Jesucristo sano safooro famoohalliviro iguijeveumaño.

¹¹ Jaarunaaca paryi judiomí sacerdotemí fafucuvaaciviro tolli moonihicahi. Jaamo saicino sahomonocoro asimi gaicaauco jeeecivomoro icanichi, imitico buusuujitirunoco. ¹² Jaanoti nahia Jesucristo safooro sano paryi mohimitihallivi guijkevehi. Jaaboro Moocaani miyanaagonovi casiivuubo fahijivaro iicaqui. ¹³ Jaaboro

tahigoti toomoobo diibo minaa iguiinovi ificucafetejinoco. ¹⁴ Miïro safooro iguijeveunofañodi imitico ubuuusuucuumoco imitusucuubo, ufucuro milli icacuutimo iicaqui. ¹⁵ Jaabadiro bu Moocaani Gaija miihaico toono miyaano iicanoco gaajasuhi. Miïro iticoni jilli nuubo:

¹⁶ Miïro jilli noobo Aivojïibö Moocaani: Tufucuje afatyonobuunati ditoma jilliji tahiimaaco eheetavono. Diito jeebïifaño tatyajïibaco ficuji, bu tolliro ihesamaajefaño ficuji, nooboro.

¹⁷ Jaadì bu siino noobo:

Ufucuro esafutucujitihi diito imitico, bu diito imitico omooninoco icano, nooboro.

¹⁸ Jaamaño imitü ubuusuucutucuudi siino jeeçivoco toonohallivä eetavoratacuutatihi.

Moocaanijaagovi Mifiitivéequi.

¹⁹ Jaaneguiha tañhabomì, jisumi masii ñihicugotimo aivo iimihigovi mijicafetequi Jesucristo tiñjohofañodi. ²⁰ Bohojiri mefeequi, fiivo jiihairi igaachehubaryutyigaba bujinagovi mafatyequi: Diibo Cristo ififañodi mafatyequi, eneejiruno. ²¹ Jaabo Jesu aivo momiyasacerdoti icacuhi, Moocaani iija niqejevi iicajafaño. ²² Jaaneguiha masii Moocaanijaago mefeequi miyajeebïma mihicamoro, bu aivo imino mimiyaavogomoro icano. Miïro diibo mojeebïnoco niticuhi mohimitico esicinciuutimo micaqui, bu jaabadiro mofiinoco imino nifaihuri niticuubo. ²³ Jaaneguiha masii sefano jino mimiyaavogonoco mehesicininañoro miicaqui, siino iijijaagovi fatyucuutimoro; miïro Moocaani miihaico unuunoco aciji, abañitatimaño. ²⁴ Jaaneguiha masii miguiinequi fahigovavä mahamusucasinoco toonofeedeni sitaaco magajinoco mihibusuqui, bu iiminocoro momooniqui icano. ²⁵ Bu tolliro Moocaanico mihimequi mihigaivusumi efeehicatimobadi iicatimo miicaqui. Ivi jilliro fahigovavä mesefasucasinoro mefeehicaqui. Jaano janaanicí aivo jisumi miicaqui, oono Aivojïibö Cristo asaajifucu ifititivucuunoco magaajamoro.

²⁶ Jaanoti miyaanoco magaajacuurumo jilli imitico mihimogomoro momoonihachiiji, chahacuuno siino imitico ibuusuueri toonohallivä iguijenimoro ejecivejino. ²⁷ Idiñoro naha mohallivä icaji ñihicuner i miihaico ajaadujino dugaacusumi. Jaasumi cijigai, sihidi ñinfoton i jegasunoro, finisuji Moocaaniminaaco. ²⁸ Miïro saatoho Moise tajiiiba onoobadi omoontimohallivä miimisiici ijibugusumi, diitoco idaasugotimoro gaicaaufimo. ²⁹ Imi fine jaano janaanicivä idaasuno moonicafetejimo, Moocaani Seemeneque jihovoobobadi omooniñoro, bu itiñjohoco itiñsumoro, bu tolliro Moocaani Gaija diitoco agajiiiboco: Imitino, eneehicamo. Miïro totijeheri Moocaani iimaa miyaavuhi. Jaaneri diito niticafutuhi. ³⁰ Miïro magaajacuuhi Aivojïibö Moocaani unuunoco: Uujoho idiboro ahaamijiibö. Uujoho ijaadaco aciji, nooboro. Tolliro bu nuubo: Aivojïibö iicuumiminaaco ijaadaco aciji, nooboro. ³¹ Jaamaño aivo sihidi jeevano ñihicuno iimitino miyaminaa Moocaani iicaabo usefaño iffetejino.

³² Jaaneguiha amiihai iticoni mihicaunoco mehesafoto Moocaani jibogoco magaayicinobuunati, amiihaico idaasuno omooniñusumi majaabiciunoco. ³³ Miïro amiihaiti saatoho miyaminaa ñimefeenevi idaasuno moonicafutuhi. Jaamohallit mihicamoco mihimuguuneri tolliro idaasuno mihicauh. ³⁴ Tolliro bu amiihai civojafaño iicaumoco mihiidaasuguehicauh, tolliro bu imo imo majaabiciuhi amiihai

busumijeque udumitiicihicausumi, niquejefaño aivo janaanici imino busumije ufucuro ifinijitino iicanoco magaajamoro. ³⁵ Jaaneguiha toono iguitimo mimiyaaveguehicanoco mejeevesudino; toono amiihaico imino busumijeque aciji. ³⁶ Jaaneguiha imino majaabiciimoro Moocaani iimogobadi momooni. Jaamo diibo unuunoco magaayiciji.

³⁷ Miiro Caatinhaamefaño noono:

Jaabo asaaajiiboo goovajino, aivo goovajino asaano, gueenene icatiiboo.

³⁸ Jaanoti imino iicamo imiyaavogo seafeenedi icaji. Jaanoti dojicuviro iminifotohachiiji, diiboma imo imo icajitihhi, noonoro.

³⁹ Jaaruno miihai dojicuviro iminifetefimoco ifinisufimooto mihicatihi. Jilli miyaavogofeenedi ijeebiico ataajasufimootoro mihicahi.

11

Miyaavogo.

¹ Jino miyaavogo: Ufucu magaayicijinoco imino magaajamoro motoomono, bu tolliro mahatyimetiruno miyaano iicanoco imino magajano icano. ² Miiro moheedetemihai ivi imitocafutuuhi imiyaavuguumaño. ³ Bu miyaavogofeenedi magaajahi jiinijeque, bu paryi niquejefaño iicanehejeque icano Moocaani ihiimaafeenedi ehetavuunoco. Jaamaño siicije aatyimerautinotí jino mahatyimeneheje eetavocafutuuhi.

⁴ Miiro bu Abel imiyaavuguumaño, Cain jecivo janaanici, aivo imineri Moocaanico jecivuuhi. Jaamaño Moocaani diiboco iimitusuuboro ijecivoco gaayiciuhi. Jaamaño Abel guijkevecuurunaaca, diibo miyaavogo jibogoti magaajahicahi.

⁵ Bu tolliro Enoc onoobo imiyaavuguumaño choomotiboro niquejefaño satyocafutuuhi. Jaaboco siino atyimecuutimo Moocaani asatyumaño. Miiro Caatinhaamefaño noono diiboco asatyujino imegavi: Enoc imino iicahicauner Moocaani imo imo icahicauhi, noonoro. ⁶ Jaarunaa miyaavogoma achahamo Moocaanico imo imo moonisujirahi. Miiro Moocaanijaago mefeejimo, Moocaani iicaaboco, bu diiboco iguiinomoco ajaadufinoco icano mimiyaavogotahi.

⁷ Jaabadiro bu Noe imiyaavuguumaño Moocaani diiboco iicajinoco ijibuguunoco atyimerautirunoco miyaavuguuh. Jaaboro meenegaco eetavuubo paryiyotoco togari itaajasuqui. Jaamaño toonofeenedi jiinije miyaminaaco ifinisuqui ficuubo. Jaamaño Moocaani diiboco iimitusuuh imiyaavuguumaño.

⁸ Jaabadiro bu Abraham imiyaavuguumaño, Moocaani diiboco ucuuhuvaunoco: Jii, unuuboro fuubo Moocaani diiboco aacujino jiinjejaago. Jaabo ijiiinjeti fuuhi, jilli agaajatino jiinjejaago. ⁹ Jaabo Abraham imiyaavuguumaño, Moocaani diiboco aaciguuno jiinjehallivi siicumiminaafibadi icaubo. Jaabo tahigo njeganoguinoro icaaboro feehicauhi. Jaabadiro bu Isaac onoobo, bu Jacob onoobo icano icahicauhi toono unuunoco agaayiciurumisi. ¹⁰ Miiro Abraham guinehicauhi ufucuro ifinijitnocuumico. Jaacuumi oovominaafi, bu iheetavominaafi icano Moocaani.

¹¹ Jaabadiro bu Sara imiyaavuguumaño, aivo amiyago icacuurugo seemevauhi. Miiro gaifiico seemevaugo, Moocaani unuunoco imiyaavuguumaño. ¹² Jaamaño Abraham aivo amiyaabo iicauner niinovacuruubo sihidí iyaachimihavauhi, ajashutino niqueje

meeciridimo, bu paryi muuai jiinigaiyihaiño ajashutino oovoratino iicadino.

¹³ Jaarumo paryi famooro guijeveumo Moocaani unuunoco gaayicitimoro. Jilli imiyaavuguumaño tehesinotiro aatyimeuneriro imo imo icaricula. Jaamoro nuumo: Miñhai jijeoto mihicacuutihi. Jilli jijehalliri gueenene mihicajitihi, noomoro. ¹⁴ Jaamaño tolli ihimaamo imino gaajasuhu siijinije imiyajinijeque guinomoro ofoonoco. ¹⁵ Jaanotí miñiro tahigoti asaauno jiinijequere ihesamaaiuruva, tahigovi dojicuviro uumiujirumo. ¹⁶ Jaanotí iimino jiinije imiyajinije iicajeque imuguumo, niquejefano iicanoo jiinijeque. Jaamaño Moocaani neehi: Diito Caani uujojo, nooboro onooneri nucufetetiñbo, miñiro diiboo diitedi cuumico tahi eheetavucuumaño.

¹⁷ Jaabadiro bu Abraham imiyaavuguumaño Moocaani diiboco inisuusumi, illi Isaac onooboco asatyuuboro gaicaaujirahi Moocaanico ijeeceivequi. Miñiro idiboro illi iicauboco; diibofeenedi Moocaani unuunoma iicaujiruboco. ¹⁸ Miñiro jilli nuubo: Isaacfeenedi diyyachimihaima diicaji, nooboro. ¹⁹ Miñiro Abraham imino gaajahicauhi uchuumucuumoco Moocaani ubuheetesuhicaujirunoco. Jaamaño Abraham illico siino gaayiciuhi iguijeniurunofañti.

²⁰ Jaabadiro bu Isaac imiyaavuguumaño illimisi Jacob, Esau icamisico: Imino mihicaji, nuuhi. ²¹ Jaabadiro bu Jacob imiyaavuguumaño igujeveujino imegaviro Jose seemequie: Imino mihicaji, nuuhi. Jaaboro iqueseiví esefaqifutuuboro Moocaanico imuubo. ²² Jaabadiro bu Jose imiyaavuguumaño ichuumucuuquiro israelmico nuuhi, Egipto jiinjeti ihiinujinoco. Jaaboro bu diitoco tajibauchi: Jilli jei tabacinoco momoni, nooboro.

²³ Jaabadiro bu imiyaavuguumaño Moiseque caanimisi fataniuhi ifivuusumi miñihibaaci, sanihiba idíino ticovovi aivo oovosüuneguiha. Jaamisiro iguiutimisi Egipto jiinije aivojiboo: Seemeque magaisiraci, nooboro atajibaunoti. ²⁴ Jaabadiro bu diiboo Moise ujusicuudi imiyaavuguumaño imuguutihhi Egipto jiinije aivojiboo aicigai iseemeneti ificujirunoco. ²⁵ Jilliro imuguubo Moocaani cuumiminaama idaasuno iicaunoco. Jaaboro imuguutiboo jiinije imitiri jihachutaro imo imo iicaunoco. ²⁶ Miñiro diibedi Egipto busumije janaanici aivo imino Cristohalliti idaasuno iicaujino, toono jaada Moocaani diiboco aaciujinocoro utuumumaño. ²⁷ Jaaboro bu imiyaavuguumaño Egipto jiinjeti fuubo toojiinije aivojiboo icajisuco iguitiboo. Miñiro sefano icaubo omoonujinofaño Moocaani aatyimeratiñbo aatyimeubobadí.

²⁸ Jaaboro bu imiyaavuguumaño Pascua jibaimoco eheetavuuboro tajibaubo iguhuganoco ovejamti tijeheri ijeesuqui toonoti Moocaani toomomináafi guijeniminaafi, Israel seemeti ihamuyaaboco guijenitiboo iicaqui. ²⁹ Jaabadiro bu imiyaavuguumaño israelmi Tifai Muuaifeenedi fatyuuh, imuuai nifaihuco fahigovaacivi udugaacusumoro ijiinijehallidiro fatyuumo. Jaamo dojicuti egipтомinaa ufuurumo jilliro macaniuhi.

³⁰ Jaabadiro bu imiyaavuguumaño Jerico cuumihallidi emecucinüno callajaavuuhi, israelmi tuucuumihallidi sahuse juugahuseti mifucuci icano iviuvuuno nijequeti. ³¹ Jaabadiro bu ajevaminaago Rahab onoogo imiyaavuguumaño Moocaanico uguubuutimo iguijeveusumi guijeveutigo, diigo Israel gaajavi agallumoco imino agaayiciumaño.

³² ¿Jinejeque fine siino neeji? Aivo finijitiruno Gedeoditi jibuguruva, bu Barac onooboditi, bu Sansonditi, bu Jefte onooboditi, bu Daviditi, bu Samuelditi, bu paryi Moocaani iimaaminaaditi icano jibuguruva. ³³ Jaamo imiyaavuguumaño siijinijeminaaco ajashutino guiinoniumo, bu tolliro imino ijiniujeque tajibahicaumo, bu tolliro Moocaani aaciguunoco gaayiciumo. Jaamoro bu tolliro jicumi eedujirumo ijinoco jimihicusumo, ³⁴ bu cijigaino sefarunoco jabaasumo, bu aamiganeri iguijeniujirunoti taajaumo, bu iniinovafurumo quehecuftuuhi, bu minaavti mityano iicaumoro siijinijeo amocasiminaaco guiinoniumo, ³⁵ bu saatoho gaigoomi iyoto uchuumucuurumo siino ubuheeteumoco gaayiciuhi. Jaanoti saatoho guijkeveuhi diitoco idaasuno omoonineri, toono diitoco idaasuno omoonunoti igituutimo, siino ubuheetemere imino iicajinocoro imuguumoro. ³⁶ Jaanoti bu saatoho idaasuno icaahi diitoco eedeejecunehejeri, bu ahaaminehejeri, bu jigaiñehineri isisimoro icivojaaniunehejeri icano. ³⁷ Jaanoti saatoho guijkeveuhi guisibaneri ahaamuneru. Jaanoti bu saatohofeenedi feeducucafutuuhi. Jaanoti saatoho aamigari guijkeveuhi. Jaanoti saatoho fahigovavi iguefivomoro feehicauhi, asimibadi asimimeeheneri ofoboocamaaimoro, diitoco idaasuno omoonineri sihidi idaasuno iicamoro. ³⁸ Jaamo diito miyaavogofañodi aivo obociumaño jijehalliri iicaujiturumo icahicauhi. Jaamo sicaihiguehejedi igomoro feehicauhi, bu ifagajinohallidi, bu jiinijepajenefañodi, bu guisihojinoafañodi icano. ³⁹ Jaarumo paryi diito imiyaavogofeenedi iimitusucafutuurumo Moocaani aaciguunoco gaayiciutimehiica, ⁴⁰ m-mihaidi aivo imino mohimegaro agaayicitino.* Jaadi jari diito miihaima sano iimitusunoco gaayiciji.

12

Jesucristocoro Mihifinici.

¹ Jaaneguiha sihidi diito miyaavogoma iicaumo fahigovadi miihaico imibocininoco magaajamoro, masii uufocovi mejeevesuqui paryi imitico miihaico ijeevesunoco, bu tolliro jino imiti miihaico imitasunoco icano. Jaamoro masii majaabimoro sefano mefeequi jino mohimega ofoochinineri. ² Jesucoro iifinicimoro, diiboti jino momiyaavogo asaaboco. Jaanoco bu diiboro ujusisuubo. Miiro jaabo Jesu imohobujehallivi guijkeveuhi. Tohoomono guijkeve nucufesuno icarunoco jecicivotiboro, tolli idaasuno iicaunobuunati aivo imo imo iicaujinoco agaajaumaño. Jaaboro Moocaani miyanaagonovi casiivutuubo.

³ Jaanoco amiihai mehesamaaje, jaamoro Jesuditii magaaja imitiminaa useri idaasuno iicaunoco. Jaaneguiha muhuuchuvomoro mejeevesudino. ⁴ Miiro amiihaihiica miguijvetihi imitima momoonicasihicanohalliti. ⁵ ¿Nacu fine amiihai majabjeevecuuhi Moocaani amiihaico iseemebadii afajinihicanoco? Miiro Caatininhaame jilli neehi:

Taseemene, imino guubu Moocaani ico ahaamiboro afagoonoco, bu deevesudino ico ihibasumi. ⁶ Miiro Moocaani agajimoco ahaamiboro fagueefihi, bu tolliro aamifiibo iseemeti iicaqui agaayicicumoco, noonoro.

* **11:40** Sahaamefaño noono: iminoco ificuumano.

⁷ Jaaneguiha amiihai majaabici amiihaico ahaaminoco. Miiro Moocaani amiihaico iseemebadì moonihi. ¿Nacu cajaani iseemeque ahaamimoro fagotatihì? ⁸ Jaanoti Moocaani iseemeque afajinibadi amiihaico ahaamiiboro afajinithachijì, diibo miyaseeme mihicatihì, jilli ajevaseemebadìo mihicahi. ⁹ Jaabadiro bu seeme mihicausumi jijehallivì miihai caanimì miihaiico afajinimoro aamijiibuuhi. Jaamoco mobociguejibuuhi. Jaamo bu niquejeoobo Moocaaniguinovi miminifoto fiivoma miicaqui. ¹⁰ Miiro miihai caanimì miihaiico faguejiibuuhi jino queenene mihicajitino jiinjehallivì miicaqui. Jaamo miihaiico faguejiibuuhi diito imino iimogobadi. Jaanoti naha Moocaani miihaiico faguehi miihai miyanotiro imino mihicajineguiha, miihaiico iimimoti ificuuqui, diibo iimiibo iicabadi. ¹¹ Miiro magaajacuuhi miinoco ahaamimoro afagueeneri imo imo mihicatatihi, jilli miinoco aaivomaño. Jaano afagoonoco uguubuumo toonofeededì gaayicifhi ticovo jeebii ma iicanoco, bu sajeebii iicaco icano.

Moocaani Iijico Muguubutino Aivo Ñihicuuhì.

¹² Jaaneguiha amiihaico neehi: Mesefatusu miyaavogofaño miniinovanoco, bu Cristoditi muhuumigonoco icano.* ¹³ Jaamoro iticovono jiihaicoro miguiino amiihai sefa niinovatucurunoco mesefatusumoro Cristoma mofoo. Jaadi siino miniinovacujitihì.†

¹⁴ Jaaneguiha mesefaquifotomoro famoovamaryo sajeebii mihica. Jaamo iimino ifima mihica. Miiro iimino ifima achahamo Aivojiboco atyimejitihi. ¹⁵ Jaaneguiha mehesicini Moocaani aacigonoco saatoho gaayicitimo mihicadino. Jaabadiro bu saatohoba namita coohai uchumusufimobadi mejeevadino. Jaamo saatoho ajashutimo imiyaavogomo miyaavogoco chuumusuutimo mihicahi. ¹⁶ Jaaneguiha amiihaiti saatohoba buhigueejedi gaigoomima icadino, bu Moocaaninehejeque mitihisudino. Miiro tolli Esau moonjuhi iticonio seemenedi iicafinoco naajeubo safo machutahalliviro. ¹⁷ Miiro amiihairyo magaajacuuhi dojicuviro toonoco Esau agaayicinoco imuuruusumi diiboco tihisubo. Jaaneri sihidi ataarunofaño tolli omooniuno siino imibachucafutucuuthi.

¹⁸ Miiro amiihai israelmi jogaji ifagaji mududiçijirugajivi ufuubadi masaatihi. Jaagaji ciijigairi nifotocinuhi, bu jaagaji cïvonoguiino icaushi fucubadi icanoguiino, bu tolliro sefano quijeba icaunoguiino icano. ¹⁹ Bu tolliro muguubuutihì miriicu oojinoco, bu Moocaani icooco diitoma ihiimaunoco icano. Jaano Moocaani ihiimaunoco uguubuumoro sihidi dilluhi: Miihaima iimaacuudiibo, noomoro. ²⁰ Tollu nuumo Moocaani atajibaunoco iguiumoro ajaabiciutimaño. Jaano jilli nuuhi: Ifagajico iquicumoco magaicaau guisibaneli, bu saatohoco aamigari magaicaau icano, bu asi iicaruuboco, noonoro. ²¹ Aivo janu sihidi ñihicuno iifuvusumaño, Moise icauruubo nuuhi: Aivo iñihicuri sihidi iguiboro tererere icahi, nooboro.

²² Jaanoti naha amiihai massaahi Sion iicagajjaago, bu Moocaani iicaabo cuumijaago icano. Jaacumi niquejeo Jerusale cuumi, jaacumifaño sihidi aivo ajashutino Moocaani toomominaa icahi. ²³ Jaamo

* **12:12** Griego ijiri noono: mesefatusu amiihai usene iniinovatonoco, bu amiihai memuijene iniinovatonoco icano. † **12:13** Griego ijiri noono: Jaamoro iticovono jiihaico miguiino amiihai tihai imicuutiruhì siino iimitequi. Jaadi siino amiihaico ciryijeevecuujitihì.

sahí igaiciníhi Moocaanico iimomo. Jaabadiro bu masaahi Moocaani seeme niquejefaño imomono acaatinicinímo iigaicinimojaagovi. Tolliro bu Moocaani famoo dugaacuminaafi iicaabojaagovi, tolliro bu imino miyaminaa gaijaco Moocaani iimibachucuumojaagovi. ²⁴ Tolliro bu Jesujaagovi, bohono iimaa eetavominaafijaagovi, tolliro bu itíjoho efe-fachucinino Abel tijohoh janaaniciví miihaico imino ijibogonojaagovi icano.

²⁵ Jaaneguiha mehesicini jaamo, miihaima ihiimaaboco tihisutimo mihicahi. Miíro taajautimo, jaatyo jijehallivi diitoco Moocaani unuu-runoco uguubuutimo. Jaanegui imi miihai mataajajitirahi oono nique-jefanotí miihaico ocoovaaboco muguubutihachiji. ²⁶ Miíro Moisema ihiimaausumi Moocaani ico jiinijeque maryibasuuhí. Jaabo nuuhi: Siino bu safooro maryibasuji jiinijeque, bu niquejeque icano, nooboro. ²⁷ Jaamaño: Siino bu safooro maryibasuji, onoonoti magaajahi, diibo eheetavuuno paryí amaryibanoco ifinisujinoco. Jaanobuuna idíinoro atyuuvejino amaryibatino. ²⁸ Jaanotí naha Moocaani ihaivojico miihaico acino maryibajitihi. Jaanhallivi masii Moocaanico mejecivomoro mihimequi, nihicugomoro bocigomoro icano. Jaaneri diibo imo imo iicaqui. ²⁹ Miíro Moocaani cijigai ifinisufinobadi jeevahi.

13

Jilli Momoonihachiji Moocaani Imo Imo Icaji.

¹ Jaaneguiha Cristofeededí amiihai nahabomi iicamoma magajicasinoco mejeevesudino. ² Amiihai iijaví agasemeque imino magaayicihiica. Miíro tolli omoonihicaumaño saatoho Moocaani toomominaaco iijafaño gaayiciuhí, diito Moocaani toomominaa iicaunoco gaajatimoro.

³ Tolliro bu mehesafoto civojafaño iicamoti, diitoma sano civojafaño mihicamobadi. Bu tolliro idaasuno iicamoti mehesafoto, tolliro bu amiihai idaasuno mihicajirumaño.

⁴ Tolliro bu mataabavacasicumó imino mihica. Amiihai taabavacasico mimihininidino. Miíro Moocaani aamiji aajevamoco, bu buhigueejedi sitaajema iicamoco icano.

⁵ Bu nihibamico sihidí mihimoyicidino, amiihaima iicadinomaryo imo imo mihica. Miíro Moocaani jilli nuuhi:

Ico jeevesujitíhi, bu ico gañijitíhi icano, nooboro.

⁶ Jaaneguiha iguitimoro meneejirahi:

Aivojíbo tahamusuminaafi iicaabo. Jaamaño iguitíhi miyaminaa uco omoonijirunoco, noomoro.

⁷ Tolliro bu mehesafoto amiihaico atajíbajibuumo iicajibuuunoco, bu tolliro amiihaico Moocaani iijico ijibuguumo iicajibuuunoco. Jaamo diito iví miyaavogoco magaajamoro tolliro momooni.

⁸ Miíro Jesucristo diiboro fahijivaró icaabo, ubuunavatiibó iiji iic-ahiniboro, bu fahijivaró iicajiboo icano. ⁹ Jaaneguiha amiihai siy-omojibogo agaajaratinoco magaayicicuudino. Jaanotí naha aivo imino mojeebiino Moocaani gaijí sefaco agaayicino. Jaanotí toono machuta-hallivi atajíbanotí mojeebiino sefaco gaayicijitirahi. Miíro toonoco ehee-tavurumo, ¿toonofañodi jinejebaco icitathí?

¹⁰ Jaanotí naha miihai Moocaanico mejecivono siibadiro jeevahi. Jaamaño sacerdotemi, eedeehimihijafaño ejecivejibuubadi

omoonihicamo, miihai jeecivofaño iicajitirahi. ¹¹ Miïro judiomä sacerdotemä aivojibö asimi tiijohoco aivo iimihigo onoohigovi satyefihi, imitico ibuusuqui tooneri jeecivomo. Jaanotï ifaamoco tuucuumiti buhigovi jegasunicimo. ¹² Jaabadiro bu cuumiti buhigovi Jesu guijeveuhi, miyaminaa imitico itijeheri ibuusuqui. ¹³ Jaaneguiha masii Jesujaago mefeequi cuumiti buhigovi, diibo nucufesuno iicaubadiro miicaqui. ¹⁴ Miïro jijehallivi miihaidi chahacuumi ufucuro ifinijitino cuumi. Jaamaño miguiinehicahi ufucu asaajino cuumico. ¹⁵ Jaaneguiha fahijivaro masii Moocaanico mihimehicaqui Jesucristofeenedi. Miïro jino mihimono mojecivo iicanoco, masii fahijivaro meheetavehicaqui. Jaaneguiha masii mihimequi moojiri. ¹⁶ Jaamoro majabajeevedino imino momoonihicanoco, bu saatohoma miihfocasihiica amiihaima iicanehejeque icano. Miïro jilli mejecivono Moocaanico imo imo moonihi. ¹⁷ Bu amiihai jibogominaaguiinovï miminifotomoro diito amiihaico onoonoco: Jii, meneehica, miïro diito amiihai jeebiinoco otoomomo iicamaño. Miïro amiihairyo magaajahi diito amiihai jeebijinohallivi Moocaanico ijibeguejinoco. Jaachiji diito Moocaani dudicamaajeque eheetavonoco imo imo moonijimo. Jaanotï imo imo moonitimo idaasunoba omoonihachijji, ïamiihai jinejebaco toonoti mihicijitirahi?

¹⁸ Tolliro bu mohallivi Moocaanima mihiimaahica. Miïro miïhairyo magaajahi mohesamaaje imono iicanoco, fanoovavï imino mihicagonoco mihimogomaño. ¹⁹ Tolliro bu amiihaico neehi: Jaamo Moocaanima tahallivi mihiimaahicahi, diibo uco siino goovano amiihaijaagovi igalluuqui.

Niino Iimaa.

²⁰ Jaabo Moocaani sajeebiico aacifiibo, Mohaivojibö Jesucristo ita tooomominaafi aivo sihidi ejeevaabo itijeheneri bohono iimaaco imiyaacaruuboco siino guijevefañoti ubuheetesuubo, ²¹ amiihaico iimibachuqui. Jaamo fanoovaviro imino mihicahi. Jaamoro diibo imogobadi mihicahi. Jaabo bu mofifaño iimogonoco imooniqui Jesucristofeenedi. Jaaneguiha Cristoco macahacisu fahijivaro. Fine.

²² Tañahabomi, majaabici jino amiihaico afajiiñibö onoonoco. Miïro amiihaidi jihaameque miidinoro caatinahi. ²³ Bu tolliro imeguehi amiihai magaajanoco, monahabomä Timoteo civojati ihiinucunoco. Jaabo goovano agasehachijji, diiboco satyeji amiihaico emeecitodi.

²⁴ Tolliro bu paryi amiihai jibogominaaco taajico mahaci, bu tolliro paryi miyaavogofañodi monahabomä iicamoco taajico mahaci icano, tolliro bu Italiari iicamo monahabomä amiihaijaago ijico galluuhi icano.

²⁵ Jaafa paryi amiihaico Moocaani imino moonihi. Fine.

SANTIAGO

Santiago Fahigova Iicamedi Caatiniuhi.

¹ Uujoho Santiago, Moocaani jeeчивомиаафи, bu Jesucristo jeeчивомиаафи icano iicaabo, taajico galluuhi fahuseeci motihaiti miicumumiici idii no iicamo Israel cuumiminaa faajiinijeri agavaracиними.

Moocaaniti Gaaja Saahi.

² Tañahabomi imo imo mihica fanoova amiihaico inisusumi. ³ Miyo amiihairyo magaajacuhi amiihai miyaavogoco inisusumi toonoti magaajahicahi janaanicci majaabincinoco. ⁴ Jaanoco amiihai jeebiifa mificu. Jaamo imino mujusih i sanooba atyuuvoratino imino majaabicihicaqui.

⁵ Jaanoti saatoho amiihaiti gaajama machahahachiji Moocaanico midillu amiihaico ihaci. Diibo famoovaaco acihi gaijitiibo, siguubutiibo, bu milli nootiibo icano. ⁶ Jaanegui midillu aacijinoco miyaavogomoro: Acijitiibo, nootimo. Jaanoti imiyaavogotiibo muuai tyuucaibadi jeevah i guibuhuba juugahiti sinaaguehivi asatyonicibadi. ⁷ Jaanegui tolli iicaabo Aivojiibo Jesucristot agaayicijinoco esicinidino. ⁸ Jaamaño tolli iicaabo jaachiji sanooco imeguehi. Jaadi bu civohi siinoco imogoobo icano foobo. Jaamaño ijeebii sahigoviro icatatih.

⁹ Jaanoti saafi monahabo miyaminaa imega jilli mihiifoobo iicaabo, imo imo iicaqui Moocaani imega miyaabo iicaneri. ¹⁰ Jaanoti sihidi inihibamima iicaabo miyaminaa imega obocitismi imo imo iicaqui. Miyo inihibamima iicaabo, ñaavahu deecano gueenene iicatibadiro gueenene icatatih. ¹¹ Nihiba ihiinoobo sefano aachicisumi, ñaavahu ochoomoneri ideecano aifefihi. Jaamaño irovosi goovano finihi. Jaabadi inihibamima iicaabo inajeetefeeneti finiji.

Miinoco Inisunoco Majaabincino.

¹² Imicani icaabo diiboco inisunoco ajaabiciibo. Jaabo inisucinicuubo toono jaadabadi iicano fiivoco gaayicijiibo chaahimigaco magaayicinicibadi gaayiciji, toono fiivoco Moocaani: Uco agaijimoco aciji, unuunoco. ¹³ Jaanoti saatohocu inisuno iimitinoco imooniqui eesamaaisunoco: Moocaani mojeebiiço inisuno, meneedino. Moocaani jeebiifaño iimitino eetavo esamaaje chahahi. Jaabadiro bu mihiainobaco nisutatiibo iimitinoco imoonisuqui. ¹⁴ Jilli saatoho iinoro ifiti iimitinoco iimoyicino asaano diitoco imitino moonisuh. Jaaneri tolli icafimo. ¹⁵ Jaano toono imitico mihimoyicinoti imiti fiivehi. Jaano imino ujusicuudi guijeveque fiivusuno.

¹⁶ Jaanegui agaijimo tañahabomi, amiihaico sita bañidino. ¹⁷ Paryi miyaano iminoco mihihaico aacino niquejeti, Moocaanijaagot saahi, jino aachicinimoco eheetavuubojaagot. Jaabo Moocaani diiboro. Jaamaño chahano icivono diiboco ubuunavajiruno. ¹⁸ Jaabo mihihaico fiivoco acihi miyaano jibogofeenedi. Jaamo diiboco eheetavuuno basuta iticonio onoovano iicabadi miicaqui. Jilli imuguubo, ijeebii onoobadi.

Imino Miyaanoco Meheetavo.

¹⁹ Jaanegui agaijimo tañahabomi, goovano mugubuhica. Jaarumo goovano mihiimaahicadino, bu goovano misifiratehicadino icano. ²⁰ Jaanoti goovano isifiratefiibo Moocaani imogobadi moonitihu.

²¹ Jaaneguiha mejeevesu paryi iindicunoco, imitino sihidi agahafucunoco icano. Jaamoro siicuno amiihai jeebiico miminiiyumoro, magaayici iimino jibogoco amiihai jeebifaño abasucunoco. Jaabogo amiihai jeebiico ataajasujino mityama icahi.

²² Jaanegui tobogo onoonobadi, momooni. Jilli ticovono mugubunicidino. Amiihai ifico jilli mabañisudino. ²³ Jaanoti ticovono uguubuniciboro omoonitiiboro meecimefaño ihimeque emeeciibobadi jeevahi. ²⁴ Jaabo ihimeque meecih i milli ejeevanoco. Jaaruubo ofoodiro jabajeeveficuubo milli ejeevanoco. ²⁵ Jaanoti uguubunoco ajabajeevetiiboro imino mataajajino tajibaco emeeciiboro toono onoobadi mooniiboro ofoobo imican icahi omooniinovi.

²⁶ Jaanoti saatoho: Moocaanico gaajacuhi, nuurumo inejebaco iticivusutino jilli ifico bañisuhi. Jaabo miyaavogo jilli sicamaño.

²⁷ Jaanoti miya miyaavogo, imihinivatino Moocaani imfeeneevi icano jino; jiovotoco mahamusuno, fibajito idaasuno iicamoco mahamusuno icano, bu jaamoro jiinijeminaa imitiri mihihinvatotimo mihicano icano.

2

Miyaminaa Sabadiro Mihicahi.

¹ Tañahabomi, amiihai Mohaivojiboo Jesucristo caamovohigo iicaaboco mimiyaavogomo saatohoco mobocigomoro saatohoco guiinovi mificudino. ²⁻³ Miíro amiihai Moocaani ijafano mihigaivusumi, saafi iminoonofaño ijicamaaiboro, ihuseti iminoono usegaviicunoma iicaaboco imino magaayicimoro: Jino imimañovi casivo, meneejirahi. Jaanoti iidaasuubo imitichehujema asaaboco, meneejirahi: Ijoho jahigovi jilli dulleeve, jahi baavi casivo, noomoro. ⁴ Jaamo tolli momoonimaño amiihaifeeneviro saafico guiinovi mificuhicahi. Jaamo dugaacuminaati mihicahicahi imitino esamaajema.

⁵ Agajimo tañahabomi, jinooco muguubu: Moocaani jjiehalliti icihi iidaasufiimoco, sihidi miyaavogoma iicaqui. Jaamo diito igaayiciqui diiboco agajimoco aaciguuno ihaivojico oono nihibamico magaayicinibadi. ⁶ Jaamaño amiihai iidaasufiimoco munucufevesuhicahi. ¿Nacu diito oono inihibamima iicamo amiihaico idaasuno omoonimoro, bu amiihaico guicimoro aivojito imega asatyehicamo icatino? ⁷ Miíro diito imitino iimaahicahi, sihidi ejeevaabo Jesucristo momoti, diibo momofañodi amiihai Cristota mihicaboti.

⁸ ¿Nacu jeedi miyaano amiihai imiya tajiba Caatinhaamefaño onoobadi momoonihicahi? Miíro noono: Sitaaco gaiji, difico agajibadiro, onoonoro. Jaabadi momoonihachiji, imino momoonihi.

⁹ Jaanoti saatohoco mobocigomoro, bu saatohoco guiinovi mificuhachiji, imitico momoonihi. Jaamaño Moocaani Moisefeenedi atajibaunohallivi imitico mihicichi. ¹⁰ Jaanoti bu saafi Moocaani Moisefeenedi atajibaunoco paryi onoobadi imino moonihi, unuuruubo sanoooco imino omoonitimaño paryi fanoohimitifaño minifutucuhi.

¹¹ Miíro bu diiboro Moocaani: Jahisihijedi gaigoomima diicadino, unuuboro bu nuuhi: Sitaaco gaicaaudino, nuuhi. Jaamaño jahisihijedi gaigoomima mihicatrumo, sitaaco magaicaaumo, paryi Moocaani Moisefeenedi atajibaunoco imino momoonicutihi. ¹² Jaanoti jisumi imino mihiimaamoro momooni, Jesu taajasu tajiba onoobadi mihicatihachiji ufucu Moocaani amiihaico omooniinoco magaajacumaño. ¹³ Jaanoti

sitaaco idaaasugotimo omoonihihamoco, bu tolliro idaaasugoratino moonicafeteji. Jaanoti idaaasugomoro omoonihihamo taajaji ufucu jaadusufucu iicasumi.

Myiaavogofañodi Imino Momoonino.

¹⁴ Tañahabomi: Uujoho miyaaveguehi, nuurumo iiminoco omooniñimo, ¿milli bu jano imijirahi? Jaano toono miyaavogo diiboco taajasujitirahi. ¹⁵⁻¹⁶ Eneecau bu oono saafi monahabo, bu monago icamo sicaimo imachutabama chahamo asaamoco, amiihaiti saatoho ciijigaico, machutaaco icano acitimo meneejirahi: Tahi feemeebe, machuubo, imino fuucu, noomoro magallujirahi. Jaarumo mahacitih ijcrafetejiruno gaacheheti, bu ucuujivaachunoco icano. Jaano bu, ¿milli bu jano imijirahi? ¹⁷ Jaabadiro bu jeevano miyaavogo imino sitaaco momoonitiruva momiyaavogo sicamañejiru.

¹⁸ Jaanoti bu saatoho neejirahi: Ijoho jilli ticovo miyaavogoma diicahi. Jaanoti uujoho tamyaavogofañodi imino mooninicihi. Jaabo uco dihifusu jilli toono ticovono miyaavogocoro. Jaanoti uujoho ico ifusiji tamyaavogoco imino omoonihihamo feenedi, nooboro. ¹⁹ Jaanegui ijoho miyaaveguehi Moocaani saafiro iicanoco. Jii, imino moonihi. Jaabadiro bu ijimi tomañogayicoro miyaaveguehi. Jaamoro iiguimoro iñihicuri tererere icamo. ²⁰ Jaaruubo gaajatihi miiro mimiyaavuguruubo imino momoonitimaño momiyaavogo icaruno uchuumucuunobadi jeevahi. ²¹ Miir omoontadi Abraham imibachucafutuhi illi Isaac onooboco Moocaanico ijeeçivequi asimico agaicaaufimañovi illico isisiuboro agaicaaurumaño. ²² Jaamaño Abraham miyaavogo gaajacafutuhi tolli omooniromaño. Jaamaño imiyaavogo imino jusiuhi tolli omooniromaño. ²³ Jilliti miyaavuno Caatinhaamefaño onoono. Abraham Moocaanico miyaavuguuh. Jaano aivo Moocaanidi iimicuumamaño diiboco gaayiciubo. Jaamaño Moocaani Abrahamco: Tañahaburucu, nuuhi.

²⁴ Jaanoco magaajacuhi amiñhai, Moocaani miyaminaafico gaayicitih iilli ticovo miyaavogoti mimiyaavogomoro, bu tolliro imino momooninoti gaayiciibo.* ²⁵ Jaabadiro bu Rahab onoogo ajevaminaago icauh, gaajaví ufuumoco ijavi gaayiciugo. Jaagoro diitoco aamusugoro sihigodí iicajiri galluugo. Jaamaño bu diigoco Moocaani gaayiciuhi. ²⁶ Jaabadiro bu mofi igaijama achahacuuno chuumucuuhi. Jaabadiro bu miyaavogo imino momoonitino uchuumucuunobadi jeevahi.

3

Monejeba.

¹ Tañahabomi, amiñhaifaño sihidi jibogominaati mihicadino. Miir amiihairyo magaajacuhi jibogominaati mihicamoco janaanicidillujinoco. ² Miir famooro imitino momoonifihi. Jaanoti saafi imitino iimaatatiboo aivo ijebib imino iicaabo. Jaabo tolliro bu paryi ifiico imino iticuvusunoco gaajahi. ³ Jaabadiro bu miihai caballomi ijifanjo jígaiñehico mijiihacumoro muduujenitahi tohiri mihimogohigovi diiboco miticuvusuqui. ⁴ Jaabadiro bu mahatyime, tolliro bu meene-gaco guiraarugaco guibuhuba sefano sihigovi satyefihi. Jaarugaco iticuvusuminaafi ticuvusufihi ajashuruga iticuvusutagari imogohigodi.

* 2:24 (Rm 4:1-25)

⁵ Jaabadiro bu tolliro monejeba jeevahi ajashuruno mofiti iicano iimaa-jirahi sihidí jeevanoco. Jaabadi guiraarubajico ajashuruno cíjigai jígasujirahi. ⁶ Jaano monejeba cíjigaibadi jeevahi, miíno ifiví ajashutino jiinijedíno imiti ficuucinihi monejebavi. Jaano paryí mofico faabohocoro mihiñiníhi. Jaano ijími cíjigairi nifotocinino. Jaamaño paryí diifi jíhaico jígasujirahi. ⁷ Miíro miyaminaa paryí faaboho asico jeevamaaisujirahi joomico, jiinimomico, bu paryí teehifañoo asimico icano. Jaamoco jeevamaaisunicummo. ⁸ Jaanoti miíhaiñoba aivo monejebaco jeevamaaisujitirahi. Toono imiti iicano aivo guinoniratíhi, namita agaicaaufineri mataanicinibadi jeevano. ⁹ Tobariro Mohaivojíbo Moocaanico mihimehicahi. Jaabariro bu miyaminaaco: Idicuno, me-neehicahi Moocaani ifibadiro eheetavumoco. ¹⁰ Miíro sahigotiro moojítí saano: Imino, monoono, bu: Imitino, monoono icano. Jaano tañahabomi tolli icatino. ¹¹ Jaabadi ¿nacu bu sahojítiro nifaihuno cuujirahi anaamofaihu, bu afafafaihu icano? ¹² Jaabadi ¿nacu bu baacuho añaajebaco noovajirahi? ¿Nacu bu gachicohai moomohico noovajirahi? Chaa. Jaabadi sahojítiro nifaihu saajitirahi anaamofaihu, iquigaifaihu icano.

Mya Gaaja.

¹³ Jaanoti amíihafeeneví saafi fanoovaaco agaajaabo iicahachiji toonoco ihifusuqui imino iicanofeedi, bu toono igaaja diiboco ijeebiíco siícutiyiba omooninofeedi icano. ¹⁴ Jaanoti amíihai jeebiífañó sitaaco iinohallítiro mijíheveneheje iicahachiji, bu jilli amíihai gaajari mitya mitya mihicadino: Aivo sihidí gaajahi, noomoro. Jaamo tolli omoonímo miyaano iicanoco bañíhi. ¹⁵ Jaamaño toono Moocaanijaagotí asaano gaaja icatíno. Jilli jiinijeo gaajaro, miíno esamaajetiro asaano gaajaro, bu ijítiro asaano gaajaro. ¹⁶ Miíro iinohallítiro sitaaco ijíhevene iicahigo, bu ifiguiharo omoonifíno iicahigo icano sajeebíi chahahi. Jilli fanoova imitíro icahi. ¹⁷ Jaanoti Moocaanijaagotí asaano gaajama iicamo jeebíi mihiñivatíhi. Jaamo sajeebíi icahi, bu siícujeebíima icamo, imihuuseme eesicinímo, bu iidaasugomo, imino moonímo, onoonoco jeenesutimo, jilli miyaanocoro neefimo icano. ¹⁸ Jaanoti bu sajeebíi iicanoco imogomo, sajeebíi icaco moonifíhi ifi itíquevequi.

4

Jiinije Imitico Mihimeguedino.

¹ ¿Cuucati amocasi, iibacasi icano amíihafeeneví saahicahi? Amíihai jeebiífañó imiti imogoneheje, sihidí iicahigotí saahicano. ² Miíro amíihai siinoco mihimeguehicahi. Jaarunoma mihicatínomá mihicamo sitaaco magaicaauhicahi. Siinohallítíti mataquivomoro mihicatínohallítíti momoonicasimoro mihiíbacasihicahi. Jaamaño amíihai siomonoma machahahicahi Moocaanico midillutímaño. ³ Jaanoti midillurumo magaayicihicatíhi imino midillutímaño. Jaamo mihimeguehicahi imitínooco mihimogonohallíviro magañíqui. ⁴ Amíihai miyaminaa: Oono gaigo aijico ejeevesugoro sifima efeefigobadi mejeevahi. ¿Nacu magaajatíhi amíihai jiinije icaco iimogomo, Moocaanímínaati iicanoco? Miíro cajaatyohacho jiinijeque anahabovamo Moocaanímínaati iminfutucummo. ⁵ Miíro sicamaño iicatínooco jahi Caatiníhaamefañoo noonoro: Moocaani Igaijaco mofifañoo ificuubo miíhaico sihidí gaijíhi, noonoro.

6 Jaabo Moocaani miihaico amusuhi iimihuseri siinoco aacinofeenedi. Miiro jilli noono Caatininhaamefaño: Moocaani quehe quehe ifiico omoonimoma ibacasihi. Jaanoti iimihuseri amusuubo ijeebii isicumoco, noonoro. 7 Jaanegui diibo ijiguiino mihica. Jaamoro ijico mejenaau amiinhaiti igaaqui. 8 Moocaanijaagoviro mifitivo, amiinhaijaagovi bu diibo ifiitivequi icano. Imitiminaa amiinhai eedeefico mejeevesu. Toono sasumiro Moocaani, jiinje iicanoco magaijihicamo, amiinhai jeebiiinoco mihimibachucu. 9 Jaamoro idaasuno miminifotomoro, mataacasi macanifobamaje, bu amiinhai jejebaco, taafirati miminiyu; imo imo mihicanoco, idaasuno miminiyu. 10 Jaamoro Aivojiibo Jesuguiino amiinhai ifiico miguiinoni. Jaadi amiinhai sihidi ejeevamoti ficujiibo.

Dinahaboti Diimaadino.

11 Tañahabomi, fahigova imitino mihiimaadino. Miiro inahabediti imitino eesamaalboro: Iimitico, onoobo, bu Moise tajibati imitino ihimaaboro toonoco: Iimitico, onoobo. Jaabo: Tajiiba imitico, onoomaño, jilliro toonohallivi fagominaafiti minifetehi. 12 Jaanoti naha saafiro icahi tajibaco aaciubo. Jaabo diibo fagominaafi idiboro ifinisujiruubo, ataajasujiruubo icano. ¿Jaanoti miijoho nacu iioho: Sita imitico, eneejiruubo?

Gaajaratino Civohofucuvii Iicajino.

13 Jaanegui jisu muguubu amiinhai jilli meneehicamo: Jaachiji mefeeji. Jaanoti iicatihachiji civohogo mefeeji tuucuumivi. Jaamoro tahigo mihicaji saficaba ticovovi naajeteuco mificumoro manaaanjeji sihidi nihibamico mihiciqui, meneehicamo. 14 Jaarumo magaajatihii civohofucu siibadi millihacho mihicajinoco. ¿Milli fine miiño if? Oono fucuro aimuufai agaasenere goovano afatyonicibadi jeevano. 15 Jaanegui jilliro meneehica: Moocaani iimogohachiji tolli mihicamoro tolli meheetaveji, noomoro. 16 Jaaruno icanaaca amiinhai suufenitimo mejenaauhicahi mitya mitya amiinhai jeebiico momoonimoro. Jaano paryi toono imiti. 17 Jaanoti bu imino omooninoco gaajaruubo imino omoonitimaño imiticoro icabo.

5

Inihibamima Iicamediti Onoono.

1 Jinooco muguubu sihidi minihibamivamo, mataacasimoro sefano magaibacasi idaasuno ufucu mihicajineri. 2 Miiro oono amiinhai nihibami tuucicuhi, amiinhai imi gaachehuno nucucinicuuhi. 3 Amiinhai nihibami, amiinhai oro icano tivacinicuuhi. Jaamaño magaajacafutucuuhi jaabadiro amiinhai ifi gueenene icajitihu cijigairi ijigasunicibadi finiji. Jaarunaa nihibamico sihidi aivo mititibaanihu jino niinoofucuje mihicacuunaaca. 4 Miiro bu amiinhai faguinoco ududicamaaihicamoco majaaduhicatnoco, amiinhai dillujimo. Jaanoco guubuujiibo Moocaani mitya Aivojiibo iicaabo, amiinhai dudicamaajeminaa amiinhai ajaadusunoco. 5 Jaamo amiinhai jiije jiinijehallivi iminoonoma mihicahicahi, mihimogobadi. Jilli amiinhai ifiinoco mihicavasuhi niivimibadi jino gaisiraicifucu gasecuunaaca. 6 Jaamo bu amiinhai iimihusemeque magaicaausuhicahi ajaagabamaajirunobama achahamoco.

Majaabicimoro Moocaanima Mihiimaa.

⁷ Tañahabomi, jaanegui majaabicimoro sajeebiii motoomo Aivojiibo Jesu asaajinohachuta. Eneecau bu memeeci, oono faguico abasuubo ajaabiciiboro sajeebiii toomonichi iticonio nija aigonoco. Jaadi niino nija afatyonobuunati ibasuta imino onoovanoco ihiciqui iicanicibadi.

⁸ Jaabadi amiihai majaabicimoro sajeebiii motoomo, quehecuno mihi-camoro. Miiro jino Mohaivojiibo Jesu asaajino fiftivucuhi. ⁹ Tañahabomi, sifiditi fahigova imitino mihiimaacasidino, amiihaico ufucu toonoco jaadusudiibo. Miiro Moocaani fagominaaf*i* iicaabo fifticuuhi jino guhugari icacubo. ¹⁰ Jaaneguiha tañahabomi, eneecau magaaja johono Moocaani iimaaminaa diibediti ijibeguehicaumo idasuno iicamoro ajaabicihicaunoco. ¹¹ Miiro miihai: Aivo imino icamo, meneehi idasuno iicanoco ajaabicimoco. Miiro amiihairyo bu mugubuhicacuuhi, Job onoobo idasuno iicanoco ajaabicihicaunoco. Jaano nijequeti Aivojiibo Moocaani sihidi idaasugunoco magaajacuhi. Miiro Aivojiibo miinoco agajiiiboro idaasuguefibo.

¹² Tañahabomi, amiihaico bu neehi: Jinooco imino mehesicini. Si-inoco munuusumi niquejefañodi, jiinijefañodi, bu sinehejefañodi icano oovicimoro meneedino. Jaanegui: Jiihi, munuusumi: Jiihi, meneehica sanooro. Jaanoti bu: Chahano munuusumi: Chahano, meneehica sanooro. Amiihaico Moocaani toonohalliti idasuno moonidino.

¹³ Jaanoti bu amiihaiti saafi idasuno iicasumi diibohallivi Moocaanima mihiimaa. Jaanoti bu saatoho imo imo iicasumi, Moocaanico mihimomoro mamasiva. ¹⁴ Jaanoti bu saatoho iguihuvhachiiji Moocaani iija quillahutoco mucuuhuva diibohallivi Moocaanima ihiimaamoro diiribari ihalli aivomañoco ijeesuqui Moocaani momofeenedi. ¹⁵ Jaamo miyaavogomoro Moocaanima iliimaaneri iguihuvaabo taajaji Moocaani ubuheesuner. Bu tolliro imitico omoonino ijeebiffaño iica-hachiiji Moocaani diibo imitico buusuji. ¹⁶ Jaaneguiha amiihai imitico fahigovavi mihibachucasi amiihai nahaboma. Jaamoro Moocaanima toonohallivi mihiimaa amiihaiti toonoco ibusuqui. Imino iicaabo Moocaanima ihiimaano sihidi jeevahi. ¹⁷ Miiro Moocaani iimaaminaaf*i* Elia onoobo miihaibadiruu miyaminaaf*i*. Jaaruubo aigotino iicaqui Moocaanico idilluneguiha mifocabaci, saficaba, bu sificabatifeenedi icano aigotino icauno. ¹⁸ Jaadi siino Moocaanima iimaubo, jaadi aaigu-neri jiinije basutaano noovauhi.

¹⁹⁻²⁰ Tañahabomi, amiihaiti saatoho miyajiibogoco ejeevesumoco saatoho dojicuviro uhuumisuhachiiji, magaaja diiboco iimiti jiihaiti uhumi-suuboro diibo jeebico guijeveti ataajasunoco. Jaamaño diibo imiti sihidi iicanoco buususuubo.

1 SAN PEDRO AAME

Pedro Caatiniuhí Miyaavogominaa Agaaciniumedi.

¹ Uujoho Pedro, Jesucristo minisuminaafi iicaabo jihaameque caatinihu ijiinijeneti sihi agaaciniumedi Ponto jiinijeri, bu Galacia jiinijeri, bu Capadocia jiinijeri, bu Asia jiinijeri, bu Bitinia jiinijeri icano iicamedi. ² Jaamo amiihaico Moocaani ičiuhi sičijetiro ihesamaaje iicaubadi. Jaamo amiihaico Igaijafeenedi itaatiro ificucuumo. Jaamo diibo onoonoco: Jii, meneequi, bu Jesucristo guijkeve tiijohofañodi minitcafetequi icano. Jaamo magaayici sihidí Moocaani imino omooninehejeque, bu sajeebii icanehejeque icano.

Moocaanico Mihimono.

³ Masii mihimequí Moocaani iicaabo, Jesucristo Caanico. Jaabo sihidí miīhaico idasugooboro miīhaico iseemeti fiivusucuubo. Jaabo Jesucristo guijevefañoti siino ubuheeteunofeedi miīhaico acihí imo imo mehesicinino ifiico. ⁴ Jaanoro amiihaico gaayicisujino amiihaidi Moocaani ibusumijeque niquejefañi ificuunoco. Jaano finisurajitihi, bu mi hinivatusurajitihi, bu deecano ochoomobadi icajitino. ⁵ Jaamo amiihai Moocaanico mimiyaavogomaño imityari amiihaico teemejilbo. Jaamo taajasuví mihofetehi ninofucusumi ihaciqui ificunovi.

⁶ Jaamaño amiihai sihidí imo imo mihicahi. Jaarumo fanoova amiihaico iji inisuneri idasuno gueenejisuno mihicajhiica. ⁷ Miíro amiihai miyaavogo orobadi jeevahi. Jaano nisucafetefihi ciijigairi iiminoco igaajacioui. Jaano amiihai miyaavogoco iji inisunoco ajaabicingo oro ifinifino janaanicivi sihidí jaaducafetehi. Jaamaño amiihai miyaavogo tolli inisucafotonon cahacisucafeteji, imocafeteji, bu bocigocafeteji icano Jesucristo siino asaadi.

⁸ Miíro amiihai Jesucristoco magaijíhi diiboco mahatyimetírumo. Jaamo jisumi diiboco mimiyaaveguehi mahatyimetírumo. Jaamoro sihidí imo imo mihicahi aivo ovosiino ajashutino jibogoratino. ⁹ Jaano jino amiihai jeebii taajasuco magaayicino, toono amiihai miyaavogo jaada.

¹⁰ Miíro siicije Moocaani iimaaminaa jino taajasuco idilluumoro guinehicaudi. Jaamoro iimaahicaumo Moocaani iimihusemaño amiihaico aaciujinoco. ¹¹ Jaabo Cristo Gaija diitoco gaajasuhicauhi diibo Cristo idasuno iicaujinobuunati iiminoco agaayicijinoco. Jaanoco diito esamaaihicaudi: ¿Miíjoho fine diibo? noomoro, bu diitofaño diibo Gaija iicaubo diibo asaaujisumico ijibugunoco igaajaqui icano. ¹² Jaamoco Moocaani gaajasuuhi idudicamaaje diitedi icatino, miīhaidiro iicaunoco. Jaano jino toonocoro jisumi amiihaico jibogomo, bu diitoro amiihaico taajasujibogoco Moocaani Gaija niquejefañoti agalluubo mityafeenedi ijibuguumoro. Jaano jinoco Moocaani toomominnaa, angeles onoomo, emeecimoro agaajaguehicano.

Moocaani Miīhaico Cuuhuvahi Imino Miicaqui.

¹³ Jaaneguiha imino mehesamaaimoro momooni. Jaamoro imihusene mihicamoro imino mehesicini Jesucristo asaadi Moocaani amiihaico iimihusefañodi aacijinoco. ¹⁴ Oono, amiihai: Jii, eneefimo

seeme mihicamaño Moocaanico magaajautisumi mihimeguehicaune-hejeque momoonicuudino. ¹⁵ Jilliro aivo imino mihica, oono Moocaani amiīhaico ucuuhuyaubo jimiibo iicamaño. ¹⁶ Miīro Caatinīhaamefaño noono: Amiīhai imimo mihica, jino uujoohi iimibadi, nooboro.

¹⁷ Jaamo amiīhai diiboco: Moocaani, meneehicaabo paryi moonihicanoco ihiifiniciiboro gaajacihi cahi sabadiro saatohoco guinovi miniiyutiboo. Jaaboco mihgui jino jiinjehalliri mihicanohachuta. ¹⁸ Miīro Moocaani amiīhaico taajasuhi amiīhai imiti ififti oono amiīhai eedeetemihaiti magaayiciunoco. Jaanoco amiīhai imino magaajahi jino taajasu iicanoco oro, nihibami icano ifinifineri ajaaduutiiboco. ¹⁹ Jaanoti naha idiiñoro jino Cristo tijoho iimineri jaaduubo, oono cordero iimiibo, imihinima achahaaboco agaicaaunicibadi diiboco agaicaauno tijeheri. ²⁰ Jaabo Cristo siicijetiro jiinije fiivutinaacaro toonegoguiha ificucafutu-ubo. Jarijisumi, niinosumi buhugaavuhi amiīhai iminoco magaayiciqui. ²¹ Jaabo diibo Cristofeeded amihai Moocaanico mimiyaaaveguehi. Jaabo Moocaani Cristoco guivevefañot siino ubuheetesuuboro, diiboco sihidibocico acihi. Jaamaño amiīhai Moocaanico mimiyaaavogomoro diiboco mehesicinihicahi.

²² Jaamo amiīhai jino miyaano jibogoco: Jii, monoomoro amiīhai jeebiñoco mihimibachchuhi. Jaaneguiha amiīhai nahabomico miyanotiro imino magaiji. ²³ Miīro amiīhai siino mifiivucuuhi Moocaani seemetiro miicaqui. Jaaruno iguijevefino miyaminaati mifiivono icatino, jilli Moocaani ifinijitino iijifeenedi mifiivucuuhi. ²⁴ Miīro Caatinīhaamefaño noono:

Miīro miyaminaa ñavahabadi jeevahi, bu imitya ideecanobadi jeevahi. Miīro iñaavahu echeemeneri ideecano aifefihi. Jaabadi miyaminaa, bu imitya goovano finiji, noonoro.

²⁵ Jaanoti naha Aivojiboo Moocaani iiji ufucuro finijitih. Jaaji jiji tooji taajasu iijico amiīhaico mijibogono.

2

¹ Jaaneguiha fanoova imitico mejeevesu, oono fanoobañifiranehejeque, bu inehejehallitiro mijihevenehejeque, bu fanoova sicamañehje jibooicasico icano. ² Jaamoro oono seeme bohono ifivomo mifañoco iicanicibadi sihidibocomo miguiino Moocaani iijico aivo miyaano iicanoco. Jaamo toonofeeded mujusimoro mataajahi. ³ Mohaivojiboo iiminoco magaajacuumo.

*Cristo, Ubuheeneguiisiba.**

⁴ Jaaneguiha Mohaivojibooja masaa, oono guisiba ubuheeba iicaba iicajirubadi iicaabojaagovi. Miīro jaaboco miyaminaa iimuguutimoro gañihuhi. Jaaruubo Moocaanidi imiyaabo iicaabo sihidi ijaadama iicaabo. ⁵ Jaabadi bu amiīhai diibo guisibabadi ejeevaabobadi mejeevamoco, Moocaani itemplojati eetavehi, itaatiro iicaqui sacerdotemiti eheetavoobo. Jaamo amiīhai Jesucristofeeded jeecivoco meheetavonoco Moocaani igaayiciqui. ⁶ Jaamaño miīro jilli Caatinīhaamefaño noono:

Uujoohi Sion cuumifaño saafico ficuuhi iija tano guisibati iicaaboco.

Jaabo aivo iimiibo sihidibocico iicaaboco. Jaaboco imiyaavogomo nucufevetimo iicaqui, noonoro.

* 2:3 Cristo buheebe. Jaaruubo guisibabadi jeevahi.

⁷ Jaamo amiihai mimiyaaveguemedi aivo diibo sihidí ejeevaabo. Jaanoti imiyaavogotímedi jino Caatiníhaamefaño jilli onoono ifeteji: Iija eetavominaa itihisumoro agañiuba jisumi aivo imiyaabati minifetehi, onono.

⁸ Jaabadiro bu jilli noonoro onoono ifeteji:

Jiba nanigaiva guisiba, bu gañisuguisiba icano, onoono.

Jaamo diito Moocaani jibogoco imiyaavogotimo oono toba Cristo iicaabotí ananigaivacuumo, tolli iicaqui iicacumumaño.

Moocaanita Icano.

⁹ Jaanoti naha amiihai Moocaani iicucuumi, diiboco mejecivequi sacerdotemiti mihicacumo, mihimicumi, Moocaanitaro mihicacumo. Jaaneguiha Moocaani ifivusuneheje oovosiñehejeque mijibogo. Jaabo amiihaico tajibahi icivonoguiinotí mihiinomoro ihovosi seseefaño mijicafetequi. ¹⁰ Jaamo amiihai iticoni cuumibadi mihicautihi. Jaarumo jisumi Moocaani cuumiti miminifutucuuhi. Jaamo amiihaico iticoni mijohoba idasuguutih. Jaarumoco jisumi Moocaani idasuguehi.

Moocaanicoro Mejecivequi Mihica.

¹¹ Agaijimo tañahabomi, amiihai jiiñjeti sitabadi sihi mihicamoco neehi: Mihimeguedino amiihai ifi imitinoco. Miíro mofi imiti mojeebií imi esamaajeque finisujirahi. ¹² Jaaneguiha imino mihica Moocaanico agaajatimo imefeenevi. Tolliti diito jisumi amiihaiditi imitiminaa iicanicibadi ihiimaarumo amiihai imino momooninoco aatyimemere Moocaanico imejimo diibo ajaadujifucu agasedi.

¹³ Jaaneguiha jilli Mohaivojibó Jesucristo iimegueneguiha miyaminaa aivojito onoobadi mihica. Emperador onoobo imiyahaivojibó onoobadi, ¹⁴ bu tajibaminaa iimitimoco icivojaniqui, bu imino iicamoco ibociguequi icano agallumo onoobadi icano. ¹⁵ Miíro Moocaani imeguehi amiihai imino mihicanoco. Toonoco aatyimemere diito agaajatimo, bu jilli mihiñfomo iicarumoco icano amiihaiditi: Imitimo, eneehicarumo illivequi.

¹⁶ Jaaneguiha Moise tajibaguiino mihicatírumo mihimogomoro imitínoco momoonidino. Jaarumo ivi jilliro Moocaani jijovotobadiro mihica. ¹⁷ Jaaneguiha famoovaacoro mobociguehica, bu amiihai nahabomico magají, Moocaanico miñihicugo, bu emperador aivojiboco mobocigo icano.

Cristo Idaasuno Iicaunotí Magaaja.

¹⁸ Jeeчивominaa amiihai aivojito onoonoco: Jii, monoo, iimimocoro amiihaico iidaasugomocoro icatino, bu tolliro iimitimoco icano. ¹⁹ Miíro imino Moocaanico magajimoro sicamañohalliti idasuno mihicanoco majaabicino. ²⁰ Jaanoti bu, ¿milliti amiihaidi imijiruno iimitinoco momooninohalliti amiihaico ahaaminoco majaabicino? Jaanoti naha iiminoco momooninohalliti idasuno mihicanoco majaabicino, toono naña Moocaani imefeenevi aivo iimino. ²¹ Miíro tooneguguiha Moocaani amiihaico cuuhuvauhi, Cristo idasuno iicaunotí cuuhuvauhi, Cristo idasuno iicaunotí magaajamoro diibo iicaubadi miicaqui. ²² Miíro diibo sanooba imitico mooniutih, bu bañifira diibofaño chahauhi icano. ²³ Miíro diiboco aivono eneehicasumi, bu aivono nooboro iimusuhicautiibó. Bu diiboco idasuno omooniusumi jaadamaaiutiibó, jilliro Moocaanico imino emeeciiboro udugaacufiboviro sefahicaubo. ²⁴ Jaabo

Cristo mohimitico ifihallivi iiciuboro imohohallivi satyuuh i mohimiti ifico miguijenimoro iticovono ifimaryo miicaqui. Jaabo tujaaveneri amiihai mubuheeuh. ²⁵ Miiro iticoni amiihai ovejami imitamobadi mihicahicauhi. Jaarumo jisumi Cristojaagovi muhuumicuhi. Jaaboro amiihaico ovejami tomominaafibadi otomooboro amiihai jeebiinoco imibaiyicahi.

3

Jilli Ataabavacumo Miicaqui.

¹ Jaabadiro bu amiihai gaigoomi, amiihai tajemi atajiibanoco: Jii, meneehica. Jaaneri diitoti saatoho imiyaavogotimo mijibogotirunaaca imiyaaveguequi amiihai imino mihicano feenedi; ² jaamo amiihai imino mihicamoro diitoco mobocigonoco aatyimemere. ³ Jaabadiro bu amiihaihallicoro mihimibaiquimaaidino, oono janaanici famañoovaje feedamaajebadi iicanehejeque, bu oro eetavotaneheje ficamaajeque, bu aivo iiminoono gaachehuno jicamaajeque icano. ⁴ Ivi amiihai jeebiñaño aatyimerathigocoro mihimibachu. Jaamoro ifinijitino ovosi sajeebi, siicuno icano jeebiima mihica. Toono naha aivo Moocaani imogono. ⁵ Miiro siicijeo gaigoomi Moocaanidiro iicaumo jill iimbaiquimaaiuhi. Jaamo Moocaanico imiyaavuguumoro aijimi onoonoco: Jii, neehicaumo. ⁶ Miiro tolli iicaugo Sara aiji Abraham atajiibanoco: Jii, onoogoro diiboco: Tahaivojiboo, neehicauhi. Jaagobadi amiihai mihicajirahi iguitimo imino momoonihachiji.

⁷ Jaabadiro bu amiihai aijimi, amiihai taabamico gaajacimoro mifiku, bu mobocigo. Jilli iniinovaneguiharo icatino, bu oono iimihuseri Moocaani amiihaico aaciyomo ifimaryo iicamaño. Jaanegui jill i mihica amiihai Moocaanima mihiimaanoco jinejeba tihisudino.

Imino Omoonijnoco Iimogomo.

⁸ Niinoono jino amiihaico neehi: Famooro sabadiro imino mihica, bu fahigova mihidaasugocasi, bu mieno nahabomima mihicanicibadi, bu magajicasi, bu siicujeebiima mihica icano. ⁹ Bu amiihaico imitino omoonimoco, imitino momoonidino bu aivono onoomoco, bu aivono meneedino jilliro diitoco imino monoo. Miiro Moocaani amiihaico cuuhuvauhi diibo amiihaico imino omooninoco magaayiciqui. ¹⁰ Miiro ifiico agajimoro imo imo iicanoco iimogomo, iimitinoco iimaatimo iicaqui, bu bañifiraco iimaatimo iicaqui icano. ¹¹ Bu imitnotinot buhigovi iminfotomoro iiminocoro imooniqui, bu sajeebi icaco iguinomoro toonoma iicaqui icano. ¹² Miiro Moocaani imino iicamoco teemefihi, bu diiboma iimaanoco guubufiibo icano. Jaanoti imitinoco omoonimoco imogotiiboo. ¹³ ¿Mijoho bu amiihaico imitino moonijirahi iiminocoro aivo mihimogomoro momoonimoco? ¹⁴ Jaarumo iminohalliti idaasuno mihicarumo imo imo mihicaji. Jaanegui mieti mihiguidino, mihiguete-dino. ¹⁵ Ivi jilliro Cristoco mobocigo amiihai jeebi Aivojiboco. Jaanegui- iha fahijivarо mihimibaicini. Jaamo amiihaico amiihai miyaavogoditi idillumoco mihiimusuji. Jilli Moocaanico bocigomoro siicujeebiiri mihiimaa. ¹⁶ Jaarumo imino mihica niji niji icatimo, oono amiihai Cristoco mimiyaavogomo imino mihicahicanoti imitino iimaahicamo inucufeve- qui. ¹⁷ Jaamaño iiminoco momooninohalliti idaasuno mihicano aivo

imihi, Moocaani tolli iimogohachiiji. Jaanotí imitinohalliti idaasuno mihicano imithi.

¹⁸ Mīro Cristo mohimitihalliti idaasuno iicauboro sano guijeveuhi safooro siino guijevecuutibó iicaqui. Jaabo imitima chahauruubo mīhai mihimitimohallivi Moocaanijaagovi mīhaico isatyequi. Jaaruuboco ifi guijeveurahi. Jaaruuboco igaija buheetesuhi.¹⁹ Jaano Igaijari ufuuboro bu sīcije iguijevercinihicaumo jeebiño iji civojafáñ iicaumoco jībeguejeubo. ²⁰ Jaamo diito sīcije Noe iicausumi imiyaavuguutimo, oono Noe imeenegaco eheetavehicaunohachuta Moocaani diito imitico ajaabiciiboro teemehicauboro: Fine imitejimobadi, esiciniuboro. Jaagari nifaihuti taajaumo sahuse juugahuseti miitooci, saatoho idinoro. ²¹ Jaano tonifaihu mīnoco initino nifaihubadí iican. Jaafaihufeedeni jisumi mīhai mataajacuuhi. Jaano toono niti mīno ifiico initino icatino, idinoro Moocaanico mīno esamaaje mihinivatino iicaqui midilluno. Jaanoro mīnoco taajasuno Jesucristo siino ubuheeteunofeedeni. ²² Jaabo niquejefáñ ufuuboro Moocaani miyanaagonovi acasiivutuuboro giciníhi. Jaabo mityaguiino Moocaani toomomináa, bu aivojito, bu mityano icano iicamo.

4

Moocaani Mīhaico Aacidineri Sitaaco Mahamusuno.

¹ Jaaneguiha bu amihai idaasuno miicaqui mihibibaicini, oono Cristo idaasuno iicaubadi. Mīro idaasuno omooninoco ajaabícimo imitico ejeevesucuumo. ² Jaamo jiinjehalliri iicaunohachuta Moocaani iimogobadi iicaqui; ifi imogonocoro imooniqui icacuutino. ³ Mīro aivo ajashucutino oono Moocaanico agaaatatimo omooninicibadi iticoni momoonihicauno. Mīro tusumi amihai fanoova imitico mihiboyiicihicauchi, bu imitino imogoco mihiboyiicimoro momoonihicauchi, bu guiriicavonehejeque, bu agañuhusuno jiibaimonoco icano, bu jeebiibatiro adumoro, mīhaiñobaco mejecivehicautihi, bu Moocaani afaguunoco fanoova ijimico eheetavonoco jecivomoro mihicahicauchi icano. ⁴ Jaamoma siino magataavomoro iimitinoco momoonicuutineri eheetyemere amihaiditi imitino iimaahicamo. ⁵ Jaarumo diito Moocaani ubuheemeque, bu uchuumucumoco icano emeeciiboro ijaadaco aacijiboma paryi imibachujimo. ⁶ Jaabadiro bu jino uchuumucumoco Moocaani jiibogoco jiibugucuumo, igaijano Moocaani iicabadi iicaqui. Jiijehalliri iicausumi famoovaaco iicabadiro Moocaani omooniurumo.

⁷ Mīro jino fanoova ifinijino fiiticuhi. Jaaneguiha imihuene mihica. Jaamoro imino mehesicinimoro Moocaanima miyanotiro mihiimaa. ⁸ Jaano janaanicivi gajicasima mihica. Mīro gaijí ajashutino imitico finisufihi. ⁹ Jaaneguiha amihai iijanofaño fahigovavi magayicicasí iimaafivotimo. ¹⁰ Bu fahigovavi mejecivocasi amihaiico Moocaani aacidinehejeri. Jaano Moocaani amihaiico fanoovaaco aacinoco imino motoomomoro momooni. ¹¹ Jaanotí bu saatoho mihiimaano Moocaani iimaabadiro iicaqui. Jaanotí bu saatoho sitaaco siinoco mahamusuhachiiji, Moocaani amihaiico aacino sefari mahamusu. Jaano paryi momoonino Moocaanico Jesucristofañodí mihimequiro iicano iicaqui. Jaabediro jaafa cahacisu, bu mitya icano icahi fahijívaro. Fine.

Cristohalliti Idaasuno Mihicano.

¹² Amiihai tañahabomi, sefaneri inisuno amiihaihallivi asaasumi meheetyedino, ajabafiranoti mihicanicibadi. ¹³ Ivi jilliro imo imo mihica Cristo idaasuno iicaubadi mihicaneri. Jaamo ufucu diibo ihovosiima asaanoco mahatyimeneri sihidi imo imo mihicahi. ¹⁴ Jaaneguiha amiihaico Cristo ijihalliti aivonoono unuusumi, imican amiihai mihicahi, iimiibo Moocaani Gaija amiihaihalliri iicamaño. ¹⁵ Jaanotí amiihai sita gaicaau, bu naniva, bu imiti mooni, bu sita iimaa juvhici icanohalliti ivi idaasuno mihicadino. ¹⁶ Jaanotí naha saatoho Cristo momohalliti idaasuno mihicaneri munucufewedino. Jilliro toonohallivi Moocaanico mihimo.

¹⁷ Miíro jino tusumi mihicacuuhi Moocaani idaasuno omoonijino iseemeti iticovano. Jaano miíhaiti jilli iticonino, ¿jaanequi milliji fine Moocaani jiibogoco imiyaavogotimovi aallibaanijiibo omoonibbo? ¹⁸ Miíro jino iimimo icarumo sihidi jeevanoti taajahi. ¿Jaanegui milli fine icajimo iimitimo? ¹⁹ Jaamaño Moocaani imogobadi idaasuno iicarufeneedi imino iicamoro diitoco ifivusuubo Moocaani usefaño ijeebiico ificuuqui. Miíro diibo abañitatibbo.

5

Miyaavogominaaco Afagoono.

¹ Jino uujoho amiihai igaivominaa quillahutoco faguehi. Jino uujoho diitobadiro quillahutoobo iicaabo, bu Cristo idaasuno iicaunoco aatyimeubo icano. Jaamo bu diito iicabadiro uujoho tamañoma icaji Jesu ihovosiima ufucu asaadí. ² Jaaneguiha amiihai quillahuto, Moocaanico imiyaavugucuumo ovejamibadi iicamoco motoomo amiihaico utuumusumoco. Jaanoco mihimogomoro momooni Moocaani imogobadi. Jilli amiihaico atajíbaneguiharo icatino, bu jilli nihibamicoro magaayiciquiro icatino icano. Jilliro imino mududicamaaje. ³ Amiihaiñocoro mihicabadi mihimogobadiro momoonidino. Jaamo amiihai momooninoco aatyimemere igaajaqui. ⁴ Tollí momoonihachiji, imiya tomominaafi agasedi amiihai magaayiciji imino chaahimigaco, milli icajitinoco.

⁵ Jaabadiro bu amiihai sicafe quillahuto ijiguiinovi miminifoto. Jaamoro sabadiro siicujeebiima mihicamoro fahigovavi: Jii, monoocasi: Miíro Moocaani imogothi: Aivo uujoho sihidi jeevahi, eneefimoco. Jaanotí naha siicujeebiima iicamoco iimihuseri amusufiibo.

⁶ Jaaneguiha sihidi ejeevano Moocaaniguiino* miminifoto amiihaico diibo unuufucu agasedi sihidi mejeevamoti iminiyuqui. ⁷ Jaaneguiha paryi amiihai esamaajeque Moocaani usefañoro mifícu. Miíro diibo amiihai imino mihicanoco imeguehi. ⁸ Jaamoro bu imino magaajamoro mehesicini. Miíro oono amiihaiminaafi iji jicubadi niigooboro iguehi, aatyimeme miyaavogoco ifinisuqui. ⁹ Jaaboco mejenaau miyaavogofañodi sefano mihicamoro, tolliro bu fahigova iicamo amiihai nahabomi, tobadiro bu idaasuno iicanoco magaajamoro. ¹⁰ Jaarumo gueenejisuno idaasuno mihicanobuunati Moocaani amiihaico imino imibachujibbo, bu quehecuno, mityano, sefano icano ficuijibbo. Jaabo

* 5:6 Griego ijíri janaanici jilli noonicino: Moocaani useguiino.

diiboro Moocaani paryi fanoovaaco aacifiibo miihaiico cuuhuvahi Jesucristoma sano ifinijitino fiivofaño miicaqui.¹¹ Jaabo jaafa mityama icahi fahijivaro. Fine.

Niino Fitaacu.

¹² Jino tañahabobadi eesiciniubo Silvano onoobofeenedi jihaamegayico caatinihu amiihaiico fajiiñiboro miyaano iicanoco oono Moocaaniti paryi magaayicineheje Moocaani miihaiico sihidí agaijinoco ijibogono. Jaanofañodi quehecuno mihica.

¹³ Tolliro bu Moocaani iija Babiloniari iicajaminaa Moocaani amiihaiico iicaubadiro iiciumo amiihaijaago iijico galluhi, bu tolliro diibo taseemenebadì iicaabo Marco onoobo amiihaijaago iijico galluhi.¹⁴ Jaanegui fahigovavi mihibicasimoro midillucasi.

Jaamo paryi amiihai Jesucristota mihicamo sajeebiiima mihica.

2 SAN PEDRO AAME

Miyaavogominaadi Pedro Acaatininu.

¹ Uuoho, Simon Pedro iicaabo Jesucristo jeećivominaafi, bu diibo minisuminaafi iicaabo amiihaiji jihameque caatininhi, miihai mihibadiro imino mimiyavogomedi. Miir Moocaani, bu Motaaja suminaafi Jesucristo icamisi famooro imiyaavogodimoco acihi iimico. ² Jaaneguiha Moocaani, bu Mohaivojiboo Jesucristo icamisico magaanofeenedi amiihaico sihidi imino omooninoco, bu sajeebii icaco icano magaayici.

Moocaani Miyaavogominaaco Aacino.

³ Miir Moocaani miihai imityafañodi paryi mofiguiiha mucuujivaachunoco, bu diiboco mejecivequi mucuujivaachunoco icano aciiboo, toonofeenedi diiboco magaajaqui, sihidi ejeevanofeenedi, bu ovosnoonoco eheetavonofeenedi icano miihaico ucuuhuvauboco. ⁴ Jaanehejefeedediuunuunoco miihaico aciiboo, jaano ajashutino, sihidi ijaadama iicanoco. Jaano toono diibo unuunofeenedi amiihai Moocaani iicabadi miminfetehi iimitino imogo jiinjehallivi imitico isivanotimataajamoro. ⁵ Jaaneguiha mesefaquifotomoro amiihai miyaavogoco mahamusu imino mihicaneri, jaanoco bu mahamusu janaanicigaajari, ⁶ jaanoco bu mahamusu amiihai ificoroinimo matajibaneri, jaanoco bu mahamusu jaabiciri, jaanoco bu mahamusu Moocaanico mejeećiveneri, ⁷ jaanoco bu mahamusu amiihai nahabomima magaijicasineri, jaanoco bu mahamusu gaijima mihicaneri icano.

⁸ Jaano jinehejema mihicanoco miguiraatusuhachiji amiihai ifiino mihifonoti ica jitih, bu Mohaivojiboo Jesucristoco magaajano sicamañovi feejitih. ⁹ Jaanoti jinehejema achahamo ihaallinoma chahahi, jabaiyimo; iticoniono iimiti initicafutuunoco ajabajevecumo. ¹⁰ Jaaneguiha tañhabomi, mityano mihicamoro imino mehesicini Moocaani amiihaico iiciuboro ucuuhuvaunoco. Jaanoco tollimomoonihachiji ufucuro imitinofaño mahaquetejitih. ¹¹ Jaachiji amiihai imino tihitino mijicafeteji Mohaivojiboo, Motaajasuminaafi Jesucristo aivoji ifinijitinofaño.

¹² Jaaneguiha amiihaico jinehejeque magaajacurunoco esaayuuboro icahi, oono miyaanofaño quehecuno mihicarumoco. ¹³ Miir uudi imino jino uuoho iicanohachuta amiihaico eesaayuuboro afajinino. ¹⁴ Miir Mohaivojiboo Jesucristo uco gaajasuh iguijevedi jijeeque goovano ejeevesujinoco. ¹⁵ Jaaneguiha uuoho tasefadino moonihi. Jaamo uuoho iguivevenebuuna jinehejeque mehesafetehi.

Cristo Sihidi Ejeevauboco Aatyimeumo.

¹⁶ Miir amiihaico Mohaivojiboo Jesucristo mityati, bu jijehallivi asaaunoti icanoco mijibuguno sicamañoco miihairyo meheetavomoro mijibuguno icatino. Miir miihai mohaalliri mahatyimeuhi Mohaivojiboo sihidi jeevaaboco. ¹⁷ Jaaboco miihai mahatyimeuhi Dios Moocaani bocico, bu imico icano diiboco aaciusumi, bu tolliro mugubuuhi Moocaani ihovosiri: Jaani taseemene diiberi uuoho imo imo iicaabo, unuunoco. ¹⁸ Jaano toono niquejefanotiuunuunoco miihai monohojineri mugubuuhi Mohaivojiboma imibaairi mihicausumi.

¹⁹ Jaabadi bu aivo jino miyaano iicanoco magaajahí Moocaani iiamaminaaca acaatiníunoco. Jaanoco amíihai mimiyavogomo aivo imino momooni. Jaano toono diito acaatiníuno ifuvusuhi oono cívohigotí ciíjigaimecu meseseevetinohachutaro iifuvusunicibadi. Jaanotí Cristo cuujetavio meecirigai onoobobadí asaacudi amíihai jeebiíñoco achicijíbo janaanicí imino Moocaanico magaaajaqui. ²⁰ Jaaneguiha itíconí jinooco magaaaja, chahano Caatínhaamefaño inoro ihesamaajeriro onoono. ²¹ Miíro toonoco Moocaani iiamaminaajíllí ijeebiítiro onoomoro acaatiníuno icatino. Jillí Moocaani Gaija diitoco unuunoco Moocaaniditi jiibuguumo.

2

Sicamañoooco Ijibeguefimo.

¹ Jaabadiro bu Israel cuumifaño icaumo Moocaani iiamaminaabadi icarumo abañififimo. Jaabadiro bu icajimo bañifiira jiibogomináa. Jaamo amíihafeeneví toovono ijicafotomoro sicamañehejeque jiibeguejimo amíihai miyaavogoco ifinisuqui, oono Aivojíbo aamíbo ataajasuuboti bañimoro. Jaarumo goovajino ificoró ifinisuno. ² Jaamoco sihidí saatoho imiyaavogomoro diitobadíro iminotino moonijimo. Jaamo tollí iicanotí sita miyahiji jiibogoditi imijitino ihiimaano. ³ Jaamo nihibamico sihidí iimogomoro amíhaico nanijimo sicamañehejeque ijiibogonohallívi. Jaarumo ifinjinotí taajajitimo miíro siicijetiro diitoco Moocaani ahaamijinofaño icacuumo.

⁴ Buhicagaha itoomominaa icaurumo imitíco omooníumoco gajíutíbo jillíro diitoco jígaiñehiri isisíuboro ciíjigaifaño icívohigo gañíuuhi, tahí iicaqui jaadusufucu agasejinohachuta. ⁵ Tollíro bu siicijeo miyaminaaco iimitíhallítí gajítiíbo nifaibari amacanisuuboro diitoco finisuuhí. Jaaboro idíibocoro Noeque iyotoma taajasuuhi: Imino mihica, nooboro tomiyaminaaco ijiibuguuboco. Jaabo Noe taajauhi iyoto sietedimomaryo. ⁶ Tollíro bu Moocaani finisuuhí Sodoma cuumi, bu Gomorra cuumi icanoco ciíjigairi ijisgasuuboro, baiguijiti miniiyuuhí, toonobuunati iicanó imiti miyaminaa toonotí igajaqui. ⁷ Jaanotí idíibocoro Lot onooboco taajasuubo imino iicaaboro diito imitino iicanoco aatyimeebere idaasuno iicahicauboco. ⁸ Miíro diibo imino iicahicaubo fafucuvaacíviro iimijeebífañodí idaasuno iacahicauhi diito imitino omooniñoco aatyimeebere, bu imitino ihiimaanoco uguubuuboro icano. ⁹ Jillí Aivojíbo taajasufihí iji abañino inisunotí diibota iicamoco. Jaanotí iimitímoco ficuubo jaadusufucusumi idaasuno imooníqui.

¹⁰ Jaabadiro bu Moocaani idaasuno mooniji janaanicívi oono iídicunoco ifi iimogonoco omooniñomo, bu diibo tajíibaco iimeguehicitimoco icano. Jaamo jenaaufifimo, jeebiíbatiro moonifimo, iguitimo iñihicunoono mytyati imitinoonoo ihiimaanoco icano. ¹¹ Buhicaga Moocaani toomominaa sihidí imityama icarumo diito Aivojíbo imefeeneví: Imitino, onoomoro iibatíhi.

¹² Jaamo diito asimibadi ihesicinibama chahahi, oono sahijitiro iicacubadi iicamo iimitimo, ifivomoco agaayicimoro agaicaaufifimo asimibadi iicacuumo. Jaamo diito agaajatinotí imitino iimaahicahi. Jaamaño asimi iicanicibadi guijevejimo. ¹³ Jaamo idaasuno icaji

sitaaco idaasuno omoonihicabadiro. Jaamo: Imo imo mihicahi, neehicamo gueenene icajitino safesugoco omoonimo. Jaamo amiihai jiihbaimonofaño ofoomoro amihaico nucufervesuhicahi jihovonehejeri asafesuvomoro. Jaanoti amiihaidit sita imitino iimaahicahi.

¹⁴ Jaamo bu gaigooco jilli ticovono iifinicihicitimo, bu iiimitico jeevesuhicatimo, bu ajashuno imiyaavogo iicamoco jeevamaaisuhicamo, bu aivo gaajamo fanoovaaco iimogomoro iiinoco. Jilli Moocaani afaijacuumo iicamo. ¹⁵ Jaamo iimino jiihaiti iimitacumo, johono Moocaani iimaaminaafi Balaam onoobo Beor achibadi jeevamo. Miíro diibo imuguuhi iimitinoco omooniunohallivi nihibamico agaayiciújirunoco. ¹⁶ Jaaruuboco iimitihalliti asi burro iibauhi miyaminaafibadi ihiimaauboro. Jaamaño fuutiibó ijiegavoma.

¹⁷ Jaamo diito pisirigai inifaihuma achahanobadi jeevahi, bu aimuufaico guibuhuba sihigo asatyonicibadi jeevahi icano. Jaamo ficucinicuhi fahiijivaviro aivo icivonoguiino iicacuuqui, ¹⁸ mihibonehejeque sihidi ejeevamobadi ihiimaahicamaño. Jaamo iimitinoco ifi iimogonehejeque iimoyiíchicanofeedi jeevamaaisuhicamo iimitinofaño iicahicaumoti miyanotiro agaacuumoco. ¹⁹ Jaamoro diitoco: Amiihaico iimino iicaco mahaciji, neehicamo, diito bu jijovoto icarumo. Miíro fanoohimiti iguiimonícumo imiti jijovotorucu. ²⁰ Jaanoti bu Aivojíibó, Taajasuminaafi Jesucristoco agaajaumoro jiiniye imititi ataajacuurumo siino dojicuviro tonehejefaaño iimitamo siino tonehejeguino minifetehi. Jaamo iticoni Jesuco agaajautino janaanicivi iimitino minifetehi. ²¹ Jaamedi imijiruno oono imino jiihaico gaajatimo iicano. Jaanoti iimino tajíibaco diitoco aaciunoco gaajacuurumo siino ejeevesumaño aivo imitino icacuumo. ²² Jaamovi aivo imino iifotonu jilli onoonicino: Jicu siino iguibamaajeque dojicuviro faiyihu, bu faafaibaco initicuboo siino dojicuviro caamefaño jeefiji, onono.

3

Aivojíibó Asaajino.

¹ Agaijimo tañhabomi, jino siino amiihaidi acaatiníhaame. Jaahaamecifaño imeguehi jino afajinínofañodi miyanotiro amiihaico eesamaaisunoco. ² Jaanegui mehesafoto johono Moocaani iimaaminaa unuunoco, bu Mohaivojíibó Taajasuminaafi tajíibaco galluminaa amiihaico ijíibuguunoco icano.

³ Jaaneguiha jinooco iticoni mehesicini: niinosumi saajimo miyaminaa Moocaaninehejeque edejecujimo, ifi iiimitico iimogono onoobadiro iicamo. ⁴ Jaamoro dillujimo: ¿Milli iicanoco Cristo saaji, nooboro unuuno? Miíro jiinijeque ifivusuunoti moheedetemíhaví iguijeveunoti, bu jisumíhachuta jino jiiniye iicabadiro icahi, noomoro. ⁵ Miíro diito imogotíhi agaajanoco niquejene siicijetiro ifivusucafutuunoco, bu Moocaani noojíri nifaihufañoti jiiniye iinuunoco jaaniunobadi. Jaanoti bu fahigovadi nifaihu iicanoco, ⁶ bu oono nifaihuri jiinijehalliri iicaunoco ifinisunoco icano. ⁷ Jaabadiro bu jisumio niquejene, bu jisumio jiiniye icano jino iicanoco ciijigaiguíiharó ficuuciníhi, diiboro Moocaani onoobadi. Jaagai ciijigai toonoco jígasuji jaadusufucusumi. Jaasumi bu tolliro iimihicatimo finisucafeteji.

⁸ Jaaneguiha agaijimo tañhabomi, jinooco majabajeevedino, miíro Mohaivojíibedi safrucu mil añobadi jeevahi, bu mil año safucubadiro

jeevahi icano. ⁹ Jaabo Mohaivojíbo unuunoco ajabajevecuuno icatino, oono saatoho eneehicabadi. Jillí miíhaico ajaabiciiboro imogoobo famooro iimitico ejeevesunoco, miíhaiñooba cíijigaifaño footimo iicaqui.

¹⁰ Miíro Mohaivojíbofucu gaseji mehesicinitinaaca, oono nanivaminaafi gaajaciratinofucu asaanicibadi. Jaasumi niquejene paryí dubaicamaajiji ñihicuno guubuvusunoro. Jahí paryí iicaneheje cíijigairi finisucafeteji. Jaabadiro bu jiinije paryí toojehalliri iicanoma jegasucafeteji icano.

¹¹ Miíro paryí jillí finisucafetejino. Jaaneguiha aivo imino Moocaaniguíharo mihicano, bu diiboco imino mejecivono icano. ¹² Jaaneguiha Moocaani fucu agasejinoco motoomonomo diiboco mahamusu goovano isaaqui. Jaasumi niquejene cíijigairi finicafeteji. Jaano ciíjigairi tahí iicaneheje paryí chucucamaajiji. ¹³ Jaanotí naha miíhai meteemehi Moocaani eetaveji unuunoco bohono niquejeneque, bu bojiinijeque icano. Jahigo paryí famooro imifimo imino mihicají.

¹⁴ Jaaneguiha, agaijímo tañahabomí, toonoco motoomonohachuta imino mihica amííhaico Moocaani sajeebiíma mihicamoco, bu mihiñivatimoco ihatyimequi. Jaanotí imitino icano mihicamoco atyimevadíbo. ¹⁵ Jaamoro magaajamoro Mohaivojíbo asaatinohachuta sanoodímo imiyaavogomoro itaajaquihica. Miíro bu jinooco tolliro amííhaidi caatiniubo magaijíbo monahabo Pablo Moocaani diiboco gaajaco aaciudineri. ¹⁶ Miíro paryí ihaamenefañodi jinehejeque amííhaico neehicaabo, samañosafaño tihíno noocinirunaaca. Jaanoco agaajatímoró, imino imiyaavavogotímo sihigoviro iimitinojaagoviro miniiyuhicahi, bu tollí oono Caatiníhaamefaño simañoohaamefaño onoonehejeque sibadi iimitinojaagoviro oovicimoro iimitinocoro moonihicamo icano. Jaamaño ifiinocoro finisujimo.

¹⁷ Jaaneguiha agaijímo tañahabomí, jinooco ímegaviro magaajacumaño imino amííhai ifíco motoomo. Jaamo iimitimo amííhaico abañínofaño minifototímoró amííhai miyaavogofaño quehecuno mihicantí aacototímo mihicahi. ¹⁸ Jaaneguiha aivo janaanicí imino Mohaivojíbo Motaajasuminaafi Jesucristoco magaajamoro diiboo gaijífaño imino mujusi. Jaaboco macahacisu jisumi, bu fahíjjívaro icano! Fine.

1 SAN JUAN AAME

Fiivo Iimaa Cristo.

1 Amiihaidi macaatinihi jino iticoni jiinije ifiivutinaacaro iicacuunoco miihai mugubuunoco, mohaallineri mahatyimeunoco icano. Jaaboco mahatyimeumoro diiboco muhuseneri mududiičuhi. Jaabo jino Fiivo Iimaa iicaabo. 2 Jaabo miyaminaaco fiivusuuh. Jaaboco miihai mahatyimeumoro toonoti mijibeguehicali. Jaamo amiihaico mijibeguehi jino ifinijitino fiivoco, Moocaanima iicauhiji miihaivi ubuhugaavuunoco. 3 Jaanoco amiihaico mijibeguehi mugubuunoco, mahatyimeunoco icano. Jaamo miihaima manahabovahi Moocaanima miihai mihicabadi, bu Illi Jesucristoma mihicabadi icano. 4 Jaanegui amiihaidi jilli macaatinihi. Jaamo sihidimo imo imo mihicahi.

Moocaani Seseene Aachicinibbo.

5 Jibogoco Jesucristo miihaico jibuguhi. Jaanoco amiihaico mijibeguehi Moocaani seseene aachicinibbo iicanoco. Jaabovi ajashuno icivono chahahi. 6 Jaamo: Diiboma magataavehi, munuurumo civohi mihicamo jilli mabañihi moojiri, sicamañooco momoomaño, bu momoonimaño icano. 7 Jaanoti Moocaani iicabadi seseehi mihicahachiji diiboma magataacinihi. Jaamaño miihaico Illi Jesucristo tijoho mohimitico paryi nitihu.

8 Jaanoti: Tahimitima chahahi, monoomo jilli mofico mabañihi. Jaamaño mojeebiñaño miya iiji chahahi. 9 Jaanoti mohimitico Moocaanico mijibogohachiji diibo aivo imihuseebe abañitatiibbo, mohimitico ubusuuboro paryi nitijiibo. 10 Jaanoti: Tahimitima chahahi, monoothachiji Moocaanico: Bañififiibo, meneehi. Jaamofaño diibo iiji chahahi.

2

Iji Moocaani Imfeenevi: Imitimo, Unuuusumi Jesucristo Mohalliti Iicaabo.

1 Taseeme amiihaidi jilli caatinahi. Jaamo iimitinoco moonitimo mihicahi. Jaanoti mimiyaavugucuumo imitinoco momoonihachiji Moocaani imfeenevi mohalliti iicaabo jisumi icahi Jesucristo imihuseebe. 2 Jaabofeededti mohimiti jaaducafutucuuh. Jaano miihaidiro icatino, faajinijeminaadiro bu icano.

3 Jaanoti Moocaani atajibabadi mihicahachiji magaajaji diiboco magaayicicunoco. 4 Jaanoti saatoho: Diiboco gaajacuhi, onoomo, itajibaco imiyaavogotimaño, bañififimo. Jaamofaño miya iiji chahahi. 5 Jaanoti diibo tajibaco imiyaavogoobo Moocaanico aivo imino agaijibbo. Jilliti magaajahi diiboma magataavonoco. 6 Jaabo Moocaanima gataavehi onoobo Jesucristo imino iicaubadi iicaqui.

Bohono Tajiba.

7 Tañhabomi, botajibaco amiihaidi caatinithi amiihai Cristoco mimiyaavuguunotiro amiihaico atajibacunoco. Jaano jino siicjetiro atajibaua jibogoco amiihairyo mugubuhicacuuno. 8 Jaano tajibaco amiihaidi acaatinino jino bohonobadi minifetehi. Jaano aivo miyaano Cristofañodi, amiihaifañodi icano. Jaamaño icivono afatyucunoguiinodi miya sesee achicinicuhi.

⁹ Jaanoti saafi: Seseehi icacuuhi, nuuruubo inahaboco ijiihegueebe civoohiguerehiica icahi. ¹⁰ Jaanoti inahaboco agaijiboo seseehigo icahi. ¿Jineje bu diiboco iimitinofaño gañisujirahi? ¹¹ Jaanoti inahaboco ijiihegueebe civonofaño icahi. Jaabo ofoohigoco gaajatihhi, iciveri aatyimetimaño.

¹² Taseeme, jaaneguiha amiihaidi caatinihu, Moocaani amiihai imitico Jesucristofeenedi ubusucumaño. ¹³ Amiyato, amiihaidi caatinihu, iticoni jiinije fiivutinaaca iicauboco magaajacumaño. Sicafe, amiihaidi caatinihu, iji Satanasco miguiinonicumaño.

Taseeme, amiihaidi caatinihu, Moocaanico magaajacumaño. ¹⁴ Amiyato, amiihaidi caatinihu, iticoni jiinije fiivutinaacaro iicauboco magaajacumaño. Sicafe, tolliro amiihaidi caatinihu, mequehecufimaño Moocaani jibogoco amiihai jeebiifaño magaayicimoro ijico miguiinonicumaño.

¹⁵ Jaaneguiha jiinijeque magaijidino, bu jiinijehalliri iicanoco magaijidino icano. Jaanoti saatoho jiinijeque agaijimo Moocaanico gaijitihi. ¹⁶ Miiro paryi jiinijehallivi iicanoo imiti Moocaaniti saathi. Jilli jiinijehallitiro asaano, oono mofii imitinoco iimogoneheje, mohaallii imitinoco iimogoneheje, bu: Uujoho aivo sihidii jeevahi, noomoro mihicaneheje icano. Paryi jino jiinijeonehejere. ¹⁷ Jaano jino jiinije paryi iimitinoco iimugusuhicanoma fininoro fuucuuhii. Jaanoti Moocaani iimogobadi iicahicaabo finijitihii.

Abañififiibo Saaji.

¹⁸ Taseeme, jino niinosumi mihicacuuhi. Amiihairyo magaajacuuhi Cristominaaniminaafi asaajinoco. Miiro jinojisumi icacumo Cristoco iminaaniihcamo. Jinoti magaajahi jino niinosumi mihicacunoco. ¹⁹ Jaamo mofeenetii fuuhi. Jaarumo miihaioto icautimo, miihaioto iicauruva miihaima icajirumo. Jaamaño tolli fuumo famooro maatyimemere magaajaqui paryi famooro miihaioto iicatinoco.

²⁰ Jaanoti naha amiihaiico Cristo Igaijaco acicuhi. Jaamaño amiihai famooro imino magaajacuhi. ²¹ Jaaneguiha amiihaidi caatinihu miyaanoco magaajacumaño, magaajatimaño icatino. Miiro amiihairyo magaajacuhi miyaanofañotii sicamaño asaajitirunoco.

²² Jaabo, ¿nacu miijoho abañififiibo? Eti bu oono: Jesuco Cristo icatiboo, eneehicaabo. Diiboo Cristominaaniminaafi iicaabo. Miiro Moocaani Achi Jesuco utuunamaaihicaabo, bu Moocaanico tuunamaaihicaabo icano.

²³ Miiro paryi Moocaani Achico utuunamaaimo Moocaanima chahahi. Jaanoti Moocaani Achico ijibogomo Moocaanima icahi.

²⁴ Jaaneguiha amiihai jeebiifaño mifiku oono iticonitiro muguubunoco. Jaano amiihai jeebiifaño iicahachiijii Moocaanima, Illima icano mihicahi. ²⁵ Miiro Jesucristo miihaiico aciguuhii ifinijitino fiivoco unuubadi.

²⁶ Jaaneguiha jino amiihaidi caatinihu jillii amiihaiico abañihicamoditi. ²⁷ Jaanoti naha amiihai Moocaani Gaijama mihicahi Jesucristo amiihaiico aaciuboma. Jaamaño sita amiihaiico jibeguejitirahi, Moocaani Gaijaro amiihaiico paryi ijibogomaño. Jaabo ijibogo miyaano sicamaño icatino. Jaaneguiha Cristoma icamoro mihica Moocaani Gaija amiihaiico ijibogobadi.

²⁸ Taseeme, jaaneguiha amiihaiico neehi: Cristomaryo mihica. Jaabo asaadii diibotii nucufevetimo, bu nihicugotimo icano miicaqui. ²⁹ Miiro

amiihairyo magaajacuhi Jesucristo iimihuseebe iicanoco. Jaabadiro bu oono iimihuseme Moocaani seeme iicamo.

3

Moocaani Seeme Iicamo.

¹ Jaaneguiha magaaja miiro sihidí Moocaani miihaico agaijiboro, iseemeti miihaico oovicichi. Jaano miyaano diibo seeme miihai. Jaamaño jiinijeminaa miihaico gaajatihi, Moocaanico agaajatimaño. ² Agaijimo tañahabomi, Moocaani seeme mihicacuuhí. Jaarunaaca miihaico gaajasutibehiica ufucu mihicajinoco. Jaarumo magaajahi Jesucristo asaadí diibobadí mihicajinoco, miiro iicabadiro iicaaboco mahatyimejimaño. ³ Jaanoco paryi eesicinimo, jeebii imibachucafetehi diibo Jesu imiibo iicabadi.

⁴ Jaanoti paryi famooro iimitinoco omoonimo Moocaani tajibaco imitino moonithi. Miiro imitinoco momoonino Moocaani tajibaco: Jii, monootihi. ⁵ Miiro amiihairyo magaajacuhi Jesucristo mohimitico ibusuusqui asaaunoco. Jaabofaño imiti chahahi. ⁶ Jaaboma paryi iicamo imitico moonimoro iicamo diiboco atyimetimo, gaajatimo icano. ⁷ Taseeme, miihaiñooba amiihaico bañidino. Jaanoti imino iicaabo Cristo imihuseebadí jeevahi. ⁸ Jaanoti imitino iicaabo ijitahe. Miiro iji sahijitiro iimitinoco omoonifibó. Jaanegui Moocaani Achi saauhi iji omoonisunoco ifinisuqui.

⁹ Jaanoti paryi Moocaaniti ifivomo iimitinoco moonithi, Moocaani ifico mojeebiifaño ificucumaño. Jaamaño iimitinoco momoonicutihi, Moocaani seeme mihicamaño. ¹⁰ Miiro gaajaveechuno Moocaani seeme iicamo, bu iji seeme iicamo icano. Jaanoti paryi iimitinoco omoonimo, inahaboco agajitimo Moocaani seeme icatihi.

Sabadiro Fahigova Magaijicasi.

¹¹ Miiro mimiyaavuguunotiro muguubuno jibogo jino: Sabadiro fahigovavi magaijicasi, onoono. ¹² Cainbadí mihicadino. Miiro ijitahe iicaumaño inahaboco gaicaaubo. ¿Nacu milliti jaaboco gaicaaubo? Eti bu Cain iimihicautimaño, jaanoti inahabo iimihicaumaño.

¹³ Tañahabomi, majabafitedino jiinijeminaa amiihaico ijiihevehachiji. ¹⁴ Miihai naha guijeveti buhefaño mafatyucuhi. Jaanoco magaajahi monahabomico magajimaño. Jaanoti inahaboco agaijithi bo guijeveti taajatihiica. ¹⁵ Miiro paryi inahabomico ijiihegueme gaicaauminaa. Amiihairyo magaajahi gaicaauminaa ifinijitino fiivoma ijeebiifaño achanoco. ¹⁶ Miiro jilliti magaajahi magaijicasinoco Jesucristo mohallivi ifico aaciunoti. Jaabadiro bu miihai mofico mahacijirahi monahabomihallivi. ¹⁷ Jaanoti sihidí inehejema iicamo inahabo idaasuno iicanoco atyimecuerumo diiboco iidaasugotimo. ¿Milli bu: Moocaanico gaijiji, neejirahi? ¹⁸ Taseeme, ticovo ijiriro magajidino, miyanotiro magaiji imino momooninofañodi.

Moocaani Imefenevi Quehecuno Mihica.

¹⁹ Jaamaño jilliti magaajahi miyaamo mihicamoro, Moocaani imefenevi quehecuno mihicanoco. ²⁰ Jaanoti mojeebii mofi iimitinoco gaajacufihi. Jaarunofaño Moocaani ajashutiboo mojeebii faño iicanoco gaajaabo. Jaabo paryi fanoovaaco gaajahi. ²¹ Jaanoti agaijino nahabomi, mojeebii Moocaani imefenevi miihaico milli onootihachiji Moocaani

imefeenevi quehecuno mihicahi. ²² Jaabo miihaico siinoco midillunoco aciji diibo tajibaco: Jii, noomoro momoonimaño diibo iimogobadi. ²³ Jaano jino itajiba: Illi Jesucristoco mimiyaavogono, bu jaamoro sitama sabadiro magaijicasino icano, diibo atajibaubadi. ²⁴ Jaamo itajibaco imiyaavogomo diiboma icahi, bu diitoma diibo icahi icano. Jaanoco magaajahi diibo miihaima iicanoco Igaijaco miihaico aacinofeedi.

4

Moocaani Gaija, Bu Abañifiibo Gaija Icano.

¹ Agaijimo tañahabomi, famoova gaijaco mimiyaaveguedino. Iticoni minisu; ¿Naa Moocaani Gaija diibo iicanoco? Miíro jiinjehallivi sihidí gahafucumo bañifiraminaa: Moocaani iijico mijibeguehi, onoomo. ² Jaamo jilliti magaajajirahi Moocaani Gaijama iicaaboco. Miíro paryi oono Jesucristo miyaminaafibadi ifivuuboro saauhi, nooboro ijibogoobo, diibo Moocaani Gaijama iicaabo. ³ Jaanoti Jesucristoditi tolli onootiibo Moocaani Gaijama chahahi. Diibo jilli Jesucristominaaniminaafi gaijama iicaabo. Miíro amiihairyo mugubuhicacuuhi togaija asaajinoco. Jaabo jisumi jiinjehalliri icacuhi.

⁴ Taseeme, amiihai Moocaanita. Jaamo abañififimoco amiihai migu-inonicuhi. Miíro amiihaifaño iicaabo janaanicí mityahi jiinjeminaa iicamofaño iicaabo janaanicí iicamaño. ⁵ Jaamo diito jiinjeminaa. Jaamaño jiinjeonehejequere iimaamo. Jaanoco jiinjeminaa iicamo diitoco guubunicihi. ⁶ Jaanoti miihai Moocaanioto. Moocaanico agajamo miihaico guubunicihi. Jaanoti Moocaanioto iicatimo miihaico guubunicihi. Jilliti magaajahi Miya Gaijama iicamoco, bu abañifiibo gaijama iicamoco icano.

Moocaani Miihaico Gaijiji.

⁷ Agaijino nahabomi, fahigova magaijicasi. Moocaaniti magaijicasino saahi. Paryi famoovaaco agaijiboo Moocaani seemene. Jaabo Moocaanico gaajahi. ⁸ Jaanoti sitaaco agaijitiibo Moocaanico gaajatihiica, Moocaani saatohoco agaijififihicaaboco. ⁹ Miíro Moocaani miihaico agaijinoco ifusuhi miihaidi idibocoro Illico jiinjehallivi agalluunofeedi, diibofeedi fiivoma miicaqui. ¹⁰ Miíro miihai Moocaanico magaijnoti gaiji saatih. Jaanoti naha Moocaani miihaico agaijiboroy Illico galluuhi mohimitico ijaaduqui. Jaano jino naha miya gaiji.

¹¹ Agaijimo tañahabomi, miihaico Moocaani agaijibadiro miihai tolliro sabadiro magaijicasiqui. ¹² Miíro Moocaanico miihaiñooba atyimetatihi. Jaanoti sabadiro magaijicasihachiji, Moocaani miihaima icaji. Jaano igaiji miihaifaño aivo imino jusiji. ¹³ Jaamo jilliti magaajahi Moocaanima miicanoco, bu miihaima diibo iicanoco icano Igaijaco miihaico aaciunofañodi. ¹⁴ Miíro miihai mahatyimeumoro mijibeguehi Moocaani Illico jiinjeminaaco itaajasuqui agalluunoco. ¹⁵ Jaamo paryi Jesucristoco: Moocaani Achi, onoomo Moocaanima icahi, bu Moocaani diitoma icahi icano.

¹⁶ Jilliti magaajamoro mimiyaaveguehi Moocaani miihaico agaijinoco. Miíro Moocaani saatohoco agaijififihicaaboo. Jaabo gaijima iicaabo Moocaanima icahi, bu Moocaani diiboma icahi icano. ¹⁷ Jilliti gaiji

miihaiví jusihi ufucu jaadufucu iicasumi ñihicugotimo miicaqui. Miiro miihai jijehalliví Jesucristo iicabadi mihicahi. ¹⁸ Miiro gaiji iicamañovi ñihicugo chahahi, gaiji ñihicugoco buhi agañimaño. Miiro ñihicugo iidaasuhigovi miiñoco satyehi. Jaamaño iiguibovi gaiji imino jusitihiica.

¹⁹ Jaanoti naha miihai Moocaanico magajijihi iticoni miihaico diibo agaijumaño. ²⁰ Jaanoti saatoho: Uujoho Moocaanico gaijihi, onoomo inahaboco ijihegueme bañififihi. Jaamo miiño nahabo mahatyimeebeque magajitimo, žmilli bu Moocaanico magajijirahi mahatyimetiboco? ²¹ Jaabo miihaico atajibauno jino Moocaanico agaijiboo tolliro inahaboco igaijiqui.

5

Myaavogo Jiinjeque Guiinonihu.

¹ Paryi famooro Jesu Cristo iicanoco imiyaavogomo Moocaani seeme iicamo. Jaamo bu caanico agaijimo tolliro iseemeque gaijifihi. ² Jaamo Moocaanico magajimo, diibo tajibaco momoonisumi magaajahi diibo seemeque, bu magajinoco. ³ Miiro Moocaanico magajino itajibaco momoonino. Jaano itajiba sihidi jeevatih. ⁴ Miiro oono paryi Moocaani seeme iicamo jiinjeque guinonihu. Jaano momiyaavogofeededjiinjeque miguiinonihu. ⁵ Miiro idiboro jiinjeque guinonihu Jesu Moocaani Achi iicanoco imiyaavogoobo.

Jesu Moocaani Achi Iicano.

⁶ Miiro diibo Jesucristo asaauno jibogocafutuuhi nifaihufeenedi, bu itijohofeededji cano. Jaabo initicafutusumi unuuneriro icatino, bu tolliro iguijeveuneri cano. Jaano miyaano iicanoco Moocaani Gaija jibeguehi, diibo Moocaani Gaija iicaabo Miyaabo iicamaño. ⁷ Jaano jibogominaa icahi niquejefano miimisiici, saafi idino; Moocaani, Illi, Igaija cano. Jinoodimo icarumo saafiviro gataacinihi.* ⁸ Jaabadiro bu minooci, sano idino icahi jiinjehalliri; Moocaani Gaija, bu nifaihu, bu tiijoho cano. Jaano jino minooci, sano idino iicano sabadiro iimaahi. ⁹ Miiro miyaminaa onoonoco mimiyaavogonicih. Jaamo bu, žmilli mimiyaaveguejitrahi Moocaani Illi Jesucristo iicanoco ijibogonoco? ¹⁰ Jaamo Moocaani Achico imiyaavogomo toono jibogoma icahi ijeebiifaño. Jaanoco Moocaanico imiyaavogotiboo Moocaanico: Bañififiboti, neehi, Moocaani Illiditi ijibogonoco imiyaavogotimaño. ¹¹ Jaano jino Moocaani onoono: Diibo miihaico ifinijitino fiivoco aaciño. Jaano toono fiivo Illima icahi. ¹² Jaamo Moocaani Achima iicamo ifinijitino fiivoma icahi. Jaanoti Moocaani Achima iicatimo toofiivoma chahahi.

Niino Fajini.

¹³ Jaamo amiihaidi jinoco caatinih Moocaani Achico mimiyaaveguemedi. Jaamo magaajahi ifinijitino fiivoma mihicanoco.

¹⁴ Miiro miihai Moocaanico mimiyaavogomoro magaajahi diiboco siinoco midillunoco, ijeebih onoobadi, miihaico uguubunoco. ¹⁵ Jaano miihai Moocaanima mihiimaanoco diibo uguubuunoco magaajabadiro, bu magaajacuhi diiboco midillunoco miihaico aacincunoco.

* ^{5:7} Sahaamefaño ficuutimo: Jaano jibogominaa icahi niquejefano miimisiici, saafi idino, onoonoco.

¹⁶ Jaanotí saatoho inahabo imitico omooniruno guijevefaño ii futusutinehiica iicahachijí, diibohalliví Moocaanima ihiimaaqui. Jaadi diiboco Moocaani aciji fiivoco, guijevefaño ii futusuno imiti iicatihachijí. Miiro jaanotí icano guijevefaño ii futusuno imiti. Jaanotí uujoho nootíhi toonohalliví Moocaanima mihiimaaqui. ¹⁷ Miiro paryí fanooro imiti imitíhi. Jaarunofaño icano sanoodino imiti guijevefaño ii futusutino.

¹⁸ Miiro magaajahi paryí Moocaani seeme iicamo iimitinoco o moonitatinoco. Jaamoco Moocaani Achi otoomomaño ijí diitoco dudiicitatihi.

¹⁹ Miiro miihai Moocaanioto mi hicanoco magaajahi, bu tolliro paryí jinijeoto ijí mityaguinovi iicanoco icano.

²⁰ Tolliro bu magaajahi Moocaani Achi asaauboro miihaico gaajaco aacino, tooneri Miyaabo iicaabo Moocaanico magaajaqui. Miiro bu Miyaabo iicaaboma mihicahi, Illi Jesucristoma mihicahi. Jaabo jaani Moocaani Miyaabo, ifinijitino fiivoma iicaabo. ²¹ Taseeme, mehesicini jihovo ijinita caanimiti.

2 SAN JUAN AAME

*Cristo Jii**bogofaño Mihica.***

¹ Uujoho quillahutoobo iicaabo caatinihi jihaameque monagoti Moocaani ificuuguedi, tolliro bu iseemeque uujoho miyaano agaijimedi. Saafiro uujoho icatino, bu paryi oono miyaanoco agaajacumo icano. ² Jaabo uujoho amiihaico gaijiji miyaano mojeebiifñaño iicanofeenedi. Jaano fahijivarо miihaima iicajino. ³ Jaabo Moocaani, bu Illi Aivojibо Jesucristo icamisi amiihaico imino mooniji, bu idasugueji, bu sajeebii icaco aciji icano miyaanofañodi, bu gaijifañodi icano.

⁴ Uujoho aivo imo imo icahi diseemeti saatoho miyanotiro Moocaani miihaiico atajibabadi imino iigomoco aatyimeneri. ⁵ Jaanegui tañago, jisumi masii sabadiro magaijicasiqui. Jino ico onoono bohono tajiba icatino, iticonitiro toonoma mihicacuunoco neehi: ⁶ Miiro Moocaani atajibabadi mihicano toono gaijama mihicano. Jaano toono tajiba iticonitiro mugubucuno, gaijicasifaño mihica, onoono.

Bañiminaa.

⁷ Miiro jino jiinjehalliri sihidi icamo bañifiraminaa, Jesucristo jiinjehallivi miya miyaminaafibadi asaauboco utuunamaaimo. Toll iicaabo, jilli bañiminaafi, Cristominaaniminaafi iicaabo. ⁸ Jaanegui amiihai imino mehesicini amiihai dudicamaajeti mihicicuunoco mimitasudino. Jaamo ufucu ijaadaco paryi magaayicihi.

⁹ Jaanoti saatoho Cristo ijibugunoco ejeevesumoro sihigovi iminfotomo, bu Moocaaniti buhigovi minifetehi. Jaanoti Cristo jii**bogofaño mihicahachiiji** Moocaanima mihicahi, bu tolliro Illima mihicahi icano. ¹⁰ Jaaneguiha saatoho jii**bogominaa amiihaijaago agasevamoro** Cristo jii**bogoma ofootimoco amiihai iijafaño magaayicidino**, bu: Tahimimo difoo, meneedino icano. ¹¹ Miiro diitoco ifitacumo diito imitifaño bu minifetefihi.

Niino Imaa.

¹² Sihidi amiihaico eneejiruno icarahi. Jaarunaa imogotih aamefeenedi, acaatiniinoco. Cusumihacho feeji amiihaima faño mihiimacasiqui. Jaaneri mohimohica imino ijesiqui.

¹³ Moocaani iicugo, dinago seeme dijaaj iijico galluuhi.

3 SAN JUAN AAME

Gayo Onooboti, Imino Ihiimaano.

¹ Uujoho quillahutoobo iicaabo caatinihu jihaameque agaijibbo tañahabo Gayodi, diboco miyanotiro agaijibbedi.

² Agaijibbo tañahabo, dihallivi Moocaanima iimaahicahi. Fanoova iima imino ifeequi tolliro guihuvatiibbo diicaqui, bu oono imino dijeebiiboo foobadi diicaqui icano. ³ Miiro saatoho monahabomi asaaumo imino dijeebiiboo miyaanofañodi iicanoco, bu imino jibbogo onoobadi idiicanoco icano ijibbuguunoco uguubuhiniboro imo imo icahi. ⁴ Jaano toonobadi chahahi sanooba uco imo imo iminiiyuno. Jino, taseeme, miyaanofañodi imino mihigonoco guubuhi.

⁵ Agaijibbo tañahabo, imino aivo moonihicahi monahabomico adaamusubo sihigoti asaamoco adaamusunofeeded aivo imino moonihicahi. ⁶ Jaanoco diito Moocaani iijanominaafeenevi jibbeguehicahi ijohoh sihidai gajima idiicanoco. Jaanegui diitoco imino daamusu, ucuujivaachunehejeque daaci imino ifeequi, Moocaani imogobadi. ⁷ Miiro diito Cristo dudicamaajeguiha iigomo. Jaamo imogotih Miyoocanico agaajatimo aacinehejeque agaayicinoco. ⁸ Jaaneguiha mihai diitoco imino momooninofeeded mahamusuqui imino jibbogoco.

Diotrefe Onoobo Imitino Iicano.

⁹ Uujoho caatinihu aameque Moocaani iijaminaadi. Jaarunoco Diotrefe guubuutih mihai ijico, diitofeenevi aivojibboti iicanoco imogooboro. ¹⁰ Jaaneguiha ofoochachiji faamo imefeeneviro neeji: Miihadit sicamañoco ihiimaaboro abañihicanoco, bu tolliro monahabomi tahijifotomoco gaayichicatiibbo, bu agaayicigomoco gaayicisuhicatiibbo icano. Jaaboro Moocaani iijati diitoco gañihicaabo.

¹¹ Jaaneguiha agaijibbo tañahabo, diito imitino omoonibadi diicadino iminoro diica. Miiro iiminoco omoonibbo, Moocaanitahe. Jaanoti iimitinoco omoonibbo, Moocaanico atyimetihica.

Demetrio Imino Omoonino.

¹² Jaanoti famooro Demetrioti imino iimaahicahi. Jaano miyaanofeeded gaajacafetehi. Jaanoco mihai bu tolliro mihibeguehi. Bu jaanoco amihai magaajahi miyaano iicanoco.

Niino Imaa.

¹³ Sihidi ico neejirahi. Jaaruubo imogotih caatinitafaihu, bu caatinitai icanoofeeded eheetavonoco. ¹⁴ Imeguehi goovano ico aatyimeneque. Jaadit jari mihiimaacasiji faño.

¹⁵ Jaanegui sajebibdiica. Juuga nahabomi dijaaj iijico galluuhi. Ijohoh bu paryi famooro monahabomico moojico daaci.

SAN JUDA AAME

Juda Caatinihuhi Moocaani Ocoovamedi.

¹Uujoho Juda Jesucristo jecivominaafi, Jacoobo nahabo, jihaameque caatinihuhi Moocaani ocoovaaboro itati ijeevadi ificumedi. Jaamo imino toomocinihi Jesucristofeenedi. ²Jaabo Moocaani amiihaico sihid idaasugueji, bu gaijiji, bu sajeebii icaco aciji icano.

Sicamañoco Abañifimo.

³Agaijimo tañahabomi, sihid i mogorahi mataajajinohallivi amiihaidi acaatiniinoco. Jaarunaa momiyaavogoditi amiihaidi caatinihuhi. Jaamo momiyaavogohalliti mejenaauqui, Moocaanita iicamoco aacinohalliti, toonoco mubuunaniitirahi. ⁴Jaanaaca sihid bañiminaa amiihaifeenevi icacuhi. Jaamo gaajaciratino amiihaifeenevi jicamaaimo siijetiro Caatinihuamefaño diitoti ijibugucumo, cijigaifaño ifeequi iicacumo. Jaamo imifitino miyaminaa, Moocaani imihijico iiimorō siibadī mini-iyuhicamo fanoova imitinocoro iimoyiiciqui. Jaamoro idiboro Mohaba-jaabo Aivojibo Jesucristoco tuunamaaihicamo.

⁵Amiihairyo magaajacurunoco siino amiihaico esaayuhi. Moocaani Israel cuumiminaaco Egipto jiinijeti taajasuuhi. Jaadi saatoho imiyaavuguutimoco finisubo. ⁶Tolliro itoomominaa niquejefaño imino iicaurumo, Moocaani atajibauno mityaco aacijirunoco iimogotimoro iijanoco jeevesuuhi. Jaamoco Moocaani civojanihuhi cionoguiino ifinijitino jigañehineri isisiuboro niinofucuguiiha ificumo. ⁷Jaabadiro Sodoma, Gomorra onoocuemicí miyaminaa, bu ifiitino iicaucuumijeminaama Moocaani ifinijitino cijigairi jigasuhi, itoomominaa imitino iicaumoco omooniibadiro. Jaamo Moocaani toomominaa iicaubadī imitino icaumo: Sano gaifimiro gaifimíma iicamo, Moocaani gaigooma miicaqui eheetavunoco ejeevesumoro, siibadiro iicaneheje fanoovaaco moonihicahi. Jaamoco tolli mooniibō. Jaanotí famooro igaajaqui tolli iicahicamo ifinijitino cijigairi idaasuno ijigajinoco.

⁸Jaamoco imitino gaija onoobadi omoonimo ifiico idicuno moonihi. Moocaani iijico mityagotimo, niqueje toomominaati imitino iimaamo.

⁹Jaarunaaca Moocaani toomominaa aivojibo Miguel icaruubo Moise chuumuhuhalliti ijima ihibacasiusumi idicuno nuutihu idinoro nuubo: Moocaani jei ico iibaji, nooboro. ¹⁰Jaanotí diito imitino iimaahicahi agaajatinoti. Jaamo sahijitiro jibogoratino gaajamo bajio asimi ihesicinima chaharumo agaajamoro omooniicibadi, moonimo ifihalliviro ifiniqui. ¹¹¡idaasucani icajimo! Cain imiticoro agaajaumo, nihibamico iimoyiicimaño mitamo Balaam iicaubadī. Jaamo finiji Core iicaubadī isifiiratuboro Moocaani onoonoco imuguutimaño guijeveubo. ¹²Jaabobadi iicamo amiihai imo imo mamachuqui mihigaivomoma ofoomo amiihaico nucufervesuhicahi iimitiri. Jaamo amiihaifeenevi imo imo iicamoro sihid amachumoro aduhicahi famoovaaco nucufeguetimo. Itaadimo iicarumoco jecivotimo ificoro toomomo. Aimuufai nifaihuma achahanoco guibuhuba asatyonicibadi ejeevamo. Imoho onoovafisumi onoovatihobadi aivo ifahifema agaijuyicaho aivo ochoomonicibadi ejeevamo. ¹³Muuai tyuucai aivo

isifirano ijivaaseque agañiinicibadi diito imiti ifuvusuhi nucufesuno. Meecirigai ijihaiti imitaabo iicabadi. Moocaani diitoco ficuji civono fucuro ifinijitinoguiino.

¹⁴ Adan iyaachi seemene, iyaachi seemene, seemene Enoc onoobofeenedi, diitediti Moocaani nuuhi: Memeeci, Aivojibbo Jesu ajashutino itoomominaama asaajinoco. ¹⁵ Jaabo famooco dilluji. Jaaboro paryi imifitimoco cijigaifaño gañiji, imitino imoonihicanohalliti, paryi diibediti imifitimoco aivo imitino iimaahicanohalliti icano, nooboro. ¹⁶ Jaamo fanoovati famañovaje iimaafifimo, sitaaditi iimaafifimo, iimitico iguiraasumo, ifihalliviro ifiico mityano eesicinimoro sitaaco neefimo. Jaamoro saatohoditi imino iimaamo siinoco diitediti ihiciquiro.

Cristotaco Afagoono.

¹⁷ Jaanoti amiihai, agaijimo tañahabomi, mehesicini, siicijetiro amiihaico Mohaivojibbo Jesucristo minisuminaa unuucuunoco: ¹⁸ Niinosumi icajimo dejecuminaa imitjeebi onoobadi iicamo, noomoro. ¹⁹ Jaamo amiihaico dugaacusuji, jiinje iimogobadi iicamo Moocaani Gaijama chahahi.

²⁰ Jaanoti amiihai, agaijimo tañahabomi, quehecuno mihica amiihai imi miyaavogofaño. Moocaanima mihiimaa Moocaani Gaija mityafañodi. ²¹ Moocaani gajifaño mihicamoro, motoomo Mohaivojibbo Jesucristo iidaasugofeenedi ifinijitino ifiico miiahaico aacijinoco.

²² Imino imiyaavogotimoco, mimiyaavugusu. ²³ Saatohoco mataajasu ciijigaiti. Sitaaco mihidaasugo. Jaarumo diito imititi gaihuinimoro, bu jiheguemere icano.

Niino Imaa.

²⁴⁻²⁵ Idiboro Moocaani agaajaabo, bu Motaaajasuminaafi icano imit-yari amiihaico teemeji acototimo miicaqui, mihinivatimoco isatyequi imo imo iimihimefeneevi. Jaaboco mihimo, sihidibejeevanoco, imityaco, itajibaco, Mohaivojibbo Jesucristofeenedi siicijetiro, bu jisumi, bu fahijivarо icano. Fine.

APOCALIPSIS

Jesucristo Ihifusuuno.

¹ Moocaani Jesucristoco aciuhi diibo idudicamaajeminaaco ihifusuqui goovano iicajinehejeque. Jaanoco Jesucristo ifusuuhidudicamaajeminaafico Juaco itoomominaafico agalluubofeenedi.
² Jaabo uujoho Jua miyaanoco jiibuguuhi paryi aatyimeunoco, bu Moocaani ijico icano Jesucristo onoonofeenedi.

³ Imicani iicamo jihaameque ihifinicimo. Tolliro bu imicani iicamo Moocaani jihaamefañodi ihimaanoco uguubunicimoro imino jihaamefaño onoonoco omoonimo. Miirro tufucu fiitivucuuhi.

Jua Moocaani Iijaminaadi Caatinih.

⁴ Uujoho Jua caatinih Moocaani iijano Asia jiinjéri sahuse juugahuseti mijaaci icano iicajahajeminaadi. Jaamo amiihai magaayici Moocaani imino omooninoco, bu sajeebii icaco aacinoco icano. Jaabo Moocaani iicaabo bu diiboro iicaubo, bu diiboro asaajiibo icano. Bu tolliro sahuse juugahuseti miimisiici icano imino gajjamí Moocaani aivoji icaga imefeeneri iicamo aacinoco magaayici. ⁵ Bu tolliro Jesucristo aacinoco magaayici. Diibo miyaanoco ijibogoobo, bu iguijevermefeeneti iticoni ubuheeteubo. Jaabo jiinjeminaa aivojito aivojiibo iicaabo. Jaabo Cristo miichaico agaijiiboro itijeheri mohimitico nitiuhi. ⁶ Jaaboro miichaico aivojitoti, bu sacerdotetí icano eetavuuhi diibo Caani Diosco mejecivequi. Jaabo jaafa myta, bu cahacisu icano icahi fahijivarofiniratino. Fine.

⁷ Memeeći oono Cristo aimuufaifeenedi saaji. Jaaboco famooro atyimeji, bu diiboco ahaamiumo atyimeji icano. Jaaboco paryi jiinjeminaa aatyimemere taaji. Jiihi tolliji. Fine.

⁸ Uujoho imegaobo, bu allivioobo icano, abecedario iticoni A iicabadi, bu allibati Z iicabadi iicaabo, noobo Jesu Aivojiibo Moocaani sihidiejeevaabo. Diibo iicaabo, bu iicaubo, bu asaajiibo icano.

Cristo Imi Gaija.

⁹ Uujoho Jua miyaavogofaño amiihai nahabo. Jaabo amiihaima sano iidaasuno icahi, bu Moocaani aivojiiño icahi, bu tolliro jaabicico Jesucristo aacinofaño icano. Jaabo uco icivojaaniujirunohachuta uco gañiumo Patmo onoochugaivi Moocaani iiji Jesucristofañodi miyaano iicanoco ijibeguehicaunohalliti. ¹⁰ Jaanaaca Aivojiibo fucu jaguisifucusumi uujoho Moocaani Gaijafeenedi esamaaihicaunaaca tabujinaagoti sefano guubuvusuuno miriicu ojbadi. ¹¹ Jaano uco nuuhi:^{*} Jino adaatyimeneque aamefaño caatini. Jaaboro Asia jiinjéri sahuse juugahuseti mijaaci icano iicajahajejaagovi gallu. Jino imomo iicajahajejaagovi; Efeso, Esmirna, Pergamo, Tiatira, Sardi, Filadelfia, Laodicea icanojaago, noonoro.

¹² Jaaneguiha acafesaavooboro meeciuhí: ¿Miijoho ico, fine, uuma iimaahi? nooboro. Jaabo atyimeuhi sahuse juugahuseti minoocí icano cuugahu ficuta iicuno oro eetavotaco. ¹³ Jaanofeeneri Miyaminaafibadi Ifiivuubo ifibadi iicaaboco atyimeuhi. Jaabo itihaiciví ifotocinichehuco

* **1:11** Sahaamefaño janaanicí jilli ficuumo: Uujoho imegaobo, bu allivioobo icano A, Z icano iicabadi, onoonoco.

jiiciniboco jaachehu oro niivigameeheri siyicinuhi ifeeyijevi. ¹⁴ Jaabo nigaijeneu aivo seseene jadiotobadi. Jaanoti ihaallinou cijigaiguuihunobadi jeevauhi. ¹⁵ Jaanoti itihaiñou namecuno ifuvusuhi bronce aparyicisucinobadi, cijigaifañodi eheetavocinobadi. Jaanoti ico sefano guubuvusuhi sihidi guisino uguubuvusunicibadi. ¹⁶ Jaanoti imiyanaagohusefaño icaumo meeciri sahuse juugahuseti miimisiici idímo. Jaanoti ijifañoti inoociniga niisuga siijevaga fahigovahaciti siijevasuciniga. Jaanoti ihime nihiba sefano aachicinisumi iicabadi jeevauhi.

¹⁷ Jaaboco aatyimeuner iguiinovi acutuuhi chuumuhubadi. Jaarunaaca imiyanaagohuseque tahalliví ificuuboro uco nuubo: Diguetejirahana Uujoho iticoniobo, bu diiboro allivioobo iicaabo icano. ¹⁸ Uujoho iicaabo guijeveurahi. Jaaruubo buheehi, ufucuro milli icacutibbo iicaqui. Jaabo uujoho guijkeve janaanicí mityacuhi. Jaaneguiiha guijeveminaa iicahigo uudi sihidi jeevatino. Jilli iimogobadi moonijirahi. ¹⁹ Jaaneguiiha jino adaatyimeneque caatini, jino jisumi icanoco, bu ufucu icajinoco icano. ²⁰ Jino tamiyanaagohusefaño sahuse juugahuseti miimisiici icamo meecirico adaatyimeme agaajaratino jilli eneejiruno: Jaamo diito meeciri sahuse juugahuseti mijací icano Moocaani ijano jjibogominaaditi, eneejiruno. Jaanoti bu sahuse juugahuseti minooci icano cuugahu ficuta iicuno oro eetavota jilli eneejiruno: Sahuse juugahuseti mijací icano Moocaani iijanoco, eneejiruno.

2

Moocaani Iijanojaagovi Iijico Agalluuno: Efeso cuumijaagovi Iijico Agalluuno.

¹ Efeso cuumiri Moocaani iija iicaja jjibogominaafidi caatini: Jilli noobo imiyanaagohusefaño sahuse juugahuseti miimisiici icamo meecirima iicaabo, bu tolliro sahuse juugahuseti minooci icano oro eetavota cuugahu ficuta iicunofeeded iigoobo icano: ² Uujoho gaajahi paryi fanoovaaco edeetavehicanoco, bu sefano dudicamaajeque edeetavehicanoco, bu adaabicihicanoco icano. Bu tolliro gaajahi iimitimoco adaabicitinoco. Bu uujojo tolliro gaajahi Moocaani galluminaa eneehicarumo miyaano iicatimoco ijoho inisuuboro bañiminaa iicanoco agaajacinoco. ³ Jaabo ijoho sihidi daabichicahi, sihidi idaasuno dicahicahi, bu uuguiiha sihidi dudicamaaihicahi niinovatotibbo icano. ⁴ Jaarunaa dihalliví icano sano: Miirro iticoni imiyaavuguusumi uco sihidi gaijuhi. Jaaruubo jisumi miidinoro gaijicuhi. ⁵ Jaaneguiiha deesafoto iticoni edeesamaaiunoco. Jaaboro difico dimibachuubo iticoni omoonihicaubadi mooni. Jaanoti tolli omoonitihachiji dijaagovi ofooboro diciugahu iicuco iditi dumitiiciji, dihimitico edeevesutihachiji. ⁶ Jaarunofaño jino iimino dihalliví icahi, Nicolaitami omooninoco idihegue. Jaanoco bu uujojo jjiheguehi. ⁷ Amiihai nohojima mihicamo muguubu jino Moocaani Gaija, Moocaani iijanominaaco onoonoco: Mityano iicamoco fiivo imoho Moocaani goohasihalliti icaho noovatati machusuuji.

Esmirna Cuumijaagovi Iijico Agalluuno.

⁸ Esmirna cuumiri iicaja Moocaani iija jii**bogominaafidi** caatini: Jilli noobo imegaoobo, bu diiboro allivioobo icano iicaabo, iguijeveurubo, siino ubuheeteubo: ⁹ Uujoho gaajahi paryi ¹⁰ joho omoonihiacanoco, idaasuno idiicahicanoco, bu fanoovati ucuujivaachunoco icano. Jaarububo ¹¹ joho jinejeti cuujivaachutih. Tolliro bu uujoho gaajahi: Mihi*ai* judiom*i*, unuurumo ¹² idit*i* imitino ihiimaahicanoco. Jaamo judiom*i* unuurumo jilli Satanas iji igaivominaaro. ¹³ Jaaneguiha diguetedino idaasuno idiicajinoti. Mi*ro* iji amiihai*ti* saatohoco civojafaño ¹⁴ jihacusuji. Jaamo paryi amiihai minisucafetehi. Jaamo fahuseeci fucuva ticovovi idaasuno mihicaji. Jaarunofaño suufeniti¹⁵bo diica iguijevejinochacha. Jaachij*i* toono jaada ico uujoho fiivoco aciji. ¹⁶ Amiihai nohojima mihicamo muguubu jino Moocaani Gaija, Moocaani iijanominaaco onoonoco: Mityano iicamo iguijeveme cijigaifaño feejitihi.

Pergamo Cuumijaago Iijico Agalluuno.

¹² Tolliro bu Pergamo cuumiri iicaja Moocaani iija jii**bogominaafidi** caatini: Jilli noobo iniisuga fahigovaciti isiijevasucinigama iicaabo: ¹³ Uujoho gaajahi paryi ¹⁴ joho omoonihiacanoco, bu gaajahi Satanas atajii**bahigo** ¹⁵ joho idiicanoco. Jaaruubo ¹⁶ joho uco jeevesutii¹⁷bo diicahicahi. Bu tamiya jii**bogominaafi** Antipa onooboco amiihaifeenevi oono Satanas iicamañovi agaicaausumi uco imiyaavogonoco jeevesutii¹⁸bo diicahicahi. ¹⁹ Jaarunofaño dihallivi fiivaano icano: Toono Pergamo cuumivi ²⁰ iima iicamo saatoho Balaam jii**bogoco** jeevesutimo icamo. Jaabo diibo Balaam onoobo Balac onooboco fajii*nuhi* israelmi imitico imooni*qui* jihovo caanimi jecivo asimico uduuneri, bu gaigoomima imitinoono iicaqui icano. ²¹ Tolliro bu ²² iima icamo oono Nicolaitami jii**bogoco** jeevesutimo iicamo, toonoco uujoho ijihuguene. ²³ Jaaneguiha iimitico mejeevesu. Jaanoti mejeevesutihachij*i* goovano amiihai*aago* feeji. Jaaboro diitoma amocasiji taajifañoti ihiinoga niisuga fahigovahaciti isiijeva iicagari. ²⁴ Amiihai nohojima mihicamo muguubu Moocaani Gaija, Moocaani iijanominaaco onoonoco: Mityano iicaaboco toovono iicano manati machusuji. Jaaboro diiboco aciji seseeyi guisiyico. Jaayihallivi bohono imomo caatinicin*i*. Jaamomoco miijoho gaajajitihi idiiboro toonoco agaayici²⁵bo gaajaji.

*Tiatira Cuumijaagov*i* Iijico Agalluuno.*

¹⁸ Tolliro bu caatini Tiatirari Moocaani iija iicaja jii**bogominaafidi**: Jilli noobo Moocaani Achi oono ihaallin*no* cijigaiguuhunobadi iicaabo, bu itihai*no* bronce aparyicisucinobadi iicaabo: ¹⁹ Uujoho gaajahi paryi*cino* ²⁰ joho omoonihiacanoco, gajima idiicanoco gaajahi, bu dimiyaavogoco gaajahi, edeecivehicanoco, diaab*bi*cico icano. Bu gaajahi iticoni omooniuno janaanicivi jisumi omooni*noco*. ²¹ Jaarunaaca sano icahi dihallivi. Oono Jezabel onoogo: Moocaaniaagodi iimaahi, onoogoro tajeecivominaaco ijibegueneri aban*hi*cagoco adaab*bi*hicanoco. Diigo jibeguehicahi diitoco gaigoomima imitinoono iicaqui, bu tolliro jihovo caanimi jecivo asiminoco iduuhi*caqui*. ²² Jaagoco uujoho teemehicarahi iimitico ijeevesu*qui*. Jaarunofaño ihajevaco jeevesuhicat*igo*. ²³ Jaaneguiha diigo omoonihiacanoco diito ejeevesutihachij*i* diigoco uujoho guihuvasu*ji*, diigojaago efeehicamo idaasuno iicaqui. ²⁴ Jaaboro diigo seemeque gaisiraiciji. Jilliti paryi*cino* Moocaani iijanominaa gaajaji uujoho miyaminaa esamaajeneque paryi

agaajanoco, bu paryi ijeebiinofaño iicanoco agaajanoco icano. Jaaboro paryi amiihaico amiihai momoonihicano jaadaco aciji. ²⁴ Jaanoti bu amiihaiti saatoho toono Tiatira cuumiri mihicamo tobogoco mihimogotimo, bu oono diito sihidi ejeevano agaajaratino Satanas iiji eneehicanoco minisutimoco neehi: Sibogoco siino amiihaihallivi ficutihi. ²⁵ Jino toonoma mihicanoco imino mifcu uujoho tahi asaajinohachuta. ²⁶ Jaaneguiha mityano iicamoro uujoho iimogonoco eetavomoro nijequevi iiptomoco aciji mityaco jiinijeminaahallivi. ²⁷ Jino uco Guihirubi mityaco aacibadi. Jaamo jiinijeminaaco tajiiabaji sefano jigaiñehiri nifaqui illunoco magasuucuncino iicabadi. ²⁸ Jaamoco bu cuujetavio meeirigaico aciji. ²⁹ Amiihai nohojima mihicamo muguubu Moocaani Gaija, Moocaani ijanominaaco onoonoco.

3

Sardi Cuumijaagovi Iijico Agalluuno.

¹ Tolliro bu caatini Sardi cuumiri iicaja Moocaani iija jibogominaafidi: Jilli noobo sahuse juugahuseti miimisiici idiino Moocaani gajjamima iicaabo, bu tonoodimoro imeecirigaimima iicaabo: Uujoho gaajahi paryiicino ijoho omoonihicanoco, bu saatoho: Buheebe, ico eneehicarunoco. Jaarunaa ico dijeebii iguijevecunoco uujoho gaajahi. ² Jaaneguiha deesiciniboro sefatusu imino omooniñoco, miiro oono fiticuuno miñoco imitasuquiguiha. Miyo uujoho gaajahi toono ijoho omoonihicano Moocaani imegavi imino iicatinoco. ³ Jaanegui desafoto oono jibogoco agaayiciunoco deevesudino. Jaaboro dihimitico deevesu. Jaanoti edeesicinithachiji oono nanivaminaafi ofoonicibadi gaajaciratino uujoho dija feeji ico dihimitihalliti aamiqui. ⁴ Jaarunofaño iima icamo tahi Sardi cuumivi miidimo imino iicamo imitico etavotimoro iicamo. Jaamo uuma seseechehujefaño ijicamaaimoro igueji imino iicamaño. ⁵ Jaamaño mityano iicamo seseechehujefaño jicucafeteji. Jaamo ifinijitino fiivoma iicamo momoco caatinih iivo-hamefaño. Toohaamefañoti imomoco fillujitih. Jilliro diitoco Guihirubi imfeenevi, bu itoomominaa imfeenevi icano: Diitoco uujoho gaajahi, neeji. ⁶ Amiihai nohojima mihicamo muguubu Moocaani Gaija, Moocaani ijanominaaco onoonoco.

Filadelfia Cuumijaagovi Iijico Agalluuno.

⁷ Tolliro bu Filadelfia cuumiri iicaja Moocaani iija jibogominaafidi caatini: Jilli noobo iimiibo, aivo miyaabo iicaabo, aivojibbo David llavema iicaabo. Jaabo afayacicinoco miijoho fabaacujitirahi, bu afabaacininoco miijoho faayacic jitirahi icano: ⁸ Uujoho gaajahi paryi ijoho omoonihicanoco. Jaabo uujoho dihimegavi guhugaco faayacic hi diibeguequi. Jaanoco miñhaiñoba jilli: Diibeguedino, neejitirahi. Miyo sihidi sefatiruubo tajibogoco agaayiciiboro uco tuunamaaitihi. ⁹ Jaaneguiha Satanas igaivominaaco galluji: Miñhai judiomí, noomoro abañififihicamoco. Jaaboro diguiinovidiitoco tajiiabaji imemuiñamaaiqui, toonoti ico uujoho agaijinoco igaajaqui. ¹⁰ Jaanoti uujoho atajibanoco imino moonihi ijoho fanoovaaco adaabiciiboo. Jaaneguiha bu ico uujoho imino teemeji nisufucu paryi jiinijehallivi asaajinoti, paryiicino jiinje miyaminaaco nisuqui. ¹¹ Goovano saaji. Jaaneguiha imino ficu iima iicanoco, sita dihacitaco dumitiçidino.

¹² Jaaneguiha mityano iicamoco uujoho Guihirubi iijafaño ficuji tooja imahacinobadi iicaqui; jaamo tahigotí ufucuro inuucuutimo iicaqui. Jaamohallivi uujoho caatiniji Taacaani momoco, bu Taacaani cuumi momoco icano. Jaacuumi Moocaani niquejefañoti asaacuumi momo bohono Jerusale onoocumi. Tolliro bu uujoho diitohallivi tamomo bomomo iicamomoco caatiniji. ¹³ Amiihai nohojima mihicamo muguubu Moocaani Gaija, Moocaani iijanominaaco onoonoco.

Laodicea Cuumijaagovi Iijico Agalluuno.

¹⁴ Tolliro bu caatini Moocaani iija Laodicea cuumiri iicaja jibogominaafidi: Jilli noobo aivo miyaabo iicaabo, miyaanoco eneefiibo, diiboti paryi Moocaani ifiivusuno atanoocinibbo: ¹⁵ Jaabo uujoho gaajahi ijohoh paryi omoonihicanoco. Jaabo ijohoh miidino miyaavogoma idiicaabo miivi nifaihu aiguucufaihubadi edeevanoco gaajahi. ¹⁶ Jaaneguiha iijifañoti foomovaiba iicafaihuco agañiniciabdi ico uujoho esicinihu. ¹⁷ Miir: Uujoho sihidí busumijema icahi, bu uuma aivo imino foono neehicahi, bu jinejebati ucuujivaachutih, neehicahi. Jaaruubo ijohoh gaajacitihidaasuubo idiicanoco, imo icama idiicatinoco, bu cuujivaachuma idiicanoco, dihaallinoma achahanoco, bu botiboo idiicanoco icano. ¹⁸ Jaaneguiha ico uujoho neehi: Utí naaje oroco cijigairi imino imibachucinicunobadi iicano miyaavogoco. Jaabo miyanotiro sihidí busumijema diicahi. Bu jaaboro uudití naaje esesene gaachehunoco. Jaabo idicamaaiboro nucufesuno sicaibo diiacujitih. Tolliro bu uudití aallíno taaboutaco anaajeebere dihaallinofaño ficu. Jaabo imino daatyimehi. ¹⁹ Uujoho agaijimoco ibahi, aamihi icano. Jaaneguiha aivo quehecuno diicaabo dihimitico deeesu. ²⁰ Meeci jino uujoho dihimegari julleecinihu coovaaboro. Jaanoco cajaatyohacho uco uguubuuboro: Tajaa disaa, onooboma icaji, bu diibo uuma icaji icano.* ²¹ Jaaneguiha mityano iicamoco uujoho tahaivoji icagahallivi tacojivi casihacuji, oono uujoho mityano iicamaño Guihirubima ihaivoji icagahallivi acasiivobadi. ²² Amiihai nohojima mihicamo muguubu Moocaani Gaija, Moocaani iijanominaaco onoonoco.

4

Niquejefaño Moocaanico Iimono.

¹ Jinobuunati emeeciubo atyimeuhi niquejefaño guhuga faayicinihugaco. Jaanaaca oono uuma miriicu ojibadi iticoni ihimaauuno uco nuuhi: Juu caamovi disaa, jinobuunati iicajinehejeque ico iffusuqui.

² Jaasumiro uujoho sano Moocaani Gaija mityaguuinovi minifutuuh. Jaabo atyimeuhi aivoji icaga niquejefaño iicagaco. Jaagahallivi saafi giciniboco atyimeuhi. ³ Jaanohalliri igicinibbo ifi ifuvusuuh namecuno jaspe onoono guisiyi namecubadi, bu cornalina onoono guisiyi namecubadi icano. Jaagahallidi bu tihij cajetaciniuh esmeralda onoono guisiyi namecubadi inamecu icaabo. ⁴ Jaagahallidi bu sigaaje veinticuatrodigaava gicinigaaje icaahi. Jaagaajehallivi iticovoociv quillahuto icaahi. Jaamo sesechehujefaño jicucuuciniuh, bu inigainohalliri icauno oro eetavota chaahimigano icano. ⁵ Jaagafañoti

* ^{3:20} Griego ijjiri noono: Meeci jino uujoho guhuga imegari julleecinihu tetecebaboro. Jaanoco cajaatyohacho uco uguubuuboro iguhugaco afayicimo iijafaño jicafeteji diiboma imachuqui, diibo bu uuma imachuqui icano.

anamebanoro sefano sisiimi guubuvusuhicauhi. Bu jaaga imegati nifotocinihicauno sahuse juugahuseti minooci idino cuugahuno. Jaano toono Moocaani gaijano sahuse juugahuseti minooci idino iicano. ⁶ Jaaga imegavi bu icauno muuaibadi jeevano jacuno sinaagonovi foovono ifuvusuno. Bu jaagahallidi icaumo igueenemehejedimova fahigovati sihidi ihaalliuroma iicaumo. ⁷ Jaamoti saafiu leonbadji jeevauhi. Jaanoti allivioobo torobadi jeevauhi. Jaano allivioobo miyaminaafi imebadi jeevauhi. Jaano allivioobo ciimimi mogaaaje agahafotoobobadi jeevauhi. ⁸ Jaamo paryi diito iticovoocivi sahuse juugahuseti sacu idino ijijecunoma icauhi. Jaamo ifi sanohaallineriro gahaficiniuhu alliomoti fañoomoti icano. Jaamo fucuhachuta, cuujehachuta icano suufenitimo neehicauhi:

Imiibo, imiibo, imiibo, Aivojibo, Moocaani sihidi ejeevaabo. Diiboro iicaubo, bu diiboro iicaabo, bu diiboro asaajibo icano, noomoro.

⁹ Jaamoro diito ihaivoji icagafaño igiciniibo ufucuro ifinijiti:boco acahacisum, iimosumi, obocigosum, icano ¹⁰ oono veinticuatrodimo quillahuto iicamo diibo imegavi ememui:vomoro imehicahi ono ufucuro ifinijiti:boco. Jaamoro diibo aivoji icaga imega ichaahimiganoco atafusumoro neehicamo:

¹¹ Aivojibo Moocaani, ijoho aivo sihidi edeevamaño gaayici; cahacisuco, bocigoco, mityaco icano, ijoho fanoovaaco edeetavumaño, ijoho idiumogomaño ifiivuunoro icano, noomoro.

5

Afaayiciratino Aame.

¹ Jaadi atyimeuhi ihaivoji icagahalliri igiciniubo miyanaagovi usefaño aame paimicinihame fahigovaaciti caatinicinihameque. Jaahaame sahuse juugahuseti minooci idineri cuhufono sisiciniuhu. ² Jaanaa gubuuhi Moocaani toomaminaafi sefano idilluhicaunoco: ¿Cajaani fine aivo iimiibo isisitaaco udubaici:boro jihaameque faayicijirahi? nooboro.

³ Jaarunofaño niquejefaño, bu jiinjehallivi, bu jiinjeguiino icano miihainoba aivo chahauhi toohaameque afaayicimoro emeecijirumo. ⁴ Jaaneri uujoho sihidiro taahicauhi. Sano imiftimoro iicauneri toohaameque afaayiciboro jilli ajashunogayi emeecijiruubo achahauneru. ⁵ Jaanaa quillahutoti saafi uco nuuhi: ¡Taacudinol! Miirro Juda cuumi Leon onoobo, aivojibo David Iyaachimihaoobo iicaabo fanoohimitico guinonicuuhu. Jaaboro paryi toohaame sisitaaco udubaici:boro ifaayiciqui.

⁶ Jaanaaca ihaivoji icaga, bu igueenemehejedimova iicamo, bu quillahutofeenevi icano atyimeuhi saafi Corderobadi iicaabo julleeciniuboco. Jaabo agaicaaucini:bo ifibadi ifi ifuvusuuhu. Jaabo sahuse juugahuseti minooci idino iinicunoma icaubo, bu tonoodinoro icauno ihaallino. Jaano toono ihaallino sahuse juugahuseti minooci idino iicano Moocaani gaijano paryi faajiinijehalliviro agalluuno. ⁷ Jaanaa diibo Corderobadi iicaabo ufuuboro ihaivoji icagahalliri igiciniubo miyanaagohusefañoti toohaameque icijeuhi.* ⁸ Jaahaameque gaayicubaaca igueenemehejedimo iicaumo, bu veinticuatrodimo quillahuto iicaumo icano diibo Corderobadi iicaabo imega memuñamaaiuhu. Jaamo iquillahuto iticovoocivi iharpanoma

* 5:7 (Lc 1.33)

icaahi, bu oro guirihillunofaño maaniguijínomá icaahi icano. Jaamo Moocaanita iicamo diiboma ihiimaasumi maaniguijico ijigasuno diibooja uusunicibadi jeevahi. ⁹ Jaamo jiji bohono masijico jilli masivahicauhi:

Fijoho aivo idimimaño toohaameque idíciiboro isisitaaco sinaayu.

Miiro iguijeveumaño ditíjeheri diitoco Moocaanidi naajeuhu fahigova miyaminaati, fanoohiji miyaminaati, faacuumivati, bu fanoojiiniye cuumino miyaminaati icano. ¹⁰ Jaaboro diitoco Moocaanidi aivojitoti, bu sacerdotemiti icano deetavehi. Jaamo diito jiinjehallivi tajibaji, noomoro.

¹¹ Jaadi emeeciubo guubuuhi ajashutimo Moocaani tooomominaa ihimaunoco, togahallidi, bu igueenemehejedimo iicaumohallidi, bu quillahuto iicaumohallidi icano. Jaamo itoomominaa aivo ajashuutimo millones y millonesdimo iicamo sefano neehicauhi:

¹² Jaani Corderobadi iicaabo agaicaaucafutuubo aivo iimimaño, jaafa gaayiciibo mityaco, sihidi busumijeque, bu gaajaco, bu sefaco, bu bocigoco, bu cahacisuco, bu imoco icano, onoonoco.

¹³ Tolliro bu guubuuhi fanoova Moocaani ifiivusuuno niquejefaño iicano, bu jiinjehalliri iicano, bu jiinjeguiino iicano, bu muuaifaño iicano, paryi tonehejefaño iicano jilli unuuno:

Bocigoco, bu imoco, bu cahacisuco, bu mityaco icano jaafa acicafetehi oono ihaivoji icagahalliri igiciniboco, bu tolliro Corderobadi iicaaboco fahijivaciviro, unuunoco.

¹⁴ Jaanotí oono igueenemehejedimo iicamo neehicauhi: Jaafa tolli icano, noomoro.

Jaanotí bu veinticuatrodimo iicamo iquillahuto ememuivuumoro imuumo fahijivaro iicaaboco.†

6

Sahuse Juugahuseti Minooci Idíno Isisita Icano.

¹ Jaadi atyimeuhi Icorderobadi iicaabo toohaame sisitaati sanoooco iticonibó isinaayuunoco. Jaanaa guubuuhi igueenemehejedimo iicamoti saafi sefano sisi igiiriribabadi: ijuu saabo meeciva! nooboro uco unuunoco.

² Jaaneguiha emeeciubo atyimeuhi caballo sesebeque. Jaabohalliri iicaubo usefaño tiibuga icaahi. Jaaboco Moocaani aciuhi chaahimigaco. Jaanoma fuubo guiinoniboro, bu fahijivaro guiinoniboro iicaqui.

³ Jaanaa allivio sisitaaco siino Icorderobadi iicaabo isinaayuuno ticovovi guubuuhi igueenemehejedimo iicaumoti sifi: ijuu saabo meeciva! nooboro uco unuunoco.

⁴ Jaabo atyimeuhi sicaballo tiibaibó ihiinuuboco. Jaabohalliri iicaubo mityaco gaayiciuhi jiinjehalliti sajeebii icaco ifinisuboro miyaminaaco fahigovaví imoonicasisuqui. Jaaboco Moocaani ajashutino niisugaco aciuhi.

⁵ Jaano allivionoco bu siino Icorderobadi iicaabo isinaayuuno ticovovi guubuuhi igueenemehejedimo iicaumoti sifi: ijuu saabo meeciva! nooboro uco unuunoco.

Jaanegui emeeciibo atyimeuhi saafi caballo civooboco. Jaabohalliri iicaubo oovota meecuco gaayicinuhi. ⁶ Jaanaa guubuuhi igueenemehejedimo iicaumofeeneti unuunoco: Safucuo dudicamaaje jaada trigoti

† 5:14 (Filipenses 2.9-11)

sano kiloviro ifeteji; jaabadiro bu safucuo dudicamaaje jaada cebadati tres kilodinoviro ifeteji icano. Jaanoti diiribanco, bu vinofaihunoco icano bañamaaisudino, noonoro.

⁷ Jaanobuunati bu siino allivio sisitaaco Icorderobadi iicaabo isinaayuuno ticovovi igueenemehejedimo iicaumoti niinoobo: Juu saabo meeciva! nooboro uco unyuunoco.

⁸ Jaaneguiha emeeciubo atyimeuhi saafi caballo guiguivaaboco. Jaabohalliri iicaubo momo Guijeve onoobo. Jaabo dojicuti saaubo saafi guiveveminaa iicahigo abajaabo. Jaabo Guijeve onooboco Moocaani mityaco aciuhi jiinje miyaminaati samañootohallivi diitoco iminaanineri, bu ajebari, bu guihuvari, bu jiinjehalliri iicamo iñihicufiino asimiri icano iguijeniqui.

⁹ Jaano allivio sisitaaco Icorderobadi iicaabo isinaayuuno ticovovi jeeccivoco omoonifinoguino, iicamoco atyimeuhi Moocaani iiji miyaano iicanoco ijibugunohalliti iguijeniumo jeebijinoco. ¹⁰ Jaamo sefano jilli neehicauhi: Idiimiibo Aivojibo, onoonoco abañitatiboo, ñiñihachutahiica diicaji miñhaico iguijeniumo jiinjehalliri iicamoco emeeciiboro ijaadaco adaacijino? noomoro.

¹¹ Jaasumiyo diitoco Moocaani aciuhi seseeneene gaachehunoco. Jaaboro diitoco nuubo: Majaguisihiica jaafahi amiihai nahabomi Cristodi ududicamaaimo ihoovovi ifetehi, jaamoco amiihaico iicaubadiro agaicaaunohachuta, nooboro.

¹² Jaano allivio sisitaaco Icorderobadi iicaabo isinaayuuno ticovovi emeeciubo atyimeuhi jiinje sefano amaryibanoro udujavanamaaiunoco, bu nihiba icivono gaachehubadi iminifutuunoco. Jaanoti fucuo nihiba tijohobadi minifutuuhi. ¹³ Bu meeciri niquejefanoti jiinjehallivi aifuuhi oono imoho noovata seenere sefano guibuhuba iicaneri baavi aaifonicibadi. ¹⁴ Bu niqueje sano finiuhu aameque mapaimirubadi. Bu paryi ifabaño, bu ifachugaiño icano simañehejevi jeeneuhi. ¹⁵ Jaano ñihicuti jiinje aivojito ifahojinofaño, bu guisigajinofaño icano fataniinamaaiuhu. Jaamo tahi fanoohaivojotoma, sihidí inihibaminoma iicamehejema, bu amocasiminaa aivojitehejema, bu aivo sihidí ejeevafimoma, bu paryi faaboho jiovotoma, bu jiovoto iicatimoma icano ¹⁶ ifabainoco, ifagajinoco icano neehicauhi: Mohallivi mahaifo. Jaanoro miñhaico jaadi johono ihaivoji icagahalliri igiciniibediti mafataani, bu oono sihidí jeevaneri Corderobadi iicaabo aamijino ñihicuti icano.

¹⁷ Miñiro jino sihidí jeevano ahaamijifucu gasecuuhi. Jaanoco bu miñjoho jaabicijirahi? noomoro.

7

Israel Cuumiminaati Icimo.

¹ Toonobuunati atyimeuhi igueenemehejedimo Moocaani toomominaa paryi jiinjejinibacihalliri julleleecinimoco. Jaamo igueenemehejedino iicanjo jiinje guibuhubaco gaayiciniuhu, jiinjehallivi ajashuno guibutino iicaqui, bu muuiahallivi, bu imohonohallivi icano. ² Tolliro bu atyimeuhi saafi Moocaani toomominaafi Moocaani iicaabo mityama icaabo aamijijaagoti saauboco. Jaabo sefano coovadiivuuhi saatoho igueenemehejedimo iicaumo jiinjeque, bu muuaico icano imitino imooniqui mityaco agaayiciumoco. ³ Jilli nooboro: Jiinjeque imitino momoonidino, bu muuaico, bu imohonoco

icano Moocaani jeecivominaaco ihimecunotí diitoco Moocaani gaajataco mificutinohachuta icano, nooboro.

⁴ Jaamo diito iicicafutuumo oovoco jinoodino guubuuhi: Ciento cuarenta y cuatro mildimo paryí israelmi cuuminoototí. ⁵ Jillí faacumivatotí iiciubo. Juda cuumiti doce mildimo oovocafutuuhi, bu doce mildimo Ruben cuumiti oovocafutuuhi, bu Gad cuumiti doce mildimo oovocafutuuhi, ⁶ bu Ase cuumiti doce mildimo oovocafutuuhi, bu Nef-tali cuumiti doce mildimo oovocafutuuhi, ⁷ bu Simeon cuumiti doce mildimo oovocafutuuhi, bu Levi cuumiti doce mildimo oovocafutuuhi, bu Isaca cuumiti doce mildimo oovocafutuuhi, ⁸ bu Zabulo cuumiti doce mildimo oovocafutuuhi, bu Jose cuumiti doce mildimo oovocafutuuhi, bu Benjamin cuumiti doce mildimo oovocafutuuhi icano. Jaamo famooro ciento cuarenta y cuatro mildimou.

Ajashutimo Seseechehujefaño ijicucuucinimo.

⁹ Toonbuunati emeeciubo atyimeuhi ajashutimo miyaminaaco fanoojiinijeminaaototí, bu simiyaminaaototí, bu faajíva miyaminaaototí, bu faacuumivaototí icano. Jaamo julleeciniuhi aivojí icaga imegavi, bu Corderobadi iicaabo imegavi icano icaumoco. Jaamo aivo ajashutino icaumo oovorautimo seseechehujefaño jicucucinimo tucojihunoco gaayiciníumo. ¹⁰ Jaamo paryí famooro sefano neehicauhi:

Moocaani ihaivojí icagahalliri igiciniboti, bu Corderobadi iicaaboti icano taajasu saahi, noomoro.

¹¹ Jaanaa paryí Moocaani toomominaa julleeciniuhi Moocaani aivojí icagahallidi, bu quillahutohallidi, bu igueenemehejedino iicaumohallidi icano. Jaamo toga imega jiinijehallivi ajavucamaaumoro Moocaanico iimomo nuuhi:

¹² Fine! Cahacisucu, imo, bu gaaja, bu imino monoono, bu bocigo, bu mitya, bu sefa icano. Jaafa Moocaanidi icahti fahiji varo icano. Fine, noomoro.

¹³ Jaanaaaca quillahutoobotí saafi uco dilluuhi: ¿Miijoho jino jito seseechehunofaño ijicucuucinimo, cuucati asaamo? nooboro.

¹⁴ Jaaneguiha uuoho nuuhi: Aivojíbo iiro gaajahi, nooboro.

Jaaneguiha uco nuubo: Jito jino sihidí jeevano iidaasufañodí afatymo. Jaamo imifiutímoco Corderobadi iicaabo tñjeri iimitusucuumo.

¹⁵ Jaamaño Moocaani aivojí icaga imefeeneri icamo. Jaamoro cujehachuta, fucuhachuta icano diiboco itemplojafaño jeecivomoro ica hicahi. Jaamoco ihaivojí icagahalliri igiciniboi imityaguiino ficuji; ¿Milli icatimo iicaqui? ¹⁶ Jaamo ajebari, bu adufirari icano iidaasuno icacujitíhi, bu nihiba ihaiguucuri diitoco jigasucujitíhi, bu jinejeba aiguucu diitoco iidaasuno moonicujitíhi icano. ¹⁷ Oono miiro Corderobadi iicaabo aivojí iicagafeeneri iicaabo diitoco teemeji ovejamico motoomononicibadi. Jaaboro fiivoco aacino nifaihunojaagovi diitoco satyejiibo, bu jaamo taafiraco Moocaani buususji icano.

8

Niino Sisitaaco Isinaayuuno.

¹ Jaanaaca Icorderobadi iicaabo niino sisitaaco isinaayuuno ticovovi niquejefaño lliivi icauno fine sano nihiba oovofeene ticovoviro. ² Jaadi atyimeuhi sahuse juugahusetí miimisiici idíno Moocaani toomominaa

Moocaani imefeeneri julleecinomoco. Jaamoco iticovoociví aciuno miriicunoco. ³ Jaanobuunati saaubo sifi Moocaani toomominaafi maaniguijino jegasutahiillu oro eetavotahillum. Jaaboro jeecivobuje imegavi julleeveuhi. Jaaboco saafi aciuhí sihidí maaniguijinoco paryí Moocaanita iicamo Moocaanima ihimaanoma sano Moocaanico ihaciqui. Jaaboro jeecivobuje oro eetavotahallíví ificuuboro ijigasuqui. Oono ihaivoji icaga imega iicabujehallíví. ⁴ Jaano imaaniguijinoco ijigasuuno aimuufai itoomominaafi usefañoti Moocaanjaagovi fuuhi sano Moocaanita iicamo diiboma ihimaanehejema. ⁵ Jaadi bu imaanijigasuta illuco itoomominaafi iciuboro tubuje cijigaicuneri tohilluco agahafusuuboro jiinijehallíví ganicaruhi. Jaaneri sihidí sisimí icauhi, bu jiinije sefano guubuvusuuhi, sihidí namebahicauno, bu jiinije sefano maryibauhi icano.

Miriicuno.

⁶ Jaanaaca sahuse juugahusetí miimisiici idíno iicaumo Moocaani toomominaa iticovovi miriicunoma iicaumo imibaivuuhi iguisíqui.

⁷ Jaadi saafi ticoniuhí imiriicuco iguisíubo. Jaano ticovovi jiinijehallíví aifuuno nifaihu ifigatyono guisiyinobadi ejeevano, bu cijigai icano sano tiijohoma caisecinino. Jaaneri samañoje jiinije jigauhi. Jaabadiro bu imohonotí samañoono jigauhi, bu fajihuti icano.

⁸ Jaanaa allivioobo imiriicuco iguisíuno ticovovi ifabaibadi jeevano jiganoro muuaifaño acutuuhi. Jaaneri samaño muuai tiijohotí minifutuuhí. ⁹ Jaaneri tumuuajefaño iicaumotí samañooto guijkeveuhi, bu tolliro cijigai meeneneti samañoono finiuhí icano.

¹⁰ Jaanaa allivioobo imiriicuco iguisíuno ticovovi ajashutino meecirigai niqejeefañoti acutuuhi nifotociniboro teehinotí samañoonohallíví, bu pisirigañoti samañoonohallíví icano. ¹¹ Jaabo momou Namita onoobo. Jaaneri paryí nifaihunotí samañoono namitati minifutuuhí. Jaaneri sihidí miyaminaa chuumuuhi inifaihu faafaño iminifutuunerí.

¹² Jaanaa allivioobo bu imiriicuco iguisíuno ticovovi nihibati samañoobo jabaavuuhi, bu fucuoobotí samañoobo jabaavuuhi, tolliro bu meecirítí samañoobo jabaavuuhi icano. Jaamaño diitotí samaño achicicuutíhi. Jaamaño cuujetí samañoono achicicuutíhi. Jaabadiro fucutí samañoono achicicuutíhi.

¹³ Jaadi emeeciubo atyimeuhi saafi Moocaani toomominaafi niqejefeenedí ciimimi mogaaaje agahafobadi fuuhi, sefano jilli nooboro: ¡Ayii! Idaasucani jiinijehalliri iicamo icaji siino miimisiici, saafi idínehiica iicamo Moocaani toomominaa imiriicunoco iguisidí, nooboro.

9

¹ Jaanaaca bu allivioobo imiriicuco iguisíuno ticovovi bu atyimeuhi saafi meecirigai jiinijehallíví aacutuuno. Jaaboco iñihicuno oji llaveque aaciunoco atyimeuhi. ² Jaahojico afaayiciuneri tohojifañoti sihidí aimuufai inuuhi gaicuhai aimuufaibadi. Jaahojojí aimuufairi iinuunerí nihibaco fabaacuuhi. Jaaneri jiinije civutuuhi. ³ Jaano toono ihamuufaifañoti inuumo sihidí chahacamí jiinijehallíví gahafomoro. Jaamo mityaco gaayiciuhí iniqui oono jiinije juuvemi iicabadi. ⁴ Jaamoco tajibaubo: Jiinije fajihuco imitino momoonidino, bu jinejebaco, imohobaco icano. Jaanoti idímomocoro miyaminaaco Moocaani gaajatari ihimecunotí agaajaratimoco momooni, nooboro.

⁵ Jaaruumo miyaminaaco muchuumusudino jilliro sahuse nihibava ticovovi mahaivuvusu, nooboro. Jaamo iniino aivo juuvehu iniino aivobadi jeevauhi. ⁶ Jaasumi miyaminaa guijeveque guineji. Jaarumo atyimejitihi. Iguijevequi moonirumedi guijeve chahaji.

⁷ Jaamo ichahacami caballomico aamocasivi ifeequi imibachunici badi jeevauhi. Jaamo nigainohalliri oro chaahimigabadi jeevano icaahi ihmeneu miyaminaa imenebadi jeevauhi. ⁸ Jaanoti imeebaiguino gai-goomi meeabaiguinobadi jeevauhi. Jaanoti igaiño jicu igaiñobadi jeevauhi. ⁹ Jaanoti imeehene cuhufunuhi jigañomeehunobadi. Jaanoti bu ijijecuno sefano guubuvusuuhu aamocasivi ofoomo sihidi caballomi icarronoco iguicino uguubuvusuunicibadi, ¹⁰ bu ibuhuno juuvehu ibuhunobadi jeevauhi nijequeneti ituunoma iicauno icano. Jaamo toono ibuhunofaño imitya icaahi miyaminaaco sahuse nihibava ticovovi aivono imooniqui. ¹¹ Jaabo ichahacami aivojibbo toono iñihicuhojabi aba-jaabuu. Jaabo momo hebreomí iijiri Abadon onoobo. Jaanoti griegomi iijiri Apolion onoobo. Jaanoti moojiri Finisuminaafi onoobo.

¹² Jino imega odaasu fatyuuhu. Jaarunaaca icanehiica minooci.

¹³ Jaano allivioobo imiriicuco iguiisüno ticovovi guubuuhi Moocaani imegari iicano ijeeчивобује oro eetavotabuje incuno igueenemeheje iicaunofañotí diiboco unuunoco: ¹⁴ Sinaayu oono igueenemehejedimo iicaumo imitino tomominaa Eufrate onoomuuaijiniri isisicinimoco, noonoro.

¹⁵ Jaamo diito igueenemehejedimo iicaumo sinaayucafutuuhu miyaminaati sanoodimoco iguijeniqui. Jaamo toono horavi, tufucuví, bu tonihibavi, bu toficabaví icano tollí imooniqui iflivusumo. ¹⁶ Jaamo amocasiminaa caballomihalliri iicaumo oovo doscientos millones ticovovi ifutuunoco guubuuhi.

¹⁷ Jillí uujoho icaballomico gaijafeenedi atyimeuhi. Jaamohalliri iicaumo ifeeyijehalliví cuhufono jigañoo meeuhu tifaiño, bu atiyano, bu guiguivano icaneri tifaisucinonoma iicaunoco. Jaanoti icaballomi nigainou jicu nigabadi jeevauhi. Jaamo ijinotí cijigai, aimuufai, azufre icano ineehicaudi. ¹⁸ Jaaneri miyaminaati sanoodimo guijeveuhi toono minooci, sano idíino icano imití diito ijinotí ineehicaunerí. Jaano toono minooci, sano idíino iicano imití cijigai, bu aimuufai, bu azufre icano. ¹⁹ Jaamo diito icaballomi mitya icaahi ijinofaño, bu ibuhunofaño icano. Jaanoti ibuhuno nigacino jiinimo nigainobadi jeevauhi. Jaaneri imitino miyaminaaco moonihicaumo.

²⁰ Jaanoti sanoodimo diitoco odaasuno omoonicuurunotí guijevetimo ataajaumo iimitico jeevesuutíhi. Jillí suufenítimó imitino gaijamico, bu oro, plata, bronce, guisiba, imoho icano eetavota ijimico icano jeecivehicaudi; jaamo ihijimi atyimetimo, bu guubutimo, igotimo icamoco. ²¹ Bu tolliro suufeníutimo sitaaco agaicaunoco, bu agaibaninoco, bu gaigoomima imitinoono iicanehejeque, bu ananivanehejeque icano.

10

Moocaani Toomominaafi Aamegayima Iicaabo.

¹ Jaadi atyimeuhi bu sifi Moocaani toomominaafi sihidi jeevaabo, aimuufairi minicinibbo, inigaihalliti tihi cajetaciniuboma niquejefañotí iniitunoco. Jaabo imé nihbabadi achicinuhi, bu idíino cijigai

imahacinobadi jeevauhi. ² Jaabo usefaño aamegayí faayicinihaamegayí icaudi. Jaabo imiyanaagotihaiico muuaihallivi ficuuhi, jaanoti inaninaagotihaiico jiinjehallivi ficuubo icano. ³ Jaaboro sefano coovadiivuubo oono jícu sefano inigonicibadi. Jaano ticosovi sahuse juugahuseti miimisiici idino sisiimi ojuhi. ⁴ Jaamo isisiimi oojiunoco uuoho caatiniqui mooniunaaca sifi niquejefañotí uco unuunoco guubuuhi: Jillillivi guubunici oono sisiimi ihiimaanoco. Jaaboro caatínidino, unuunoco.

⁵ Jaanaaca Moocaani toomominaafi jiinjehallivi, bu muuaihallivi icano ujulleeciniubo imiyanaagohuseque caamo niquejeaagovi gañiiyiciuhí. ⁶ Jaaboro fahijivaro iicaabo niquejeque, jiinjeque, muuaiñooco, bu paryí tonehejefañó iicamoco icano ififivusuubo momofañodi miyaano iicanoco nuuhi: Tusumi mihicacuuhi. ⁷ Niinoobo imiriicuco iguiisicudi Moocaani esamaaje agaajarahicatino icacuuji ijecivominaa, ihiimaaminaa iicamoco unuubadi, nooboro.

⁸ Jaanaaca niquejefañotí uuma ihiimauno siino bu uco nuuhi: Foobo dihcito jaadi Moocaani toomominaafi johono muuaihalliri, jiinjehalliri icano ujulleeciniubo usefaño iicahaame afayicinihaamegayíco, nooboro.

⁹ Jaanegui diibojaa ufuuboro toohaamegayíco diiboco dilluuhi uco ihaciqui.

Jaanegui uco nuubo: Ifaaji machu. Jaano dijifañó imono naamejino iimihubadi. Jaanoti dihibafaño faafaityejino, nooboro.

¹⁰ Jaaneguiha diibo usefañotí toohaamegayíco iicuboro machuuhi. Jaano taajifaño imiino iimihu imobadi. Jaanoco amachuuno taabafaño faafaituuhi. ¹¹ Jaadi uco nuumo: Siino diibogo ajashutino cuuminoditi, jiinjeminaaditi, sijiminaaditi, bu aivojitoditi icano Moocaani onoonoco, noomoro.*

11

Miimisiici Moocaaniti Ihiimaamisi.

¹ Jaadi uco acumo nofafajicuco metrobadí iicanoco. Jaamoro uco nuuhi: Gañivo. Oono Moocaani templojaco doovo, bu ijecivobujeque doovo icano, bu doovo, znaa minoodimo tomañovi ejecivehicamo miyaminaa icaahi? ² Jaanoti idinocoro igoohasicó deevedino tohasi siicuumijeo miyaminaaguiiharucu iicanoco. Jaamo diito tuucuumi imino cuumico quicuji cuarenta y dosdi nihibava ticosovi. ³ Jaasumi uuoho tajibogominaatisico galluji uuoho onoonoco ijibeguequi mil doscientos sesentadi fucuva ticosovi, civochehujefañó jiicinimisico.

⁴ Jaamisi diitisi Moocaani jiinje Aivojíbo imega iicahooci olivohooci, bu cuugahu ficutá miihiicuuci icahicuci iicanobadi jeevamisi.

⁵ Jaamisisico saatoho imitino omoonigohachiji diitisi ijiti ciijigai iineejí diito iminaaco ijigasuqui. Tollí guijevejimo paryí diitisico imitino imooniqui omoonimo. ⁶ Jaamisi jiinjehallivi Moocaaniti ihiimaanohachuta aigotino iicaqui niquejeque afabaacujino mityama icaahi, bu tolliro nifaihuco tijohoti iminiyyujino mityama icaahi, bu jiinjeminaaco idasuno fanoovari imugusumi omoonijino mityama icaahi icano. ⁷ Jaamisi idudicamaajeque iimivucusi iñihicuubo oono iñihicuhojifañotí asaboro diitisico moonivaji. Jaabo diitisico

* **10:11** Sahaamefaño: nooboro, noono.

iguiinoniboro gaicaauji. ⁸ Jaamisi chuumuhuno tuucuumi sihidi ejeevacumi, Mohaivojiboco etetecuucumi jihhaifaño acaji. Jaacuumi Sodoma, Egipo icanovi oovicinihi. ⁹ Bu jaamisi ciirajitihi mifucuci, safucu, bu sifucutifeenedi icano icajimisi. Jaamisico faaboho miyaminaa, faacuumiva miyaminaa, faajiva miyaminaa, bu faajinije miyaminaa icamo ihatyi mequi. ¹⁰ Jaamisi iguijeveneri jiinije miyaminaa sihidi imobaaji. Jaamo imo imo iicamoro sinehejeque fahigovavi acicasiji; Oono diitisi Moocaanit ijibeguehicamisi diitoco idaasuno omoonihicamisi iguijeveneri. ¹¹ Jaarunaa mifucuci, safucu, sifucutifeenedi icano nijequeti Moocaani diitisico siino buheetesuji. Jaamisico paryi aatyimemere sihidi iguetejimo. ¹² Jaanaa diitisico sefano niuejefanot: Juu caamovi masaa, unuunoco guubumisi.

Jaaneguiha caamo fuumisi aimuufafeenedi. Jaanoco iminaa atyimeuhi. ¹³ Jaano ticovovi aivo sefano jiinije amaryibauneri tuucuumiti fahuseecijaava iicamañoti sajaaro callajaavehicaudi. Jaabadiro tuucuumiviro ajashutino iijano callajaavuuhi. Jaaneri siete mildimo miyaminaa guiveveuhi. Jaaneri saatoho iguituumoro Moocaani niuejefanot: iicaaboco imuuhi.

¹⁴ Jino alliviono imiti fatyehi. Jaano allivio imiti goovajino asaano.

Niino Miriicuco Iguiisino.

¹⁵ Jaadì niinoobo Moocaani toomominaafi imiriicuco iguiisuno ticovovi sefano guubuvusuuno niuejefanot ajashutimo jilli unuuno: Jiinije aivojino Mohaivojibedi, bu Icristodi icano icacuuhi. Jaabo tajibaji fahijivar, noomoro.

¹⁶ Jaanaa veinticuatrodimo quillahuto Moocaani imefeeneri ihaivoji icaganohalliri iicaumo jiinijehallivi ajavucamaaiumoro Moocaanico imuuhi, ¹⁷ jilli noomoro:

Ico mihimehi Moocaani sihidi mityama idiicaaboco. Hjoho idiicauboco, bu idiicaaboco, bu asaajiboco icano, bu dimityaco agaayiciiboro atajibacuumamaño icano. ¹⁸ Miilo jiinijeminaa dijaas sifiratehi. Jaarunofaño hijoho adaamijifucu, bu uchuumucuumoco udugaacujifucu icano gasecuuhi. Jaasumi dijeevominaa hijoho onoonoco ijibeguehicamoco, bu iidiro iicahicamoco, bu dimomoco obociguehicamoco icano sabadiro sihidi ejeevamehejeque, bu sihidi ejeevatimehejeque icano adaadujifucu, bu tolliro jiinijeque ifinisuhicamoco ifinisujino icano, noomoro.

¹⁹ Jaasumiro niuejefanot Moocaani temploja faayicicafutuuhi. Jaaneri Moocaani unuunohaameque ificuba cajonbaco atyimeuhi. Jaasumiro sisimi sihidi namebauhi, jiinije nihicuno guubuvusuuh, bu sisimi giiribauhi, bu jiinije sefano maryibauhi, bu guisiyinobadi ejeevano sihidi sefano aifuuhu icano.

12

Ñihicuubo Dragon Onoobo, Gaigo Icano.

¹ Jaanobuunati niuejefanot jabafirano iffuvusuuno: gaigo nihibari imibocinigobadi aricuno iffuvusuuno, fucuo nihibahalliri julleecinigo, docedimo meecriri ichaahimiga eheetavocinigaco javucinigo. ² Jaago oovago icago iseemevaqui aiveveneri gaibahicaudi. ³ Jaanobuunati

bu siino niquejefaño ifuvusuuhi: dragon ñihicuubo tifaibo, sahuse juugahuseti miyiici idíino inigainoma icaubo, bu fahuseecidino inicuno, bu inigaino ticovoocivi ichaahimiganoma icaaubo. ⁴ Jaabo ibuhuri samañotoo meecirico niquejefañoti ubuutuucuboro jiinjehallivi gañiuhi. Jaaboro iseemevaqui omooniugo imegavi julleeveubo diigo eseemevasumiro tooseeque iduuqui. ⁵ Jaago gaifi seemeneque seemevauhi. Jaabo jiinijeminaaco sefano tajibaji jigañohiri iicanicibadi. Jaabo niquejefaño satyocafutuhi Moocaani aivoji icagahalliri iicaabojaago. ⁶ Jaanotí igaigo gaaahi sicaihigo iicahigovi Moocaani diiguedi imibachuhigo tahi diigoco machuco ihaci qui mil doscientos sesentadi fucuva ticovovi.

⁷ Jaanobuunati niquejefaño idragon fuuhi iyotoma. Jaamoma moonicasiubo Moocaani toomominaa aivojibó Miguel onoobo iyotoma. ⁸ Jaaruubo idragonco sahigotiro guinoníumo, bu tahi niquejefaño diito iicajirumaño samaño chahauhi. ⁹ Jaamaño diibo sihidí ejeevano dragonco baavi gañiumo, johono siicíjeo jiinimo oono imomo iji, Satanás iicaaboco. Jaabo jiinijeminaaco abañihicaaboco iyotoma baavi jiinjehallivi gañiumo.

¹⁰ Jaanaa guubuuhi sefano niquejefañoti unuunoco: Moocaaniti asaano taajasu, bu imitya, bu ihaivoji icano, bu Icristo mitya icano gasecuuhi. Miíro baaví gañicafutucuubo Moocaanico monahabomihallivi imitino ijibeguehicaabo fucuhachuta, cuujehachuta icano. ¹¹ Jaaruuboco monahabomi guinonicuuhi Corderobadi iicaabo tijohofañodi, bu Moocaani jibogo miyaano iicanoco ijibeguehicaneri icano. Miíro ifílico gaijíutimo, bu guijkeveque iguihiutimo icano. ¹² Jaaneri niquejefaño iicamo imo imo icahi, bu amiihai tahi paryi mihicamo icano. Jaanotí idaasucani mihicají amiihai jiinjehalliri, bu muuaiñofaño mihicamo icano. Miíro oono iji tahigo sihidí isifiratooboro niitehi queenene iicajitinoco agaajaaboro.

¹³ Jaabo idragonco agañiunoma iicaabo oono gaifíco eseemevau-goco bucaсиubo. ¹⁴ Jaanegui diigoco ciimimi mogaaaje jijecuucico acíumo jiinimobadi iicaaboti tehesino igaaqui sicaihigovi diiguedi iimibachuhigovi. Tahi diigoco machuco ihaci qui mifocabaci, bu saficaba, bu sifocabatifeenedi icano ticovovi. ¹⁵ Jaago dojicuti ijiiñimobadi iicaabo ijifáñoti nifailhuco galluuhi muuaiti ifivotonoro diigoco ibecasuqui. ¹⁶ Jaarunofaño jiinije diigoco amusuuhi, idragon ijifáñoti agalluufai-huкоaaduneri. ¹⁷⁻¹⁸ Jaanoma iicaabo diigojaa sihidí isifiratuuboro fuuhi diigo iyaachimihai aatyuvuudimo sanoodimo Moocaani tajibaco imino omoonimoro, bu Jesucristo jibogoco jeevesutimo iicahicaumoma ihamocasiqui.

13

Iñihicumisi.

¹ Jaadi muuai jiinigaibaahohallivi ujulleeveubo atyimeuhi iñihicuubo muuifañoti inuuboco. Jaabo nigainou sahuse juugahuseti miyiici icano, bu iniicuno fahuseecidinou icano. Jaano iiniicuno iticovoocivi ichaahimiganoma icaushi, bu inigainohallivi caatiniciníuno Moocaaniditi idicuno onoono momo icano. ² Jaabo iñihicuubo jicubadi ejeevaubo, tihaiño jeeji tihaiñobadi jeevauhi, bu iiji leon iijibadi jeevauhi icano. Jaaboco idragon imitya, ihaivoji icaga, sihidí boci

iji icanoco aciuhí. ³ Jaabo iñihicuubo nigaiti sahití icauno itujaavo diiboco muchuumusujibadí iicauno. Jaaruno diiboco buuhi. Jaaneri paryí jiinije miyaminaa ajabafituumoro diiboco miyaavuguuhí. ⁴ Jaamoro idragonco cahacisuumo diibo iñihicuuboco mityaco aaciúmaño. Jaabadiro bu iñihicuuboco cahacisuumo jillí noomoro: ¿Miijoho fine jaani iñihicuubobadí jeevahi? ¿Miijoho fine diiboma amocasijirahi? noomoro.

⁵ Bu tolliro diibo iñihicuubo Moocaanidítí idicunoono ihiimauno jaabiciúcafutuhi cuarenta y dosdi níhibava ticovovi tollí imooniqui. ⁶ Jaamaño ticovaubo Moocaanidítí imitino ihiimaaboro imomoco idicunoono nuuhi, bu diibo iimilijati, bu niquejefaño paryí iicamotí icano. ⁷ Tolliro bu ajaabiciúboror jillí iifiniciúbo Moocaanita iicamoma amocasiuboro diitoco iguiuinoniuñoco. Bu gaayiciubo mityaco fahigova miyaminaahallívi, bu faacuumivahallívi, fanoohíiji miyaminaahallívi, bu faajinije miyaminaahallívi icano. ⁸ Jaabo diibo iñihicuuboco cahacisuumo paryí jiinijehallíri iicamo oono jiinije ifiivuunotiro diito momono Corderobadí iicaabo agaicaaucufutuubo fivohaamefaño acaatinírautimo.

⁹ Amiihai nohojima mihicamo jinooco imino muguubu. ¹⁰ Sitaaco civojafaño asatyomo, bu tolliro civojafaño satyocafeteji. Jaanotí bu niisugari sitaaco agaicaaumo, bu niisugari gaicaaucafeteji. Jillí iicaneguiha Moocaanita iicamo imiyaavogomoro ijaabiciúhicaqui.

¹¹ Jaanobuunati sifi iñihicuubo jiinijefañotí asaaunoco atyimeuhi. Jaabo iiniicuuci cordero iniicucibadí jeevauhi. Jaaruubo dragonbadí iimaahicauhi. ¹² Jaabo iticonio iñihicuubo mityaco paryí gaayiciuhí, diibo iticonio iñihicuubo imefeenevi. Jaaboro jiinijeque, bu toojehallíri iicamoco icano tajibaubo iticonio iñihicuubo oono sihidí ejeevauno itujaavo ubuhuuboco icahacisuqui. ¹³ Bu tolliro sihidí ejeevanehejeque, bu niquejefañotí miyaminaa imefeenevi jiinijehallívi ciijigaico iniitusunehejeque icano. ¹⁴ Tonehejeque diibo iticonio iñihicuubo imefeenevi omooniñicaunofeedi jiinije miyaminaaco bañiubo. Jaaboro diitoco tajibaubo diibo iticonio iñihicuubo niisugari agaviriçunoma iicaurububo ubuheeteubo ijico iheetavequi. ¹⁵ Jaadí diibohallívi asaauno iñihicuuboco mitya acicafutuhi iticonio iñihicuubo ijico eetavuuboco ijeebiico aaciúboro ihiimaasuqui. Jaaboco iimotimoco igaisiraicisuqui. ¹⁶ Jaabadiro bu tajibaubo paryí miyaminaaco ihoovoco imiyanaago-husenetí, bu ihimecunotí icano ificuuqui; sihidí ejeevatimoco, bu sihidí ejeevamoco, bu idaasumehejeque, bu sihidí inihibamíma iicamehejeque, bu miyaamoco, bu jijovotoco icano. ¹⁷ Jaadí miihaiñoba ticovono naajejitihi diibo oovotama achahamo. Jaano toono diibo iñihicuubo momo, bu imomo oovo icano. ¹⁸ Jaano jino gaajacoro esuhi. Agaajaabo jino iñihicuubo oovoco gaajaci; jino saafi miyaminaafi oovota. Jaano jino seiscientos sesenta y seis.

14

Ciento Cuarenta y Cuatro Mildimo Amasivano.

¹ Jaanobuunati emeeciubo atyimeuhi Corderobadí iicaaboco Sion cuumibaihallíri julleeciníuboco. Jaaboma iicaumo ciento cuarenta y cuatro mildimo miyaminaa ihimecunotí Corderobadí iicaabo momo, bu Caani momo icano acaatinicinumo. ² Jaadí guubuuhi niquejefañotí

sihidí teehiguiisi uguubuvusunicibadi, bu sisi sefano igiiriribanicibadi icano uguubuvusunoco. Jaanou sihidí miyaminaa iharpanoco oojsunicibadi jeevauhi. ³ Jaamo bohono masijíco masivahicaudi Moocaani aivojí icaga imegavi, bu igueenemehejedimo iicaumo imegavi, bu quillahuto imegavi icano. Jaajíco miihaiñooba aivo gaajahicautihi idíimoro diito ciento cuarenta y cuatro mildimo iicaumo jiinje miyaminaafeenetí ataajasucafutuumoro. ⁴ Jaamo diito gaigoomívi ijivuutimo. Jaamaño mihinivatimo iicaumo. Jaamo Corderobadi iicaabo dojicutí feehicahi diibo fahigova ofooohigovi. Jaamo taajasucafutuuhi. Jaanotí Moocaani, bu Corderobadi iicaabo iicamisi gaajacuhi sihidí ataajasucafetejinoco. ⁵ Jaamo Moocaani imegavi mihinivatimo iicaumaño diitofaño bañifiira atyimerautihi.

Moocaani Toomominaa Miimisiici, Saafi Idíino Ijíibogono.

⁶ Jaanobuunati atyimeuhi Moocaani toomominaafi niquejeguiinodi ifinijitíno taajasujíbogoma icaabo gahafooboco. Jaanoco jiinijeminaaco, bu famoovaaco, bu faajiva miyaminaaco, bu faacuumiva miyaminaaco icano ijíbeguequi. ⁷ Jaabo sefano nuuhi: Moocaanico mihiguimoro diiboco mihimo. Miíro jino tufucu gasecuuhi iimitíhalliti jiinijeminaaco idaasuno omoonijifucu. Jaaneguiiha niquejeque, bu jiinijeque, bu muuaiñooco, bu pisirigañooco icano ifiivusuuboco mihimo, nooboro.

⁸ Jaanobuunati bu sifi saauhi jilli nooboro: Acutucuuno, acutucuuno sihidí ejeevacuumi Babilonia cuumi paryí jiinijeminaaco ihajevari iguriicavusumaño, nooboro.

⁹ Jaanobuunati niinoobo saauhi sefano jilli nooboro: Oono iñihicuuboco, bu ihijíco icano, imomoro ihoovotaco ihuseví, bu ihimecuví icano ificuusumoco ¹⁰ Moocaani iñhicuno mooniji. Jaamo idaasuno moonicafeteji cíjigai azufrema iicaneri Moocaani toomominaa imefeenevi, bu Corderobadi iicaabo imefeenevi icano. ¹¹ Jaano diitoco idaasuno omoonino aimuufai icaji fahíjjívaro ufucuro finíratino fucuhachuta, cuujehachuta icano jaguisisuratino diito iñihicuuboco, bu ihijíco icano acahacisumoco, bu imomo oovoco agaayicímoco icano. ¹² Jillí iicaneguiiha Moocaanita iicacuumo, diibo atajíbanoco omoonimo, bu Jesuco jeevesutimo iicamo icano jaabícima iicaqui.

¹³ Jaanaa guubuuhi niquejefañotí: Jinooco caatini, noonoro uco unuunoco: Jisumítí imicani icajimo Aivojíbo Cristo imiyaavogomo iguijeveme. Jíhi tollí, noobo Moocaani Gaija: idudicamaajetí jaguisijimo, bu imino omoonihicanotí gaajaveechujimo icano.

Basuta Ujusicunoco Mihicinicibadi Moocaani Niinofucu Naniji Iimifimoco Imino Imooniqui, Jaanotí Iimitifimoco Imitino Imooniqui Icano.

¹⁴ Jaadí emeeciubo atyimeuhi aimuufai seseeneque. Jaanohalliri giciniubo saafi miyaminaafi seemenebadí jeevaabo. Jaabo ichaahimiga oroogaco inigaihallívi javuciniuhí, bu meeyuhu siijeyahuco gaayiciniuboco. ¹⁵ Jaanaa templojafañotí saafi Moocaani toomominaafi inuuhi. Jaaboro sefano nuuhi oono aimuufaihalliri igiciniuboco: Dimeeyuhuri quiticíbo basuta noovataco diicícu tufucu mihicacuuhi. Jino jiinje basuta noova tifacuuhi, nooboro.

¹⁶ Jaaneguiiha aimuufaihalliri igiciniubo imeeeyuhuco jiinijehallidi iguiyiciuboro jiinje basuta noovataco icíuhí.

¹⁷ Jaanobuunati bu sifi Moocaani toomominaafi inuuhi niquejefaño iicaja templojafañoti, tolliro bu ihusefaño siijevahu meeyuhu icahuma.

¹⁸ Jaanaaca bu sifi Moocaani toomominaafi Moocaani jecivobujejaagoti saauhi ciijigaihallivi mityama iicaabo. Jaaboro imeeyuhu siijevahuma iicauboco sefano nuuhi: Disijeva meeyuhuri quiticiibo diici jiinje baacuco oono icivucuunoco, nooboro.

¹⁹ Jaanegui diiboimeeyuhujiinijehallidi iguiiyiciuboro icuhi jiinje baacuco. Jaaboro ajashutiba Moocaani sifira nitibafaño gañiihi imahamicafetequi. ²⁰ Jaanoco cuumiti buhigovi mahamicafutuuhu. Jaano initibafañotitijohoku ucuuno trescientos kilometrohachuta ifutuuhu fahigovavi, bu ifaicuva ifutuuhu caballomi ujulleecinimo iijihachuta icano. Miyaminaa tijohoeeneejiruno baacutofaihuviro oovicicafutuuhu.

15

Niino Imiti Iicajino.

¹ Jaadi bu siino atyimeuhi niquejefaño ifuvusuuno jabafiranoco. Jaanou sahuse juugahuseti miimisiici idino Moocaani toomominaa iticovoocivi niino idasuno omoonijinoma iicaumo. Jaamo imivusuhi Moocaani sifirataco.

² Tolliro bu atyimeuhi muuai vidriobadi jeevano ciijigaima icano foovono sinaagonovi ifuvusunoco. Jaanojiniri julleecinimo Moocaani aaciuno iharpanoma johono iñihicuuboco, bu ihijico icano iguiinoniumoro, bu diibo momo oovotaco agaayiciutimo.

³ Jaamo masivahicauhi Moocaani jecivominaafi Moise masijico, bu Corderobadi iicaabo masijico icano jillinoomoro:

Aivo ajashutino, olli jeevatino paryi ijoho edeetavono Aivojiibo Moocaani sihidi imityaabo. Jaano diica aivo tiquevehi, bu aivo miyaano icano, ijoho jiinje miyaminaa Aivojiibo idiicaabo.

⁴ Mijohbu ico, Aivojiibo, iñihicugotimo icajirahi? Paryi famooro ico cahacisuji. Miilo ijoho idiboro imihinivatibo. Jaamaño fanoojiinje miyaminaa asaamoro ico imeji, aivo ijoho imino omoonino aatyimecafotomaño, noomoro.

⁵ Jaanobuunati emeeciubo atyimeuhi niquejefañoti temploja iimimañoma iicauja afayacafutuunoco. Tomañovi tajiba guisibabujecico ificuhicaumaño. ⁶ Jaamaño iimimañoti inuumo diito sahuse juugahuseti miimisiici idimo Moocaani toomominaa Moocaani idasuno omoonijinoma iticovoocivi iicaumo. Jaamo imichehuje, aricuchehuwe, mihinivatichehufaño jicinimo. Jaamo oro niivigaimeheneri ifeeyijenehallidi siyyijicinihu. ⁷ Jaamoco igueenemehejedimo iicaumoti saafi acihi iiticovoocivi oro guirihillunoco. Jaanofaño Moocaani fahijivaro iicaabo sifira gahaficinina. ⁸ Jaasumiro iimimañonoomaño aimuufairi gahafuhi Moocaani sihidi ejeevano, bu mityat icano asaauno. Jahigo miñhaiñooba jicafutuujitirahi oono sahuse juugahuseti miimisiici icano iicaumo Moocaani toomominaa iticovoocivi Moocaani idasuno omoonijinoco asatyumo toonoco omooniumo imivuutinohachuta.

16

Moocaani Sifira Guirihilluno Aamitaditi Ijibogono.

¹ Jaanaa guubuuhi templojafaño iicano iimimañotí Moocaani toomominaa sahuse juugahuseti miimisiici idíno iicaumoco sefano unuunoco: Mooomoro jiinijehalliví mutucaruto toono sihidí ejeevano Moocaani sifiira iguirihillunofaño iicanoco, noonoro.

² Jaaneguiha diitoti saafi ticoniuhi jiinijehalliví iguirihillufaño iicaunoco utucaruubo. Jaaneri paryí miyaminaa oono ñíhicutuubo oovotaco agaayiciumoco, bu ihijico iimumumoco icano fiivuuno idicuno ciñisino sihidí aivonoono.

³ Jaanaa allivioobo bu iguirihillufaño iicaunoco muuaiñofaño tucaruuhi. Jaaneri inifaihuno chuumuhu tiijohobadi minifutuuhi. Jaaneri paryí tumuuajefaño iicaumo chuumuuhi.

⁴ Jaanaa allivioobo bu iguirihillufaño iicaunoco teehinohalliví, pisiri-gañohalliví icano tucaruuhi. Jaaneri inifaihuno tiijohotí minifutuuhi.

⁵ Jaanaa guubuuhi diiboro unuunoco: Aivojíbo Moocaani, ijoho aivo imino omooniíibo, idiimiibo icano. Jaabo idiicaabo, bu idiicaabo icano. ⁶ Miíro diito ijdiro iicaumoco, bu dijibogoco ihiimaauumoco icano itijohoco agañíumoro gujeniuhi. Jaamaño ijoho jisumi diitoco tiijohoco diisuhı tollı diito imogomaño, nooboro.

⁷ Jaanaaca bu guubuuhi saafi Moocaani jecivobuje iicauhigotí unuunoco: Jii, Aivojíbo Moocaani sihidí mityama idiicaabo, miyaanohalliti imino moonihi, nooboro.

⁸ Jaanaa allivioobo bu iguirihillufaño iicaunoco níhibahalliví tucaruuhi. Jaaboro inihibaco mityaco aciubo miyaminaaco ihaiguucuri ijigasuqui. ⁹ Jaaneri paryí miyaminaaco ñíhicutuuno jegasuubo. Jaaruno-faño iimitico jeevesutimo, bu Moocaanico imuutimo icano; jilliro dibediti idicunoono iimaauamo toono ñíhicutuunoono imithalliví mityama iicaubediti.

¹⁰ Jaano allivioobo iguirihillufaño iicaunoco oono ñíhicutuubo aivoji icagahalliví tucaruuhi. Jaaneri diibo aivoji jiinje cívonoguiino minifutuuhi. Jaanaa miyaminaa aaivovomoro cuhufono imicicífotomoro majaabiciñicibadiro diito inehejebanoco jímicamaaihicaudi. ¹¹ Jaarumo iimitico jeevesutimo omonimoro Moocaani níquejefaño iicaabediti imitinoono iimaauhi ciñisiino, bu aivono icano halliti.

¹² Jaano allivioobo bu iguirihillufaño iicaunoco sihidí ejeevamuui Eufrate onoomuuiafaño tucaruuhi. Jaaneri tumuuai fiigatyuuhi jiíhaiti iminfetequi tojiri aamijiijaagotí jiinje aivojito isaaqui.

¹³ Jaadi atyimeuhi dragon ijifañotí, bu ñíhicutuubo ijifañotí, bu jihovo iimaaminaafi ijifañotí icano inuumoco, miimisiici, saafi idíimova iimitino gaijamí jacucugamibadi jeevamoco. ¹⁴ Jaamo diitou iji gaijamí sihidí ejeevanehejeque omooniíicaumo, bu jiinjeminaa aivojítoco iigaiyiíctuumo Moocaani sihidí ejeevaaboma ihamocasiqui. ¹⁵ Jaanegui mehesicini uujoho gaajaciratino saaji nanivaminaafi asaanicibadi. Imicani icajíibo ifico imino imibachuubo gaachehuco imibachunicibadi. Jaabo icigatiíbo iicanicibadi teemejiibo. Jaabo nucufeguecujitíbo sicaiibo iicaabo iicanicibadi. ¹⁶ Jaamo diito imitino gaijamí aivojítoco igaiyiíciuhí hebreomi iijiri Armagedon onoomaño.

¹⁷ Jaanobuunati niinoobo iguirihillufaño iicaunoco tucaruuhi scaisituvi. Jaanaa níquejefaño iicaja iimimañotí Moocaani aivoji icagati sefano unuuno guubuvusuuhí: Fine imivocafutucuuno, noonoro.

¹⁸ Jaasumiro sihidi namebauno, bu jiinije ñihicuno guubuvusuuhı, bu sihidi sisiimi icaushi icano. Jaaneri sihidi sefano jiinije maryibauhi jiinjehalliri miyaminaa iicanoti amaryibahicauno janaanicivi. ¹⁹ Jaaneri sihidi ejeevacuumi dujavavuuhifeenedi minooci, sano idıino. Tolliro bu jiinije miyaminaa cuumino callajanamaauihi icano. Jaadi bu Moocaani sihidi ejeevacuumi Babilonia cuumiti esafutuuhı. Tuucuumico isifirafaihuco ifayisusqui tuucuumijaago isifiratuuboro agalluufaihuco. ²⁰ Jaaneri bu ifachugaiño, bu ifabaino icano buuhicauno. ²¹ Tolliro bu miyaminaahalliri niquejefanotı guisibanobadi ejeevano aifuuhı. Jaanaa saba boci cuarenta kilodino icaushi. Jaanohalliti miyaminaa Moocaanico: Imitinoono, nuuhi jihishitineri diitoco idaasuno omooniunohalliti.

17

Sihidi Ejeevano Ajevaminaagoco Ahaamino.

¹ Jaanaa tajaago saaubo oono Moocaani toomominaa sifira guirihillunoma iicaumoti saafi. Jaaboro uco nuuhi: Juu disaa, ico ifusuqui oono sihidi ejeevano ajevaminaago muuaiñohalliri igicinigoco ahaaminoco, nooboro. ² Miıro jiinijeminaa aivojito diigoma imitino icahicali. Jaaneri jiinjehalliri iicamo diigo ajevafaihuri guiriicavehicali.

³ Jaanobuunati Moocaani Gaija uco ifusuunofañodi Moocaani toomominaafi uco sicaihigovi satyuuhı. Jahigo atyimeuhi gaigooco ñihicuubo tifaibohalliri gicinigoco. Jaabo ñihicuubohallı sihidi caatiniciniuno Moacaaniditi idicuno onooneheje, bu jaabo nigaino sahuse juugahuseti miyici idıino, bu fahuseecidino iinicuno icano. ⁴ Jaago diigo diibohalliri igiciniugo jiciniuhı tifaihiba iicachehuri, bu atyivachehhuco icano. Jaago imibaiquimaaiciniuhı orori, bu iminoono guisinyineri, bu perlari icano. Jaago gaayiciniuhı oro guirihilluco idicuneneri, bu ihajeva idicuri icano gatyuuci icahilluco. ⁵ Jaago imecuri caatiniciniuno itihıino momo: Sihidi ejeevano Babilonia cuumi ajevaminaa seeji, bu paryi jiinjehalliri iicano idicunoono seeji icano, onoono. ⁶ Jaadı uujoho gaajaciuhı diigo Moocaanita iicamo tijejeri, bu Jesu miyaabo iicanoco ijibeguehicaumo tijejeri icano imo imo iicagoro guiriicavocinigoco. Jaanoco aatyimeuboro sihidi jabafituuhi.

⁷ Jaanoguiha Moocaani toomominaafi uco nuuhi: ¿Collahi daabafitehi? Ico uujoho gaajasuji oono itihıino diigoco adaatyimene milli eneejirunoco, bu ñihicuubo sahuse juugahuseti miyici idıino, bu fahuseeci iinicuno iicaabo diigoco ifiiseebeti icano. ⁸ Diibo ñihicuuboco adaatyimeebe johono iicahinibbo. Jaaruubo jisumi chahacuhi. Jaaruubo siino ñihicuhojifañoti saajiibo ifinicujihigovi efeejino imegavi. Jaaneri jiinjehalliri iicamo jiinije ifiivuunotiro fivohaamefaño imomono achahamo sihidiro jabafiteji oono ñihicuubo iicahinibbo, achahacuubo, siino asaadi.

⁹ Jimañeri onoonoco gaajama iicamo gaajaji: Miıro oono inigaino, sahuse juugahuseti mibaici idıino ifabaino iicanoco eneejiruno: Tobajehalliri diigo igicinibajediti. ¹⁰ Jaayijere bu sahuse juugahuseti miimisiici idıino aivojito iicamediti eneejiruno. Jaamoti sahusedimo finicuuhi. Jaanoti saafi jino icahi. Jaanoti saafhiicä gasetihı. Jaaruubo agasedi gueenene icajitihı. ¹¹ Jaabo oono ñihicuubo iicahinibbo, achahacuubo diitobuunati asaajiibo aivojiboti iicaqui. Jaaboma

ochodimo minifetejimo. Jaabo bu diito sahuse juugahuseti miimisiici idiino iicaumooboro. Jaadi feejiibo ifinicujihigovi.

¹² Jaanoti bu fahuseecidino iinicunoco adaatyimene fahuseecidimo aivojito iicajimoco onono. Jaamo tajibatihica. Jaarumo sano nihiba oovoti aivoji ijico gaayicijimo sano oono iñihicuboma. ¹³ Jaamo diito aivojito sabadi ihimaamoro imitya, bu ihaivoji icanoco oono iñihicuboco acijimo. ¹⁴ Jaamoro Corderobadi iicaaboma amocasijimo. Jaarumoco Corderobadi iicaaboo guinoniji, miro diibo aivojito Aivojibo, bu tajibaminaa Tajiibaminaafi icano iicamaño. Jaaboma iicamoco Moocaani ocoovauboro iciuhi. Jaamo diiboco jeevesutimo icahi, nooboro.

¹⁵ Jaadi bu siino uco nuubo: Johono muuaiñoooco ajevaminaago tu-muuaijehalliri gicinigoco adatyimemuuaije oono cuumino miyaminaa, bu fanoohiji miyaminaa, bu jiinijeminaa icano. ¹⁶ Jaabadiro bu oono iñihicububo nigainohallivi fahuseecidino iinicunoco adaatyimene ajevaminagoco ijihevenere sicaiigoco jeevesujimo, bu tolliro diigo uucunoco uduumoro diigoco cijigaifaño jegasujimo icano. ¹⁷ Miro Moocaani diito jeebifaño ficuji diibo iimogobadi diito imooniqui. Jaamaño sabadiro ihimaamoro ihaivoji ijico iñihicuboco acijimo Moocaani unuuno imivocafotonohachuta. ¹⁸ Jaanoti bu gaigooco adaatyimene oono sihidí ejeevacuumi jiinije miyaminaa aivojítoco atajibahicacuumiti onono, nooboro.

18

Babilonia Cuumi Ifinijino.

¹ Jaanobuunati atyimeuhi Moocaani toomominaafi sihidí mityama icaabo niquejefañotí iniituuunoco. Jaabo seseene jiinijequ achiciuhi iharicuri. ² Jaabo sefano nuuhi: Acutucuuno, acutucuuno sihidí ejeevacuumi Babilonia cuumi ijimi ijanotiro fiivutucuuno, bu fanoohimiti gaijamí ijanorucu, bu faaboho jooi agahafomo iedicufimo, bu ijihechufimo icamo ijanurucu icano. ³ Miro paryi jiinijeminaa tuucuumi ajevafaño imo imo icahicahi, bu jiinijeminaa aivojito diigoma ihajevari imitineheje icahicahi, bu jiinije naajeminaa tuucuumi imiti naajeteque omoonimoro sihidiro nihibamivahicahi icano, nooboro.

⁴ Jaadi siino guubuuhi niquejefañotí unuunoco: Amiihai tatya mihicamo tuucuumiti mihiino tuucuumi imitifañodi mihicadino, bu tuucumico idaasuno omoonijino amihaivi ifetedino. ⁵ Miro tuucuumi imiti ajashutino jiinjeti niquejevi ifutucuuh. Jaaneri Moocaani diigo imitico esafutucuuh. ⁶ Jaanegui diigoco mahaci oono saatohoco diigo aacihicabadiro buuna. Bu diigoco majaadu oono diigo omooniuno allinoocivi. Bu oono diigo sitaaco iimitino eheetavehicano janaanicivi meheetavo diiguedi. ⁷ Sihidiro aivono, idaasuno icano diigoco momooni oono diigo sihidí mitya icahicagoro, sihidí imitico iimogogoro omoonihicano ticovovi icano. Miro diigo ijeebifañodi neehicahi: Jino uujojo aivojigobadi icahi, bu uujojo fibajijo iicatimaño idaasuno icajithi, noogoro. ⁸ Jaamaño safucudiro diigoco idaasuno omoonijino ihallivi gaseji: guijkeve, bu idasu, bu ajeba, bu cijigairi jegasucafetejigo icano. Miro jishitiibo Moocaani diigohallivi jilli neehi.

⁹ Jaaneri jiinijeminaa aivojito diigoma iicahicamo, bu imitico sihidi iimeguehicamo icano ataacasimoro sihidi diigueri idaasuveji digo ijigano aimuufaico aatyimemere. ¹⁰ Jaamoro diigoco idaasuno omoonino nihicuti tehesino iicahigoti neejimo: ¡Ayi! Idaasucani diicahi, ijoho Babilonia cuumi iguiraacuumi, sihidi edeevacuumi. Dihalliv i sano goovanogayi ico idaasuno omoonino gasehi, noomoro.

¹¹ Bu tolliro jiinje naajeminaa tuucuumico iidaasuvomoro taacasiji diito inaajeteque isivanoco mihiñoba anaajecuujitineri. ¹² Jaano diito naajetene: oroneheje, plataneheje, bu oovosiino guiisiyineheje, perlaneheje, bu iiminoono gaachehuboogano, sedaboogano, aatyivaneheje, bu tifaihibi iicaneheje icano, bu tolliro fanoova imohono afacicinoono, bu marfilneheje, bu iimino imohono, bu brponceheje, jigañoneheje, bu ucuuhufono guiisibano marmol onooneheje, ¹³ bu canelaneheje naajete, bu afacicinoono, maaniguijino, mirraneheje, facicifaihuno, vinofaihuno, diiribano, bu harinaguijino, bu ñaavaneheje, bu tolliro asiminaajeteneheje, ovejami, caballomi, bu carro, bu miyaminaa jiovotehejeque icano. ¹⁴ Jaamoro tuucuumico neejimo: Ijoho sihidi idimeguehicano chahacuhi, bu fahijivarо chahacuujino sihidi dibusumije, dihovosineheje icano, noomoro.

¹⁵ Paryi jinehejeque tuucuumico anaajemere sihidi nihibamivahicamo tehesinotiro iicajimo tuucuumico idaasuno omoonino nihicuti, ihidaasuri ataamoro neeji: ¹⁶ ¡Ayi! Idaasucani sihidi ejeevacuumi icahi. Miir gaigo imichehujefaño, itifaihibi iicachehujefaño, aatyivachehujefaño icano jiçinigo, bu orori, imino guiisiyineri, perlari icano imibachucinigobadi jeevauhi. ¹⁷ Jaano ajashutino busumije milli goovanogayi finihi, noomoro.

Jaabadiro bu paryi ciijigaimenene aivojito bu togajeri iigomo, bu togaje dudicamaajeminaa, bu paryi muuaiñofaño ududicamaaimeheje icano tehesinoro julleecamaajiji. ¹⁸ Jaamoro tuucuumi ijigano aimuufaico aatyimene idaasuri coovadiivejimo: ¿Cuucumi aivo jiicuumi ivibadi iicacuumi chahahi? noomoro ¹⁹ inigainohalliv ijininoco gavaracuuji iidaasuvomoro, taacasimoro gaibacasiji: ¡Ayi! Idaasucani sihidi ejeevacuumi icahi. Miir tuucuumi busumijeri paryi muuaifaño iciijigaimenenema iicamo sihidi nihibamivahicahi. Jaacuumi milli goovanogayi finihi, noomoro.

²⁰ Jaarunofaño amiihai niquejefaño iicamo tuucuumico mihimoba, bu amiihai Moocaani minisuminaa bu mihimoba, bu paryi Moocaani iijico mijibeguehicamo, bu diibota mihicamo icano. Miir tuucuumico tolli omoonineri amiihaiñ jaadaco Moocaani icihi, nooboro.

²¹ Jaanaaca Moocaani toomominaafi sihidi jeevaabo guiisibatyigabaco gañiñiciuhi machuta cahasutaguisibatyigababadi iicabaco. Jaaboro muuaifaño gañiñuhi, jilli nooboro: Jilli gañiñcafetejicuumi baavi sihidi ejeevacuumi Babilonia cuumi. Jaacuumi siino ufucuro atyimeracujitihu. ²² Bu ufucuro dijiihaiñofaño arpa, bu siru, miriicuno icano guubuvusucuujitihu, bu fanooodudicamaajeminaa, bu machutaaco acahasuno guubuvusucuujitihu icano, ²³ bu ico achicinihicano ciijigaimecuno ifuvusucuujitihu, bu ufucuro iivi guubuvusucuujitino taabava jiibaimo masino icano, dinaajeminaa sihidi ejeevamo paryi jiinje miyaminaaco dihaphichuneru abañihicaumaño.

²⁴ Miiro tuucuumifaño Moocaani ijico ijibeguehicaumo tijohoco agañiuno atyimecafetehi, bu tolliro Moocaanita iicamo tijoho, bu paryi jiinjehallivi agaicaauhicamo tijoho icano, nooboro.

19

¹ Jaanobuunati niquejefañoti sefano sihidi miyaminaa unuunoco guubuuhi:

¡Aleluya! Itaajasu, iimi, imitya icano paryi Moocaanino. ² Miiro diibo imino miyaanoro emeeciiboro dugaacufihi. Miiro sihidi ejeevano ajevaminaago jiinjeminaaco ihajevari imihininigoco, toono jaadaco acicuubo. Ijeecivominaa tijohoco agañiuno jaadaco icicuubo, noomoro.

³ Jaadi siino sefano nuumo: ¡Aleluya! Diigoco ijigasuno aimuufai suufenitino aimuji, noomoro.

⁴ Jaadi bu veinticuatrodimo quillahuto iicamo, bu igueenemehejedimo iicamo icano jiinjehallivi ajavucamaaimoroo Moocaani ihaivoji icagahalliri iicaaboco imuumoroo neehicauhi: ¡Fine! ¡Aleluya! noomoro.

⁵ Jaanaaca Moocaani aivoji icagajaagoti unuunoco guubuuhi: Moocaanico mihimo paryi amiihai diibo jeeecivominaa, diiboco mihiguimo mequehefimo, bu munumefimo icano, noomoro.

Corderobadi Iicaabo Jibaimo Iicajino.

⁶ Tolliro guubuuhi sihidi miyaminaa ihiimaabadi iicano, sefano guubuvusuuhii guisino uguubuvusunicibadi iicano, bu sefano sisiimi igiiriribanicibadi icano, jilli neehicauhi:

¡Aleluya! Aivojiboo Moocaani sihidi mityama iicaabo atajibacumaño.

⁷ Masii imono mihicamoro imo imo miicaqui. Jaamoro diiboco macahacisuqui. Miiro jino Corderobadi iicaabo taabava jibaimo iicajino gasecuuhii, bu mogai iicajigo imibaivucuuhi.

⁸ Jaagoco imino gaachehu, mihinivatichehu, aricuchehufaño jihacucuumo, noonoro.

Jaano toono iimichehufaño ijihacuno onoono Moocaanita iicamo mihinivatimo iicanoco enejiruno.

⁹ Jaadi uco Moocaani tomominaafi nuubi: Jinooco bu caatini: Imicani icajimo Corderobadi iicaabo taabava jibaimojaagovi ucuuhuvamo, nooboro.

Jaadi bu uco siino nuubo: Jino Moocaani iiji aivo myaano iicano, nooboro.

¹⁰ Jaanegui uuoho diiboguiino memuivuuhi diiboco imequi. Jaarunaa uco nuubo: Tollri moonidino uuoho, bu tolliro Moocaani jeeecivominaafi ijoho idiocabadiro, bu dinahabomi Jesu jibogoco suufenitimo ijibeguehicamobadiro icano. Jaanegui Moocaanicoro diimo, nooboro.

Miiro toono Jesu jibogoco ijibogomo Moocaani iimaa jibogominaa.

Esesene Caballohalliri Iicaabo.

¹¹ Jaadi atyimeuhi niqueje faayicinuunoco. Jaanofañoti inuubo seseebe caballo. Jaabohalliri iicaubo momou Abañitatiboo, Miyaabo icano. Jaabo imino atajibahicaaboro myaano iimitinoco iguiinoniqui minaaco eheetavefiibo. ¹² Jaabo aallihino cijigaiguuhunobadi jeevauhi, bu irigaihallivi sihidi chaahimiganoo icaahi, bu imomo caatinicinuhi. Jaamomoco idiboro diibo gaajauhi. ¹³ Bu jaabo tijohori jeesucinicheckufaño

jicinihuhi. Jaabo momou Moocaani Iimaa. ¹⁴ Jaabo dojicuti fuumo niqueje amocasiminaa imichehuje, mihinivatichehuje, sesechehuje-faño jicucucinimo. Jaamo bu tolliro seseefimo caballomihalliri icaumo.* ¹⁵ Jaabo ijifañoti siijevaga niisuga inoocinihuhi. Togari jiinijeminaaco iguiinoniqui. Jaaboro tajibajiibo jigaiñohiri iicanicibadi. Jaaboro aamijiibo oono baacufaihuco ihiciqui ithairi iquicunicibadi. Jaaboro diitoco Moocaani imityaaboo idaasuno mooniji. ¹⁶ Jaabo idihallivi igaachehuti caatiniciniuno aivojito Aivojiibo, bu tajibaminaa Aivojiibo icano onoomomo.

¹⁷ Jaadí bu atyimeuhi saafi Moocaani toomominaafi nihibahalliri julleeciniiboco. Jaabo sefano coovadiivuhi paryi joomi asimi niquejeguinodí agahafomoco: Masaa. Jaamoro mihibaivova ajashutino Moocaani machutajaagovi. ¹⁸ Jaamo aivojito uucunoco, amocasiminaa aivojito uucunoco, bu esefafimo uucunoco, bu caballomi uucunoco, bu diitohalliri iicahicamo uucunoco miyaamo uucunoco, bu jiovoto uucunoco bu unumefimo uucunoco, bu equehefimo uucunoco icano muduuva, nooboro.

¹⁹ Jaadí atyimeuhi iñihicuuboco, bu tolliro jiinijeminaa aivojito ihamocasiminaama igaivuumoro oono eseseene caballohalliri iicaaboma, bu diibo amocasiminaama icano imoonicasiqui asaumoco.

²⁰ Jaadí iñihicuuboco, bu jihovo iimaaminaafico icano sano agaayiciuboro sisiibo. Jaabo diibo jihovo iimaaminaafi iñihicuubo imegavi jabafiranehejeque omoonihicaubo. Tonehejefeedi diibo jihovo iimaaminaafico miyaminaaco bañihicauchi oono iñihicuubo oovotaco agaayiciumoco, bu jaamoro diibo ijico iiumumoco icano. Jaamisico gañiubo buheemisico cijigai jicooba azufrema ijigabafaño. ²¹ Jaanoti diitisi yoto gujenicafutuuhi oono eseseene caballohalliri iicaubo ijifañoti niisuga iinoocinugari. Jaamo uucuneri paryi añimi sihidiro tuvauhi.

20

Mil Año Ticovovi Imino Iicajino.

¹ Jaanobuunati atyimeuhi Moocaani toomominaafi ihusefaño iñihicuhoji llave, bu jigaiñehityigaba icanoma niquejefañoti niituuboco. ² Jaaboro dragonco agaayiciuboro tohiri sisihuhi. Jaaboco siicijeo jiinimo, iji, Satanás iicaaboco mil año ticovovi ficuubo. ³ Jaaboro diiboco iñihicuhojifaño agañiuboro ihallivi maaniniuhi. Jaaboro tuhuga imega igaajataco ficuhi siino miyaminaaco bañicuutiibo iicaqui mil año ticovovi. Jaadí mil año afatyonobuunati siino sinaayucafetejiibo. Jaaruubo gueenene icajitiibo.

⁴ Jaanobuunati atyimeuhi sihidí aivoji icagano iicanoco. Jaanohalliri gicinumo itajibaqui mityaco agaayiciumo. Tolliro bu atyimeuhi johono Moocaani ijjico Jesucristofañodi ijibeguehicaunohalliti inigainoco iquitiumo jeebiñoco. Jaamo diito iñihicuuboco, bu ihijico icano imuuthi. Tolliro bu diibo oovotaco ficusuutimo ihimecuti, bu ihuseti icano. Jaamo ubuheeteumoro Cristoma mil año ticovovi tajibauhi. ⁵ Jaano toono iticonio buheete iicajino. Jaanoti saatoho uchuumucuumo buheeteutihí. Jari toono mil año afatyonobuunati buheetejimo. ⁶ Imicani icamo

* **19:14** Griego ijiri noono: Jaaboro diitoco iisujiibo Moocaani imityaaboo sifiira aivofaihuco.

Moocaanidiro iicamo Jesu buheetebuunati iticonio buheetefañodi iica-jimo. Jaamohallivi allivio guijeve imityama chahaji, diitoco cijigaifaño agañiijirunoma. Jilliro ivi Moocaani Cristo iicamisi sacerdotemitiro icajimo. Jaamoro diiboma mil año ticovovi tajibajimo.

⁷ Jaano toono mil año afatyonobuunati Satanas siino sinaayucafeteji iñihicuhojifañoti. ⁸ Jaadi feejiibo paryi jiinijeminaaco ibañiqui. Jaaboro Magog cuumi, bu Gog cuumi icano iyotoma bañitejiibo. Jaaboro tuucumici amocasiminaa ajashutimo muuaiño jiinigaiyihaiñobadi iicamoco igaiyijiiboo minaaguiha. ⁹ Jaadi saajimo jiinijejinibacidi. Jaamoro Moocaanita iicacuumico, Moocaani agajicumico, Jerusale cuumico cabaacujimo. Jaarumohallivi Moocaani cijigaico agalluuno paryi diitoco jigasuji. ¹⁰ Jaanoti iji diitoco abañiuboco gañijiiboo cijigai azufrema ijigano jicoobafaño; oono iñihicuubo, bu jihovo iimaaminaafi icamisico agañiubafaño. Jahigo idaasuno avono moonicafetejimo fahijivarо cuujehachuta icano.

Sihidi Ejeevano Eseseene Aivoji Icaga.

¹¹ Jaadi atyimeuhi sihidi jeevano seseene aivoji icagaco, bu togahalliri igiciniuboco icano. Jaabo imfeenetí niqueje, jiinje icano sano finiuhi atyimeratino. Jaamaño diito iicaujirumaño atymerautihi. ¹² Jaadi atyimeuhi paryi iguijevehicaumo unumefiimo, bu equehefimo icano sahigo Moocaani imfeenevi julleecinimoco. Jaadi faayiciumo aameneque, tolliro bu sihaame fiivohaameque icano. Jaadi uchuumucuumo jaaducafutuuhi omoonihicaunoco toohaamejefaño iicaubadi. ¹³ Jaasumi iguijeveumo teehinofaño, bu muuaiñofaño icano buheeteuhi. Jaabadiro bu famooro iguijeveumo jeebiino buheeteuhi guijeveminaa iicahicaumañoti. Jaamoco paryi jaaducafutuuhi omoonihicaunehejeque emeeciiboro. ¹⁴ Jaadi guijeve, bu guijeveminaa iicahicaumaño icano gañicafutuuhi cijigai jicoobafaño. Jaaba toba cijigai jicooba allivio guijeve iicano. ¹⁵ Jahigo bu tolliro gañicafutuumo fiivo aamefaño imomono acaatinirautimo icano.

21

Bohono Niqueje, Bu Bohono Jiinje Icano.

¹ Jaanobuunati atyimeuhi bohono niquejeque, bu bohono jiinjeque icano. Miiro iticonio niqueje, bu iticonio jiinje icano ifinicuumano, bu tolliro muuaiño chahacuuhi icano. ² Uuoho Jua, atyimeuhi iimino cuumi, bohono Jerusale cuumi niquejefañoti Moocaani imfeenetí inituucumico. Jaacuumi imino imibachucinihi gaigo itajevaqui iimbaiquimaainicabadi. ³ Jaanaaca niquejefañoti sefano unuunoco gubuuhi: Meeci, jino Moocaani miyaminaafeeneri jisumi iicacuunoco. Jaabo diitoma icajibo. Jaanoti diiteji diibo cuumiminaa icano. Jaabo Moocaani diitoma icaji diito Caaniti iicaqui icano. ⁴ Jaamo taafirafai-hunoco Moocaani filluji. Jaadi siino guijeve chahacuji, bu taafira chahacuji, bu idaasuhiiica, bu aivehicano chahacuji, eedeene achacuujimaño, noonoro.

⁵ Jaanaaca ihaivoji icagahalliri igiciniubo nuuhi: Meeci, paryi uuoho bonehejeque eetavehi, nooboro.

Jaadi bu nuubo: Caatini, jino aivo miyahiji aivo miyaano iicano, nooboro. ⁶ Jaadi bu uco siino nuubo: Fine, imivocafutucuuno. Uuoho imegaobo, bu allivioobo icano, oono A, Z icano iicabadi iicaabo.

Jaabo uujoho adufirari iicaaboco pisirigai nifaihu fivoco aacifaihuti isuuji jaadusuratino. ⁷ Bu mityano iicamo paryi toonoco gaayiciji oono caani busumijeque illi agaayicinicibadi. Jaamo Caaniji uujoho. Jaanoti diiteji taseeme icano. ⁸ Jaanoti iñihicuguehicamoco, bu imiyaaveguehicatimoco, bu fanova imitminaaco, bu agaicaaufihicamoco, bu gai-goomima imitnoono iicahicamoco, bu apichunoco ihiimaahicamoco, bu jihovo caani ijimico ejecivehicamoco, bu paryi abañififihicamoco icano gañijimo ciijigaima azufre ijigano jicoobafaño. Jino allivio guijkeve iicajino, nooboro.

Bohono Jerusale Cuumi.

⁹ Jaanaaca Moocaani toomominaafi sahuse juugahuseti miimisiici idíimo niinoono Moocaani sifira guirihillunoma iicaumoti saafi tajaa asaauboro uco nuuhi: Juu disaa ico Corderobadi iicaabo taaba iicagoco ifusuqui, nooboro.

¹⁰ Jaano toono uco Moocaani Gaija ifusuunofaño atyimeuhi Moocaani toomominaafi uco caamovobai guiraabai nijequevi asatyuuboro ifusuuh iimino cuumi sihidi ejeevacuumi, Jerusale cuumi niquejefañotí Moocaani imfeenetí iniitucuumico. ¹¹ Jaacuumi seseene achiciniuhi Moocaani aricuri. Jaano iharicu ifuvusuuh iimino guisiba aricubadi, jaspe guisiba aricu imino oonogoonovi ifuvusunicibadi. ¹² Jaacuumihallidi cuhufono guisiri meegueciniuno ajashutino caamovono. Jaanoti icauno fahuseeci motihaiti mihugaaci idíino. Jaahugaje ticovovi Moocaani toomominaa saafisa icaahi, bu jaahugajehallivi Israel cuumino fahuseeci motihaiti miicuumici idíino iicacuumije momono caatiniciniuhi icano. ¹³ Jaano aamijinaagoocuumiti icauno mihugaaci, sahuga idíino, bu nijequenaagoocuumiti icauno mihugaaci, sahuga idíino, bu sanaago gaicujaati mihugaaci, sahuga idíino, bu sinaago gaicujaati mihugaaci, sahuga idíino icano. ¹⁴ Jaano tuucuumihallidi fahuseeci motihaiti miibaaci idíino guisibaneri eetavociniuhi. Jaanohallidi imeegueta icaahi. Jaabaajehallivi Corderobadi iicaabo minisuminaa momono caatiniciniuhi.

¹⁵ Jaabo Moocaani toomominaafi uuma ihimaahicaubo oro imelma icaubo tuucuumico iheevequi iguhuganoco, bu imeeguetaco icano.

¹⁶ Jaacuumi tehesi sanoodinoruu, bu icarecu, bu icaamovo icano sa-hachutaruu. Jaacuumico Moocaani toomominaafi ihimeiri uhuvu-uno aciuh, dos mil doscientos kilometrohachuta. Jaano itehesi, bu caamovi icaamovo, bu icarecu icano samañoviruu icano. ¹⁷ Jaadi bu imeeguetaco uhuvuuno icaamovo aciuh sesenta y cuatro metrodino miyaminaa oovoniciyomoneri Moocaani toomominaafi uhuvuuno.

¹⁸ Jaanaa imeegueta jaspe guisibaneri eetavociniuhi. Jaanoti ifaacu-umi boti orori nicuciniuhi. Jaano vidriobadi mihinivatino ifuvusuuh.

¹⁹ Jaanoti bu imeegueta tano guisibano fanova iminoono guisibaneri imibachuciniuhi: Iticoniooba jaspe guisibari imibachuciniuhi; jaano allivioba zafiro onoono guisibari imibachuciniuhi; jaano allivioba agata onoono guisibari imibachuciniuhi; jaano allivioba esmeralda guisibari imibachuciniuhi; ²⁰ Jaano allivioba onice guisibari imibachuciniuhi; jaano allivioba crisolito guisibari imibachuciniuhi; jaano allivioba berilo guisibari imibachuciniuhi; jaano allivioba topacio guisibari imibachuciniuhi;

jaano allivioba crisoprasa guisibari imibachucinihi; jaano allivioba jacinto guisibari imibachucinihi; bu niinooba amatista guisibari imibachucinihi icano. ²¹ Jaanoti iguhugano docedino iicanoo perlanorou. Jaahugaje iticovoocivi sano perlariro eetavocinihi. Jaanoti tuucumifeene jihai sano ororiro eetavocinihi, imino vidriobadi foovono onoogoonovi ifuvusuuhhi.

²² Jaacuumifaño templojaco atyimeutahi Aivojiibo Moocaani sihidí imityaaboo, bu Corderobadi iicaabo icamisico famañovaviro tuucuumifaño mejeciveji. ²³ Jahigo cuujeo nihiba, fucuo nihiba icano chahahi Moocaani inamecuri tuucuumico ahachicinimaño, bu Corderobadi iicaabo tuucuumico aachicinihi iicamaño icano. ²⁴ Jaacuumi seseefaañodi jiinijeminaa ataajasucafutuumo igueji. Bu jiinijeminaa aivojito tuucuumijaago imitya, iboci icanoco satyeji. ²⁵ Jaacuumi guhugano foboocirahicajitihhi tahigo fucu achahacujimaño. ²⁶ Jahigo jiinijeminaa imityaco, ibocico icanoco satyeji. ²⁷ Jaanoti imihinivanoba tahigo feejithi, bu iidicunoonoco, bu bañifiraco icanoco omoonihicamo tahfeejithi icano. Jaanoti naha idiomoro Corderobadi iicaabohaame fiivohaamefaño imomono acaatinicinimo feeji.

22

¹ Jaadi bu uco iifusuubo muuai imino inifaihu fiivoco aacimuuai. Jaamuuai nifaihu jaacuhhi cristalbadí ica. Moocaani, Corderobadi iicaabo iicamisi aivoji icagati iinoocinihi cuumifeenedi. ² Jaacuumi iicauji jihai imiyaji guiraaro tumuuajinicidiro ica. Jaanojinivi fiivo imohooci ica fanaagovaacijijinivi. Jaahooci facabavaviro ifanihibava ticotovivi noova ica fanihibavaviro. Jaahooci aamene jiinijeminaaco itaabuqui iicanoo. ³ Bu jahigo afajacaino chahaji. Tuucuumifaño Moocaani, Corderobadi iicaabo iicamisi aivoji icaga ica. Jaamisico ijecivominaa imehicaji. ⁴ Jaamo bu diiboco faño ihimeque atyimehicaji, bu diibo momo ihimecunotí icanoma icajimo icano. ⁵ Jahigo fucu chahaji. Jaamaño tuucuumifaño iicamo siino seseeque esucuujitihhi cijigaimecuno seseeque, bu nihiba seseeque icanoo esucuujitihhi Aivojiibo Moocaani diitoco ahachicinimaño. Jahigo diito fahijivaro aivojítoti ica.

Jesucristo Asaajino Fiiticuuhi.

⁶ Jaadi bu uco siino Moocaani toomominaafi nuuhi: Jino aivo miyahiji. Jaanoco aivo mimiyaavogo. Diiboro Aivojiibo Moocaani ihiimaaminaaco, Igaijaco aacifiibo itoomominaafico jino galluuhhi ijecivominaafico ihifusuqui goovano iicajinehejeque.

⁷ Uujoho goovajino asaano, noobo Jesu. Imicani ica jiihaamefaño Moocaani jibogo acaatinicinimo onoobadi omooniibo, nooboro.

⁸ Jaabo uujoho Jua jinehejeque guubuuhhi, atyimeuhi icano. Jaadi diibo Moocaani toomominaafi tonehejeque uco iifusuuboguino memuiivuuhhi diiboco imeequi. ⁹ Jaarunofaño uco nuubo: Tollimoonidino. Miijo uujoho Moocaani jeecivominaafi iibadiro, bu oono dinahabomi Moocaani ijjico iibeguehicamobadi, bu paryi oono jihamefaño acaatinicinoco imiyaaveguehicamobadi icano. Jaanegui Moocaanicoro dihimo, nooboro.

¹⁰ Tolliro bu uco nuubo: Jino Moocaani jibogo jihamefaño acaatinicinoco toovono ficuudino. Miijo fiiticuujino toneheje iicanoo.

¹¹ Jaanegui jaafa iimitiiboo iimitico mooniiboro icahi. Jaanoti bu iidicuubo jaafa ihidicuunoco mooniiboro icahi. Jaanoti bu iimiiboo jaafa iiminoco mooniiboro icahi. Jaanoti bu Moocaanidiro iicaabo diiboco jeevesutiiiboo iicaqui.

¹² Jiihi goovajino asaano, noobo Jesu. Jaabo uujoho sivaji paryi omoonihicaneheje jaadaco diitoco aacioui. ¹³ Jaabo uujoho imegaoboo, bu allivioobo icano, bu iticonioboo, bu nijequoobo oono A, Z icano iicabadi iicaabo, nooboro.

¹⁴ Imicani icamo imifiutiimoco iimitusucuumo fiivoco aacino imohotii machuqui, bu iguhugari tuucuumifaño ijicafetequi icano. ¹⁵ Jaanoti iidicuifimo, bu apichuco ihiimaahicamo, bu gaigooma imitinoono iicafifimo, bu sitaaco agaicaaufifimo, bu jihovo ijimico ejecivefimo, bu paryi famooro bañifiraco iimogomoro omooniifimo icano buhigoro icaji.

¹⁶ Jaabo uujoho Jesu tatyoominaafico galluuhi paryi jinehejeque Moocaani iijanominaaco ijibeguequi. Jaabo uujoho David tyadimiha tanoobo, bu iyaachimihaioobo icano. Bu tolliro uujoho aaricuubo cuujetavio meecirigaibadi jeevahi, nooboro.

¹⁷ Jilli Moocaani Gaija, bu Corderobadi iicaabo taaba icano neehi: Disaa.

Bu jaanoco muguubumo monoo: Disaa.

Bu adufirari mihicamo, mahadunoco mihimogomo masaamoro maha duva. Jino ifinijitino fiivoco ticovono mahaciji jaadusuratino.

¹⁸ Jaabadiro bu jihaamefaño acaatinicinino Moocaani iijiico paryi ugubuhicamoco jino uujoho neehi: Cajaatyohacho jihaamefaño onoonehejeque janaanicci ucuubaryuhachiiji, bu diitohallivi Moocaani gal luuji isifiira idasuno omoonijinoco jihaamefaño eneehicacuunoco. ¹⁹ Jaabadiro bu saatoho jihaamefaño Moocaani iiji acaatinicininoti samañooco agañiihachiiji, diiboco fiivo imoho noovatati icitiibocoro imicuumifañoti gañiiji. Jihaamefaño fiivo imohohallidi, bu imicuumihallidi icano fone iimaacuuhi.

²⁰ Jinehejeque ijibogoobo jilli neehi: Jiihi goovajino asaano, nooboro.

Jiihi. Disaa, Aivojiboo Jesu!

²¹ Jaafa Mohaivojiboo Jesucristo paryi amiihaico imino moonihi. Fine.